

New Testament

Kitule Language

Kitule - Bible - New Testament

Matta	3	
Markus	69	
Luka	112	
Yowana	185	
Nangin Fandubim	207	
Romam	303	
1 Koronti	332	
2 Koronti	361	
Kalatiyam	380	
Afisam	391	
Filibiyam	402	
Kolosiyam	409	
1 Tassalonika	416	
2 Tassalonika	422	
1 Timoti	426	
2 Timoti	435	
Titus	441	
Filimon	445	
Yibraniyam	447	
Yakubu	469	
1 Bitire	477	
2 Bitire	485	
1 Yowana	490	
2 Yowana	498	
3 Yowana	499	
Yafuda	501	
Dwakam	504	

Kitule - Bible - New Testament

Matta

Matta 1

Kikuwang Yesuwang

(Luk 3:23-38)

- ¹Takida kikuwang Yesu Masiya, buke Dauda, wu n kin buke Yibrayime.
- ²Yibrayim a bju Yichaku, Yichaku a bju Yakubu, Yakubu a bju Yafuda n ti kebu kimu,
- ³Yafuda a bju Feresa n ti Sera, wu n nekɪn n Tamare. Farisa a bju Asruna Asruna a bju Arama,
- ⁴Arama a bju Aminadab, Aminadab a bju Nasun, Nasun a bju Salmuna,
- ⁵Salmuna a bju Bwas, wu n ne kin n Rahab Bwas a bju Obed, wu n ne kin n Rute, Wabida a bju Yesse,
- ⁶Yesse a bju Mai Dauda Dauda a bju Solomon wu n ne kin a no naye Wuriya.
- ⁷Solomon a bju Rabwam, Rabwam a bju Abusa, Abusa a bju Asa,
- ⁸Asa a bju Yawuchafa, Yawuchafa a bju Yoram, Yoram a bju Asariya,
- ⁹Asariya a bju Yotam, Yotam a bju Asa, Asa a bju Yisakiya
- ¹⁰Yisakiya a bju Mannasa, Mannasa a bju Amon, Amon a bju Yochiya.
- ¹¹Yochiya a bju Yekoniya n ti kebu kimu a kiswi nibu a wo chi a yikan tim Babilame.
- ¹²A kuteng kiku nibu a wo chi a yikan tim Babila, n Yekoniya a bju Chatila, Chatila a bju Sarubabel,
- ¹³Sarubabel a bju Abidu, Abidu a bju Aliyakim, Aliyakim a bju Asura.
- ¹⁴Asura a bju Saduka, Saduka a bju Akim, Akim a bju Aliyuda.
- ¹⁵Aliyuda a bju Aliyasar, Aliyasar a bju Matana, Matana a bju Yakubu,
- ¹⁶Yakubu a bju Yusufu kwarta Maryamu wu a bju Yesu wu nibu kiyal kinu ko Masiya.
- ¹⁷Tikalaniti kub chiri taana, chi a tatuwe diYibrayime a lanta Dauda, yinu tikalaniti kub chiri taana we diDauda a lanta woku chiyangu a Babilangu. We

woku chiyangu a Babilangu a lanta beku Yesu Masiyangu t̄kalaniti kub chiri taana t̄in.

Bibe Yesuwe

(Luk 2:1-7)

¹⁸Tiyangu bibe Yesu Masiya a fwengu, m Maryamu wu a bwa na Yusufu we, m Maryamu a ma lur didu a Fikim Kwamam, yo a tibu na kine.

¹⁹N Yusufu kwiye Maryamuwe ni wuyile, a kebu ka ni Maryamu dibwi we tibe nibe, a yo we nir kinu ka mari daan.

²⁰Yo n Yusufu we tikuran tite, naba ditumbire Tewuduwe a be kimine a dwakam ko, "Yusufu, buke Dauda, nwe du tayi we, dau Maryamu tiyang nayemo, dine luru a fur kininu didu a Fikim Kwaman.

²¹Maryamu ka bju bwe, m wang yo kimin dinu n Yesu, dine kin nang wu ka yu nibu kimu we kileti chiyu."

²²Titi kwang a fwe dine ke a ri chi n Tewuduwe a fwa a yii faku we ko,

²³"Dikan fwan ka ma lur, ka bju bwe, ka chakimin dinu ko n Yimanuwel." Kiyungdu ko, "N Kwama ware n ti chir."

²⁴Tiyangu n Yusufu a kaban we dumangu, a bunti chi naba ditumbire Tewuduwe a fwa, a dau Maryamu a kau nayeko.

²⁵Aya Yusufu a daangbuwe ware n ti kin, a lanta yo n kin a bju bweko. Yinu a yo kimin dinu n Yesu.

Matta 2

Siram nibu yingkim chi a twiye

¹A kuteng kiku a bju Yesu a bin Betilami didu a tim Yafudiya, we kidangu n Yiridu nang mai kichau matine. Bikam nibu yingkim chi a twiye a chire a bwa tware a be Wurchalima, a ma dibidu ko,

²"A bware Mai nibu Yafudam wu fwiye nibu a bibe? Dine nin kuwe kiswi ko we bwa tware, nin be nang sii kinu."

³Yo m Mai Yiridu a nwe yam bibe, nir kinu a tiren, a bwinbu nii we Wurchalima.

⁴Yinu n kin a mur bidum fansetiye n ti nibu yungku yilin Musantu, a bju chi finu niba bin Masiya.

⁵N chi a yi kin ko, "A bin Betilami didu a tim Yafudiya, nangkin faku a mwal ko,

⁶'M mun Betilami bin didu a tim Yafudan, m mun n ke bin ditirin we bibu ka ma matin Yafudatimu. Mai ka chiredu we dimune, wu ka kau naba tore nibu mime, ka nang chikiye Yisrela.' "

⁷N Yiridu a yale n̄ibu yinkim twiyemu i daan a swe ware n ti chi n chikun, a b̄iu chi k̄idangu n chi a kuun k̄iswiyangu.

⁸N k̄in a tum chi we Bet̄ilami ko, “Yat̄i tal miye yam bwe wumu yinang. Kat̄i ya biyilime, t̄ik̄ilawe be t̄ifwami, ke n ya, n sii k̄in t̄in.”

⁹Yo n chi a nwe yam maime, a yika t̄in. Yo a yak̄i yikadu we ware, k̄iswi n chi a no ku a tware, a fwetewe a kakku chiyang, n chi a nabu k̄iswi a lant̄i fi a b̄in bwe.

¹⁰Yo n chi a ku k̄iswiye, a ma furi mwen.

¹¹N chi a le lo, a ya bwe n ti nek̄in m Maryamu. N chi a sung a sii k̄in. Yinu a kwi kul̄in chinu, a ni k̄ilimang sinariyang n ti t̄inungri t̄iti fir̄firi t̄itu kiyalu ko luban n ti muri.

¹²Yo n chi a yak̄i k̄ila t̄im chime, a bunt̄i wuka ware d̄ine n Kwama a wu chim̄in k̄itele a dwakam ko a k̄iladu bwa a d̄iYiridu se we.

Yusufu n ti Maryamu a wul Masar

¹³Yo n̄ibu yingkim a yikane, wuka naba d̄itumbire Tewuduwe a mwa Yusufu a dwakam ko, “Kun, d̄au bwemo n ti ne k̄in, t̄iyika Masar yat̄i swe a bwako, ka lamint̄i yo mang yal chin ne, d̄ine m Mai Yiridu k̄ibaddu ka ch̄iu bwe.”

¹⁴N Yusufu a kun we kum wuko a d̄au bwe n ti ne k̄in a yikan Masar.

¹⁵N k̄in a swe we bwako a lamint̄i yo n Yiridu a bwange. T̄itu a fwe yiko ke a ri chi n Tewuduwe a fwa a yii fakubu ko, “N yale bwemi a Masar.”

Bwesim a bwaran a Bet̄ilami

¹⁶Yo n Yiridu a swaan ko n̄ibu yingkim a but̄i k̄ine, n̄ir k̄inu a kaiyan. D̄ine kifwiniye, n k̄in a na yilang ko n̄ibu a chiben bwesim b̄ibarimu a lam swati turabimu n ti b̄ibu a lambimu we Bet̄ilami n ti b̄ibu a k̄idire Bet̄ilamimu k̄ini kwang. N k̄in a bunt̄i chi n̄ibu yingku chi a twiyemu a fwa kim̄in we b̄ibe bwetu.

¹⁷Nang k̄iswi wu yam Faku n Yirmiya a ri m̄ine ko,

¹⁸“N nwe keme a Rama, wii furi k̄ilikili d̄idune. Rayila k̄ikii wii d̄ine bwesim kimu, A kebu wuka nii ka kire kim̄inu, d̄ine n chi a bwa.”

N Yusufu a k̄ila Nasaret

¹⁹A kuteng k̄iku n Yiridu a bwangu, naba d̄itumbire Tewuduwe a mwa Yusufu a dwakam we Masar ko,

²⁰“Kun, d̄au bwe ti nek̄in t̄iyika Yisrela, d̄ine n̄ibu k̄ibaddu ka ch̄iu Bwemu a bwaran.”

²¹Yinu a kun a d̄au loko a yika t̄im Yisrela.

²²Yinangu n k̄in a nwe ko n Arkilayu bwe Yiridu k̄ichau kula te k̄ine we mat̄in Yafudiya tangu, tayi a tau k̄in d̄ine bwe Yiridu. N Kwama a wu kim̄in k̄itele a dwakam, yinu n k̄in a twang a yika t̄im Kalili.

²³N k̄in a ya swe a d̄ikan b̄in d̄idu n̄ibu k̄iyalu ko Nas̄aret̄in, d̄ine ke a ri chi f̄aku Kwama a fwa ko, “Ka yal k̄inu ko naba Nas̄arete.”

Matta 3

Dimwar Yowana naba Batisma

(Mar 1:1-8; Luk 3:1-18; Yow 1:19-28)

¹We k̄idang kangu n Yowana naba Batisma a bek̄ima d̄imwar yam Kwamanu a d̄is̄ilachanḡin Yafudiya,

²ko, “T̄iwo k̄it̄im, d̄ine Yaa Kwama a mwatawe!”

³N k̄in nang wu n F̄aku Yichaya a fwaan yam feredi ko, “We d̄ich̄ilachanḡinu wuka nii k̄ima d̄iyal ko, ‘T̄ido Tewuduwe m̄in w̄are, ke n k̄in a yawe w̄are tibenit̄ure.’”

⁴N Yowana a do luke wu a ma k̄ini ri ta twalumiye. N k̄in a mu tar k̄inu k̄ini k̄ibiyang d̄ib̄alang. Chabtu kitu k̄ikwiti n ti mwe rwiye.

⁵N̄ibu Wurchalimamu n ti b̄ibu a yaa Yafudiya mi kwang n ti bale La Wurdune k̄irwaa bwa a d̄ik̄ine kutukutu.

⁶K̄iwo k̄it̄imu, n k̄in k̄ima chim̄int̄i batisma we La Wurdune.

⁷Yo n Yowana a ku n̄ibu Farisamu n ti n̄ibu Sadukiyamu k̄ibedu ka ma batisma, a yi chi ko, “N t̄in soti yi bwilaiyu, n wure a mwa ch̄in ko t̄iwul we k̄ifwini Kwama k̄ibede?”

⁸T̄ima nangang k̄iku ka yungdu t̄iwo k̄it̄imang.

⁹T̄idangdu we ti ta fwadu we yi chiyu ko Yibrayim n te ch̄ine. M̄in fwa chim̄inu n Kwama k̄ini da ka kuku kali, ka kau bwes̄im Yibrayim.

¹⁰K̄ik̄angu a tu a yo yii tw̄ane we k̄iyineng tiyange; Kanang k̄ik̄ile tiyang k̄iku a tubu chi tiyiliyange, ka k̄isedu, ka twidu a k̄irang.”

¹¹“M̄in ma chim̄in batisma k̄ini mwe, ke a yung t̄iwo k̄it̄im, aya wu k̄ibedu a kuteng mange, a la m̄in k̄ini d̄wiyentu. Kasi no k̄iwami kiyu mang lwebu mang tadu. N k̄in ka ma chim̄in batisma k̄ini F̄ik̄im Kwamam n ti k̄irang.

¹²Nii wu k̄ini kwef̄ira we f̄alang kangu, ka chaku k̄inuti chaam we tuitu, ka kur k̄inutiyu a b̄ine, ka yaa furitu n ti tuitu ka twidu a k̄irang k̄iku a ne dumedu dumeneng.”

N Yesu a ma Batisma

(Mar 1:9-11; Luk 3:21-22)

¹³We k̄iswi wuko n Yesu a kune we K̄alili, a ya bwana d̄iYowana we La Wurdune, fik̄imang batisma ko ke a ma k̄im̄in batisma.

¹⁴N Yowana a no kebu ka ma k̄im̄in batisma, a yi k̄in ko, “M̄ m̄in wu m̄in baddu mwang ma mi batisma, nang wu k̄ila mwang bedu mwi m ma m̄ina?”

¹⁵N Yesu a yi k̄in ko, “A kabi yiko k̄ik̄angu, d̄ine wu nang w̄are niing riin yile Kwama.” Yinu n Yowana a ke fal.

¹⁶Yo n Yesu a chire we mwe wu n k̄in a mang batisma, b̄inab̄ina dii a wuden, a ku F̄ik̄im Kwamamu k̄isuwedu we dii yinang k̄ik̄ube a be sung we d̄ik̄ine.

¹⁷Yinu ker a chire we dii ko, “Wu nang Bwe N̄ire mi, m m̄ilan, m̄in nwe tam̄ang k̄ini k̄in.”

Matta 4

Fakware a swe Yesu

(Mar 1:12-13; Luk 4:1-13)

¹F̄ik̄im Kwamamu a yikani k̄ini Yesu a d̄is̄ilachanḡin ko ke n Setan a swe k̄in.

²A kuteng k̄iku a d̄au dimwen diti wan taana, kum n ti kukongu, chun a bu k̄in.

³Fakware, naba sw̄ak̄ake, a be we d̄ik̄ine ko, “Ka mun nang Bwe Kwama, yi kali yiyu mwi a kau k̄idanne.”

⁴N Yesu a ke ko, “A mwal ko, ‘Chi k̄inii t̄ikuriye n ke kana chabtu. Aya ka nang d̄id̄ile d̄ik̄w̄al d̄idu k̄ichiredu a d̄iKwamane.’ ”

⁵Yinu n Setan a k̄ila yal Yesu, a yika Wurchalima, a fi a suu a la chi we Kan Kwama d̄iduna Wurchalimanu.

⁶A yi k̄in ko, “Ka mun nang Bwe Kwama, rii sutubu we t̄imu, d̄ine a mwal ko, ‘N K̄in ka yi n̄ibu t̄itumb̄iri k̄imu yam. Ka konu k̄ini f̄ali chi Ko ke ngaudu bewure.’ ”

⁷Yinu n Yesu a yit̄i k̄in ko, “A mwalmwale, a ne mwang swe Tewuduwe Kwama mo!”

⁸N Setan a k̄ila yal k̄in a d̄ikun d̄isw̄am̄in, fi a ya yunḡin k̄in yaati t̄it̄iniyu n ti dwiyen ch̄itu kwang.

⁹Yinu a yi k̄in ko, “Ka n sung, n siiye, mang n̄inu k̄ini kwang.”

¹⁰N Yesu a yi k̄in ko, “Setan, yika m̄in a fi! A mwal ko, ‘Dela Tewuduwe Kwama, sii k̄in k̄ikun!’ ”

¹¹Yinu n Setan a du k̄in. N̄ibu t̄itumb̄iri Kwamamu a be, a dela k̄in.

Yesu a mwe nangang kangu a K̄alili

(Mar 1:14-15; Luk 4:14-15)

¹²Yo n Yesu a nwe ko n Yowana a le d̄ib̄int̄ile, a kun a yika K̄alili.

¹³N kin a du Nasaret a kila Kafanawu wu a kitiku La wurdune, wu a kidire tim Chabulum n ti Nafitaliye.

¹⁴Ke a ri chi faku Yichaya a fwaatu ko,

¹⁵“Tinwei, nibu Chabulum n ti nibu Nafitalimu, n tin bibu ta da a ware la wurdunimu n ti kangu balang we kitiku Wurdunimu, n ti kuu Kalili bibu nibu n ke nibu Yafudam a dawemu.

¹⁶Nibu bibu a no swe a da kiliyemu, a ku yiikiku, Bibu a no swe a kiliye kiletiyemu, a ya yiikiku.”

¹⁷A mwetuwe kidang kangu, n Yesu kima dimwaru ko, “Tiwo kitimu, dine Yaa Kwama a mwatawe.”

Miyarimu n Yesu a mwe a yalimu

(Mar 1:16-20; Luk 5:1-11)

¹⁸Aya n Yesu kiyadu a kitiku la Kaliliyang, a ku kebu chi burau ki tau chingi, n Simun wu kiyalu ko m Bitir n ti keko n Andiriya. N chi kima dwakai chiyu a far didun dine n chi kitabachingiye.

¹⁹N Yesu a yal chi ko, “Tibumite, mang miya chiminu tanin yale nibu ka bumitinin.”

²⁰Binabina bikimu a kaibu kiswi a du kulin chinu, a bunti Yesu.

²¹Kidu fikoye, a ku bikam kebu chi burau, n Yakubu bwe Sabadi n ti keko n Yowana. N chi a fil kwambire mwe kido dwakai chiyu n ti te chi n Sabadi, n Yesu a yalti chi we fiko.

²²Binabina n chi a du te chi we kwambire mwe a bunti Yesu.

N Yesu a ma mayaku a betin burintu

(Luk 6:17-19)

²³N Yesu kibwalu we Kalili kiyadu we kambi muraku nibu Yafudamitu, kimwa yam bilim bibu a Yaa Kwamamu, kibera burin ti kwang n ti bibu bwiyu a limbimu.

²⁴Yam Yesumu a tiran we tim Suriyami kwang. Nibu a le kibe kiminedu kini nibu burinimu nabwen n ti bibu bwiyu a limbimu n ti nibu kinwe riyemu n ti nibu kifibti n ti bibu kikuli kimadimu n ti bingirmanimi kwang, a ya beku.

²⁵Kituu nibe nabwen a bunti kin we Kalili n ti Dikafoli, n ti Wurchalima n ti Yafudiya n ti timu a wuka kiswi la Wurdune.

Matta 5

Miyaku a bale kunne

(Mat 7:29)

¹Yo n Yesu a ku k̄ituu n̄ibe, a f̄il bale kunne a swe we, miyar̄im k̄imu a swe k̄imintuwe,

²a mwe k̄imiya chi m̄inu.

Delaku kijilang

(Luk 6:20-23)

³“N̄ibu delak̄im b̄ibu a yim k̄itaku chiyanḡimu, Yaa Kwama n wu chi.

⁴N̄ibu delak̄im, b̄ibu n̄itu chitu a kaiyan̄imu, n Kwama ka kire chi m̄inu.

⁵N̄ibu delak̄im b̄ibu a kukubu dutu chit̄imu, ka chau t̄it̄initu.

⁶N̄ibu delak̄im b̄ibu n̄itu chitu k̄ibaddu ka tum chi n Kwama k̄ibadde, n Kwama ka ri chim̄indi chib.

⁷N̄ibu delak̄im b̄ibu k̄inwe k̄ibunemu, n Kwama ka nwe k̄ibune chi t̄in.

⁸N̄ibu delak̄im b̄ibu n̄itu chiti w̄al̄ak, Nanḡk̄in, n chi ka ku Kwama.

⁹N̄ibu delak̄im b̄ibu k̄iyo kunkak̄imu ka yal chidu ko bwes̄im Kwama.

¹⁰N̄ibu delak̄im b̄ibu k̄inwe riye d̄ine yilemu Yaa Kwama n wu chi.

¹¹“N̄ibu delak̄im n t̄in b̄ibu n̄ibu k̄im̄ik̄i ch̄inu, k̄ifumach̄inu, k̄imwe chim̄in kasi no b̄ib̄ile k̄iduum t̄ikwanim d̄ine m̄in̄imu.

¹²T̄ima t̄im̄ilan k̄ini furi mwemwe d̄ine k̄it̄ime ch̄in wuduwe we bwa diye, d̄ine a lakanbu n ti kangu n chi a ma k̄ini f̄akubu feredimu.

Bum n ti yiiku

(Mar 9:50; Luk 14:34-35)

¹³“N t̄in nang bum t̄it̄inimu. Aya ka l̄imang bumangu a riye, yil̄ime ko ka k̄ilawedi yire? Bwa kake a ne chi ni madi k̄ine we, ka n ke ni fwalu a bwa, n̄ibu ka fabadi naniye.”

¹⁴“N t̄in nang yiiku t̄it̄iniyangu. Yinang b̄in d̄idu a di a kunni tas̄in.

¹⁵Sunt̄idu kwef̄ira we fit̄ila mo! A la chi ni yodu a t̄idu, ko ke a yii ka nang bw̄ale kwang.

¹⁶A fiwine, t̄iyung yiiku changu, ke n̄ibu a ku, a swaan nanḡiri ch̄intu, a dela Kwama wu a diye.”

Miyaku a yil̄in

¹⁷“T̄ikamaduwe ti kanodu m be mang kwi yil̄in Musatu n ti chi f̄akubu a miyanitu, mang bebu kwiku aya m be ke n ri ȳam b̄ibu.

¹⁸M̄in fwa chim̄in biyil̄im, ka dii n ti t̄it̄initu we k̄iyade, a ne chi a ne ride we. Ka k̄ikwi ȳame, ka t̄itu n̄ibu k̄ikudu ko n ke t̄ikan chite.

¹⁹D̄ine yiko, nii wu ka ki kaang yilang kasi no nang k̄it̄irangu we yil̄in t̄itu yinu ka miya b̄ikam m̄inu ko a ma t̄ini yiko, ka kau wut̄ire we Yaa Kwama. We yiko,

wu ka bunt_i yilangu ka miya n_ibu m_int_inu ko a nang bunt_ine, ka ya dwiyen t_idui we Yaa Kwama.

²⁰M_in fwa chim_inu, a dakan yile ch_in ka la wu n_ibu yungku yil_in Musat_imu n ti n_ibu Farisamu. Ka a newe yiko, a ne ta le yaa wu a diye ko bayim.”

Miyaku a kifwini

(Luk 12:57-59)

²¹“T_inwe n_ibu a yi t_ikebu ch_iremu ko, ‘Chidu ni we. Wu ka ch_iu niye, ka ya mwataku.’

²²Aya m m_in, m_in yi ch_inu mi: Ni k_ima k_ifwini n ti ke ko ka ya mwataku. T_int_ine, wu ka yi keko ko, ‘M mun nii wu kuse,’ ka ya kakku kw_al kabak_in. Yinu wu ka tu keko ko, ‘D_irre,’ ka wuran bwi k_ini far k_iran.”

²³D_ine yiko, ka mun yadu mwang ma niku a se Kwama, yinu n kur chi mwang ma ke mo m_ine,

²⁴du niku mwangu we se Kwama, yan doka we ti kemo didin, yinu m be ni niku mwangu.

²⁵“Do tibe mo datu n ti fakwaremo wu k_iyadu ka yal_inu a kan kabak_i fanseti. T_idoka we w_are yo ta tibu lam kan kabak_i ne, ka newe yiko, ka dunu n ti Mai kabake, wuko ka dunu n ti d_ikar_an, d_ikar_anu ka mar_inu a d_ib_int_il.

²⁶B_iyil_im m_in fwa m_inu, a ne mwang chiredu ka mwang febu d_isinu k_ini kwange.”

Miyaku a tikuli

²⁷“T_inwe a fwa chim_in ko, ‘Madu t_ikuli we.’

²⁸Aya m_in fwa chim_inu, ‘Ka nii a d_ang naye r_iing, a kubene, a tu a ma t_ikulitu n ti naye wuko we n_ir k_inu.’ ”

²⁹D_ine yiko, “Ka nu wu a kang k_iyilange k_iyonu k_ini k_ilenge, chaku n mau a bwa, a la chi mwang kwala balangi kiin we bwiyu n ti k_iku bwiyi kwang ka le k_irangangu.

³⁰Ka f_al_ang k_iyilangu nang k_iku k_ibedu k_ini k_ilenge, chaku n mau a bwa. Ka la chi mwang kwala balangi kiin n ti k_iku bwiyi kwang ka le k_irangangu.”

Miyaku a chiku k_irang

(Mat 19:9; Mar 10:11-12; Luk 16:18)

³¹N_ibu a fwa chim_in t_in ko, “Ni ka ch_iu naye ko m_in k_ina, ka nii naye ko lwangin chiku k_inanu.

³²Aya m_in fwa chim_inu, ‘Ni ka ch_iu k_ina we naye ko, ka n ke d_ine yariye, a yo naye k_ini sulai.’ Aya wu ka yiu naye, k_ima t_ikuli.”

Miyaku a d_itwamb_ir

³³Yinu t̄i nwe a yi tukeb̄i ch̄iremu ko, “A tw̄andu t̄ikwanitu we, aya ri chi mwan bw̄au mwang ni Tewuduwe.

³⁴Aya m̄in fwa chim̄inu, t̄itw̄andu chi we, ko bayim ka k̄ini bwa diye, d̄ine kweer Kwama.

³⁵Ka k̄ini t̄it̄iniye, d̄ine nang fi k̄ifwal̄in naniye. Ka k̄ini Wurchalima d̄ine nang b̄in Mai Wuduwenu.

³⁶Tw̄anduwe k̄ini dur mun d̄ine kasi no k̄iriyangi kiin a ne mwang medu mwang sutedi tweng ka k̄iliye.

³⁷A dakan ȳam chimu kanodu ‘ngo’ ka ‘ngango.’ Ka a su t̄ite n t̄iu fakware.”

Miyaku a kiyerang

(Luk 6:29-30)

³⁸T̄inwe a fwa ko, “Kwalange d̄ine kwalange, nuum d̄ine nuum.

³⁹Aya m̄in fwa chim̄inu, tiyeduwe ka nii a ngan a d̄idane, yo k̄im̄int̄i d̄ikanu a ngau t̄in.

⁴⁰Ka wuka nii a mar keme d̄ine ke a yit̄in belukemo, chaku wuduwe nit̄i k̄in.

⁴¹Ka wuka nii wu k̄ini dukane a mwintuwe ko t̄iya yayu wu a s̄ire wiine, t̄iya wu a s̄iri yurabu.

⁴²Nii wu a b̄in chiye, ni. Wu a be k̄ibau d̄is̄ine, dangduwe we.”

Ke k̄ini b̄ibu a kon̄imu

(Luk 6:27-28)

⁴³T̄inwe a yi chi ko, “M̄ila kemo, ko fakware mo.

⁴⁴Aya m̄in yi ch̄inu mi, m̄ila fakwarbu mumu, tw̄ab̄a b̄ibu k̄ifuman̄imu m̄in.

⁴⁵Ke t̄ikau bwes̄im Te wu a diye, n k̄in k̄iyo dii k̄ifwe kuko we n̄ibu b̄iyil̄im n t̄i b̄ibwilamu. T̄int̄ine, k̄itume mwe we n̄ibu yilemu n ti b̄ibu a tumbu yilemu.

⁴⁶Ka t̄im̄ila kana b̄ibu k̄im̄ila ch̄in̄ime, ta ya wuwule k̄it̄ime? B̄ibu k̄iyiu sangkal̄imu k̄ima t̄ini yiko?

⁴⁷Ka t̄isi kana kebu chime, t̄ilakan a file n ti b̄ikamu? N ke chi b̄ibu a yimbu Kwamamu k̄ima t̄ina?

⁴⁸T̄ibul̄im yichiyu k̄ini yile, t̄iri k̄ini yile yinangu Te ch̄in wu a diye a ri k̄inangu.”

Matta 6

Miyaku a da wuyile

¹“T̄ima daan k̄ini nanḡin tiyili ch̄intu, d̄ine a ne kuk̄iku durang we nangang k̄iyilangu. Ka a kabi yiko, a ne ta ya k̄it̄ime we Te ch̄in wu a diye.

²“Dine yiko, ka mun ma nike, rikadu yimwiyu we chi mwang maatu, tiyangu nibu dibebelin a kambi muraku nibu Yafudamitu n ti neti loyu ko ke nibu a wer chiyangu. Biyilimu nang bibu, n chi a tu a yiu sure chi kwang.

³Aya ka mwang maka wuka niye, kedu wuka nii a yindu chi mun maditu we.

⁴Chi tiyilitu mun maditu, ma n lailaye. Te wu a diye wu kiku ka titile chi mun madite, ka nin kitime mo.

Miyaku a twabaku

(Luk 11:2-4)

⁵“We yam twabaku buniyangimu, tikaduwe tiyang nibu dibebelin bibu kitwaba bunitu a fi tiye we kambi muraku nibu Yafudamitu n ti neti loyu ko ke nibu a ku chi. Biyilim min fwa chiminu, a tu a yiu kitime chi.

⁶Ka ya mun twaba bunitu, yinge dur munu a kan, twaba bunitu we diTewuduwe, n kin wu niyang kube, wu kiku tilairite, ka nin kitime mo.

⁷Ka yatitwaba bunitu, tibwidu yamuwe tiyangu bibu a yimbu Kwamamu kimadangu, n chi ko kate ka nwe chidu dine nabwe yame.

⁸Timaduwe nang chi, dine Te chin a yim chi tibaditu kasi no nang kidangu ta tibu fwa yamangu.

⁹“Titwaba buniti ying, Te nin wu a diye, din muni wauwadu.

¹⁰Yaa mo a be, yo nin ma we titinitu, tiyangu wenga bwadiyangu.

¹¹Ni nin chabtu tiditu.

¹²Du nimin kileti niyu, tiyangu nin du bibu kima nimin kiletimu.

¹³Yo nin ledu swekiku we, aya yu nin we bwila.

¹⁴“Ka tidu bibu a ma chimin kiletimu min kileti chiye, n Te chin wu a diye ka du chimin tinu.

¹⁵Ka ta du nibu minbu kileti chiye. N Te chin wu a diye a ne du chimin tinu.”

Miyaku a dimwen

¹⁶“Ka yatidau dimwene, tikaiyu kabini we tiyangu nibu dibebelinu kimadangu yo ki dau dimwene. N chi kikai kabini chiyu dine ke chi yung nibu ko chi ma dimwen. Biyilim min fwa chiminu, n chi a yiu sure chi dimbirim.

¹⁷Aya ka mun ma dimwen, fu kabumo, wa tikinung we dur munu Yinangu mun madi kwadangu.

¹⁸Dine ke nibu a yinduwe ko mun ma dimwen. Te wu mwang kube, wu a yim chiti kwange ka nin kitime mo.”

Tiyo niru a lo wu a bwadiye

(Luk 12:33-34)

19T̄imur yichiyu m̄inu kuliti we t̄it̄initu, fi k̄ibw̄ata n ti fi s̄angre a ne ka kaiye n ti fi dab̄ikum a ne ka wure.

20Aya t̄imur yichiyu m̄in kulitu a bwadi, fi k̄ibw̄ata n ti s̄angre a ne ka kaiyinde n ti fi dab̄ikum a ne ka wure.

21D̄ine fi kuli mwitu we m̄ine, nang fi n̄ir munu wetuwe.

Yiiku bwiyang

(Luk 11:34-36)

22“Nu nang yiiku bwiyang, ka nu mo k̄ini l̄imange, bwiyi kwang ka ya yiiku.

23Aya ka numo a ne l̄imang wenge, bwiyi kwang ka kwala yiik̄iku. Ka yiiku bwiyangi k̄iliye, k̄iliye ka su k̄inat̄ing.”

Mwang bunt̄i Kwama ka kuliya

(Luk 16:13; 12:22-31)

24A ne nii ka sii n̄ibu lomi burabe we. A mwintuwe n k̄in ka ko wuka, ka ke wuka, ka ka nii dukan k̄inu a wu wiine, ka du wuka. A ne da we mwang bunt̄i Kwama n ti kamb̄ir k̄ida kiin.

Tiyo n̄iru a d̄iKwama

(Luk 16:13; 12:22-31)

25D̄ine yiko m̄in fwa chim̄inu, t̄ikuradu chiwe chabt̄itu ta chaditu n ti chi ta node, ka kul̄in d̄idu ta dodu a bwiyine. T̄ikuritu a labu chabt̄ita? Yinu bwiyu a labu kul̄in d̄idor̄ina?

26T̄id̄ang k̄in̄ibiyu, n chi a fibu chi, a kabbu chi, a murb̄i chi we b̄ini chiyu. N Te ch̄in wu a diye k̄ichadu k̄ini chi. N t̄in ta labu k̄in̄ibiya?

27N wure we tibe ch̄in d̄ine t̄ikuran kitu ka suddu ka awa wiine?

28Yinu a mayire ta kai n̄iru we chi ta dodite? T̄id̄ang fil̄intu we d̄ikiru tiyangu kid̄wiyedu, n chi a mabu nangang kamb̄irang a kubut̄ibu kul̄in.

29Aya m̄in fwa chim̄inu, kasi no m Mai Solomon n ti dwiyen kitu, a doonbu kul̄in leran d̄idu we tiyang fil̄intu.

30Ka n Kwama ka yw̄ata sw̄ak̄iku a d̄ikirinu m̄indiye, t̄itu diwu k̄ini t̄ikuri f̄inenang k̄ile k̄irangite, a ne ma chim̄in t̄itu a la Yeta, n t̄in b̄ibu keku biyil̄imang changu a k̄itan̄imu.

31D̄ine yiko, t̄ikuradu chiwe tiko, “Nang chau wureni, ka nang no wureniye, ka niing do wureniye?”

32We kuu n̄ibu b̄ibu a yimbu Kwamamu, t̄itu nang chi a mabu t̄ikali k̄ine. Aya Te ch̄in wu a diye a yim t̄ibadu.

33Aya a la chi t̄ibau Yaa Kwama n ti yile ko, t̄itu chi kwang ka nii ch̄inu.

³⁴Dine yiko, t̄ikuradu chiwe yam̄ finenangimu, d̄ine finenangu n wu Kwama. Kanang wuwule diye k̄ini wuko riye.

Matta 7

Tiyo nii m̄inu k̄ilewe

(Luk 6:37-38,41-42)

¹“T̄inidu ka wuwule niye k̄ilewe, ke a ni t̄inu ch̄in k̄ilewe.

²Nangkin, tiyangu t̄imwata n̄ibu m̄in yam̄angu, ka mwata chim̄in t̄ini yiko. Kwele mun swende, nang wu ka swem̄in t̄ini k̄ine.

³Wule yo mun dang be d̄ifil̄in k̄it̄inu a nu ke monu, mwang kurbu k̄itakulangu a numonge?

⁴Mwang medi yire, mwang chaku ke mo m̄in d̄ifil̄in we nuko, yo k̄itakulang we wumo nuwe.

⁵Naba d̄ibebeline, mwe n chaku k̄itakulangu we nu mo, yinu mwang chaku kiyilang swakan a nu ke monu.

⁶“T̄inidu kadatiyu tiyili Kwamatu we, yinu t̄inidu sult̄ikumiyu kali kamb̄iriyi wul̄ib̄iwul̄ibiyu we, ke k̄ila nwe chim̄in burang.

T̄ib̄ju, t̄ib̄au, t̄ibu kw̄aru

(Luk 11:9-13)

⁷“T̄ib̄ju ka nii ch̄inu, t̄ib̄au ta yadu, t̄ibu kw̄aru ka wudu chim̄inu.

⁸Kanang wuwule niye wu k̄ib̄ide, k̄iyiddu, wu k̄ib̄adde k̄iyadu yinu n k̄in wu k̄ibu kware, ka wudu k̄im̄inu.

⁹N wure we tibe ch̄in wu bwe ko ka b̄ju k̄idanne n k̄in ka nii kale?

¹⁰Ka a b̄ju ch̄inge, ka nii so?

¹¹Ka n t̄in, n t̄in b̄ib̄wilamu, tiyim t̄ini bwes̄im chimu chi tiyiliye, kano Te ch̄in wu a diye a ne ni bwes̄im k̄imu k̄il̄imangu we b̄ibu a b̄ju k̄in̄ima?

¹²“Kanang t̄it̄ile chiye, ma n̄ibum̄in t̄in yinangu no mun baddu n chi ka mam̄indangu. T̄itu a dal yil̄intu n ti chi fakubu a fwaatu d̄imb̄ir̄im.

Kw̄arri kudd̄in n ti d̄idi wut̄il̄in

(Luk 13:24)

¹³“Lenga kw̄ari kudd̄inu, d̄ine w̄are wut̄ile ka yo nii a twiyaku, nang w̄are lantange. N̄ibu nabwen k̄it̄au w̄are wuko.

¹⁴Aya kw̄ari kuddu, nang w̄are burinching wu a t̄ikuriye, n̄ibi bayim b̄ibu kiyaduwemu.

Tiyang n ti t̄ikulan kii

(Luk 6:43-44)

15“Tima daandaan kini fakubu tikwanimu. Bibu kibe fi a dichine kini dibal kwamin we bwi chiyinu, aya n chi bawuti, chun a lwe bwi chiyu.

16Ni swaan chidu we a nangari chitu, ni ya tikulan sinangitu we kwada? Ka titu a kiselangitu we siinanga?

17Dine yiko, ka kikile tiyang kiyilange ki tu tikulan tiyili aya tiyang kibwilangu kitu tikulan tibwilai.

18“Tiyang kiyilangu a ne tu tikulan tibwilai, tiyang kibwilangu a ne tu tikulan tiyili.

19Kanang kikile tiyang kiku a tubu tikulan tiyiliyange, nibu ka swidu ka maru a kirang.

20Yiko, we nangin chitu ta swaan chidu.

Mang yimibu chin we

(Luk 13:25-27)

21“N ke ka nang wuwule niye wu kiyalu ko ‘Tewuduwe, Tewuduwenge we!’ Ka le Yaa Kwama ka n ke wu kitum kike Temi wu a diye.

22Nibu nabwen we diko beka fwadu ko, Tewuduwe, Tewuduwe, mare nin ma fakui kini din mun, we din munu tintin nin chaka kifibti nin mati chi katakitu nabwen.

23Min fal mang yi chidi tas mi, ‘Mang yinchibu. Tiyika min a fi nibu bibwilam!’

Nibu Muku Lomi Burau

(Luk 6:47-49)

24“Nii wu a nwe ker minu, yinu a ma nangang kine, ka kadu yinang naba yingku wu a mu loko a kwame.

25Yo mwe a swi, latiyu a riye, kifibe a kune a ngau lo, lo wu a yarbu, dine a mu lo a kwam.

26Yinu wu a nwe yam mimu, a mabu nangang kine, ka kadu nang dir didu a mu loko a yane.

27Yo mwe benge, latiyu a ri, kifibe a kun a ngau lo, lo a yar kini keru dukan ko, kuum!”

Dukan Yesun

28Yo n Yesu a ri fwaku yam bibe, tayi a tau nibu a muran we fikomu.

29Dine kin kimiya chiminu tiyang nii wu kini dukane a newe tiyang nibu yungku yilin chimu.

Matta 8

N Yesu a be naba mwaliye

(Mar 1:40-45; Luk 5:12-16)

¹Yo n Yesu a suwe we kunne, n̄ibu nabwen a bung k̄im̄in t̄in.

²Yinu wuka naba mw̄aliye a be fi a d̄ik̄ine a sung we kakku Yesungu a yi ko, “Tewuduwe, Ka mwang kenge, yo m be.”

³N Yesu a kuku faḷang kangu a twai k̄in ko, “N ke, ya beku. B̄inab̄ina, naba mw̄aliye a ya beku.

⁴N Yesu a yi k̄in ko, kedu fwa wuka ni minduwe, aya yika bwa fansetiye n yung yimwiyu, ya ma ni k̄iku m Musa a fwangu a kau chim̄in d̄im̄war.”

N Yesu a be bwe wut̄imb̄ire tikake Roma

(Luk 7:1-10)

⁵Yo Yesu a le Kafanawu we, wuka naba tikake n̄ibu k̄irang Roma a be fi a d̄ik̄ine a wannan ko,

⁶“Tewuduwe, ni wuk̄im̄ami nangange a nḡirmane we lo a bu k̄ini dukan.”

⁷N Yesu a yi k̄in ko, “Mang yadu, man be k̄inu.

⁸Naba k̄irange wu, a yi k̄in ko, Tewuduwe mang lwebu mwang be lomi, fwa yaḡu, bwe mi ka ya beku.

⁹N m̄in t̄in k̄ini b̄isel̄im̄ b̄ibu k̄it̄um̄ m̄in̄imu, yinu m̄ min, k̄ini n̄ibu k̄irangmu m̄in t̄und̄imu. M̄in yale b̄ibi bwa, m̄in tum̄ b̄ibi bwa, k̄imat̄inu. M̄in yi bwe nangange mi, a ma t̄itu, k̄imat̄inu.”

¹⁰Yo n Yesu a nwe b̄ibe, a yar̄ yii, yinu a yi n̄ibu k̄ibunt̄i k̄in̄imu ko, “N fwa chim̄in biyil̄im̄, mang yabu wuka ni we Yisrela k̄inii keku biyil̄im̄ang k̄iku.”

¹¹M̄in fwa chim̄inu, n̄ibu nabwen ka bedu kasi no a wuwule fwit̄ine t̄it̄iniye, ka swedu n ti Yibrayim n ti Yichaku n ti Yakubu we yiye Yaa Kwama.

¹²Aya b̄ibu a no ka kau n̄ibu Kwamamu a k̄ila komu, ka mar chidu a k̄ilik̄iliye wu kwane, fi n chi ka k̄iwi kan̄in k̄irt̄iti nuume.

¹³Yinu n Yesu a yi tikake n̄ibu k̄irang Roma ko, “Yikan! Ka fwedu yinangu mwang ke ka fwedangu. Burangu a be we naba nangange k̄idang kangu.”

N Yesu a be nela Bit̄ir

(Mar 1:29-34; Luk 4:38-41)

¹⁴Yo n Yesu a le lo Bit̄ir, n k̄in a ku nela Bit̄ir a dada d̄ine k̄ik̄wam a ngau k̄in.

¹⁵A twai faḷang nayengu, k̄ik̄wam a be t̄in. N k̄in a kun a do k̄im̄in chabtu.

Yesu a be n̄ibu nabwen

(Luk 9:57-62)

¹⁶K̄ini me, n̄ibu a be Yesu m̄ine k̄ini n̄ibu k̄if̄ibt̄imu nabwen. N k̄in a chaka k̄if̄ibt̄iyu k̄ini d̄ik̄w̄al̄ yiin, a bet̄i n̄ibu buramu nabwen.

17T̄it̄u a fwe ying ke a ri chitu f̄aku Yichaya a fwaatu, A d̄au nim̄in bwini chiyu, “A bet̄i bur̄in chiretu.”

Riye bunt̄iki Yesuwange

(Luk 9:57-62)

18Yo n Yesu a ku kituu n̄ibe a bwal̄ k̄ini d̄ib̄ire, n k̄in a yi miyar̄im k̄imu ko a yabu wuka bale wu a far d̄idune.

19Wuka naba n̄ibu yungku yil̄ine a be, a yi k̄in ko, “Naba yungke, mang bum̄in t̄inu kasi no mwang yadi bw̄ale.”

20N Yesu a yi k̄in ko, “Wuba futu k̄ini bwartu chi t̄itu k̄idaandi, k̄in̄ibiyu k̄ini k̄ikuli. Aya Bwe Nii a newe k̄ini fi.”

21Wuka we miyar̄im k̄imu a yi k̄in ko, “Tewuduwe yam n ya, n fure temi didin.”

22Aya Yesu a yi k̄in ko, “Bumite, du kw̄amiyu a fur kw̄ami chiyu.”

N Yesu a kwabu kif̄ibe a la

(Mar 4:35-41; Luk 8:22-25)

23N Yesu a le kw̄amb̄ire mwe, miyar̄imu a nab̄i t̄in.

24Kif̄ibe wuduwe a kun we mwe la wu a yo labi mwetu a f̄il kw̄amb̄ire mwe. Aya duum a d̄au Yesu.

25N chi a rung k̄in ko, “Tewuduwe, yanang twiyadu!”

26A yi chi ko, “A mayiret̄i nwe taye? N t̄in b̄ibu keki biyil̄imang changu a k̄itan̄imu. Yinu n k̄in a kun, a wela kif̄ibe n ti labi mwetu, a tii s̄ik.”

27Chitu a yar̄ n̄ibu yii. N chi k̄ib̄idu ko, “Wuwule k̄iduum niim wu kif̄ibe k̄inwet̄i yam k̄ime?”

N Yesu a be n̄ibu kif̄ibt̄im

(Mar 5:1-20; Luk 8:26-39)

28Yo n Yesu a yabu wuka bale we t̄im Kar̄asiname, n̄ibu k̄ini kif̄ibt̄imi burau a chire a bwa fute. N̄ibu b̄ibu k̄ini kif̄ibt̄imu t̄int̄in d̄ine bwila chi n̄ibu a tabu ware wuko.

29Binab̄ina a bwe keme ko, “Lwangang mwang wule n ti n̄in Bwe Kwama? M be mwang ni n̄in riye yo k̄iswi a tibu landa?”

30We k̄itwalang kangu, sult̄ikumi loi we, a mabu kutan n ti chi, k̄ichau cham.

31Kif̄ibt̄iyu a wana Yesu ko, “Dub n̄in le k̄iran sult̄ikumiyu ka n chaku n̄ine.”

32A yi chi ko, “Ngo, t̄iya!” N chi a yikan, a le sult̄ikumiyu. K̄iran sult̄ikuminu a bulan a wul a le far d̄idunu a bwaran.

33N̄ibu k̄ito sult̄ikumimu a wulan a yika b̄in, a ya, a fwa n̄ibu m̄in chi a fwe k̄ini n̄ibu kif̄ibtime.

³⁴Nibu binimi kwang a chire be ka dang Yesu. Yo n chi a be kuwe, a wana kin ko a du tim chimu.

Matta 9

N Yesu a be wu ngirmane nii

(Mar 2:1-12; Luk 5:17-26)

¹Yo n Yesu a le kwambire mwe, a yabu far didunu, a yika bin kin,

²we kidang kangu, bikam nibu a daa nii wu a ngirmangirmane, a be kimine kin a chi tidari. Yo n Yesu a ku keki biyilimang chiyange, a yi nii wu a ngirmangirmane ko, "Kuradu chi we bwe mi, n du min kileti mwiyu."

³We bibu, bikam nibu yungku yilinin a fwa we yichiyu ko, "Nii wu a swaba Kwama."

⁴Kangu n Yesu a yim tikuran chitangu, a yi chi ko, "A mayire tikuran chintu a lebe?"

⁵Titile a la chi, ka ni a yiko, 'N dumin kileti mwiye,' n ti ka nii a yi ko, 'Kun, ya yayuwe?'

⁶Aya ke tiyim ti Bwe Nii kini dukan we titinitu ka du kiletiyu. A yi wu ngirmane ko, 'kun, dau kwambire mwemo yika lo, burang mwangu a be.' "

⁷Nii wu a kun, a yikatj loko.

⁸Yo nibu a muran a fikomu a ku tite, tayi a tau chi. N chi a dela Kwama wu a ni nibu dukan didun dide.

Yesu a yal Matta

(Mar 2:13-17; Luk 5:27-32)

⁹Tiyangu n Yesu a chakakku kini yayuwangu, n kin a ku wuka nii wu kiyalu ko m Matta, a swe kiyiu sangkal, n Yesu a yi ko, "Bumite." N kin a kun a buntin.

¹⁰Yo n Yesu a yakj chau chabtu metu a lon Matta, nibu kiyiu sangkalimu nabwen n ti nibu kiletiyimu a be a swe a chau chitu ware.

¹¹Yo Farisawa a kuwe, a yi Miyarim kimu ko, "Wureni a yo naba lo chin kichau chabtu n ti nibu kiyiu sangkalim n ti nibu kiletime?"

¹²Kangu n Yesu a nwe yam bibangu, a yi ko, "Nii wu kini limange a babu nabari, kana wu a bubuwe.

¹³Yatj tal chi titu kiyungde, min bau nwekj kibuneng n ke niku kitumang. Mang bebu dine nibu yilem aya dine nibu kiletim."

Dibidu a dimwen

(Mar 2:18-22; Luk 5:33-39)

14Yinu Miyarim Yowanamu a beki biu Yesu ko, “Wure ni a yo n nin n ti nibu Farisamu nin dau dimwen aya Miyarim mumu a dabbe?”

15N Yesu a kinta chi ko, “Fate wutabre ka ma furi kilikilin we kidangu bwele kiyiu naye we ware n ti chiyanga? Kiswi kibeđu wu bwele kiyiu naye ka du chide. Nang kidangu n chi ka dau dimwen.

16“A ne nii ka tal luke wukare kini dilukten difwine we, dine ka dilukten difwinu a wubi tirime ka kai luke, tintine ka su ngirakiku.

17A ne nii ka kur mwe yilime we bechi wukare nibu Yafudame. Ka a kure, besii ka fwedu, yimu ka kura bwa, besi a kaiyan. Ka la chi a kur, a besi nibu Yafudam wu fwiye, besi n ti yimu a ne kaiyadu.”

Be fwane wu a bwa n ti naye a bubuwe

(Mar 5:21-43; Luk 8:40-56)

18Yo n Yesu we kifwa yame, wuka tikake kan murakine a be fi a diYesuwe a sung we a karki Yesuwangu a yi ko, “Fwan minu a bwa a mabu kitwalang. Aya be yo kimin falang, n yim ka kunnu.”

19N Yesu a kun n ti Miyarim kimu, a bunti nii wu.

20Wuka naye wu a ma swatu kub chiri turab kikir kitume, a kanengi kuteng a twai kitiku luke wu n Yesu a do.

21N kin a yi we yikiyu ko, “Ka no n twayin ka luke ko, mang bedu.”

22Kangu n Yesu a sabran a dangangu a yi ko “Ma furi mwe mwe, fwan min, keku biyilimang mwangu a been. We fiko naye wu a be.”

23Yinu n Yesu a le lo naba tikake a ku nibu kikura chimu n ti bibu kikir winimi kuuu!

24A yi chi ko, “Tikun min a fi. Fwan didu a bwabu, kida kana dum,” N chi a nu Yesumin dinur swabakin.

25Yo nibu a chir filange, n Yesu a le a tau falang fwanangu, fwanu a kun tin.

26Yam bibu a tira timi kwang.

N Yesu a be kidubu n ti bibu kilwabi yamim

27N Yesu kidu fikoye, kidubi burau a nabu kin, kiyalti chitu ko, “Bwe Dauda, nwe kibune nin.”

28Tiyangu n Yesu a le wuka longu, kidubibu a be fiko, n Yesu a biu ko, “Tike biyilimu mang medu mang be china?” N chi a ke ko, “A ne twayaku we Tewuduwe.”

29Yinu a twai kwalangi chiyu a yiko, “Tibe, dine keku biyilimang changu.”

³⁰Yinu kwalangi chiyu a wuden. We fiko, n Yesu a wu k̄iteli chiyu k̄ini dukan ko, “Tifwa wuka m̄inu chi a fwetu we.”

³¹Aya n chi a chir, a t̄ir ȳam Yesumu we yaa wuko n ti t̄im b̄ik̄imu k̄ini kwang.

³²Yo n chi yak̄i chirede, n̄ibu a be k̄im̄ine k̄ini wuka nii wu k̄if̄ibt̄i a la bwiyu n k̄in a yimb̄inang fwaant̄i ȳame.

³³K̄idangu k̄if̄ibt̄i a chirangu, d̄ifun d̄idu a fwa ȳam. A ȳar k̄ituu n̄ibe yii. N chi a yi ko, “Nang kuunbu t̄itu chi we t̄im Yisrelamu.”

³⁴Aya b̄ik̄am n̄ibu Farisamu a yi ko, “K̄ima nangangu k̄ini dukan tikake Mai k̄if̄ibt̄iye.”

Yesu a nwe k̄ibune n̄ibe

³⁵N Yesu a bunt̄in b̄int̄itu n ti bet̄i b̄int̄iyu k̄imiya n̄ibu m̄inu we kamb̄i murak̄i chitu, k̄ifwa ȳam bil̄im Yaa Kwamamu, k̄iberat̄i bur̄intu.

³⁶Yo n k̄in a ku k̄ituu n̄ibe, a nwe k̄ibune chi, d̄ine n chi k̄inwe riye yinang kwanti yiyu a ne naba toke wei.

³⁷Yinu a yi Miyar̄im k̄imu ko, “Nangang kakkangu nabwe aya n̄ibu nangangmi bayim.

³⁸D̄ine yiko, t̄itw̄ab̄a buni, ke Tewuduwe a tume n̄ibu nanganmu ke a kau.”

Matta 10

N Yesu a yal miyar̄imi kub chiri burau

(Mar 3:13-19; Luk 6:12-16)

¹N Yesu a yal miyar̄imi kub chiri burab̄imu a ni chi dukanu ka chaku k̄if̄ibt̄i, ka bet̄i bur̄intu.

²T̄itu nang d̄imbi fandub̄ibu kubchiri burab, n Simun wu k̄iyalu ko Bit̄ir n ti And̄iriya keko n ti Yakubu bwe S̄abadi n ti Yowana ke ko.

³N Filibu n ti Bartolomi n ti Toma n ti Matta wu k̄iyiu Sangkale n ti Yakubu bwe Alfiyus n ti Tadiyu.

⁴N ti Simun naba Kanana, yinu n ti Yafuda Yiskariyoti wu n k̄in a kw̄al Yesuwe.

N Yesu a tum Miyar̄im k̄imu

(Luk 9:16)

⁵N Yesu a tum Miyar̄im k̄imi kub chiri burab̄imu a ngau chim̄int̄i k̄ikure ko, “T̄iyaduwe n̄ibu a yikayu kuuti. T̄int̄ine t̄iledu d̄ikan b̄in we Samariya.

⁶T̄itibe bwa kwanti yi lairi n̄ibu Yisrelame.

⁷Yat̄i mwa chi tiko, Yaa Kwama a mwatawe.”

⁸Tibe bību a bubuwemu, t̄ikuku bību a bwaranimu, t̄iswar n̄ibu mwālimu, t̄ichak̄it̄i k̄ifib̄ti. Ta t̄anbu t̄ane, t̄i ni t̄imiduwe miye.

⁹T̄id̄adu t̄ikan chi we yinang k̄amb̄ir d̄idu ta tan̄in chiin.

¹⁰T̄id̄adu wuka swe we n ti luke yurau n ti ka k̄iwamiye ka dwamenge, naba nanga a dakan ka ya chabtu kitu.

¹¹Kanang d̄id̄ile b̄in d̄idu ta led̄ine, ta bau nii k̄inwe tai Kwamaye, t̄iswe we lo wuko a lam̄int̄i yo ta du fiko.

¹²Ka yata le lo niye, t̄isi chi.

¹³Lo a yiu ch̄ine, t̄iyo chim̄in delaku, wu a ko ch̄ine, t̄ichir t̄in k̄ini l̄imang changu.

¹⁴Lo a ne yiu ch̄ine ka, ka sit̄ibu k̄itele we ȳam chime, T̄ibu kuru we nani chiyu yo kano t̄ichiru, t̄idu lo wukonge.

¹⁵M̄in fwa chim̄in biyil̄im, n Kwama ka nwe k̄ibune b̄in Sodom n ti Komara we di kabaku Kwama ka la b̄int̄i t̄itu a ko chinitu.

Riye wu a bwa kake
(Mar 13:9-13; Luk 21:12-17)

¹⁶D̄ang, m̄in tumch̄inu yinang kwanti a tibe bawutiye, d̄ine yiko, t̄ikasan yinang soti, t̄it̄au bwanu yinang k̄ikub̄ti.

¹⁷T̄ima daandaang, d̄ine n̄ibu ka le kan kabak̄inu k̄ini ch̄in, ka twalach̄inu we kambi muraku n̄ibu Yafudamitu.

¹⁸D̄ine m̄ine, n̄ibu ka yadi k̄ini ch̄in a kakku b̄iduum n ti mat̄im, d̄ine d̄imwar diyil̄inu ta ma a kakku chiyanu n ti yikayu kuuti t̄in.

¹⁹Yo ka yadu k̄ini ch̄in a kakke, n̄itu ch̄intu a kaiyaduwe chi ta fwaditu, d̄ine n k̄in ka ni ch̄in chi ta fwaditu we k̄iswi wuko.

²⁰D̄ine nii ka fwa ȳame n ke ch̄in, F̄ik̄im Te ch̄in wu a diye ka fwa chim̄in ȳamu.

²¹Ke ka ni keko ko n̄ibu a ch̄iu, te t̄in ka ni bweko, bwes̄imu ka yaradu n ti b̄ibu a b̄iu chimu, ka yodu n̄ibu ka ch̄iu tebu chimu.

²²N̄ibu a yimbu Kwamamu ka ko ch̄inu d̄ine d̄in m̄ine. Aya wu ka tidi k̄ir̄ing ka lam̄int̄i di swan kute, ka swidu.

²³Ka n chi a ni ch̄in riye we d̄ikanu b̄inne, t̄iwult̄i d̄ikan b̄in. Biyil̄im m̄in fwa chim̄inu, a ne ta ri kanaku kuti Yisrela, Bwe Nii ka bedu.

²⁴Miyare a labu naba yungke ko, k̄abe a labu naba loko.

²⁵Miyare ka nwe t̄am̄ang ka ka kadu yinang naba yungke ko, yinu k̄abe yinang naba loko t̄in. Ka a yal teloko Bayalsebul we, yinu ka yal n̄ibu lomu ko wule?

Wu ta nwe tayi kiye
(Luk 12:2-7)

²⁶Nangkin, tiwulu tayi chiyu we. A ne chi tiyingeri titu a ne wudeditu we. A ne tilairi titu a ne kwaladituwe.

²⁷Chitu mang fwa chimin a bura tu, tifwa yi kwarikwari, tilairitu mang fwaatu, tifwa a filang yinang yilang.

²⁸Tiwulu bibu kichiu bwiymu we, aya a ne chiu tikuritu. Aya ka la chi ta wul Kwama ka chiu bwiyu n ti tikuritu a far kirane.

²⁹Nibu ka medu ka tan kwala kini kobo wiina? A bwin yiko a ne wuka wu ka swidu we timu n Te chin a yimbe we.

³⁰Kasi no nang ritu a duriti kwang n Kwama a yim.

³¹Dine yiko, tinwedu tayi we dine n tin tila kwala kini kisiyangu nabwen.

Wu ka yung yikiye we kakku nibange

(Luk 12:8-9)

³²Kanang wuwule niye wu ka yung yikiyu ko n kin wu min we kakku nibange, mang yungti kinu we kakku Temi wu a diyengu.

³³Aya wu ka koyu we kakku nibangi kwarikwariye, mang koti kinu we kakku Temi wu a diye.

Mang bebu kini lime, kana bingai

(Luk 12:51-53; 14:26-27)

³⁴Tikamaduwe ti kanodu m be titinitu mine kini limang. Mang bebu dine limange aya dine bingai.

³⁵Aya m be dine, ke n yo dikulan we tibe te n ti bweko fwan n ti nekini, yinu yire n ti nelakin,

³⁶Fakware kawure ka kadu nibu lokom.

³⁷Wu ka mila tekini, ka n nekine, ka la mine a lwebu ka kau miyare mi. Bibu a mila bwesim bibarim chimu, ka biwutim chimu a la chiye, a lwebu ka kau miyare mi.

³⁸Aya wu a ne dau kitiyang bwang kangu ka bumitine, a lwebu ka kau miyare mi.

³⁹Wu ka mila tikuri kite, ka kwaladu. Wu ka kwala tikuri kitu dine mine, ka yadu.

Sure

(Mar 9:41)

⁴⁰“Wu ka yiu chine, a yiu min, aya wu a yiu mine, a yiu wu a tum mine.

⁴¹Wu a yiu faku dine n kin fakuwe, ka yiu sure fakuwe. Yinu wu ka yiu naba yile din n kin naba yile, ka ya sure naba niri diine.

⁴²Aya wu ka nii wuka win we biṭirim bibu, kasi no be kwase wiin wu a mwe wu kirime, dine n kin miyare miye, biyilim min fwa chiminu a ne kwala kitime ko.”

Matta 11

N Yowana naba Batisma a tume nibu

(Luk 7:18-35)

¹Yo n Yesu a ngau Miyarim kimu min kikure a riye, a du fiko, a yika miyaku n ti dimwar a bintu Kalili.

²Yo n Yowana we dibintilu a nwe chi m Masiya kimagite, a tum Miyarim kimu we bwa dikine.

³Yo n chi a lam bwako a biu kin ko, “Fwa nimin, m mun nang wu kibeda, Ka wuka we ka beda?”

⁴N Yesu a yi chi ko, “Tikilan tifwa Yowana min chi ta kuutu n ti chi ta nweetu,

⁵Bibu a dwiyenimu kiku di, kikubtimu kiya yayyu, nibu mwalimu kibedu. Tifunitu kinwedi, bibu a no bwamu a kuntuwe, tilusanitu a nwe yam bilimu.

⁶N Kwama ka dela nii wu a katabu chi we keku biyilim kangu a dur mine.”

⁷Yo Miyarim Yowanamu a kun kikilade, n Yesu a fwa kituu nibe min yam we dur Yowanamu ko, “Yati dange wure we dichilachanginu, yati dange kifibe yinangu kiwile kwalunga?

⁸Ka a newe yiko, yati dange wure? Nii wu a do kulin diyilina? Kwako, bibu kido kulin diyilinimu a lo maiye.

⁹Yinu fal yati dange wule? Fakuwa? We yiko, n fwa chimin, a lati kasi faku.”

¹⁰N Yowana nang wu tattikidai yikari a mwal a dur kin ko, “N tume naba ditumbire mi a ti min kakku, wu ka do min ware ke m be mine.”

¹¹Biyilim min fwa chiminu, we bibu a ya bibe nayemu, we titinitu a binbi wuka we yinang Yowana naba Batisma kini dwiyentu. Aya kini yiko, wutire we Yaa Kwama, a la kin kini dwiyentu.

¹²A mwetewe kidangu n Yowana a ya kima Batisma a lanta kikanang, Yaa Kwama kifirsidu kichakakku, aya nibu mulinimu kifirsidu kini dukan.

¹³A laminti kidang Yowanangu fakubu n ti yilin Musatu a fwa yam we Yaa Kwama;

¹⁴Ka ta ke biyilim we yam bibe, n Yowana nang Yiliya wu a no ka bede.

¹⁵Wu kini kiteliye, a nwe.

16 Kikangu mang swe kidang kiku kini wureni? N chi yinang bwesimu a kwamarim, bibu kiyita yam a bwiti chi ko,

17 "Nin ngau chimin kikunti, ta yibbu were; Nin yingla chimin wi bwa, ta kitibu wi."

18 Nangkın, n Yowana a be, a chabu, a nobu, n chi a yi ko kini kifibti.

19 Bwe Nii a be kichadu, kinodu. N chi a yi ko, kwarim a lala kichadu kino tidu. Ki bwalu n ti nibu kiyiu sangkalim n ti nibu kiletim. Nibu kiswaanu ko n Kwama kima chi a da yo nibu kiku wari yingku nibu kimiye.

Bintu titu a wubu kitimi

(Luk 10:13-15)

20 Yinu n Yesu a mwe ki wela bintitu n kin a mwe mine chi katakitu, dine n chi a wubu kitim.

21 Yinu a yiko, "A no chin Korasinu n ti Betsaida kano nangin tidui titu a chi katakitu man ma a dichinengu, a Taya n ti Sidome a no yadu a wo kitim feredi kini buken ka do tiyaksani kulini.

22 Aya min fwa chiminu, we dimwatake ka nwe kibune Taya n ti Sidon ka la tichintu.

23 Aya m mun Kafanawu, mwang ma wureni wu delaki mwangu ka lan diye? Ko bayim, mwang ngau duru a far kirang. Ka no chi katakitu mang ma a dichinetu m ma a Sodome, a no lanta di a ne kaiyadu.

24 A dakan ta yindu ko dimwatake ka nwe kibune Sodome ka la dichinu."

Tibe a diYesuwe, keti ya fikaku

(Luk 10:21-22)

25 We kiswi wu n Yesu a yi ko, "Min delanu Tete, Tewuduwe wu a dii n ti time, mwang mabe dine mwang lai nibu ko chi kasanimu n ti bibu ko chi yim chimu tite, mwang mabe tin dine mwang yung bitirimu mine.

26 Nangkın Tete, titu nang chi mwang dang a le min a nire.

27 "N Temi a ni chiti kwang. A ne wu a yim Bwe we ka n ke Te. Tintine a ne wu a yim Te we ka n ke Bwe n ti bibu Bwe a ke ka yung chidimu.

28 "Tibe bwa a dimine, n tini kini kwang, n tin bibu ta twibwi we daku kulın turengmu, ma ni chin fikaku.

29 Tiyiu nangangu mang ni chinangu yinangu tangka ka dau kitiyang Karmangu, timiyan a dimine, m min kini bwanu mang kukkibu dur minu, yinu ta ya fikaku we dutu chintu.

30 Kitiyang Karma mangu a ne bwar we, chi mang yi mi tima a swe bunge."

Matta 12

Dibidu a difikare nibu Yafudam

(Mar 2:23-28; Luk 6:1-5)

¹We diko, n Yesu a suwe kuni alkamayu a difikare nibu Yafudame. Dine chune, miyarim kimu a le kikiya tichangri alkamaitu kikudu.

²Yo nibu Farisamu a ku tite, n chi a yi kin ko, “Dang miyarim mumu kima chi yilang a ko makitu difikare nibu Yafudam.”

³A kinta chi ko, ta kibu chi n Dauda a ma kidangu n kin n ti fatibu kimu a nwe chunanga?

⁴N Dauda n ti fatibu kimu a le Kan Kwama na Wurchalimanu kidangu chun a buwangu, a chau kidanne wu a nike we, wu a no dakabu ka chadu yinangu yilangu a fwangu, ka fanseti a dakan ka chadu.

⁵Ka ta kibu we yilang Musangu yinangu fanseti kiki yilang difikare nibu Yafudame we Kan Kwama diduna Wurchalimanu, kichiru a ne kilewenga?

⁶Min fwa chiminu, nii wu a la kan Kwamane n we fi.

⁷Ka no tiyim chi tikwaliyi titu kiyungditu ko, “Min bau nir kibune n ke niku kitumangite.” A no ta swababu bibu yinang Kwamamu.

⁸Nangkin, Bwe Nii nang Tewuduwe difikare nibu Yafudam.

Wu ngirmane nii

(Mar 3:1-6; Luk 6:6-11)

⁹N Yesu a du fiko a le dikan kan muraku nibu Yafudam.

¹⁰Wuka nii we fiko wu falangu a ngirmane, yade n chi kibau ware wu ka tan Yesu kini kile, a biu Yesu ko, we yilangu, “A le ni ma nangang bekangu we difikare nibu Yafudam?”

¹¹N Yesu a yi chi ko, “Ka wukane chin kini kwamiye, yinu a yar a bwir difikare nibu Yafudam, fangko a ne chakeda?”

¹²Nii a la kwami kida yile? A le ni ma chi tiyilitu difikare nibu Yafudam n ti kiku ni lekadu a lireku yilinangu.

¹³Yinu a yi nii wuko ko, “Tare falangu. Nii wu a tar falangu, falangu a yatilimangu yinang kangu falang no weminang.”

¹⁴Aya nibu Farisamu a chir, a yikan yaka dokadu yinangu n chi ka medu ka chiu Yesuwangu.

N Yesu wu swabre Kwama

¹⁵Tiyangu n Yesu a swaan chitangu, a du fiko, nibu nabwen a bunti kin we bwa a ya mine, n kin a bera nibi kwang.

16A ngau chiminti kikure ko, "Tifwaduwe ka m min n wure."

17Titu a fwe ke a ri chitu faku Yichaya a fwaatu ko,

18"Bwe nangangemi, nang wu mang milane, wu a le nir mine, mang ri kinu kini Fikim mimu, yinu mang mwata kuuti min biyilimu.

19A ne kwila chi, a ne kukku keer kinu. A ne le nelo kini didikunin.

20Bibu a kitanimu n kin ka tau chidu kini bwanu, yinang swaku kiku a bwa wurimang. N kin ka maka bibu keku biyilimang chiyangu kibwadimu ka tidi kiring, ka lamın tin yo yile ka chau kila we bwila.

21Din kinu ka kadu n nang fi kuuti ka yoon nire."

Yesu n ti Bayalsabul

(Mar 3:20-30; Luk 11:14-23)

22Yinu n chi a be kimine kini wuka nii wu kifibti a tau a kubudi kilwabidulwabe, n Yesu a be nii wu, kikudi, kifwati yamu.

23Nibi kwang a yar yii, kifwadu ko, "Wu nangki bwe Dauda?"

24Aya yo nibu Farisamu a nwe yam bibe, n chi a yi ko, "N kin kichaku kifibti dine tikake Mai chi n Bayalsebul a ni dukan ko a ma tite."

25Aya n Yesu a swan tikuran chitu, a yi chi ko, "Ka bingai a le tim nibu me, yare a be we tim bikimu. Tintine, timu kima bingai mu, a ne ti kwiru.

26Ka n Setan ki kaka Setane, a yung n chi a newe fiwiine. Yaako ka tidi yire?

27Ka min chaku kifibti kini dukan Bayalsebul ne, bichimu kichakidi dukan wuren? N chi ka mwata yam chimu.

28Aya ka min chaki kifibti kini Fikim Kwamame, a yung Yaa Kwama a be chimine."

29A ne wu ka le lo naba dukane ka ma kuute we, ka a mwebu a kwababu nii we, yinu ka ya da ka ma kuutite?

30Nii wu a ne we ware n ti mine, fakware mi, nii wu a makaibu murke kiyaiyuyaiye.

31Dine yiko min fwa chiminu, ka nang wuwule kile n ti swabane, n Kwama ka du nibu minu aya a ne du wu a swaba din Fikim Kwamane.

32Kanang wuwule niye wu a tu Bwe Nii, ka du kiminu aya a ne du wu a swaba Fikim Kwamame minu kidiya kwadu.

Tiyangu n ti tikulankitu

33"Do tiyangu a le ka mun bau tikulan tiyiliye. Ka tiyangu a lebe a ne tu chi tiyili. Ni swaan tiyangu a tikulan ki.

34T_{in} soti yikwaniyu, ta medu ta fwa tiyiliti yire, kangu n t_{in} b_{ib}wilamangu? D_{ine} ya_{mu} b_{ibu} a n_{ir}imu nang b_{ibu} k_{ich}ire f_{il}ang_{im}u.

35Nii wu yile, k_{if}wa chi tiyili t_{itu} n k_{ini} k_{in} a n_{ir}itu. Wu bwila yiko t_{in}, k_{ich}ake t_{ib}wilai t_{itu} a n_{ir} k_{ini}.

36M_{in} fwa chim_{inu}, a mwintuwe ka nang b_{ib}ile ya_m b_{ik}usum b_{ibu} n_{ibu} k_{if}wad_{ime}, ka le kabaku we kakku Kwamangu.

37T_{ik}w_{ali}yi mwitu nang chi ka chak_{inu}, yinu n nant_i chi ka kaiyine.”

N_{ibu} Farisam n ti n_{ibu} yilang k_{ib}au swaanku

(Mar 8:11-12; Luk 11:29-32)

38Yinu b_{ik}am n_{ibu} Farisa n ti n_{ibu} yungku yilangmu a yi ko, “Naba yungke, n_{in} baddu mwang yung n_{in} chi ka_{ta}ki t_{itu} ka kau n_{im}in d_{im}wali.”

39N k_{in} a yi chi ko, “D_{ik}alan d_{ib}wilan d_{idu} k_{ima} ka t_{ik}uli n ke n_{ibu} n_{iri} diin_{im} we kakku Kwamangu! A ne d_{ik}an d_{im}wal we d_{idu} a la d_{idu} a fa_{ku} Yunanangu.

40Yinangu n Yunana a ma ditiyi yitta kuko n ti kum we fur ch_{inge} wuduwengu, we yiko t_{in} Bwe Nii ka ma ditiyu yitta kuko n ti kum we n_{ir} k_{it}im_{inu}.

41“We dimwatake n_{ibu} N_{in}ibemu ka kunu ware n ti d_{ik}alan d_{idu}. N chi ka mwata n_{ibu} d_{ik}alan d_{id}inu m_{inu} ko n chi b_{ib}wilam, d_{ine} n chi a wo k_{it}im we d_{im}war Yunanangu. A ya wu a la Yunana k_{ini} dwiyene n nang wu.

42We dimwatake, Cheba wuwiye Mai a ne kedu k_{ini} d_{ik}alan d_{idu}, ka yung chidu ko n chi b_{ib}wilam, d_{ine} n k_{in} a chire a bwa tw_{are} ke be k_{in}we dukan ya_m yingku Mai Solomon. Aya m_{in} fwa chi m_{inu} wu a la Solomone we fi.

K_{il}aku k_{if}ibe wu bwila

(Luk 11:24-26)

43“Yo k_{if}ibe wu bwila a chir we bwi niye, k_{ib}w_{al}adu we fantiyu k_{ib}au f_{ik}aku. Ka a yaabe,

44“N k_{in} kiyidu ko, ‘Mang k_{il}at_i nii no mang swe m_{ine} we.’ Ka a be aya lo ngar_{ange}.

45Ka k_{il}adu ka k_{are} yikai k_{if}ib_{ti} y_{id}ib_{in} yiyu a la k_{in} k_{ini} bwilayu, ka le lo wu n k_{in} a f_{ire}ne ka sweduwe. We k_{iku} k_{id}ang, da nii we ka kaiyadu ka la wu kake. Nang tiyangu ka fwedu k_{ini} d_{ik}alan d_{id}angu.”

Ne Yesuwe n ti keb_{ik}imu

(Mar 3:31-35; Luk 8:19-21)

46Yo a lekan k_{if}wa n_{ibu} m_{in} ya_{me}, kebu k_{im}u a lam f_{il}ang. N chi a ke ka fwa k_{im}in ya_m.

47Wuka we n_{ibu} a fikomu a yi k_{in} ko, “D_{ang}! N ne mun n ti kebu mumu a f_{il}ang. N chi k_{ib}addu ka fwa ya_m n ti mun.”

48N Yesu a yi chi ko, “N Nemi nang wure? Kemi nang wure?”

⁴⁹A yung miyarim kimu ko, “N nemi n ti kebu mimu nang bibu n nin waremu!

⁵⁰Nangkin, wu kitum kike Temi wu a diye, nang kebumim n ti nemi.”

Matta 13

Baltaku a naba fike

(Mar 4:1-9; Luk 8:4-8)

¹We diko n Yesu a chir we lo, a ya swe a kitiki laang.

²Dine kituu nibe a mura kimintuwe, n kin a fil kwambire mwe a swe we, a du nibu we kitiki laangu.

³N kin a fwa nibu min yamu nabwen kini baltaku, a yi chi ko, “Wuka naba kuwe a yakifiye duum.

⁴Yo yak wau dume, bikamu duum a twakan a ware, kinibiyu a be sibatın.

⁵Bikamu a yar a fi a kaliye wu a ne kitim we nabwene, a ki tini datu. Aya dine a ne kitim we nabwene,

⁶yo kuko a fwe, a twi tin. Dine a ne kitimu ka swe kiyineng min we.

⁷Bikamu a yar a fi a kwada, kwada a lingke dumu a kiyemu a yimbu dwiyedu.

⁸Bikamu a yar a tim biyilim, a chir kikutiyu kulitu wan turukun turukun, bikamu wan tita tita.

⁹Wu kini kiteliye a nwe.”

Chi baltaku kiyungde

(Mar 4:10-12; Luk 8:9-10)

¹⁰Miyarim kimu a be a biu kin ko, “A mayire mun fwa chi min yamu kini baltake?”

¹¹N kin a yi chi ko, kana chin bibu a kinta chiimu tiyim tilaiyiri titu a Yaa Kwamatu, aya bibu a kebu biyilimimu a yimbu.

¹²Aya wu kini chiye ka yiddu we nabwen, ke n kin a ri chibu. Aya wu a ne we kine, kono nang titu a falang kangitu n kin ka kwalatinu.

¹³Nang chi a yo min fwa chiminu kini baltake. Kasi kiku kikudangu, a kubu chi. Kasi kiku kinwedangu, a swaanbu.

¹⁴Yam faku Yichayamu a ri a dichiye ko, “Tanin nwedu, aya a ne ta swaanu. Tanin dangdu, aya a neta ku chiki.

¹⁵Dine nitu nibu bibitu a ma kulin kiteli chiyu a nwebu di. A sume kwalangi chiyu, Ko ke chi swaanu we kini kwalangiyu. Yinu ke chi nwe tinuwe kini kiteli chiyu. Dine ke chi swaanu we nitu chitu, Ko ke chi kiladu bwa dimine we, n be chi.”

16“**Aya** we dīchīne! kwālan̄gi chiyu kīkudu yinu kīteli chiyu kīnwetīnu.

17**N** fwa chimīn biyilīm, fakubu nabwen n ti nību nīri dinīmu a bau ka ku tītū ta kuutu, aya n chi a kubu, a bau ka nwe chitu ta nwetu, aya n chi a nwebu.

N Yesu a fwa chi baltaku kiyungde

(Mar 4:13-20; Luk 8:11-15)

18“**N** Yesu a fwa chi baltaku kiyungde.

19**N** kīn a yi ko, ka ni a nwe yām Yaa Kwamamu a swaanbe, fakware kīful kīnu ka yitītī yām Kwamamu a no a nīrīmu.

20**Y**ām duumu a yar a kalimu, a ti we wu a nwe yāmu, a yiu, a kwar tīn kani yurabe.

21**Aya** yade yāmu a mabu kiyineng we nīre, a bakīswi bayim, yo riye n ti fumaku a kune dīne yām Kwamame, n kīn kīkīladi kuteng.

22**Wu** a yar a kwāda, nang wu a nwe yām Kwamamu, aya tītīnitu n ti kuli kitu a dau tīkuran kitu, a kwaba kīn, a yimbu ma nangang Kwamangu.

23**Aya** duumu a yar a tīm biyilīmu, kīfwa nii wu a yiu yām Kwamamu a swaan tīne, duum kīmu kīchir chabtītū kuul, wani turukun, bīkamu wani tīta.”

Baltaku kīni kīkweri

24**N** Yesu a fwa chimīn कांग baltaku ko: Yaa diye ni swe tīnu kīni wuka nii wu a ya fiye dum biyilīm a kuu ko.

25**Aya** yo nību a dara duumi kīni kume, fakware ko a ya fitī kīkweri we duum biyilīm kīmu a yika tīn.

26**Yo** chaam a mwe kīyo filīntu we dutu chite, kīkweri a kwālan̄.

27**Nību** nangangmu a yi kīn ko, “Tete, mare n fi duum biyilīm we kuu, kīkweri a taa bwāle?”

28**N** kīn a yi ko, “Fakware a ma nangang kīku.” Naba nangange a bīu ko, “Ni ya, ni kub, ni kur a bwa?”

29**Yinu** a yi chi ko, “Kwako,” ka ni kub kīkweri, ni kai duumi kīn.

30**Tīdu** a dwiye ware a lamīntīn kīswi kakke, we kīswi kakke, mang yi nību kīswidīmu mi, tīmur biyilīmu n ti kīkweri dangdang. Tītwi kīkweriyu aya biyilīmu tīkur a bīne.

Kīkwi kīsirai

(Mar 4:30-32; Luk 13:18-19)

31**N** Yesu a fwa chimīntī कांग baltaku ko, “Yaa wu a diye ni swedii kīkwi kīsiraiye wu nii a wau a kuu ko.

32**Kasi** kīku kīkwi wutīrengu aya ka a dwiye, kīkau tiyang kīduwang we lambu, kīnībiyu beki matī kīkuli we kīyangtikiyu.”

33 N Yesu a fwa chimint̄i kaang baltaku ko, “Yaa wu a diye yinang yis wu naye a se n ti miim a lamint̄i yo a fuwe.”

N Yesu a ma nangangu k̄ini baltaku

(Mar 4:33-34)

34 N Yesu a fwa kituu nibe min yam bibi kwang k̄ini baltaku. A ne bikam yam we bibu n k̄in a fwa chi minbu k̄ini baltakumu we.

35 Titu a ri chitu faku Kwama Yichaya a fwaatu ko, “Mang fwa yamu k̄ini baltaku, Mang fwa titu a lai feredi yo n Kwama a mwe a yo titinite.”

N Yesu a fwa chi yam k̄ikwerimu kiyungde

36 N Yesu a du kituu nibe a le lo, miyarim k̄imu a nabu a yi k̄in ko, “Fwa nimin chi baltaku a k̄ikweri chami kiyungde.”

37 A yi chi ko, “Nii wu a fi duum biyilime nang Bwe Nii.

38 Kuu nang titinitu, duum biyilimu nang bwesim yaamu, yinu k̄ikweri nang bwesim fakwaremu.

39 Fakware wu a fi k̄ikweriye nang Setan. Kiswi kake, nang kunk̄i titiniyangu, nibu swikimu nang nibu titumbiri Kwamamu.

40 “Yinangu a swi k̄ikweri a twiyangu, yiko we di swan kute.

41 Bwe Nii ka tume nibu titumbiri k̄imu, n chi ka chaku k̄ikweri we yaa ko n ti chi kiyo k̄iletiye n ti nibu k̄ima k̄ileti mu.

42 Ka mar chidu a kirang kibwilang we bwanu n chi kanin kira wiini, n ti kirtiku numang.

43 We kiswi wuko, nibu niri dinimu ka yiidu yinang kuko we yaa Te chiye. Nii ka nwede, a nwe.

Kuli titu niyang yimbitu

44 “Yaa diye yinang kuli tilairi a wuka kuu. Nii a ya, a kila laituwe. Aya dine timilane a yikan, a ya feku kulin k̄ini kwang a be tanin kuu wu.

45 “Tintin, Yaa Kwama yinang ni wu kifeku kulin a kwambar ki babba kaliyi wulbiwulbiye.

46 Yo n k̄in a ya wu a la chiye, a yikan, a ya feku titu n t̄u k̄initi kwang a be a tan kale wu.

Baltaku a dwaka

47 “Tintine, Yaa Kwama yinang nibu kitau chingi yo a mai dwaka we laa a woo chingiyi nabwen.

48 “Yo a riye, fangimchim a chake, a kitiku laang. Yinu n chi a swe we kitiku laang, a chaku yiyiliyu a yo a kiting, a kur yiyu a lebiyu a bwa.

⁴⁹Ka kadu yiko we kunku di swan kutengu. Nibu t̄itumb̄iri Kwamamu ka bedu ka chaku biyilimu we b̄ibwilamu.

⁵⁰Ka kur chidu a far k̄irangin, fi n chi ka kiin wii ka k̄irt̄in numme.

⁵¹“T̄iswaan t̄ita?” N chi a ke ko, “Ngo,”

⁵²N k̄in a yi chi ko, “Kanang chikiye t̄itu a yung ka nang wuwule naba yungku yil̄ine, yinang fangko lo wu a wo kul̄in d̄ik̄ar̄inu n ti d̄ifwinu we kan k̄ine.”

Nibu a ko Yesu we Nas̄aret

(Mar 6:1-6; Luk 4:16-30)

⁵³Yo n Yesu a ri fwaku yāmi yiye, a du fiko a chakakku,

⁵⁴Yo a yika b̄in k̄ine, a mwe k̄imiya chim̄inu we kamb̄i murak̄i Kwamatu, n chi a yār yii k̄iyidu ko, “Nii wu a ya yinḡk̄iku n ti dukan chi kātāki t̄itu a f̄ire?”

⁵⁵Wu n ke bwe kafinta? N ke wu n nek̄in m Maryamuwa? Keb̄i k̄imu n ke Yakubu n ti Yusufu n ti Simun n ti Yafuda?

⁵⁶B̄iwut̄im k̄imu, n ke b̄ibu n ch̄ini ware kwad̄ima? N k̄in a ya b̄ibu yām a f̄ire?

⁵⁷N Yesu a yi chi ko, F̄aku Kwama k̄ini k̄isiyang kasi no a f̄ire a bwin b̄in k̄inu n ti loko.

⁵⁸D̄ine n chi a kebu biyil̄ime, n k̄in a mabu chi kātākitu we bwako nabwen.

Matta 14

Bwa Yowana naba Batisma

(Mar 6:14-29; Luk 9:7-9)

¹We k̄iswi wuko, m Mai Yiridu a nwe yām Yesumu.

²A yi n̄ibu k̄ima k̄im̄in nangangmu ko, “Wu nang Yowana naba Batisma, wu a kuntewe fure. Nang chi a yo k̄ini dukanu k̄imang chi kātākite.”

³Nanḡk̄in m Mai Yiridu a tau Yowana a kwau a d̄ib̄int̄il̄ d̄ine n k̄in a dāu Yirudiya naye ke ko n Filibu.

⁴D̄ine n Yowana a tau k̄imwa Yiridu ko, “We yilangu, a dakabu mwang bau Yirudiya.”

⁵N Yiridu k̄ibaddu ka ch̄iu Yowana aya n k̄in k̄inwe tayi n̄biyu, d̄ine n chi a dāu Yowana f̄aku Kwama.

⁶Aya yo di n̄ibu a b̄in Yiridu a kanenge, fw̄an Yirudiya a yiu chim̄in yilang. T̄itu a l̄ima Yiridu n̄ir.

⁷N k̄in a mwe k̄ini d̄itw̄amb̄ir ko, “N tw̄am m̄in, chi mun badditu mang n̄inu.”

⁸N kìn a ma nangangu kìnì yàm ne kìnìmu a yi ko, “Yo miye dur Yowana naba Batisma a kwàse kíkàng we fi.”

⁹M Mai a kai nìr, aya dìnè dítwàmbìru n kìn a tu a manu, a yi nìbu ko a ma befwane mìn chi kìbadditu.

¹⁰N kìn a yo nìbu a biye dur Yowana we dībintìlu.

¹¹A be kìnì dur Yowana a kwàse a ni fwànu, wuko a yiu, a ya nitì nekìn.

¹²Miyarìm Yowanamu a be, a dàu kwàme a ya fur, a yikan a ya fwa Yesu mìn.

N Yesu a chau kìnì nìbu kuni yunu

(Mar 6:30-44; Luk 9:10-17; Yow 6:1-14)

¹³Yo n Yesu a nwe yàm bibe, a fil kwàmbìre mwe, a du fiko, a yika wuka fi n kìkun. Yo kítuu nibe a nwe yàm bibe, a duwe bintì chitu a buntì Yesu kìnì nani.

¹⁴Yo n Yesu a su we kwàmbìre mwe, a ku murakì nìbangu nabwene. A nwe kìbune chi, yinu a bera chi mìn burintu.

¹⁵Kìnì me, miyarìm kìmù a be fi a dìkìne a yi ko, “Fi a ma dìkir, di a le. Yai kítuu nibe, yo nìbu a yika bintu chi ke a ya tàm chabtu.”

¹⁶Yesu a yi chi ko, “A dakabu ka kíladu, tìnì chabtìtu.”

¹⁷N chi a yi Yesu ko. “A ne chabtu we kana kídaniyi yunuyu n ti chingiyi yurau.”

¹⁸“A yi chi ko, tìbe miye kìn.”

¹⁹A yi kítuu nibe ko, tìsweswe we swakìku. A dàu kídaniyu n ti chingiyu, a kuku kabu a dii, a wana Kwama, a wulan a ni miyarìm kìmù, bìkìmù a kera nìbu mìn.

²⁰Kítuu nibe a chau a lwe. A mur tìbukentu a rii tìtìngriti kub chiri turau.

²¹Bìbu a chabìmu kwartabu kuniriti tunu a bwin natìbu n ti bwesìmu.

Yesu a ya yayu, a di a mwe

(Mar 6:45-52; Yow 6:15-21)

²²Bìnabìna n Yesu a yo miyarìm kìmù a le kwàmbìre mwe a yabu wuka bale. A du kìn we fiko ka yo kítuu nibe a ya lìmang.

²³A kuteng kìku a yo kítuu nìbengu, a fil kun n kìkun, a twàbà bunitu we. Di a le kìn we bwako.

²⁴We kìswi wuko, kwàmbìre mwe a tìbe laa, labi mwetu kiyingledu, kìfìbe a nìbu chi da suku dìnè kìnì dukan.

²⁵Kìnì kunsin, n Yesu a fwadu miyarìmu mìntuwe kìbedu a di a mwe.

²⁶Yo miyarìmu a ku kìn kìfaduwe mwe, nìtu chitu a tìren. N chi a bwe kemi ko, “Waa butu!”

²⁷Bìnabìna n Yesu a yi chi ko, “Kwako! Tìwulu we, m mìn.”

²⁸M Bitir a yi ko, “Tewuduwe, ka nang mune, ke n ya bwa dimune we di a mwe.”

²⁹Yesu a yi ko, “Be.” M Bitir a su we kwambire mwe, kiyadu we dii a mwe, kiyika bwa diYesuwe.

³⁰Yo n kin a ku kifibe la, niru a tiren, n kin a mwe kisu mure mwe. N kin a bwe keme ko, “Tewuduwe! Yui.”

³¹Binabina n Yesu a tar falangu a tau. A yi ko “M mun wu keku biyilim mwangu a kitane, mun kama wule?”

³²Yo n chi a le kwambire mwe, kifibe a ti tin.

³³Bibu we mure kwambire mwemu a sii kin ko, “Biyilim, m mun Bwe Kwama.”
N Yesu a be nibu tiburanimu a Chanesaret

³⁴Yo n chi a yabu la, a sika tim Chanesaret.

³⁵Kangu nibu a binimu a swan ko n Yesuwangu, n chi a na yilang we tim chimu a dau tina kidire. Nibu a be kimine kini bibu a buranimu.

³⁶N chi a wana kin ko a du bibu a bubuwemu a twai kasi no nang luke ko, bibu a twayimi kwang a be.

Matta 15

Da tukebe

¹Bikam nibu Farisa n ti nibu yungku yilin Musantu a be a Wurchalima a biu Yesu ko,

²“Wureni a yo miyarim mumu a buntibu da selibe? A nurabu fali chiyu yo n chi yaka chau chabtutu we da chire.”

³N Yesu a yi chi ko, “Yinu a mayire n tin tiko yilin Kwamatu dine da tukebu chime?”

⁴Dine n Kwama a yi ko, ‘Bunti yam temun n ti ne munimu. Wu ka tu Tekin ka n nekine, a lwe ka bwadu.’

⁵Aya tifwa nibu minu ko, nii wu kini chii ka maka te kin ka ne kine, kiyidu ko, ‘Chi no ta yadu we di mine n yo Kwama min.’ A yung a nibu tebu kimu dwiyentu tifwa nibu minu.

⁶A dabu yiko n kin ka ni tekın n ti nekın dwiyentu. Kanang chikiye, yam Kwamamu a kau bikusum dine dati chiyu.

⁷Nibu dibebelin! N Yichaya a ma fakuitu a yi ko,

⁸‘Nibu bibu kidelayu ka yii, nitu chitu kutan n ti min.

⁹N chi kisii minu kwako, dine kimiya yilin nibii n ke titu a Kwamai.’ ”

Chi mun chaditu n ke chi ka kaiyinu we kakku Kwamange

(Mar 7:14-23)

¹⁰N Yesu a yale kituu nibe a yi ko, “Tinwe, tiswaan tin.

¹¹Chi kileda yiye n ke chi ka kai niye, aya chi kichiredu a yiitu, nang chi ka kaiyinu we kakku Kwamange.”

¹²Miyarim kimu a be a yi kin ko, “Mwang yim mwi nibu Farisamu a kai nir kini yam muma?”

¹³N Yesu a yi chi ko, “Kanang kikile tiyang kiku n Temi a fibange, ka kukkinu a tiyinin.

¹⁴Tidu kidubibu kitwaki kidubimu. Ka kidu ka twaku keko kiduwe, n chi kwang ka fitadu a kee.”

¹⁵M Bitir a yi ko, “Fwa chi baltaku kiyungde.”

¹⁶N Yesu a biu chi ko, “N tin we dititi chika?”

¹⁷Ka chitu a le yiiye, a buntifur, a chirtibu a bwa?”

¹⁸Aya chi kichiredu a yiiye, kichiredu a nir, nang chi kikai nii we kakku Kwamange.

¹⁹Chitu kichiredu a niritu nang titu; tikuran tibwilai, chikku, tikuli, kuutu, tikwani n ti swaba ku nii.

²⁰Titu nang chi kikai niritu we kakku Kwamangu, aya chaku chitangu kini kaniyu a nurabunurane yinangiyu a kaibu niru we kakku Kwamangu.

Keku biyilimang wuka naye Kananiya

(Mar 7:24-30)

²¹Yo n Yesu a du fiko, a yikan Taya n ti Sidon.

²²Wuka naye Kananiya a be a fwa yam kini dukan ko, “Nwe kibune mi Tewuduwe, Bwe Dauda! Wuka kifibti kini fwam minu riye.”

²³N Yesu a fwabu yam. Yinu miyarim kimu a be a fuma kin ko, “Tewuduwe, naye wu kifun nimin kiteli.”

²⁴A yi chi ko, “A tum mine a kwanti yilairi Yisrela.”

²⁵Naye wu a be, a sung we kakikku ko, “Makai, Tewuduwe.”

²⁶A ke ko, “A ne ka ledu ni dau chabtu bwesimitu niing ni kadati.”

²⁷Naye a ke ko “Yiko Tewuduwe, aya kasi no nang kadatiyu, ki chiba tibuken titu kitwakadu a fi nibu kichan chabte we naba lo chi.”

²⁸N Yesu a ke naye min ko, “Nelo, keku biyilimang mwangu nabwen. Chi mwang bibe n ya. Fwam kinu a be tin we kidang kangu.”

Yesu a bera nibu nabwen

²⁹N Yesu a du bwako, k**ibunt**i bale a la Kaliliye. A ya, a f**il** bale kunne a swe we.

³⁰K**ituu** n**ibe** nabwen a be we d**ik**ine. B**iba** ng**irman**imu n ti k**idub**ibu n ti k**ikub**tiyu n ti t**ifun**itu n ti b**ikam**u nabwen, a yo chi we kakku kangu, a be k**ini** chi.

³¹N**ibu** nabwen a y**ar** y**ii** kangu a ku t**ifun**itu k**ifwa** y**am**, k**ikub**tiyu a sw**ar**, b**ibu** a ng**irman**imu k**iya** y**ayu**, k**idub**ibu k**iku** diyangu. N chi a dela Kwama Yisrela.

N Yesu a chau kini** n**ibu** kuniriti taana**

(Mar 8:1-10)

³²N Yesu a yale miyar**im** k**imu** a yi chi ko, m**in** nwe k**ibun**e n**ibu** b**ibe**, n chi we ware n ti m**in** we diti yiyu a ne chi ka chaditu we. Mang kebu ka k**iladu** k**ini** chunu ke k**ila** wuka nii a k**itadu**we w**are**.

³³Miyar**im** k**imu** a yi k**in** ko, “Fi a ne nii we, nang ya k**idann**iyu a f**ire**, wu ka lwe k**ituu** n**ibe**?”

³⁴N Yesu a b**iu** chi ko, n T**ini** k**ini** k**idann**iyi yile? N chi a yi ko, “Y**idib**in, n ti bet**i** ch**ingi** bayim.”

³⁵N Yesu a yo n**ibu** a sweran a t**im**.

³⁶A d**au** k**idann**iyu n ti chingiyu, a tw**aba** buni a d**ikw**ama, yinu a wulan a ni miyar**imu**, b**ikim**u a kera n**ibum**in.

³⁷N chi kwang a chau a dutuwe. A kuteng k**iku**, miyar**imu** a ke t**ibuk**entu a dubitu t**iting**riti t**idib**in.

³⁸N**ibu** a chab**imu** kuniriti taana, a bwin nat**ibu** n ti bwes**imu**.

³⁹A kuteng k**iku** n Yesu a yo n**ibangu**, a le kw**amb**ire mwe a yika t**im** Mak**adam**.

Matta 16

Bakku chi kataki****

(Mar 8:11-13; Luk 12:54-56)

¹N**ibu** Farisamu n ti n**ibu** Sadukiyamu a be ka swe Yesu k**ini** d**ibid**u ko, “Yung n**in** d**imwal** d**idu** a chi k**ataki**in d**idu** a chire a bwadi.”

²N Yesu a yi chi ko, “Wuka yo k**ini** me, dii kw**adidi**, t**iyidu** tiko f**inenang** t**imu** ka woradi ng**arang**.

³K**ini** s**in** ka t**iku** twiye a dili k**iliye**, t**iyidu** ko, ‘Yaka swi mwe.’ T**iyim** dwadi wu, a chi nui chiyu a kuuwe, aya ta yimbu tiyangu ta fwa chi k**ifwedu** a k**idang** k**ikitu**.

⁴K**idang** k**ibwilang** k**iku** t**ikuli** a n**ibu** a yimbu Kwamam, k**ibaddu** ka ku chi k**ataki**, aya a ne chi k**atak**itu ka yung ch**initu** we, ka a su t**ittu** a d**iyunanatu**.” Yinu n Yesu a du chi a yikan.

Yis nibu** Farisamu n ti n**ibu** Sadukiyamu**

(Mar 8:14-21)

⁵Yo miyarimu a lam wuka bale we nabwe fare, yinu a kur, a tabu a yikabu kini kidanne.

⁶N Yesu a yi chi ko, “Tima daandaan kini yis nibu Farisamu n ti nibu Sadukiyamu.”

⁷N chi a tal yam bibu we yichiyu a biu tin ko, “Dine niyang bebu kini kidanniya?”

⁸Dine n Yesu a yim chi n chi kitwayadite, a biu chi ko, “N tin bibu keku biyilimang changi bayimimu, wureni a yo titwayadu we yichiyu tiko a ne kidanne we!

⁹A lanta kikang ta swaanba? Titabu kangu mang chabi kini nibu kuniriti tunu kini kidanniya yunuya? Titabu titingritu ta ri kini tibukenita?

¹⁰Ka ta tabu kini kidanniya yidibin yiyu nibu kuniriti taana a chabiya? Titabu kini titingri tibukenitu ta karita?

¹¹Wule a yo ta swaanbu tiko yam mimu n ke bibu a kidannime? Aya tima yi daan kini yis nibu Farisamu n ti Sadukiyamu.”

¹²Yinu miyarimu a swaan fal ko, yam yis n Yesu kiyi chidu ko a ma daanimu, n ke yis wu a kidanne, aya kifwa yam tikwanimu nibu Farisamu n ti nibu Sadukiyamu kimitiyadimu.

M Bitir a yi ko n Yesu nang Masiya

(Mar 8:27-30; Luk 9:18-21)

¹³Yo n Yesu a lam bale Kaisariya Filibu, a biu Miyarim kimu ko, “Nibu kiyidu ko Bwe Nii n wure?”

¹⁴N chi a ke ko, “Bikamu kiyidu ko Yowana naba Batisma, bikamu ko n faku Yiliya, bikamu ko faku Yirmiya, tintine bikamu ko wuka faku Kwama.”

¹⁵Yinu n kin a kila yi chi ko, “N tinde, tiyidu ko m min, n wure?”

¹⁶N Simun Bitir a ke kimin ko, “M mun nang Masiya, Bwe Kwama wukure.”

¹⁷N Yesu a ke kimin a yi ko, “M mun naba delake Simun bwe Yunusa, n Kwama wu a diye nang wu a yungin yam bibe, n ke nii wu a titiniye.”

¹⁸Aya min fwa minu kikangu m mun Bitir, “Kanang chikiye m mun kwam, we kwam wu nibu buntiki mimu ka rudu we yi kiring. Kasi no bwa a newe kini dukan ka yingle chi.

¹⁹Mang nin mangsoli yaa wu a diye, chitu mwang bwa a titinitu a bwa we bwa diye aya titu mwang kwi we titinitu, ka kwiyadu we bwa diye.”

²⁰Yinu a wu miyarim kimu min kitele yinang ko, a fwadu wuka nii minu we didiin ko n kin nang Masiya.

N Yesu a fwa kiduum bwam kimu

(Mar 8:31; 9:1; Luk 9:22-27)

- ²¹A mwetuwe k̄idang kangu, n Yesu k̄ifwa Miyar̄im k̄imu m̄inu ko, a mwintuwe ka ya Wurchalima, ka nwe riye nabwen we f̄ali tikaketi n ti wuduwe fansetiye n ti N̄ibu yungku yil̄inimu. A yi chi ko n̄ibu ka ch̄iu k̄inu, aya ka kunnu k̄ini t̄ikuri we wu tare di.
- ²²M Bit̄ir a ti ware a k̄it̄iku k̄ikwabu k̄inu ko, “A bwin mun, Tewuduwe!” A yi ko, “T̄ichitu wu a ne ka fwenduwe!”
- ²³N Yesu a sabran, a yi Bit̄ir ko, chim̄in a fi, m mun Setan! M mun k̄it̄wakulang we kakku mangu. T̄ikuran mwitu t̄itu a nangang t̄ibwiyangi n ke t̄itu a diKwamai.
- ²⁴Yinu n Yesu a yi miyar̄imu ko, “Nii a ke ka bumit̄ine, a kuru yikiyu we, a d̄au k̄it̄iyang bwang kangu, a bumit̄ine t̄in.
- ²⁵Nangk̄in, wu k̄ibau t̄ikuri kite, ka kwaladu aya wu a kwalan t̄ikuritu d̄ine m̄ine ka yadu.
- ²⁶T̄am̄ang kangu wureni ka n ya t̄it̄initu n kwala t̄ikuri mwite? T̄int̄ine, nii ka ni wureni, wu ka suten t̄ikuri kite?
- ²⁷Nangk̄in, Bwe Nii kiyikadu, ka k̄iladu k̄ini dwiyen Te k̄initu, k̄ini n̄ibu t̄itumb̄iri k̄imu, yinu n k̄in ka ni ka nang wuwule niye k̄it̄ime ko. Kanang wuwule niye yinang ka n k̄in a ma nangangu.
- ²⁸M̄in fwa chim̄in biyil̄imu, b̄ikam chimu we fi a ne ti bwadu ka ku k̄ilaku Bwe Nii a mat̄inki.”

Matta 17

N Yesu a sute bwiki

(Mar 9:2-13; Luk 9:28-36)

- ¹A kuteng ditiyi yurukunangu, n Yesu a bungan n ti Bit̄ir n ti Yakubu n ti ke Yakubuwe n Yowana, a yika d̄ikan kun d̄isw̄am̄in, n chi chikun we bwako.
- ²N Yesu a sute bwikiyu we fiko, kabuko kiyillu tiyang kuko diye, kul̄in k̄inu a fwiye ni mwe.
- ³B̄inab̄ina, miyar̄imi b̄itam̄u a ku Musa n ti Yiliya k̄ifwa ȳamu n ti Yesu.
- ⁴M Bit̄ir a yi Yesu ko, “Tewuduwe, a le tiyangu n ch̄ini a fiyangu. Ka mwang kede mang ti t̄ikubiti t̄itta d̄ikanu n d̄imun, d̄ikanu n diMusa, d̄ikanu n diYiliya.”
- ⁵Yo m Bit̄ir a yak̄i fwa ȳame, d̄ikan d̄itwin mwe a be yinge chi we fiko. B̄inab̄ina d̄ikan ker a chire we d̄itwin d̄idu ko, “Wu nang Bwe mi, wu mang m̄ilane, m̄in nwe t̄am̄ang kangu yinang, t̄i nwe k̄in!”

⁶Kangu miyarim kimu a nwe ker didangu, tayi a tau chi, a yaran a swara kabini chiyu a tim.

⁷N Yesu a be a twai chi a yi ko, "Tikun, tinwedu tayuwe we."

⁸N chi a kukki kabuni chiyu a kubu wuka nii we fiko, kana Yesu n kikun.

⁹Yo n chi yaki suwedu we kunne, n Yesu a wu chimin kiteli ko, "Tifwa wuka nii minu chi ta kuutu we ka laminti yo Bwe Nii ka kunnu we fure."

¹⁰Miyarim kimu a biu kin ko, "Dine wule nibu yungku yilimu kiyidu ko, a kabi king, n faku Yiliya ka mwe beke?"

¹¹A kinta chi ko, a mwintuwe n Yiliya ka bedu, ka do ka titile chiye.

¹²Aya min fwa chi minu, n Yiliya a tu a be, n chi a swaanbu, n chi a ma kimin ka titile chiye yinang kangu a kur we nitu chitangu. A lakanbu, Bwe Nii yaka nwe riye yiko we Fali chiyu.

¹³Yinu fal miyarim kimu a swaan ko kifwa chimin yamu a dur Yowana naba batisma.

N Yesu a chakku kifibti a bwe kini kikuliye

(Mar 9:14-29; Luk 9:37-43a)

¹⁴Tiyang ka n chi a lam fi nibu a mura minengu, wuka nii a be a sung we kakku Yesungu, a yi ko,

¹⁵"Tewuduwe, nwe kibune bwemiye, kinwe riye nabwen we kikuliyu. Wuka yo kiyar tinu a kirang ka a mwe.

¹⁶N ya miyarim mumu mini kin mi ka we bedi kine, a yabu dawewe."

¹⁷N Yesu a ke ko, "Kiku kidang! A mayire ta kebu kini min, tikur ka yam bikwanime? Tibusu mang swedu n ti chini yire, wu we ta kebu biyilimu we di mine? Bwanumi ka lanti fere? Tibe kini bwe a fi."

¹⁸N Yesu a yi kifibti ko, "Chir!" Kifibtiyu a chir a dutu bwe. We kiswi wuko bwe a be tin.

¹⁹A kuteng kiku, miyarim kimu a be, a ya kin, yo a ne nibu we, a biu Yesu ko, "Wureni a yo n nin nang yimbu chaku kikuliye?"

²⁰N Yesu a yi chi ko, "Dine keku biyilimang changu, a mwan, a kitane. N kin a chakaku ko, biyilim min fwa chiminu, ka n tin kini keku biyilimangu yinang kikwi kisiraiye, ta yi kun didu ko, kun we fi, yikani bwa, kunnu ka yika tinu." A ne chi ka bwa chine we.

²¹[Aya kiduum kifibtim bibu a chirbu we ni, ka n ke ka twabaku n ti dakku dimwene.]

Yesu a fwati yam bwakomu we kida

(Mar 9:30-32; Luk 9:43-45)

²²Wuka di yo n k̄in a swe ti miyarim̄ k̄imu a K̄alili, n Yesu a yi chi ko, “Fakwarbu m̄imu yaka ni Bwe Nii a f̄ali n̄ibii.”

²³N chi ka ch̄iu m̄inu, aya n Kwama ka yodu mang kunu we wu tare di. Yam̄ b̄ibu a kai n̄itu miyarim̄ k̄imitu.

Sangkal Kan Kwaman

²⁴K̄idaangu n Yesu n ti miyarim̄ k̄imu a lam Kafanawu mangu, n̄ibu b̄ibu k̄imur sangkalu ka nang d̄id̄ile sw̄are we n̄ibu Yafudam kwang d̄ine ke a dong Kan Kwaman̄imu, a ya we d̄iBit̄ir, a b̄iu ko, “Naba lomo we k̄ife sangkal Kan Kwamana?”

²⁵M Bit̄ir a ke ko, “Ngo, k̄ifedu,” Yo m Bit̄ir a k̄ila lo, n Yesu a mwe a ma d̄ib̄idu ko, “Simun, we dangku mwangu, mat̄im mu k̄iyu sangkalu a d̄iwure, a bwesim̄ chima, ka a b̄ibu n ke b̄ichima?”

²⁶M Bit̄ir a yi ko, “A b̄ibu n ke bwesim̄ chim.” Yinu n Yesu a yi ko, “A kau bwesim̄ chimu a swi we feku sangkalangu.”

²⁷D̄ine ke ni kai chi m̄inu n̄ir we, “D̄ine yiko, ya n mar kolo we mwe nabwe fare, tau ch̄inge ka mwe leke, wudu yii ko, mwang ya kamb̄ir we wu ka lwe sangkale. Fe sangkal munu n ti d̄im̄ini k̄in.”

Matta 18

N wure a la chi k̄ini dwiyentu

(Mar 9:33-37; Luk 9:46-48)

¹We k̄iswi wuko, miyarim̄u a be we d̄iYesu we, a b̄iu k̄in ko, “N wure a mwang a la chi we Yaa diye?”

²Yinu a yale wuka bwe wut̄ire a ti we tibe chi,

³a yi ko, biyilim̄ n fwa chim̄inu, ka ta sutebu dati chiyu, ta kabu yinang bwesim̄ bit̄irime, a ne ta le Yaa Kwama ko bayim.

⁴D̄ine yiko, ni wu ka mar durk̄inu yinang bwet̄ire, nang sele we Yaa Kwama.

⁵T̄int̄ine, nii wu a yiu bwet̄ire yinang wu a d̄in m̄ine, a yiu m̄in.

Chi k̄iyo yare

(Mar 9:42-48; Luk 17:1-2)

⁶T̄int̄ine nii ka yo wuka bwe wut̄ire wu a ke biyilim̄ we d̄in m̄inu m̄in yare, a ma k̄ile. Ka la chi ni kwau k̄im̄in neer we kwiir k̄inu, ni mar k̄inu a k̄isule fare.

⁷A no t̄it̄initu d̄ine chi k̄iyo n̄ibu k̄ima k̄iletiye, a kabbi k̄in k̄ichiti wu ka bedu, aya a no nii wu chitu ka bedu a d̄ik̄ine.

⁸Ka faḷang n ti nang mwangu kiyonu k̄ini k̄iletiye, mwatu n mar a bwa, ka la m̄in chi mwang ya t̄ikuri k̄idiya kwadi k̄ini t̄ikubi n ti k̄iku faḷang ka nange ka yodu mwang le far k̄irang.

⁹Ka kwalangemo kiyodu mun ma k̄ilenge, chaku n mar a bwa, ka la chi mwang ya t̄ikuri k̄idiya kwaditu k̄ini nu wiin n ti k̄iku mwan le far a k̄iranu k̄ini nuyi yurau be.

Baltaku a kwami wu a laiye

(Luk 15:3-7)

¹⁰“T̄ikedu t̄iswabadu b̄ibu a rubu we bunt̄ik̄imu we. M̄in yi ch̄inu, d̄ine n̄ibu t̄itumb̄iri chimu k̄idang kabu Temi wu a diye.

¹¹[D̄ine Bwe Nii a be ka yu b̄ibu a laiymu.]

¹²“T̄ikuri yire? Ka ni k̄ini kwanti kuule, yinu wuka wiin we tibe chi a laiye, n k̄in a ne ka du yiyu wan turkubu chiri turkubiyu we nachangu yaka babba wu a laiya?

¹³Yinu ka yange, biyilim m̄in fwa chim̄inu, ka m̄iladu we n̄ir k̄inu ka la yiyu wan turkubu chiri turkubu a laibiyu.

¹⁴A fi wine, Te ch̄in wu a diye a kebu wuka we bwesim b̄ibu ka laiye.

Ka kemo a ma k̄ile

¹⁵“Ka kemo a ma m̄in k̄ile, yung k̄in k̄ile ko, t̄ifwa t̄ini burau, ka a nwene, m marti k̄in we ware.

¹⁶Aya ka nwen be, bau wuka nii wiin ka burabe yat̄i dokan d̄ine yamu a yiini n̄ibi burab̄imu ka b̄itange k̄iti kwiir.

¹⁷Ka ni wu a nwebu chiye, fwa n̄ibu bunt̄ik̄im min, ka a nwebu n̄ibu bunt̄ik̄ime, t̄idau ni wu a yimbu Kwama, ka yinang n̄ibu k̄iyu sangkalime.

¹⁸“Biyilim m̄in fwa chim̄inu, chitu ta bwau we t̄it̄initu, a bwau we bwadi.

¹⁹“T̄int̄ine m̄in fwa chim̄inu, ka t̄ini burau we t̄it̄initu t̄ikekan a t̄ikan chi t̄itu t̄ibadu a d̄iKwamate, n Temi wu a diye ka ma chim̄inu.

²⁰Aya fi n̄ibi burau ka b̄ita a muran m̄in we d̄in m̄ine, n m̄in we ware n ti chi.”

Kabe wu a du nii m̄in be

²¹Yinu m Bitir a be a yi Yesu ko, “Tewuduwe, kemi ka mami k̄ile k̄ida yile mang du k̄im̄inu, k̄ida yidibina?”

²²N Yesu a ke ko, “N ke k̄ida yibidin aya yid̄ib̄in want̄id̄ib̄in.

²³D̄ine yiko, ni swe Yaa Kwama k̄ini Mai wu k̄ibaddu ka tal chi a faḷi k̄abi kiye.

²⁴Yo n k̄in a mwe k̄italle chide, n̄ibu a be k̄imine k̄ini wuka nii wu n k̄in k̄ibunt̄i kamb̄iriye.

- ²⁵Kangu a yimbu fe dişinangu, naba loko a yo ni bu ko a feku ni wu n ti naye ko n ti bwesim kimu n ti kwalin chin kinu kini kwang a fen kambiru.
- ²⁶Yinu kabe a sung we kakku kangu kiwanadu ko, temiya, ma bwanu, mang fedu kini kwang.
- ²⁷Yinu naba lo a nwe kibune kabe, a du kimin disin didu. A yi ko, a yikan.
- ²⁸“Kangu kabe wu a chirengu, a tekan n ti wuka fate nangange ko, wu n kin kibunti disin kambir surine, a sa kin a kwiru ko, ‘Feyi disin kambir minu suriyu kuul.’
- ²⁹Yinu n fate nangange ko a sung kiwana kinu ko, ‘Ma bwanu, we mang fenu.’
- ³⁰Aya kabe a ko, a yikan kini ni wu a dibintil, a laminti yo a fe disine.
- ³¹Yo bikamu fatibu nangam a kuye, nitu chitu a kaiyan, a yikan a fwa naba lo chi min chi a fweti kwang.
- ³²“Yinu naba loko a yalle kabe wu, a yi kin ko, ‘M mun ni wu kwane! N dumin disin munu dine mwang kiimi wiye.
- ³³A mayire ne mwang nwe kibune fate nangange mo tiyangu mang nwe kibune monge?’
- ³⁴Kichiti wu a fwi naba loko min nir, a yo ni bu a ni kin riye, a laminti yo n kin a fe disine.”
- ³⁵Yinu n Yesu a swan yamu ko, “Nang yinangu Te wu a diye, ka madu kini chinangu, ka nii a dubu ke ko minbu kileti kiye.”

Matta 19

Miyaku Yesu a chiku kinaang

(Mar 10:1-12)

- ¹Yo n Yesu a ri fwaku yambibange, a du Kalili a yika bale Yafudiya, wu a kangu balang we La Wurdune.
- ²Kituu nibe a bunti kin, a n kin a bera chi we bwako kwang.
- ³We fiko, bikam ni bu Farisamu a be ka swe kinu, n chi a bu kin ko, “We yilangu a dakan nii ka chi naye ko min kina kasi no a wuwule kilenga?”
- ⁴N kin a yi chi ko, “Ta kiba? We tile birke, n Kwama a yo wubare n ti wuwiye?”
- ⁵Yinu a yi ko, ni ka du te kin n ti ne kin, ka tabadu n ti naye ko. N chi kini burako, a kabbi wiin!
- ⁶A lanta bwa kakke, n chi a neka kadi burau a ya ka kaddi wiin. We yiko, chi Kwama bwabe, wuka ni a yarkadu chi we!

⁷N chi a yi k̄in ko, “Yinu a mayire m Musa a ru yilangu ko ni a ni naye ko lwanḡin chiku k̄inangu a kakane?”

⁸N Yesu a yi chi ko, “D̄ine n̄ir ch̄ini k̄inḡinḡinu, m Musa a k̄inta chi ko t̄ichiu k̄ina aya a newe yiko we tile b̄irke.

⁹A mwintuwe m̄in fwa chim̄inu, nii wu ka ch̄iu naye ko m̄in k̄inange, ka n ke a d̄ine t̄ikuliye, ka yiu wuka naye, k̄ima t̄ikuli ware.”

¹⁰Yinu miyar̄im k̄imu a yi k̄in ko, “Ka chiti ye we tibe kwarta n ti naye ko, a bunge ni a yidu naye we.”

¹¹Yinu a yi chi ko, ȳam b̄ibu n ke ka nang wuwule niye ka d̄adu, kana b̄ibu n Kwama a ke chi m̄in̄im.

¹²N Yesu a yi chi ko, “Ȳam b̄ibu n ke b̄ibu a n̄ibi kwanḡim d̄ine n Kwama a b̄iu b̄ikamu b̄irabine, b̄ikamu b̄ibu a yangi fal̄ang. B̄ikamu a ke ka kau b̄irabine d̄ine nangang Kwamang.”

N Yesu a dela bwes̄imu

(Mar 10:13-16; Luk 18:15-17)

¹³N̄ibu a be k̄ini bwes̄imu a d̄iYesuwe ko ke a yo bwes̄imu m̄in delaku a tw̄aba chim̄int̄in bunitu aya miyar̄im k̄imu a kwabu n̄ibu a be k̄ini bwes̄imu.

¹⁴N Yesu a yi chi ko, “T̄idu bwes̄im b̄it̄ir̄imu a be bwa d̄im̄ine. T̄inabaduwe, d̄ine Yaa Kwama n wu chi.”

¹⁵Yo a yo chim̄in delake, a yikan t̄in.

Bwele wu k̄ini kuliye

(Mar 10:17-31; Luk 18:18-30)

¹⁶We fiko bwele wu k̄ini kuliye a be we d̄iYesuwe a yiko, “Naba yungke, mang ma t̄it̄ile chi, t̄itu ka yodu mang ya t̄ikuri k̄idiya kwadite?”

¹⁷N Yesu a yi k̄in ko, “A mayire mun ma d̄ib̄idu we chi tiyiliye? A ne chi tiyili we, ka n ke Kwama n k̄ikune. Ka mun baddu mwang ya t̄ikuri k̄idiya kwadite, mwang buntu yil̄intu.”

¹⁸N k̄in a yi Yesu ko, “T̄it̄ile yil̄in?” N Yesu a chakakku ko, “Chidu ni we, madu t̄ikuliwe, madu kutuwe, mwedu t̄ikwani we,

¹⁹Ni te mun n ti ne mun dwiyentu. M̄ila b̄ibu t̄iswedu waremu tiyangu mwang m̄ila yimwiyangu.”

²⁰Yinu bwele a yi k̄in ko, “M Bunt̄in yil̄inti kwang, a dumi wureni?”

²¹N Yesu a yi k̄in ko, “Ka mun baddu mwang kau wu yile niye, yang feku kuli mwiti kwang, nika t̄ilusanitu mwan ya kulitu we bwa diye. Yinu bumite.”

²²Yo bwele a nwe ȳam b̄ibe, a yikan k̄ini kaiyan n̄ire, d̄ine n k̄in k̄ini kulitu nabwen.

²³Yinu n Yesu a yi miyarin kimu ko, “Biyilim min fwa chiminu, ka kadu bawi naba kuli ka le Yaa Kwama.

²⁴Min fwa chimin tinu kida, ka la chi twalim ka le bwang libra n ti kiku naba kuli ka le Yaa Kwamangu.”

²⁵Yo miyarim a nwe yam bibe, n chi a yar yi, a yiko, “Ka chitu ka fwediye n wure ka ya swikiku.”

²⁶N Yesu a dang chi riing a yiko, “We nibu a ne fwedu, aya we diKwama chitu kwang ka fwedu.”

²⁷M Bitir a yi ko, “Yinu Kikangu nang du chitu kwang ke nin bumitinangu, kano nang ya wureni?”

²⁸N Yesu a yi chi ko, “Biyilim min fwa chiminu we kidangu kibedangu, we kiswi Bwe Nii ka swedu we yaako wuduwe n tin bibu ta buntu minimu, nang bibu ta swedu a kiding mwatakimu, ta mwata kutiyi kub chiri yurabu a Yisrela minu.”

²⁹Yinu ni wu a du loko n ti kebu kimu barbarimu, ka biwutime, ka n te kine, ka n ne kine, ka bwesime ka kuniye dine mine, ka ya chi a la kulite, yinu ka yatitiki kidiya kwaditu.

³⁰Aya bibu kikudu ko n chi, chi la chimu ka kau bitirim, yinu bibu kikudu ko n chi bitirimu ka kau bibu a la chiim.

Matta 20

Nibu kima nangang a ku Yinabi

¹Yaa diye a chirkamin n ti telo, wu a kun kini sin kibau nibu ka ma kimin nangang we ku yinabe.

²Kangu n chi a doka kambir surenangu, a tung chi we ku ko.

³A kila chirtewe yo kiswi turkubu a lame, a ku bikam we fi a kwamare a mabu chi.

⁴A yi chi ko, tiyatitiki ku yinabe mi, mang fe chi a dakanitu. Yo bibu a yikane,

⁵A kila chirtewe kini kuko yo awa a fi yitta a yal bikam nibu nangam.

⁶Yo kiswi a fi yunuwe a chirtewe tin, a ku bikam a tiran a mabu chi, a yi chi ko, “A mayire ta mabu chiye?”

⁷N chi a yi kin ko, “A ne nangang we.” A yi chi ko, “Tiya ku yinabe mi.”

⁸Yo di a le, naba lo kuu yinabe a yi wu kidang kimin nangang kuwange ko yale nibu nangangmu, fe chi sure chi, mwetuwe wu a ya kutenge n swantin a wu a mwe beke.

⁹Bibu a be we k̄iswi yunuwemu, n kawure yiu sure ko chi a tabe.

¹⁰Yo b̄ibu a be kak̄imu a kuwe, a d̄au ko kate chi ya chi a la t̄ite, n chi a ya a lakanbu.

¹¹Yo a yiu d̄ich̄ine, a fwireni k̄ini telo.

¹²Kiyidu ko, “Bibu n chi a be kutemu a awa wiin, a mayire ka yadu a fi wiine n ti n̄in b̄ibu nang di kuko kwadu we sureme.”

¹³Aya a ke wuka ni m̄ini wiin we tibe chi a yi ko, fate mang sul̄inbu, d̄ine ni dokan kangu mang fenu we kamb̄ir surenangu.

¹⁴Yiu t̄imwitu yika lomo. N ke mang ni b̄ibu a talawemu a fiwine ware n ti mun.

¹⁵N ne dawe mang ma chi mang ku diye k̄ini kamb̄ir m̄ina, ka mun ma k̄ifwini k̄ini kilimang manga?

¹⁶“We yiko, b̄ikak̄imu ka swan kuteng, b̄ibu a kutemu ka ti kakku.”

N Yesu a fwat̄i yam bwakomu k̄ida

(Mar 10:32-34; Luk 18:32-34)

¹⁷Yo n Yesu n ti miyar̄im k̄imu kub chiri burab̄imu yak̄i fil̄ bwa Wurchalima, a ti a k̄it̄iku a yi chi ko,

¹⁸“Kangu ni yika Wurchalima yangu, Bwe Nii yaka le F̄ali wuduwe fansetiye n ti n̄ibu yungku yil̄in̄im, n chi ka mwata k̄im̄in yam bwam.

¹⁹N chi ka tau k̄inu ka ni kuuti, n ke n̄ibu Yafudamiyu, n chi ka ma k̄im̄in k̄ifiye, ka twalat̄i k̄inu, yinu ka kut̄i k̄inu a k̄it̄iyang bwangu, we di wu tare ka kukku k̄inu we furu.”

Kalku ne Yakube n ti Yowana

(Mar 10:35-45)

²⁰Yinu ne bwes̄im S̄abadime a be we d̄iYesuwe n ti bwes̄im k̄imu, a sung we kakku kangu a b̄iu makaku.

²¹N Yesu a b̄iu k̄in ko, “Mun bau wureni?” A ke ko, “Ke mi bwes̄imi burab̄imu ka swedu wuka a kang k̄iyilang, wuka a kwantakwelang we yamo.”

²²Aya n Yesu a yi bwes̄imu ko, “Ta yimbu chi t̄ib̄iditu, we ta yin no k̄idangu mang nodanga? N chi a ke k̄im̄in ko, Chi medu.”

²³A yi chi ko, “Ta yin no k̄idangu aya swek̄iku a kang k̄iyilangu ka kwatakwelange n ke t̄itu m̄in mang nidi. Aya n Temi a tu a do chi m̄in.”

²⁴Yo b̄ikamu miyar̄imi kubu a nwe yam b̄ibe a fwiren k̄ini kebu b̄ibi burab̄imu.

²⁵N Yesu a yale chi k̄ini kwang a yi ko, ti yim mat̄im yikayu kuuti k̄ini dukan we dur ch̄inu, yinu tikaketi chiyu k̄iyung t̄inu we dutu chiitu.

²⁶We d̄ich̄ine, a newe yiko aya ka nang wuwule niye wu a ke ka kau wuduwe we d̄ich̄ine, ka kau bwe nangang change.

²⁷Aya wu k̄ibaddu ka kau wuduwe we tibe ch̄ine, ka kau k̄abe ch̄in.

²⁸Yinangu Bwe Nii, a bebu ko ke k̄iyiu dwiyen, aya ke k̄ikau bwe nangang, ka ni t̄ikuri kitu d̄ine ka tu n̄ibu nabwen.

K̄idub̄ibi burau a kudi
(Mar 10:46-52; Luk 18:35-43)

²⁹Yo n Yesu n ti miyar̄im k̄imu a chir we Yeriko, k̄ituu n̄ibe nabwen a bunt̄i k̄in.

³⁰B̄ikam k̄idubi burau b̄ibu k̄iswedu a w̄aremu. Yo a nwe ko n Yesu k̄isude, n chi a yal chitu k̄ini keru dukan ko, “Tewuduwe, Bwe Dauda, nwe k̄ibune n̄in.”

³¹K̄ituu n̄ibe a kwabu chi ko a lemin. Aya n chi a su keru sube k̄iyalu ko, “Tewuduwe, Bwe Dauda nwe k̄ibune n̄in!”

³²N Yesu a ti a b̄iu chi ko, “T̄ibau wureni?”

³³N chi a yi k̄in ko, “Tewuduwe, n̄in baddu na kudi.”

³⁴D̄ine k̄ibune, n Yesu a twai kwalangi chiyu. B̄inab̄ina n chi a kut̄idi, a bunt̄in k̄in.

Matta 21

N Yesu a le Wurchalima
(Mar 11:1-11; Luk 19:28-40; Yow 12:12-19)

¹Yo n chi a lam Wurchalima a ya be b̄ine Betafachi wu a Kun d̄idu k̄ini tini Setuniye, n Yesu a tum miyar̄im k̄imi burabu.

²A yi chi ko, t̄iya be b̄ine wu a kakku change, ta ya kur̄inge n ti be le kurunge we, t̄ikwimiye, t̄ibe miyengi k̄in.

³Ka wuka nii ka yi ch̄in yame, ti yi ko, “N Tewuduwe k̄ibaddu, a ne kai k̄iswi ka ni ch̄inu.”

⁴T̄itu a fwe ke a ri chi f̄aku a fwaatu ko,

⁵“T̄iyi n̄ibu Siyona ko, ‘D̄ang Mai ch̄in k̄ibe bwa d̄ich̄ine, k̄in naba bwanuwe a f̄ile kurunge k̄ibedu a le kurunge.’ ”

⁶Miyar̄imu a ya mat̄i chi n Yesu a fwa chi m̄initu.

⁷Yo n chi a be k̄ini kurunge n ti le ko, a mau lukei chiyu we kurungetiyu. N Yesu a f̄il a swe we le.

⁸K̄ituu n̄ibe k̄imau lukei chiyu we w̄are, b̄ikamu k̄ikiya lwanḡintu we k̄iyanḡtiyu k̄imadu we w̄are.

⁹Kitu nibe a kakke n ti bibu kinabidimu kingau kwakiru ko, “Dwiyentu n tiu Bwe Dauda! Naba delake wu kibedu a din Tewuduwe ne! Wa diye a lwe delaku.”

¹⁰Yo n Yesu a le Wurchalima, nibu kini kwang a kun a titiye, kiyidu ko, wu n wure?

¹¹Nibu kibunti Yesumu a ke ko, “Wu nang Yesu faku wu a chire a Nasaret wu a bin Kalili.”

N Yesu a do Kan Kwamanu

(Mar 11:15-19; Luk 19:45-48; Yow 2:13-22)

¹²N Yesu a le Kan Kwamanu a Wurchalimanu a kaka nibu kifeku chi n ti bibu kitan chimu we mure Kan Kwamane, n kin a yila teburitu nibu kisuten kambiritu n ti titu a nibu kifeku kikubtitu.

¹³N Yesu a yi chi ko, “A mwalmwale, ‘Ka yal lomi ko lo twabake,’ aya tiyo a kau lon dabikume.”

¹⁴Yinu kidubibu n ti kikubtiyu a be we Kan Kwamanu a Wurchalimanu. N kin a bera chi.

¹⁵Aya yo wuduwe fansetiye n ti nibu yungku yilinimu a ku chi kataki tite, n chi a kai nir aya bwesim kidela Kwama ko, “Bwe Dauda yiu dwiyentu kidiya kwadu.”

¹⁶A yi kin ko, “We mun nwe chitu bibu kifwadita?” N Yesu a yi chi ko, “Ngo, ta kiba, takida Kwama yinang a fwa ko, ‘N miya kana bwesim bitirimu n ti bwesim kilwiyimu min delaka?’ ”

¹⁷A du chi we binu a yika Betani, a ya da bwako.

N Yesu a kai tiyang sinangu

(Mar 11:12-14,20-24)

¹⁸Kini sin yo a kun kikilade, chun a bu kin.

¹⁹N kin a ku tiyang sinangu we ware, a tubu chi, a yi tiyangu ko, “Ne mwan tu tikulantu kidiya kwadu.” Binabina lwangin tiyangitu a bwa wurim.

²⁰Yo miyarim kimu a ku chitu a fweete, a yar yii, a yi ko, “A mayire tiyang sinangu a bwa datidate?”

²¹N Yesu a kinta chi a yi ko, “Biyilim min fwa chiminu, ka n tini kini keku biyilimang ta kamabu chiye, ta ma chi a la tita tiyang sinangu kutan. Ta medu ta yi kunnu tiko, yikan, fitana nabwe la, ka fwe tinu.

²²Ka tike biyilime, chi ta biditi kwang we twabaku, ta yadu.”

Nibu kikama dukan Yesunu

(Mar 11:27-33; Luk 20:1-8)

²³Yo n Yesu a le Kan Kwamane, tikaketi fanseti n ti selibu a yi ko, “Mun ma nangri titi kini didile dukan, n wure a nin dukan didu?”

24 N Yesu a ke ko, “Mang ma chimin dibidu, ka tini dikiline, mang fwa chiminu ka min ma nangri titi kini didile dukane.

25 N Yowana a ya dukanu kimang batisma nu a fire? A diKwamanga ka a niba?” N chi a twayan we yichiyu kiyidu ko, “Ka ni yiko a diKwama, ka yidu ko a mayire ta kebu biyilimu we diYowana?”

26 Aya ka ni yi ko a niye, ni le fire we nibu, dine n chi a ke ko n Yowana faku.”

27 A yi Yesu ko, “Nang yimbu.” Yinu n Yesu a yi chi ko, “Min ne mang fwa chiminu ka min ma nangri titi kini didile dukane.”

Baltaku a nii wu kini bwesim kwartabi burabe

28 Yesu a chakakku ko, “Tidangi yire? Wuka ni kini bwesimi burau bibarim, a ya we wu kakke a yi ko, ‘Bwemi, ya ma nangangu we ku yinabe diwu.’

29 Bwe a yi ko, ‘Mang yabu.’ A kuteng kiku a kun a ya.

30 Yinu te a kila bwa wu robe a yi tin wuko yiko tin. Wuko a ke ko, ‘Mang yadu tete.’ A kuteng kiku a yabu.

31 We tibe chi wuwule a ma chii n te kin kibadditu?” N chi a ke ko, “Nang wu kakke.” N Yesu a yi chi ko, “Biyilim min fwa chiminu, bibu kiyiu sangkalimu n ti tibanitu ka tu chinu we Yaa Kwama.

32 Aya n Yowana a be ka yung chin ware yile, ta kebu biyilimu we dikine aya nibu kiyiu sangkalimu n ti tibanitu a ke biyilimu. Kini yiko, ta wobu kitimu ta ketibu biyilimu.

Baltaku a nibu nangam a ku yinabiye

(Mar 12:1-17; Luk 20:1-19)

33 “Tinwe kiku baltaku, wuka nii we wu a fi ku yinabe, a kwar kuu ko kini kali, a yoti dikulenu kanin yammn yinabi we kuu n ti tiyangu kanin ton yamangu. A ni bikam nibu kuu ko a nang sudu, a yika tin.

34 Yo kiswi kakke a lame, a tum kabi kiyu we nibu kisudumu ko a yiu kimine tikulantu.

35 Bikimu a tau kabi yiyu, a ngau wuka, a chiu wuka, a kwelatw tare.

36 N kin a kila tumti bikam kabi a la bikakimu kini nabwentu. Bikimu a ma chiminte yinanga ma bikamangu.

37 A kuteng kiku, a tum chi min bwe ko sine ko, ka ku kisiyang bwe miyangu.

38 Yo nibu sukumu a ku bwe, a fwa we bwiti chiyu ko, ‘Bwe ka chau kula nau, yani chiu kin ni chati kula ko.’

39 N chi a tau kin, a mau kin, a kuteng yaa kwale ku yinabe, a chiu kin.

40 “Ka naba lo kuu yinabe a benge, ka ma nibu sukim bibi yire?”

⁴¹N chi a yi ko, “N k̄in ka ch̄iu n̄ibu b̄ibwilam b̄ibu. N k̄in ka ni b̄ikam n̄ibu kuu yinabe b̄ibu ka ni k̄in k̄it̄ime yoko ka mur chab̄t̄ite.”

⁴²N Yesu a yi chi ko, “Ta kibuwe tattik̄idai Kwamanga? ‘Kale wu n̄ibu muk̄kim a konge, nang kale a da a la chiye. N Tewuduwe a ma t̄itu, a kau chi yar yii, we d̄ichire.’

⁴³“D̄ine yiko, m̄in fwa chim̄inu, kuuti ka yitu ch̄in Yaa Kwama, ka ni n̄ibu k̄ima nangang kiyilangu.”

⁴⁴[Wu ka yaru we kale ka wuredi b̄is̄il, aya wu kwam ka yart̄inuwe, ka kwa k̄inu yinang kur k̄it̄in.]

⁴⁵Yo tikaketi fanseti n ti n̄ibu Farisamu a nwe k̄iku baltaku Yesunge, a yim ko kifwa ȳamu a dur ch̄in.

⁴⁶N chi a bau w̄are ka tan k̄ine aya k̄inwe tayi k̄ituu n̄ibeyu, d̄ine a ke ko n Yesu f̄aku.

Matta 22

Baltaku a k̄ina

(Luk 14:15-24)

¹N Yesu a k̄ila fwa chim̄in t̄in ȳamu k̄ini baltaku, a yi ko.

²Yaa diye a chir kam̄in ti wuka mai wu k̄ibadu ka ma bweko m̄in ye k̄inai.

³A tum kabi kiyu ko a yala n̄ibu b̄ibu a ya d̄iyal we k̄inamu, n chi a ko a bebu.

⁴A k̄ila tum t̄in b̄ikam kabi a yi ko, “T̄ifwa b̄ibu n̄ibu a ya d̄iyalmu m̄in ko, ‘N tu n do chab̄t̄itu, n bita tant̄ikai yiyiliyu, n do chiti kwang ti be fi a k̄ina!’ ”

⁵Aya n chi a sw̄aba k̄in, n ka wure a tau wuko w̄are a yika t̄in, wuka a yika kuko, wuka a yika kw̄am̄ar.

⁶B̄ikamu n chi a tau kab̄iyu a ngau, a chit̄i chi.

⁷M mai a kai n̄iru nabwen. A tum n̄ibu kun̄imu ko a chiben b̄ibu k̄ikau dut̄imu, a twit̄i b̄inchinu kwang.

⁸Yinu a yi kab̄ikiyu ko, doku k̄inangu a ri aya b̄ibu a ya d̄iyalmu a lwebu.

⁹D̄ine yiko, t̄ibunt̄i w̄ariyu, ni wu ta yade kwang, ti yale a be k̄ina.

¹⁰Kab̄iyu a yikan we w̄ariyu a mure ka wuwule niye biyil̄imu n ti b̄ikwan̄imi kwang, k̄ina a ri k̄ini rungko chib.

¹¹Kangu m mai a le k̄id̄ang k̄inangu a ku wuka nii we mure wu a dobu luke k̄ina.

¹²A yi ni wu ko, fate a mayire mwan le mure m̄wang dowebu luke k̄inange? Aya ni wu a kwalla chi ka fwaditu.

13Yinu m mai a yi kabiyu ko, ti kwau nii wu we Faliyu n ti nani kiyu, timar kin a kilikiliye wu kwane, we bwako ka ki wii ti kirtiki numang.

14Nibu nabwen a ya diyalu, bisutirimi bayim.

Dibidu a feku sangal Kaisarang

(Mar 12:13-17; Luk 20:20-26)

15We fiko nibu Farisamu a yikan, n chi a do kangu n chi ka si kimin lan we yam kimangu.

16N chi a tum miyarim chimu n ti bikam nibu Yirudu ko a yi kin ko, "Tete nin yim mun tum biyilim, mun yungti biyilimu we ware Kwama, nibi kwang a fi wiin we dimune, dine mwang swabu nibu swabe.

17N fwa ninin, a dakan nang ni kaisar sangkala, ka nin nidu wenga?"

18Aya n Yesu a swaan mulin chinu a yi ko, "A mayire ti sweyu n tin nibu dibebelime?"

19Tiyungi kambiru ti feen sangkalinu." N chi a be kimine kini kinu kambire.

20A yi chi ko, kiwulang kiku n ti din didu n diwure?"

21N chi a yi kin ko, n dikaisar, yinu a yi chi ko titu n tiu Kaisaritu tini Kaisar aya titu n tiu Kwamatu tini Kwama.

22Kangu n chi a nwengu a yar yii, n chi a du kin a tau ware chi a yikan.

Dibidu a kunku kwamiyang

(Mar 12:18-27; Luk 20:27-40)

23We di wuko, bikam nibu Sadukiyamu, bibu kiyyidu ko a ne kungku kwamiyang wengu, a be we diYesuwe, a biu kin.

24N chi a yi ko, "Tete, m Musa a yi ko, 'Ka nii a bwa a ne bwe wenge, keko ka na naye ko ke a biu kimin bwesim!'

25Yinu bikam kebu we bidibiin bwesim nii wiinim. Wusele a yiu naye, n kin a bwa a yobu duumu, keko a be kina naye.

26A fwe yiko ti wu robe, ti wu tare, a lanti wu nibine.

27A kutengu n chi a bwaranangu, naye wu a bwa tin.

28We kabaku kwamingu naye wu ka kau wu wure we tibe chi wu bidibine. Dine n chi kini kwang a na naye wu."

29N Yesu a kinta chi a yi ko, "Tilele we tikuran chintu, dine ta yimbu yam Kwamamu n ti dukan kinu.

30Dine we kunki kwamiyangu, kwartabu a ne ka ma kina, natibu a ne kina we tintin aya chi ka chirkadu ti nibu titumbiri Kwamam.

³¹Aya we kunkī Kwamiyangu, ta kibu chi yam Kwamamu a fwa chimininta? A mwal ko,

³²Min nang Kwama wu Yibrayime, Kwama wu Yichaku n ti Kwama Yakubu we. N kin Kwama nibu tikurime n ke wu a kwamiye.”

³³Kangu nibu a nwe yikongu, n chi a yar yii we yungku kangu.

Yilang kiku a la chiyang

(Mar 12:28-34; Luk 10:25-28)

³⁴Yo nibu Farisamu a nwe n Yesu a rii kini nibu Sadukiyamu, n chi a mur dutu chitu.

³⁵Wuka naba yungku yilange we tibe chi, a swe Yesu kini dibidu.

³⁶A yiko, “Tete, kikile yilang a la chi we yilintu?”

³⁷N Yesu a ke kimin ko, “Mila Kwama Tewuduwe kini nir muni kwang n ti tikuri mwitu n ti yingku mwangi kwang’

³⁸Kiku nang yilang kikarangu, nang kiduwangi kwang.

³⁹Kirobangu yilang tiyang kikakkangu tin, mila kemo tiyang yimwiyu.

⁴⁰Aya yilin titu n ti miyaku fakuti kwang a swe we yilin titi turabitu.”

Dibidu a dur Masiyan

(Mar 12:35-37; Luk 20:41-44)

⁴¹Yo nibu Farisamu a muran a fiwiine, n Yesu a bju chi.

⁴²A yi ko, “Tikuran chintu m Masiya bwe wure?” N chi a yi ko n kin Bwe Dauda.

⁴³N Yesu a yi chi ko, yire wu n Dauda a yal kin we Fikim Tewuduwe mu? A yi ko,

⁴⁴N Tewuduwe a yi Tewuduwe mi ko, “Swenga kan kiyilang mangu, ka lamintin yo fakwarbu mimu ka kau kabi mwiye.”

⁴⁵Ka n Dauda kiyal kinu ko, Tewuduwe, a mayire n kin ka kau bweko?

⁴⁶We dii wuko a ne nii a kil kimin yame we. A ne nii a kila ma kimin tin dikan dibide we.

Matta 23

N Yesu a kwal nibu yilangmu n ti nibu Farisamu

(Mar 12:38-39; Luk 11:43-46; 20:45-46)

¹Yinu n Yesu a yi kituu nibe n ti miyarim kimu ko,

²“Nibu yungku yilangmu n ti nibu Farisamu nang bibu kini dukan didu ka miya yilin Musatimu.

³Dine yiko, t̄ima chitu a yi chinitu, t̄ibunt̄i yil̄intu, aya t̄imadu nangin chitu we, d̄ine n chi a mabu chi kifwaditu.

⁴N chi kiyo n̄ibu k̄ima chi k̄ini bware, aya n chi a kebu ka madu kasi no ka twayu k̄ini bewure.

⁵N chi k̄ima nangin ch̄intu ko ke n̄ibu a ku ko we chi madu, k̄ibw̄aba t̄ilabt̄iri ȳam Kwamami we kab̄ini chiyu k̄i dorat̄i lukeyu k̄iyung dwiyeni.

⁶N chi k̄ibau kana fanti sweri yidui we fi a yenye n ti fanti yidui we kambi murak̄i Kwamatu,

⁷k̄ibau d̄isiir dwiyenin kasi no a kw̄amar, k̄ibadu n̄ibu a nang yal chidu ko, 'Tete, naba yungke.'

⁸"Aya t̄ikedu n̄ibu a yal ch̄inu we ko 'naba yungke,' d̄ine Tete chire wiin, t̄ini kwang kana kebu.

⁹T̄iyalu wuka nii we t̄it̄initu ko 'Naba yungke,' d̄ine Te chire wiin, n k̄in nang wu a diye.

¹⁰T̄iket̄inu d̄iyalu ko 'naba yungke,' d̄ine wu kake ch̄ini wiin nang Masiya.

¹¹Wuduwe we tibe ch̄in ka kau kab̄e ch̄in.

¹²Kanang wuwule niiye wu ka rik̄a yikiye, ka kwala rik̄ak̄iku, wu ka s̄iku dur k̄ine, ka ya rik̄aku.

¹³"A no ch̄in, n̄ibu yungku yil̄inmu n ti n̄ibu Farisamu, n̄ibu d̄ibebelin! D̄ine ti yinge n̄ibu m̄in Yaa Kwama. N t̄in ta let̄ibu, t̄idangt̄i b̄ibu k̄ibaddu ka led̄imu.

¹⁴[A no ch̄in, n̄ibu yungku yil̄inmu n ti n̄ibu Farisamu, n̄ibu d̄ibebelin, d̄ine t̄id̄au nat̄im bun̄imu m̄in chitu n chi k̄initu, tw̄ab̄abune ch̄in a lebu n̄iru, riye n Kwama ka ni ch̄ine ka la b̄ikamu.]

¹⁵"A no ch̄in, n̄ibu yungku yil̄inmu n ti n̄ibu Farisamu, n̄ibu d̄ibebelin, tiyab̄bu Wima, t̄iya fantiyu kutani ke t̄iya wu ka wo k̄it̄ime. Yo ta yange t̄i mul k̄inu a la ch̄in k̄ini bwila kwang.

¹⁶"A no ch̄in, tikaketi k̄idubu! T̄iyidu ko, 'Ka ya wu ka tw̄am chi k̄ini Kan Kwamana Wurchalima ne, a ne k̄ilewe, aya wu a tw̄am chi k̄ini s̄inariya a Kan Kwama ne, a mwintuwe kama chi n k̄ina tw̄amitu.'

¹⁷N t̄in d̄ibu k̄idub̄imu! T̄it̄ile a la chi, s̄inariya ka Kan Kwamanu a yo wauwade s̄inariyana?

¹⁸T̄ifwa t̄in ko, 'Wu ka tw̄am chi k̄ini se Kwama a mabu chi, aya wu a tw̄am k̄ini ni k̄iku a se Kwamange, a kau d̄it̄w̄amb̄ir d̄it̄ab̄ir̄in.'

¹⁹"N t̄in k̄idub̄ibu! T̄it̄ile a la chi, nik̄ika, ka se Kwama wu a ni k̄iki wauwada?

20 Dine yiko, wu a twam kini se Kwama, a twami kini chi a dur kinitu tintin.

21 Aya wu a twam kini Kan Kwamane, a twami kin, a twam tin kini Kwama wu kisweduwe mure.

22 Aya wu a twam kini diye, a twam kini dwiyen Kwamatu n ti wu a swe we.

23 “A no chin, nibu yungku tika yilinu n ti nibu Farisamu, nibu dibebelin. Tini wu wiine we kube we kulin didu kini lwangin yinang kwekwe. Aya tidu buntiku kasi yilang tidu yinang biyilin n ti kibune n ti bwanu. A no dakan ta ma titu, a ne tikati kwang.

24 N tin bibu kiwuba kidubimu! Tadubu kiyunge a subu kwarim we norintu aya timi twalim!

25 “A no chin, nibu yungku yilinu n ti nibu Farisamu, nibu dibebelin. Tinura kuteng kwasengu ka chibenge, aya we bwa mure a rii kini ka kifule ti bwila.

26 Kidubu nibu Farisamu! Ta mwedu ta nura mure kwasase yinang, ke bwa kute a le.

27 “A no chin, nibu yungku yilinu n ti nibu Farisamu, nibu dibebelin! N tin yinang futu titu a lelei we bale filange aya mure a ri kini tikutu kwami n ti dutu dangtidangti.

28 Yinu yiko tin, we a tibe nibe, tiyungdu tiko n tin nibu yilem aya we bwa mure ti ri kini dibebelin n ti mulin.

N Yesu a fwa riye ka ya chide

(Luk 11:47-51)

29 “A no chin, nibu yungku yilinu n ti nibu Farisamu, nibu dibebelin! Aya timuba fakuti min futu, tidosa futu nibu yile.

30 Tiyidu tiko, ‘Ka a no nin we kiswi takebu nime a no nang chibebu fakubibu!’

31 We yiko, tiyung tiko n tin nang bwesim nibu bibu a chiben fakubu.

32 A ri fal, tiswan nangitu takebu chimu a mwentu!

33 “N tin sotiyu! N tin beti soti barakam! Ka madi yire ta swidu we far kirangine?”

34 Dine yiko, min tum chimine fakubibi n ti nibu yungkim n ti nibu mwataku. Bikamu ta chidu ta kuda kiyang bwang, bikamu ta twaladu we kambi muraku chitu yinu ta buntidu we bintitu.

35 “Dine yiko, tiwelan kitum nibu yile mi kwang ka kila dutu chin, ka mwetinuwe kitum Abila naba yile ka lantina Sakariya bwe Barakiya, wu ta chiu a tibe fi wauwade n ti se Kwama wa twike.

36 Biyilin min fwa chiminu tiwelan nibu bibu a kau dutumu ka wuran bwi kini dikalan didu.”

Yinangu n Yesu a mīla Wurchalimangu

(Luk 13:34-35)

³⁷“Wo, Wurchalima! Tīchibe fākubību, tīkwelatī bītumbīrimu n Kwama a tum chimīnemu. Kīda yile mīn baddu mang mur chīnu yinangu na yibbe kīmur bwesīm kīmu a tīkīni kiyangu aya ta kebu.

³⁸Kan Kwamana Wurchalima ka dīngledu, kano a ne ni we!

³⁹N fwa chimīn, a mwetuwe diwu, a ne ta kui tīnu kīda ka lamīntī yo ta yidu ko, ‘Kwama a dela kīn wu kībedu a dīn Tewuduwe ne.’ ”

Matta 24

N Yesu a fwa wureku Kan Kwamana Wurchalimanu

(Mar 13:1-2; Luk 21:5-6)

¹N Yesu a chir we Kan Kwamanu kiyikadu, miyarīm kīmu a yal kīn, a yung leran mukku a Kan Kwamanitu.

²N Yesu a yi chi ko, “Tīdang leran mukku Kan Kwamanu. Biyilīm mīn fwa chimīnu, a ne du wuka kale a di a keko, ka wuredu kīni kwang.”

Riye wu kībede

(Mar 13:3-13; Luk 21:7-19)

³Yo n Yesu a swe a Kun setune, miyarīm kīmu a be n chikun a yi ko, “Fwa nīmīn, tītū ka fwedi fere? Wureni ka kau dīmwal bekīnu n ti dīdu a di swan kuten.”

⁴N Yesu a yi chi ko, “Tīma daan, wuka ni a butīdu chīn we.”

⁵Nību nabwen ka bedu a dīn mīn, ka nīn yi chīnu ko, “Nīn nang Masiya.” Ka butu nību nabwen.

⁶Ta nwe yāmi kumbiyu n ti dirdi kunin yāmi kumbiye n ti yo kumbitu yaka fwede, tīwulu tayi we, a mwituwe tītū ka fwedu, aya n ke di swan kute tītīniye.

⁷Kuu ka kuladu n ti kuu, yaa ti yaa, chun ka ma nību, tīmu ka mīkadu a fantiyu dangtidangti.

⁸Aya tītū mweku, riye siine a tibu bedu.

⁹Ka ni chīnu a fālī nībi, ke a ni chīn riye, ka chīu chīnu, kuuti nabwen ka ko chīnu dīne mīn.

¹⁰We kīdang kangu, nabwen ka kīladi kuteng we keku biyilīmang chiyangu, ka kwāl yichiyu, ka kotī yichiyu.

¹¹Fākubu tīkwanimu nabwen ka chiredu, ka butu nību nabwen.

¹²Dīne nabwe mulīne, nabwen ka du mīlaku kebu chimangu.

¹³Aya wu ka mu nīri kīrīng ka lamīntī di swan kute, ka swidu.

14T̄int̄ine, yam bilim bibu a Yaa Kwama, ka le kiteli kuuti n̄ibi kwang, yinu di swan kute ka bedu.

Riye wu bwila

(Mar 13:14-23; Luk 21:20-24)

15Ta ku chi danduri tibwilai titu faku Kwama n Daniyal a fwaatu, a ti we fi wauwade, ni kikide a swaan.

16Bibu a Yafudiyamu a wul kunni.

17Wu a filang kifikadu a kane, a lewedi lo we ko be ka dau chi a tarre.

18Wu a kuuwe, a kiladu we ko beka dau luke ko.

19A no natibu kini lubimu n ti bibu kibwau bwesim mimu we kiswi wuko!

20Titwaba bunitu ke bananiyu a kaduwe sanang ka difikare n̄ibu Yafudam.

21Dine we kiswi wuko, riye wu a fweenbuwe yo titinitu a mwe lanta kiking, duum kimu a ne fweentinu we.

22Ka no n ke dine a kitu ditikiye, a no a ne ni wu a tim ka swide we. Aya dine bikamu bisutirim Kwamam ka kitin diti chiyu.

23We kiswi wuko, ka wuka ni ka yanu ko, "Dang Masiya, nang we! Tikeduwe."

24Nangkin, n̄ibu Masiya tikwanimu n ti Fakubu tikwanimu nabwen ka chiredu, ka yung chi yar yiitu nabwen, ke chi butu n̄ibu kono nang bisutirimu, ka no medu ka fwede.

25Tidang, n fwa chimini fila.

26"Dine yiko, ka bikam ka yi chinu ko, Masiya nang wu a dikire a bwa, tikeduwe. Ka, ka yidu ko, a bunge, ti keduwe."

27Nangkin, tiyangu kiyile a yile we bwa tware kiswanatinu a kitwalengu, nang tiyangu Bwe Nii ka kila minedangu.

28Fi kwame we mine, nang fi kisungti kwasi kimurande.

Kilaku Bwe Ni

(Mar 13:24-27; Luk 21:25-28)

29A kuteng riyengu, binabina dii a ne yii kuko, swangu a ne ka fwiyeu. Kiswitiyu ka twakadu we dii, dukan kwalin chinu a twiyenu ka mikadu.

30A kuteng kiku, Bwe Nii ka fwedu we twiye. N̄ibu we kuuti titini yi kwang ka ma furi kilikili. N chi ka ku Bwe Nii kibeđu a ditwin kini dukan n ti dwiyen t̄idui.

31Ka tume n̄ibu titumbiri kimu ka ku sum kini dukan, n chi ka mure bisutirim Kwamamu we twaru n ti kitwale n ti twar wulinu n ti kir kulanu.

Miyaku a tiyang sinang

(Mar 13:28-31; Luk 21:29-33)

32T̄imiyān we tiyang sinangu. Yo kiyange a mwe k̄isutedu, k̄itwaba lwangin t̄ifwiye. Tiyin t̄inu tii didibe a lame.

33We yiko, ka t̄iku k̄ichit̄iwu mang fwa chim̄ine, ti yim k̄iswi a mwatawe, a tu a lame kw̄ar.

34B̄iyil̄im m̄in fwa chim̄inu, d̄ikalan d̄idu a ne sudu, k̄ichitu wu kwang a mwintuwe ka fwedu.

35Dii n ti t̄imu ka sudu, aya d̄ikw̄al yii m̄inu a ne yara t̄im.

A ne nii a yim di k̄ilake we
(Mar 13:32-37; Luk 17:26-30,34-36)

36A ne nii a yim dii n ti awa wu t̄itu ka fweende we, kasi no nang n̄ibu t̄itumb̄irimu, kasi no nang Bwe, kana Te n k̄ikun a yim.

37A lakanbu n ti k̄idang Nufuwangu, beki Bwe Nii kanodi yiko.

38Yinang k̄idang kangu, yo mwe bamb̄ilime a tibu bede, n̄ibu k̄ichadu, k̄inodu, kwartabu ti nat̄ibu k̄ima k̄inati a lam̄int̄i yo n Nufu a le kw̄amb̄ire mwe.

39N chi a yimbu chi k̄ifweditu, mwe bamb̄ilake a be a wo chi kwang. Nang tiyangu di Bwe Nii ka k̄ilade kanodu we m̄inangu.

40We k̄iswi wuko, n̄ibi burau kanodu a kuu, ka d̄adi wiin ka dudi wiin.

41Nat̄ibi burau kan̄in kwa chaam ware, ka d̄adu wiin, ka dudi wiin.

42D̄ine yiko, “T̄iswe k̄ini doku bwiyang d̄ine ta yimbu di Tewuduwe ch̄in ka k̄ila m̄inede.

43Aya tiyim, ka naba lo a no yim yo daaku ka bedu k̄ini kume, a no neka da duum k̄ini kum ka ma k̄iyolang, a ne dudu ko daaku a le lo.

44D̄ine yiko, t̄iswe k̄ini doku bwiyang, d̄ine a k̄iswi ta yimbe Bwe Nii ka k̄iladu.”

K̄abe wuyile n ti wubwila
(Luk 12:41-48)

45N wure k̄abe wuyile k̄ini yingku, wu Tewuduwe a yo ka to lo, yinu k̄ini b̄ikamu k̄abi chabt̄itu a k̄iswi a dakane?

46Naba delake k̄abe wu Tewuduwe ko beka ya k̄inu we yii nange di ka k̄ilade.

47B̄iyil̄im m̄in fwa chim̄inu, ka yo k̄abe wu kan̄in d̄ang k̄im̄in kul̄in k̄ini kwang we lo.

48Aya ka k̄abe wubwila, a kur we n̄ir k̄inu ko, Tewuduwe ko a ne k̄iladi datu.

49N k̄in a le k̄ibas̄u kal k̄inu n̄ibu nanganḡimu, k̄ichadu, k̄inodu n ti n̄ibu t̄inoran̄imu.

50Ka n k̄in a ma yiko, Tewuduwe ko ka bedu a di n ti k̄iswi n k̄in a yimbe.

⁵¹Naba loko ka ngau k̄inu ka mwata k̄im̄inu n ti n̄ibu d̄ibebel̄in̄imu. We fi n chi ka kiwii n ti k̄irt̄iku numang.

Matta 25

Baltaku a fw̄ani kubu

¹N Yesu a chakakku ko, “Ni swe Yaa Kwama k̄ini, t̄ikan fw̄ani kubu t̄itu a chir k̄ini t̄inungri we fit̄ilati chiyu yaka tekadu n ti bwele kiyiu naye.

²B̄ibi bunumu a kasabu, b̄ikami bunumu k̄ini kasantu.

³B̄ibu a kasab̄imu a chir k̄ini fit̄ilati chiyu, a d̄au t̄ibu kaang k̄inung we belure.

⁴Aya b̄ibu a kasan̄imu a d̄au t̄inungritu a bet̄ilureti chiyu.

⁵Bwele kiyiu naye a beb̄i datu, d̄ine yiko n chi a le k̄idara dumi.

⁶“K̄ini kum n chi a nwe d̄iyalu ko, ‘Bwele nang wu,’ t̄ichire ni yiu k̄in.

⁷Fw̄ani t̄itu a kun k̄ido fit̄ilati chiyu.

⁸B̄ibu a kasab̄imu a yi b̄ibu a kasan̄imu ko, ‘T̄ini n̄im̄in k̄inung, fit̄ilati niyu k̄idumedu.’

⁹Aya b̄ibu a kasan̄imu a yi chi ko, ‘K̄inungu a ne ka lwe n̄inu n ti ch̄in. Bunge t̄iya t̄itane we bwa n̄ibu k̄imiinde.’

¹⁰Yo n chi a yikan yaka t̄ane k̄inunge, bwele kiyiu naye a be. B̄ibu we fiko a do bwimu n chi a le lo n̄ibu k̄imulen tiniye ware, a yinget̄i kw̄aru.

¹¹“A kuteng k̄iku b̄ibu a kasab̄imu a k̄ilawengu, a yi ko, ‘Tewuduwe, wudu n̄im̄in kw̄aru.’

¹²Aya a k̄inta chi ko, ‘Biyil̄im̄ m̄in fwa chim̄inu, mang yin chinbu.’

¹³“D̄ine yiko, t̄ima kiyolang, d̄ine ta yimbu, dii ka k̄iswi Bwe Nii ka bem̄inede.”

Miyaku a b̄ikam k̄abi b̄ita

(Luk 19:11-27)

¹⁴Yinu n Yesu a chakakku ko, “Yaa Kwama ni swedu tiyang ni wu yaka chir d̄ibwale, a yal k̄abi kiyu, a kera chim̄in kuli kitu.

¹⁵A ni wuka k̄amb̄iru sw̄angi yunu, a ni wuka k̄amb̄iru sw̄angi yurau, a nit̄i wuka k̄amb̄iru swe wiin. A ni ka wuwule niye yinang kangu a dakanang. Yinu a yikan.

¹⁶B̄inab̄ina, n k̄in wu a yiu k̄amb̄iru sw̄angi yunuwe a yikan a ya ma d̄ibe k̄in a yawe yikai sw̄angi yunu we mure.

¹⁷Wu a yiu k̄amb̄ir sw̄angi yurabe, n k̄in a ya ma d̄ibe k̄in a yawe yikai sw̄angi yurau t̄int̄in.

¹⁸Aya n k̄in wu a yiu swe wiine, a ya wu bwang a lai k̄amb̄ir Tewuduwe konu we.

¹⁹“A kuteng k̄iku niyang dam̄ini bayimangu, Tewuduwe k̄abiye a be, ka yiu chi ka nang wuwule niye a mange.

²⁰Wu a yiu sw̄angi yunuwe a be k̄ini yikai sw̄angi yunu ko, ‘Tewuduwe n nii sw̄angi yunu, n yate yikai yi yunu.’

²¹Tewuduwe a yi k̄in ko, ‘Kwele bwe wu yile, n mun k̄abe wu yile, muni k̄ini kw̄amb̄ir we t̄iti bayimitu. Mang yonu a t̄itu nabweni. Be ni ma furi mwenu ware.’

²²“Yinu wu a yiu sw̄angi yurabe, a be a yi ko, ‘Tewuduwe, sw̄angi mwiyi yurau, n yat̄i yikai sw̄angi yi yurabu.’

²³Tewuduwe a yi k̄in ko, ‘Kwele! M mun k̄abe wu yile, wu k̄ini kw̄amb̄ire. Muni K̄ini kw̄amb̄ir we t̄iti bayimitu. Mang yonuwe t̄inabwenitu. Be ni ma furi mwemwe n ti mun.’

²⁴“Yinu wu a yiu swe wiine a be a yi ko, ‘Tewuduwe, n yim damo a ma bwar. Mun kau chi mwan fibe, mun kubet̄i t̄ita f̄ali n̄ibi.

²⁵N nwe tayi, n lai swe mwang niye a bwang. N nang wu mang bem̄ine k̄ine.’

²⁶“Tewuduwe a ke k̄im̄in ko, ‘Mun kasi nii wu bwila, fwiti a la m̄in la! A mwang yim m̄in kada fi mang fibe, m̄in chat̄i F̄ali n̄ibi.

²⁷Ngo, a no mwang yo midu a b̄ine k̄amb̄ire. Yo no mang be ye a no mang yadu a bwi a la fiko.

²⁸D̄ine yiko t̄iyiu we d̄ik̄ine, t̄ini wu k̄ini sw̄angiye kube.

²⁹Wu k̄ini chiye, ni su k̄im̄inu, ka kadu nabwen. Aya wu a newe k̄ine, kasi no nang t̄iti bayimitu, ka yit̄idu.

³⁰T̄imar nii wu bwila wu a k̄ilik̄iye wu kwane. We bwa k̄ik̄ii wii ka n̄in k̄irt̄iti num.’

Mwataku di swang kute

³¹“Aya yo Bwe Nii ka bedu k̄ini dwiyen kite n ti n̄ibu t̄itumb̄irimi kwange, ka swedu we k̄id̄ing mat̄ine wu a yaa ko.

³²Ka mur kuuti n̄ibu t̄it̄inimu we kakku kanḡi kwang. Ka kera chidu yinangu naba toke k̄ikera kwanti n ti sitiayang.

³³Ka yo kwantiyu a kan k̄iyilang aya sitiya a kwanta kwelang.

³⁴“M Mai ka yi b̄iba kanḡiyilamu ko, t̄ibe n̄ibu b̄ibu n Temi a yo chim̄in delaku, t̄ichau kula yaa n Kwama a do chim̄in yo a tibu yo t̄it̄inite.

³⁵Dine yo chunu kibuye, tini chabitu n chau, dimwen a dai, tini mwe n no, m be rungkoi, tiyii fali yurau.

³⁶Mini twatwadu, tiswe mi bwi. N bubuwe, tibe tidangi. Min a dibintil tibe tisii tin.

³⁷“Yinu nibu nir dinimu ka ke kiminu ko, “Tewuduwe, nin kuun a fire mun nwe chuun, yinu nang nin chabte? Ka dimwene yinu nang nin mwe mwang no?”

³⁸Tintin, nin kuun a fire m mun rungko, yinu nang yin fali yurabe? Nin kuun a fire m muni twatwadu yinu nang swemin bwiye?

³⁹Yi fere na kuun m bubuwe ka a dibintil, yana siine.’

⁴⁰“M Mai ka ke chi minu ko, ‘Biyilim min fwa chiminu, kasi no titile chi ta ma bitirimu mine, timami.’

⁴¹“N kin fal ka yi bibu a kwatakwelamu ko, “Tiyika min a fi, n tin bibu nibu kaiyimu, tibe kirangu nibu a do Setan min n ti nibu titumbiri kimu.

⁴²Dine, n nwe chun, ta niibu chabtu. N nwe dimwenu, ta niibu mwe mang node.

⁴³M ma rungkoi, ta yiibu. Mini twatwadu, ta swemibu bwi. N bubuwe, n le dibintil, ta siibu.’

⁴⁴“Yinu n chi ka ke kiminu ko, “Tewuduwe nin kuun a fire kini chun, ka kini dimwene, ka a rungkoye, ka muni twatwade, ka a lo dibintilenge, nang ma minbu chiye?”

⁴⁵Yinu ka ke chi minu ko, biyilim min fwa chiminu, yo ta mabu wuka minbu we bitirim bibu ko wiine bibu a mwan a tamimu, a yung ta ma miminbu.

⁴⁶Bibu a tau ware kiyika faru a kirangin, fi ka le nwe riye wu kidiya kwade, aya nibu yilemu ka ya tikuri kidiya kwadi.”

Matta 26

Biduumu a bwa ko chi chiu Yesu

(Mar 14:1-2; Luk 22:1-2; Yow 11:45-53)

¹Yo n Yesu a ri yam bibi kwange, a yi miyarim kimu ko,

²“Tiyim Yiye yabake a du ditiyi yurabu, wu ka ni Bwe Nii ka le fali nibi, ke a kuka kin.”

³Yinu tikaketi fansetiye a muran a lon tikake fanse, wu din kinu n Kayafa.

⁴N chi a do ka tau Yesu daan, ka chiu kinu.

⁵Aya n chi a yi ko, “N ke a kiswi Yiye, dine ke nibu a madu dikulan we.”

N Yesu a yiu dwiyen a Betani

(Mar 14:3-4; Yow 12:1-8)

- ⁶Yo n Yesu we Betani didine, we lo Simun naba mwaliye,
- ⁷Wuka naye a be fi a diYesuwe kini lure kinung kiki firfirange, kini kwatirang. A kur we dur kinu, yo n kin a swe kichau chabte.
- ⁸Aya yo Miyarim kimu a ku yiko, a fwi chi min nitu, a biu bwiti chiyu ko, "Titu n ke kiyaiya?"
- ⁹Kinungu a no chir kambiru nabwen, ni ni babumbu."
- ¹⁰Kangu n Yesu a swaan chi a nitu chitangu, a yi chi ko, "A mayire tikwama naye wuwe? A ma chitu a dami.
- ¹¹Ka wuwule diye babumbibu we ware n ti chin, aya n tinewe n ti mini kwadu.
- ¹²Kinung kiku a kur mi a bwiyanu a ma dine ki do furem mime.
- ¹³Biyilim min fwa chiminu, we titiniti kwang, fi ka mang dimware, yam bibu ka chiredu dine kurku chitu naye wu a maatu."
- N Yafuda a ke ka kwal Yesu**
(Mar 14:10-11; Luk 22:3-6)
- ¹⁴Wuka wiin we miyarimi kub chiri burabimu, wu din kinu n Yafuda Yiskariyoti, a ya we tikake fansetiye.
- ¹⁵A yi ko, "Ta nii wureni ka n ni chin kine?" N chi a ki kambir asurfanu wani tita a ni.
- ¹⁶A mwetuwe kidang kangu, n Yafuda kibabba ware ka kwalin Yesuwe.
- N Yesu a chau Yiye yabake n ti miyarim kimu**
(Mar 14:12-21; Luk 22:7-13,21-23; Yow 13:21-30)
- ¹⁷We di wu kake wu a kidanne wu a ne yis we, miyarimu a be bwa diYesu kibidu ko, "Mun baddu nang do fi kidanni Yiye yabake a fire?"
- ¹⁸A yi chi ko, "Tile binu, ta ya wuka ni we, tiyi kin ko, 'Naba yungke a fwa ko, kiswi ko a mwatawe, ka chau Yiye yabake a lomo n ti miyarim kimu.' "
- ¹⁹Miyarim kimu a ma kangu n Yesu a fwa chi minangu, a doti Yiye yabake.
- ²⁰Yo tima senge, a swe kichau chabtiti n ti Miyarim kimi kub chiri burabimu.
- ²¹Yo n chi we kichau chabtiye, n Yesu a yi chi ko, "Biyilim min fwa chiminu wuka we tibe chin ka kwaliyu."
- ²²N chi a nwebu tamang yam Yesumu. N kawure kiyidu ko, "Ka m mina, Tewuduwe."
- ²³A kinta chi ko, "Wu a diku falang we kwase ware ti mine, nang wu ka kwaliye.
- ²⁴Bwe Nii ka bwadu kangu nibu a mwal we dikinengu, a ya a no nii wu ka kwal Bwe Nii! Bunge no a bibu nii wu."

²⁵N Yafuda wu a kwɔl Yesuwe, a yiko, “Tete n m̄ina?” N Yesu a ke k̄im̄in ko, “A mwang fwa.”

N Yesu a chau chabtu n ti miyarim̄ k̄imu

(Mar 14:22-26; Luk 22:14-20; 1Kor 11:23-25)

²⁶Yo n chi a yak̄i chau chabt̄ite, n Yesu a ɗau k̄idan̄ne, a wana Kwama a wula k̄idan̄iyu, a ni miyarim̄ k̄imu, a yi ko, “T̄ingang, t̄ichau, t̄itu nang bwimiyu.”

²⁷Yinu a ɗau kwase mwe wu k̄ini mwe k̄idan̄ne a wana Kwama, yinu a ni chi a yi ko, “T̄ino T̄ini k̄ini kwang.

²⁸T̄itu nang bwak̄i k̄itum m̄imangu, b̄ibu mang kur ɗine n̄ibu nabwen a duku k̄iletimu.

²⁹Aya m̄in yi ch̄inu, a ne mang no t̄in wuka mwe yinab we k̄ida, ka lantu di wu mang no wuka wu fwiye n ti ch̄in we a yaa Temiye.”

³⁰Yo n chi a kau tee, a chir a yika Kun setune.

M Bit̄ir yaka kwila Yesu

(Mar 14:27-31; Luk 22:31-34; Yow 13:36-38)

³¹Yinu n Yesu a yi chi ko, “T̄ini k̄ini kwang, ta wullu ta dwiyu, we kum wu, ɗine we chi ka fweɗu n ti m̄initu, a mwal ko, ‘Ka ngau naba tore, k̄iran kwantinu ka yaradu.’”

³²“Aya a kutengu mang kunu we furangu, mang tu ch̄inu we K̄alili.”

³³M Bit̄ir a yi k̄in ko, “Ka n kawure ka wule, a bwin m̄in.”

³⁴N Yesu a yi k̄in ko, “Biyilim̄ m̄in fwa m̄inu, we kum wu mwang kwilayu ɗaa yitta, yinu kware ka tar chi.”

³⁵M Bit̄ir a yi k̄in ko, “Kasi no mang bwadu n ti mun, a ne mang kwilanu.” B̄ikamu miyarim̄ k̄imi kwang a fwat̄ini yiko.

Yesu a twab̄a buni a Kesemani

(Mar 14:32-42; Luk 22:39-46)

³⁶Yinu n Yesu a yika wuka fi wu n̄ibu kiyalu ko, Kesemani, a yi miyarim̄ k̄imu ko, “T̄iswe a fi m̄in yika bwanu yamang twab̄a buni we.”

³⁷A yika n ti Bit̄ir n ti bwesim̄ Sabadimi burab̄imu, n Yakubu n ti Yowana, n k̄in a mwe k̄ima furi k̄ilik̄ilin.

³⁸Yinu a yi chi ko, “M̄in ma furi k̄ilin tiyangu mang bwadang. T̄iswe a fi, t̄ima kiyolangu ware n ti m̄in.”

³⁹Yo n k̄in a ya kakki baȳime, a sung a swa kabu a t̄im, a twab̄a bunitu, a yi ko, “Tete, ka ka fwede, dami k̄idang k̄iku. Aya bunt̄inu k̄ike mi we, bunt̄in wumo k̄ike, chi mwang ke.”

⁴⁰A k̄ila fi a Miyarim̄ k̄ime, a be a ya n chi k̄ida duum, a yi Bit̄ir ko, “A ne ta ma kiyolangu ware ti m̄in kasi no awa wiina?”

41“T̄ima kiyolang n ti tw̄ab̄aku, d̄ine ke tiyaruwe swak̄ak̄iku. Aya F̄ik̄im a ke, bwiyu a ne dukan we.”

42A k̄ila yikatuwe k̄idang robang, a tw̄ab̄a bunitu, a yi ko, “Tete, ka riye wu a mwintuwenge, yam k̄ikemo a ri yiko.”

43Yo a k̄ilatewe a be ya chi k̄ida duum, d̄ine duumu a la nui chiyu.

44A dut̄i chi k̄ida a yika tw̄ab̄aku k̄itarang, k̄ifwa ka b̄ibiinim.

45A k̄ila fi a Miyar̄im k̄ime, a yi chi ko, “Lanta k̄ik̄angi chik t̄ida duuma? Dang awa a lam wu Bwe Nii ka le F̄ali n̄ibu k̄iletme.

46T̄ikun, ni yikan! Nii wu ka kw̄aliye nang wu a lame k̄idwan.”

N̄ibu a tau Yesu

(Mar 14:43-50; Luk 22:47-53; Yow 18:3-12)

47Yo n k̄in we k̄ifwa yame, n Yafuda wu we Miyar̄im k̄imi kub chiri burab̄ime n ti k̄ituu n̄ibe nabwen, a be k̄ini kuli n ti dwami. Tikaketi fansetimu n ti selebu a tume chi.

48Wu ka kw̄aliye a tu a ni chi d̄imwal swaank̄in ko, “Wu mang kwarre nang k̄in t̄itau.”

49B̄inab̄ina a be fi n Yesu we m̄ine, a yi k̄in ko, “Mun Tete naba yungke.” A kwar t̄ini k̄im.

50N Yesu a yi k̄in ko, “Fate, ma chitu mwang be mwang maditu.” N chi a k̄ire a tau k̄in.

51We fiko, wuka ni we b̄ibu ware n ti Yesumu, a chake kul k̄inu a mwatu k̄itele k̄abe tikake Fanse wad.

52N Yesu a yi k̄in ko, “D̄ik̄it̄i kuluwe le ko, wu a da kulle, kul ka ch̄iu k̄inu.

53Ta yimbu ko, m̄ini k̄ini dukanu mang b̄iu Temi, kasi no k̄ikang ka tumiye kw̄ali n̄ibu t̄itumb̄irimi kub chiri turaba?

54Ka a mabi yiko, ka rii chitu lwanḡin Kwamanu a fwatu yire, a mwintuwe ka fwedi yiko.”

55We k̄iswi wuko, n Yesu a yi n̄ibu ko, “T̄ichire k̄ini kuli n ti dwami ke be t̄itan m̄in yinang dakuwa? Ka wuwule diye m̄in swedu we yif̄ila Kan Kwamane m̄in ma miyaku, ta taibu.

56Aya t̄itu a fwe yiko kwang ko ke chi f̄akubu feredimu a mwalitu a rii yinang ka a mwal we tat̄ik̄idai yik̄ariyangu.” Yo miyar̄im k̄imu a nwe yiko, a yara t̄ini kwang.

N Yesu a kakku Kw̄al kabak̄in

(Mar 14:53-65; Luk 22:54-55,63-71; Yow 18:13-14,19-24)

57Yinu bību a tau Yesumu a yikan bwa dīKayafa Wuduwe fansetiye, fi nību yungku yilīn n ti selību a muran mīne.

58Aya Bitīr a buntī chi a kuteng, yo a lam lo wuduwe Fansetiye, a le a swe n ti tīkarani, ko ke kīku kangu n chi ka madangu.

59Tikake Fanseti n ti kwāl kabakīn a le kībau wāre tīkwaniye ka chīn Yesu.

60Aya n chi a yabu kīni kīle. Kasi kīku nību nabwen a chire kīmwe tīkwanitangu. Kīni kutengu bīkami burau a chirte.

61N chi a yiko, “Nii wu a yi ko, mīni kīni dukan mang wur Kan Kwamanu, mang muddu a diti yitta.”

62Yinu Wuduwe fansetiye a kun a titiye a yi ko, “Mun newe kīni dīkīlīn yiina? Mwang fwadu ko wule we yāmiyu nību kīfwadu a dur muniyu?”

63N Yesu a fwabu chi. Tikake Fanse a yi kīn ko, “Fwa biyilīm tibemo n ti Kwama, m mun nang Masiya Bwe Kwama?”

64N Yesu a ke kīmīn ko, “N fwa tas. Aya mīn yi chīnu we bwa kake ta ku Bwe Nii ka swedu we kang kiyilang Naba Dukane, kībedu a tītwinī we bwa diye.”

65Tikake Fanse, a ngīra lukei kiyu, dīne kaiya nīre, a yi ko, “Yāmu a ri! A swāba Kwama!

66Tīku yire?” N chi a ke ko, “A dakan ka bwadu.”

67N chi a tību kīni kītumu we kabu kīngau tīnu, bīkamu a ngabbi wantīteli.

68N chi kiyidu ko, “Ma nīmīn fākuitu, ka mun nang Masiya! Fwa nīmīn ni wu a nganne!”

M Bitīr a kwila Yesu

(Mar 14:66-72; Luk 22:56-62; Yow 18:15-18,25-27)

69We kīswi wuko, m Bitīr a swenga tarre lo, dīkan fwān kābe wu kīma nangang we fiko a be bwa dīkīne a yi ko, “Mun tīn no ware n ti Yesu naba Kālīli.”

70Aya m Bitīr a kwila we kakku chiyangu a yi ko, “Mang yīmīn bu chi we dur nii wunu!”

71Yo a chir a yika sāngka, wuka kābe fwāne wu kīma nanga we lo, a ku kīn a yi bību we fikomu ko, “Nii wu a no we ware n ti Yesu wu a Nasāret!”

72M Bitīr a kīla kwilatī kīda kīni dīt wāmbīr ko, “Mang yimbu ni wu!”

73A kuteng kīku a rīketīni bayimangu, bību a tiwe fikomu a yi Bitīr ko, “Kīkumang, mun a no we n ti Yesu banasarete. Kīswi mun fwaan yāme a kwālīn.”

74N kīn a mwe tīturantū kīt wāmatī chitu ko, “Mang yimbu ni wu!” Kīri yāmiye, kware tār tīn.

⁷⁵M Bitir a kur yamu n Yesu a fwa kiminimu ko, “Mwang kwilayu kida yitta, kware ka tarti chi.” N kin a kiwii kini dukan.

Matta 27

N Yesu a kakku Bilatusang (Mar 15:1; Luk 23:1-2; Yow 18:28-32)

¹Yo tima kwiyan, wuduwe fansetiye n ti selibu binimu, a dika yii ko chi chiu Yesu.

²N chi a kwau kin, a yikani kin, a ya ni kwabna Bilatu.

Bwa Yafuda (Nfa 1:18-19)

³Yo n Yafuda wu a kwal kine, a ku yamu a mwatan nibu yaka chiu Yesuwe, a ma furi kilikili, a kila bwana wuduwe fansetiye n ti selibu, a niti chi kambir asurfanu wani titanu we.

⁴A yi ko, “M ma kile, kangu mang ni wu a mabu kile ke a bwangu.” Aya n chi a yi kin ko, “Lwangang nang wule we titu? Titu lwangang mwang.”

⁵N kin a kur kambir asurfanu we Kan Kwamanu, a chir tin. A yikan a ya diku dwaku.

⁶Aya wuduwe fansetiye a wo Asurfa a yi ko, “A dakabu kambir didu ni yangdu a Kan Kwaman dine kambir kitumin.”

⁷N chi a kika yii, ka tanin ku naba kubiye kini kambiru ke a nang furen rungko.

⁸Dine yiko, a yal fiko ko, “Ku kitume.”

⁹Yiko, a ri chitu faku Yirmiya a fwa ko, “N chi a dau kambir asurfan wani tita, chi a kekan ka fedu a dur Yisrelane.

¹⁰A tan ku naba kubiye kin, kangu n Tewuduwe a fwangu.”

Bilatu a ma Yesu min tibidiri (Mar 15:1; Luk 23:1-2; Yow 18:33-38)

¹¹N Yesu a ti we kakku kwabnangu, kwabna a bu kin ko, “M mun nang Mai nibu Yafudama?” N Yesu a yi kin ko, “N fwa tas.”

¹²Aya yo wuduwe fansetiye n ti Selibu, kifwa yam a dur kine, a yibu chi yam.

¹³M Bilatu a yi ko, “Mwang nwebu chi nibu kifwadu a dur munita?”

¹⁴Aya n Yesu a kil kiminbu dikwal, kono we yam bibu nibu a yi kinimu. Titu a yar kwabna yii.

Nibu a mwata yamu n Yesu ka bwadu (Mar 15:6-15; Luk 23:13-25; Yow 18:39-19:16)

15 We k_iswi wu a Yiye yabake, n kwabna k_imar n_ibu m_in naba k_ile wiin wu n chi k_ibadde.

16 We k_iswi wuko, wuka nii we wu n_ibu a yim n k_in naba k_iletiyē. Nii wu d_in k_inu m Barabas a d_ib_int_il.

17 Yo n_ibu Yafudamu a murane, m B_ilatu a yi chi ko, “T_ibadu m kwiye wure? M Barabas, ka n Yesu wu t_iyalu ko Masiya?”

18 D_ine n B_ilatu a yim ko, n chi a ko Yesu d_ine kat_ine.

19 Kangu m B_ilatu a swe we k_id_ing mwatakangu, naye ko a yi k_in ko, “Chirm_in we y_am naba n_iri din_imu, d_ine diwu kumi kwad n nwe riye we dur k_inu a dwakam.”

20 Tikaketi fansetiyu n ti sel_ibu a kukan k_irangu we n_ibu ko, a mar Barabas, a ch_iu Yesu.

21 Kwabna a b_iu chi ko, “M mar chim_ine wure, we n_ibi burab_imu? N chi a yibi kuuu ko ‘Barabas.’ ”

22 M B_ilatu a yi chi ko, “Mang madi yire k_ini Yesu wu t_iyalu ko Masiya?” N chi a yibi kuuu ko, “T_ikukan!”

23 M B_ilatu a yi chi ko, “D_ine wule, a ma t_it_ile chi t_ikwani t_itu a lwe bwaatu?” N chi a su kemiyi kuuu ko, “T_ikukan!”

24 Kangu m B_ilatu a ku y_amu a la dukan k_inangu, yinu kus_iru k_ilaan fikongu. A bau mwe a nura f_ali kiyu we kakk_i n_ibangu, a yi ko, “Lwangang mang a newe k_itum nii wumu. Lwangang chang, k_itum k_imu a dur ch_in.”

25 N_ibi kwang a ke ko, “K_itum k_imu a swe a dutu n_in n ti bwes_im n_im!”

26 Yinu a kwi chim_ine Barabas. Aya n k_in a yi n_ibu ko, a twala Yesu, yinu n chi a yikani k_in a ya kukan.

N_ibu k_irangmu a ma Yesu m_in k_ifiye

(Mar 15:16-20; Yow 19:2-3)

27 We fiko n_ibu k_irangmu a yikani k_ini Yesu a lo kwabna, n chi a murt_i kw_al ch_inu we d_ik_ine,

28 N chi a suku k_im_in luke ko, a yau k_im_in wuka luke wurwur k_iduum b_ibu mat_im k_iyad_imu.

29 N chi a ma k_im_in salasala wa kw_ada, a do k_im_in we duru a nit_i k_itwalang we kang k_iyilang kangu, n chi k_ichungdu we kak_iku kangu, k_ima k_im_in k_ifiye ko, “N_in siinu Mai n_ibu Yafudam!”

30 N chi a t_ibu k_ini k_itumu, a yitu k_itwalang, a twali k_in we duru.

31Yo n chi a ri kīfiyenge, a suku kīmīn luke wurwure, a do kīmīntī lukei kiyu we, a yikan ni kīn ko ke chi kuka kīn.

Nību a kuka Yesu

(Mar 15:21-32; Luk 23:26-43; Yow 19:17-27)

32Yo n chi we wāre kiyikade, n chi a tekan n ti wuka naba Sairin, dīn kīnu n Simun, n chi a yo nii wu kīni dukan ko a dāu kītiyang bwa Yesungu.

33Yo n chi a lam wuka fi wu kiyalu ko, “Kolkota” ka nang chikiye fi wu a kasire.

34N chi a ni wuka mwe yinabi wu a se n ti dwamang ko a no. A ya yo n kīn a twaiye a ko a nobu.

35Yo n chi a kuka kīne, a kera tīn lukei kiyu we bwiti chiyu.

36A kuteng kīku n chi a swe we fiko kīdangdu.

37We fi a dur Yesu ne, n chi a mwal chitu ko, “WU NANG Mai NĪBU YAFUDAME.”

38N chi a kukan n ti bīkam dabīkumi burau wuka a kang kiyilang, wuka a kwatakwelang.

39Bību kīsudumu, kīswāba kīnu n kawure kīmīkītini dur.

40N chi kiyidu ko, “Mun wu mwiko mwang wur Kan Kwamanu, mwang muddu a ditiyu yitta, yu yimwiyu, suwe we kītiyang bwangu ke nīn yim ko m mun nang Bwe Kwama!”

41Yiko tikaketi fansetiyu n ti nību yungku yilīnmu n ti selību kīma kīmīn kīfiye ko,

42“N kīn a yu bīkamu, a yimbu yu yikiyu. Ka n kīn nang Mai Yisrela, a suwe we kītiyang bwangu, nang ke biyilīmu we dīkīne.

43A kīna yo nīru we dīKwama. Yam n Kwama a yu kīn kīkangu, ka we kīmīla kīne, dīne a yi ko n kīn Bwe Kwama.”

44A fiwine, dabīkum bību a kukan chi waremu, n chi kītībutī yām bībwilam bību.

Bwa Yesuwe

(Mar 15:33-41; Luk 23:44-49; Yow 19:28-30)

45Kīni tibe kuko, tīmu a ma kīli.

46Yo kīswi a fi yitta, n Yesu a bwe wi, a yal chitu kīni dukan ko, “Eli, Eli lama sabatani.” Kanang chikiye “Wa Kwama mi, Kwama mi, a mayire mwang mariye?”

47Bīkamu a tiran we fikomu, kanga nwe yām bībangu, n chi a yi ko, “Nii wu kiyal Yiliya?”

48Bīnabīna wuka we bwiti chiyu a wul a dāa soso, a dīka mwe wi bwangbwange, a yab we kwalu a kuku a ni kīn ko a no.

49Bikamu a yi ko, “Yam didiin ni dang ka Yiliya we bedu ka yu kine.”

50N Yesu a kila kitı wii kida, kini dukan, yinu tikuritu a chir.

51We kidang kangu wule luke wu a yau kiswen fi wu wauwade, a ngiran time yurau, a mwe we dii a fwe tina bale time. Timu a miikan, kwantiyu a wulan.

52Futitu a wuden, bibwarimu bibi wauwadimu nabwen a kun we futitu kini tikuritu.

53N chi a chiran we futitu. A kuteng kiku n Yesu a kun we furangu, n chi a le bini wauwadinu, nibu nabwen a ku chi.

54We kiswi wuko, tikake nibu kirang Roma n ti bibu kidang Yesumu, kanga ku mikaku timu n ti chi a fwetangu, n chi a nwe tayi, a yi ko, “Kikumang wu Bwe Kwama.”

55Natibu nabwen bibu a bunte Yesu we Kalili ke chi ma Yesu min nangangmu. N chi a ti kutan kidange chi kifweditu.

56We tibe chi, m Maryamu wu a Makadala we n ti Maryamu ne Yakubu n ti Yusufu n ti ne bwesim Sabadime.

Furem Yesum

(Mar 15:42-47; Luk 23:50-56; Yow 19:38-42)

57Yo me a lame, wuka naba kuli, wu a be a Arimatiya, din kinu n Yusufu. N kin we Miyarim Yesumu.

58A ya bwa di Bilatu, a biu kwame Yesu we. N Bilatu a ni kin kwame.

59N Yusufu a dau kwame Yesuwe, a dal kini luke wu a ne der we.

60A yo a dikan fur difwin, didu a tu a swaba kwamin. A bile wuka kale wuduwe, a yinge furi kin, a yika tin.

61M Maryamu wu a Makadala n ti Maryamu wuka a swetuwe kakku furangu.

Nibu kito furimu

62Bafinenangeko, wu kuteng diwu nibu kido bwi dine di sabwi nibu Yafudamu, tikaketi fansetiyu ti nibu Farisamu, n chi a muran we kakku Bilatu.

63N chi a yi ko, “Tewuduwe diti yiya suyu, nin kur chi naba dibutire wu a fwa yo we kini tikuriye ko, ‘A kuteng ditiyi yitta ka kunu we furu.’

64Dine yiko, mwang yo nibu ka to furu ka lantin di wutare, dine ke miyarimu a be dadu kwame ko we kini kutu, a kuteng kiku beka yi nibu ko a kun we furu. Kiku butiku nang kiku niing nwedi kinangu.”

65M Bilatu a yi chi ko, “Tiya kini nibu kirangmu, yatı to tiyangu ta medangu.”

⁶⁶N chi a yikan yaku to furu, n chi a ma kale mìn dīmwal maiyin we furu, a yo nību kīrangmu ko a nang to furu.

Matta 28

N Yesu a kun we furu

(Mar 16:1-8; Luk 24:1-12; Yow 20:1-10)

¹Yo difikare nību Yafudam a suwe, we di wu kake kīni sīn, m Maryamu wu a Makādala n ti wuka Maryamu a ya yaka dānge furu.

²Bīnabīna tīmu a mīkan we tītīnitu, wuka naba dītumbīre Tewuduwe a suwe we dii, a bīl ne kale wu a no yinge fure, a swe we diiko.

³N kīn yinang kiyile, lukei kiyu a fwiye ni tweng yinang fībīn.

⁴Yo nību kīrangmu a ku kīne, tayi a tau chi yinang, bwiyu a mīkan, n chi a yaran a tīm yinang bībwarīm.

⁵Aya naba dītumbīre a yi natību ko, “Tīwulu tayi we, n yim tība Yesu wu nību a kukane.

⁶A ne we fi. A kun we furu kangu a fwangu. Tībe tīdāng fi Tewuduwe a no damīne.

⁷Tīya fwebu, yatī fwa Miyarīm kīmu mīn tiko, a kun we furu. Aya ka tu chīnu we Kālili, ta ku kīnu we bwako. Nang chi mang be mang fwa chimīnditu.”

⁸Natīm bību a kaibu kīswi a du furu a yikan kīni tayi n ti furi mwemwenu nabwen. N chi a wul ko ke ya chi mwa Miyarīm Yesumu.

⁹N Yesu a ngaban n ti chi, a yi chi ko, “Mang lān chīn.” N chi a be kīdwang a kwar nani kiyu a sii.

¹⁰Yinu n Yesu a yi chi ko, “Tīnwedu tayi we, yatī fwa kebu mīmu mīn tiko a yika Kālili, n chi ka kuyu we bwako.”

Dīmwar nību kīrangmu kīto furīmu

¹¹Yo natību kiyīkade, bīkamu we nību kīrangmu a lewe bīnu, a fwa wuduwe fansetiye mīn chitu a fweti kwang.

¹²Yinu fansetiye n ti selību a muran a dāng chi we mure, n chi a ni nību kīrangmu kāmбір nabwen.

¹³A yi chi ko, “Tīyi nību tiko Miyarīm kīmu a barawe kīni kum a dāu kīn yo ta da dume.

¹⁴Ka yām bību a lam kwabna, nīn we nang fwa yāmu n ti kīn, nang yu chīnu we riye.”

15Nibu kirangmu a yiu tin kambiru, a ma tin chitu a fwa chi minintu. Yam bibu a lanta dii, a tira timu kini kwang, nibu Yafudam kifwadu.

N Yesu a ni miyarim kimu nangang

(Mar 16:14-18; Luk 24:36-49; Yow 20:19-23; Nfa 1:6-8)

16Miyarimi kub chiri wiinimu a yikan Kalili kini kwang, n chi a ya dikun didu n Yesu a yi chinu.

17Yo n chi a ku kine a sii kin, aya bikamu, a le chiminbu we bwiyu ko nang kin.

18N Yesu a be kidwan, a yi ko, "A ni min dwiyentu we dii n ti timi kwang.

19Dine yiko, tiyikan yatii mwa kuuti kwang we titinitu tiko a bumitin, tinang ma chimin batisma we din Tenun ti diBwenu n ti dida Fikim Kwamam.

20Tiyung chi chitu mang fwa chiminiti kwang a nan buntin yilangu. Tiyim ka wuwule diye, min we n ti chin ka laminti di firke."

Markus

Markus 1

Dimwar Yowana naba batisma

(Mat 3:1-12; Luk 3:1-9; 15:17; Yow 1:19-28)

- ¹Yam bilimu a dur Yesu Masiya, Bwe Kwamamu a mwengi ying;
- ²We faku Yichaya, Kwama a fwa ko, “Dang, min tum chimin naba ditumbire a kakku chang, ka do chimin ware.”
- ³“N kin Ker didu kichiredu a dikir; Do ware dine Tewuduwe!”
- ⁴Yinu n Yowana naba batisma a chire a dikir, kimwa nibu ko a wo kitim, a ma batisma ke n chi a ya duku kiletiyangu.
- ⁵Nibu bibu a tim nibu Yafudiya n ti nibu bibu a bin Wurchalimamu a rau bwa a dikine, kifwa kileti chiyu, kiwoti kitimu, kimati batisma we laa Wurdune.
- ⁶N Yowana a do dibal didu nibu a ku kini rii talimiye, a mu tar kinu kini dibal, chabtu kintu kikiwiti n ti mwe rwi.
- ⁷N kin a ma dimwaru ying; “A kuteng mangu, wuka ni wuduwe wu a la mini dwiyene ka bedu, kasi no kiwami kiyu mang lwebu mang sungdu mang kwi kimindu.
- ⁸Min ma chimin batisma kini mwe, aya n kin ka ma chiminu kini Fikim Kwamam.”

N Yesu a ma Batisma

(Mat 3:13-17; Luk 3:21-22; 4:1-13)

- ⁹We kiswi wuko, n Yesu a chire a Nasaret wu a yaa Kalili. N Yowana a ma kimin batisma a laa Wurdune.
- ¹⁰Yo n Yesu a chire wuchak we mwe, a ku di a wuden, Fikim Kwamamu a sub yinang kikube a sung we dikine.
- ¹¹Yinu dikan ker a chire a bwa diye ko, “Mun nang Bwemi wu mang milane, min nwe tamang mwangu.”

N Setan a swaka Yesu

(Mat 4:1-11; Luk 4:1-13)

- ¹²Binabina Fikim Kwamamu a twaku Yesu a len dikir.
- ¹³N kin a ma ditiyu wan taana we dikiru, Setan ki swaka kinu. N kin we n ti nai dikiri. Nibu titumbirimu a ya lweka ti kin.

Miyarimu n Yesu a mwe yalimu

(Mat 4:12-17; Luk 4:14-15; 5:1-11)

- ¹⁴A kuteng kiku nibu a mar Yowana a lo dibintilengu, n Yesu a yikan tim Kalilimu kima dimwar we yaa Kwama,

- 15“Kiswi a lam, Yaa Kwama a mwatawe, tiwo kitimu, tike biyilimu!”
- 16Kangu n Yesu a yakisudu we kitiku la Kalili, a ku Simun n ti ke ko n Andiriya, kifwal dwakai chiyu a mwe, n chi nibu ki taba chingim.
- 17N Yesu a yi chi ko, “Tibunmite, mang yo chinu tanin be miyedu kini nibu ka wo kitimim.”
- 18Binabina n chi a du dwakai chiyu, a nabu Yesu.
- 19Kanga kir kitiki bayimangu, a ku Yakubu bwele Sabadi n ti ke ko n Yowana a kwambire mwe ki do dwakai chiyu.
- 20Binabina n kin a yal chi. N chi a du techi n Sabadi we kwambire mwe n ti nibu suremu a nabu Yesu.

N Yesu a chaku kifibe wu bwila

(Luk 4:31-37)

- 21N Yesu n ti miyarimu a yika Kafanawu. We difikare nibu Yafudam, n Yesu a le kan murakin kima miyaku.
- 22Nibu a yar yii kini miyaku kangu, dine nibu yungku kangu a ma dukan, a newe yinang nibu yungki yilin Musamu.
- 23Binabina wuka nii kini kifibe wu bwila we kan murakin a ngau keme.
- 24Kifwadu ko, “Lwangan mwangu wule n ti nin, Yesu naba Nasaret? M be mwang chiu nin na? N yim m mun, wu wauwade Kwama.”
- 25N Yesu a wela kin ko, “Le min, chir min we bwiyu!”
- 26Kifibe wu bwila, a ngau kini fim, kini keme, a chir.
- 27Chitu a yar nibu yii, n kawure kibiu fate ko, “Titu wureni? Miyaku kifwiyang, niyang kuunbuwe. Kini dukan, kichaku kifibtu yi bwilayu, bikimu kibuntiyam kimu.”
- 28Binabina yam bibu a tiran we yaa Kalili kwang.

N Yesu a bera nibu nabwen

(Mat 8:14-17; Luk 4:38-41)

- 29Yo n chi a chir we kan murakine, a le lo biu Simune n ti Andiriya ware n ti Yakubu n ti Yowana.
- 30N Nela Simune bwi a mikamikane, n chi a fwa Yesu min yam bibu.
- 31N Yesu a ya we kidwan, a sung a tau falang kangu, a kuku. Bwi kiyu a be, a kun, a ma chiminti nangang.
- 32Kini me, kangu dii a lengu, n chi a be kini nibu a bubuwemu n ti nibu kini kifibtimu.
- 33Binu kini kwang a muran a qar lonu.

³⁴Yinu n Yesu a be n̄ibu buramu nabwen. A chaku kifibti yi bwilayu nabwen a dubu chi ko a fwa bikam yam, dine n chi a yim ka n kin n wure.

N Yesu a twaba bunitu a mati dimwar

(Luk 4:42-44)

³⁵Kini kunsin yo timu a firebe, a kun, a chir, a yika wuka fi wu a ne ni we, a twaba buni we bwako.

³⁶Yinu m Simun n ti bibu n chi waremu a yikan, ki babba kinu.

³⁷Yo n chi a ya kine, a yi ko, "Nibi kwang ki babbanu."

³⁸N Yesu a yi chi ko, "Ni yika bintitu a kakitu mang ma dimwar yam bilim we bwako tin. Nang chi a yo mang betu."

³⁹A kanan tim Kalilimu kini kwang kimwa yam bilim we kambi murakitu, kichakiti kifibti yi bwilayu we n̄ibu.

N Yesu a be naba mwaliye

(Mat 8:1-4; Luk 5:12-16)

⁴⁰Wuka naba mwaliye a be sung ki wana kinu ko, "Tete, ka mwang kede, n lwe mwang be burang mangu."

⁴¹Dine kibune, n Yesu a tar kangu a twai kin a yi ko, "N ke, mang benu."

⁴²Binabina mwaliyu a be, ni wu a ya beku.

⁴³A ngau kimin kikure ko, "Yikan.

⁴⁴Kedu fwa wuka ni minduwe, ya wuka fanseti a dangin. Yang ma niku kitumang dine beku mwangu, yinangu yilang m Musa a fwa chiminangu ke n̄ibu a swaan ko m be."

⁴⁵Kasi kiku n Yesu a yi kini yikongu, n kin a yikan kifwa n̄ibu min yamu, kifwa chiminu, kini kangu ka bengu. Tichitu wu a yo n Yesu a lebu dikan bin ni kwarikwari, kiswedu a kuteng binang fi a ne nii we, n̄ibu kibeđu we dikine ka nang kikile balange.

Markus 2

N Yesu a be nii wu a ngirmane

(Mat 9:1-8; Luk 5:17-26)

¹A kutengu ditiyi bayimangu, n Yesu a kilatewe Kafanawu, n̄ibu a nwe ko a kila loko.

²N̄ibu nabwen a muran we kwaru, a ne fi wu lere we. N kin we mure kifwa chi min yam Kwamamu.

³Yinu bikam n̄ibu, n chi baana a daa wuka nii wu a ngirmane.

⁴Yinangu n chi a kwala kangu ka le fi a di Yesuwe kin dine nabwen nibengu, n chi a fil dii kanne, a wum fi a tiben n ti Yesuwe, a mare nii wu kini kwambire mweko a kakku kang.

⁵Yo n Yesu a ku keku biyilimang chiyange, a yi wu ngirmane ni ko, “Bwemi, n du min kileti mwiyu.”

⁶Nibu yungku yilinu we fiko a swe kima tikuran we nitu chitu,

⁷ko, “A mayire ni wu ka fwadi ye? Titu ka swabban! N wure kini dukan didu ka du min kiletiye, ka n ke Kwama kikune?”

⁸Binabina n Yesu a swaan tikuran titu a nitu chitu. A yi chi ko, “Dine wule tima tikuran titu we nitu chinte?”

⁹Bibile yam a lachi, bibu ni ka yi naba burange ko, ‘N du min kileti mwiyu, kunin dau chi tidari mwitu, n ya yayuwa?’

¹⁰Aya min baddu ke tiyim tiko Bwe Nii kini dukan didu we titinitu ka du nibu min kiletiyu.” A yi wu ngirmane ni ko,

¹¹“N fwa min, kun, dau kwambire mo, ya yayu.”

¹²Binabina a kun a dau kwambire mwe ko we a nui nibiyu, a yikan. Titu a yar nibu yii, n kawure a ni Kwama dwiyentu ko, “Nang kuunbi titu chi we.”

N Yesu a yal Lawi

(Mat 9:9-13; Luk 5:27-32)

¹³N Yesu a kilati kitiku la Kaliliyangu we, nibu nabwen a mura kimintuwe dibil, yinu n kin a mwe kimiya chiminu.

¹⁴Yo yakisude, a ku lawi bwele Alfa, a swe we fi nibu kiyin sangkale. N Yesu a yi kin ko, “Bumite.” A kun a bunti kin.

¹⁵Wuka di n Yesu n ti miyarim kimu kichau chabtu kini me a lo Lawiye. Nibu kiyiu sangkalimu n ti nibu a buntibu yilin Kwamatimu we fiko nabwen kichau chabtu n ti chi. Dine nibu nabwen we mure bibu kibunti kinimu.

¹⁶Kidangu nibu Yungku yilin Musamu, bibu n chi Farisamu a ku kichau chabtu n ti nibu kiletim n ti bibu kiyiu sangkalimu, a biu miyarim kimu ko, “A ma yire kichau chitu n ti nibu kiletime?”

¹⁷Yo n Yesu a nwe yame, a yi chi ko, “Nibu limamu a babu naba yinenge, ka n ke naba dibuwe. Mang bebu dine mang yal nibu yilem we kakku Kwamangu, aya dine nibu a tumbi yilem.”

Dibidu a dakku dimwenang

(Mat 9:14-17; Luk 5:33-39)

¹⁸Miyarim Yowanamu n ti bibu a Farisamu, kidau dimwen. Bikam a be biu Yesu ko, “Dine wule miyarim Yowanamu n ti bibu a Farisiyawamu kidau dimwenu aya bimumu a dabbe?”

¹⁹N Yesu a yi chi ko, “Fate wutabire ka dau dimwen we kidangu bwele kiyiu naye we ware n ti chiyanga? Kiswi kibeđu wu bwele kiyiu naye ka du chide. N chi a ne dau dimwenu yo n we ware n ti bwele kiyiu naye.

²⁰Kiswi kibeđu wu bwele kiyiu naye ka du chide we, n chi ka dau dimwen we kidang kangu.

²¹“A ne ni wu ka tal luke wu kare kini dibal difwine we. Ka a kabi yikonge, dibal difwinu ka ngir dikarinu, ngirakiku ka la kiferediyangu kini kayakiku.

²²A ne ni ka lwađu mwe yinabi a swagi yikari we, ka ni a lwabbe, swangi yikariyu ka fweradu, mwe yinabi wu fwiye niin lwađu a swagi yifwi.”

Dibidu a difikare nibu Yafudam

(Mat 12:1-8; Luk 6:1-5)

²³Wuka difikare nibu Yafudam n Yesu n ti miyarim kimu yakisudu a kuni chami, miyarim kimu ki kiya tchangri kikudu.

²⁴Nibu Farisamu a yi kin ko, dang miyarim mumu, “A ma yire kima chi yilang a kebitu we di difikare chire?”

²⁵N Yesu a kinta chi ko, “Yoye ta kiinbu chi n Faku Dauda a ma we se Kwama yo n chi a nwe chunu n ti fatibu kimu we yayu chiya?”

²⁶A kidangu n Abiyata nang tikake Fansetiye, n Dauda a le se Kwama a chau chabtu tiyangritu, yinu a niti fatibu kimu chabtu titu a dakan kana fanseti ka chaditu.”

²⁷Yinu n Yesu a yi chi ko, “A yo difikare dine ni aya a yobu ni dine difikare.

²⁸Dine yiko, Bwe Nii, nang Tewuduwe wu a difikare nibu Yafudam tin.”

Markus 3

N Yesu a be nii wu a ngirma falange

(Mat 12:9-14; Luk 6:6-11)

¹Yo n Yesu a le kan murakangu, a ya wuka nii wu falangu a ngirmane ne we kannu.

²Bikamu nibu a kurti nuiyi chiyu we di Yesuwe ko ka, ka be ni wu we difikare, ke chi ya fili wu chi tan kine.

³Yinu n Yesu a yi ni wu ko, “Chire, tii tas.”

⁴N Yesu a biu chi ko, “Titiile a da ni madu we yilang Musangu, ni ma chi tiyili we difikare nibu Yafudama ka ni tum bwila? Ni yu tikuriya ka ni chiu tikuriya?” Nibi wudidi, a yibu kin yam.

⁵N Yesu a dang chi kini kifwini, dine kingkinge nitu chiye aya kinwetii kibune chi we kileti chiyu. N kin a yi nii wu ko, “Tare falang mwangu,” falangu a be tin.

⁶Kangu n̄ibu Farisamu a chirengu, b̄inab̄ina n chi a d̄ika ȳamu ti kw̄al Yirudu we dur k̄inu yinang kangu chi ch̄iu Yesungu.

K̄ituu n̄ibe a nabu Yesu

⁷N Yesu a kun ti miyar̄im k̄imu a du b̄inu a yika k̄it̄iku la Kaliliyang. K̄itu n̄ibe nabwen b̄ibu a chire a Kalili n ti Yafudiya a nab̄i k̄in.

⁸Kangu n chi a nwe chitu n Yesu k̄imaditangu, b̄ibu a Wurchalimamu n ti b̄ibu a bal̄ang Yudiyamu n ti b̄ibu a yabu la wurdun̄imu n ti b̄ibu a Tayamu n ti b̄ibu a Sidon mu. N̄ibu nabwen a mura k̄im̄intuwe ke chi nwe, chi kut̄i chi k̄imaditu.

⁹D̄ine k̄iwulu ko ke n̄ibu a fumad̄i k̄in we, a yi miyar̄im k̄imu ko, “T̄ibe k̄ini kw̄amb̄ire mwe wut̄ire wiin ke t̄ifumantu a swe bunge.”

¹⁰A ma ying d̄ine n k̄in a be n̄ibu nabwen. N̄ibu bur̄in̄imu nabwen k̄ibedu we d̄ik̄ine ke chi twai k̄in, chi ya beku.

¹¹Yo n̄ibu k̄ini k̄if̄ibt̄imu k̄iku Yesu we, k̄iyaru we t̄imu k̄ini kemi ko, “M mun Bwe Kwama!”

¹²N Yesu a ngau chim̄in k̄ikure k̄ini dukan ko, “A yidu n̄ibu we ka n k̄in n wure.”

N Yesu a sutu miyar̄imi kub chiri burau

(Mat 10:1-4; Luk 6:12-16)

¹³Yinu n Yesu a f̄il kunu, a yale b̄ibu n k̄in k̄ibadd̄imu n chi a be fi a d̄ik̄ine.

¹⁴A sutu n̄ibi kub chiri burau, b̄ibu n k̄in kan̄in tund̄imu ka nang chikiye fandu, a yi chi ko, “N sutu ch̄in niing swedu ware.” Ma n̄in tum ch̄inu we a d̄imwaru.

¹⁵A ni chi dukan, ka chaku k̄if̄ibt̄i yi bwilayu.

¹⁶N k̄in a sutu Simun, wu n k̄in a ni d̄inu ko Bit̄ir.

¹⁷N ti Yakubu bwele S̄abadiye wu ke ko n Yowana, a chau k̄im̄in d̄inu ko Buwarnachis ka nang chikiye, bwes̄im k̄iyalem,

¹⁸n And̄iriya, n ti Filibu, n ti Bartolomi, n ti Matta, n ti Toma, n ti Yakubu, bwele Alfiyus, n ti Tadiyu, n ti Simun naba Kana. D̄in d̄idu k̄iswe n̄ir Simun̄inu n ti chi n k̄in k̄imade we siiku Kwamangu. We wuka k̄iswi k̄iyung kw̄al n̄ibu k̄ima chitu yinang n̄ibu k̄iranḡin b̄ibu a babu ka bunt̄iku mat̄in Romamu,

¹⁹n ti Yafuda Yiskariyoti wu a mii k̄ine.

N Yesu n ti Mai K̄if̄ibt̄iye

(Mat 12:22-32; Luk 11:14-23; 12:10)

²⁰Yinu n Yesu a le lo. K̄itu n̄ibe nabwen a mura k̄im̄intuwe t̄int̄in. N k̄in n ti miyar̄im k̄imu a yab̄i da tiyanḡu ka chau chab̄t̄it̄angu.

²¹Yo kebu k̄imu a nwe ȳame, n chi a ya, yaka taa k̄inu, d̄ine n̄ibu k̄iyidu ko, “N k̄in a newe l̄imang.”

²²Nibu yungku yil_in_im b_ibu a be a Wurchalimamu a yi ko, “Bayalsebul we bwi kiyu, tikake Mai kif_ib_tiye nang wu a ni k_in dukan didu k_ichak_in kif_ib_tinu.”

²³N Yesu a yal chi, a swe chim_in ko, “Setan ka chaku Setani yire?”

²⁴Ka b_ingaiyu a le t_imu k_ikula bwiti chiye, t_im b_ik_imu a ne ya dukanu.

²⁵We yiko, ka b_ingaiyu a le d_ikur lone, lo wuko a ne dukan we.

²⁶Ka yaa Setane a le b_ingaiye, yaa a ne yin tidu, yare a be chim_ine, wu yaa ko ka fir_inde.

²⁷A ne ni ka le lo naba dukane yinang Setane, ka kaar kul_in k_ine we, ka n ke ka tau k_inu ka kwadu, yinu ka yindu ka le lo ka wur nii we.

²⁸M_in fwa chim_in biyil_im, Kwama ka du chim_in k_iletiyu n ti sw_aba ku Kwamangu.

²⁹Aya wu a sw_aba Fik_im Kwamame, a ne du k_im_in k_ileti kiyu, bwila ko a swe k_idiya kwadu.”

³⁰N k_in a fwa b_ibu d_ine n chi k_iyidu ko n k_in k_ini kif_ibe wu bwila.

Ne Yesuwe n ti kebu Yesum

(Mat 12:46-50; Luk 8:19-21)

³¹Yinu n ne Yesuwe n ti kebu k_imu a be, a ti a filang. A tum chitu ko a yale Yesu.

³²Aya k_ituu n_ibe a d_ib_il k_in. N chi a yi k_in ko, “N ne mun n ti kebu mumu a filang, k_iyali_nu.”

³³Yinu n k_in a ke chi m_in ko, “N wure nang nemi, m b_iwure nang kebu m_imu?”

³⁴N k_in a d_ang n_ibu b_ibu a bw_al k_ini d_ib_il_imu, a yi chi ko “N nemi nang wu n ti kebu m_imu!”

³⁵“Kanang wuwule niye, wu k_ima chi n Kwama a keete, n k_in nang kemi wubare, n ti wuwiye, n ti nemi.”

Markus 4

Yam ni wu kifii chame

(Mat 13:1-9; Luk 8:4-8)

¹N Yesu a mweti yungk_iku we k_it_iku laangu, tuule n_ibu nabwen a mura we kakku kangu, yinu n k_in a le kwamb_ire mwe a swe we mure a mwe. N_ibu nabwen a muran we k_id_ingu a k_it_ik_i laangu.

²A yung chi chitu nabwen k_ini baltaku, yinu we yungk_i kangu a yi chi ko,

³“T_inwe, wuka nii a ya yaka fiye cham.”

⁴Yo a yakī fii dume, bīkamu cham a twakan a wāre, kīnībiyu a be chiba cham bību.

⁵Bīkamu a twakan a nani kwanti a ne kītīm we nabwen, bīnabīna n chi a kiye, dīne kītīmu a newe nabwene.

⁶Yo kuko a fwenge, a twi chi a kusu, dīne kī yinange tiyangu a subu kutan.

⁷Bīkamu cham a twakan a kwāda, kwāda a kwaba chi a yobu kīnuti.

⁸Bīkamu a twakan a tīm bīyilīm, n chi a dwiyen a yo kīnutiyu, yikayu sungi chamiyu a yo kīnutiyu wan tīta bīkamu wan turukuun, bīkamu kuul.

⁹Yinu n Yesu a yi ko, “Wu kīni kītele a nwe.”

Chi baltaku kiyungde

(Mat 13:10-17; Luk 8:9-10)

¹⁰Yo n Yesu a swe n kīkune, bīkamu nību n ti miyarīmi kub chiri burabīmu, a bīu kīn ko a fwa chi baltaku kiyungditu.

¹¹Yinu a yi chi ko, “N tīn, a ni chīn da ta swan tīlairi Yaa Kwamatu, aya bību a newe ti chinīmu, chiti kwang ka baltaku.

¹²Nang chi ‘A yo n chi ka nīn dāngdu, aya a neka swiru, n chi ka nwedu aya a neka swaanu, ka n chi a swane, ka wo kītīmu, ka ya duku kīletiyangu.’ ”

¹³Yinu n Yesu a yi chi ko, “Aya ta swaanbu kīku baltaka? Yinu ta medi yire ta swaan yikayu baltaku?”

¹⁴Nii wu kīwau duume, kīwau yām Kwamam.

¹⁵Duum bību a twakan a wāremu, a ti we nību a nwe yām Kwamamu, aya yo n chi a nwenge, bīnabīna, n Setan a be a yitu yām bību we a nītu chitu.

¹⁶Bīkamu nību yinang kīnutiyu a yar a fi a kwantiyemu. Ka n chi a nwe yām bīlīme kiyidu kīni furi mwe mwe.

¹⁷Aya a lebu nītu chitu yinang yinang, a ne ti ke, ka riye fumake a ya chi dīne yām Kwamame, n chi kīkīla kuteng.

¹⁸Bīkamu nību yinang duum bība swi a fi kwāda, n chi nang bību a nwe yām bīlīmu.

¹⁹Aya tīkwāman tītīnītu n ti baku kulitangu, n ti kubeku chitangu a ri bwi kiyu a yitu yām bīlīmu, a mabu nangang kiyilang.”

²⁰Aya bīkamu nību a tiwe duum bību a fi wu yilemu. N chi a nwe yām Kwamamu, a yiu, kīma nangangi kīn, bīkamu kīya sukku wan tīta, bīkamu wan turukun, bīkamu kuul kuul.

Baltaki kīni Fitīla

(Luk 8:16-18)

²¹N Yesu a kila yi chi ko, “Niin dau fitila ni sunti kwase, ni dikidu a bwang kwambiranga? Ne ni yo fitila a dii, a tidda?”

²²Chi tiyingeritu be ka kwaladu, tintine, titu niyang lailaiyetu ka chire dii kwarikwari.

²³Ka ni kini kitele, a nwe.”

²⁴Yinu a kila yi chi ko, “Tal chi mun nweditu yinang, kwase mun swe nibu mindi kine, n Kwama beka swe mindi kin. Wuko ka bu mindi dibil.

²⁵Wu kini chiye ka bu kimin tiduwe, wu a ne chi we, ka yitu titu n kini kini bayimitu.”

Duum bibu a kiim

²⁶N Yesu a chakakku ko, “Yaa Kwama kanodi yinang; Ni a wau duum we kuu ko.

²⁷Kum n ti kuko, a yimbu kidangu duum bibu a kiye a dwiye tinangu, ka a ma yire, n kin a yimbu.

²⁸Timu kiyo tiniyu kidwiyedu kitu tikulan. Cham kimwedu we timwaritu, yinu ka chir duru, yinu fal kinutiyu ka chiredu tichangri tu.

²⁹Yo chama biye, ni ka dau too ka bidu, dine kiswi a lam wa kakke.”

Kikwi mastad

(Mat 13:31-32; Luk 13:18-19)

³⁰N Yesu a yi chi ko, “Ni swe Yaa Kwama kini wureni? Ni ma nangangu kini kikile baltaku ke ni swe min?”

³¹Yinang kikwi kisiraiye, kikwi wu a mwan a tamme, nii a fi a kuu ko.

³²A bakiswi bayim, a dwiyen a kwam a lati yikayu beti tini we kuu lambu. A ma kiyange tiyu nabwen, kinibiyu kisungdu we kiwulang kangu kima tikikuli we.”

³³We kiku sweku, n kin a fwa chimin yam bibu yinang kangu chi ka swanin yam Kwamamu.

³⁴N kin a yung chi chiti kwang kini sweku, aya yo n kin kini kikun n ti miyarim kime, kifwa chi min yam bibi kwarikwari.

N Yesu a kil kifibe

(Mat 8:23-27; Luk 8:22-25)

³⁵We diko kini me, n Yesu a yi miyarim kimu ko, “Ni yabu, nii ya balang ka bwanangu.”

³⁶Yo n chi a du kituu nibe, miyarimu a le kwambire mwe n chi a yikan kini kin we mure, yikayu kwambiri n wetuwe.

³⁷Yinu wuka kifibe wuduwe a kune, labi mwetu kibaddu ka ri kwambire mwe kini mwe.

³⁸N Yesu we kuteng we kwambire mwe kida duum kini filo, miyarim kimu a kukku kin a yi ko “Naba yungke, mwan twarbu mwiko yanang bwarada?”

³⁹N Yesu a kaban, a kwabu kifibe, mwe laange ko, “Tii wudidi.” Kifibe a ti, fantiyu kwang, a da wudidi.

⁴⁰A yi miyarim kimu ko, “A mayire ta mwan ta katani ye? Ta kebu biyilimu a lanta kikaŋa?”

⁴¹N chi a nwe tayu nabwen, yinu n chi a fwa we bwiti chiyu ko, “N wure wu kifibe n ti mwe la kinwe yam kime?”

Markus 5

N Yesu a be naba kifibtiye

(Mat 8:28-34; Luk 8:36-39)

¹N Yesu n ti miyarim kimu a yabu la wu a tim Karasina.

²Yo n Yesu a chire we kwambire mwe, wuka naba kifibtiye a chireng a bwa fute, a mwatj kin.

³Nii wu kiswedu a futu, a ne nii ka kwau kine we, kasi no kini maklan.

⁴Kasi no nibu ka kwau kinu kini maklan ka dwatte, kitiretidu we. A ne wuka nii we kini dukan didu ka tamj kininu we.

⁵Kum n ti kuko kibwaladu we futitu, kifila kunnitu kibwaka kemi, kirura bwikiyu kini kali.

⁶Yo n kin a ku Yesu kidwan n ti kine, a kunni kini ka banang, a ya sung we kakkikangu,

⁷a bwe keme kini dukan ko, “Lwangang mwangu wureni n ti min, Yesu Bwe Kwama wuduwe? Min kalinu, kini din Kwama, niyu riye we.”

⁸A fwa dine n Yesu a tu, a yi kin ko, “Chir min, kifibti yibwilai, chir min we nii wu!”

⁹N Yesu a buj kin ko, “Din munu n wure?” Nii wu a ke ko, “Din minu n Tuule, dine n nin nabwen.”

¹⁰Yinu n chi a da Yesu min kitim ko a chakidu chi we bale timme wu.

¹¹Kidwan n ti fiko, dikan kiran sultikimi loi kichau cham a tile bange.

¹²Kifibtiyu a wana Yesu ko, “Du nin le sultikimi loi yiyu.”

¹³N Yesu a kinta chi, yinu kifibti a chir a le sultikimi loi. Kiranu kini sultikimi loi yu kunniyi yurabu, n chi a kiyani kitibu, a wul a fitan we kiding laangu a bwaran we mwe.

¹⁴Kangu n̄ibu tok̄imu a ku chiti yangu, n chi a wul a ya fwa n̄ibu a b̄in̄imu m̄in chitu a fwetu. N̄ibu a dalawe beka d̄ang chi a fwetu.

¹⁵Yo n chi a be fi a d̄iYesu we, a ku ni wu a no k̄ini k̄if̄ib̄tiye a swe sobu k̄ini kul̄in. N chi kwang a nwe tayi.

¹⁶N̄ibu b̄ibu we fikomu a fwa chitu nui chiyu a kuutu we naba k̄if̄ib̄tiye n ti sult̄ikumi loiyu.

¹⁷Yinu n̄ibu a le k̄iwana Yesu ko a yikan a du yaa chi.

¹⁸Yo n Yesu a yak̄i le kw̄amb̄ire mwe, nii wu a no k̄ini k̄if̄ib̄tiye a bau ko chi bungadu ware.

¹⁹Aya n Yesu a ko. N k̄in a yi nii wu ko, “K̄ila lo, fi a keb̄i mume, ya n fwa chim̄in nangangu n Tewuduwe a ma a dur munangu n ti l̄ime mwang ya a d̄iKwama.”

²⁰Nii wu a yikan a mwe k̄imwa n̄ibu a Dikafoli chi n Yesu a ma a dur k̄ine. Kanang wuwule niye wu a nwe, k̄iyar̄ yii.

Beku fw̄an Yayirus̄in n ti naye a twai luke Yesuwe

(Mat 9:18-26; Luk 8:40-56)

²¹Yo n Yesu a yabt̄i k̄it̄iku langu we k̄ini kw̄amb̄ire mwe, murak̄i k̄iduwang a kang k̄in a tibe we k̄it̄iku laangu.

²²Yinu wuka sele we sel̄ibu kan murak̄in̄inu d̄in k̄inu n Yayiru, a ya bwa d̄iYesuwe, a ya sung we kakk̄ikangu.

²³A da k̄im̄in k̄it̄imu yinang ko, “Befw̄ane mi yaka bwadu, m̄in wananu be twai k̄in ke a be a ya t̄ikuritu.”

²⁴Yinu n chi a bunga ware. N̄ibu nabwen k̄itungadu k̄ifunkatu bwitichiyu.

²⁵Wuka naye we fiko a ma sw̄at̄iti kub chiri turabu, k̄ikur ka k̄itum.

²⁶A nwe riye nabwen we a fal̄i n̄ibu yin̄in̄imu. A ch̄iu k̄amb̄ir k̄inu k̄ini kwang, a mwintuwe l̄imangu a yabu.

²⁷Yo n k̄in a nwe yam̄ Yesume, a le tibe n̄ibe a bale kute, a twai luke ko,

²⁸k̄ikuradu we n̄ir k̄inu ko, “Kasi no mang twai ka luke ko mang bedu.”

²⁹Yo a twaiye, b̄inab̄ina k̄itumu a ti, n k̄in a nwe we bwikiyu ko k̄iya tam̄angu.

³⁰B̄inab̄ina n Yesu a nwe yo dukan a chir we bwikiye, n k̄in a sabran a b̄iu chitu ko, “N wure a twai luke miye?”

³¹Miyar̄im̄ k̄imu a yi k̄in ko, “Wule! Mwang kubu kangu n̄ibu k̄ifumananga? Ni yim wure a twayne?”

³²Yo n Yesu k̄id̄angadu ka n wure twai k̄ine,

³³naye wu kanga yim chi a fwetangu, tayi a tau k_{in}. A be fi a d_iYesuwe k_{ini} bwiyu kiyiu ka yilang, a sung we kakku kangu, a fwa chi n k_{in} a maatu.

³⁴N Yesu a yi k_{in} ko, “Fw_{an} m_{in}, n ya beku d_{ine} keku biyilimang mwange, ya l_{imang}, burang mwangu a be.”

³⁵Yo n Yesu we kifwa y_{ame}, b_{ikam} n_{ibu} a be a loon Yayiru, tikake wu a kan murak_{ine} a yi ko, “Fw_{an} munu a bwa, kw_{amadu} naba yungke we.”

³⁶Aya n Yesu a mabu nangang k_{ini} y_{am} chimu a yi wu sele kan murak_{ine} ko, “Wulu tayuwe, ke biyilimu.”

³⁷N Yesu a dubu n_{ibu} ko a bunkimint_{in} ka n ke Bit_{ir} n ti Yakubu n ti Yowana ke Yakube.

³⁸Yo a lam lo Yayiruse, n Yesu a ku n_{ibu} a kaiya n_{itu}, k_{ikira} wiini bwa, k_{ibwaka}ti kemi.

³⁹N k_{in} a le a yi chi ko, “D_{ine} wule t_{ikira} wini t_{ibwaka}ti kemiye? Be fw_{ane} a bwabu, k_{ida} duum.”

⁴⁰N chi a ma k_{imin} d_{inur} d_{ikusin}, n k_{in} a chaku chi kwang a f_{ilang}, a yal te n ti ne n ti b_{ibu} ware n ti k_{inimu}, a le finu be fw_{ane} we m_{ine}.

⁴¹A tau fa_{lang} kangu, a yi k_{in} ko, “Talita kumi!” Ka nang chikiye, “Be fw_{ane} kuun.”

⁴²B_{inabina} befw_{ane} a kuun kiya yayu (sw_{atu} kitu kub chiri turabu) Yo t_{ichitu}wu a fwe, n chi a y_{ar} yii.

⁴³Aya n Yesu a wu chi m_{in} k_{itele} yinang ko, wuka nii a nwedu y_{am} b_{ibu} we. T_{ini} chabt_{itu} a chau.

Markus 6

N_{ibu} a ko Yesu a Nas_{aret}

(Mat 13:53-58; Luk 4:16-30)

¹N Yesu a du fiko a k_{ila} b_{in} k_{inu} a Nas_{aretinu}, miyar_{im} k_{imu} a yikan ware n ti k_{in}.

²Yo dif_{ikare} n_{ibu} Yafudame a lame, n k_{in} a mwe kiyungdu we a kan murak_{inu}, n_{ibu} nabwen b_{ibu} a nwe y_{am} k_{imimu} a y_{ar} yii we miyak_i kangu ko, “Kano niwu a ya yingku k_{iku} n ti dukan y_{am} chi k_{ata}ki t_{itu} a f_{ire}?”

³Kano nii wu n ke kafinta, bwele Maryamu, ke Yakubu n ti Yusufu n ti Yafuda n ti Simun? B_{iwu}wiye k_{imu} n ke b_{ibu} n ch_{ini} ware ma?” N chi a nwe kifw_{ini} a ko a kebu biyil_{im} we y_{am} k_{imu}.

⁴Yinu n Yesu a fwa chimin ko, “Faku Kwama a newe kini dwiyen we tim kimu n ti kebikimu n ti loko.”

⁵N Yesu a yabu da a mabu chi katakitu we bwako aya a yo falang kangu a bikam nibi bayim bibu a bubuwem, a be chi.

⁶Aya a yar Yesu yii we kwalan keku biyilimang chiyange.

N Yesu a tum miyarimi kub chiri burabimu

(Mat 10:5-15; Luk 9:1-6)

N Yesu a kun fal a kana beti bintiyu kima miyaku.

⁷N Yesu a yal miyarim kimi kub chiri burabimu, a tum chi burau burau, a niti chi dukanu ka chaku kifibti.

⁸A yi chi ko, “Tidaddu chi we, kasi no chabtu, ka swe, ka kambire. N kawure a dau kana kitwalang.

⁹Tido kiwamiyu aya tidadu wuka luke we ka n ke wu a bwiye.

¹⁰Kanang wuwule lo wu ta sikinde, tiswe we fiko ka laminti kiswi ta dun bin dikine.

¹¹Kanang wuwule fi wu nibu a yibu chin, a ko a nwe tibu chine, ka yata yikade, timusu kuru we nani chiyu ke a kau dimwal we dicheye.”

¹²N chi a yikan a mwa nibu ko a wokitim.

¹³N chi a chaka kifibti nabwen, a wa nibu min kinung olifang a be chi we burintu.

Bwa Yowana Naba Batisma

(Mat 14:1-12; Luk 9:7-9)

¹⁴Yinu m Mai Yiridu a nwe yamu yinangu din Yesunu a tira timu yinang yinangangu. Nangkin bikamu nibu kiyidu ko, “N Yowana naba batisma a kuntuwe fure, nang chi a yo a ya dukan didu kimang chi kataki tite.”

¹⁵Aya bikamu a yi ko, “N faku Yiliya.” Bikamu ko, “Wuka faku dang, we bibu feredimu.”

¹⁶Yo n Yiridu a nwe yam bibe, a yiko, “N Yowana, wu mang mwati dur kine, a kuntuwe furu.”

¹⁷Aya kidangu feredyangu n Yiridu a tum nibu ko a tau Yowana, a yingen a dibintil. N Yiridu, a ma yiko dine Yirudiya, naye ke ko n Filibu, wu n kin a yiu a mang nayeko.

¹⁸Dine n Yowana kiyi Yiridu ko, “A dabu n kin ka yiu naye ke ko.”

¹⁹Dine yiko, n Yirudiya a le kinwe kifwini Yowana we a nir kinu, kibau ware ka chiu Yowana a yabi da.

²⁰Dine n Yiridu kinwe tayi Yowanangu, dine n Yowana ni wu kitum yile we kakku Kwamange, nang chi a yo n Yiridu kiso Yowana. Kasi kiku yam Yowanamu kitwai nir kinangu, kinwe tamang siiku kitelengu we yam kimu.

²¹A kuteng kiku, n Yurudiya a be ya da a di kurku bibe Yiriduse. N Yiridu a yal matim kimu n ti biduum nibu kunim kimu n ti kikati Kalilimu.

²²Yo fwan Yirudiya a lewe a yiu yilange, a lima mai Yiridu nir n ti rungko ko. N kin a yi fwanu ko, "Fwa chi mun badditu mang ninnu."

²³A bwanu yamu kini ditwambir ko, "Kasi no mun bau wule mang ninnu, kono balang we yaa matine mi."

²⁴Fwanu a chir a biu nek in ko, "Mang biu wureni?" N nek in a yi ko, "Dur Yowana naba Batisma."

²⁵Binabina n kin a le we kakku mai yangu, a yi kin ko, "Min bau dur Yowana naba Batisma kikang kikang a kwase."

²⁶Yo Mai a nwe yam bibe, a ma furi kilin, aya dine ditwambir kinu n ti nibu kimu, a ne kangu ka sute yamangu we.

²⁷M Mai a tum naba toke ko a ya be kini dur Yowananu, nii wu a yikan a ya swiye dur Yowananu we lo dibintile.

²⁸A be kini duru a kwase, a ni fwanu, n kin a ya, a ni nek in.

²⁹Yo miyarim Yowanamu a nwe yam bibe, n chi a be, a dau kuntile bwiye, a ya fur.

N Yesu A chabi kini nibu kuneriti tunu

(Mat 14:13-21; Luk 9:10-17; Yow 6:1-14)

³⁰Fandubu n Yesu a tumimu a kilawe, a fwa Yesu min kini kwang tiyangu chi a mawengu n ti yinangu n chi a yungengu.

³¹Dine nibu nabwen kiledu, bikamu kichiru, a ne da wu n chi ka chau chabte we. A yi fandubu ko, "Tibe ni swe a wuka fi ke tifikan."

³²N chi a le kwambire mwe a yika wuka fi wu a ne wuka nii we, n chi chikun.

³³A mwintuwe nibu nabwen bibu a ku yikaku chiyamu, a wulani nani a bunti kitiki laangu, a tu chi we bwako.

³⁴Yo n Yesu a swe a ku murakiku nabwene a kila nwe kibune chi, dine n chi yinang kwanti yiyu a ne naba toke we. Yinu a mwe kimiya chimin chitu nabwen.

³⁵Yo di a mwatan kiledede, miyarim kimu a be we dikine, n chi a yi kin ko, "Finu a ne niwe, dii kildue.

³⁶Du nibu a le kibitu n ti beti bintitu kidwanyu ke a tan chabtutu n chi ka chaditu."

³⁷Aya n Yesu a yi chi ko, “N t̄inde, t̄ini chi chabt̄itu a chau.” Yinu n chi a yi ko, “Ya n̄in kaiye nabwe k̄amb̄ir suriyu kuulitu turau we k̄idaniyu ke n̄ibu a chaba?”

³⁸A yi chi ko, “K̄idaniyu yile we d̄ichine? Yat̄i d̄ange,” Yo n chi a d̄ange, a yi ko, “N̄in yangi yunu n ti chingiyi yurabu.”

³⁹Yinu n k̄in a yi miyar̄im k̄imu ko, “Tiyo chi a swengi kw̄ali we a sw̄aki k̄iribangu.”

⁴⁰Yinu n̄ibu a swe k̄ini kw̄alitu kuulikuuli, t̄ikantu kw̄ali wan tunutunu.

⁴¹N k̄in a d̄au k̄idanniyi yunuyu n ti chingiyi yurabiyu, a kukku kabuko a dii, a wana Kwama, a kera chi m̄in k̄idanniyu. A ni miyar̄im k̄imu ko a keran yinu a mat̄i ch̄ingi yiko k̄ini kwang.

⁴²N chi kwang a chab a lwe.

⁴³We fiko miyar̄im k̄imu a mur t̄ibuken k̄idannitu n ti chingiyu a ri t̄it̄ingriti kub chiri turau.

⁴⁴Kwartabu a chau k̄idannimu, kuniyi yunu.

N Yesu a ya yayu a dii a mwe

(Mat 14:22-33; Yow 6:16-21)

⁴⁵B̄inab̄ina n Yesu a yo miyar̄im k̄imu a le kw̄amb̄ire mwe k̄iyab̄i la k̄iyika kakku bwana Betsaida yo n k̄in we kutengu k̄iyi n̄ibu k̄iyarad̄ime.

⁴⁶Yo n k̄in a yo n̄ibe, a f̄il kun n k̄ikun k̄itw̄ab̄a buni.

⁴⁷Yo di a lenge, a ya kw̄amb̄ire mwe tibe la, n Yesu a swe n k̄ikun we k̄iding langu.

⁴⁸Yo a ku chi k̄inwe riye a siku kw̄amb̄ire mwe d̄ine k̄if̄ibe k̄iyingle chide, a ya bwa d̄ichiye k̄ini kungsiin, n k̄in a ya fi a d̄ichiye k̄ifadu a mwe yinangu ka su chi dang.

⁴⁹Aya yo n chi a kuu k̄in k̄ifadu we mwe, n chi a d̄au ko kano butu, n chi a bwe keme.

⁵⁰D̄ine n chi kwang a ku k̄in a nwe tayi. B̄inab̄ina a fwa chim̄in yamu a yi ko, “M̄in, t̄inwedu tayuwe.”

⁵¹Yinu a le kw̄amb̄ire mwe n ti chi, k̄if̄ibe a ti t̄in. N chi kwang a yar̄ yii.

⁵²D̄ine n chi a swaanbu kangu n k̄in a chabi k̄ini n̄ibu kuniyi yunuwangu, n chi a swaanbu chi t̄ichitu wu kiyunde.

N Yesu a be n̄ibu t̄iburan̄imu a Chanisara

(Mat 14:34-36)

⁵³Yo n Yesu n ti miyar̄im k̄imu a yabu la, a le t̄im Chanēs̄aret, finu n chi a kwau kw̄amb̄ire mwe a k̄it̄iku laange.

⁵⁴Yo n chi a chire we kwambire mwe, nibu a swaan Yesu.

⁵⁵Kanga a swaan min ko n Yesuwangu, n chi a kiyani kitibu, a kilan yakidaa nibu chimu a buraburanemu kini fanti dari chiyu, kiya kimindi kin kasi no bwale.

⁵⁶Kasi no n Yesu kiyadi wuwule kiswi, we binu n ti beti bintitu n ti kuniyu, n chi kitu kimin nibu a bubuwemu we ware kini chi tidari chitu, nibu kiwana kinu ko, kasi no nang twai kana lukeko a lwe, dine bibu a twaiyimi kwang a be.

Markus 7

Kem n ti kulim

(Mat 15:1-9)

¹Wuka di bikam nibu Farisamu n ti nibu yungku yilin Musanimu, ba a be a Wurchalimame,

²chi a ku bikamu miyarim Yesum, kichau chabitu kini Faliyu a nurabu nurane, yinang kangu da selibu weminangu.

³(Nibu Farisamu n ti nibu Yafudam kwang a chabu chitu ka a nurabu Fali chiyu yinangu da selibu weminange.

⁴Ka a kilawe a Kwamare, a ne chau chabitu dine a mwintuwe ka nura faliyu didiin. Aya yikayu dati selibi we nabwen yiyu n chi ki nabidiyu. Yinang nuraku beti sani n ti satti n ti beti chii.)

⁵Yinu Farisawa n ti nibu yungku yilimu a biu Yesu ko, "Dine wule miyarim mumu a buntibu da selibu, aya n chi kichau chabitu kini Faliyu a nurabi nurane?"

⁶N kin a yi chi ko, "N Yichaya a ma fakuitu we dutu chintu yo a yi ko, 'N Tin nibu dibebeline. Yinanga mwal ko, Nibu bibu kirikayu kini kana yii, nitu chitu a kurbu min.

⁷Kisii tikwani aya kimiya yilin nibi, ko n nang yam Kwamamu.'

⁸"A le chimin, tidu chi Kwama a fwatu, tibunti daati nibi."

⁹Yinu a yi chi ko, "Tiyo yilin Kwamatu a kiswi tiko keti bunti daati chiyu."

¹⁰Nangkın, m Musa a fwa ko, "Ni te mun n ti ne mun dwiyentu, nii ka tu te kin ka n ne kine a lwe bwa."

¹¹Aya n tin tiyo nibu kidu bibu a biu chimu we tiko, ka ni a yi te kin, ka n ne kine ko, "Chi no ta yadu a di mine n yangyange, mang ma Kwama min kilimangi kin.

¹²We yiko, ta dubu nii wu a maka tekın ka nekine.

13We kiku balang tikaɪ yam Kwamamu a ne kikiwe we diɛe dati chiyu timiya bwesim miniyu, a bwin yiko, timana chitu nabwen tiyang titu.”

Chi kikai yile ni we kakku Kwamange

(Mat 15:10-20)

14Yinu n Yesu a kila yalte nibu we, a yi chi ko, tinwei n tini kini kwang, tiswaan yinang.

15“Chi kile fur niine a kaibu yile ni we kakku Kwamangu, aya chi kichiredu we nir niine, n nang chi kikai yile ni we kakku Kwamange.

16Diɛe ying, nii kitele kinwe diye, a nwe.”

17A kuteng kiku n kin a yaran n ti muraki kangu, a le lo. Miyarim kimu a biu kin bibu kidum baltakim.

18A yi chi ko, “Yoye ta swaanbu yam biba? Ta swaanbu ko chi kile fur nii ne a kaibu yile ni we kakku Kwamangu?”

19Diɛe titu a yabu bwa nire, aya kile bwi, tintine ka chiru we bwiyu (We bibu yam n Yesu a yung chabtutu a kaibu yile nii.)

20A chakaku kifwadu ko, “Yamu kichiredu a fur ninimu n nang chi kikai yile ni we kakku Kwamange.

21Diɛe we mure nir niine, tikuran tibwilai titu kichiredu we, yinang yari, n ti kutu, n ti chiku durang n ti, tikuli

22mika kwiye n ti kubeku bwiyang, n ti bwila, n ti dibutir, n ti kubeki kibwilang, n ti kataku, n ti swaba ku, n ti kukuki durang n ti kwalan tikurane.

23Bwila wu kini kwang kichiredu a nir niin, be kikai ni we kakku Kwamangu.”

Keku bijilimang wuka nayeng

(Mat 15:21-28)

24A kuteng kiku n Yesu a kun a yika bale a tim Taya n ti Sidon a le wuka lo wu a no babu nii ka yindu, aya a fwebi yiko.

25Wuka naye wu befwane ko kini kifibe wu bwila, kanga nwe yam kimangu, a be sung kimin a kakku.

26Naye wu na Yelenamu. A biu kin a bale tim Finikiyam we tim Suriyam. N kin a wana Yesu ko a chaki befwane min kifibti.

27N Yesu a yi kin ko, “Yam nibu Yafudam a chau a ri funi chiyu didin n chi bwesim lomu, diɛe a dakabu mang dau chabtu bwesimitu mang ni kadatiyu.”

28N kin a ke kimin ko, “we yiko Tewuduwe,” “kasi no n nang kadatiyu, mare kichau tibuken titu kitwakadu we kwase bwesimetu.”

29N Yesu a yi kin ko, “Diɛe yam bibu mwang fwamu, Kila lo, kifibti a chir a du bwe fwano.”

30 N k̄in a k̄ila lo, a ya fw̄anu a da kw̄amb̄ire mwe. K̄if̄ibt̄i a chir we d̄ik̄ine.

N Yesu a be d̄ifun d̄idu a yimbu fwa ȳam̄in

31 Yinu n Yesu a chir we bale Taya, a yika Sidon a bale far d̄idun Kaliline, a bale Dikafoli.

32 We bwako, n̄ibu a be k̄im̄ine k̄ini waka nii d̄ifun d̄idu a yimbu fwa ȳam̄in. N chi a wana k̄in, ko a yo fal̄angu we nii wu ke a ya beku.

33 N Yesu a yal d̄ifunu a k̄itiki, fi a ne n̄ibu we, yinu a d̄iki bet̄i wuri kiyu we k̄iteli kiyu, a t̄ibu k̄itum k̄imu, yinu a twai ben k̄inu k̄ini k̄itumu.

34 N k̄in a kuku nui kiyu a dii, a ma ko “Mmm,” yinu a fwa ko, “Yifata!” Ka nang chikiye “Wuden!”

35 Yo a fwa ȳam̄ b̄ibe, k̄iteli ni wuyu a wuden. Ben k̄inu a kwiran, a mwe k̄ifwa ȳamu yinang.

36 N Yesu a ngatt̄i k̄ikure ko a fwa wuka nii m̄inuwe, aya n̄ibu k̄ifwadi chik, kasi k̄iku n k̄in we k̄ingau k̄ikurengu.

37 Chi a fwetu, a yar n̄ibu yii. N chi k̄ifwadu ko, “Nii wu k̄ima kana chi t̄iyiliye.” Ko a yo t̄ifunitu k̄inwedu yinu b̄ibu k̄ilw̄abu ȳam̄imu k̄ifwa ȳami der.

Markus 8

N Yesu a chabi k̄ini n̄ibu kuneriti taana

(Mat 15:32-39)

1 We diti yikiyu wuka k̄ituu n̄ibe a muratewe. Yo n̄ibu a ne chi ka chade we, n Yesu a yale miyar̄im k̄imu a yi chi ko,

2 “M̄in nwe k̄ibune k̄ituu n̄ibe, d̄ine wu diye yitta n chi ware n ti m̄in a yabu chi a chabu.

3 Ka n du chi a yikane, chunu ka ch̄iu b̄ikamu we w̄are d̄ine b̄ikamu a be kutan.”

4 Miyar̄im k̄imu a yi k̄in ko, “Yinu ni ya chabt̄itu a f̄ire we d̄ikir d̄idu, ni ni chi ka chade?”

5 N Yesu a b̄iu chi ko, “N t̄ini k̄ini k̄idaniyi yile?” N chi a yi ko, “Yidibin.”

6 N k̄in a yi k̄ituu n̄ibe ko a swe a t̄im. A dau k̄idaniyi yidibiniyu a wana Kwama, yinu a dw̄akan a ni miyar̄im k̄imu ko, “T̄ikera n̄ibu m̄in.” B̄ik̄imu a kera t̄in.

7 Aya n chi k̄ini bet̄i ch̄ingi bayim. N k̄in a wana Kwama yinanga ma we k̄idanniyangu, a ni miyar̄imu ko a keran, b̄ik̄imu a kera t̄in.

8 N̄ibu a chau n kawure a ri furu. Miyar̄im a mur t̄ibukentu a ri t̄it̄ingriti t̄idibin.

9 N̄ibu a fikomu a lam kuniriti taana, a kuteng k̄iku a yo n̄ibu n chi a yara t̄in.

¹⁰Binabina a le kwambire mwe n ti miyarim kimu, a yika tim Dalmanuta.

Nibu Farisamu kibau chi kataki

(Mat 12:38-42; 16:1-4)

¹¹Kangu nibu Farisamu a nwe ko n Yesu a bengu, a mure ka tukadu n ti Yesu. N chi a swe Yesu kini dibidu ko, yung nin chi kataki titu ka chiredu a twiyetu.

¹²N Yesu a ma kifwile kini dukan yinu a fwa ko, "Dine wule dikalan didu kibau ka chi tikatariye? Biyilim min fwa chi minu, a ne chi tikatari titu kidang kiku ka kuditu we."

¹³N kin a du chi a leti kwambire mwe we, a yabu kangu balang we.

Yis nibu Farisamu n ti Yiridu

(Mat 16:5-12)

¹⁴Miyarim Yesumu a kur chi tabu chiya bebi kini kidanniyu aya kana kidanne wiin, wu n we kwambire mwe.

¹⁵N Yesu a ngau chimin kikure ko, "Tima daan, tima daandaan kini yis nibu Farisamu n ti wu Yiridu se."

¹⁶N chi a twaiyan bibu we yichiyu yinu a fwa ko, "Dine n chini ni newe kini kidanniyu."

¹⁷N Yesu a swaan tikuran chitu, yinu a biu chi ko, "A mayire tikuran chintu a kana kidanniye? Lanta di ta kubu di ta swaantiba? A mwintuwe kikangu ta swaanbu ta twar tiba? Nitu chinti kingkinga?"

¹⁸N tini kini kwalangi ta kuba? N tini kini kiteliyu ta nweba? Ta kurtibu chi ko bayim?"

¹⁹Yo mang kera nibu kuuniyi yuunu min kidanniye, "Titingriti tita a ri kini tibukenitu tiile?" N chi a ke ko, "Kub chiri turau."

²⁰Yinu yo mang kera nibu min kidaniyu kuniyi yaana, "Titingriti tiile, titu a ri kini tibukenitu?" N chi a yi kin ko, "Tidibin."

²¹Yinu n Yesu a yi chi ko, "A lanta kikang ta swaanbu yam mima?"

N Yesu a be kidu a Besaida

²²Yo n chi a be Betsaidange, bikam nibu a twake kidu, a wana Yesu ko a twai ni wu ke a be.

²³N Yesu a tau falang kiduwangu, a chir kuteng binangi kin. Yo a tibu kitumu we nui ni wuye, yinu a yo kimin falange, n Yesu a biu kin ko, "We mun ku diya?"

²⁴Kidu a kukku duru a yi ko, "Min ku nibu yinang tiyang kiyadi dilang dilang."

²⁵Yinu n Yesu a twaiti nuiyu kida, yinu nuiyu a wuden, dukan kuku diyangu a kilawe, n kin ki ku kanang titile chiye yinang.

²⁶N Yesu a yi kin ko, "Yika lo, ledu binu we yo kano mun yika lo."

M Bitir a yi ko n Yesu nang Masiya

(Mat 16:13-20; Luk 9:18-21)

27N Yesu n ti miyarim kimu a yika beti bini yiyu a kwatina Kaisariya Filibu. We ware n kin a biu miyarim kimu ko, “Nibu kiyidu ko n minin wure?”

28N chi a ke kimun ko, “Bikamu ko n Yowana wu kima Batisma, bikamu ko n Yiliya, bikamu ko m mun wukane we fakubibu.”

29Yinu a biu chi ko “N tin de, ti yidu ko m minin wure? Yinu m Bitir a ke kimin ko, ‘M mun nang Masiya, naba yuke wu n Kwama a tume.’ ”

30N Yesu a wu chimin kitele ko a fwadu wukane nii min duwe ka n kin n wure.

N Yesu a fwa yam bwakomu

(Mat 16:21-28; Luk 9:22-27)

31We kidang kangu, n Yesu a mwe kiyung chidu ko, a mwintuwe Bwe Nii ka nwe riye dangtidangti. Tikake selibu, n ti biduumu fanseti n ti nibu yungku yilin Musatimu ka ko kinu, ka chiu kinu. We kuteng bwakongu, ka kunu we di wu tare kini tikuri.

32A fwa chi min yam bibi kwarikwari. M Bitir a yal kin a kitiku, a kwabu kin ko a fwadu yam bibu we.

33Aya yo n Yesu a kil kabu kidang miyarime, a kwabu Bitir ko, “N dan bwi a fi, Setan! Tikuran mwitu titu a bwi, n ke titu a diKwamatu.”

34Yinu a yal kituu nibe n ti miyarim kimu a yi chi ko, “Nii wu kibaddu ka bumitede, a mwintuwe ka ko yikiyu, ka dau kitiyang bwang kangu ka bumitedu.

35Aya wu ka yidu ko ka to tikuri kite, ka kwaladu. Aya wu ka kwala tikuri kitu dine min n ti yam bilim mime, ka yu tikuri kitu.

36Limang kangu wule, ka ni a ya titinitu kini kwang a kwala tikurikite?

37Tintine, mwan ni wureni ke n yu tikuri mwite?

38A mwintuwe ni wu ka nwe dibwi mi n ti dibwi yam mime we kidang kiku nibu a buntibu Kwama yinange, kima kana tikuli n ti kiletiye, Bwe Nii ka nwe dibwi ko we di kilake ko wu n kin ka bedu kini dwiyen Te kinitu n ti bwesim titumbiri bibi wauwadimu.”

Markus 9

1N Yesu a chakakku ko, “Biyilim min fwa chiminu, bikam bibu a tiran a finimu a ne ka ku bwa aya ka ku Yaa Kwama yo ka fwadedu kini dukan kine.”

Suteku bwi yesuwangu

(Mat 17:1-13; Luk 9:28-36)

2A kuteng diitiyi yurukunangu n Yesu a dau Bitir n ti Yakubu n ti Yowana, a fil ti chi a kun we bwako n chikun, we bwako bwikiyu a suten we kakku chiyangu.

³Lukei kiyu kiyiladi mwe, a ne kulin didu ni ka yindu ka twadi yikonu we titinitu.

⁴N faku Yiliya n ti faku Musa a fwe chi mintuwe kifwa yamu n ti Yesu.

⁵M Bitir a yi Yesu ko “Tete, a le yinangu n nin we finangu, du nin ti tikubiti tita, dikanu n dimun, dikanu n diMusa, yinu dikanu n diYiliya.”

⁶M Bitir n ti bikamu tayu a tau chi nabwen. M Bitir a kwala chi ka fwaditu.

⁷Yinu dikan ditwin a yinge chi, n chi a nwe dikan ker a chire we ditwin didu, kifwadu ko, “Wu nang Bwemi, wu min mlade, ti nwe kin.”

⁸A tibuke n chi a dang finu n chi we mine, a kutibu wukane nii, kana Yesu we ware n ti chi.

⁹Yo n chi yaki suwedu we kune, n Yesu a wu chi min kitele ko a ti a fwadu wukane nii minu we, n chi, n chi a kuwe we, aya ka laminti yo Bwe Nii ka kunu we furangu.

¹⁰Dine yiko, n chi a du bibu yam, a kilankibu yichiyu ko kano “Kunku furangu” kiyung wureni?

¹¹Yinu n chi a bu kin ko, “Wureni a yo nibu yungku mu a yi ko faku Yiliya ka tiye kakku yinu m Masiya ka buntede?”

¹²N Yesu a kinta chi ko, “Biyilim faku Yiliya ka tiye kakku, beka do ka titille chiye. Aya a mwalbu ko Bwe Nii ka nwe riye nabwen, nibu ka ko kina?”

¹³Aya min fwa chi minu n Yiliya a tu a be, nibu a ma kimin chi, n chi a kuditu, yinang ka mwal ko, ka fwedangu.”

N Yesu a be bwele wu kini kifibti yibwilaiye

(Mat 17:14-21; Luk 9:37-43a)

¹⁴Yo n chi a kila fi a bikamu miyarime, n chi a ya kituu nibe a dibir chi yinu nibu yungku yilini mu kitukadu n ti chi.

¹⁵Yinangu n chi a ku Yesuwangu, kituu nibe a yar yii nabwen, n chi a kiyani kitibu kiyadu ka sii Yesu.

¹⁶N Yesu a bu miyarim kimu ko, “Tituka wureni n ti chi?”

¹⁷Wukane nii we kituu nibe a ke kimin ko, “Naba yungke, dang n be kini bwemi wu kifibti yibwilai a kwau ben kine, kilwabu yamu lwabe.

¹⁸Yo burang kiku a kunenge, kifiu kinu a tim, yii ko kichir ka kifwiye, kikirtiti numu, bwi kiyu kini ka dukan. N yi miyarim mumu mi a chaku kififti yiyu, aya n chi a bwal a yabu dawe.”

¹⁹N Yesu a yi chi ko, “Nibu kidang, kiku a newe kini keku biyilimange, tbadu mang swedu n ti chini yire? Ka lanti fere ma nin yung chinu. Tibe kini bwe.”

²⁰Yinu n chi a be k̄im̄ine k̄ini bwe. Yo k̄if̄ibt̄i yiyu a ku Yesuwe, b̄inab̄ina a ngau bwe bwikiyu k̄im̄ika kana m̄ika ku a mau k̄in we t̄imu k̄ib̄int̄iledu, yiiko ki chire ka k̄if̄wiye.

²¹Yinu n Yesu a b̄iu te bwe ko, “T̄ichitu wu a mwe k̄ini fere? Te bwe a yiko, a mwe yi bwes̄in.”

²²“K̄if̄ibt̄iyu k̄iyō k̄inu k̄iyaru a k̄irang ka mwenge, ko ke a bwa, aya ka mwang mede, nwe k̄ibune n̄in, maka n̄in.”

²³N Yesu a yi k̄in ko, mwi mang meda? “Kanang t̄it̄ile chiye ka fwedu we ni a ke b̄iyil̄ime.”

²⁴B̄inab̄ina te bwe a yi ko, “N ke b̄iyil̄imu, Temiya makai n tituwe d̄ikw̄al d̄idu.”

²⁵Yo n Yesu a ku k̄ituu n̄ibe k̄iwulede, a wela k̄if̄ibt̄i ko, “K̄if̄ibe lw̄abke, m̄in yanu chir we d̄ik̄ine, k̄ilateduwe.”

²⁶K̄if̄ibe a bwe keme, a yingle bwe yinang, yinu a chir. Bwe a yar we t̄imu yinang kw̄ame, b̄ikamu n̄ibu a d̄au ko kanodu a bwa.

²⁷Aya n Yesu a tau Faḷang bwengu a kuki k̄in, n k̄in a kun a ti k̄ini naniki.

²⁸Yo n Yesu a le mure longe, miyar̄im k̄imu a b̄iu k̄in a bura ko, “A mayire nang yimbu chak̄ide?”

²⁹N Yesu a yi ko, “K̄idum b̄ibu a chirbu ka n ke k̄ini tw̄ab̄aku.”

N Yesu a fwat̄i yam bwakomu k̄ida

(Mat 17:22-23; Luk 9:43-45)

³⁰Yinu n k̄in n ti miyar̄im k̄imu a du fiko a chakakku k̄ini yayu chi a bunt̄i b̄in Kaḷili. Aya n Yesu a kebu ko wukane ni ka yim finu n chi wem̄ine,

³¹d̄ine n k̄in miya miyar̄im k̄imu ko, “Ka ni Bwe Nii a faḷang n̄ibang, n chi ka ch̄iu k̄inu, a kutengu ditiyi yittayu ka kunt̄inu.”

³²Aya n chi a swaanbu chi k̄imiya chim̄ine, n chi k̄inwe tayi yinangu ka b̄iu k̄inangu.

N wure a mwan a la chi we Yaa Kwama

(Mat 18:1-5; Luk 9:46-48)

³³N chi a lam Kafanawu. Yo n Yesu a le lo, a b̄iu miyar̄im ko, “No t̄it̄uka wureni we w̄are?”

³⁴Aya n chi a le s̄ing, d̄ine n chi a no k̄itukadu we w̄are ko wu a la chiye n wure we tibe chi.

³⁵Yo n k̄in a swe, a yal b̄ibi kub chiri burab̄imu a yi chi ko, “Wu k̄ibaddu ka ti kake, a mwintuwe n k̄in na wu ka swan kutenge, ka kau k̄abe n̄ibe kwang.”

³⁶Yinu n Yesu a yo wuka bwe wut̄ire a ti we tibe chi. Yinu a d̄au bwe a kwar kware, a yi chi ko,

37“Nii wu a mar yikiyu yinang bwe wutire ye, nang wu kike yiye, aya wu a ke yiye, kibau wu a tuiyenge.”

Wu a kobu chiniye, n wu chir

(Luk 9:49-50)

38N Yowana a yi kin ko, “Naba yungke, nin kuu wukane nii kichaku kifibti kini din mun, nin kil kin dine n kin a newe n ti chir.”

39N Yesu a yi chi ko, “Ti kilu kin we, dine a ne ni ka ma chi tikataru kini din min yinu binabina ka tuye we.

40Aya ka nang wuwule niye, wu a kobu chiniye n wu chir.

41“Min fwa chimin biyilim, ka nang wuwule ni wu a ni chin mwe wu nore a kwase, dine n tin m bu Masiya, biyilim min fwa chiminu a ne kwalan kitime ko we.

Chi kiyo yare niye

(Mat 18:6-9; Luk 17:1-2)

42“Ka kau chi kibunei we kin wu a yo wuka we bwesim bitirimu a ke biyilimu min yare, ka la chi nibu ka kwau kimin ner a kwiir, ka mar kina la.

43Ka falang mwangu kiyonu a kilenge, mwatu. Ka la min chi mwang le Yaa Kwama kini falangi kiin n ti kiku bwi mwiya kwang ka le far kiranu, fi kiranga dumebudumene.”

44Rwatu yiyu kiwudiyu a bwabu we fiko, yinu kirang kiku a dume tibu.

45Ka nang mwangu kiyonu a kile, mwatu. Ka la min chi mwang le Yaa Kwama kini nangi kiin n ti kiku bwi mwiya kwang ka le far kiranu.

46Rwatu yiyu kiwudiyu a bwabu we fiko, yinu kirang kiku a dume tibu.

47Tintine, ka numo kiyonu a kile, chaku. Ka la min chi mwang le Yaa Kwama kini nu wiin n ti kiku nuyi kwang ka le far kiranu.

48Rwatu yiyu a fikoyu a bwabubwa, yinu kirangu we fikongu a dumebudumene.

49“Kanang wuwule niye, ka sii kinu kirang, tiyangu nibu kisi bumangu.”

50“Bumu chi tiyili aya ka bumu a kwala limang kange, ka madi yire limang kangu ka kilade? Yinu tikau yinang bum we lwekaki changu. Tima fiswe limang n ti kawure.”

Markus 10

Yam chikku kinaam

(Mat 19:1-12; Luk 16:18)

1Yo n Yesu a du fiko, a yika bale Yafudiya, a yabu la Wurdune. Kitu nibe a kila mura kimintuwe, n kin a miya chimin yinangu kimadi kwadangu.

²Bikam n̄ibu Farisamu a be fi a d̄ik̄ine be k̄iswe k̄inu ko “Kanodu a dakan ni ka mar naye konga?”

³A yi chi ko, “M Musa a fwa chim̄in ko wureni?”

⁴N chi a ke k̄im̄in ko, “M Musa a ni n̄in da ko n̄in mwal lwanḡin chikku k̄inanu, n̄in du naye a yikan.”

⁵N Yesu a yi chi ko, “M Musa a mwal chim̄in k̄iku yilang d̄ine kul̄ine ch̄in.

⁶Aya we tile b̄irke, n Kwama a muni, kwarta n ti naye.

⁷D̄ine ye, nii ka du te k̄in n ti ne k̄in ka swedu w̄are n ti naye ko,

⁸N chi k̄ini bura ko, ka kaddi wiin. A kau k̄ik̄angu chi a newe burau.

⁹D̄ine yiko, chi n Kwama a kwarkane ni a yarkaduwe.”

¹⁰Yo n chi a k̄ila lo, miyar̄imu a ma Yesu m̄in d̄ib̄idu we ȳamu n k̄in a fwamu.

¹¹Yinu a yi chi ko, “Kanang wuwule nii wu a mar naye, a yiu wukane naye k̄ima t̄ikuli n ti k̄in.

¹²T̄int̄ine ka naye a mar kwarta ko, a yikan a na wukane niye, n k̄in k̄ima t̄ikuli t̄in.”

N Yesu a dela bwes̄im b̄it̄ir̄im

(Mat 19:13-15; Luk 18:15-17)

¹³N̄ibu k̄ibedu k̄ini bwes̄im b̄it̄ir̄imu a d̄iYesuwe ko ke a yo chim̄in delaku. Aya miyar̄im k̄imu k̄ikwabu n̄ibu

¹⁴Yo n Yesu a ku ye, a ma k̄ifwini k̄ini miyar̄imu. A yi chi ko, “T̄idu bwes̄imu a be fi a d̄im̄ine, t̄ikwab̄iduwe d̄ine Yaa Kwama n wu k̄idum b̄ibu.

¹⁵M̄in fwa chim̄in b̄iyil̄im, ni wu a ne ka yiu Yaa Kwama yinangu bwes̄imu k̄imadangu, a ne ka le Yaa Kwama.”

¹⁶Yinu a d̄au bwes̄imu a kwar chi, k̄itwai chidu, k̄iyo chim̄in delaku.

Naba kuli

(Mat 19:16-30; Luk 18:18-30)

¹⁷Yo n Yesu a kun k̄iyikadu a w̄are, wuka nii a wule k̄ini banang a be sung we a kakku kangu, a b̄iu k̄in ko, “Naba yungku yile, kanodu mang madi yire mang ya t̄ikuri k̄idiya kwadite?”

¹⁸N Yesu a yi k̄in ko, “D̄ine wule mun yaliyu mwiko naba yile? Aya a ne naba yile we ka n ke Kwama n k̄in k̄ikune.

¹⁹‘A mwang yim yil̄intu. Chidu nii we, madu t̄ikuli we, madu kutu we, mwedu t̄ikwanitu we, fulu ni we, ni temun n ti ne mun dwiyentu.’ ”

²⁰Nii wu a yi k̄in ko, “Naba yungke, n mwe m̄in tum yil̄in t̄itu yo m̄ini bwes̄ine.”

21Yinu n Yesu a dang kin, kini mlaku ko, “A du min chiti wiin. Ya feku chi muni kiniti kwang ni babumbu, mwang ya delakiku nabwen we bwa diye. Kilawe be bumite.”

22Yo a nwe yam bibe, nii wu a kai kabu ko a yikan kini kaiyan nire, dine n kin kini kulitu nabwen.

23Yinu n Yesu a dang miyarim kimu, a yi chi ko, “Ka kadu kini bwar yinangu naba kuli ka le Yaa Kwamangu!”

24Yam bibu a yo miyarim kimu a yar yii. Aya n Yesu a yiti chi kida ko, “Bwesimim, ka kadu kini bwar yinangu naba kuli ka le Yaa Kwama.

25Ka bungdu twalim ka le bwang libra n ti kiku naba kuli ka le Yaa Kwamangu.”

26Yo miyarim kimu a nwe yam bibe, a yar yii a laan fiko. N chi ko ka yiko “N wure ka ya swike?”

27N Yesu a dang chi a yi ko, “We dangku niyangu a ma bwar, ka n Kwama a newe; aya we diKwama a ne bwar we.”

28Yinu m Bitir a yi kin ko, “Dang, nin nin duwe chiti kwang, nin bum in te.”

29N Yesu a yi ko, “Biyilim min fwa chiminu, a ne niwu ka du loko ka kebu kim biwuwiye kime, ka n nekine, ka n tekine, ka bwesim kime, ka kunikiye, dine min n ti yam bilime,

30chi ka yadu we kidang kike, ka la kuulu, we loniyu n ti kebibu bivarimu n ti biwuwiye kimu n ti ne kin n ti te kin n ti bwesimu n ti kuniyu aya kini delakiku ta nwe riye, ka kadu we titinitu kibeditu, ta ya tikuri kidiya kwadi.

31A ya nibu nabwen bibu a tiye kakimu ka kau swang kuteng. Yinu swang kuten ka kau bikakim.”

N Yesu a fwati yam kidum bwakomu kida

(Mat 20:17-19; Luk 18:31-34)

32Yo n chi a yak filu kiyika Wurchalimange, n Yesu a ti kakku, miyarim kimi kub chiri burabimu kinabu kinu kini yar yii. Bibu kibunt kinu a kutemu a nwe tayi. A fwa chi minti kida, chi yaka fwedu n ti kinitu,

33a yi ko, “Kikangu ni ya Wurchalima nibu ka tau Bwe Nii ka nidu a fali wuduwe fansetiye n ti nibu yungku yilim, n chi ka ma kimin mwataku chikkang, ka ni kuuti bibu n chi n ke nibu Yafudam.

34N chi ka swaba kinu, ka tibi kinu kituum, ka twala kinu, ka chiu kinu, we kuteng ditiyi yittangu, ka kuntuwe.”

Kalku Yakubu n ti Yowanamu

(Mat 20:20-28)

35Yinu n Yakubu n ti Yowana bwesim Sabadimu, a be fi a diYesuwe, n chi a yi ko, “Naba yungke, nin baddu nang bin tikan chi.”

36Yinu a yi ko, “N t̄in t̄ibadu mang ma chim̄in wureni?”

37N chi a yi ko, “We yaamo, yo wuka a kang kiyilang mwang, yinu wuka wiine a kantakwelang mwang.”

38Aya n Yesu a yi chi, “Ta yimbu chi t̄ibiditu, we ta yindu ta nwe riye m̄in yadu mang nwedenga? We ta yindu ta ma batisma wu a riye yamang mada?”

39N chi a ke ko, “Ngo, nang medu.” N Yesu a yi chi ko, “Ta nwe riye wu yamang nwe? Ka ma chim̄in batisma k̄ini k̄idum batismanu ka mamida?”

40Aya m̄in n ke wu k̄ini dukanu mang yo wuka ch̄in a kang kiyilang ka a kantakwelage. Fanti yiyu n b̄iu n̄ibu a tu a do chi m̄inimu.”

41Yo b̄ikamu miyarim̄ b̄ibi kub̄imu a nwe yam̄ b̄ibe, n chi a nwe kifwini Yakubu n ti Yowana.

42N Yesu a yale chi a fi wiine ko, “Tiyim, we kuuti n ke Yafudamu, b̄ibu n̄ibu a yim chi k̄ini mat̄inimu, kiyung n̄ibu chimu m̄in dukan. T̄int̄ine b̄iduum chimu kiyung n̄ibu chimu m̄in dukan.

43Aya a ne ka kadi yiko n ti ch̄in. Ka n wure wu k̄ibaddu ka kau tikake we tibe ch̄ine, n k̄in ka kau naba nangang b̄ikamu n̄ibe.

44T̄int̄ine wu k̄ibaddu ka kau tikake a tibe ch̄ine, ka kau k̄abe n̄ibe.

45Aya Bwe Nii a bebu d̄ine ke n̄iba nang sii k̄inu, aya ke k̄ikau k̄abe, yinu ka ni t̄ikuri kitu d̄ine ke n̄ibu nabwen aya yuk̄iku.”

M Batimawu a ku di
(Mat 20:29-34; Luk 18:35-43)

46Yinu yo n chi a lam Yerikonge, n k̄in n ti miyarim̄ k̄imu, n ti n̄ibu nabwen, a ya wukane k̄idu a swe a k̄it̄iku w̄areng k̄ikal̄a chi, d̄in k̄inu n Bartimawus bwe Timawuse.

47Yo a nwe ko n Yesu Banas̄arete nang wu k̄isude, a mwe kiyalu k̄ini dukan ko, “Waa Yesu bwe Dauda, nwe k̄ibunemi!”

48B̄ikamu a kwabu k̄in ko a lem̄in. Aya n k̄in a su keru kiyalu ko, “Waa! Bwe Dauda, nwe k̄ibune me!”

49N Yesu a ti a yi ko, “Tiyal miye k̄in.” N chi a yale k̄idu, a yi k̄in ko, “Nang m̄iladu, kiyalinu.”

50M Batimawu a kaibu k̄iswi, a suku luke a mau a bwa, yinu a kuni ngirtu, a yika fi a d̄iYesu we.

51N Yesu a b̄iu k̄in ko, “Mun baddu mang ma m̄in wureni?” K̄idu a ke k̄im̄in ko, “Naba yuke, m̄in baddu mang ku di.”

⁵²Yinu n Yesu a yi k̄in ko, “Yikan, kek̄i biyilimang mwangu a been.” B̄inab̄ina a ku di, a nabu Yesu, a bunga t̄in ware.

Markus 11

N Yesu a le Wurchalima

(Mat 21:1-11; Luk 19:26-40; Yow 12:12-19)

¹Yo n chi a be k̄idwan n ti Wurchalima, n chi a tau Betafachi n ti Betani, a bale Kun tini Setuniye, n Yesu a tum miyarim̄ k̄imi burau,

²a yi chi ko, “T̄ile beb̄ine wu a kakku change, ka t̄ilenge, ta ku wukane bekurunge n̄ibu a kwau k̄in wu nii ni a fil̄in be we. T̄ikwi t̄ibe k̄in.

³Ka wukane ni a b̄iu ch̄in ko d̄ine wule t̄ikwide? T̄iyi k̄in ko, “Tewuduwe kibaddu, ka k̄iladi k̄in a ne tike.’ ”

⁴Yo n chi a yikane a ya bekurunge n̄ibu a kwau k̄idwan n ti w̄are, a fil̄ang a wuka lo,

⁵Yo n chi a mwe k̄ikwide, n̄ibu we fikomu a b̄iu chi ko, “T̄ikwidu a mayire, kurunge wu ch̄ina?”

⁶N chi a yi n̄ibu yinangu n Yesu a yi chiyangu, yinu n̄ibu a du chi a yikani k̄in.

⁷Yo n chi a be Yesu m̄ine k̄ini kurunge, a mau lukei chiyu we kurunge, yinu n Yesu a fil̄ a swe we.

⁸N̄ibu nabwen a mau lukei chiyu we w̄are, b̄ikamu n̄ibu nabwen a switawe lwanḡin t̄ikweni a mau we w̄are.

⁹B̄ibu a kakku chiyamu n ti b̄ibu a kuteng chiyamu k̄ikukku kebitu kiyidu ko, “Delaku a d̄iKwama! Delak̄ikku a wu, k̄ibedu a d̄in Tewuduwe ne,

¹⁰N Kwama a dela yaa te chire n Dauda wu k̄ibede. D̄iwanu n d̄iKwama!”

¹¹Yo n Yesu a le Wurchalima, a le Kan Kwaman d̄iduna Wurchalimanu, a d̄angan ka t̄itt̄ile chiye, aya d̄ine dii a lenge a chir a yika Betani n ti miyarim̄ k̄imu.

N Yesu a ma tiyangu m̄in yii

(Mat 21:18-19)

¹²Baf̄inenangeko, yo n chi k̄idu Betani, n Yesu a nwe chun.

¹³N k̄in a ku tiyang sinangu k̄ini lwanḡinti k̄ili, a yawe ko kano k̄ini t̄ikulan. Yo a lam fiko a ya a ne t̄ikulan we tiyangu, a yabu chi we ka lwanḡin d̄ine n ke k̄iswi ko.

¹⁴N k̄in a ma Sinangu m̄in yii ko, “Wuka nii a ne chat̄idu we d̄imune k̄ida.” Miyarim̄ k̄imu fal a nwe chi n k̄in a fwatu.

N Yesu a do Kan Kwaman

(Mat 21:12-17; Luk 19:45-48; Yow 2:13-22)

¹⁵Yo n chi a le Wurchalimange, n Yesu a le Kan Kwamanu, a mwe k̄naba n̄ibu k̄itana chimu, n ti b̄ibu k̄imi chi a fikomu. N k̄in a tunga teb̄iritu n chi k̄isuten k̄amb̄iritu, n ti fanti sweri n̄ibu b̄ibu k̄ifeku k̄ikub̄t̄imu yi kumkuum.

¹⁶A dubu n̄ibu ko a su we tant̄ilange yif̄ila Kan Kwamane k̄ini kul̄initu.

¹⁷Yinu n k̄in a miya n̄ibu m̄in ko, “Ta yabu we yam Kwamamu yinangu a mwal ko, ‘Ka yal lomi ko, kan tw̄ab̄aku d̄ine kuuti k̄ini kwanga?’ Aya t̄iyo a kau fi dab̄ikuum kilaiyande.”

¹⁸Tikaketi Fansetiyo n ti n̄ibu yungku yil̄in Musayimu, kangu a nwe yam b̄ibangu, a mwe k̄ibau ware wu ka ch̄in k̄ine, aya n chi k̄iyar yii we yungku kangu, d̄ine k̄ituu n̄ibe k̄inwe miyak̄ikangu.

¹⁹K̄ini me, n Yesu n ti miyar̄im k̄imu a chir we b̄inu.

Sinangu n Yesu a ma k̄im̄in yiyangu a kusu

(Mat 21:20-22)

²⁰Baf̄inenangeko yo n chi yak̄isudu k̄ini s̄inne, a ku tiyang sinangu n Yesu a ma k̄im̄in yiyangu a kusu k̄ini k̄i yinang kangu kwang.

²¹M Bit̄ir a kur chi n Yesu a ma tiyang sinangu m̄in bak̄idarengē, a yi Yesu ko, “O! Tete, dang Sinangu mwang ma k̄im̄in yiyangu a kusu.”

²²N Yesu a yi miyar̄imu ko, “T̄ike biyil̄imu we d̄iKwama.

²³Biyil̄im m̄in fwa chim̄inu, ka nii k̄ini keku biyil̄imang we d̄iKwama a kamabu chiye, ka medu ka yi kunnu ko, ‘Kun f̄itan a far mwen,’ ka a ne kamaku we chi n k̄in a b̄iu we n̄ir k̄ine, Ka ma k̄im̄int̄inu.

²⁴D̄ine yiko m̄in fwa chim̄inu, kanang t̄it̄ile chiye t̄itu ta b̄idu a tw̄ab̄aku buniyangitu, t̄ike biyil̄imu tiko t̄iya, t̄ikitu a kau t̄ichin.

²⁵Yo kano t̄it̄w̄ab̄a buniye, ka ta tau wuka ni a n̄ire, t̄ikur k̄im̄in a k̄it̄im, ke tech̄in wu a diye a du chim̄in yichiyu k̄ileti t̄in.

[²⁶Ka ta du n̄ibu m̄inbu k̄ileti chiye, yi yiko t̄in, n Tech̄in wu a diye a ne du chim̄in t̄inu.”]

N̄ibu k̄ikama dukan Yesunu

(Mat 21:23-27; Luk 20:1-8)

²⁷N chi a k̄ilate Wurchalima we. Kangu n Yesu yak̄i kana Kan Kwamana Wurchalimanu, tikaketi fanset̄imu, n̄ibu yungku yil̄in Musayimu n ti b̄ikamu sel̄ibu a be fi a d̄ik̄ine. A b̄iu chitu ko,

²⁸“N wure a n̄in dukanu mwang kakan n̄ibu kwam̄ar̄imu we kan Kwamana Wurchalimane?” T̄int̄ine, “N wure n̄in dukanu ko n ma t̄itu.”

²⁹N Yesu a yi chi ko, “Mang ma chim̄in d̄ib̄idu, ka t̄ini m̄in d̄ik̄il̄in yiine, mang fwa chim̄inu ka mang ma t̄itu k̄ini dukan wurene.”

³⁰Tifwami, “N wure a ni Yowana dukan maku batisma? N Kwama ka n̄ba.”

³¹N chi a twaiyan we yichiyu ko, “Ka ni yiko a d̄Kwama, ka yidu ko a mayire niyang kebu biyilime?”

³²Aya we ni medu ni yidu ko, ‘A be a nii ya?’ ” N chi k̄nwe tayi ko ka yo kulankulange d̄ne ka nang wuwule niye a keko n Yowana F̄aku Kwama.

³³D̄ne yiko, n chi a yi Yesu ko, “Nang yimbu.” Yinu n Yesu a yi chi ko, “M m̄n t̄n a ne mang fwa chim̄n t̄nu ka m̄n ma t̄tu k̄ni dukan wurene.”

Markus 12

Baltaku a n̄bu b̄bwilam a ya suku t̄imang

(Mat 21:33-46; Luk 20:9-19)

¹Yinu n Yesu a chakakku k̄fwa ȳamu k̄ni baltaku, “Wuka ni a fi ku yinabe, a kana kuu k̄ni yakwale, a sw̄anti d̄kulen d̄du kan̄n ȳam̄n t̄kulan mwe yinabiyentu, a but̄i kweeru kan̄n mwata m̄n ȳam̄nu. A ni b̄kam n̄bu suku ku, ko a nang sudu a yikat̄i d̄bwal.

²Yo k̄s̄wi yakku t̄kulan we ku yinabe a lame, a tum wuka naba nanga ko we n̄bu nanganmu ko a yiu k̄m̄ne t̄kulantu.

³Yo naba nanga a be, n̄bu b̄bu a tau a ngau, a yo k̄n, a yikan f̄ali kwako.

⁴Nii wu a tum chi m̄nte wuka naba nanga, n chi a ngau wuko a dur, a ni t̄n k̄n riye.

⁵A kuteng k̄ku, n k̄n a tungte wuka. N chi a ngau wuko, a ch̄u.

⁶A du naba kuu m̄n kana bweko, wu n k̄n a m̄lan yinange. A kuteng k̄ku naba kuwe a tume k̄n we d̄ chiye, ‘K̄kuradu ko ka ni bwe ko dwiyentu.’

⁷Yo n̄bu k̄su kuumu a kuwe, a yi ko, ‘Bwe ka chau kula nang wu, t̄be, ni ch̄u, ke ni chatt̄i kula!’

⁸N chi a tau bwe a ch̄u, a d̄u bwe a mar a kuteng yakwaleng we ku yinabe.

⁹“Kanodu Tewuduwe a kuu yinabe wu ka ma chidi yire? N Yesu a b̄u chi. Chi ka maditu, ka bedu ka ch̄be n̄bu suremu, ka d̄u ku wu ka ni b̄kam n̄bu.

¹⁰Yoye ta kiinbu ȳam Kwamam b̄bu wenga? ‘Kale n̄bu muk̄imu a konge, nang kale k̄la d̄u tureng kanne.

¹¹T̄tu nangang Tewuduwe, a kau chi ȳar yii we d̄ngku chirengu.’ ”

¹²B̄duum tikaketi n̄bu Yafudamu a bau w̄are ka tau k̄ne, d̄ne n chi a swaan ko baltak̄ku a dur ch̄n. Kanang chikiye, n chi nang n̄bu k̄s̄uu b̄bwilamu we ȳam b̄bu. Aya a tabu k̄n d̄ne n chi k̄nwe tayi k̄tu n̄be, n chi a du k̄n, a yarat̄n.

Feku sangkal a d̄Kaisare

(Mat 22:15-22; Luk 20:20-26)

13Yinu n chi a tung k̄im̄ine n̄ibu Farisa n ti n̄ibu Yirudumu ko ke a yo k̄im̄in l̄ata yii, ke chi tau we ȳamu ka fwad̄imu.

14Yo n chi a benge, a yi k̄in ko, “Naba yungke, n̄in yim m mun, mun fwa ȳami der, mwang wulbu tayi n̄ibiyu mwang dangt̄ibu dwiyen n̄itu. Aya mun yung ka ȳam biyil̄im b̄ibu n Kwama fwamu. Kanodu a dakan nang fe Mai wuduwe Kaisar sangkala? N̄in fenga, ka n̄in feduwenga?”

15Aya n Yesu a swaan bwila chi, a yi chi ko, “A mayire t̄i sweye? T̄iniye k̄amb̄iru tifen sangkal̄inu.”

16N chi a be k̄im̄ine k̄in. A b̄iu chi ko, “Wu kabu wure?” N chi a ke ko, “Kabu Kaisare.”

17N Yesu a yi chi ko, “T̄ini Kaisar t̄itu, n t̄iu Kaisaritu. T̄ini Kwama t̄itu n t̄iu Kwamatu.” Chitu a ȳar n̄ibu yii nabwen.

D̄ib̄idu a kunku kw̄amiyang

(Mat 22:23-33; Luk 20:27-40)

18Yinu n̄ibu Sadukiyamu, b̄ibu a kebu k̄ini kunk̄i kw̄am̄imu a be fi a d̄ik̄ine a b̄iu k̄in ko,

19Naba yungke, m Musa a mwal n̄im̄in ko, “Ka kemo a bwange, a du naye ko a ne b̄ibe wenge, a mwintuwe keko ka n̄in na naye ko, ke a ya k̄im̄in bwes̄imu ka chau kulamu.”

20B̄ikam kebu we chi b̄idibiin. Wu sele a ti kake, a yiu naye, a bwa a b̄ibu bwe.

21Wu robe a bunt̄i k̄ine, a d̄au naye k̄inadu, n k̄in a be bwa t̄in a ne b̄ibe we. Wu tare yiko t̄int̄in.

22N nang kangu n chi k̄ini b̄idibiin, a twiya m̄inangu. A ne wu a b̄iu bwe w̄are n ti naye we. We kuteng k̄iku naye wu a bwa t̄in.

23We di kunk̄i kw̄amiyange, ka kau naye wure we tibe chi? Yo n chi kwang a na naye we.

24N Yesu a yi chi ko, “T̄ikuran ch̄intu n ke t̄iyili d̄ine ta swanbu ȳam Kwamamu, yinu ta swant̄ibu dukan Kwamanu.”

25We di swan kute, a ne ȳam k̄inatim we bwadiye. N̄ibu kwang ka kadu yinang n̄ibu t̄itumb̄iri Kwamam.

26K̄ik̄angu we ȳam kunku kw̄amiyamu, ta kibu we tat̄ik̄idai Musa? Ta kibu chi a mwal k̄idangu a be d̄ik̄i d̄ilukene k̄i tau k̄iranga yinangu Kwama fwa ko, “M m̄in nang Kwama Yibrayime, n ti Kwama Yichaku, n ti Kwama Yakubu we.

27N k̄in n ke Kwama b̄ibwar̄im. N k̄in wa b̄ikur̄ime. N t̄in n̄ibu Sadukiyamu t̄ile nabwen.”

Yilang k̄iduwangu

(Mat 22:34-40; Luk 10:25-28)

28Wuka ni we n̄ibu yungku yil̄in Musantu a be nwe yinangu n chi k̄itukadu we yichiyangu, kangu n k̄in a swan ko n Yesu a nii chi d̄ikil̄in diyil̄inangu, a biu Yesu ko, “Yilang k̄iku a la chiyangu n nang k̄ikile?”

29N Yesu a yi k̄in ko, “Yilangu a la chiyangu n nang k̄iku ‘T̄inwe n̄ibu Yisrelamu, Kwama Tewuduwe, Tewuduwe wiin k̄ikumang.

30M̄ila Kwama Tewuduwe mo k̄ini n̄ir muni diin, k̄ini t̄ikuri mwiti kwang, k̄ini t̄ikuran mwiti kwang, yinu k̄ini dukan muni kwang.’

31K̄iku k̄ibunt̄idangu n nang k̄iku, ‘Ke kemo yinang yimwi.’ A ne yilangu a la k̄ikangu we.”

32Yinu naba n̄ibu yungku yil̄ine a yi Yesu ko, “N fwa biyil̄im, naba yungke, n Kwama wiin, a ne wukane we.

33Ke k̄ini n̄iru kwang, k̄ini t̄ikuri mwitu kwang, k̄ini dukan munu kwang, yinu m̄ila kemo yinang yimwi. T̄itu a la t̄iniriti kwang n ti niku k̄itumang.”

34Kangu n Yesu a yim ko nii wu k̄ini yingkangu, a yi k̄in ko, “N kwatuwe yaa Kwama.” A kuteng k̄iku a ne ni a ma k̄im̄in d̄ikan d̄ib̄ide we.

M Masiya Bwe wure?

(Mat 22:41-46; Luk 20:41-44)

35Yinangu n Yesu yak̄i ma yungk̄iku we Kan Kwamana Wurchalimanu, a ma d̄ib̄idu ko, “Kanodu n̄ibu yungku yil̄in̄imu ki yidu ko m Masiya bwe Dauda n wure?

36N Dauda n kifwan, we dukan F̄ikim Kwamam̄inu a yi ko, “Tewuduwe a yi Tewuduwe mi ko, N swe a kang k̄iyilamangu ka lamm̄intī k̄idangu mang chau k̄ila k̄ini fwakwarbu mumu we nani mwiyanu.’ ”

37Yo n Dauda kifwan, a fwa ko, “M Masiya Tewuduwe, yinu ka kaddi yire m Masiya ka kau bwe we diDauda?” N̄ibu nabwen a ma furi mwemwen, k̄ini yam Yesumu.

38We yungk̄iku, n Yesu a yi ko, “T̄ima dandan k̄ini n̄ibu yungku yil̄in̄inmu, n chi k̄ido lukei yiswami, k̄ibwali k̄in, k̄ibaddu n̄ibu ka n̄in sii chidu a kwamari.

39K̄ibau fanti yiyili we kambi murakitu, ti fanti yiyili we yo n̄ibu k̄ima yeniye.

40N chi nang b̄ibu k̄ichau kul̄in nat̄ibu kwartabu chimu a bwaran n̄imu. K̄itwaba buni chitu swan swan ko ke n̄ibu a yim chi. Aya n chi ka ya mwataku k̄iduwang.”

Niku na buneng

(Mat 21:1-4)

41N Yesu a swe we Kan Kwama d̄idunu, a kwatuwe finu n̄ibu k̄ikurin kambir. K̄idangdu yinangu n̄ibu k̄ikur kambiritangu, kul̄inmu a kur kambiru nabwen.

⁴²Yinu wuka nabune a bete, a kur k̄inuti k̄amb̄iri yurabu, ka nang chi kiye a n̄ini yurau.

⁴³Yinu, n Yesu a yale miyar̄in k̄imu, a yi chi ko, “Biyilim, min fwa chim̄inu, chi nabune wu a kure a la n̄ibi kwang.

⁴⁴N̄ibu b̄ibu a chake we kuli chitu a ni, aya nabune wu, a chake we kwalan kiti kwang a ni.”

Markus 13

N Yesu a fwa chi yaka fwede

(Mat 24:12; Luk 21:5-6)

¹Yo n Yesu a chire we Kan Kwama didune, wukane we miyar̄im k̄imu a yi k̄in ko, “Naba yungke, danḡ k̄iduum kalim b̄ibu ti yinang ku t̄imubanta lengu!”

²N Yesu a yi k̄in ko, “Ka we t̄iku t̄imuban t̄iyili t̄ite? K̄iswi k̄ibedu wu a ne kale ka swedu a di a keko we, ka tungadi kwang.”

Riye wu kakke

(Mat 24:3-14; Luk 21:7-19)

³Kangu n Yesu a swe we Kun d̄idu a tini Setuniye, d̄idu k̄idanḡ Kan Kwamana Wurchalimanu, m Bit̄ir, n ti Yakubu, n ti Yowana, n ti And̄ir̄iya a b̄iu k̄in a bura ko,

⁴“Fwa n̄im̄in, t̄ichitu wu ka fwedi fere? Nang ku d̄imwal d̄idu i yire yoko t̄itu kanodu yaka fwede?”

⁵Yinu n Yesu a yi chi ko, “T̄itwar, wuka ni a but̄idu ch̄in we.

⁶N̄ibu nabwen ka bedu k̄ini d̄in m̄in, ka yidu ko n chi nanḡk̄in, ka butu n̄ibu nabwen.

⁷Ka t̄i nwe ȳami kumbiyu n ti ȳami k̄ingasiyu a kunniye, t̄iwulu we. A kau t̄ichitu wu ka fwedi yiko. Aya di swan̄ kute a lanbu didin.

⁸Kuu ka makadu n ti kuu. Yaa ka kuladu n ti yaa. T̄imu ka m̄ikadu we fantiyu dangtidangti, sunu ka ma n̄ibu. Aya t̄itu n ke riye siine. T̄itu mweku riyeng.

⁹“T̄ima dandan k̄ini dur ch̄inu, n̄ibu ka tau ch̄inu ka yikan kambi mwatak̄i, ka twala ch̄inu we kambi murakitu, n̄ibu ka yikadu k̄ini ch̄in a kakku mat̄im, we fiko ta kau chi m̄in n̄ibu d̄imwar̄im.

¹⁰Aya d̄imwar̄ ȳam b̄ilim̄inu ka mwedu ka le k̄iteli n̄ibiyu didiin we kuuti k̄ini kwang.

¹¹Yo n̄ibu ka tau ch̄inu ka yikan bwana kan mwatak̄ine, t̄iwulu tayi we, ti ta fwadu ko wule. Chi ka chiredu a yii ch̄ine t̄ifwa, d̄ine n ke b̄ichim, ȳam F̄ikim Kwamam.

12“Ke ka ni keko n̄ibu ka chidu. Te ka madi yiko n ti bweko, bwes̄imu ka makadu n ti teb̄ibu ka nebe, ka yo bwa chi.

13N̄ibu ka ko ch̄inu d̄ine d̄in m̄ine. Aya nii wu ka mu n̄iru ka lam̄inti di swan kute, ka swidu.”

Riye wu bwila

(Mat 24:15-28; Luk 21:20-24)

14N Yesu a chakakku ko, “K̄iswi k̄ibedu yo ta ku chi danduriye t̄itu k̄ibedu k̄ini kaiyakitu we fi a no dakabe. (Nii k̄i kii yam̄ b̄ibe a swaan) b̄iba t̄im̄ Yafudiya a wul a fil̄ kuni.

15Nii wu a ya, a fil̄ kwere a yifila, a k̄iladu lo we ko daa t̄ikan chi.”

16Nii wu a ya, a chir̄ kuuwe, a k̄iladu lo we ko beka dāu luke.

17A no ch̄in! Nat̄im̄ lubimu n ti b̄ibu k̄ikar̄ bwes̄imu we k̄iswi wuko.

18T̄itw̄aba bunitu, t̄ichitu a fweduwe yi sanang.

19Nangkin̄, riye diti yikiye ka bwiladu, a ne ni swe k̄inu k̄ini wuka riye yinangu n Kwama a yo m̄ine t̄it̄initangu. A neka fwent̄inuwe k̄ida.

20K̄ikumang ka n ke, n Tewuduwe ka k̄itu k̄iswi riye, kuuti t̄it̄iniyu k̄ini kwang ka twiyadu. Aya d̄ine b̄isut̄ir̄im̄ k̄imu, n k̄in ka k̄itu ditiyu a dubi bayim.

21“We k̄iswi wuko, ka ni a yan̄ ko, ‘Danḡ m̄ Masiya nang wuwe, Ka ka yidu ko danḡ n nang wu a bwa, t̄ikedu we.’

22Nangkim̄ Masiyati t̄ikwaniyu n ti fakubu t̄ikwanimu ka chiredu ka yung d̄imwal chi katakitu n ti chi yar̄ yiitu ke a butu n̄ibu, kasi no nang b̄isut̄ir̄im̄ Kwamamu ka, ka kadde.

23D̄ine yiko, t̄iti yinang! D̄ine n tu n fwa chim̄in yo k̄iswi a tib̄i lande.

K̄ilaku Bwe Niyang

(Mat 24:29-31; Luk 21:25-28)

24“Aya we diti riye yikiyu, a kuteng riyengu, Dii ka madi chitu, swangu a ne yii t̄imu

25K̄iswitiyu ka twakadu, kwal̄in ch̄in d̄idu a dii twiyenu ka m̄ikadu.

26“Yinu ka nang wuwule niye ka ku Bwe Nii ka fwedu a t̄itwini k̄ini nabwe dukane n ti dwiyen.

27N k̄in ka tum n̄ibu t̄itumb̄iri k̄imu ka mure b̄isut̄ir̄imu Kwamamu we fwit̄ineta t̄it̄iniyu, we bwa t̄it̄initu a kur m̄ine n ti bwa t̄it̄ini twiyetu a kur m̄ine.

Miyaku a tiyang Sinang

(Mat 24:32-35; Luk 21:29-33)

28“K̄ikangu t̄imiya chi we tiyang sinangu; ka kiyange ti kiyu a mwe k̄isute yikiye, yinu lwangin̄ kitu a mwe k̄itwade, t̄iyindu tiko did̄ibe a mwatawe.

²⁹We yiko, ka tiku kichitu wu a mwe kifwede, taswan tinu tiko kilaki kangu a mwatawe, a lam kwar.

³⁰Min fwa chimin biyilim, yo kidang kiku a tibi sude, kichitu wu kwang ka fwehu.

³¹Dii n ti timu ka twiyadu. Aya yam mimu a ne ka twiyadu kidiya kwadu.

Di n ti kiswi kilake a ne ni a yime we

(Mat 24:36-44)

³²“A ne nii a yim di n ti kiswi kilake we, kono nang nibu titumbiri Kwamamu, ka Bwe Kwama, aya kana Kwama Te n kikun.

³³Aya yo ta yimbu yo kichitu wu ka fwehu, tiswe sobu tinang ma kiyolang.”

³⁴“Ni swe kilaki Bwe Nii yangu kini nii wu a du loko a yika dibwale. Yo yaka yikade, a kera nibu nanganmu min nangangitu n kawure ka madangu. Yinu a yi naba nii kito kware ko a ma kiyolang we di kilake ko.

³⁵“Dine yiko, ma kiyolang yinang, dine ta yimbu kiswi Tewuduwe ka kilade, ka menge, ka kume, ka kitangtilang kumange, ka kunsine ka sine.

³⁶A yanuwe mun da duum, dine ka kiladu a ne dimwar we.

³⁷Chi min mang fwa chimine, n fwa ka nang wuwule niye min tin. Tima kiyolang!”

Markus 14

Tikaketi Fanseti a bwa yii ka ma mulin ti Masiya

(Mat 26:1-5; Luk 22:1-2; Yow 11:45-53)

¹Yo du ditiyu yurabu nibu ka ma Yiye Yabake n ti Yiye kidani yiyu a fubufuweye. Tikaketi fansetiyu n ti nibu yungku yilin Musayimu, kibabba fili wu ka tan Yesu ka chide.

²N chi a kekan ko, “A bwin kidang Yiye Yabakengu, dine ke kila yo kulankulange.”

Nibu a wa Yesu min kinung kiki firfirang a Betani

(Mat 26:6-13; Yow 12:1-8)

³Kidangu n Yesu a lon Simun a Betani, ni wu kini burang mwaliye. Yo n Yesu kichau chabte, wuka naye a be kini kinung kiki firfirang, wa tiyang nardiyang, kiku kini kwatirang a lure wu nibu a mubbi kini kale alabasta. N kin a wur lure kinunge a kur kimin we duru.

⁴Bikamu nibu n chi ware we fikonmu a kai nir ko, “A mayire kikai kinunge?”

⁵A no ka midu a sure kuuliti tita, a no ni tilusani.” N chi a kai nir ko a mayire ka kai kinun yi kin kwatiriye.

⁶Aya n Yesu a yi chi ko, “T̄idu bwe naye, tiyidu yam we. Naye wu a mami chi tiyili.

⁷T̄in ware ti tilusaniti kwadu, ta medu ta maka chi we kidangu tibaddangu. Aya a ne tike, ne mang swedu n ti chini kwadu.

⁸N kin a ma chi ka maditu, a wa bwimiyu min kinung kiku kidoyu dine furemang.

⁹Min fwa chimin biyilim, bwa nibu ka mwan yam bilim mime we titiniti kwang, nibu ka kur chi naye wu a maatu.”

N Yafuda a ke ka ni Yesu

(Mat 26:14-16; Luk 22:3-6)

¹⁰Yinu n Yafuda Yiskariyoti wu we miyarimi kub chiri burabime, a ya we tikaketi fansetiyu dine ke kini Yesu.

¹¹N chi a nwe tamang kini yam bibu, n chi a dokan we yichiyu ka ni Yafuda kambir. A ri, n kin a le kibabba da ka niin Yesu we.

Yesu a chau Yiye Yabake n ti miyarikim

(Mat 26:17-25; Yow 13:21-30)

¹²We di wu wiine wu a yiye kidaniye, di wu nibu kima niku kini kwani we Yiye Yabake, miyarim Yesumu a bu kin ko, “Mun baddu nang do min Yiye Yabake a fire?”

¹³Yinu n kin a tum miyarim kimi burau ko, “Tile bin Wurchalimanu, ta tekandu n ti wukane nii kini suur mwen a dur tibungan n ti kin.

¹⁴Lo wu ka lede, tile tiyi naba loko, ‘Naba yungke kibidu ko, a bwale kan rungkonu, didu Mang chan, Yiye Yabake n ti miyarim miminu?’

¹⁵N kin ka yung chin dikan kan diduun didu a tu a do kini fantiyi sweri. Tido chabtu Yiye Yabaketu a fiko.”

¹⁶Yinu miyarimi burabimu a kun, a le mure bine, a ya yamu we yinangu n Yesu a fwa chiminangu. N chi a do chabtu Yiye Yabake a fiko.

¹⁷Kini me, n Yesu a ya lo wu n ti miyarimi kub chiri burabimu.

¹⁸Yo n chi a le kichau chabtite, yinu n Yesu a yi chi ko, “Biyilim min fwa chiminu, wuka nii we tibe chin ka miyu, wu nin chau chabtitu ware ti kine.”

¹⁹Miyarimu a kai nitu, n kawure kiyidu ko, “M mina?”

²⁰N Yesu a yi chi ko, “Wiin we tibe chin, n kin nang wu a diku falang we kwase ti mine.

²¹Bwe Nii ka yikadu yinang ka a mwal we dur kinangu. Aya a no nii wu ka mii Bwe Nii! A no la kimin chi ka nibu a no bibu kine.”

Kidane Tewuduwe

(Mat 26:26-30; Luk 22:14-20; 1Kor 11:23-25)

²²Yo n chi a le kichau chattite, n Yesu a dau kidane a wana Kwama, a dwakan a ni miyirim kimu a yi ko, "Tiyiu titu nang bwimiyu."

²³A kuteng kiku, a dau kwase wu a mwe yinabi a ma diwan we diKwama, a ni chi, n chi kwang a no we mure.

²⁴Yinu a yi chi ko, "Bibu nang kitum bwaki mimu, bibu mang kuru dine nibu nabwenimu."

²⁵Min fwa chimin biyilim, nemang noti mwe yinabe wu we kida, ka laminti di wu mang no wu fwiye a Yaa Kwama.

²⁶Yinu yo n chi a kau tee, a chir a fil Kun didu kini tini Setuniye.

N Yesu a fwa ko m Bitir yaka kwila kinu

(Mat 26:31-35; Luk 22:31-34; Yow 13:36-38)

²⁷N Yesu a yi miyirim kimu ko, "N tini kini kwang ta wulu ta dwiyu we. Yinangu a mwal we yam Kwamamu ko, 'Mang chiu naba toke Kwantiyu ka yaradu.'

²⁸Aya we kuteng kiku n Kwama ka kukiyu we furangu, mang tu chinu we yikaku Kalili yangu."

²⁹M Bitir we fiko kabdu ko, "Kasi no n chi kwang ka yaradu, m min ne mang dunnu."

³⁰N Yesu a yi kin ko, "Biyilim min fwa minu Bitir, a ne laminti yo kware ka taru kida yurabe, mwang kwilayu kida yitta mwi mwang yimbu min."

³¹Aya m Bitir kifundu kifwadu kini dukan ko, "Kasi no nibu ka chiyu ware n ti mun nemang kan yinku mwangu ko bayim." Bikamu miyirim kimu a fwa tini yiko.

Twabaku a Kesemani

(Mat 26:36-46; Luk 22:39-46)

³²N chi a yika wukane fi nibu kiyalu ko, "Kesemani." Yinu n Yesu a yi miyirim kimu ko, "Tiswe a finu Yamang twaba buni."

³³N kin a bungan n ti Bitir, n ti Yakubu n ti Yowana. Nir kinu a mwe kikaiyadu, bwiyu a fwi kangu n kin a yim chi yaka fweditangu.

³⁴Yinu a yi chi ko, "Killiye wu a nir mine ka medu ka chiyu, tiswe a finu tima kiyolang."

³⁵Yo a yika kakki bayime, a sung a tim a twaba buni ko ka mwang kenge, yo n nwedu riye we. Aya n ke dine kike mi, ma kikemo.

³⁶A yi ko, "Wa, Tete, a ne chi ka bwane we, ka mwang kede, dami kwase riye wu. Aya bunti kike mo, n ke wumi."

³⁷Yo n kin a kilawe, a be ya miyirim kimu a da duum. N kin a yi Bitir ko, "Simun, mun da duuma? Wule yo wu a ne ta medu ta swedu kasi no awa wiine?"

38T̄ima kiyolang, t̄itw̄ab̄a buni ke t̄iyaru we, yo fwakware ka swe ch̄ine. Kasi k̄iku f̄ik̄imu we k̄ini dukanangu aya bwiyu a fwi.”

39Yinu a k̄ilatuwe k̄ida, a tw̄ab̄a bunitu, k̄ifwa ȳamu ka b̄ibiin̄im.

40Yinu a k̄ilawe, a be ya chi a dat̄i dumuwe. kwalangi chiyu a ȳilteni k̄ini duumu. N chi a kwala chi ka fwa k̄im̄inditu.

41N k̄in a yikatuwe yinu a k̄ilawe k̄idang tarang, a yi chi ko, “A lanta k̄ikang n t̄in we duma, n t̄in we t̄if̄ikada? A ri! K̄iswi a be, n̄ibu a ni Bwe Nii a f̄ali n̄ibu b̄ibwilame.

42T̄ikun, ni yikan! Wu ka miye nang wu a lam fiye.”

N̄ibu a tau Yesu

(Mat 26:47-56; Luk 22:47-53; Yow 18:3-12)

43Yo n Yesu we k̄ifwa ȳame, n Yafuda wu we miyar̄im k̄imi kub chiri burab̄ime n ti k̄ituu n̄ibe nabwen wu k̄ini kuli n ti dwamiye. Tikaketi fanseti n ti n̄ibu yungku yil̄ine a tume chi.

44N Yafuda, wu ka mi Yesuwe a tu a dokan n ti chi ko, “Nii wu mang sidu k̄ini kwarke, n nang wu ta tadde, t̄itau t̄iyikani k̄in, t̄ito yinang.”

45Yo n k̄in a lam fi a diYesuwe, a kwar Yesu ko, “Tete, naba yungke!” A kwar t̄in.

46Binab̄ina n̄ibu a tau Yesu, a tituwe k̄ir̄ing.

47Aya wuka ni a chaku kul k̄inu, a swi kab̄e wuduwe fansetiye m̄in k̄itele wad.

48N Yesu a yi chi ko, “T̄ichire k̄ini kulitu n ti dwamiyu be ta tayu yinang dakuwa?

49Kanang wuwule diye n m̄in we ti ch̄in we Kan Kwaman Wurchalimanu m̄in ma yungk̄iku ta taibu, aya t̄itu a fwe ke a ri chitu a mwal we ȳam Kwamamitu.”

50We fiko miyar̄im k̄imu k̄ini kwang a du k̄in a yarani yak.

51A ya wuka bwele we fiko n ti b̄ibu k̄ibunt̄i Yesumu, n k̄in a ne luke we bwikiyu kana kwadu. Yo n̄ibu a tau k̄ine,

52m bwele a wuli t̄ir̄im a du kwadu k̄inu we a f̄ali chiyu.

N Yesu a kakku kw̄al kabak̄in

(Mat 26:57-68; Luk 22:53-54; Yow 18:13-14,19-24)

53N chi a yikani k̄ini Yesu a kakku wuduwe fansetiye. Tikaketi fansetiye n ti sel̄ibu n ti n̄ibu yungku yil̄in Musayimu a muran we fiko.

54M Bit̄ir a bunt̄i Yesu, aya a mart̄i k̄itwalang a le mure tare lo wuduwe fansetiye. A swe we fiko n ti b̄ibu k̄ito Kan Kwama d̄idunu k̄iwul k̄ir̄ang.

55Tikaketi fansetiye n ti kw̄al yil̄inu a muran k̄ibau nii wu ka mwe t̄ikwanitu a dur Yesunu ko a ma k̄ile ko ke chi ch̄iu Yesu, n chi a yabu f̄ili ka mang t̄ite.

56N̄ibu nabwen a mwe t̄ikwanitu we dur k̄inu. Aya ȳami chiyu dangtidangti.

- 57 A kuteng kiku, bikam a kun a fwa bichimu yam tikwanimi ying;
- 58 “Nin nwe a fwa ko, ‘Mang wur Kan Kwamana Wurchalimanu nibu a mubbinu, a ditiyi yitta mang mu dikan didu n ke nangang Faliyang.’ ”
- 59 Kini ye yam chimu a beba fi wiine.
- 60 Yinu wuduwe fansetiyeye a kun a ti we tibe chi, a biu Yesu ko, “M mun n ne dikan dikilin yin wenga? We a yamiyu nibu a fwa dur muniya?”
- 61 N Yesu a yibu yam. Yinu tikake Fansetiye a bitu kin kida ko, “M mun nang Masiya Bwe Kwama naba delaka?”
- 62 N Yesu a ke ko, “M min nang kin. Aya ta ku Bwe Nii ka swedu we kang kiyilang Kwamangu, kini dukan Naba Wuduwenu wu titinitu a falang kange, ka suwedu a dii, a titwini we twiye.”
- 63 Tikake fansetiye a ngira luke ko, a kur a bwa yinu a yi nibu ko, “Ni bau didile dikwal, we yam bibu?”
- 64 A ta nwe yinang kangu a swaba Kwamangu, tikama wureni?” Nibi kwang a ke ko, “A lwe bwa.”
- 65 Bikamu bidum fanseti fal, a mwe kitibe kinu kini kitum, a bwau kimin kwalangi kiyu, kingaddu kini falang yinu kibidu ko, “N ma fakuitu we chi a fwe.” Yinu nibu tokimu a yikani kin kitwaladu.
- M Bitir a kwilan ko ka yimbj Yesu**
(Mat 26:69-75; Luk 22:56-62; Yow 18:15-18,25-27)
- 66 M Bitir a kitibang we lo, yinu wukane be fwane wu kima nangang we lo wuduwe fansetiyeye a be fiko.
- 67 Yo n kin a ku Bitir kiwul kirange, a dang kin yinang, a yi ko, “A mi ka n mun we ware n ti Yesu Banasarete?”
- 68 Aya m Bitir a kwilan ko, “Mang yimbu chi mun fwaditu fal! Mang swanbu kin!” Yo a fwa ye, a yikatj sangka, binabina, kware a tar chitu.
- 69 Yo fwang kabe wu a ku kin we bwako, a fwa nibu bibu a tirana fikomu min ko, “Wu wetuwe tibe chi.”
- 70 M Bitir a kwila tin kida. We kuteng kiku bibu a ti we fikomu a mwe kifwatinu, ko, “A mwintuwe m mun we ti chi, m mun naba Kaliliye tin.”
- 71 Aya m Bitir a mwe kini ka tituran kitwamatj chitu we kakku chiyangu, ko, “Mang yimbu chi tiffwaditu.”
- 72 Binabina kware a tar kidang robang yinu m Bitir a kur yam bibu n Yesu a fwa kiminimu ko, “Yibe a neka taru ka lam kidang robangu, mwang kwilayu kida yitta.” Yo a kur yam bibe a mwe kini wi.

Markus 15

N Yesu a kakku Kwabna Bilatusang

(Mat 27:1-2,11-14; Luk 23:1-5; Yow 18:28-38)

¹Kini kunsin, tikaketi fansetimu n ti bikamu selibu n ti nibu yungku yilini n ti kwal yilinu kwang a do yam chimu we dur Yesunu. N chi a kwaba Yesu, a yikan kakku Bilatu wu kichau matin Romate.

²M Bilatu a bju kin ko, "M mun nang Mai nibu Yafudama?" N Yesu a ke ko, "A mwan fwa."

³Tikaketi fansetiyu a le kishwita kinu.

⁴Yinu n Bilatu a biti kida ko, "A ne mwang fwa yamma. Mwang nwebu nabwe yamiye, nibu kifwadu a dur muniya?"

⁵We chik, n Yesu a fwabu chi. Titu a yar Bilatu yii.

A mwata Yesu min bwa

(Mat 27:15-26; Luk 23:13-25; Yow 18:39-19:16)

⁶We da chi, m Kwabna Bilatu kimaiye naba dibintile wiin wu n chi kibade we ka nang wuwule kishwi Yiye Yabake.

⁷We kidang kangu, wuka nii we din kinu n Barabas wu nibu a kwau a dibintile n ti bibu a chiu nibu a kidang bingaiyimu.

⁸Kitu nibe a bulawe bwa diBilatuwe ko a mar chimine ni wiin yinangu n kin kimadi kwadangu.

⁹M Bilatu a kinta chi ko, "Tibadu mang mai chimin Mai nibu Yafudama?"

¹⁰Dine n kin a swan ko tikaketi fansetiyu a tau Yesu dine katine.

¹¹Tikaketi fansetiyu a suu nibu ko a yi Bilatu a mare Barabas, a bwin Yesu.

¹²Yinu n Bilatu a bju chi ko, "Yinu fal, mang ma wu tiyidu ko n kin Mai nibu Yafudame yire?"

¹³N chi a yibi kuuu ko, "Tikukan kin!"

¹⁴M Bilatu a yi chi ko, "Dine wule? A ma kile wureni?" N chi a su keru kiyidu ko "Tikuka kin!"

¹⁵Dine m Bilatu kibaddu ka lima nibu min nite, n kin a mar chimine Barabas. A yo nibu a twala Yesu yinu a ni nibu Yesu ko a ya kukan.

Nibu kunimu a fita Yesu

(Mat 27:27-31; Yow 19:2-3)

¹⁶Nibu kunimu a lengi kini Yesu a lon Kwabna. N chi a yo kwal didun nibu kunimu we fiko.

17Yinu a do k̄im̄in wuka luke wu wurwure k̄iduum b̄ibu mat̄im k̄iyad̄imu. A bw̄au k̄im̄in d̄ik̄ir̄in kw̄ada, a do k̄im̄in we duru.

18Yinu n chi a le k̄ifita k̄inu, k̄isidu ko, “Saki Mai n̄ibu Yafudame.”

19N chi k̄it̄walu k̄it̄walang we duru k̄idati kwang, k̄it̄ib̄it̄inu k̄ini k̄it̄um, a sung k̄ima k̄im̄in d̄isiir t̄ikwan̄in.

20Yo n chi a ri k̄ifiye, a suku k̄im̄in luke mat̄ine wurwure, a do k̄im̄in luke ko, a chir k̄ini k̄in yaka kukadu.

N̄ibu a kuka Yesu a k̄it̄iyang bwang

(Mat 27:32-44; Luk 23:26-43; Yow 19:17-27)

21Yo n chi we w̄are k̄iyikade, n chi a tekan n ti Simun naba Sairin, n te Aleksanda n ti Rufu. N chi a yo ni wu m̄in k̄it̄iyang bwangi k̄ing ko a d̄au.

22N chi a yikani k̄ini Yesu a finu n̄ibu k̄iyalu ko Kolkota ka nang chikiye finu a kasire.

23We fiko n̄ibu a ni k̄in mwe yinabe a se ti mur. Aya a ko a nobu.

24Yinu n chi a kuka k̄in we k̄it̄iyang bwangu. N chi a keran luketi kiyu, n chi a ma sut̄iku we bwiti chiyu ko ke chi yim, k̄it̄ime wu n kawure ka yade.

25N chi a kuka k̄ini s̄in yo k̄iswi a awa turkuba.

26N chi a mwal k̄ile wu n chi a yo Yesu m̄ine we di a k̄it̄iyang bwange ko, “Mai N̄IBU YAFUDAME.”

27N chi fal a kuka k̄in ware n ti dab̄ikuumi burau, wu wiine a kang k̄iyilang kang, yinu wukane a kwatakwelang kang.

28Ȳam Kwamamu a ri, b̄ibu a fwa ko, “A ki k̄in a n̄ibu b̄ibwilam.”

29N̄ibu k̄isudu we fikomu k̄i sw̄aba k̄inu k̄ifwara k̄im̄in ȳami yi kwani, n kawure k̄im̄iku duri ko, “Kwele, m mun wu mwang wur Kan Kwaman mwang mut̄inu we diti yittange,

30mwang yu dur munu n suwe kaang.”

31Yinu t̄int̄ine, wuduwe fansetiyemu n ti n̄ibu yungku yil̄in̄imu k̄ifit̄at̄i k̄inu ko, “A yu b̄ikamu, a yimbu yu yikiyu.

32M mun Masiya suwe k̄ik̄angu. Suwe Mai Yisrela we k̄it̄iyang bwangu, ke n̄in yim n̄in ke b̄iyil̄imu.” Dab̄ikum̄u n̄ibu a kuka ware n ti k̄in̄imu, a le k̄ifwarat̄i ȳami yi kwaniyu.

Bwa Yesuwe

(Mat 27:45-56; Luk 23:44-49; Yow 19:28-30)

33Yo tibe kuko a lame, k̄iliye a yinge t̄imi kwang a lam̄int̄i yo k̄iswi a awa yitta wu menge.

³⁴Yo k_iswi a awa yitta a lame, n Yesu a kuku keru k_ini dukan a yi ko, “Eli Eli, lama sabatani?” Kanang chikiye “Kwama mi, Kwama mi, d_ine wule mwang mariye?”

³⁵Yo b_ibu we fikomu a nwenge, a yi ko “T_inwe, k_iyale f_aku Yiliya.”

³⁶Wuka we tibe chi a wul a d_au soso a d_iku we mwe yinabe wu b_wangb_wange, yinu a d_au k_itwalang k_ikwale a kuku soso k_in a d_iku k_im_in we yi. A yi ko, “T_iyam ni d_angdu ka n Yiliya we beka yu k_ine.”

³⁷Yinu n Yesu a bwe wi k_ini keru dukan yinu a bwa.

³⁸Wule luke wa Kan Kwamana Wurchalimane, a ngiran bal_intii turau, a mwe we dii a fwe t_ina bale t_ime.

³⁹Yo tikake n_ibu kun_inmu k_ima tok_imu, wa t_iya kakku Yesungu a ku yinangu a bwange, a yi ko, “B_iyil_im, ni wu Bwe Kwama!”

⁴⁰B_ikamu nat_ibu we fiko a tiye kutan k_id_ang chi k_if_weditu. M Maryamu wu a Mak_adala n ti Salomi n ti Maryamu ne Yakubu wut_ire n ti Yose.

⁴¹Yo n k_in we Kalili, nat_im b_ibu a nabu k_in k_imaka k_inu k_ini chabt_itu. B_ikamu nat_ibu nabwen b_ibu a bungan n ti k_in t_in we Wurchalimamu wetuwe fiko.

Furem Yesum

(Mat 27:57-61; Luk 23:50-56; Yow 19:38-42)

⁴²Diko di sabwi n_ibu Yafudam, k_ini me n_ibu k_ido bwi d_ine Dif_ikare n_ibu Yafudamu a mwatan ka mwedu.

⁴³Wuka nii we wu d_in k_inu n Yusufu Arimatiya, n k_in we n_ibu k_ini k_isiyangmu we kw_al yil_inu, wu n k_in k_iyandu yo Yaa Kwama ka bede, a ya bwa d_iB_ilatu a ne tayi we, a b_iu ko a ni k_in kw_ame Yesu we.

⁴⁴M B_ilatu a k_at_an yinangu a nwe ko n Yesu a tu a bwangu. N k_in a yale tikake naba kune a b_iu ko n Yesu a bwa a ma k_itwalanga?

⁴⁵Yo n k_in a nwe we yi naba k_ir_ang_e ko a bwange, a ni Yusufu da ko a ya fur kw_ame.

⁴⁶Yinu n Yusubu a t_ane luke fureme wu mwemwe, yinu a s_ike k_in we k_itiyang bwangu, a dal k_in we luke mwemwe, a d_iku a furu a sw_aba kwaminu. A b_ile ne tii kale a f_irtuwe yaku furangu.

⁴⁷M Maryamu wu a Mak_adala n ti Maryamu ne Yose a ku fi a fur_in k_ine.

Markus 16

N Yesu a kun we furu

(Mat 28:1-8; Luk 24:1-12; Yow 20:1-10)

¹Yo difikare nibu Yafudam a suwe, m Maryamu wu a Makadala n ti Salomi n ti Maryamu ne Yakubu a tane kinung furem, ke chi wa kwame Yesu min.

²We di wu kake we difikare, kini sin kidangu dii a yongu, n chi a yawe furu.

³We ware n chi kitwayadu ko, “N wure ka maka ni ka bil kale we yaku furinu?”

⁴Aya yo n chi a lam fikonge, a dang furu aya nabwe ti kale a bilen we yaku.

⁵Yo n chi a le fure, a ku wukane bwele a swe a bale kang kiyilange, kini luke mwemwe we bwi kiyu, n chi a nwe tayi nabwen.

⁶Yinu nii wu a yi chi ko, “Tinwedu tayuwe, m yim tiba Yesu Banasarete wu nibu a kukane? A newe finu, a kun, Tidang fi a no tin kine nang wu.

⁷Aya tiyikan tifwa miyarim kimu min n ti Bitir tiko n Yesu a kakku chang kiyika Kalili, ta ku kinu a bwako, yinangu a fwa chiminangu.”

⁸Natim bibu a chir we furu kana banani, n kawure bwiyu kiyiu yilang dine taye a ne wu kifwa yame we. Yinu chi a fwa Bitir min n ti nibu kimu a kutengu n Yesu a tum chin we fwitinetingu.

N Yesu a yung dur kinu a diMaryamu

(Mat 28:9-10; Yow 20:11-18)

⁹[Yo n Yesu a kun we fure kini kunsin we difikare nibu Yafudame, a mwe a tekan n ti Maryamu wu a Makadala a chaku kimin kifibti yidibine.

¹⁰Naye wu a yikan a ya fwa bibu no n chi waremu min, a ya n chi a le furi kilin kini wiini.

¹¹Aya yo bikimu a nwe naye a yi ko kiku Yesu kini tikuriye, n chi a kebu biyilimu.

N Yesu a yung dur kinu a miyarimi burau

(Luk 24:13-35)

¹²A kuteng kiku n Yesu a fwadu miyarim kimi burabu mintuwe kini wuka kabu, yo n chi a chire kiyika bine.

¹³Bibi burabimu a kilan, a ya fwa bikamu mintin. Aya a lanta kikan n chi a kebu biyilimu kini yam bibu.

Nangangu n Yesu a ni miyarim kimangu

(Mat 28:16-20; Luk 24:36-49; Yow 20:19-23; Nfa 1:6-8)

¹⁴A kuteng kiku n Yesu a yung yikiyu a kakku miyarim bibi kub chiri winimu yo n chi yakı chau chabte, a wela chi dine kwalan keku biyilimang chiyange, n ti nitu chiti kingkingi titu a yo n chi a kebi kini bibu a fwa chimin yam kunku kangimitu.

¹⁵A yi chi ko, “Tiya titiniti kwang, timwa nibu min yam bilim mimi kwang kasi no fire.

¹⁶Kanang wuwule niye wu a ke biyilime, a mati batisma ka ya yuku. Aya wu a ko keku biyilimange ka twiyadu kwako.

17T̄imwalitu ka nabu n̄ibu a ke biyil̄im̄imu: N chi ka chaku kif̄ibt̄i a d̄in m̄in. N chi ka fwa yamu k̄ini yiini yifwi.

18N chi ka tau sootiyu k̄ini f̄ali chi. Ka n chi a no ȳineng k̄iku n̄in bw̄adi k̄inangu, a ne ma chim̄in chi. N chi ka yo f̄ali chiyu we bwi naba burangeyu, ka ya bek̄iku.”

N Yesu a f̄il bwa diye

(Luk 24:50-53; Nfa 1:9-11)

19We kuteng k̄iku n Tewuduwe Yesu a fwa chim̄in yam̄ b̄ibangu, yinu a d̄au k̄in a fil̄in bwa diye, a swe a kang k̄iyilang Kwama.

20Yinu miyar̄imu a chir, k̄ima d̄imwaru ka nang file, n Tewuduwe we ware n ti chi, k̄iyung biyil̄im̄ yam̄ chimu we a chi k̄atak̄itu n chi k̄imaditu.]

Luka

Luka 1

Yam bilim a di Luka

¹Nii wuduwe Tiyofila, nibu nabwen a funtibwi ko chi mwal chitu a fwe we tibe chire.

²N chi a mwal chi nang nwe we nibu bibu n chi a ku kini nui chiitu we tile birke, n chi nang fanseti biba fwa nibu min tin yam kimimu.

³Dine yiko, nii wuduwe Tiyofilu, m min m mifwan, n tal yam Yesumi daan we tile birke, n dang a le mang mwal minu kangu dakanangu.

⁴M ma yiko ke n yim kasi biyilimu yam we ka titile yinang ka nibu a miya minengu.

Nibu a fwa bibe Yowana naba batisma

⁵We kidangu m mai Yiridu kichau matin Yafudiya tangu, wuka we fansetiyu, din kinu n Sakariya, wu a chire a balang Fanse Abisa. Din nelokonu n Alisabatu, n kin a chirte tin a kikuwang biu Arunang.

⁶N chi kini burako, a ma da wu yile yinang kangu n Kwama kibadangu. N chi a buntiyilin Tewuduwe n ti datiyu a dakaniyu.

⁷Aya n chi a ne bwe we dine Alisabatu kitwane, n kin ti kwartako n Sakariya a karani kuu.

⁸Wuka kidi n Sakariya kima nanga we Kan Kwama na Wurchalimanu.

⁹We da wu a fansetiye, n chi a sutu Sakariya ke a le mure kan Tewuduwe a twi kinung kiki firfirang.

¹⁰We kidangu n kin kitwi kinung kiki firfirangu, nibu a mura na filang kitwaba buni.

¹¹Naba ditumbire Tewuduwe a fwe Sakariya mintuwe, a bale kang kiyilange we see we fi kitwing kinung kiki firfirange.

¹²Yinangu Sakariya a ku Naba ditumbirengu, nir kinu a tiren, tayi a tau kin.

¹³A ya Naba ditumbire a yi ko, "Nwedu tayi we Sakariya! N Kwama a yiu twabaki mwangu, n ne lomo Alisabatu ka biu min bwe. Mwang chau kimin dinu n Yowana.

¹⁴Ka a biu kine, mwang ma furi mwen n ti timilantu yinang, nibu nabwen ka ma timilantu n ti chin we bibeko.

¹⁵Bwe wu ka kau ni wuduwe we kakku Tewuduwe. A ne no mwe yinabiye aya ka ridu kini Fikim Kwamam.

¹⁶N k_{in} nang wu ka yo n_{ibu} Yisrelamu ka k_{ila} bwa Tewuduwe Kwama.

¹⁷N k_{in} ka tu Tewuduwe we bek_{iku}, n k_{in} kanodi k_{ir}ing k_{ini} dukan F_{ik}im yinang Yiliya, n k_{in} ka bedu k_{ini} fiswe l_{im}ange we tibe bwes_{ime} n ti tebu chimu. Ka yo b_{ibu} k_{iko} Kwamamu ka k_{ila} w_{are} wu b_{ibu} n_{iri} din_{imu} a tabe, ka do n_{ibu} ke a yiu Tewuduwe.”

(Mal 4:5-6)

¹⁸N S_{ak}ariya a yi naba d_{it}umb_{ire} ko, “Mang medu, mang yindi yire mi t_{itu} biyil_{ime}? M m_{in} mang k_{aran}, yinu nayemi a k_{ar}at_{ine}.”

¹⁹Naba d_{it}umb_{ire} a ke ko. “M m_{in} nang chibrelu wu m_{in} tidu a kakku Kwamange, n k_{in} a tuiye ko n fwam_{in} y_{am} b_{il}imu.

²⁰A ya mwang kebu y_{am} m_{imu}, wu ka kau biyil_{ime} we yo k_{is}wi ko a lame. D_{ine} mwang kebu biyil_{ime}, a ne mwan yim fwa y_{am}, ka lam_{int}i di bw_{ak}i mangu ka ride.”

²¹We k_{is}wi wuko, n_{ibu} a swe k_{iyam} S_{ak}ariya ka chiredu, n chi k_{ik}uradu ko, kano nii wu k_{ima} wule wu k_{it}ikadu we mure Kan Kwamane.

²²Yo n k_{in} a ch_{ire}nge, a yimbu fwa chi m_{in} y_{am}, n_{ibu} a swaan ko kano ni wu a tekan n ti naba d_{it}umb_{ire} we mure kane, d_{ine} n k_{in} k_{is}we chim_{in} y_{ami} f_{al}ang a yimbu fwadu.

²³Yo diti nangang kangu we Kan Kwamanu a riye, a k_{il}at_i lo.

²⁴We kuteng k_{iku} a dam_{ini} bayimangu, neeloko n Alisabatu a ma lur, a lai dur k_{inu} swarti tunu a chirebu we lo.

²⁵Alisabatu a yi ko, “N Tewuduwe a makai, n k_{in} a twiremi t_{im}wenitu, a ne ni ka sw_{ab}a m_{ine} we.”

D_{im}war a b_{ibe} Yesune

²⁶We sw_{angi} turukunangu, n Kwama a tume Naba d_{it}umb_{ire} ko wu d_{in} k_{inu} n Chibrelu a bwa Nas_{are}te, d_{idu} a yaa Kalili.

²⁷A tum k_{in} a d_{ikan} fw_{an}, d_{ida} bw_{au} fat_{in} n ti Yusufu, wa k_{if}iku Mai Daudange. D_{in} fw_{an}inu m Maryamu.

²⁸Yo naba d_{it}umb_{ire} Kwama a be bwa d_{ik}ine a yiko, “L_{ime} a swe ti mun, n Tewuduwe we ware n ti mun, a yo m_{in} t_{id}elaku.”

²⁹Yinangu m Maryamu a nwe d_{isiir} d_{id}angu, chitu a bwa k_{in}, k_{ik}uradu ko kanodu d_{isiir} wulen d_{idu}.

³⁰Naba d_{it}umb_{ire} a yi k_{in} ko, “Nwedu taiyuwe, Maryamu, n Kwama a yo m_{in} delaku.

³¹Ya mwang ma lur, mwan b_{iu} bwe, mwan chau k_{im}in d_{inu} n Yesu.

³²N k̄in ka kau ni wuduwe, t̄int̄ine n k̄in Bwe wa la chi kwange. N Tewuduwe Kwama ka ni k̄in mat̄intu yinang kangu tuke k̄in n Dauda a mangu.

³³N k̄in ka ma mat̄intu we lo Yakubu we k̄idiya kwadu, t̄im Yisrelamu k̄idiya kwadu, Yaa ko a ne riduriye!”

³⁴M Maryamu a yi Naba d̄itumb̄ire ko, “Ka medu yire k̄ichitu wu ka fwede, k̄ik̄angu mang daanbuwe n ti niyangu?”

³⁵“Naba d̄itumb̄ire a ke k̄im̄in ko, F̄ik̄im ka bedu a d̄imune, dukan Kwamanu ka sum̄inu. D̄ine yiko, Bwe wu mwang b̄idde wuduwe wu wawade, ni yal k̄inu Bwe Kwama.

³⁶Ko no nang kemo Alisabatu, k̄itw̄ane a ne b̄iu bwes̄ime, a ma lur swarti turukun, kasi k̄iku a k̄ar̄anangu.

³⁷A ne chitu k̄ibwa Kwamatu we.”

³⁸Maryamu a yi ko, “M m̄in k̄abe Tewuduwe, n ke chi mwang fwaatu a fwe yiko.” Yinu naba d̄itumb̄ire a du k̄in.

M Maryamu yaka siye Alisabatu

³⁹Yo a r̄iket̄ini baȳime, m Maryamu a funt̄ibwi, a ya b̄in d̄ida bangri Yafuda.

⁴⁰We bwako n k̄in a le lon S̄akariya, ka si Alisabatu.

⁴¹Yo Alisabatu a nwe d̄isiir Maryamune, bwe a fur k̄ine, a f̄akt̄a bwi. Alisabatu a rii k̄ini F̄ik̄im Kwamamu.

⁴²N Alisabatu a kuk̄i keru dukan ko, “k̄imwangu delaku a la k̄ika nat̄ibangi kwang. Delak̄iku we bwe wu mwan b̄idde.

⁴³“M m̄in, n wure, wu mang ya chi t̄idui t̄ite, wu ne Tewuduwe ka be miye sirame?”

⁴⁴Yo mang nwe ker d̄isiir mune, bwe wa fur m̄ine a f̄akt̄abwi k̄ini t̄im̄ilan.

⁴⁵N ya delaku d̄ine mwang ke biyil̄imu mwi chi n Tewuduwe a bw̄au ka ma m̄inditu ka fwedu k̄ikumang!”

M Maryamu a kau Te delake

⁴⁶M Maryamu a yi ko, “M̄in dela Kwama Tewuduwe we n̄ir m̄inu

⁴⁷N̄ir m̄inu a rii k̄ini t̄im̄ilantu nabwen d̄ine n Kwama Tewuduwe naba yukemi,

⁴⁸d̄ine n k̄in k̄ikur m̄inu, wut̄ire k̄abeko! A ne f̄iruf̄ire, we bwa kake kutiyu kwang kan̄in yidu ko Kwama a dela m̄in.

⁴⁹“A fwe ying d̄ine n Kwama naba dukane kwang, a ma chi t̄idui d̄ine m̄in, n k̄in t̄in wu wauwade.

50 N k̄in k̄inwe k̄ibune n̄ibu k̄inwe tayi kiyimu we t̄ikalani yinang ka sakim̄inangu.

51 “N k̄in k̄ima chitu nabwen k̄ini dukan f̄ali kiyu. N k̄in a yai n̄ibu k̄ikukku dutu chit̄imu n ti b̄ibu kiyungdu ko n chi, chi la chiti kwangimu.

52 “A chaku mat̄im b̄iduum we s̄angka mat̄in chite. N k̄in a ya b̄ibu n̄ibu k̄iswab̄ad̄imu a ni chi dwiyentu.

53 “N k̄in a ni b̄ibu chun k̄ibud̄imu l̄ime. Aya n k̄in, a yo kul̄imu k̄ini f̄ali kwako.

54 “N k̄in a maka k̄abe yisrela, yinu a tab̄ibu k̄inwe k̄ibune chi,

55 we d̄i Yibrayime n ti d̄ikur lon k̄inu k̄idiya kwadu.”

56 Maryamu a swe ti Alisabatu swarti t̄itta, yinu a k̄ila loko.

B̄ibe Yowana naba Batisma

57 Yo k̄iswi b̄ibe Alisabatu a lame, n k̄in a b̄iu bwe kwarta.

58 Fat̄ibu k̄imu n ti kebu k̄imu a nwe chi k̄atak̄i tiyilitu n Tewuduwe a ma we d̄ik̄inetu, n chi a ma furi mwemwen n ti k̄in.

59 We di wu nar̄ibe, n̄ibu a be ka bii bwe m̄in laaru, n chi a no k̄ibaddu ka chau bwe m̄in d̄inu ko s̄akariya, d̄in tek̄in̄in.

60 Aya n ne k̄in, a yi ko, “Ngango! ni yal, d̄in bwenu n Yowana.”

61 N chi a yi k̄in ko, “Aya a ne ni a chau d̄in d̄ide we k̄ikuwang chiyangu!”

62 Yinu n chi a swe te bwem̄in, ko a fwa chim̄in yinang ka ni yal bwengu.

63 S̄akariya a swe chim̄in ko a be k̄ini chi mwalki yinu a mwal, “D̄in bwenu ko Yowana.” T̄ita yar̄ n̄ibu yii!

64 B̄inab̄ina yii S̄akariya a wuden, n k̄in a le k̄i dela Kwama.

65 T̄ita kau n̄ibu m̄in chi tayi we f̄ilangu, yam̄ b̄ibu we chitu a fwetu a t̄iran we a kun d̄ida yaa Yafudiya mi kwang.

66 N̄ibu b̄ibu a nwe yam̄ b̄ibu k̄ifwadu ko, “Wu k̄idum bwem kanodu beka kau wureni?” N chi k̄ifwadi ying, d̄ine dukan Tewuduwe n we n ti k̄in.

N S̄akariya a ma fakui

67 Yinu n te k̄in, n S̄akariya, a ri k̄ini f̄ik̄im Kwamamu, a ma f̄akuitu ko:

68 “Ni dela Tewuduwe, Kwama wa Yisrela! N k̄in a be ka maka n̄ibu k̄imu ka tuti chidu we k̄abitu.

69 N K̄in a tum ni m̄ine wuduwe naba Yuke, a k̄if̄iku Dauda k̄abeko.

70 Tiyangu n k̄in a fwa a yiini f̄akub̄ibu k̄imi wawad̄imu.

- ⁷¹A yu ni we ƚali fakwarbu chiremu, n ti n̄ibi kwang b̄ibu k̄i ko chin̄imu.
- ⁷²N k̄in a fwa ko ka nwe k̄ibune takebu chiremu yinu ka kuru k̄ini d̄itwamb̄ir bwak̄in.
- ⁷³Didu nang d̄itwamb̄ir didu a ma n ti take chire Yibrayime.
- ⁷⁴A yuni we ƚali fakwarbu chireme ke ni si Kwama a ne tayi we,
- ⁷⁵k̄ini wauwade n ti yile we diti chireyi kwang.
- ⁷⁶“M mun bwemi, mwang kau ƚaku Kwama wuduwe. Mwang ti Tewuduwe min kakku, mwang do w̄are d̄ine bek̄i kangu.
- ⁷⁷Mwang mwa n̄ibu k̄imu min̄u tiyangu n chi ka ya yuk̄iku, we duku k̄ileti chiyu.
- ⁷⁸D̄ine we k̄ibune Kwama, wuka ni ka chiredu yinang yo kuko k̄if̄ilede, a bwa diye beka yii nidu.
- ⁷⁹N k̄in ka yii n̄ibu b̄ibu k̄iyadu a k̄ilyemu n ti b̄ibu a swe a yii bwamu. N k̄in ka yadu k̄ini ch̄ini a w̄are da wa l̄imange.”
- ⁸⁰Yo n Yowana a dwiyene, a ri k̄ini dukan Fik̄iminu. N k̄in a swe, a d̄ikir, a lam̄int̄i di n k̄in a chirengi kw̄arikw̄ariye we n̄ibu Yisrelamu.

Luka 2

Bibe Yesuwe

(Mat 1:18-25)

- ¹We k̄iswi wuko n Kaisar Akustu a na yilang ko, n̄iba ki ka nang wuwule niye wu a t̄im Romammu, n k̄in k̄ichan mat̄in̄imu.
- ²K̄iku nang mweku k̄ikang, n̄iba ma yo n Kiriniyu, a tau bal̄ang k̄iku a Suriyange.
- ³Kanang wuwule niye a yika b̄in ch̄in, ko ke ya chi d̄ike d̄imbi chiitu.
- ⁴N Yusufu t̄in a chir we Nas̄aret wu a bal̄ang Kalili a yika Bet̄ilami wa Yafudiya, b̄in Mai Daudanu. N k̄in a ma yiko d̄ine n k̄in a chire a k̄ikuwang Mai Dauda.
- ⁵N k̄in a yika Bet̄ilami n ti Maryamu yaka d̄ike d̄inbi chitu. M Maryamu a tu a bw̄au fat̄intu n ti Yusufu, t̄int̄ine n k̄in a ma lur.
- ⁶Yo n chi a tibu du Bet̄ilamiye, luru a lam ka b̄idu.
- ⁷N k̄in a b̄iu bwe wu kake, bwe kwarta, a dal bwe k̄ini t̄ilukteni, a yo a chukir. D̄ine a ne kan we, didu n chi ka s̄ik̄ind̄inu.

N̄ibu tok̄im n ti n̄ibu t̄itumb̄irim Kwamam

- ⁸B̄ikam n̄ibu toku kwantim we k̄itwalang kaangu k̄ito kwanti k̄ini kum.

⁹Naba dītumbīre Kwama a chir chimīntuwe fwad, kīni dwiyen tītū a be kīn a Tewuduwe we fiko, a yīi tīmī kīchichi. Nību tokīmu a nwe tayi.

¹⁰Yīnu Naba dītumbīre a yi chi ko, “Tīnwedu tayuwe, m be chimīne kīni yām bīlīm Yām bīlīm bību ta ma furi mwen, dīne chīn n ti nībi kwang.

¹¹Diwu we Betīlami, a bīn Dauda, nību a bīu chimīn naba yuke, n kīn nang Masiya Tewuduwe.

¹²Chi kātakitū ta kuditu n tīu: Ta ya bwe kīlwi, a daal kīni tīlukteni, a yo kīn a chukīr dīdu kwanti kī chan chabtīn.”

¹³Bīnabīna, kwāl nību tītumbīri a dimu a fwete n ti naba dītumbīre, kīdela Kwama kīyīdu ko:

¹⁴“Dwiyentu n tīu Kwama wu a diye. We tītīnītu līmangu a swe ti bību n Kīn kīnwe kībune chimu.”

¹⁵Yo nību tītumbīrimu a du chi a kīla diye, nību torīmu a fwa we yichiyu ko, “Ni ya Betīlami yani dānge chi a fwetu, tītū n Tewuduwe a mangītu.”

¹⁶N chi a kwantīn a ya, a ya Maryamu n ti Yusufu n ti bwe wu n chi a tīu a chukīre.

¹⁷A kutengu n chi a kuwangu, n chi a fwa nību mīn chītu Naba dītumbīre a fwa a dur bwenītu.

¹⁸Nību a nwe yām bībumī kwang we nību torīme, a yār yi.

¹⁹M Maryamu a tabību chītu a fwetu. N kīn a chakakku kīma tīkurantu nabwen we dur kīnu.

²⁰Nību torīmu a kīlatī nachangu we kīni tīmīlan nabwen, kīdela Kwama kīni kīn dwiyentu we chi a nwe ti tītū a kuutu. Yīnangu naba dītumbīre a fwa chimīnangu.

Chakku dīn Yesunu

²¹We wu narībe di, wu a bīku laarange, nību a chau kīmīn dīnu ko n Yesu. Nang dīnu Naba dītumbīre Kwama a fwa yo a tību ma lur kīne.

Nīku Yesung a kan dīduna Wurchalimanu

²²Yo da chi wa nurake a suwe yīnang ka yīlīn Musangu a fwangu, n Yusufu n ti Maryamu a yīka Wurchalīma kīni bwe a se Tewuduwe.

²³N chi a ma yīng dīne yīlang Kwamangu a fwa ko, “Ka naye a bīu bwe wu kake ko, a ni Tewuduwe.”

²⁴N chi a ya, ke chi rī, chi yīlang a fwa we yām Tewuduwe. N chi a ka ma nīku kīni kīkubtīyi yurau ka kīluti yurabe.

²⁵We k_iswi wuko, a ya wuka nabani k_iswedu we Wurchalima, d_in k_inu n Simun. N k_in nii wu yile, wu k_ibuntu Kwama, n k_in k_iyandu ka kudu yinangu n Kwama ka tume naba yuke Yisrela, F_ik_im Kwamamu we d_ik_ine.

²⁶F_ik_im Kwamamu a yung k_in ko, n k_in a ne ka bwadu, a ya ka ku Masiya Tewuduwe.

²⁷F_ik_im Kwamam a twai Simun, a yo k_in a le Kan Kwamanu yo n Yusufu n ti Maryamu a be k_ini Yesu we fi ko, ko ke a ri k_ike yil_ine.

²⁸N Simun a kwar bwe we f_ali kiyu k_i dela Kwama ko:

²⁹Tewuduwe, k_abemo a ku bw_ak_i mwangu, yo t_ikuri mitu a ya l_i mang.

³⁰D_ine nui miyu a ku yuku mwangu.

³¹Yuku mwangu k_iku mwang do a kakku n_ibi kwangangu.

³²“N k_in yiiku we yikayu kuuti yinu, ka bedu k_ini r_ikaku we n_ibu Yisrelamu.”

³³Te n ti ne bwe, a y_ar yi d_ine taye we chitu n Simun a fwa a dur bwenitu.

³⁴Yinu n Simun a yo chim_in delaku, a yi Maryamu ne bwe ko: “N Kwama a chake bwe wu d_ine ka kau chi yarki we b_ikamu n_ibu Yisrela. N k_in ka kau d_imwal a d_iKwama d_idu n_ibu nabwen a ne ked_in.

³⁵We yiko n Kwama ka kw_al t_ikuran n_iri kawuretu. T_itu ka yoni kayan n_ire yinang yo kul a kur_in a n_ire.”

³⁶Wukane f_aku Kwama we, d_in k_inu n Anatu. N k_in fw_an Fanuwel_in, wu a k_ikuwang Acher. N Anatu f_aku, n k_in a ma sw_atu t_idibin we k_inako.

³⁷A tatuwe k_idangu kwartako a bwangu, n k_in a swe nabunitu sw_at_itu wan nar_ibu chiri taana. N k_ini kwad k_iya Kan Kwamanu k_i sii Kwama k_i tw_ab_at_i bunitu kum ti kuko, wuka yo k_ima dimwen, yo k_itw_ab_a buniye.

³⁸We K_idang kangu n k_in a k_ire k_idwan we fi a d_iYusufu n ti Maryamuwe, a wana Kwama d_ine b_ibe Yesuwe. N k_in a fwa n_ibu k_iyam yuku Wurchalimamu m_in y_am b_ibu.

³⁹Yo n Yusufu n ti Maryamu a ri chitu yilang Tewuduwe a fwaate, n chi a k_ilate Nasaret b_in ch_inu a yaa Kalili.

⁴⁰Bwe a dwiyen, a ma dukan, k_imiyadu, ka ridu k_ini kassantu nabwen. L_ime Kwama we ti k_in.

N Yesu, a mure Kan Kwaman

⁴¹Kanang d_id_ile sw_are, te n ti ne Yesuwe, k_iya Wurchalima d_ine Yiye Yabake.

⁴²Yo n Yesu a lam sw_at_iti kub chiri turabe, n chi a yika Yiye, yinang ka da chi wem_inangu.

⁴³Yo Yiye a riye, Yusufu n ti Maryamu a tau ware kíkila lo, a yimbu ko chi duwe Yesu we Wurchalima.

⁴⁴N chi a dau ko kanodu n we kınabu chiyedu n ti nıbu, n chi a di kuko diko a kana yayu, yinu n chi a mwe kıbabba kınu we tibe kebu kımu n ti fatıbu chimu.

⁴⁵Yo n chi a kubı kine, a kılati Wurchalima we kıbabbadu we bwako.

⁴⁶N chi a ya kın, a di wu yitta, a swe a Kan Kwaman, a swe ti nıbu yungkimu, kınwe chidu, kıma chiminti tıbidiritu.

⁴⁷Nıbu kınwe kınimi kwang, a yar yii we yingkiu bwe yi kınangu n ti kangu kını dikilin yinangu.

⁴⁸Yo n Tekin n ti nekin a ya kine, a yar bikimu yii. N nekin we fiko ko, “Bwemi, a mayire mwang ma niniye? M min n ti temun nin babbanedu.”

⁴⁹Yesu a kinta chi ko, “Wule yo tıbaba mine? Ta yinbu tiko m min, mang swedu a lon Temiya?”

⁵⁰Aya n Yusufu ti Maryamu a swaanbu chi bwe kifwaditu.

⁵¹A kuteng kiku, n kın a kun a nabu chi a yika Nasaret ware, a kwilabu chi. N ne kın a le kıkura yam bıbu.

⁵²N Yesu a dwiyen we bwiyu n ti tikuran tiyilitu, n Kwama n ti nıbu kımila kını.

Luka 3

Dımwar Yowana Naba Batisma

(Mat 3:1-12; Mar 1:1-8; Yow 1:19-28)

¹We swar didi kub chiri tunu didu n Tiberiya Kaisar wu kichau matın a Romamu, kідangu m Babuntu Bilatu kwabna Yafudiyangu, n Yiridu nang wu kichau matın a Kalili ye, ke ko n Filibu kichau matın Yituriyatu n ti Tarakunita. Tintine, Lisaniya kichau matın Abilenes,

²We kідangu Anana n ti Kayafa tikaketi fansetiyu, n Kwama a fwa yam n ti Yowana bwe Sakariya we dikiru.

³N Yowana a le ka nang wuwule fiye we tim chimu, a kana laa Wurdunu, kimwa nıbu ko, “Tıwo kitim, tıma batisma ke n Kwama a du chimın kileti chiyu.”

⁴Yinang ka a mwal we tikwalıyi faku Yichaya ko, Ker niin kıma dımwar we dikiru ko, “Tıdo nıtu chıntu ke Tewuduwe a be swe we, tıma nangang kiyilang.

⁵Kanang wuwule la ka ridu. ka nang kıkile bange ti kunitu ka dadi wam. wari yi kanariyu, ka yadi der. Wari yi chakili chakiliyu ka dadi twai.

⁶Kuu tıme kını kwang ka ku yuku Kwamangu.”

⁷N Yowana a yi muraki n̄bangu kibau kinu ka ma chimin batisamu ko, “N tin bikwanim, yinang soti yi kwaniye! N wure a rung chine, ko tiwul min we kifwini Kwama kibede?”

⁸Tima nangang kiku ka yungdu tiwo kitimang. Tiyidu tiko n te chin nang Yibrayim, n nini wauwadu. N Kwama kini dukan kasi no nang kali yiyu, ka yodu ka kau Yibrayim min Bwesim.

⁹N Kwama a tu a do bwi ka swita tini we kiyineng tiyang kangu ka fwalu a tim. Ka n chi a kilabu a duwebu kiletaye, n Kwama ka wela chidu nabwen, yinang ni wu kiswita tini yiyu a tubuchiyu kitwida kirange.”

¹⁰Nibu a bju Yowana ko, “Yoye nang ma wureni wu ka yung duku kiletiyange?”

¹¹N kin a kinta chi ko, “Ka nii kini lukei yurabe, a keran n ti wu a newe kine. Yinu nii wu kini chabte a maka wu a newe kine.”

¹²Nibu kiyiu sangkalimu a be kibaddu ka ma batisma, n chi a bju Yowana ko, “Naba yungke, yoye nang ma wureni, ka yungdu nin wo kitime?”

¹³N kin a yi chi ko, “Tiyiddu sangkal didu a la yilangnu we.”

¹⁴Bikam nibu kirangmu tintin a bju ko, “N nin tin nang ma wureni ka yungdu nin wo kitime?” N kin a yi chi ko, “Tiyidu kambiru we nibu kini dukan, timwedu tikwanituwe a dur niin, tima bwanu kini chi nibu kife chine.”

¹⁵Nibu kiyam beku Masiyamu, n chi kikamadu ko ka kano n Yowana nang kine.

¹⁶N Yowana a yi chi ko, “Min ma chimin batisma kini mwe, aya wukani kibedu wu mang mwatanbu chi n ti kine, mang lwebu mang chuku kiwami kiyu, wu dwiyen kitu a su titu nibu ka swe minu warete. N kin ka ma chimin batisma kini Fikim Kwamam n ti kirang.

¹⁷N kin kibedu kini swaye ka chaku biyilimu nibu we bibwilamu, kanodu yinang yo nii kichaku kinuti a furi chaam n ti tui kiye. Ka yo biyilimu nibu a fi wu yile, yinang ka nibu kiyang kinuti baliyang. Aya ka ni bibwilamu riye yinang ka nibu kitwi furitu n ti tuitu a kirang kiku a dumebudumene.”

¹⁸N Yowana a ma nangangu kini wariyu nabwen, ko ke nibu a swaan, a yiu yam bilimu.

¹⁹Aya n kwabna Yiridu wu n Yowana a wela kin dine a dau Yirudiya, naye ke ko n ti tikantu chi titu n kin kimadu a lebite.

²⁰A kuteng kiku, n Yirudu a su bwila, a yi nibu ko a tau Yowana a mar a dibintil, nibu a matin.

Batisma Yesuwe
(Mat 3:13-17; Mar 9:11)

²¹Aya yo n Yowana a tibu le dībintīle, n kīn a ma nību mīn bātisma, yinu a ma Yesu mīn tīn. Yo n Yesu a le twābā ke, di a wuden.

²²Fīkīm Kwamam yinang kīkūbe a sub we dur Yesunu, yinu dīkan ker a chire a bwadi ko, “M mun nang bwemi, wu mang mīlane, mīn nwe tamang mwangu yinange.”

Kīkuwang Yesung

(Mat 1:1-17)

²³Kīdangu n Yesu a mwe nangang kangu, a ya swātu kitu wan tīta. Nību kīyal Yesu ko bwe Yusufuwe, n Yusufu, bwe Yeliye.

²⁴Yeli bwe Mattat, bwe Lawi, bwe Malki, bwe Yana, bwe Yusufu,

²⁵Matatiya, bwe Amos, bwe Nawum, bwe Asaliya, bwe Nachaya.

²⁶N nachaya bwe Maata, bwe Matatiya, bwe Chimeyen, bwe Chosek, bwe Yafuda.

²⁷Yoda bwe Yonana, bwe Refaya, bwe Sarubabel, bwe Chatila, bwe Neri,

²⁸N Nīri bwe Malki, bwe Adi, bwe Kosama, bwe Almada, bwe Er.

²⁹N Yer bwe Chochuwa, bwe Yeliyeseer, bwe Yorim, bwe Mattat, bwe Lawi.

³⁰N lawi bwe Simiyon, bwe Yafuda, bwe Yusufu, bwe Yonam, bwe Yeliyakim.

³¹N Yeliyakim bwe Malaya, bwe Mainana, bwe Matata, bwe Natan, bwe Dauda.

³²N Dauda bwe Yesse, bwe Obed, bwe Bwas, Bwas bwe Salmon, bwe Nasun.

³³N Nasun bwe Aminadab, bwe Aram, bwe Yesruna, bwe Feresā, bwe Yafuda.

³⁴N Yafuda bwe Yakubu, bwe Yichaku, bwe Yibrayime, Bwe Tera, bwe Nangor.

³⁵N Nangor bwe Seruk, Seruk bwe Reyū, bwe Felek, bwe Eber, bwe Chela.

³⁶N Chela bwe Kenan, bwe Arfacha, bwe Chem, bwe Nufu, bwe Lamēk,

³⁷n Lamēk, bwe Metusela, bwe Yenok, bwe Yareb, bwe Malalel, bwe Kenan.

³⁸N Kenan bwe Enosīk, bwe Chetu, Chetu bwe Adamu, Adamu Bwe Kwama.

Luka 4

Fwakware a swe Yesu

(Mat 4:1-11; Mar 1:12-13)

¹N Yesu a kīlawe la Chodan kīni Fīkīm Kwamamu a rii kīni chib. Fīkīm Kwamamu, a twāku kīn, a yikan dīkir.

²N Setan a swe kīn ditiyu wan taana we bwako. We ditiyu wan taanayu, n kīn a chabu chi, yinu a nwe chun we kuteng kīku.

³N Setan a yi k̄in ko, “Ka mun nang Bwe Kwama, yo kale wu a kau k̄idane.”

⁴N Yesu a k̄inta k̄in ko, “Ȳam Kwamamu a mwal ko, ‘Chi ka yu t̄ikuriye n ke ka chabtu.’ ”

⁵N Setan a tw̄aku k̄in, a yikan fi, a su, a la chiye, yinu a yung k̄in kutiyu a t̄it̄iniyu, a k̄iswi bayim.

⁶N Setan a yi Yesu ko, “Mang n̄in mat̄in kitu n ti dwiyen kiti kwang. Kul̄in d̄idu a faḷang mang, ni mang ke, mang nidu ka tadu.

⁷D̄ine yiko, ka n sung, n siiye, mang n̄inu, mwang tadu.”

⁸N Yesu a k̄inta k̄in ko, “A mwalmwale ko, ‘N Kwama Tewuduwe nang naba siike, ni sii k̄inu n k̄ikun.’ ”

⁹Yinu Setan a yikani k̄ini Yesu a Wurchalima, a ti a fi wu sw̄ame, we Kan Kwamanu, a yi k̄in ko, “Ka mun nang Bwe Kwama, kun we fi, ri a t̄im.

¹⁰Ȳam Kwamamu a fwa ko, ‘N Kwama ka yi n̄ibu t̄itumb̄iri k̄imu ka a koonu ke nwedu burang we.

¹¹N chi ka koonu we faḷi chiyu, ko ke n nwedu burang we kasi no a nang.’ ”

¹²N Yesu a yi k̄in ko, “A mwal ko, ‘Swedu Kwama Tewuduwe mo we.’ ”

¹³Yo n Setan a ri sw̄ak̄aku Yesungi kwange, a yikan, a du Yesu, ka lam̄int̄i yo ka ya wuka da, wu beka sween k̄ine.

Yesu a mwe nangangu a K̄alili

(Mat 4:12-17; Mar 1:14-15)

¹⁴N Yesu a k̄ila K̄alili, dukan F̄ik̄im Kwamamu we ware n ti k̄in. T̄int̄ine, ȳam k̄imu a t̄iran we b̄intu t̄iduitu n ti t̄it̄iriti kwang.

¹⁵N k̄in k̄imiyadu we kambi muraku n̄ibu Yafudamitu, ka nang wuwule niye wu a nwe ȳam k̄ime, k̄iweru.

N̄iba ko Yesu we Nas̄ret

(Mat 13:53-58; Mar 6:1-6)

¹⁶N Yesu a k̄ila Nas̄ret bwa n k̄in a dwiye m̄ine. We dif̄ikare, n k̄in a le kan murak̄in n̄ibu Yafudame yinang ka n k̄in a mek̄imadi kwadangu, a kun ka kii ȳam Kwamam.

¹⁷N̄iba ni k̄in Tak̄ida fāku Yichaya. N k̄in a wudu, a ya fi, a mwal ko,

¹⁸“F̄ik̄im Tewuduwe we ti m̄in, d̄ine n K̄in a suti. Ko, n fwa n̄ibu m̄in ȳam bil̄im, N Kwama a tum m̄ine k̄ini ȳam b̄ibu, ke a chaku b̄ibu a le d̄ib̄int̄il̄imu. Ke k̄idub̄ibu a ku di. Ke b̄ibu k̄inwe riyemu a ya chirku.

¹⁹Ke n fwa n̄ibu m̄in mi, a ne ti ke, n Tewuduwe ka yu n̄ibu k̄imu.”

²⁰Yo n k̄in a ri kik̄ike a dal tak̄ida Kwama, a nit̄i wuduwe fanseti wu k̄ito kan murak̄ine we, a ya sweswe. N̄ibu we fikomu n kawure a kur ka nui k̄id̄ang k̄inu.

²¹Yinu n k̄in a yi chi ko, “Yam Kwamam b̄ibu a ri di, yinang ka t̄inwedi yangu.”

²²Kanang wuwule niye, wu a nwe yam k̄ime, a yar yi a fwa chi a dakane we dur k̄inu, d̄ine t̄ikw̄ali yiikitu ta l̄imangi. N chi k̄ib̄idu ko, “Wu n ke bwe Yusufuwa?”

²³N Yesu a yi n̄ibu ko, “N yim ta fwami yam sel̄ib̄im b̄ibu ko, ‘Nabari, be yimwiyu didiin, ke n̄in yim ko m mun nabariye,’ t̄int̄ine ta yi m̄inu tiko, ‘Mat̄i chi k̄atak̄itu we b̄in munu, yinang kangu nang nwe mwang ma we Kafanawu mangu.’ ”

²⁴Yinu n k̄in a yi chi ko, “A ne f̄aku Kwama n̄ibu ka yiddu kani yurau, a b̄in k̄ine we.”

²⁵“We biyil̄imu, nat̄im bun̄imu nabwen we Yisrela, we k̄id̄ang f̄aku Yiliyangu. We k̄id̄ang kangu, a ma swat̄uti t̄ita k̄ini swarti turukun a swibu mwe, a kuteng swat̄u t̄it̄angu, chun a ma t̄im Yisrelami kwang.

²⁶Aya, n Kwama a tumbu f̄aku Yiliya we nat̄im bun̄im b̄ibu ko wiin we Yisrela. N k̄in a tum, a kana nabune wiin, wa b̄in Serifan d̄idu a t̄im Sidon̄ine.

²⁷T̄int̄ine, we k̄id̄ang f̄aku Yelichangu, n̄ibu mw̄alimu we Yisrela nabwen, aya a ne wa ya beke we, ka n ke Naman naba t̄im Suriyam n k̄ikune.”

²⁸Kangu n̄ibu a nwe yam b̄ibu we kan muraku n̄ibu Yafudame, n chi a fwiren.

²⁹N chi a kun, a yo Yesu ko a du b̄inu. N chi a yikani k̄ini Yesu a bwa a kun d̄idu n chi a mun Nas̄aret̄inu. N chi a no k̄ibaddu ko, ya chi tungda, ke a bwa.

³⁰Aya n k̄in, a sabran, a letuwe tibe chi, a yikan.

N Yesu a chaku k̄if̄ibe wu bwila a bwi nii

(Mar 1:21-28)

³¹Yinu n Yesu a yika b̄in d̄idu kiyalu ko Kafanawu, d̄idu a ya Kalili. K̄imiyadu we ka nang wuwuwle dif̄ikare.

³²Miyaku kangu, a yar n̄ibu yii, d̄ine yam k̄imu k̄ini dukan.

³³Wuka nabani wu k̄ini k̄if̄ibt̄i wu bwila, we mure kan murak̄in n̄ibu Yafudamu, a kuku ker k̄inu dukan ko,

³⁴“Wa Yesu naba Nas̄arete! Lwanga mwangu wule we ti n̄in? Be mwang ch̄iu n̄ina? Mun wu wauwade wu Kwama!”

³⁵Yinu n Yesu a wela k̄if̄ibe wu bwila ko, “Lem̄in! Chirm̄in we nii wu!” K̄if̄ibt̄i a yo nii wu, a yar, a t̄im, a chir, we kakku n̄ibangu, a nwe k̄im̄inbu burang.

³⁶Yam b̄ibu a yar n̄ibu yi, n chi k̄ib̄ibe yichiyu we fiko ko, “B̄ibu k̄idum yam wulem b̄ibu? N k̄in kiyi k̄if̄ibe k̄ini dukan ko a chir, k̄ichir t̄in̄imu.”

³⁷Yam Yesumu, a t̄iran ka nang bw̄ale we yaa wuko.

N Yesu a be n̄ibu nabwen

(Mat 8:14-17; Mar 1:29-34)

³⁸N Yesu a chir we kan murak̄in n̄ibu Yafudamu, a le lon Simune. Nela Simune a bubuwe, bwiyu a sireni bud, we mure lo. Miyar̄im Yesumu a yi Yesu ko, a be naye wu.

³⁹Yinu n Yesu a ya, a ti kid̄wang n ti chi t̄dari kitu, a fwa ȳamu k̄ini dukan, a yo sireku bwiyan̄gu n ti burangu a du naye wu. B̄inab̄ina naye wu a kun, a sii chim̄int̄i chabtu.

⁴⁰Yo di a lenge, n̄ibu a be Yesu m̄ine k̄ini n̄ibu bur̄in̄imu, a bwinbu b̄ikam duum. N k̄in a yo chi m̄in fal̄angu, a be ka nang wuwule niye m̄in burangu.

⁴¹T̄int̄ine, a kakan kif̄ibt̄i, n chi a chir we n̄ibu nabwen. K̄ibwe keme ko, “M mun Bwe Kwama.” Aya n Yesu a dubu chi ko a wudu yii, a fwat̄i b̄ikam ȳam, d̄ine n chi a yim ko n Yesu Masiya.

N Yesu a chakakku k̄ini d̄imwar

(Mar 1:35-39)

⁴²Yo t̄imu a kwiyane, n Yesu a du b̄inu, a yika fi, a ne n̄ibu we. K̄ini yiko, n̄ibu k̄ibabba k̄ini chiku. Yo n chi a ya k̄ine, n chi a funt̄ibwi ka yo k̄inu a neka du b̄in ch̄inu.

⁴³Aya n k̄in a yi chi ko, “A mwintuwe mang fwa ȳam b̄il̄imu mi, n Kwama Mai we n̄ibu a t̄ikan b̄int̄imu t̄int̄in, d̄ine nang chi a yo n k̄in a tuyenge.”

⁴⁴Yinu n Yesu a yikan, a chakakku k̄ini d̄imwaru we kanbi muraku n̄ibu Yafudam t̄itu a yaa Yafudiya.

Luka 5

Miyar̄imu n Yesu a mwe swab̄imu

(Mat 4:18-22; Mar 1:16-20)

¹Wuka k̄idi n Yesu a ti, a kit̄iku la Sanes̄aretang, n̄ibu a mura kim̄intuwe k̄inwe ȳam Kwamamu.

²N Yesu a ku kw̄amb̄iri mwei yurau, yiyu n̄ibu k̄i t̄an ch̄ingi, a yo, a kit̄iku laang, yo a yak̄i nura dw̄akai chiye.

³N k̄in a le wuka kw̄amb̄ire mwe wu, n wu Simun Bit̄ir, a yi k̄in ko, “Sii kw̄amb̄ire mwe, le mwe, a dudu k̄it̄attake we nabwen. N k̄in a swe we Kw̄amb̄ire, a miya n̄ibu m̄in.”

⁴Yo n k̄in a ri yungke, a yi Simun ko, “Yika fi a k̄isulle k̄ini kw̄amb̄ire mwe, mar dw̄akamo we, ke n tau chingiyu.”

⁵N Simun a yi k̄in ko, “Nii wuduwe, kumi kwadu n̄in t̄irtadu we fi nang tabu chi. Aya d̄ine mwang fwa yiko, mang bunt̄i ȳam mumu, mang mar dw̄aka.”

⁶Kangu n chi a ma yikongu, n chi a tau chingiyu nabwen, yiyu a yo dwaka chi yakanin ngiradu kini chingiyu.

⁷Dine yiko, n chi a ma diyal we kebuchimu nibu taku chingi, a wuka kwambire mwe ko, a be maka chi. Bikimu a be, a maka chi, a ri Kwambiri mweyu kini chingiyu. Dine turenangu, kwambiriyu kisu mure.

⁸Yo n Simun Bitir a ku chitu a fweete, a sung we kakku Yesungu, a yi kin ko, "Tewuduwe, du min, m min naba kiletiye."

⁹N kin n ti nibu a fikomi kwang a yar yii, dine nabwe chingiyu n chi a tabiyu.

¹⁰N Yakubu n ti Yowana bwesim Sabadi fatibu Simun mu a yar yii tintin. N Yesu a yi Bitir ko, "Nwedu tayi we, bwa kake mwang nin bedu kini nibu ka bumitinin."

¹¹A kuteng kiku, n chi a chake Kwambiri mweyu, a yo, a kitiku laang, n chi a du kulini titi kwang, a bunti Yesu.

N Yesu a be naba mwaliye

(Mat 8:1-4; Mar 1:40-45)

¹²Kidangu n Yesu n ti Miyarim kimu a ya dikan binangu, wuka nii wu mwali a chau dukan kine, a be fi, a diKine. Yo a ku Yesuwe, a suba sungi tidumin, a wana kin ko, "Tewuduwe, ka mwang kede, n lwe mwang be burang mangu."

¹³N Yesu a tar falang kangu a twai ni wu, a yi ko, "N ke mang benu, ya limang n ya nurakiku." Binabina mwaliyu a du nii wu.

¹⁴Yinu n Yesu a yi kin ko, "Ya, fwa nii minu we, yung dur munu we fanseti, yang ma niku m Musa a fwangu, kiku a dakan we burang kikangu mwiko, n ya beku."

¹⁵Nibu biba nwe yam Yesumu a tir yamu, a yo nibu nabwen kibe bwana diYesuwe ko ke chi nwe yamu, chi yatı beku we burin chiitu.

¹⁶Aya wuka yo n Yesu, kiyika fanti yiya ne nibu weyu yakı twaba bunitu we.

N Yesu a be wu ngirmane ni

(Mat 9:1-8; Mar 2:1-12)

¹⁷Wuka kidi yo n Yesu a yakı ma miyake, bikam nibu Farisamu n ti nibu yungku yilin Musantu bibu a be, a kibi Kalili n ti Yafudiyamu n ti bin Wurchalima n we fiko a sweswe. Dukan Tewuduwe we ware n ti kin. A yo Yesu a be nibu burinimu nabwen we fiko.

¹⁸We kiswi wuko, bikam nibu a be kini wu ngirmane ni a chi tidari, n chi a ma, ka le lo, ka ni Yesu, ke a be kin.

¹⁹Yo n chi a yabu ware, dine nibu a ma nabwene. N chi a ku, a ne dawenge, a fil dii a kane, a wum swamu, a sike kin kini chi daritu we kakku Yesuwangu.

²⁰Kangu n Yesu a ku keku biyilimang chiyangu, a yi ni wu a bubuwe ko, "Bwale, n dumın kileti mwiyu."

21 Nibu yungku yilin Musantu n ti nibu Farisamu, n kawure a mwe kifwadu ti keko ko, “N wure kifwa yam swabanime? N Kwama, n kikon kini da, ka du niman kiletivu.”

22 N Yesu a swaan chi, n chi kikirade, yinu a yi chi ko, “A mayire tikuran chintu kitwang ware?”

23 Titile a la chi, titu a yi ko, ‘N dumin kiletita’, ka titu a yi ko, ‘Kun, ya yayu ta?’

24 N ke mang ma titu, ke tiyim ti Bwe Nii kini dukanu ka du nii min kiletivu we titinitu.” Yinu a yi nii wu ngirmane ko, “Min yanu, kun, dau chi tidari mwitu n yikan.”

25 Binabina nii wu, a kun we kakku nibangu, a dau chi tidari kitu, a yika lo, kidela Kwama.

26 Kanang wuwule niye we fiko a yar yii, tayu a tau chi, n chi a dela Kwama ko, “Diwu nin ku nangang Kwamang!”

Yesu a sutu Lawi

(Mat 9:9-13; Mar 2:13-17)

27 A kuteng kiku n Yesu a ku Lawi, wu kiyiu sangkale, a swe a kan sangkalin, n Yesu a yi kin ko, “Bumite.”

28 N lawi a kun, a du kanang titile chiye kini kwang, a bung kimin tin.

29 N lawi, a sii Yesu min Yiye wuduwe we loko. Kituu nibe nabwen, wu a nibu kiyiu sangkalime n ti bikami kwang kichau chabtutu ware.

30 Aya nibu Farisamu n ti nibu yungku yilin Musatim bibu a kwal chinu, a be a ma Miyarim Yesumu min kimwitimwi ko, “Dine wule tanin chau chitu n ti nibu kiyiu sangkalimu n ti nibu kiletimu?”

31 N Yesu a kinta chi ko, “Nibu kini limamu a babu nabari, kana nibu dibuum kibau nabari.

32 Mang bebu dine nibu kitum yilem aya m be dine nibu kiletimu, ke a wo kitim, a yiu Kwama.”

Dibidu a dimwen

(Mat 9:14-17; Mar 2:18-22)

33 Bikamu a yi Yesu ko, “Miyarim Yowana naba batisamu ki bwaladu we dimwen n ti twabaku buniyangu, miyarim nibu Farisamu kima tini yiko tin, aya bimumu ditiyu kidang kichadu kinotidu.”

34 N Yesu a kinta chi ko, “Kano fatibu bwele kiyiu nayemu, ka ma dimwen yo bwele we ware ti chiya?”

35 Aya kiswi ka bedu yo nibu ka dau bwele kiyiu naye we dichiye, yinu n chi ka ma dimwen we diti yikiyu.”

³⁶N Yesu a fwa chimin kaang baltaku ko, “A ne ni wu ka bi difitan luke wufwiye ka talin luke wukare we. Ka fwe yiko, kulin difwinu a kaiyan, difitan luke wufwiyeu tin a ne bikadu n ti kulin dikarinu.

³⁷We da nibu Yafudame, a dakabu nibu ka kur mwe yinabi wufwiye we swe wukare, dine ka a fwe yiko, swe wukare ka fweyu yo mwe yinabiye ka fwide, mwe yinabiye ka yudu a tim.

³⁸A dakan nibu ka kur mwe yinabiye wufwiye a swe wufwiye.

³⁹A ne ni ka kedu ka no mwe yinabi wufwiye we, a kuteng kiku n kin a no wu karengu, aya nibu kiyidu ko, wukare a la chi kini limangu.”

Luka 6

Dibidu a difikare

(Mat 12:1-8; Mar 2:23-28)

¹Wuka difikare n Yesu n ti miyarim kimu kisudu we kuni alkamayu. Miyarim kimu kikiya tichangri alkamaitu kimuddu kini fali chiyu kiku kinutiyu.

²Bikamu we nibu Farisamu a biu chi ko, “A mayire tima chitu a dakabu ta madu we difikare?”

³Yesu a ni dikilin ko, “Kano ta kibu chitu n Dauda a maata, we kidangu n kin a nwe chun n ti nibu kimangu.

⁴N Dauda a le mure Kan Kwamanu, a dau kidanne wu a ya doku wauwade, wu a da kana fanseti ka chade, a chau, a niti bibu n kin waremu.”

⁵Yinu n kin a chakaku, a yi ko, “Bwe Nii nang Tewuduwe difikare.”

Nii wu falangu a ngirmane

(Mat 12:9-14; Mar 3:1-6)

⁶Wuka difikare n kin a le kan muraku nibu Yafudamu yungku. We fiko, wuka nii we, wu falang kiyilangu a ngirmane.

⁷Bikamu nibu yungku yilin Musatimu n ti nibu Farisamu bibu a no kibau chi wu n chi ka tan Yesuwe, a fwal nui kidang kinu, ko ka kano n kin we be ni wu difikare.

⁸Kangu n Yesu a yim nitu chitangu, a yi nii wu falang a ngirmane ko, “Kun, be ti a kakku.” N kin, a kun, a ti tin.

⁹Yinu n Yesu a yi chi ko, “Min biu chinu, Yilang chirengu a fwa ko wule we difikare: Ni ma tiyilita, ka ni ma tita lebiya? Ni yu tikuriya, ka ni chiu tikuriya?”

¹⁰N kin a dang ka nang wuwule niye, yinu a yi nii wu ko, “Tare falangu.” Nii wu a tar tin, falang kangu a be tin.

11 Nìbu yungkìmu n ti nìbu Farisamu nìtu chitu a kayan. N chi a mwe kìtwaiyadu we yichiyu, yinang ka, ka madu kìni Yesuwangu.

Fandubu kìmi kub chiri burabìmu

(Mat 10:1-4; Mar 3:13-19)

12 We diti yikiyu, n Yesu a fìl dìkan kun kìtwàbà buni. N kìn a di kum kìtwàbà buni a dìKwama.

13 Yo tìma kwiyane, a yal miyarìm kìmu, a swabbi kub chiri buramu, ko fandubu.

14 Nìbu bìbi kub chiri burabìmu n Simun, wu n Yesu a yo kìmìn dìnù ko, m Bitìr n ti ke ko Andìriya n ti Yakubu n ti Yowana n ti Filibu n ti Bartolomi.

15 N ti Matta n ti Toma n ti Yakubu bwe Alfiyus n ti Simun wu a yal ko Salote n ti.

16 Yafuda bwe Yakube n ti Yafuda Yiskariyoti, wu a feku Yesuwe.

N Yesu kì miya nìbu mìnù, kìbetì nìbu

(Mat 4:23-25)

17 N Yesu a suwe n ti fandubu, a tìya tantìlange wu a tile kune. Nìbu n ti Miyarìm kìmu nabwen we fiko a ya beku, bìba be a Yafudiya n ti Wurchalimamu n ti bìbu a be, a kìswatti la wuduwe, wu a tìm Taya n ti Sidone.

18 Bìkamu a be ka nwe chi kìmiyaditu, yinu bìkamu ko ke chi ya beku we burìn chitu. Bìbu kìnì kìfìbti yibwilayu a yatì beku.

19 Nìbu we fikomi kwang kìfuntìbwi Ka twai Yesu, dìnè dukan bekìnù kìchiredu a dìkìne, kìbe chidi kwang.

Delaku ti bwila

(Mat 5:1-12)

20 Kangu n Yesu a dàng miyarìm kìmangu, a yi ko, N tìn bìbu ta kwala chimu n Kwama ka yo chìmìn delaku, Dìnè ta chau matìn bwaditu we bwa kake.

21 Nìbu delakìm n tìn bìbu tìnwe chunìmu, fur chìnù ka ridu we bwa kake. Nìbu delakìm n tìn bìbu tìkìra wiinimu, ta nura chi we bwa kake.

22 Nìbu delakìm yo nìbu kìko chìnù, kìchaku chìnù we tibe chi, kìmìku chìnù, kìko chìnù ko n tìn bìbwilam dìnè ta buntu Bwe Nii.

23 “Tìma furi mwen kasi no tìchitu wu a fwe fere. Tìma furi mwen. Kìtìme chìn wuduwe we bwa dìye. N fwa bìbu dìnè tukebu chimu a ma fàkubu Kwamamu mìnè yiko.”

24 Yinu ka kau chi kìbune we bìbu kìnì kàmbìr nabwen kìkàngìmu, dìnè a ne kaang tàmàng we bwa kake.

25 A no chìn, n tìn bìbu tìchadu tìkur tìnù a tìmìmu, we bwa kake ta chau chun. A no chìn n tìn bìbu tìnura ka chi kìkàngìmu, we bwa kake ta wu be wure.

26“**A** no **ch**in, n **t**in **b**ibu **n**ibu kwang **k**iwer **ch**inimu. Tukebu feredimu a ma **f**akubu **t**ikwanimu **m**ine yiko.”

Mila fakwaribu

(Mat 5:38-48; 7:12a)

27**A**ya, **m**in fwa **ch**iminu, n **t**in **b**ibu **t**inweyimu: **T**imila fakwarbu chimu, **t**ima fakwarbu chimu **m**in chi a dakani,

28**T**iyo **n**ibu **k**ima **ch**imin yii mu **m**in delaku. **B**ibu n chi **k**inwe riye mu, **tw**aba **ch**imin buni.

29**K**a nii a ngan we **d**idane, **s**abir **k**imin **d**ikanu **d**idan a ngan **t**in, ka wukane nii a **y**it_{in} luke wuduwenge, chaku wutire nii **t**in.

30**N**iwu a be **k**aline, **d**angdu we. Wu a kaar **m**in **k**uline, **y**itiduwe.

31**N**ang ma **n**ibu **m**in chi mun baddu n chi **k**anin maminde.

32**K**a **t**imila ka **b**ibu a **m**ila **ch**inime, wer **k**iku ka bedu a file? **D**ine **b**ibu a **y**ilin **M**usatimu **k**imilat_i **b**ibu a **m**ila chimu.

33**K**a **t**ima ka **b**ibu **k**ima **ch**imin chi a lelete **m**in chi **t**yilite, ta ya wer**k**iku a file? **D**ine kasi no n nang **n**ibu **k**iletimu **k**imatini yiko.

34**K**a **t**ini **d**isinu a ka **n**ibu ka medu ka fe **ch**inime, ta ya wer**k**iku a file? Kasi no nang **n**ibu **k**iletimu, **k**ini **n**ibu **k**iletimu **d**isinu ko ke a fe chi yinang ka a dakanang.

35**A**ya **t**in, **t**ike **n**ibu **k**iko **ch**inimu, **t**ima **ch**imin chi **t**yili, **t**ini chi **d**isinu, n ke **d**ine a mwintuwe ka fe **ch**inu. **Y**inu fal **k**itime ka kadu nabwen, **t**intine, ni kau bwesim Kwama wuduwe a la chiye. **D**ine n **k**in naba **l**ime we **b**ibu a ne **d**ivan wemu n ti **b**ibwilamu.

36**T**ikau **n**ibu **k**ibunem, tiyangu n Te chire naba **k**ibunengu.

Tiyo nii minu kile we

(Mat 7:1-5)

37**T**iyodu ka nang wuwule niye **m**inu **k**ilewe, a ne nii ka yo **ch**imint_i **k**ilewe **t**intin. **T**ikaiyu **d**in **n**inu we, ke **n**ibu a kai **t**inu **d**ichinu we. **T**idu **n**ibu **m**in **k**ileti chiyu, ke **n**ibu a du **ch**imin yichiyu.

38“**T**ima **n**ibu **m**in **l**imangu, ta yat_i **l**imangu yinang ka a dakanang. N Kwama ka **n**in chitu nabwen, ka n **k**in a ku mun ni **n**ibu chite. A tiwe nii **k**ifeku chiye, wu **k**imiksu chitu **m**ikse we **kw**ase sweke ko ke a rii, a **tw**aka **t**ini bubu yo kano **k**ini wu **k**itane.”

39**N** Yesu a **k**ila fwa **ch**imint_i kaang baltaku ko, “Kano **k**idu we medu ka **tw**aku keko **k**iduwa? Ka fwe yiko, n chii kwang, a ne **f**itadu a kenga?

40**M**iyare a labu naba yungke, aya wu a ya miyake, kanodu yinang wu a yung **k**ine.”

⁴¹“A mayire, mun dang ka be difiline a nu ke mo, mun tabu tinu kini kitwakulangu we nu monge?”

⁴²Mwang medi yire mwang yi kemo mwiko, kemi, be kini difilinu n chaku mine, yo m mun mwang kubu kitwakulangu we nu monge? M mun naba dibebeline! Chaku kitwakulangu we numo didiin, ke n ya da mwan ku be difiline a nu ke mo, n chaku kimin.”

Tiyangu n ti tikulan kitu

(Mat 7:16-20; 12:33-35)

⁴³“Tiyang kiyilangu, a ne tu tikulan titu a lebei. Tintine, tiyang kiku a lebangu a ne tu tikulan titu a lelei.

⁴⁴Ni yim tiyangu a kiduum tikulanimu n kin a tumu. Dilukene kwada a ne tu tikulan siniyitu, tintine, rwabichai a ne tu Yinabi.

⁴⁵Nii wu yile kifwa tiyili titu n kin a yo we niritu, tintine, nii wu bwila kifwa ka tibwilaitu n kin a yo we niritu. Yii kichake chi a niritu.”

Nibu mukimi burau

(Mat 7:24-27)

⁴⁶N Yesu a yi chi ko, “A mayire tiyaliyu ti ‘Tewuduwe,’ yinu n tin ta mabu chi ma yi chinite?”

⁴⁷Kanang wuwule niye, wu ka nwe yam mimu, ka ma nanga kine, kanodi ying:

⁴⁸Yinang nii wu kimu lo, wu a ru tamme ko a kwam we mure time, yo mwe la a bulmawe time, a miku lo, a yabu dawedine lo a ti, a ya tamme wu yile.

⁴⁹Aya wu a nwe yam mimu yinu a kur tina bwa, a lakanbu n ti nii wu a ru lo, a ne tamme we. Kidangu mwe ka bulmawe timangu, lo ka yari kuum! Ka wuredu a ne dutu chi we.”

Luka 7

Kabe tikake naba kunne

(Mat 8:5-13)

¹Kidangu n Yesu a ri miyaku titi kwang we kiteli nibiyangu, a yikatit Kafanawu.

²Wuka kabe tikake nibu kirang Roma we bwako, a bubuwe, yaka bwadu. Tikake wu kimila bwe yinang.

³Nii wu a nwe yam Yesumu, a tum selibu nibu Yafudamu ko a yal kimine Yesu, ke a be a be kimin bwe wu.

⁴Selibu a ya bwanu a diYesu we, a ya da kimin kitim yinang ko, “Nii wu a dakan mwang makadu.

⁵Dine n kin, kimila kuu nibu Yafudam, a mu nimintit kan murakin.”

⁶N Yesu a ke, a yikan ware ti chi. Kìdangu n Yesu a mwata lo tikakengu, naba kíràngè a tum bìkam fatìbu kìm ko, a ya yi ko, “Tewuduwe, nwedù riye wu kuse we, mang lwebu wu mwang be lomiye.

⁷Nang chi a yo ma yabu bwa a òimune òìne mang lwebu. Fwa kana yàm, kàbemi ka bedu.

⁸M fwa bìbu òìne m mìn tìn, mìmá nangangu kìnì yàm bìkàkìmu. M mìn tìn, kìnì nìbu kíràngmu kìma nangangu kìnì yàm mìmìmu. Mìn yi wu mi a ya, mìn yi wu mi a be, n chi kìma tìn. Mìn yi kàbìyu a òìmìneyu mi a ma ying, n chi kìma tìn.”

⁹Kàngìn Yesu a nwengu, a yàr kìn yi. N kìn a sabran, a yi nìba kuteng kàngìmu ko, “N fwa chimìn, ma yabu wuka we Yisrela kìnì keku bìyilìmangi ying.”

¹⁰Nìbu nii wu a tumemu, a kílà lo, aya kàbe tikake a be we burang kangu.

N Yesu a kuku bwe nabune

¹¹Bafìnèngèko, n Yesu a yika òìkan bìn òìdu nìbu kiyalu ko Nayin. Miyarìm kìmù n ti nìbu nabwen a bung kìmìn tìn.

¹²Kangu n chi a lam kwàr bìnangu, nìbu kìchiredu kìnì wuka kwàme yaka furu. Nii wu a bwange, n kìkun we a nabune. Nìbu nabwen bìbu a chire a bìnìmu, we ware n ti ne naba niye.

¹³Yo Tewuduwe a ku naye we, a nwe kìbune ko, a yi kìn ko, “kiidu wii we.”

¹⁴Yinu n kìn, a ya twai kwàmbìre kwàme a da mìnè, nìbu a dàà kwàmemu a ti tìn. Yinu n Yesu a yi ko, “Bwebwe, mìn yànu, kun!”

¹⁵Bwe a bwange, a kun, a sweswe, yinu a mwe kífwa yàmù. N Yesu a tab a ni nekìn.

¹⁶Nìbu kwàng a ri kìnì tayi Kwamayu, n kawure kírìka Kwama ko, “Wuka fàku wuduwe a be nìmìne.” N chi kiyidu ko, “Kwama a be ka maka chidu.”

¹⁷Bìbu yàm Yesum a tìran we tìm nìbu Yafudiyamu n ti tìntiya kwaka wareyi kwàng.

N Yesu n ti Yowana naba batisma

(Mat 11:2-19)

¹⁸Miyarìm Yowana naba batisمامù a fwa kìmìn nangìntu n Yesu kìmàditu. Yinu Yowana a yal miyarìmi burau,

¹⁹a tum chi a òìTewuduwe, ko a bìu kìn ko, “Mu nang nii wu n Kwama ka tumeda? Kanang yo nu a wukane niya?”

²⁰Yo nìbu bìbu a lam bwa òìYesu we, a yi Yesu ko, “N Yowana naba Batisma a tum nìne ko nìn bìn, m mun nang ni kìbeda, ka wuka nii we wu kìbeda?”

²¹We kìdaang kaangu, n Yesu a be nìbu nabwen bìbu kìnì burìnìmu a chàkìtì kífìbtì yibwilayu. Kìdubìbu nabwen nuyi chiyu a wuden kìku di.

²²N Yesu a kil n̄ibu Yowanamu ko, “T̄ik̄ilan, yat̄i fwa Yowana m̄in chi ta nwe n ti chi ta kuutu. Kidub̄ibu kiya kuku diyang, k̄ikub̄tiyu ki ya yayu, n̄ibu m̄walimu a be, t̄ifunitu k̄inwe yam, b̄ibwar̄imu a kabatuwe, t̄ilusanitu a ya yam b̄ilim.

²³Kwama a yo delaku we n̄ibu b̄ibu a ke b̄iyil̄imu a d̄i m̄inemu.”

²⁴A kuteng k̄iku miyar̄im Yowanamu a yikanangu, n Yesu a mwe kifwa n̄ibu m̄in yam we dur Yowananu ko, “Yo ta ya bwa a d̄iYowana we d̄is̄ilachanḡine, a no t̄ibadu ta ku wureni? Swaku k̄ifibe k̄imidanga?

²⁵Ka a newe yiko yat̄i d̄ange wureni? Nii wu a do kul̄in kamb̄ir̄in diyil̄ina? N̄ibu b̄ibu k̄ini kul̄in diyil̄in̄imu n ti chi ka nwen tam̄ange a kwatu mat̄imi a newe a d̄ikir.

²⁶Yoye wuwule k̄idum niim b̄ibu yata d̄ange a d̄ikir. A no t̄ibadu ta ku f̄akuwa? Biyil̄im t̄iku wu a la f̄akuwe.”

²⁷N Yowana nang wu n Kwama a fwa yam a dur k̄in ko, T̄inwe, m̄in tume Naba d̄itumb̄ire a kakku mwan, n k̄in ka do chim̄in w̄are ta yaande.

²⁸“M̄in fwa chim̄inu, n̄ibu a tibu b̄iu nii wu a la Yowana naba batisma. Aya wut̄ire we Yaa Kwama a la Yowana naba batisma.”

²⁹N̄ibu kwang, kono nang b̄ibu k̄iyiu sangkal̄imu, a nwe Yesu, a ke ko w̄are Kwama a da. We yiko d̄ine n Yowana a ma chim̄in batisma.

³⁰Aya n̄ibu Farisamu n ti naba yungku yil̄in Musant̄imu a ko t̄ikuran Kwamatu we dur ch̄inu. D̄ine n Yowana a ma chi m̄inbu batisma.

³¹N Yesu a chakakku, a yi ko, “Kano mang swe n̄ibu a k̄iswi wumi yire? N chi a chirkan n ti wule?”

³²N chi yinang bwes̄imu a swe a kw̄amm̄ar, b̄ibu k̄iyitta yam a bwiti chi ko, N̄in ngau chim̄in k̄ikunti, ta yibbu; n̄in kau chim̄in tee bwa, ta kiibu wii.

³³“N Yowana naba Batisma a be, n k̄in a chabu chabt̄itu, a norabu chi, d̄ine yiko, “Tiko k̄ini k̄ifib̄ti.’

³⁴Aya yo m m̄in Bwe Nii mang be, n chau chabt̄itu n not̄in, d̄ine yiko t̄iyi m̄in tiko, m̄in chau chitu nabwen naba t̄inorane. Fate n̄ibu sangkal̄ime n ti n̄ibu k̄ilet̄im.

³⁵Aya n̄ibu k̄iswedu we yingku Kwamamu k̄iyungdu a le.”

N Yesu a lo Simun naba Farisa

³⁶Wuka naba Farisa a yal Yesu, ko a be chau chabtu a loko, n Yesu a ya swe t̄in, ka chau chabt̄itu.

³⁷We bìn dīdu, wuka naye we wu a no ma da t̄ikuliye, kanga nwe ko n Yesu k̄ichau chabtu we lon naba farisangu, a t̄ane be lure k̄inung k̄iki f̄irf̄irang k̄iku a ma kwat̄irang.

³⁸A be, a ti a kuteng Yesuwang, a kwatuwe nani kiyu, k̄iki wii. T̄imweni kitu a mwe k̄iyaradu we nani Yesuyu. Naye wu a musu Yesu m̄in t̄imwenitu k̄ini rii kitu, a wa t̄ik̄inung k̄iki f̄irf̄irangu, k̄iyubadu we nang Yesuwangu.

³⁹Yinang kangu naba Farisa a kuwangu, a kuran ko nii wu, ka no f̄aku Kwama wuyile, a no yim k̄idum nayemu k̄itwai k̄in̄imu.

⁴⁰N Yesu a yi naba Farisa ko, “Simun, m̄in baddu mang yan yam.” Wuko a ke ko, “Naba yungke, fwawe.”

⁴¹N Yesu a mwe yam̄u ko, “Wuka nabani we, k̄ibunt̄i n̄ibi burau k̄amb̄ir. Wuka k̄amb̄ir suri wan tunu, aya wuka k̄amb̄iru suri kuniriti tunu.

⁴²N k̄in a du chim̄in d̄ich̄inu, yinu we dangk̄i mwangu, wure nang nii wu ka kenu yinange?”

⁴³Simun a ke ko, “Nang wu d̄ich̄in k̄inu nabwene.” N Yesu a yi k̄in ko, “N fwaa deer.”

⁴⁴A danḡ na wu, a yi Simun ko, “Mwang ku nawa? N lewe lomu, mwang niibu mwe mang nur̄in naniye, aya na wu a nur naniyu k̄ini t̄imwenitu a musu t̄in k̄ini rii dur k̄initu.

⁴⁵Mwang kwaribu, yinangu mang lewe lomongu, aya yinangu mang lem̄ine longu, na wu a dubu kwarku mangu.

⁴⁶Mwang wamibu k̄inung we durm̄inu, aya naye wu a wami k̄inung k̄iki f̄irf̄irang we nani miyu.

⁴⁷M̄in yi ch̄inu, n dau k̄im̄in k̄ileti kiyu nabwen niyu, n k̄in a yung mi kek̄iku yinang yinu nii wu mang du k̄im̄in k̄ileti kiyu bayim me a milayi t̄in bayim.”

⁴⁸Yinu Yesu a yi naye wu ko, “N dum̄in k̄ileti mwiyu.”

⁴⁹“N̄ibu n k̄in k̄ichau chabtu waremu a mwe k̄it̄iks̄idu ko, n wure k̄iniko, wu k̄idu n̄ibu m̄in k̄iletiye?”

⁵⁰N Yesu a yi naye wu ko, “Keku biyil̄imang mwangu a yun, ya l̄imang.”

Luka 8

Nat̄ibu a bungan ti Yesu

¹A kuteng k̄iku, n Yesu kiya b̄int̄itu, k̄iyat̄i t̄itiritu, k̄ima dimwar yam bil̄im̄inu we Yaa Kwama. Miyar̄im k̄imi kub chiri burab a ya ware n ti k̄in.

²Tintine bikam natibu a be we burin chitu, a chakiti kifibti yi bwilayu. Natim bibu we kwal didimu nang Maryamu wu a Makadala wa chaku kimin kifibti yidibine.

³Yowena naye Kusa wu n Yiridu kitun kine, wetuwe, n Susana we n ti natibu nabwen bibu a maka kin kini kulin chinu.

Baltaku a fiku chamang

(Mat 13:1-9; Mar 4:1-9)

⁴Nibu nabwen kibete bwa diYesuwe ka beku we bintitu dangtidangti, yinu n Yesu a ni chi kiku baltaku:

⁵Kin a yiko, wuka nii a yikan yaka fiye duum chaam a kuuko. Yo kin a yaki wadde, yikayu kinuti a yar a ware. Nibu a faba duum bikimu, kinibiyu a siban we timu.

⁶Yikayu kinuti a yar a nani kwantim. Yo a kiye, a mwibu kuko dine a ne kitimu we nabwen ka yo kimin lame, a kusu tin.

⁷Yikayu kinuti a yar a tibe kwada. Kwada a dwiyen ware n ti duumu aya kiseliyu a kai chamu.

⁸Yikayu kinuti a yar a tim biyilim, a dwiyen, a le, ka nang wuwule susange, kini kinutiyu kuul. A kuteng kiku a ri baltakangu, a fwa yamu kini dukan ko, "Wu kini kitele, ka nwe de, a nwe!"

Chii baltaku kiyungde

(Mat 13:10-17; Mar 4:10-12)

⁹Miyarimu a biu Yesu ko a fwa chimin chii baltaku kiyungde.

¹⁰N kin a yi chi ko, "N Kwama a ni chin swaangku chi a yaako aya bikamu kinwe ka baltaku dine n chi kono dang a ne kudu, kasi no nwe a ne swaanu. Bibu n ke miyarim mimimu, min fwa chimindi baltaku ke a swaan chi kiyungde, kasi kiku n chi kiku chitu min maditangu. Kasi kiku n chi kinwe yam mimangu a ne swaan chi kiyungditu."

N Yesu a fwa nibu min kiku baltaku

(Mat 13:18-23; Mar 4:13-20)

¹¹N Yesu a chakaku ko, "Duum bibu mang fwa chinimu, nang yam Kwamamu.

¹²Duum bibu a yar a warem, a tiwe nibu a nwe yam Kwamamu aya n Setan a nibu chi da ka ma tikurantu we yam Kwamamu ko ke chi swaan. N Setan kimadi ying ko ke n chi a swaanu yam Kwamamu ka yo chidu ka swidimu we.

¹³Yinu duum bibu a yar, a tim kwantimu, a tiwe nibu a nwe yam Kwamamu, a yiu fali yurau, a bakiswi bayim, aya keku biyilimang chiyangu a tibu kwir, aya yo riye a be chimine, a kilan tini kuteng.

¹⁴Duum b̄ibu a yar, a kw̄ada k̄iselimu, a tiwe n̄ibu a nwe yam Kwamamu aya riye n ti baku kuli n ti nwe tamang t̄itiniye a yo, n chi a rubbu we yam Kwamamu.

¹⁵Aya duum b̄ibu a yar, a k̄itim biyilimu, a tiwe n̄ibu, a nwe yam Kwamamu a tau yinang, k̄ima kwamb̄iri k̄in we n̄itu chiitimu. D̄ine bwanu chi, n chi a tau yam Kwamame, chi tiyili k̄i chiredu we n̄itu chitu.”

Baltaku k̄ini fit̄ila

(Mar 4:21-25)

¹⁶“A ne nii ka mwa fit̄ila ka sunt̄i chi, ka ka d̄ik̄idu a bwang kwamb̄irange. Ka la chi, ka yo fit̄ila a t̄idu d̄ine ke ka n wure ka lewede, ka ku yik̄iku.

¹⁷Ka nan t̄it̄ile chi t̄ilairiye, ka kw̄al̄adu we bwa kake yinu a ne chi mwang madu a ne chire tametuwe, aya yam m̄imu n̄ibu a swaanb̄imu beka swaan t̄inu we bwa kake.

¹⁸A dakan mwang sii k̄itele yinang kangu mwang swaan̄indangu. N Kwama ka suu wu a tum yile, a swaant̄i chi we yaako m̄in swaank̄iku aya wu a newe k̄ini swaanku k̄iyilange, n k̄in ka kwala swaan k̄iku n k̄ini k̄inangu.”

Ne Yesu ti keb̄i k̄imu

(Mat 12:46-50; Mar 3:31-35)

¹⁹N ne Yesuwe n ti kebu Yesumu a ya bwa d̄iYesuwe, aya n chi a lebuwe bwa d̄ik̄ine d̄ine n̄ibu a ma nabwen.

²⁰Wuka nii a yi Yesu ko, “N ne mun n ti kebu mumu a ti, a f̄ilang, k̄ibaddu ka ku numo.”

²¹N Yesu a yi n̄ibu a fikomu ko, “N̄ibu k̄inwe yam Kwamamu, k̄itunt̄inumumu, nang nemi n ti kebu m̄imu.”

Yesu a k̄il k̄if̄ibe wuduwe

(Mat 8:23-27; Mar 4:35-41)

²²Wuka k̄idi n Yesu a yi miyar̄im k̄imu ko, “Chi yabu wuka bale we far d̄idunu.” N chi a le kwamb̄ire mwe, a yabu far d̄idunu a Kalilinu.

²³Yo n chi a yak̄i yadu we mwe, duum a d̄au Yesu. We k̄idaang kaangu, mwe k̄iswidu k̄ini k̄if̄ibe wuduwe, a yo kwamb̄ire mwe k̄ile mwe, d̄ine mwe a ri, n chi a le riye wuduwe.

²⁴Miyar̄im k̄imu a ya kukku k̄in ko, “Tewuduwe! Yanan twiyadu.” N Yesu a kun a k̄il k̄if̄ibe, mwe a du mul̄inu, k̄if̄ibe a ti s̄ing.

²⁵N Yesu a b̄iu miyar̄im k̄imu ko, “Keku biyilimang changu a bwale?” Aya n chi a katan, a k̄ilak̄ib̄ibe yi chiyu ko, “N wure wu nii, wu mwe ti k̄if̄ibe k̄inwe k̄ine?”

N Yesu a chaku k̄if̄ibt̄iyu we nii wu

(Mat 8:28-34; Mar 5:1-20)

²⁶N Yesu n ti miyarim kimu a yabu mwe, a yika Karasina wu a kwakan n ti Kalili ye.

²⁷Yo a chir we kwambire mwe, a ti we kitiku far didunu, a tekamin n ti naba kifibti. Nii wu a dobu chi, a swebu we lo, kibwalu a kana fanti yiyu a futti.

²⁸Yo n kin a ku Yesuwe, a bwe keme kini dukan, a be sung, a yar we kakku Yesungu kini kemi ko, "Lwangang mwang wule n ti min, Yesu Bwe Kwama wuduwe. Min wananu niyu riye we didiin."

²⁹Nii wu a fwa ying, dine n Yesu a tu a yi kifibtiyu ko a chir a du kin. Yo kwade kifibti kingau nii wu kimara tim, kasi no nibu a kwaba faliyu n ti naniyu kini makilan, a mwintuwe kitiredu. Kifibti kitwaku kinu kiyikan dikir.

³⁰N Yesu a bju kin ko, "Din munu n wure?" N kin a ke ko, "Tuule." N kin a fwa yiko dine kifibti a le ni wu nabwen.

³¹N chi a da Yesumin kitim ko, a tungdu chi we bwang kifibti yangu didiin.

³²A ya dikan kiran sultikimi loyi we fiko a nachang, a tile bange. Kifibtiyu a da Yesumin kitim ko, a du chi, chi le sultikumiyu. N Yesu a du chi ko a ya.

³³Kifibti a chir we nii wu, a le sultikumiyu, yinu sultikumiyu kini kwang a wul a le la, a bwara we mure.

³⁴Yo nibu kito sultikumimu a ku chi a fweete, n chi a wul, a le binu n ti kiswatiyu, a fwa chi a fwetu.

³⁵Nibu a chire a be kidang chi a fwetu. Yo n chi a lam fi a diYesu we, n chi a ku ni wu kifibti a no kimate a swe kidwan a kakku Yesuwang, kini kulin we bwi kiyu, kini tikuran kitu a ri. tayi a tau chi kini kwang.

³⁶Bibu we fikomu, kiswe chiminu yinangu nii wu kini kifibti a ya bekangu.

³⁷Yinu nibu balang tim Karasinamu a yi Yesu ko a yikan we bin chinu. N chi a ma ying dine taye. N Yesu a le kwambire mwe n ti miyarim kimu a yikan.

³⁸Nii wu n Yesu a chaku kimin kifibtiye a wana Yesu ko, a du kinabu chi. N Yesu a kil kin ko,

³⁹"Kila lo, yang fwa nbumin chi katakitu n Kwama a ma we dur mun mwang yaan bekitu." Nii wu a kilan, a yika bin chinu kifwa nbumin chi tikataritu n Yesu a ma yinu a be kinitu.

Fwan Yayiru n ti naye a bubuwe

(Mat 9:18-26; Mar 5:21-43)

⁴⁰Yo n Yesu a kila kitiku far didune, nibu a yiu kin kani yurau dine n chi a no kiyam kinu ka kiladu.

⁴¹We fiko, wuka tikake kan murakine a be. Nii wu din kinu n Yayiru, n kin a be yar we kakku Yesuwangu kiwana kinu ko a be loko.

⁴²N k̄in a ma ying d̄ine fw̄an k̄inu a bubuwe yaka bwadu. Fw̄anu sw̄at̄iti kub chiri turau.

⁴³We kweru n Yesu a chir k̄iya lo Yayurunu, k̄ituu n̄ibe a nabu k̄in k̄ifuma k̄inu. We k̄ituu n̄ibe, wuka naye we wu a ma sw̄at̄itu kub chiri turau k̄ifwal k̄itume. N k̄in a yabu nii ka be k̄ine.

⁴⁴N k̄in a mwin t̄in, a ya fi, a f̄irsu, a twai luke wuduwe Yesuwe a bale kute. B̄inab̄ina k̄itum k̄imu a ti t̄in.

⁴⁵Yesu a b̄iu chitu ko, “N wure a twaiyiye?” N kawure ko n ke k̄in. M Bit̄ir ko, “Naba lo, n̄ibu a d̄ib̄ir̄in a tibe k̄itwainu, k̄ifumanu.”

⁴⁶Aya n Yesu a yi ko, “Wuka ni a twaiyi, n nwe k̄idangu dukan m̄inu a chirangu.”

⁴⁷Kangu naye wu a swaan ko n Yesu a yimangu, a be bwiyu k̄i m̄ikat̄inu, a be yar we kakku Yesungu n ti n̄ibi kwang. A fwa Yesu m̄in chi a yo ka twai k̄initu n ti yinangu ka ya beku b̄inab̄inangu.

⁴⁸N Yesu a yi ko, “Naye m be, d̄ine mwang ke biyil̄imu we wu ka bene. Ya l̄imang.”

⁴⁹Yoko Yesu we k̄ifwa yame, wuka k̄abe a be we lo Yayiruwe, a yi Yayiru ko, “Bwe mo a bwa, du naba yungke a yingledu yikiyu we.”

⁵⁰Kangu n Yesu a nwe yam b̄ibangu, a yi Yayiru ko, “Nwedu tayi we, ke biyil̄imu we d̄i m̄ine, n Kwama ka be bwemo kasi no a bwa.”

⁵¹Yo n Yesu a lam lo Yayuruse, a le fi be fw̄ane wem̄ine n ti n̄ibi bayim. N k̄in a le n ti Bit̄ir n ti Yowana n ti Yakubu, n ti te bef̄w̄ane n ti nek̄in.

⁵²N̄ibu k̄ini kwang we lo, k̄ikiira, k̄ibw̄aka kemiyu d̄ine be fw̄ane a bwa. N Yesu a yi chi ko, “T̄ikidu wii we, bef̄w̄ane a bwabu k̄ida duum.”

⁵³N chi a kebu biyil̄imu, k̄inu d̄inur sw̄aban̄in, d̄ine n chi a yim bef̄w̄ane a bwa.

⁵⁴Aya n Yesu a tau falang bef̄w̄anengu a yal k̄ini dukan ko, “Bwemi, kun!”

⁵⁵T̄ikuri bef̄w̄anetu a k̄ilatewe. B̄inab̄ina bef̄w̄ane a kun!

⁵⁶Te n ti ne a yar yi. Aya n Yesu a wu chim̄in k̄itele ko a fwadu wuka nii m̄inu chi a fwetu.

Luka 9

Yesu a tum miyar̄im k̄imi kub chiri burab̄imu

(Mat 10:5-15; Mar 6:7-13)

¹N Yesu a yal miyar̄im k̄imi kub chiri burab̄imu a fi wine, a ni chi dukanu ka chaku k̄if̄ibt̄i, ka berat̄i bur̄intu.

²Yinu a tum chi ko a ya mwa n̄ibu we Yaa Kwama, a beti b̄ibu a buraburanemu.

³A wu chimin̄ kitele ko, “T̄id̄adu chi we yayu yinang: K̄itwalang n ti swe n ti chabtu n ti kambir̄ ka kul̄in̄ d̄idor̄ine a bwin̄ didu ta donu.

⁴T̄iswe we lo n̄ibu a mwe a yin̄ ch̄ine, a lam̄intī yo ta du bin̄ d̄ik̄ine.

⁵Binu a ko a yiu chimb̄inu, t̄ichir̄ t̄idu bin̄ d̄ik̄inu, ka yat̄i chire, t̄ibu nani chiyu ke t̄idu chim̄intī kur̄ ch̄inu. T̄itu ka yungdu k̄ifwini Kwama we dur̄ ch̄inu.”

⁶Fandub̄ibu a ya, k̄ichira d̄idu kir, k̄ile t̄in̄ d̄idu kir. N chi k̄ifwa n̄ibu m̄in̄ yam̄ bilim̄, k̄ibera b̄ibu a buranimu we d̄ibw̄al̄ ch̄inu ka nang file.

Yiridu k̄ibaddu ka yindu ka n̄ Yesu wure?

(Mat 14:1-12; Mar 6:14-29)

⁷Yiridu wu k̄ichau mat̄in̄ Kaliliye, a nwe chi k̄atak̄itu N Yesu k̄imaditu. Chitu a bwa k̄in̄ d̄ine b̄ikamu k̄iyidu ko, “N Kwama a kuk̄ite Yowana wu k̄ima batisma we bwa,

⁸b̄ikamu k̄iyidu ko n̄ Yiliya f̄aku Kwama a k̄ilatewe. Aya b̄ikamu k̄iyidu ko we f̄akub̄ibu a no we t̄it̄ini feredimu, b̄ibu a bwamu, wuka kanodu a k̄ilatewe.”

⁹N Yiridu a yiko. “N Yowana nang wu mang yo n̄ibu a bi dur̄ k̄ine. Yoye kanodu n wure niko wu beka ma chi t̄ikat̄ari t̄ite?”

N Yesu a chabi k̄ini n̄ibu kuniriti tunu

(Mat 14:13-21; Mar 6:30-44; Yow 6:1-14)

¹⁰Yo fandu b̄ibu a k̄ilawe, n chi a fwa Yesu m̄in̄ chitu n chi a maatu. N Yesu a yal chi, a yika wuka fi wu a kwatuwe bin̄ Betsaida, ko ke chi swe n chikun.

¹¹Aya n̄ibu a yim bwanu n̄ Yesu n ti Miyarim̄ k̄imu k̄iyade, n chi a nabu t̄in̄. N Yesu a yiu n̄ibu, yinu a fwa chimin̄ yam̄ Yaa Kwamamu. Yinu n̄ k̄in̄ a bera b̄ibu a buraburanemu.

¹²Yo di a le, miyarim̄ k̄imu a be we d̄ik̄ine, a yi k̄in̄ ko, “Yai n̄ibu a beti b̄int̄itu k̄idwangiyu n ti loniyu ke a ya chabt̄itu n ti f̄ant̄iyu ka daandiyu. D̄ine finu n ch̄ini wem̄ine a ne n̄ibuwe.”

¹³N Yesu a yi chi ko, “N t̄inde, t̄ini n̄ibu chabt̄itu.” N chi a yi ko, “Ne nang medu, d̄ine n̄ini k̄ini k̄idanniyi yuunu ti chingiyi yurau. Ka n ke yani t̄an̄ n̄ibu m̄in̄ chabte.”

¹⁴Kwartaba fikomu a lam kuniriti tunu. N Yesu a yi miyarim̄ k̄imu ko, “T̄iyi n̄ibu a sweswe yi kw̄ali t̄itu wan tunutunui.”

¹⁵Miyarim̄ k̄imu a yit̄i n̄ibu, n̄ibu a swera t̄in̄.

¹⁶N Yesu a d̄au k̄idanniyi yuunu n ti ch̄ingi yurabiyu, a kuku kabu a di, a tw̄aba buni a wana Kwama, yinu a wulan k̄idaniyu n ti chingiyu a ni miyarim̄ k̄imu, a keran n̄ibu m̄in̄.

¹⁷Miyarim kimu a kera nibumin tin, chabtitu a bwi, nibu a chabitu, a lwe kawure. Miyarimu a mur tibuken titu a kidanni n ti chingi, nibu a chau, tibukenta dubitu, titingriti kub chiri turau.

M Bitir a yi ko n Yesu nang Masiya

(Mat 16:13-19; Mar 8:27-29)

¹⁸Kaang kidaang, n Yesu a swe kikun ki twaba buni miyarim kimu a be ya kin. Yo n kin a ri twabaku buniyange, a bju chi ko, “Yo nibu kifwa yamu we dur mine, kiyidu ko min n wure?”

¹⁹Miyarim kimu a yi kin ko, “Bikamu kiyidu ko, m mun nang Yowana naba Batisma wu a bwa a kilatewe, bikamu ko faku Yiliya wu a kilatewe, bikamu ko kano wuka we fakubu Kwamamu feredi a no bwamu a kilatewe.”

²⁰Yinu n Yesu a yi chi ko, “N tinde? Tiyidu ko min n wure?” M Bitir a ke kimin ko, “Mun nang Masiya, wu n Kwama fwa ko ka tumede.”

N Yesu a fwa kiduum bwamu yaka madimu

(Mat 16:20-28; Mar 8:31-9:1)

²¹N Yesu a wu chimin kitele kini dukan ko, “Ti fwa wuka ni minu bibu we.”

²²Yinu a yi chi fal ko, “A mwintuwe Bwe Nii ka nwe riye nabwen. Selibu nibu Yafudamu n ti wuduwe fansetiye n ti nibu yungku yilin Musatimu ka kodu ko, m min n ke Masiya. Nibu ka chiyu, aya we wutare di mang kaba tinuwe.”

²³Yinu n kin a yi miyarimu ko, “Kanang wuwule niye wu a ke ka kau miyare miye, a ne maang chi n kin kibaddu ka maditu we, ka n ke timiye. N kin a ke ka nwe riye kwadu dine kibumitine, kasi no nibu a ke ka chiu kinu, a ne dwiyu.

²⁴N fwa bibu dine ni kibaddu ka yu tikuri kiye, ka kwala titu kidiya kwaditu. Aya wu a ke ka kwala tikuri kitu dine mine, ka ya tikuri kidiya kwaditu.

²⁵Tamang kangu wureni ka ni a ya tinitu kini kwang, yinu a kwala tikuri kidiya kwadite?

²⁶Wu ka nwe dibwi miye n ti yam mine, min Bwe Nii, mang nweti dibwi ko yo mang bedu kini dwiyen tidiu temitu n ti nibu tumbiri Kwamamu bibi wauwadu kidelayimu.

²⁷Min fwa chimin biyilim, bikam chimu kini tikuri kikanjimu, ka ku Yaa Kwama yo n chi we tinitu a tibu bwade.”

N Yesu a suten bwi kiyu

(Mat 17:1-8; Mar 9:2-8)

²⁸N kin a fwa yam bibu we kuteng diti yidariyi naribiyu: N Yesu a yal Bitir n ti Yowana n ti Yakubu, a fil kun yak twaba buni ware.

²⁹Yo n Yesu a yak twaba buniye, kabu ko a suten kiyiladu wulbiwulbi. Kulin kinu tin a suten mwemwe.

³⁰Bikam nibu burau a fwetuwe fiko, faku Musa n ti faku Yiliya.

31 N chi b̄ibi burab̄imu k̄ini dwiyen bwadi. N chi a fwa ȳamu n ti Yesu we di n k̄in ka bwade, yo n k̄in a mwatan ka ri k̄ike Kwama a Wurchalima.

32 M Bit̄ir ti fat̄ibu k̄imu a bika duum. Yo n chi a kabane, a ku tiyangu n Yesu a sutenangu, n chi a ku dwiyen k̄itu, a kut̄i b̄ibu burabu a ti waremu.

33 Yo m Musa n ti Yiliya a do bwi yaka du Yesuwe, m Bit̄ir a yi Yesu ko, “Tewuduwe, a le kangu ch̄ini a fiyangu. Nang mu t̄ikubiti t̄itta. Nang mum̄in d̄ikanu, d̄ikanu n d̄iu Musa, d̄itar̄inu n d̄iu Yiliya.” M Bit̄ir a yimbu ȳamu n k̄in k̄ifwad̄imu.

34 Yo m Bit̄ir we fwaku ȳamange, d̄itwin a suwe a yinge chi k̄ini kwang. Miyar̄imu a nwe tayi kangu d̄itwinu a yinge chiyangu.

35 N Kwama a fwa ȳam we d̄itwinu ko, “Wu nang bwemi, n k̄in nang wu mang sute. N k̄in nang wu ta bunt̄i ȳam k̄ime.”

36 Yo Kwama a ri ȳam k̄ime, miyar̄imu a k̄ila ku Yesu a ti n k̄ikun. Miyar̄imu a fwabu ȳam b̄ibu, ka n ke a bwiti chiye. N chi a fwabu wuka nim̄inbu ȳam chi ȳarku yii n chi a kuwetu, yinu a be fwa a yikai wandi.

Yesu a chaku k̄ifibe
(Mat 17:14-18; Mar 9:14-27)

37 Baf̄inenangeko, n Yesu a suwe n ti miyar̄im k̄imi b̄itam̄u we kunnu. Nabwe k̄ituu n̄ibe a be ya k̄in.

38 Wuka nii we murak̄iku a ma diyal k̄ini dukan ko, “Naba yungke, n daan dur mun, be m bemi bwemi, nang bwe m̄ini k̄ine wiin!

39 K̄if̄ibt̄i k̄ikwau k̄inu, k̄ibwe keme. K̄if̄ibe k̄im̄iku k̄inu, k̄iyo yii k̄iridu k̄ini ka k̄ifwiye. K̄idati kwang a kebu ka du k̄inu.

40 N da miyar̄im mumu m̄in k̄it̄im mi a chaku k̄if̄iti yiyu, n chi a yabu dawē.”

41 N Yesu a yi chi ko, “Ta kebu biyil̄imu, t̄int̄ine n t̄in b̄ibwilam. D̄ine nabwe k̄iswi mang swe ti ch̄ine n ti nabwe K̄iswi mang ya ti ch̄ina?” Yinu a yi nii wu ko, “Be miye k̄ini bwemo.”

42 Yo bwe a kun k̄iya bwa d̄iYesuwe, k̄if̄ibt̄i a kun k̄ini riye, k̄ingadu k̄imaiya t̄im, bwiyu k̄im̄ika kana m̄ikaku. Aya n Yesu a wele k̄if̄ibt̄i ko a chir we bwe, k̄if̄ibt̄i a chir t̄in. N k̄in a be bwe, a nit̄i te.

43 N̄ibu a fikomu a ȳar yii we dukan Kwama n chi a ku a d̄iYesuwenu, we chi k̄atak̄i t̄itu a beku bwengitu.

Yesu a fwat̄i k̄ida ko bwako a mwatawe
(Mat 17:22-23; Mar 9:30-32)

N chi kwang a k̄at̄an we chitu Yesu a maatu, a yi miyar̄im k̄imu ko,

44 “T̄it̄ab̄idu chi ya mang fwa chim̄indewe, wuka nii yaka yo Bwe Nii ka le Kwad̄ime fakwarbu k̄ime.”

⁴⁵Aya miyarim kimu a swaanbu chi a nir kine. N Kwama dubu chi ko a swaan biyilimu we chi yaka fweditu. Aya n chi a mwibu yinangu ka biu Yesu chi we muretangu.

Wa la chiye wure?

(Mat 18:1-5; Mar 9:33-37)

⁴⁶Kungakunga a le tibe miyarime, n chi kibaddu ka yim wu ka ya dwiyen we Yaa Kwama yo Yesu ka swe matin yaakote.

⁴⁷N Yesu kanga swaan tikuran chitangu, a yale wuka bwe wutire, a yo kin a ti kidwan.

⁴⁸Yinu a yi miyarimu ko, “Ka wuka nii we tibe chin a yiu bwe wutire yinang wu dine mine a yiu min. Tintine, n kin wu a yiu min kini furi mwe, kiyiu Kwama wu a tume mine kini furi mwen tin. Kanang wuwule niye we tibe chin wu ka siku dur kinu a tim ka maka nibe, n kin nang wuduwe.”

Kanang wuwule niye, wu a katabu ti chine a balang chang

(Mar 9:38-40)

⁴⁹N Yowana a ke kimin ko, “Tewuduwe, nin ku wuka ni kima nangangu kini dukan munu kichaku kifibti we nibu, nin yi kin ko a du, dine n kin a newe kwal chirenu.”

⁵⁰N Yesu a yi chi ko, “Tikodu wuka nii we. Dine ka nang wuwule niye wu a katabu ti chine, a bale chin.”

Nibu Samariyamu a kebu Yesu ka sudu we tim chimu

⁵¹Yo kiswi a lam n Yesu ka kila bwa diye a diKwama, n kin a do we nir kinu ka yika Wurchalima.

⁵²N kin a tum bitumbirim kimu kini yam ko a ya do fi we kibeđu. Bikimu a yikan a le be bine a yaa Samariya, ke chi do chi yiu Yesu n ti miyarimu we bwako.

⁵³Aya nibu a be binemu a ko ka yiu Yesu n ti miyarim kimu dine n Yesu n ti miyarim kimu a ware kiyika Wurchalima yaka sii Kwama.

⁵⁴Yo miyarim Yesumu, n Yakubu n ti Yowana a ku chitiye, a yi Yesu ko, “Tewuduwe, ka n du nin, nin yale kirang a twi bin dide de?”

⁵⁵N Yesu a sabran, a yi chi ko, “Tikuran chintu a lebu.”

⁵⁶N Yesu n ti miyarim kimu a yikatı wuka be bine.

Nibu kifwadu ko chi buntı Yesumu

(Mat 8:19-22)

⁵⁷Yo n chi a yakı yikadu we ware, wuka nii we nibu kinabu kinimu a yi Yesu ko, “Mang kau miyaremo kasi no mwang ya bwale!”

⁵⁸N Yesu a ke, a yi kin ko, “Wuba futu kini bwang ka laiyuwe. Kinibiyu kini kikuli. Aya Bwe Nii a ne fi ka sweendu, ka fikande we.”

⁵⁹N Yesu a chakakku a yi wuka nii ko, “Bumite ni yikan, mwang kau miyaremi.” Wuko a kila yi ko, “Tewuduwe, yam mang fure Temi didin.”

⁶⁰N Yesu a yi kin ko, “Tidu bibu a yimbu Kwamamu a fur kal chinu. Aya m mun, yikan yanang fwa nibu min yam bilimuna a Yaa Kwamamu.”

⁶¹Tintine, wuka a bete fi a diYesuwe a yi kin ko, “Tewuduwe, min mang kau miyaremo. Aya du min n yikan n yang kuwe lomi n fwa chimintin mi n du chin limang.”

⁶²N Yesu a yi kin ko, “A ne nii ka yo falang kangu we karma yinu kani dang kutenge we, a dakabu we nanganga Yaa Kwamangu.”

Luka 10

Yesu a tum nibu wan tidibin chiri burau

¹A kuteng kiku, n Tewuduwe a ni nibu wan tidibin chiri burabimu nangang. A tum chi, burau burau. N chi ka yadu ka tu kinu we fantiyu n kin yaka yadiyu.

²N Yesu a yi chi ko, “Nangangu a kakkangu nabwen, aya nibu nanganmi bayim. Dine yiko, titwaba Tewuduwe naba kakke ke a tume bibu ka ma makaku we kuu komu.

³Tiya! Min tum chinu yinang kwanti a tibe bawutiye.

⁴Tidadu kambir we, ka swenge, ka kiwamiye, titiradu chi we ware.”

⁵Kanang kikile kidaang kiku ta le lo niyange, tiyi ko lime Kwama a swe we lo wuko.

⁶Ka wuka nii kini lime we lo wuko, ka ya lime chin. Ka ne wenge lime chin ka kila chimin teduwe.

⁷We fi niba yiu chine, a kau lo wu ta sikinde. Tichau, tino kasi no ka ni chin wureni. N fwa yiko dine naba Kwambire nangange a dakan ka chau tureko. We binu n tin wemininu, tisutedu loniyu we.

⁸Kanang didile bin ta ledine, ka nibu a yiu chine, tichau chitu ka ni chinitu a ne tikwilan we.

⁹Tibera nibu burinimu, timwa nibu tiko, kiku nang kidangu Yaa Kwama kidwan n ti chinangu.

¹⁰Aya ka tile binu niba kebu chine.

¹¹“Tichir tiya nelo tifwa bibu, ‘Kasi no kur kitin didu a bin chininu a tabatuwe nani chiyu, tibu chimintuwe, aya ta yindu ko Yaa Kwama a mwatawe kidwan.’ ”

¹²“Min fwa chiminu, we di swankute, kidangu n Kwama ka mwata nibu min yamangu, n kin ka nwe kibune bin Sodom, ka la bin didu nibu a kon kininu.”

Bintitu n̄ibu a ko woku k̄it̄imangitu

(Mat 11:20-24)

¹³Yinu n Yesu a fwa yam we n̄ibu a b̄intu t̄itu n k̄in a mang chi k̄ataki nabwenitu, a yi ko, “N Kwama ka wela ch̄in n̄ibu Korasinu n ti n̄ibu Betsaidamu. Ka no n ma chi k̄atakitu mang ma a d̄ich̄inetu we b̄intu Taya n ti Sidon, a no yadu n chi a wo k̄it̄im we k̄ileti chiyu. A no yadu a do t̄iyakisani kul̄ini, a waut̄i buken we bwiti chiyu ke a yung woku k̄it̄imang chiyangu.

¹⁴We d̄iswang kute, n Kwama ka wela ch̄inu ka la Sidon n ti Taya d̄ine n t̄in t̄iku chi k̄atakitu m̄in maditu a ya ta kebu b̄iyil̄imu.

¹⁵Aya n t̄in n̄ibu Kafanawu, t̄ikamaduwe ti n Kwama ka d̄au ch̄inu a bwadiye, a ne fwe du aya ka mar ch̄inu a far k̄iran.”

¹⁶Yinu n Yesu a yi miyar̄im k̄imu ko, “Ka nii a sii k̄itele a nwet̄i miyar̄im m̄imu, a ke yamu t̄imiya chim̄ind̄imu, ka kadu yinang wu a nwe m̄in n ti miyaku mange. Wu ka ko ch̄ine, a ko t̄im̄in, wu a ko m̄ine, a kot̄i k̄in wu a tum m̄ine.”

N̄ibu wan t̄idibin chiri burab̄imu a k̄ilawe

¹⁷N̄ibu wan t̄idibin chiri burab̄imu a k̄ilawe k̄ini furi mwemwen. N chi a yi Yesu ko, “Tewuduwe, k̄if̄ibti k̄inwe n̄inu d̄ine d̄in mune.”

¹⁸N Yesu a yi ko, “N ku Setan k̄iyaredu nang k̄iyile we dii.”

¹⁹N Yesu a chakaku ko, “N ni ch̄in dukan d̄idu ta yadu kasi no a soti yi kwani, ka k̄inaiye a ne ma chim̄in chi. N ni t̄ichin dukan d̄idu ta laan dukan Setane, a ne chi ka ma ch̄ine we ko bayim.

²⁰Aya t̄im̄iladu chi we ti k̄if̄ibti k̄iwul ch̄inu, t̄ima t̄im̄ilantu d̄ine n Kwama a tu a mwal d̄inbi ch̄intu we tak̄ida t̄ikuriye wu a n̄ibu ka le yaako k̄idiya kwad̄imu.”

Yesu a ma furi mwemwen

(Mat 11:25-27; 13:16-17)

²¹We k̄iswi wu, F̄ik̄im Kwamamu a yo Yesu a ma furi mwemwen, yinu a yi Kwama ko, “Tewuduwe mi, mun ma mat̄in chititu n ti ka wuwule niye, we t̄it̄initu n ti bwadiye. M̄in delanu, d̄ine mwang dubu b̄ibu a yim chimu n ti b̄ibu a me chimu a yim k̄ichitu wumu, wu mang fwa miyar̄im m̄imu m̄ine. Yinu m̄in delanu d̄ine mwang yung b̄ibu a kukabu dutu chit̄imu n ti b̄ibu a ke mun̄imu yinang bwes̄im bit̄ir̄imu. A le m̄in Kwama mwang madi yiko.”

²²“Te a nii chiti kwang. A ne nii a yim Bwe we ka n ke Te. T̄int̄ine, a ne wu a yim Te we, ka n ke Bwe, aya b̄ibu a ke mang yung chi Temimu, a yim yinangu Te siine wem̄inangu.”

²³Yinu n Yesu a fwa yam ti miyar̄im k̄imu a bwin k̄it̄uu n̄ibe, a yi chi ko, “N Kwama a dela ch̄in we chi yarku yiyangitu ta kuutu.

²⁴M̄in fwa chim̄inu fakubu Kwamamu n ti mat̄im mu nabwen, a bau ka ku chitu ta kuutu, aya a yabu da. A bau ka nwe chitu ta nwet̄u, aya a nwebu.”

Baltaku a naba Samariya

²⁵Wuka di Yiye, wuka naba yungku yilīn Musante, a kun ka swe Yesu. N kīn a bīu Yesu ko, “Naba yungke, mang ma wureni ke n ya tīkuri kīdiya kwadite?”

²⁶N Yesu a ke kīmīn ko, “Mun ki yilīn Kwamatu ko wule? We yām tīkuri kīdiya kwaditimu?”

²⁷Tewuduwe a yi ko. “Mīla Tewuduwe Kwama mo kīni nīr muni diin, kīni tīkuri mwitu, kīni dukan muni kwang yinu n ti tīkuran mwiti kwang. Tīntīne mīla kemo yinang ka mwang mīla yimwiyangu.”

²⁸N Yesu a yiko n fwa biyilīm, “Ya, ya ma yiko, mwang ya tīkuri kīdiya kwaditu.”

²⁹Dīne nii wu kībaddu ka chaku dur kīnu ko n kīni wauwade, a kīla bīu Yesu ko, “Kemi n wure?”

³⁰N Yesu a ni dīkīlīnu ko, “Wuka nii a chire, a Wurchalima kīsuddu kiyika Yeriko, n kīn a ya teka mīn n ti dabīkūum. N chi a wur kīn. A yitī kīn kāmīru n ti chi n kīni kīne kwang a dumbu kulīnu. N chi a ngau kīn a duba fālī bwai.

³¹Aya wuka we Fanseti nību Yafudam a taa wāre wuko, yo n kīn a ku niwe, a bal we kangu kītīku a sutīn.

³²We kī twalan kangu, wuka naba Lawiye a yakīsudu, a ku nii wu dabīkūum a ngabbe, a bal we kang kītīkīku, a sutīn, a makabu.

³³Yinu wuka naba Samariya, a tatte wāre wu, a be, a ku nii wu dabīkūumu a ngabbe, kībune a tau kīn.

³⁴N kīn a ya we nii wu, a wara kīmīn kīnung n ti yim we bumbitu, a mu kīmīntī tīluktenitu. A dāu nii wu a yo we be kuringe ko, a yikan lo wu nību kīsīkīnde, a ya maka kīn.

³⁵N chi a da we bwako, bafīnenangeko, n kīn a chake kāmīr sure diti yurabīn, a ni naba toku lo sīkīke ko, temiya dāngmi ni wu, ka kāmīru ka ride yo mang kīlade, be mang sudu.”

³⁶Yinu n Yesu a bīu naba yingku yilīne ko, “We dāngkī mwangu, wuwule nang ke ni wu nību a ngabbe, we nībi bīta bību?”

³⁷Naba yingku yilīne a ke kīmīn ko, “Wu a ma makake.” N Yesu a yi kīn ko, “Mun tīn ya, yang ma tīni yiko.”

N Yesu a ya Matta n ti Maryamu mīn siram

³⁸Kangu Yesu n ti miyarīm kīmu a chakakku kiyika Wurchalimangu, a yikan, a lam wuka be bīne. Wuka naye we fiko, a yal chi a loko. Naye dīn kīnu m Matta.

³⁹M Matta kīni keko wuwiye dīn kīnu m Maryamu, wu a swe kīdwan n ti Tewuduwe kīnwe yāmu kīmīya kīmīndīmu.

⁴⁰Aya m Matta a lekan we nanga chabtangu, a ne k̄iswi wu n k̄in ka swedu ka nwe ȳam Yesume we. N k̄in a ya bwa d̄iYesuwe, a yi ko, “Tewuduwe, mang kurbu mwi kemi wuwiye a dumi nangan̄ chabtangu m m̄in m m̄ikuna? Yi k̄in mwi a be makai.”

⁴¹Tewuduwe a ke k̄im̄in ko, “Matta, mun n lekan, t̄ikuran mwitu a yika kw̄al̄in ch̄inu nabwen.

⁴²Aya t̄ime chi wiin we mure. M Maryamu a sutu t̄ita leetu. T̄itu wuka nii a ne yitu k̄initu.”

Luka 11

N Yesu a miya tw̄ab̄aku buniyang

(Mat 6:9-13; 7:7-11)

¹Wuka di n Yesu a yikan yak̄i tw̄ab̄a buni, a wukane fi. Yinu wukane we miyar̄im k̄imu, a b̄iu k̄in ko, “Tewuduwe, m miya n̄im̄in tw̄ab̄ak̄i buniyangu yinangu n Yowana a miya miyar̄im k̄imu m̄inangu.”

²Yinu n Yesu a yi chi ko, “Ka yat̄i tw̄ab̄a bunite, t̄iyi ko, “Te n̄in wu a diye, d̄in muni wauwadu. yaamo a be.

³Ni n̄in chabtu t̄idiitu n ti t̄iti kwaditu.

⁴Du n̄im̄in k̄ileti niyu, yinangu n̄in du b̄ibu k̄ima n̄im̄in k̄iletimu. Yo n̄in yaruwe swek̄iku.’ ”

⁵N Yesu a yit̄i miyar̄im k̄imu k̄ida ko, Kanodu wuka nii we tibe ch̄in k̄ini fate, a ya bwa d̄ik̄ine yi k̄itangt̄ilang kumang, a b̄iu k̄in ko, fate, makai k̄ini chabtu.

⁶D̄ine wuka fat̄imi wu a chire d̄ibw̄ale a s̄ika lomi. Yinu m̄in ne chabtitu ma s̄ik̄inditu we.

⁷Yinu wu a mure, a ke k̄im̄ine ko, yingleyuwe! Aya n tu n yinge kw̄aru. M̄in n ti bwes̄im m̄imu n̄in dada. Ne ma yin yingle bwiyu ma n̄in t̄ikan chi.

⁸M̄in fwa chim̄inu, kasi no a ne kunnu ka ni t̄ikan chi, d̄ine n k̄in fat̄ik̄ine, ka kunnu ka nidu d̄ine ke d̄in k̄inu a kaiya duwe.

⁹“D̄ine ye m̄in yi ch̄inu mi, t̄ib̄iu ka ni ch̄inu, t̄ibau ta yaadu, t̄ibu kw̄aru n Kwama ka wud̄idu.

¹⁰Nii wu a ma d̄ib̄ide ka ya ni k̄iku, nii wu a bau chiye ka yaadu, wa bu kw̄are n̄ibu ka wurk̄im̄inu.

¹¹“A ne nii we tibe ch̄in Tebubu, wu ka bwe ko a b̄iu k̄in ch̄inge, yinu n k̄in ka ni k̄in soonga?

¹²Ka mwan ni k̄in k̄ina yo n k̄in a b̄in fara?

¹³Ka n t̄in n̄ibu bwilamu tiyim yinangu ta ni bwes̄im chimu chi a leletange, a mwintuwe ta swaanu yinangu ka n Te ch̄in wu a diye ka ni n̄ibu b̄ibu a b̄iu k̄in F̄ik̄im b̄ibi Wauwad̄ime.”

Yesu ti Mai kif̄ibt̄iye
(Mat 12:22-30; Mar 3:20-27)

¹⁴Wuka di n Yesu a chaku kif̄ibt̄i wu k̄idang fwakiyamange we ni, yo kif̄ibe chire, naba nii a fwa yam. Murak̄iku a katan.

¹⁵Yinu, bikamu we n̄ibu b̄ibu a yi ko, t̄itu nangang Bayalsebul n k̄in tikake Mai kif̄ibt̄i nang wu a ni k̄in dukan d̄idu k̄i chak̄in kif̄ibt̄ine.

¹⁶Bikamu kibaddu ka swe Yesu. Yinu n chi a yi k̄in ko, “Ma t̄ikan chi t̄itu a k̄ataki, ke a yung dukan Kwamanu we ware ti mun.”

¹⁷Yinu, n Yesu a swaan t̄ikuran chitu, a yi chi ko, “Yaa wu a yaran dutu chite ka yaru. Yinu lo wu a yaran dutu chite ka yar t̄inu.”

¹⁸Ka Setan a yaran bal̄intii turabe, k̄ikula yichi, yinu yaa ko ne tidu. T̄iyi ko yi dukan Bayalsebul m̄in chaku kif̄ibt̄i.

¹⁹Ka k̄ini dukan Bayalsebul m̄in chaku kif̄ibt̄iye yinu miyar̄im chimude? N chi k̄ichak̄idi k̄ini dukan wuren? Miyar̄im chimu nang n̄ibu ka ma chim̄in mwata k̄ik̄imu.

²⁰Aya, ka k̄ini dukan Kwamanu m̄in chaku kif̄ibt̄iye, a yung Yaa Kwama a be tibe ch̄in.

²¹Ka naba dukane a do bwi kiye, k̄ito loko yinange, kul̄in k̄inu a swi.

²²Aya ka wuka nii wu a la k̄ini dukane a be chau k̄ila we dik̄ine, ka yitu kul̄in k̄inu, d̄idu a yon n̄ir̄inu, yinu ka kerat̄i kul̄inu.

²³“Wu a ne we ware ti m̄ine, k̄ikuladu n ti m̄in, wu a makaibu murk̄ike, k̄iyaiyuyaiye.”

K̄ilak̄i kif̄ibt̄i yi bwilai
(Mat 12:43-45)

²⁴Ka kif̄ibt̄i a chir we bwi niye, k̄ibwaladu we fanti yi kusiyu, k̄ibau fii f̄ikake, ka a yaabe kiyidu ko, ma k̄ilat̄i lo mang chir m̄ine we.

²⁵Yo a k̄ilange a be ya lo a f̄iri dandan a kib̄t̄in.

²⁶Yinu, ka k̄iladu ka twake yikai kif̄ibt̄i yidibin yi a la k̄in k̄ini bwilayu n chi ka bedu ka le ni wu, n chi ka swedu we fiko. A kuteng k̄iku da ko ka kayadu ka la wu ferediye.

²⁷Yo n Yesu yak̄i fwa yam b̄ibe, yinu wuka naye we tibe murake, a kuku keru, a yi ko, “N Kwama a dela naye a b̄ine ti wu a kar̄ine.”

28N Yesu a yi k̄in ko, “Aya delak̄iku a la chi a n̄ibu k̄inwe ȳam Kwamamu, k̄itum t̄idimu.”

D̄imwal Yunusa

(Mat 12:38-42)

29Yo n̄ibu a mwe kilwewe chiye, yinu n Yesu a mwe kifwadu ko, “D̄ikalan d̄idu d̄ibwilan. N t̄in t̄ibadu mang yung chim̄in d̄imwal chi k̄atak̄in, ke t̄iyim n Kwama a twiye. A ne d̄ikan d̄imwal d̄idu ta yad̄inu we, a ya ta ya d̄imwalu yinang d̄iYunanangu.”

30“Yinangu n yunana a kau d̄imwal we n̄ibu N̄in̄ibemu, Bwe Nii ka kau d̄imwal we n̄ibu d̄ikalan d̄id̄inu.”

31We di n Kwama ka ma mwatak̄ike, Sarauniya Cheba ka kunnu w̄are n ti n̄ibu d̄ikalan d̄id̄imu, ka yung chidu ko n chi a mabu yinang. N k̄in a chire kutan, a be ka nwe yungk̄i kassan Mai Solomon. Aya wu a be a la Solomon we n ti ch̄in.

32We di n Kwama ka ma mwatak̄ike, n̄ibu N̄in̄ibemu n chi ka kunnu n ti n̄ibu d̄ikalan d̄id̄inu, ka yung chidu ko n chi a mabu yinang, d̄ine n chi a wo k̄it̄imu we a d̄imwar Yunanangu. Aya, t̄id̄ang, wu a la Yunana we fi.

Fit̄ila bwiye

(Mat 5:15; 6:22-23)

33“A ne nii ka mwa fit̄ila ka laiya bura we ka, ka suntu k̄it̄inge. Aya ka yo da t̄idu ke n̄ibu k̄ilewe d̄imu a kuudi.

34Kwalangemo nang chi mun kuun diye. Ka kwalangi mwiyu k̄ini l̄imange, bwi mwiyi kwang ka ri du k̄ini yik̄iku. Aya ka kwalangi mwiyu a ne l̄imang wenge, yinu bwi mwiyi kwang ka kwala yik̄iku.

35T̄ikur yik̄iku we d̄imunangu n ke kilik̄iliye.

36Ka bwi mwiyi kwang a ri k̄ini yik̄ike, a ne wuka k̄iswi k̄iliye we, yinu mwang ridu k̄ini yik̄iku, a kau yinangu chi yiiku k̄iyii munangu.”

N Yesu a wela n̄ibu Farisamu n ti n̄ibu yungk̄i yil̄in̄imu

(Mat 23:1-36; Mar 12:38-40)

37Yo n Yesu a ri fwaku ȳamange, yinu wuka naba Farisa a yale Yesu ko, a be loko ke a chau chabtu. Yinu n Yesu a ya swe k̄iyam chab̄t̄itu.

38Yo naba Farisa a wu a ya batisma a ku Yesu a nurbu f̄aliye, yinu ka mwe chaku chab̄t̄ite, n k̄in a k̄at̄an.

39N Tewuduwe a yi k̄in ko, “T̄in n̄ibu Farisamu, t̄inur kuteng kw̄ase n ti cibe. Aya mure ch̄in k̄ini bwila.”

40N t̄in n̄ibu bik̄us̄im! N Kwama a yo f̄ilange n ketu wu a yo murenga?

41T̄ini babumb̄ibu chi a mure a kw̄ase n ti cibe. Yinu, nang chi ka kau m̄in fit̄ila we kakku Kwamangu.

42“A no chìn, nìbu Farisa. Tìchaku kítìme we kulìn lambu yinang kwekwe n ti fule. Aya n tìtabu yile wu a yàm Kwamame n ti mìlaku Kwamangu. Tìtu nang chi a no dakan ta maditu, a dakabu ta du tìkantu.”

43“A no chìn, nìbu Farisa. Tìke nìbu ka ni chìn dwiyentu n ti fanti yi sweri yidui we murakìku. Yinu tìke nìbu kanìn sii chìnu a kwamari.”

44“A no chìn, nìbu Farisa. Tìn yinang futu tìtu nìbu kiyaduwe a yimbitu.”

45Yinu wukane we a naba yungki yilìn Musante a yi Yesu ko, “Naba yungku, ka mun fwa yiko, n tutì nìn.”

46N Yesu a yi naba yungku yilìnmu ko, “A no chìn, tìn nìbu yilìn, tìdui tìtu nìbu a yimbu tunditu. Aya n chìn ta chakìbu kang yilang tiko ke nìbu a fìkan.”

47“A no chìn, dìne tìmuba ka futu fàkubu n ti bìbu tukebu chimu feredi a chibenìmu.”

48A yung n chìn tìke kìnì chi tukebu chimu a maatu, n chi a chiu, yinu n chìn tìmuba futu chintu.

49Dìne tìtu, n Kwama, we kassan kìtu, a yi ko, “Man tum chimìn fàkubu n ti fandubu. Yinu, nìbu ka chiu bìkam chimu, bìkamu ka nwe riye.”

50Dìne yiko, n Yesu a yi, “Dìkalan dìdu ka ya mwata kìku a dìne kurki kìtum fàkubu Kwamami kwang, kìku n chi a mangu a mwetuwe kìdangu tìtìnitù a mwe mìnangu.”

51A mwe a kìtum Abilamu a lantìn Sàkariya, wu nìbu a chiu a mure Kan Kwamanu kìdwan n ti fii wauwade. No, mìn fwa chimìnu, n Kwama ka ma dìkalan dìdu mìn mwataku we tìti kwang.

52“A no chìn n tìn nìbu yungku yilìn Musantìmu, chìnì kìnì masoli yingku Yaa Kwamangu, aya n tìnìn tìfwan ta lebu. Yinu, tìdangtì nìbu bìbu kìbaddu ka le diimu.”

53Kìswi n Yesu a du fiko, nìbu Farisamu n ti nìbu yungku yilìn Musatìmu a mwe kìko kìnù. N chi kìmìku kìnù kìnì tìbìdìritu we chitu nabwen.

54N chi kìbaddu ka si kìmìn làn, dìne ke fwa chitu a lebitu, wu ka yodu n chi ka tan kìnù kìnì kiletu.

Luka 12

Kìkure a dìbebelin

(Mat 10:26-27)

1We kìdang kangu, nìbu nabwen a muran kífabatì bìkami nani. Yesu a mwe kiyi miyarìm kìmù ko, “Tìma daandaan kìnì yis nìbu Farisamu.” Kanang chikiye nìbu dìbebelinu.

²A ne chi tiyingeri t̄itu a ne kw̄aladitu we. T̄int̄ine, a ne chi t̄ilairi t̄itu n̄ibu a ne yinditu we.

³D̄ine yiko, kasi no t̄it̄ile chi t̄itu niyang fwa kumitu n̄ibu ka nweđu yo t̄imu a kwiyan̄e. Yinu chitu ta fwa ta lailaiye a mure kanitu n̄ibu ka nweđu yinang yilang.

T̄inwedu taiyi we

(Mat 10:28-31)

⁴“Fat̄ib̄i m̄im, m̄in fwa chim̄inu, t̄iwulu taiyi b̄ibu k̄ich̄iu bwimu we, d̄ine a kuteng k̄iku, a ne ch̄iu t̄ikuritu.

⁵Aya mang yung ch̄in wu a lwe chi taiyi, t̄inwe taiyi Kwama wu k̄ini dukan ka ch̄iu t̄ikuriye, yinu ka mart̄i na fara k̄irane. B̄iyil̄im, nang wu ni wul tai kiye.

⁶Niyang mibu kw̄ala yunu a kobo yuraba? Yiko, n Kwama a tab̄ibu ko wiin.

⁷K̄ikumang, n Kwama a yim yinang ka rii dur niinitu wem̄inangu. T̄inwedu taiyi we, d̄ine n t̄in t̄ila kw̄ala we kakku Kwamangu.”

Nwedu taiyi we, yung dur munu

(Mat 10:32-33; 12:32; 10:19-20)

⁸N Yesu a yi ko, “M̄in fwa chim̄inu, nii wu ka mwayi kw̄arikw̄ari we kakku n̄ibange, n k̄in n wu m̄in, Bwe Nii ka yadu k̄ini k̄in we kakku n̄ibu t̄itumb̄iri Kwamamu.

⁹Aya wu a koyi kw̄arikw̄ari we tibe n̄ibe, Bwe Nii ka kot̄idu k̄ini chi we kakku n̄ibu t̄itumb̄iri Kwamamu.”

¹⁰“Kanang wuwule niye wu ka fwa ȳam sw̄aba n̄im a dur Bwe Nii ne, n Kwama ka duk̄im̄in t̄idu. Aya wu ka fwa ȳam sw̄aban̄im we dur F̄ik̄im b̄ibi Wauwad̄ime, a ne ya duk̄iku.”

¹¹“Yo n̄ibu ka yadu k̄ini ch̄in a kakku murak̄i n̄ibu Yafudam ti kakku b̄iduumang n ti b̄ibu k̄ima mat̄in, t̄inwedu taiyi we, yinu ka a kakku tikakenge, t̄inwedu taiyi we yinang kangu ta chak̄i dur ch̄inangu n ti chi ta fwaditu,

¹²d̄ine, F̄ik̄im b̄ibi Wauwad̄imu ka yung ch̄in chi ta fwaditu we k̄iswi wuko.”

Baltaku a dur naba kul̄in

¹³Wuka we murak̄i n̄ibangu a yi Yesu ko, “Naba yungke, yi kemi a kera kula te n̄ine ware ti m̄in.”

¹⁴N Yesu a ke, a yi k̄in ko, “Nabare, n wure a yo m̄in naba mwatake?”

¹⁵N Yesu a chakakku k̄ifwa n̄ibu m̄inu ko, “T̄it̄war! Tiyodu n̄ir we kul̄in t̄it̄ininu, d̄ine nabwe kul̄ine n ke yaku t̄ikuriye.”

¹⁶Yinu n Yesu a fwa chim̄in k̄iku baltaku ko, “Wuka naba kuli we wu k̄ini kuu k̄ile chitu yinange.”

17 Naba kuli wu a le kima tikurantu ko, “Kano ka yo chabtu titu a fire, kano ka madi yire?”

18 Yinu nii wu a yi dur kinu ko, angso, chi mang maditu nang titu. “Mang tunga biniyu kini kwang, mang mu yidui ke n yo cham mimu we n ti tikantu kulini mitu.

19 Yinu fal mang yi dur minu mi, m mini kini chitu nabwen titu a ne ridi datii. Sweswe nang nwe tamang. Chau, no! Nang nwe tamangu.”

20 Aya n Kwama a yi kin ko, m mun dir! Mwang bwadu kini kum wu, yoye n wure ka chau min kuli titu mwan mur dur mun minite?

21 Nang tiyangu ka kadu ka nang wuwule niiye wu a mur dur kin min kuliye aya we kakku Kwamangu, n kin a ne kuliwe.

Tikaiyu nir we

(Mat 6:25-34)

22 Yinu n Yesu a yi miyarim kimu ko, “Min fwa chiminu, tikuraduwe ti ta chau wule, ka ta do wule we bwiye.”

23 Dine tikuritu a la chabtitu, bwiyu a la kulinu.

24 Tidang kaartiyu, n chi a fibu chi, a kabu chi, n chi a newe kini bini, aya n Kwama kichadu kini chi. N tin ta labu kinibiya?

25 Wuka nii we wu ka medu ka su wandiko dine n kin a kai nira?

26 Kangu neta medu ta ma titi bayimitangu, a mayire tikai niru we titu chiye?

27 “Tidang kangu filintu kidwiyedangu, n chi a mabu nangang a kub kulin. Aya kasi no Mai Solomon a dobu kulinu yinang wuka we tibe chi.

28 Ka n Kwama ka do filinu n ti swakiku dikirangiye, kiku di kini tikuri, finenang kile kirange, yinu ni kini tikuriye ka ya kikile doku? N tin bibu biyilim chimu bayime.

29 Dine yiko, tikuradu we ti ta chau wule ka titu ta nodite. Tikuradu chi we dur kinu.

30 Dine kuuti nibu titinimu a yimbu Kwamamu, kikura kichitu wu aya n Te chin wu a diye a yim chi tbaditu.

31 Aya tibau Yaa Kwama. Ka ni chin kichitu wu yinang.”

Kuli a bwadi

(Mat 6:19-21)

32 “Tiwulu tayi we, kwal ditirin, dine Te chin wu a diye kinwe tamang, ka ni chin yaako.

33 Tifek kulin chinu tini tilusani. Tibau yichiyu min kuli titu a ne riditu. Fi daaku a ne dadu, kichidi a ne twai tine.

³⁴Nangkin, fi kuli mwitu wemine, nang fi nir munu we min tine.”

Ni ma kiyolang

³⁵“Tima kiyolang, fitilati chiyu a dumeduwe.

³⁶Tikau tiyang kabe kiyam Tewuduwe ko ka kiladu a Yiye tikali kinaye. Yo a kilawe a bu kware, Binabina a wudu kimin kwaru.

³⁷Kabiyu ka nwe tamang ka Tewuduwe chi a be ya kini sobu a dabi duum kiyang kine. Min fwa chiminu, n kin ka suku luke wuduwe a donge, ka yi chidu ko a sweswe, ka nabidu ka ni ka nang wuwule chabtutu.

³⁸Kabi Tewuduwe ka yadu kima kiyolange ka nwe tamang kasi no n kin ka bedi kitangtilang kumang.

³⁹Aya tiswaan bibu, ka fangko lo a yim yo daaku ka bede, n kin a ne ni daaku ware ka mang kute we loko.

⁴⁰N tin fal tima kiyolang tin, dine Bwe Nii ka bedu a kiswi wu m mun mwang kurabe.”

Kabe wu yile n ti wu bwila

(Mat 24:45-51)

⁴¹M Bitir a bu ko, “Tewuduwe, kiku baltaku a twaiti nina ka mun yi nibi kwanga?”

⁴²Tewuduwe a ke ko, “N wure nang wakili wu kini kassane? N kin nang wu naba lo ka ni da ka tau kulin didu a lokonu yinu ka ni bikamu kabi kitime chi wu a chabte a kiswi wu a dakane.”

⁴³Kabe ka nwe tamang ka Tewuduwe a kilawe a ya kin we nangange.

⁴⁴“Min fwa chimin biyilimu, ka yo kabe wu kanin dang kimin kuli kitu kwang.

⁴⁵Aya ka kabe wu a yi ko, m babba, Tewuduwe a tikawe, yinu n kin a letuwe bikamu kabi bibarim n ti biwutimu, kingau wu bwa, kima wu ye, kichadu kinodu kitosadi kine.

⁴⁶Naba lo ka kiladu wuka di, yo kabe a kurabu beki kange, a kiswi wu n kin a swaanbe. Tewuduwe beka wela kinu yinang ka yiti kin tiduitu ka tung kinu a bale bibu a yimbu Kwamame.”

⁴⁷“Aya kabe wu a yim chi Tewuduwe ko kibadditu yinu n kin a ko yinangu ka tum titu a dakanitange, ka ya ngachi nabwen.

⁴⁸Aya kabe wu a yimbu chi Tewuduwe ko kibadde, yinu n kin a ma chi a lwe ngau chiye, ka ya titwalani bayim. Nii wu nibu a ni nabwene a dakan ka madu nabwen. Aya wu a mwang a ya nabwene, a dakan n kin ka nitinu nabwen.”

N Yesu a be kini bingai

(Mat 10:34-36)

⁴⁹N Yesu a yi ko, “M be mang d̄iku k̄irang we t̄it̄initu, ka nang chikiye, b̄ingai. No n kur k̄irangu ka mwe taku.

⁵⁰Aya m m̄in k̄ini b̄at̄isma mang made didiin aya n̄ir m̄inu a muten ka lam̄inti yo k̄ichitu wu ka sude.

⁵¹T̄ikamadu ti m be k̄ini l̄imang we t̄it̄inita? Kwako! M̄in fwa chim̄inu, n be k̄ini b̄ingai.

⁵²We k̄iswi wu k̄ik̄angu, ka lo k̄ini n̄ibi bunuwe, b̄ingaiyu ka le tibe chi, burab kanodu a wuka k̄iswi, b̄ita kanodu a wuka k̄iswi.

⁵³B̄ingai ka le tibe te n ti bwe, ka kadi yiko t̄in we ne n ti fw̄anu, we nela t̄in n ti yire yinu kanodu yire n ti nela.”

D̄imwal k̄iswin

(Mat 16:2-3)

⁵⁴N Yesu a yi n̄ibu ko, “Ka t̄iku t̄wiye a d̄a we tw̄are, t̄iyidu ko ka swi mwe. Mwe k̄iswi t̄inu.

⁵⁵T̄int̄ine, yo k̄if̄ibe tw̄ar wul̄in k̄ibede, t̄iyidu tiko t̄imu ka bisadu, k̄ib̄isat̄ini yiko.

⁵⁶N̄ibu d̄ibebelin, ta medu ta fwadu yinang ka t̄imu we m̄inangu n ti dii a k̄iswitiye. Wureni a yo ta yimbu fwa chi k̄ifwedu a k̄idangu k̄ik̄angange?”

Dokan ti nii wu t̄ima ȳam ware

(Mat 5:25-26)

⁵⁷“A mayire neta mwata yichiyu m̄in chi a dakan ta madite?

⁵⁸Yo kano t̄iya kan tikake naba mwatak̄inu n ti wu a Mai kememo, funt̄ibwi t̄idokan ti k̄in we w̄are ke k̄ila a yo n le kang naba mwatak̄engu, wuko ka yiddu ka ni d̄ikaran, d̄ikaranu ka yikan d̄ib̄int̄il.

⁵⁹M̄in fwa chim̄inu, ne mwang chireduwe lo d̄ib̄int̄ile a mwituwe mwang fe kamb̄iru a mwaṭi m̄in̄inu k̄ini kwang.”

Luka 13

Woku k̄it̄imang ka t̄wiyake

¹We k̄iswi wuko b̄ikam n̄ibu b̄ibu we fikomu a fwa Yesu m̄in chibeku n̄ibu K̄alilimu m B̄ilatu a yo n̄ibu a chiben̄imu a yo yak̄i ma niku k̄it̄umange.

²N Yesu a yi chi ko, “T̄ikamadu we ti k̄ileti n̄ibu K̄al̄at̄iyamu a la yi n̄ibiyu d̄ine n chi a bwa a riye we K̄aliliye.

³A newe yiko, aya m̄in fwa chim̄inu, ka ta wobu k̄it̄imu we k̄ileti chiye, ta bwadi kwang yinang chi.

⁴Bikami kub chiri naribu nabwe kan diswamin a yar chimintuwe a Silwam, n chi a twiyan, tikudu n chi a la nibu Wurchalimamu kini kiletiya?

⁵Min fwa chimidu a newe yiko, ka ta wobu kitime, ta twiyadu yinang chi.”

⁶Yinu n Yesu a ma chimin kaang baltaku ko, “Wuka nii we, wu kini tini we lambu ku yinabe. N kin a ya, a babba tikulan we tiyang sinangu a yabu chi.

⁷A yi nii wu kito lambuwe ko, duu swatitii tita, min bedu mi kate mang ya tikulan we tiyang sinang kiku mang yaangbuwe. Swi tiyang sinangu, kikaiti tuitu we ying a tubu chi?

⁸Nii kito lambuwe a yi ko, Tewuduwe ko, du tiyangu didiin n doti kida swari diin.

⁹Ka a tu tikulantu, a le, Ka a tube, mwang switinu.”

N Yesu a be naye difikare nibu Yafudam

¹⁰Wuka difikare nibu Yafudam, n Yesu kima miyaku a kan muraku nibu Yafudamn.

¹¹Naye we fiko wu kifibti a kai kine. N kin a ma swatiti kub chiri naribu kini bwiyu a fwifwiye, a yimbu kunu.

¹²Kidangu n Yesu a ku nayengu, a yal, a yi ko, “Naye, burang mwangu a dun.”

¹³Yinu n Yesu a kuku falangu a twai naye. N kin a be, a be dela Kwama.

¹⁴Wuduwe muraku nibu Yafudame a ma kifwini yinang kangu a ku Yesu a be naye wu we Difikare Nibu Yafudame. N kin a kun, a yi nibu a fikomu ko, “Diti nangangi yurukun yiyu ta yaan bekiyu. Tibe we diti yikiyu ta ya beku, aya a bwin difikare nibu Yafudam.”

¹⁵Aya n Tewuduwe a yi kin ko, “Nibu dibebelin bikusim. Mare ka nang wuwule niye kikwi tantikai n ti kurunge ko, ko ke kiniye mwe we difikare nibu Yafudame?

¹⁶Naye wu, kikuwang Yibrayim. N Setan a kwau swatiti kub chiri naribu, a dakabu ka ya beku we difikare nibu Yafudama?”

¹⁷Yam bibu a yo nibu kiko kinimu a nwe dibwi, aya nibu a nwe tamang dine we chi katakitu n kin a maatu.

Baltaku a dur kikwi churame

(Mat 13:13-32; Mar 4:30-32)

¹⁸N Yesu a ke ko, “Ya Kwama kanodi yire, mang swedu kini wureni?”

¹⁹Yinang kikwi kisiraiye, wu nii a rub kiyange a kuuko, yinu a dwiyen a kau tiyange, yinu kinibtiyu a ma kikuli we.

Baltaku kini yis

(Mat 13:33)

20 N Yesu a b̄i u t̄i chi k̄i da ko, “Kano mang swe Yaa Kwama k̄i ni wureni?”

21 Tiyang yis wu wuka naye a lu k̄i ni miim cham kw̄ase yitta, a lamantin yo a furane.”

Kwar d̄i tir̄i n

(Mat 7:13-14)

22 Yinu n Yesu a tau w̄are k̄i yika Wurchalima, a bunt̄i b̄i ntu t̄i d̄i uitu n ti t̄i t̄i r̄i tu k̄i miya n̄i bu m̄i nu.

23 Wukane nii a b̄i u k̄i n ko, “Tewuduwe, n̄i bu bayim ka ya yuk̄i ka?” N Yesu a yi chi ko.

24 “T̄i funt̄i b̄i w̄i t̄i l̄enga kw̄ar d̄i tir̄i nu. M̄i n fwa chim̄i nu, n̄i bu nabwen ka funtubwi ko chi ledu, aya n chi a ne ya dawē.”

25 Ka Tewuduwe a tu a le, a yinge kw̄ar lokone, n t̄i n ta tida tame, tan̄i ng bu kw̄aru, t̄i yidu, tiko wudu n̄i m̄i n kw̄aru, n k̄i n ka k̄i ledu ko, “Mang yim chinbu.”

26 Yinu n t̄i n ta yidu tiko, mare n̄i n chau, n̄i n no n ti mun. T̄i nt̄i ne, mare m ma miyaku we neloti niyu.

27 Aya n k̄i n ka yi chidu ko, mang yim chinbu ti bwanu ta be m̄i ne, t̄i yikan m̄i na fi, n t̄i n n̄i bu b̄i bwilamu.

28 Yo ta ku Yibrayim n ti Yichaku, n ti Yakubu n ti f̄akubu Kwamamu we Yaa Kwama ta kiwii ti k̄i rt̄i ku numang.

29 N̄i bu ka bedu we tw̄aru n ti k̄i twale n ti Tw̄ar wul̄i nu n ti kir kulanu, ka swedu ka chau chabtu t̄i kali k̄i naitu we yaa Kwamatu.

30 “We fi fal, b̄i kak̄i mu, beka kau swan kuteng. B̄i bu a no a kutemu beka chakaku.”

N Yesu a ma furi k̄i lik̄i li we Wurchalimangu

(Mat 23:37-39)

31 We k̄i swi wu, b̄i kam n̄i bu Farisamu a be yi Yesu ko, “Du fi, yika wuka fi, d̄i ne m Mai Yiridu k̄i baddu ka chinnu.”

32 N k̄i n a yi chi ko, “Yat̄i yi k̄i nginge wuko tiko, m̄i n chaku k̄i f̄i b̄i ti, m̄i n bet̄i n̄i bu, we wutare di mang ri k̄i kemi.

33 A mwintuwe mang chakaku k̄i ni yayumi diwu n ti f̄i nenang n ti kirenang. K̄i kumang a dakabu f̄aku Kwama ka bwadu a wuka fi ka n ke Wurchalima.”

34 “Wurchalima! N ch̄i be f̄akubu Kwamamu, t̄i kwela b̄i bu n Kwama a tum chim̄i nemu k̄i ni kali. A dati yile, m̄i n fumbwi mang mur ch̄i nu yinang ka nayibe k̄i mur betiki a mure l̄abi kiyengu, aya ta keyibu!

³⁵Tidang fal Kan Kwama chinu a Wurchalimanu kikangu a kau kanglo. Min fwa chiminu a ne ta kuitinu we kida ka laminti kiswi wu beta yidu ko, 'Kwama a yo delaku we dikine wu kibedu a din Tewuduwe Kwama.' "

Luka 14

N Yesu a be nii a difikare nibu Yafudam

¹Wuka difikare nibu Yafudam, n Yesu a le lo wuka tikake nibu Farisamu ka chau chabtu. Nibu a kur kiminti nuiyuwe.

²Wuka nii wu naniyu n ti kani kiyu a mubamubane we fiko.

³N Yesu a bju nibu Farisamu n ti nibu yungku yilin Musatimu ko, "A le we yilangu ni be nii we difikare Yafudam ka a leba?"

⁴Aya n chi a nibu dikilin yiin. N Yesu a tau falang nii wangu, a be nii wu, a yi ko, yikan.

⁵Yesu a chakakku a bju chi ko, "Ka wuka nii kini bwe ka kurenge, ka tanka a yara bwir we difikare nibu Yafudame. Ta kurtibu tiko dii wu difikare nibu Yafudam, tafunti bwi, tichakidu we a bwiru!"

⁶N chi a fwabu chi dine a yim ko n Yesu a la chi kini bijilimu.

Dau dur munu n ke tikan chi

⁷N Yesu a ku tiyangu nibu bibu a be mabwi kisutu fanti yiyiliyu chi fwanangu. N kin a fwa ka nang wuwule min yam bibu:

⁸"Ka wuka nii a yal chin a Yiye tikali kinaye, yang sutidu fi wuyile we munin mun fwan. Ka ledi yiko dine mwang yimbu ka naba tikali kinaye a yale wuka nii wu a la mun kini dwiyene.

⁹Ka fwe yiko, naba lo wu a yal chini burako, kanodu kikilu kiyanu ko, 'Ma bwanu, ni wu fiswemo', dine yiko, kano mun kiladu mun swedu a fi wutire wu mwang nwen dibwiye.

¹⁰Aya chi a la chiye, ka ni a yalin a tikali kinaye, ya, yang bau fiswe wutire swe we. Yo ni wu a yaline ka bede, ka rikanu ko, 'M be fi, fatemi, swe a fi nibu biduum wemine.' We fiko nui nibiyi kwang ka kudu ka yintinu ko nii wu a yaline, a rika mun.

¹¹Wu ka rika dur kine, ka kadu n ke tikan chi. Wu a yung ko n kin n ke tikan chiye, ka ya rikaku."

¹²Yinu Yesu a yi naba diyale ko, "Ka n yale nibu mwi a be chau chabtu a mabwiye, yalu ka fatibu mum we n ti kebu mum, n ti naman mwangu n ti kulimu kidwan n ti munimu, dine kidum nibim bibu kano kini niin te kwase we wuka di.

¹³Aya ka mwang yal n̄ibu a mabwiye, yal k̄idum n̄ib̄im b̄ibu. Babumb̄ibu n ti b̄ibu k̄ini deer we bwiti chimu, yal k̄ikubtiyu n ti k̄idububu.

¹⁴N̄ibu b̄ibu a ne tum m̄ine kwase, nang fi mwang yan delaku Kwamange, n ti delak̄iku kanodu di swan kute yo n Kwama ka nika k̄it̄intiye.”

Baltaku a Yiye wuduwe

(Mat 22:1-10)

¹⁵Wuka nii wu a swe k̄ichau chabtu k̄idwan n ti Yesuwe a nwe chi Yesu a fwaatu, n k̄in a yiko, “Naba delake wu ka chau chabtu we Yaa Kwama.”

¹⁶N Yesu a yi k̄in ko, wuka nii a sii Yiye wuduwe, a yalte n̄ibu nabwen.

¹⁷Yo k̄iswi wu a Yiye a lame, n k̄in a tum k̄abe ko, ko a ya, a yi b̄ibu n̄ibu a yalemu ko, t̄ibe, chabtu a bi.

¹⁸Aya n chi k̄ini kwang a ko beku. N kawure a yat̄i fili wuka swab̄ind̄inu. Wuka nii ko, aya n t̄an kuu wu fwiye, a kabi k̄ing ma yadu ma d̄angedu, mami bwanu.

¹⁹Wuka nii ko, “N t̄an tant̄ikai war̄aku t̄imiyangi kubu, m̄in yadu yamang swe chidu, m̄in wananu, ma bwanu.”

²⁰Wuka a yi t̄in ko, “M ma k̄ina wu fwiye, a ne ledu mang chiru ma ya Yiye.”

²¹“Kabe a k̄ila we a fwa Tewuduwe ko m̄in chi n̄ibu a yi k̄initi kwang.” Tewuduwe ko a ma k̄ifwini yinu a yi k̄abe ko, kaiyu k̄iswi we, k̄ilan n le net̄iloyu n ti bet̄iwari yiyu a b̄iniyu, mure babumb̄ibu n ti k̄ikubti, n ti k̄idub̄ibu, n ti b̄ingirman̄imu be k̄ini chi a fi.

²²B̄inab̄ina, k̄abe a yi ko, Tewuduwe, m ma chitu mwang fwaatu aya n̄ibu a bemu bayim we chabt̄itu niyang siitu.

²³“Tewuduwe a yi k̄abe wu ko, ‘K̄ilatuwe net̄iloyu ti war̄iyu, yal miye n̄ibu ke a be ri lomi.

²⁴M fwa chim̄in a ne ni ka twai chabtu t̄ite we n̄ibu no mang yalemu ko wiin.’”

Riye bunt̄iku Yesunge

(Mat 10:7-38)

²⁵Wuka di n̄ibu nabwen k̄ibungadu n ti Yesu, n k̄ina sabran a yi chi ko,

²⁶“Nii wu a ke ka bumit̄ine, ka a kobu Te k̄in, n ti ne k̄in n ti naye ko, n ti Bwes̄im k̄imu n ti kebu k̄imu b̄ibar̄imu n ti b̄iwiyemu, kasi no nang t̄ikuri kitu. Ka ko be, a ne medu ka kau miyaremi.”

²⁷Nii wu a ne kedu ka nwe riye we kuteng mange, ka d̄au k̄it̄iyang bwa mange, a ne medu ka kau miyaremi.

²⁸“Ka wuka nii we tibe ch̄in k̄ibaddu ka mu neti kane, a no le n k̄in ka swedu, ka d̄ang chitu ka taditu, yinu ka yindu ka, ka lwe k̄im̄in muk̄ika?”

²⁹Ka n k̄in a ru ka tame, a swanbu muk̄ike, n̄ibu k̄ikudumu a ne nura k̄inu nurana?

³⁰N chi ne ka yidu ko wu a no k̄imo chiye a swan ba?”

³¹A fwat̄i kaang baltaku ko, “Ka wuka Mai a chir k̄ini n̄ibu kun̄im ka ma kun n ti wuka maiye, a ne mwedu ka d̄ang dukan n̄ibu kun̄im k̄imu kuniriti kub̄imu ka we la b̄ibu kuniriti wan turabu n chi k̄iyadu ka d̄ikadu ware ma?”

³²Ka ne mede, yo n̄ibu kun̄imu a tibu lan fiye, n k̄in ka tum f̄ak̄abu ko a ya doka tibe chi.

³³Ka kadi yiko ka nang wuwule niiye wu ne du chiti kwang d̄ine m̄ine, a ne yim kau miyaremi.”

Baltaku a bumang

(Mat 5:12; Mar 9:50)

³⁴“Bumu chi tiyili, aya ka t̄am̄ang kangu a chire, ni medi yire ni k̄iladi k̄ine?”

³⁵A ne le chi, ka n ke ni kura t̄ime. Wu k̄ini k̄iteliyu ka nwe, a nwe.”

Luka 15

Baltaku a kwami wu a laiye

(Mat 18:12-14)

¹Wuka k̄idi n̄ibu k̄iyiu sangkal̄im n ti n̄ibu k̄ilet̄im a muran beka nwe ȳam k̄imu.

²Yinu n̄ibu Farisamu n ti n̄ibu yungku yil̄ing Musat̄imu a mwe kungakunga k̄iyidu ko, “D̄ine wule tan̄in chau chitu n ti n̄ibu k̄iyiu sangkal̄imu n ti n̄ibu k̄ilet̄ime?”

³Yinu n Yesu a fwa chim̄in k̄iku baltaku ko,

⁴“Kanodu ka wuka ch̄in k̄ini kwantiyu kuule, yini wiin a laiye, n k̄in a ne du yiyu wan-turkubu chiri turkubiyu we nachangu, ka k̄iladu kan̄in babba wu a laiya?”

⁵Ka a yawenge, ka ngada a k̄itale, ka k̄ila lo k̄ini t̄im̄ilan,

⁶Ka yika lo. Yinu ka yale fat̄ibu k̄imu n ti b̄ibu chi a kwakan waremu, ka yi chidu ko, “T̄imakai m̄ilaku d̄ine n yawe kwami wu a laimiye.’

⁷M̄in fwa chim̄inu, t̄im̄ilantu nabwen we dii, we nii wiin wu a be wo k̄it̄ime, ka lat̄i b̄ibu a yim Kwamamu wan turkubu chiri turkub̄imu, b̄ibu a ne bau woki k̄it̄imangu.”

Baltaku a k̄amb̄ir da laiye

⁸A yi ko, “Naye k̄ini k̄amb̄ir suri kubu, wiin a lai, n k̄in ka mwa chi yikitu ka f̄iret̄i lo, kan̄in babbadu yinu ka yadu.

⁹Ka n k̄in a yange yinu ka mure fat̄ibu, n ti b̄ibu a f̄ilang chiyanḡimu, ka yi chidu ko, ‘T̄imakai m̄ilaki d̄ine n ya k̄ambir̄ d̄idu a laiyeu.’

¹⁰M̄in fwa chim̄inu, a fi wiine ka kau chi m̄ilake we n̄ibu t̄itumb̄iri Kwamamu ka naba k̄iletiye wiin a wo k̄it̄im me.”

Baltaku a bwe laiye

¹¹Yinu Yesu a chakakku, “Wuka nii we wu k̄ini bwes̄im kwartabu burabu.

¹²Wu t̄ire a yi te k̄in ko, ‘Tete, nim̄in chitu no mwang niyitu we kuteng k̄iku mang bwadangu.’ Yinu tete a keran chim̄in kuli kitu.

¹³“A kuteng k̄iku, ditiyu bayim mangu, bwe a mur kul̄in k̄ini kwang, a du lo, a yika d̄ikan b̄in d̄idu kutan we bwako a ya kai k̄ambiru, a nanḡin t̄ikusi.

¹⁴We kutengu n k̄in a ri chaku kw̄al̄in chiin d̄idu n k̄ini k̄in̄inu, yinu chun d̄iduun a le b̄inu, n k̄in a kwalan ka t̄it̄ile chiye.

¹⁵Yinu a ya bau nangang a wuka nii we b̄in d̄ik̄inu, nabani a tun k̄in a bal̄ang ka sult̄i k̄imi loi, ko a yana tod̄u.

¹⁶A bau ka chau chabtu sult̄ik̄imitu. Aya a ne ni wu a ni k̄in da ka chadewe.

¹⁷“A kuteng k̄iku ni wu a kuran we n̄ir k̄inu ko, wule? N̄ibu nangari Temiyemu k̄ichau chabt̄itu chi t̄ikusi, nang wu k̄ila ka kadu yama bwadu k̄ini chuna!

¹⁸Mang k̄ila bwadi temiye, mang yidu mi, tete, m ma Kwama wu a diye m̄in k̄ile, m ma mum̄in t̄in.

¹⁹Mang lwebu mwang yaliyu mwi bwemo. Yo n kau yinang k̄abe mo.

²⁰Yinu a kun a tau ware k̄ik̄ila bwa d̄itek̄ine nangu bwe a fwewengu, te a swir k̄in, yinu a nwe k̄ibune ko, a kuni ka banang, a ya kwar bwe ko.

²¹“Bwe a yi ko, tete, m ma Kwama m̄in k̄ile, m ma mum̄in t̄in. Mang lwebu mwang yaliyu mwi bwemo.

²²“Aya te a yale k̄abi kiyu, a yi ko, t̄iya datu! T̄ibemiye k̄ini luke wuyile wu a la chiye t̄ido k̄im̄in t̄ido k̄im̄int̄in kene n ti k̄iwamiyu.

²³Ti bete k̄ini tanka wu a kwam yinange ni bidu, ni wudu, ni m̄ila t̄inu.

²⁴D̄ine bwemi no a bwa, a ya a kabatuwe, a no a lai, a ya k̄ik̄angu ni yatuwe. Yinu n chi a ma t̄im̄ilantu yinang.

²⁵“We k̄idang kangu bwe ko wu sele n ti b̄ikam sel̄ibu k̄ik̄iladu a kir. Yo a lame k̄idwan n ti lo, a nwe n̄ibu k̄ingau kw̄ar̄in, kiyiu were.

²⁶N k̄in a yale wuka k̄abe we lo, a b̄iu ko wule kifwed̄u.

²⁷K̄abe a yi ko, n bwe ch̄in a k̄ilawe, nang wu n temun a yo n̄ibu a bi tanka wu a kwam yinange, d̄ine ke mo a k̄ilawe lo limang k̄ir̄im.

²⁸“Bwele wu sele a nwe kifwini yinang, a ko ka le lo, yinu n te k_in a chire a be ni bwanu, a wana k_in ko a lewe lo.

²⁹Aya n k_in a k_il tek_in m_in ko, ‘Dang! We swatu t_itu, m_in mam_in nangangu nang kab_e mang kobu chitu mwang ya_iyu mwi n mam_init_iu mwang lam_inbu be si mwang nibu ke n yale fat_ib_i m_imu n ma bwi ware.

³⁰Aya dang bwemo wu a kilawe, a ya chau kul_in munu n ti t_ibani nang wu k_ila mwang bi k_im_in tanka wu a ri bwiye.’

³¹“Te a yi ko, ‘Bwemi, ditiyu k_idang m_in we ware n ti mun chitu m_ini k_init_iu n t_iu mun.

³²A dakan ni ma t_im_ilan n t_i furi mwemwen, d_ine ke mo a no bwa, k_ikangu a kilawe lo, a no lai, aya k_ikangu ni yawe k_in.’ ”

Luka 16

Baltaku a kasan wakili

¹Wuka k_idi n Yesu a yi miyar_im k_imu ko, “Wuka naba kuli a ni wakili kul_in ko a na dang k_iminu. A kuteng k_iku naba lo a nwe yamu ko wakili ko k_ikai kul_in k_inu.”

²Yinu naba lo a yale wakili a yi ko, m_in nwe wule ying we durmune? Fwa tiyangu mwang ma nanga mangangu d_ine a ne mwang chakaku k_ini nangangu wakiliyangu.

³“Yinu wakili a kura we n_ir k_inu ko, Tewuduwe yaka kakayu we nangangu k_iku, kano mang madi yire k_ikangu yo mang newe k_ini dukanu mang chuun tim_ine, t_int_ine ka kau chi dibwi we kalaku chiyangu.”

⁴N yim chitu mang maditu, ka a kakayu we nangangu mange, ke n_ibu a yii we loni chiyu.

⁵N k_in a yale n_ibu k_ini kwang b_ibu naba loko a ni chi d_is_in_imu. A mwetuwe wu a tiye kake ko, “Tewuduwe mi k_inab_ini yire?”

⁶Wuko a yi ko, “Saiye k_inunge olifang kuul.” Wakili a yi ko, “Yiu d_ilukene lwaginu k_ikangu yang mwal wan tunu.”

⁷A b_it_i wuka ko, “Mun de, k_inab_ini yire?” Wuko a yi ko, “Swangi cham miyu kuul.” Wakili a yi ko, “Wo tat_ik_idai mwiyu, yang mwal wan nar_ibu.”

⁸“Yinu Tewuduwe a wer wakili wu a ne b_iyil_im we d_ine kassan kitu. N_ibu t_it_in_imu a swaan yinangu ka nab_i n_ibu d_ikalan chin_imu a lat_in n_ibu Kwamamu.”

⁹N Yesu a chakaku kifwadu ko, “M_in fwa chim_inu, t_ima nangangu k_ini kuli ch_intu we t_it_init_iu, d_ine ke t_iya fat_ib_ibu. D_ine yiko ka kulit_i a riye, ka yiu ch_inu we loni chiyu we bwa diye.”

¹⁰“Nii wu a lwe ni kedi k_{in} we chi t_it_irite, ka medu ka kedi k_{in}i k_{in} we chi t_iduiyitu. Nii wu a bunt_ibu biyil_imu we t_it_irite, ka medu ka kau wu a ne biyil_im we chi t_iduiyitu.

¹¹Ka ta yungbu biyil_imu we kuli ta t_it_inite, n wure ka ke ch_inu k_ini kuli we bwa diye?

¹²Ka ta yungbu biyil_imu we kuli wuka niin te, n wure ka ni ch_in d_idu n du chin_inu.”

¹³“Kabe a ne medu ka ma nangangu we Tewuduwe burab_imu, ka ka ko wu wiine, ka ma wu wiine m_in t_iyiliye, ka ka sw_aba wukane. A ne mwang medu mwang buntu Kwama ka k_am_bi_r a fi wiine.”

Yilang Kwamangu a ne sutekuwe

(Mat 11:12-13; 5:31-32; Mar 10:11-12)

¹⁴N_ibu Farisamu b_ibu k_im_ila k_am_bi_ri_mu, nang ka nwe chitu n Yesu a fwatangu, n chi a ma k_im_in k_ifwile.

¹⁵Aya Yesu a yi chi ko, n t_in nang b_ibu t_ibadu tan_in yungdu we kakk_i n_ibangu ti n t_in n_ibu t_itum biyil_im_imu. Aya Kwama a yim n_itu chintu. Aya kwal_in chinu n_ibu k_iniin ch_in dwiyent_inu, n Kwama babu ka kudu.

¹⁶“Yil_in Musatu ti tat_ik_idai fakubu Kwamayu nang chi n_ibu k_ibunt_ide a lant_i k_iswi n Yowana naba batisma a mwe k_ima d_i mware. Aya nangu n_ibu a tau k_imwa y_am Kwamamu, ka nang wuwule niye k_ifunt_ibwi yinang, ke k_iya leku.

¹⁷Ka la chi bunge dii ti t_imu ka sudu n ti k_iku d_ikw_ali diin ka swidu a t_imangu we yil_intu.”

Miyaku a chiku k_ing

(Mat 19:1-12; Mar 10:1-2)

¹⁸“Nii wu ka chakku naye ko ka na wukane, k_ima t_ikuli, yinu wa na naye chire a duwe kwarta ko, k_ima ka t_ikuli.”

Wuka naba kuli n ti Lasaru

¹⁹“Wuka naba kuli we k_idangu ferediyangu, k_ido ka kul_in d_idu k_ini k_am_bi_ri_n, k_ichat_i chabtu t_iyili diti k_idang.

²⁰We kw_ar lokonu wuka ni we wu k_ik_ala chiye d_in k_inu n Lasaru, wu bumbitu a ri bwi kiye. N_ibu k_idau k_inu ka nang wuwule k_idiye k_it_iu k_ina fiko.

²¹N k_in k_ibaddu kan_in chau t_ibuken chabtu ta twakani we tebur naba kul_inu. Kadatiyu be k_idala bumbi kitu.”

²²“D_ilusan d_idu a be bwa, n_ibu t_itumb_irim Kwamamu a dau k_in, a ni fiswe wuyile ware ti Yibrayim. Naba kuli wu a bwa t_in, n_ibu a fur t_in.

²³A yika to kw_amiye, k_inwe ka riye, yinu a kuk_i kabu ko a ku Yibrayim n ti Lasaru kutan.

²⁴Yinu a ma diyal a yi ko, tete Yibrayim, nwe kibune mi, tum Lasaru a dike bewure ko a mwe ke a swami ben minu, ke a ribeni yuum, dine min nwe riye we kirang kiku.”

²⁵“Aya Yibrayim a yi ko, kur bwemi, we kidangu muna no a titiniyangu, muni kini kwalin chiin diyilin, n Lasaru a nwe riye. Aya kikangu kinwe tamang, mun mu nwe riye.

²⁶A bwin yiko, tibe nin ti mun nabwe bwang we kishwamang, kiku a do dine bibu kibaddu ka ya fi a dichinemu a ne yada yabiku.”

²⁷Yinu naba kuli wu a yi ko, tete min wananu, tum Lasaru lo ditemiye.

²⁸Dine mini kini kebubi bunu kwartabu, a ya fwa chimin yam, ke n chi a bedu finu a riyewe.

²⁹Yibrayim a yi ko, kebu mumu kini yilang Musangu n ti tatikidai fakube, yam n chi a nwe chitu ka fwa chi minditu.

³⁰Naba kuli a ke kimin ko, a newe yiko tete Yibrayim, aya ka nii wu a bwa a kuntuwe, a ya bwaan dicheye ka wo kitimu.

³¹“Aya Yibrayim a yi ko, ‘Ka n chi a nwebu chi yilang Musangu ti tatikidai fakubu kifwadete, kasi no wukani a kun we furu a ne nwe kinu.’ ”

Luka 17

Yodu bikamu a yaru we

(Mat 18:6-7,21-22; Mar 9:42)

¹Yesu a yi miyarim kimu ko, “Chi kiyo nibu kima kile, a mwintuwe ka bedu ka ya chinu. Aya ka kau chi kibune we nii wu a yo yare.

²A no la nii wuko min chi ka a no kwau kale nere we kwir kinu yinu ka mar kinu a far didun n ti kiku ka yo nii wu a yiu Kwama a mabu kilenge min yare.”

³Tima kiyolang we yichiyu. “Ka ke mo a mamın kilenge, fwa kımın yam, ka a bau wokı kıtımange, du kımın tın.

⁴Kasi no a ma min kile kidati yi yidibiin we diwiine, ka a kilawe ko n du kimine, du kımın.”

Keku biyilimang

⁵Yinu fandubu Kwamamu, a yi Tewuduwe ko, “Maka nin, ke nin ti kiring we keku biyilimangu.”

⁶Tewuduwe a kinta chi ko, “Ka keku biyilimang changu a lam yinang kikwi kisiraiye, ta yi nabwe tiyang kiku tiko chir we fi, yang ti a tibe far didune, ka fwe tini yiko.”

⁷“Ni daḍu ka wuka nii k̄ini k̄abe wu k̄isu kum̄in t̄im k̄itot̄i kwantiye, yo ka k̄iladu we nachange, mwang yi k̄inu mwi a funt̄ibwi a chau chabtu kita?”

⁸A ne mwang yidu mwiko sii mi chabtu metu, be miye k̄in mang chadu, mang not̄idu yinu mwang chau t̄imwiya?”

⁹Kano k̄abe ka ya t̄iwanan d̄ine n k̄in a ma nangang ka dakananga?”

¹⁰N ch̄in t̄in ka t̄ibunt̄i chi n̄ibu a yi ch̄in ko t̄imangite, ta yidu tiko n n̄in k̄abi n̄in̄in ma chi n̄ibu a yi n̄in ko n̄in ma.”

Yesu a be n̄ibu mwalimi kubu

¹¹Yo n Yesu a tau w̄are k̄iyika Wurchalimange, a bunt̄i k̄idire Kalili n ti Samariya.

¹²Yo n k̄in a lam be b̄ine, n̄ibu mwalimi kubu, a ya k̄in. N chi a ti ḍak.

¹³A yal chi k̄ini dukan ko, “Wa Yesu Tete nwe k̄ibune n̄in!”

¹⁴Yo n Yesu a ku chiye, a yi ko, “T̄iya bwa fansetiye a ḍang ch̄in.” We w̄are n chi a be we mwalitu.

¹⁵Wu wiine kanga ku ka bengu, a k̄ilawe k̄idela Kwama k̄ini ker d̄idun d̄ine l̄ime n k̄in a yange.

¹⁶A be sung a kakku Yesu, a wana k̄in, nii wu naba Samariya.

¹⁷Yesu a yi k̄in ko, “N̄iba ya bek̄imi kubu, b̄ibu turkubumu a bw̄ale?”

¹⁸A mayire kana rungko ka k̄iladu be ka ma d̄iwanu we d̄iKwama?”

¹⁹N Yesu a yi nabani ko, “Kun n yikan, keku biyil̄im a d̄iminengu a been.”

Yaa Kwama ware n ti ch̄in

(Mat 24:23-28,37-41)

²⁰B̄ikam n̄ibu Farisamu a b̄iu Yesu k̄iswi Yaa Kwama ka bede. N Yesu a yi k̄in ko, “Yaa Kwama a bebu yinang ka mwang kudu k̄ini nuiyang.

²¹Ka nii ka yaṅu ko n ḍang nang wuwe, ka nang wu a bwa d̄ine we ware n ti ch̄ini.”

²²Yinu n k̄in a yi miyar̄im k̄imu ko, “K̄iswi k̄ibedu wu ta baddu nota ku wuka di we ditiyu Bwe Nii a mayu, aya ne ta yadu.”

²³N̄ibu ka bedu b̄ibu kan̄in yi ch̄inu ko, ḍang n k̄in a bwa ka, ka yidu ko t̄id̄ang n k̄in a fiye, tiyaduwe.

²⁴Yinang ka ta ku k̄iyile k̄ichiredi kw̄albu we kangu baḷang kifwet̄inu a kangu baḷangu, nang yinang ka di Bwe Nii kano we wem̄inangu.

²⁵Aya n k̄in ka mwedu ka nwe riye chitu nabwen, yinu n̄ibu d̄ikalan d̄id̄imu ka kot̄i k̄inu.

²⁶We yiko, yinang kangu a fwe we kidang Nufuwangu, nang kangu ka fwetinu we kidang Bwe Nii yangu.

²⁷Kanang wuwule niye a lekan we chachabe n ti norin tu, kwartabu n ti natibu a lekan a kana kinati a laminti di n Nufu a le kwambire mwe. Mwe bambilime a be bulma chi a bwarani kini kwang.

²⁸A lakabu n ti diti Lotu, ka nang wuwule kichadu kinodu, kitanu kifekidu, kifidu kimuba tinu.

²⁹We diko, n Lotu a dun Sodome, kirang n ti kifibti kirangi ki swiyedu we dii, a chibe nibu kwang.

³⁰Nang chi ka fwedu we di Bwe Nii ka kila minede.

³¹We diko, ka a ya mun a yifila, kiladu lo we mwi yamwang da kulin mun. A fi wiine n ti wu a no yika kire, a kiladu lo we.

³²Tikur chi a fwe kini naye Lotu we chitu a maatu.

³³Nii wu ka funtibwi ko ka to tikuri kite, ka kwaladu, wu a mar tikuri kite ka ya yuku.

³⁴Min fwa chiminu, we kum wuko, nibi burau ka da duum a kwambire wiin, ka dau wuka ka du wuka.

³⁵Natibu burau kanodu kikwa cham, ka dau wuka, ka du wuka a kuteng.

³⁶Nibi burau kanin ma nangangu we kuu, ka dau wuka, ka du wuka we.

³⁷Yinu miyarim kimu a bu kin a yi ko, "Tewuduwe, a fire, a bwale?" A yi chi ko, "Kasi no bwale fi kwame we mine nang fi kisungtikwasiyu kimurande."

Luka 18

Baltaku a naye wu a tau kibau makake

¹Yinu Yesu a fwa miyarim kimu min kaang baltaku, dine ke a yung chi ko a dakan n chi kanin twaba buniti kwadu, a bwaraduwe.

²"N kin a yi ko, wuka naba mwatake we dikan bin didu a nwebu tayi Kwamaye. N kin a ne lwangang kang we ti nibu.

³We bin dikinu, wuka nabune we, kibwaladi kwadu a naba mwatake kiwana kinu ko, 'Chaki we keme nibu a mar, a dur mine.'

⁴"N kin a mwan a ko, kini kuteng kiku a fwa we nir kino ko, 'Kasi no kiku mang nwebu tayi Kwamangu, a neti lwangang mang we ti nibangu.

⁵Aya dine naye wu a tali kini yame, mang funtu bwi mang chaki kinu, dine ke a dwi n fikamin.' "

⁶Yinu Tewuduwe a yi ko, “T̄inwe chitu naba mwatake a tumbu biyilime a fwaatu.

⁷Yinu n Kwama a ne chaku bisutir̄im kimu, bibu kitw̄ab̄a du a dik̄ine kum ti kukoma? We ka n̄in kaka chidi chika?

⁸M̄in fwa chim̄inu ka maka chidi daatudaatu. Yinu yo Bwe Nii ka kilade, ka ya nibu biile k̄ini biyilime?”

Baltaku a naba Farisa n ti ni kiyiu sangkale

⁹N Yesu a fwa k̄iku baltaku a dur nibu bibu k̄ikudu ko chi tum yilem bibu kisw̄aba bikamu nibim.

¹⁰A yi ko, bikam n̄ibi burau, a ya le Kan Kwama Wurchalimanu ka tw̄ab̄a buni. Wiin we tibe chi naba Farisa, wuka nii kiyiu sangkale.

¹¹Yinu naba Farisa a kun a titiye, a mwe kitw̄ab̄a bunitu ko, Kwama, mwang mabe d̄ine m̄in n newe yinang bikamu nibu, bibu k̄ima kut̄im n ti bibu kisul nibim n ti k̄ikulbu. M̄in n newe nang nii wu kiyiu sangkale.

¹²M̄in dau dimwen k̄ida yurau we difikare, m̄in chak̄iti kit̄ime Kwama wiin we wu kube we chi mang yaatu.

¹³“Aya nii wu kiyiu sangkale a ti kutan, a kukubu nuyi kiyu we dii. D̄ine kaiyan n̄ire, a ngau kwiye ki yidu ko, Kwama nwe kibune mi, m̄in naba k̄iletiye.”

¹⁴N Yesu a yi ko, “M̄in fwa chim̄inu, nii wu kiyiu sangkale a k̄ila loko a ne k̄ile we kakku Kwamangu, a newe yinang naba Farisa. Wu ka r̄ika yikiye, ka ya sw̄abaku, wu ka sw̄aba yikiye, ka ya r̄ikaku.”

Yesu a yo bwesimu m̄in delaku

(Mat 19:13-15; Mar 10:13-16)

¹⁵N̄ibu kibedu k̄ini bwesim chimu d̄ine ke n Yesu a yo chim̄in delaku. Yo miyarim kimu a kuwe, yinu a mwe k̄ikil chidu.

¹⁶Yinu Yesu a yale bwesimu, a yi ko, “T̄idu bwesim bit̄ir̄imu a be dim̄ine. T̄id̄angdu chiwe. Aya yaa Kwama n wu chi.

¹⁷Biyilim m̄in fwa chim̄inu, ni wu a ne yiu Yaa Kwama yinang bwe wut̄ire, a ne ya leku Yaa Kwamangu.”

Tikake naba kuli

(Mat 19:16-30; Mar 10:17-31)

¹⁸Wuka tikake naba kuli n̄ibu Yafudam a biu Yesu ko, “Naba yungke wuyile, kano mang ma wule ke n ya tikuri k̄idiya kwadite?”

¹⁹N Yesu a yi k̄in ko, “D̄ine wule mun yaliyu mwi naba wuyilenge? Aya a ne naba wuyile we, ka n ke Kwama n k̄ikune.”

²⁰N yim yil̄intu, “Madu tikulituwe, chidu nii we, madu kutu we, fwadu chi mwang yim be we. Ni temun n ti ne mun dwiyentu.”

²¹Nii wu a yi ko, “N tau mìn madu yo mìn no we bwesìne.”

²²Yo a nwenge, n Yesu a yi kìn ko, “A dutu tìkan chi we wiin wu mwang made. Ya mi kwalìn chìn munu kìn kwang, kera babumbu mìn. Yamwang ya kuli mwitu we bwadi. Yinu be, mwang kau miyare mi.”

²³Yo a nwe yàm bibe, nìr kìn a kaiyan, òne n kìn naba kuli wuduwe.

²⁴N Yesu a òng nii wu a yi ko, “Ka ma bwar yinangu naba kuli ka le Yaa Kwamangu!

²⁵Ka la chi talim ka le bwang librang, n ti kiku naba kuli ka le Yaa Kwamangu.”

²⁶Nibu a nwe yàm bibimu a biu kìn ko, “Yinu n wure ka swidu?”

²⁷N Yesu a ke ko, “Chitu a la dukan niintu, a labu dukan Kwama.”

²⁸Yinu m Bitir a yi kìn ko, “Nin duba chitu nin kiniti kwang nin bumintinu!”

²⁹N Yesu a kinta chi ko, mìn fwa chiminu, a ne ni ka du lo, ka naye ko, ka kebu kime, ka Tebu kime, ka bwesim kime òne Yaa Kwama,

³⁰Wu ka kwala yakì kwalìn chinu nabwennabwen we kikanu yinu tintine ka yatì tikuri kidiya kwaditu kidangu kibedangu.

N Yesu a fwa dum bwamu ka madimu

(Mat 20:17-19; Mar 10:32-34)

³¹Yinu Yesu a yal miyarim kimu a kiswi, a yi chi ko, “Ni yika Wurchalima, finu yamu fakubu Kwamam a mwal a dur Bwe Nii ka riingde.

³²Ka ni kinu a fali kuuti nibu bibu n ke nibu Yafudame. Ka mang tikali kini kin, ka ni kin riye, ka tibu kinu kini kituum, n chi ka twala kinu, ka chitu kinu.

³³Yinu we wutare di, ka kunu.”

³⁴Aya miyarim kimu a swaanbu yam bibu n Yesu a fwamu. N Kwama a nibu chi swaan kiku. N chi a kwan yinangu ka swaan kikwi yamengu.

N Yesu a be kidu kikalā chiye

(Mat 20:29-34; Mar 10:46-52)

³⁵Yo n Yesu a mwata Yeriko, wuka kidu a swe a kitiku wari kikalā chi.

³⁶Yo a nwe nibu nabwen kisode, n kin a biu chi kifweditu.

³⁷Chi a yi kìn ko, “N Yesu naba Nasaret kitudu.”

³⁸Yinu a kuki keru, kini dukan a yi ko, “Yesu bwe Dauda! Nwe kibune mi.”

³⁹Nibu a ti kakimu a wela kìn ko, a lemìn. Aya n kìn a kuku keru dukan ko, “Bwe Dauda, nwe kibune mi!”

⁴⁰Yesu a ti a yi chi ko a be kini nii wu a dikine. Yo a be kidwange, Yesu a biu kìn ko,

⁴¹“Mun baddu mang ma mìn wule?” Yinu a ke kìmìn ko “Tewuduwe, mìn baddu ma ku di.”

⁴²Yesu a yi kìn ko, “A le, n ya kuku diyangu, biyilim mumu nang chi a bene.”

⁴³Binabina kiduwu a ya kuku diyangu, a buntu Yesu, kirika Kwama. Nangu nibu a ku tichitu wuwangu, n chi tin a dela Kwama.

Luka 19

Yesu n ti Saka

¹N Yesu a le Yeriko, kisudu we binu.

²Wuka nii we fiko din kinu n Saka. N kin nang wuduwe we nibu ki yiu Sangkalimu, n kin naba kuli.

³N kin a ke, ka ku nii wu nibu kiyalu ko n Yesu we aya dine kini kwantile a yabu dawē dine kituu nibe.

⁴Dine yiko, n kin a wul kakku a ya fil kaang tiyang sinang ko ke kiku Yesu dine n Yesu kibunte ware wuko.

⁵Yo n Yesu a lam fiko, a ku Saka we tiyangu a yi ko, “Saka, suwe datu! Diwu mang swedu a lomo.”

⁶Binabina Saka a suwe, a yiu kin kini furi mwewen.

⁷Kanang wuwule niye wu a ku chitu a fwete, a mwe kungakunga, chi kiyidu ko, “N kin a ya ka swedu a lo naba kiletiye.”

⁸N Saka a kun a ti a yi Tewuduwe ko, “Dang Tewuduwe! We fi kikangu mang kera kulin minu tinti yurau mang ni babumbu. Ka ma ful wuka nii a tikan chiye, mang fe kinu kidati yaana we chi mang fulin kinitu.”

⁹N Yesu a yi kin ko, “Yukiku a be lomo diwu, dine nii wu bwe Yibrayime.”

¹⁰Nangkin Bwe Nii a be kibaddu, ka yu bibu a laiyimu.

Baltaku a fami kubu

(Mat 25:14-30)

¹¹Yo n chi a le kinwe yam bibe, n Yesu a chakakku kifwa chimin kaang baltaku dine n kin a mwatawe Wurchalimange, nibu a kila kikiradu ko kano Yaa Kwama a mwatawe.

¹²Yinu a yi chi ko, wuka nii wuduwe a yika dikan bin kutan, ko ke nibu a tau kin Mai, ka kilatedu.

¹³Nii wu a yal bwesim bikalilim kimi kubu a ni ka nang wuwule niye kambir ko a mang dibe, ka laminti yo ka kilade.

¹⁴Nibu bin kinimu a ko kin, a tum nibu we dikine ko, nang babu ni wu ka kau Mai nin.

¹⁵Nii wu a ya matintu, a kila lo. N kin a yale bwesim bikalimu n kin a nika kambirimu, ke a dang yinangu n chi a ma dibengu.

¹⁶Wu a tiye kake a yi ko, Tewuduwe, kambiru mwang ninu a bwii a lam kida kubu we chi mwang niye.

¹⁷Tewuduwe a yi kin ko, "Kwele, bwe wu yile! Yo kwer mwang ma kwambiru we titi bayimite, mwang tau bintiti kubu."

¹⁸Wu robe a be yi ko, Tewuduwe, kambiru mwang ninu a bwii a lam kida yunu.

¹⁹Naba lo a yi kin ko, mwang tau bintiti tunu.

²⁰Wuka a be a yi kin ko, Tewuduwe, kangu mwang niyangu, nang kangu mang laiintinang.

²¹N nwe taiyi mwi, dine m mun nii wu kisine. Mun dau chi mwan yobitu, mun kau chitu mwang fibitu.

²²Tewuduwe a yii kin ko, mun bwe wu kuse! Tikwali yi mwitu a kau min lan. Yo mwang yim mwiko mini kisin, min dau chi n ke timiye, min kau chi mang fibe.

²³A mayire, mwang yangbu kambir minu a bine ke yo mang kilade mang ya rikeku we dur kine?

²⁴N kin a yi bibu a tiya fikomu ko, yiu kambir didu fam wiininu, ni wu fam kube.

²⁵Aya chi a yi kin ko, Tewuduwe, kini fam kubu!

²⁶N kin a ke ko, ka nang wuwule niye wu kini nangang a mabu tikali kine, ka ya nangintu nabwen. Aya wu a newe kini nangange, ba kiku bayim n kin kimadangu ka kwala tinu.

²⁷Aya fakwarbu mim bibu n chi a kebu mang ma matin chimu, tibe miye kin, tichibe chi a kakku mang.

N Yesu a le Wurchalima kini bele

(Mat 21:1-11; Mar 11:1-11; Yow 12:12-19)

²⁸A kuteng kiku n Yesu a ri yamangu, a chakakku kini yayu ko kiyika Wurchalima.

²⁹Kanga mwata Betafachi n ti Betani wu a bale kun didu kini tini Setuniye, a tum miyarim kimi burau ko,

³⁰"Tiya be bine a kakku change, ka tile bine, ta ya le kurunge wu nibu a kwakwabe, ni a filinbuwe. Tikwi tibe fi kin."

³¹Ka wuka nii a bu chin ko, wule yo tikwide? Tiyi kin ko, "Tewuduwe kibaddu."

- ³²Bibu n̄ba tum̄imu, a ya, a ya t̄in yinangu n Yesu a fwam̄inangu.
- ³³Kangu n chi a yak̄i kwidangu, Tewuduwe kurunge a b̄iu chi ko, “Wule a yo t̄ikwi kurunge?”
- ³⁴N chi a yi ko, “N Tewuduwe kibaddu.”
- ³⁵N chi a be Yesu m̄ine k̄in, a yaba kul̄ini chitu we kurunge, a maka Yesu, a swe we.
- ³⁶Yo n k̄in a yak̄i yikade, n̄ibu k̄imau lukei chiyu we w̄are, we bwa n Yesu k̄iyade.
- ³⁷Yo n k̄in a mwata w̄are a subi bwa Kun Setuniye, kwala miyar̄ime k̄ini kwang a mwe k̄idela Kwama k̄ini t̄im̄ilan k̄ini ker d̄idun we chi k̄atak̄iti kwang n chi a kuutu.
- ³⁸N chi kibedu ko, “Naba delaku Mai wu kibedu a d̄in Tewuduwe L̄imang we bwadi n ti dwiyen t̄idui!”
- ³⁹B̄ikam n̄ibu Farisamu we nabwe n̄ibe a yi Yesu ko, “Naba yungke, wela miyar̄im mumu a du kemiyu!”
- ⁴⁰N Yesu a yi chi ko, “Ka a yinge yini chiye, kaliyu ka sute chidu.”
- ⁴¹Kanga mwata Wurchalimangu, a ku b̄inangu, a kii wii.
- ⁴²A yi ko, “Ka no t̄in, tiyim we wudiye di chi ka be chim̄inedu k̄ini l̄imange aya k̄ikangu t̄ilairi we nui chiyu.
- ⁴³Ditiyu ka be chim̄inedu k̄idangu fakwarbu chimu ka kang ch̄inu a ka wuwule fwit̄ine. N̄ibu k̄irangmu ka d̄iku ch̄inu a tibe, ka yinge ch̄inu a ne bwin k̄it̄iku.
- ⁴⁴Ka yai ch̄ini kasikasi, n t̄in n ti Bwes̄im chimu we mure ya kwale ch̄in. Ka tunga t̄imuban chinti kwang a ne du t̄ikan chi kiir d̄ine ta kubu ti n Kwama a be ka yu ch̄inu.”

N Yesu a Kan Kwama d̄iduna Wurchalimanu

(Mat 21:12-17; Mar 11:15-19; Yow 2:13-22)

- ⁴⁵Yinu n k̄in a le tant̄ilange Kan Kwama d̄iduna Wurchalimanu k̄ikaka n̄ibu kifeku naiyu a niku k̄itumangu.
- ⁴⁶N k̄in a yi chi ko, “Ȳam Kwamamu a fwa ko, Lomi ka kau lo tw̄ab̄ake. Aya n t̄in t̄imar a kau lo wu dab̄ikum k̄ilaiyinde.”
- ⁴⁷Kanang wuwule diye n k̄in k̄imiyadu we Kan Kwama d̄iduna Wurchalimanu. Aya wuduwe fansetiyeye n ti n̄ibu yungku yil̄in Musat̄imu n ti sel̄ibu a bau ka ch̄iu k̄inu.
- ⁴⁸Aya n chi a yabu w̄are ka ch̄in k̄ine, d̄ine ka nang wuwule niye ka baddu ka nwe k̄inu.

Luka 20

Nibu a kama dukan Yesunu

(Mat 21:23-27; Mar 11:27-33)

¹Wuka di n Yesu a le kima miyaku n ti dimwar we yifila Kan Kwamana Wurchalimane, wuduwe fansetiye, n ti nibu yungku yilin Musantimu, n ti selibu a be ya kin.

²N chi a yi kin ko, “Fwa nimin ka mun ma tichitu wu kini dukan wurene?”

³N kin a yi chi ko, “Mang bju tichinu, tiffwa mi.

⁴Batismo Yowana kimadu kini dukan Kwamana ka dukan nibina?”

⁵N chi a twaiyan we tibe chi ko, “Ka ni yi ko a be a diKwama, ka yidu ko ‘A mayire niyang kebe?’

⁶Aya ka ni yi ko, ‘A be a nibe,’ nibi kwang ka kwela nidi kali, dine n chi kidadu ko n Yowana faku Kwama.”

⁷N chi a yi Yesu ko, “Nang yimbu bwana beminige.”

⁸N Yesu a yi ko, “Min tin ne ma fwa chiminu ka min ma tichitu wu kini dukan wurene.”

Baltaku a Bwesim bikalilim

(Mat 21:33-46; Mar 12:1-12)

⁹Yinu n Yesu a fwa nibu min kiku baltaku, “Wuka nii a fi ku Yinabe, a dub a fali bikam nibu bibu kisutim kambirim, a yikatim bikam tim, a dau kiswi.”

¹⁰Yo chuwangu a lame, a tum bwe wu kalile ko, ko a ya yi nibu kisu ku yinabimu, a ni kine tikulan yinabitu. Aya nibu kisu kumu a ngau kin a kilte nii wu kwako.

¹¹Yinu a tume wu robe nii, nibu kisu kumu a ngauti wuko, a ni riye, a kilate fali kwako.

¹²A tum tiwutare, n chi a nwe wuko mine burang, a maiye kina tame.

¹³Yinu Tewuduwe kuu yinabe a yi ko, Kano mang ma wureni? Ma tum bwe nire mi, ka n chi we ku kisiyang kange.

¹⁴“Yo nibu kisu kumu a ku bwe nire konge, n chi a twaiyan we tibe chi ko, wu nang bwe kulako. Ni chiu kin, ke ni chau kulako.”

¹⁵N chi a mau a kuteng ku yinabe a chiu kin. Kanodu Tewuduwe kuu yinabe ka ma chimin wureni?

¹⁶Ka bedu ka chibe nibu kisu ku yinabe mu ka ni bikam nibu ku. Yo nibu bibu a nwenge, chi a yi ko, “Tichitu wu a ne fweenduwe.”

17N Yesu a dang chi a biu ko, “Yinu yam Kwamamu kifwadu ko wule?” Kale nibu mukimu a konge, nang kale la chi kini nangange.

18“Nii ka yaru we kwame, ka yaradi yiii, aya nii wu kwam ka yara dur kine ka kau buktem.”

19Nibu yungku yilin Musantimu, n ti wuduwe fansetiye a bau ka tau Yesu kidang kangu, dine n chi a swaan ko a fwa yam baltakumu a dur chiin. Aya n chi kinwe tayi nibiyu.

Feku sangkal a di Kaisare

(Mat 22:15-22; Mar 12:13-17)

20N chi a le kidel kinu, yinu a tum nibu kiyolami burau yinang nibu biyilim. N chi a ke Yesu ka kwaba yam ke chi tamn chi nii wuduwe kwabna Roma kima matn ne.

21Nibu kiyolamu a biu kin fal ko, “Naba yungke, nin yim mun fwadu, mun yungti biyilimu, aya mwang kobu wukani, mun miya biyilimu yinang ka Kwama kibaddu nibu ka ya yayuwangu.

22A da yiko nang ni Kaisar sangkala ka daba?”

23Aya n Yesu a swaan kassan chiitu, yinu a yi chi ko,

24“Yungi kambir suren. Wule wure, n ti din wuren we kambiru?”

25N chi a ke ko, “N Kaisar.” N kin a yi chi ko, “Titu n tju Kaisaritu ti ni Kaisar. Titu n tju Kwamatu tini Kwama.”

26We fi n chi a kwala kangu ka tau kinu we yam bibu a fwayi kwarikwarimu. N chi a yar yi we dikilin didu, a lengi sing.

Dibidu a kunku Yesung we furu

(Mat 22:23-33; Mar 12:18-27)

27Bikamu nibu Sadukiyamu, bibu kifwadu ko a ne kunki we kute bwangu, a be bwa diYesuwe, a biu kin ko,

28“Naba Yungke, Musa a mwal niman ko, ka ni a bwa a du naye ko a ne bwesim wenge, a dakan ke kwarta ka nadu ke n chi a ya bwesim.

29Kang kidang bikam kebu we chi bidibiin. Wusele a yiu naye a bwa a bibu bwe.

30Wu robe a na nabune, a bwa a neti bwe we.

31Wu tare a fwe tini yi ko. A kau n chi kini kwang a na nabune, a bwaratin a ne bwesim we.

32A kuteng kiku nabune a bwa tin.

33We di swang kute, naye wu kanodu wu wure yo n chi kini bidibiin a na kine?”

34Yesu a yi chi ko, “Kina a titini.

³⁵Aya n̄ibu ka dakadu ka kunu we kuteng bwamu, chi ka swedu we d̄ikalanu kibed̄inu, kwartabu a ne yiu nat̄ibu, a ne naye ka ma k̄ina we.

³⁶N chi a ne bwat̄idu we k̄ida. We yiko chi kanodu yinang bwes̄im t̄itumb̄irim. Ka kau bwes̄im Kwamamu d̄ine n chi a kun we bwa.

³⁷We yamu a twiku be d̄iki d̄ilukenemu, m Musa a laibulaiye a yi ko, n̄ibu a bwaran̄imu ka kunt̄iduwe. N k̄in a yi ko Tewuduwe nang Kwama Yibrayim n ti Kwama Yichaku, n ti Kwama Yakubu a siye,

³⁸N Kwama, wu a n̄ibu t̄ikurime, n ke wu a n̄ibu a b̄ibwar̄im. We a d̄ik̄ine n̄ibu kwang k̄ini t̄ikuri.”

³⁹B̄ikam n̄ibu yungku yil̄in Musat̄imu a yi k̄in ko, “Naba yungke, m fwa der!”

⁴⁰A ne nii a ru n̄iru ka ma d̄ikan d̄ib̄ide we.

M Masiya bwe wure
(Mat 22:41-46; Mar 12:35-37)

⁴¹M Masiya a b̄iu chitu ko, “A mayire n̄ibu k̄iyidu ko n Yesu bwe Daudange?”

⁴²Dauda k̄in k̄ifwan a yi we Tak̄ida S̄abura ko, Tewuduwe a yi Tewuduwe mi ko, Swe a kang k̄iyilang mang.”

⁴³Ka lam̄int̄i yo mwang fau fakwarbu mumu a nani mwiye.

⁴⁴Dauda a yal Masiya ko Tewuduwe, ka madi yire m Masiya ka kau bwe Daudange?

Yesu n ti n̄ibu yungku yil̄in̄imu
(Mat 23:1-36; Mar 12:38-40)

⁴⁵Yo n̄ibu kwang a swe k̄inwe k̄ine, a yi miyar̄im k̄imu ko,

⁴⁶“T̄ima dandan n ti n̄ibu yungku yil̄in̄imu, n chi k̄im̄ila chirku k̄ini kul̄in d̄idu, a m̄ilan n̄ibu kan̄in sii chidu we fantiya kwam̄ariyu. N chi k̄ibau ka fanti yiyili we fi murake n ti fantiya mabwi.

⁴⁷N chi k̄isul nat̄im bun̄imu we loni chiyu. K̄itw̄ab̄a bunitu swan ko ke n̄ibu a yim chi. N̄ibu b̄ik̄imu ka nwe riye ka la b̄ikamu.”

Luka 21

Niku nabune
(Mar 12:41-44)

¹N Yesu a kuku kabu ko a ku n̄ibu k̄ini k̄amb̄ir̄imu k̄imar niku chiyangu a kwase nike.

²Yinu a ku wuka nabune a mar kobo yurau.

³Yinu Yesu a yi ko, “B̄iyil̄im m̄in fwa chim̄inu, niku d̄ilusan nabune wunu, a la wu b̄ikamu a niye kwang.

⁴N kawure a fwe we chi n k̄ini k̄ine aya d̄ilusan nabunenu a ni chi n k̄ini k̄ine kwang.”

D̄imwal a di swang kuteng

(Mat 24:1-2; Mar 13:1-2)

⁵B̄ikamu miyar̄im a le kifwadu yinangu Kan Kwamana Wurchaliman a le k̄ini kaliyu n̄ibu a mubbi k̄iniyu n ti k̄ilimangu n̄ibu a tal we bwik̄iniyu. Aya n Yesu a yi ko,

⁶“T̄iku kali yiya? K̄iswi k̄ibedu wu neta ya wuka kale a di a wukane, ka nang wuwule ka tungadu.”

Riye k̄ibede

(Mat 24:3-14; Mar 13:3-13)

⁷Yinu n chi a b̄iu k̄in ko, “Naba yungke t̄ichituwu ka fwedi fere? Yinu d̄imwalu kanodi yire wu ka yungdu t̄ichitu wu yaka fwede?”

⁸Yinu a yi chi ko, “T̄ima dandan, wuka nii a but̄idu ch̄in we, d̄ine n̄ibu nabwen ka bedi d̄in m̄in, ‘Kanang wuwule k̄iyidu ko, n k̄in nang Masiya,’ t̄int̄ine, ‘K̄iswi a lam,’ t̄ibunt̄inu chiwe.

⁹Yo ta nwe kumbite n ti t̄ikulaniye, t̄iwulu tayi we a mwintuwe t̄ichituwu ka mwedu ka fwedu, aya n ke di swan kute.”

¹⁰N k̄in a chakakku kifwadu ko, Kuu ka kuladu n ti kuu t̄im n ti t̄im

¹¹T̄imu ka m̄ikadu k̄ini dukan, chun n ti d̄ikumen ka fwedu a fanti nabwen. Ni ku chi taiyitu nabwen we dii.

¹²“Aya ka t̄ichitu wu yaka fwede, n̄ibu ka taba ch̄inu, ka ni ch̄in riye. Ka yikadu k̄ini ch̄in a kan murak̄in n ti loni d̄ib̄int̄ili, ka bedu k̄ini ch̄in a kakku mat̄im mang n ti kwabnati d̄ine d̄in m̄ine.

¹³T̄ichituwu ka ni ch̄in da wu ta fwa chim̄in yam bil̄ime.

¹⁴T̄ikaiyu n̄ir we ti ta fwadu ko wule.

¹⁵Mang ni ch̄in t̄ikw̄aliyitu n ti kassan ke t̄iyim chi ta fwaditu. N̄ibu a ko chin̄imu a ne medu ka sute yam̄u ka, ka kwila chitu ta yi chidite.

¹⁶Tebu chimu n ti kebu chimu, n ti nam̄in ch̄intu n ti fat̄ibu chimu ka ko ch̄inu, n chi ka ch̄ibe b̄ikam chimu.

¹⁷N kawure ka ko ch̄inu d̄ine d̄in m̄ine.

¹⁸Aya kasi no k̄iriyangi kiin we duru a ne twiyadu.

¹⁹Ka t̄iti k̄ir̄ing we d̄in m̄ine ta ya yuku t̄ikuri ch̄intu k̄idiya kwadu.”

Yesu a fwa yare Wurchalima

(Mat 24:15-21; Mar 13:14-19)

²⁰“Kat̄i ku n̄ibu k̄irangmu a d̄iku Wurchalima a tibe, ta yindu ko yare ko a lame.

21Yinu n̄ibu a mure Yafudamu a wul kun. B̄ibu a b̄in̄imu a chir, aya wu no a chir we b̄ine, a leweduwe.

22Nang k̄iswi wu wa t̄iwelane ke a rii t̄itu n̄ibu a mwal a yam Kwamamitu.

23A no nat̄ibu k̄ini lubimu n ti b̄ibu k̄ibwau bwes̄imu! Riye nabwen ka le t̄imu n ti k̄ifwini Kwama we n̄ibu b̄ibu.

24N̄ibu ka ch̄ibe b̄ikamu k̄ini kul, yinu ka kaar b̄ikamu ka kau kab̄i we kuuti. Kuuti ka faba Wurchalima ka lam̄int̄i yo k̄iswi ka ride.”

Yo Bwe Nii ka k̄ilade
(Mat 24:29-31; Mar 13:24-27)

25“N̄ibu ka ku d̄imwalu we dii n ti swangu n ti k̄iswiti. We t̄it̄initu kuuti ka kaṭadu ka mutedu d̄ine nabwe diir mwenu n ti k̄ikuuli kiyu.

26N̄ibu ka funu d̄ine taiyi chi k̄ilewe t̄it̄iniye. Dukan ka t̄it̄ile we bwadiye ka m̄ikadu.

27We k̄idang kangu, n chi ka ku Bwe Nii k̄ibedu a t̄it̄wini k̄ini dukan k̄ini dwiyen t̄idui.

28Yo t̄ichitu wu a mwe k̄ifwede, t̄ikun t̄iti yinang d̄ine yuk̄iku a lame k̄idwan.”

Miyaku a tiyang sinang
(Mat 24:25-32; Mar 13:28-31)

29Yinu n Yesu a fwa chim̄in k̄iku baltaku ko, t̄idang tiyang sinangu n ti yikayu tini kwang.

30Ka a mwe k̄itwaba lwanḡinte, ta kudu n t̄in t̄ifwan ta yint̄inu ko did̄ibe a lame.

31Aya ka t̄iku t̄ichitu wu k̄ifwede, ta yindu ti Yaa Kwama a lame.

32Biyilim̄ m̄in fwa chim̄inu, k̄idang k̄iku a ne sudu ka lam̄int̄i yo t̄ichitu wu ka fwede.

33Dii n ti t̄imu ka sudu aya yam̄ m̄imu a ne sudu ko bayim.

34T̄ima daandan! Ka n̄itu ch̄intu a ma tureng k̄ini chachabe n ti nor̄in n ti mabwi t̄it̄iniye, di wu beka fu ch̄inu yinang kul a ne doku bwiyang we.

35Di wuko ka yar kawure yii we a t̄it̄initu.

36T̄iswe k̄ini doku bwiyangi kwadu, t̄inang ma twabaku ditiyu k̄idang, ke t̄ichir we chi k̄iyadu ka fwede. D̄ine ke ti me t̄iti we kakku Bwe Nii yangu.

37Kanang wule diye, n Yesu k̄ima miyaku we Kan Kwamana Wurchalimanu, aya ka di a lenge, k̄ichiru k̄iyika kunu k̄ini tini Setuniye k̄idiye kum we bwako.

38K̄ini kungsiin n̄ibu kwang k̄ibedu be k̄inwe miyaku kangu a Kan Kwamana Wurchalimanu.

Luka 22

Yafuda a kwɔl Yesu.

(Mat 26:1-5; Mar 14:1,2,10,11; Yow 11:45-53)

¹Yo kɪswi Yiye wu a kɪdane wu a ne chi kɪfude we, nɪbu kɪyalu ko Yiye yabake a lame.

²Aya wuduwe fansetiye, n ti nɪbu yungku yilɪn Musatɪmu, kɪbabba wariyu ka yo Yesu ka bwadiyu. N chi kɪnwe tayi nɪbiyu.

³Yinu n Setan a le nɪr Yafuda Yiskariyoti, wu n kɪn we miyarɪmi kub chiri burabɪme.

⁴N Yafuda a ya yi tikake Fansetiye n ti bɪduumu kɪto Kan Kwamana Wurchalimanu yinangu ka kwɔl chimɪn Yesuwangu.

⁵N chi a ma furi mwemwen, a ke ka ni kɪn kambɪr.

⁶Yafuda a ke tɪn, a bau kana da wu ka niin Yesu a dɪchiye a yo a ne muraku we.

N Yesu a chau chabtu n ti Miyarɪm kɪm

(Mat 26:17-25; Mar 14:12-21; Yow 13:21-30)

⁷Yinu di Yiye yabake wu a chaku kɪdanne wu a ne Yis we a lame, wu nɪbu kɪma niku kɪni kwan nikɪne.

⁸N Yesu a tum Bitɪr n ti Yowana ko, “Ya tɪdo nimɪn chabtu Yiye yabake tɪtu niing chadu.”

⁹Chi a bɪu kɪn ko, “Mun baddu yana dodu a bwɔle?”

¹⁰A yi chi ko, “Ka tɪle bɪne, ta tekadu n ti nii kɪni sur mwen. Tɪbuntɪ kɪn ka lam mɪntɪ fi ka lede.

¹¹Yinu tɪyi naba lo tiko, ‘Naba yungke kɪbɪdu, a bwɔle kan rungkonu, fi mang chan chabtu Yiye yabake n ti miyarɪm mɪme?’

¹²N kɪn ka yung chɪn dɪkan kan dɪdun kɪni fanti sweriyu we. Tɪdo chabtɪtu a fiko.”

¹³N chi a yikan, a ya chitu we yinang ka n Yesu a fwa chimɪnangu. N chi a do chabtu Yiye yabake tɪtu fal.

Kɪdanne Tewuduwe

(Mat 26:26-30; Mar 14:22-26; 1Kor 11:23-25)

¹⁴Yo kɪswi a lame, n Yesu ti fandubu kɪmu a swerani mal we teburu.

¹⁵N kɪn a yi chi ko, “M bau mang chau chabtu tɪtu Yiye yabake, yinu mang nwe riye.

¹⁶Mɪn fwa chimɪnu, ne mang chatɪ chabtu tɪtu kɪda, ka lamɪntɪ kɪdangu tɪchitu wu ka ridu wa Yaa Kwamangu.”

17 A kuteng k̄iku n k̄in a d̄au be sanengu, a wana Kwama, yinu a yi ko, “T̄id̄au t̄ikeran we yichiyu.

18 M̄in fwa chim̄inu, a ne mang not̄inu k̄ida we mwe yinabe, ka lam̄iti yo Yaa Kwama ka bede.”

19 Yinu a d̄au k̄idanne, a ma d̄iwana d̄iKwama, a wulan, a nika chi, a yi ko, “Yiyu bwimi, yiyu mang nidu d̄ine ch̄ini. T̄ima ying t̄inang kur̄in m̄inu.”

20 A lakanbu, a d̄au wuka s̄ane ko, “Wu s̄ane wu a bw̄aki k̄ifwiyange a k̄itum m̄im, wu mang kuru d̄ine ch̄ine.

21 Aya fālang ni wu yaka kw̄aliye we ch̄ibe m̄in chande ware n ti k̄in.

22 Aya Bwe Nii ka bwadu yinang kangu a do k̄im̄inangu, aya a no ni wu n k̄in ka d̄walade.”

23 We fiko miyar̄im k̄imu a le k̄ib̄ibe yichiyu, ka nodu n wure we tibe chi ka ma t̄ite.

24 T̄ikwilantu a kun we tibe chi t̄in, we ka nang wuwule ni wu a la chiye.

25 N Yesu a yi chi ko, “Mat̄im kuuti n̄ibu b̄ibu a yimbu Kwamamu k̄iyo n̄ibu m̄in mat̄in. B̄ikam chimu k̄iyidu ko n chi n̄ibu makak̄i n̄ib̄im.

26 Aya we d̄ichine, n̄ibu chim b̄iduumu we tibe ch̄in a kau yinang bit̄ir̄im, b̄ikak̄imu a kau yinang Bwes̄im ditumb̄ir̄im.

27 Kano n wure nang wuduwe, nang nii wu a swe a tebura, ka wu k̄ikera chiya? N ke wu a swe a tebare? Aya m̄in we tibe ch̄in m̄in kera chim̄inu.

28 N t̄in nang b̄ibu ta timituwe we k̄idang sw̄ak̄aku mangu.

29 Nangk̄in mang ni ch̄in yaa yinang mat̄im, Yinang ka n Temi a ni m̄in wukangu.

30 Ke t̄ichau, t̄inot̄in we tebur m̄inu we yaa mi yinu ta swedu yinang mat̄im ta mwata kuu Yisrela kub chiri burab m̄inu.”

M Bit̄ir yaka kwila Yesu

(Mat 26:31-35; Mar 14:17-31; Yow 13:36-38)

31 N Yesu a yal ko, “Simun Bit̄ir, n Setan k̄ibaddu ka swe ka nang wuwule ch̄ine. Ka yu ch̄inu yinangu naba kuwe k̄ichaku chaam we tui kitangu.

32 Aya n tw̄ab̄a m̄in buni Bit̄ir, mi ke keku biyil̄imang mwangu a k̄itaduwe. Yo mwang k̄ila bwa d̄im̄ine, maka b̄ikamu.”

33 M Bit̄ir a yi ko, “Tewuduwe, n ke mang ya lo d̄ib̄it̄ile ware ti mun, ka bwange ni bwat̄idu ware.”

34 N Yesu a yi ko, “M̄in fwa m̄inu Bit̄ir a ne lant̄i kungsiin kware k̄itar̄in chiye, mwang kwilayu k̄ida yitta mwi mwang yimbu m̄in.”

T̄iso bwiti chiyu d̄ine k̄iswi riye k̄ibede

³⁵Yinu n Yesu a b̄i miyarim̄ kimu ko, “Yo mang tum ch̄in a ne kamb̄ir we, a ne chabtu we, a ne swe we ka kiwamiye, tikwala tikan chiya?” N chi a yi ko, “Ngango.”

³⁶Yinu n kin̄ a yi chi ko, “Aya kikangu ka nii kini swe kamb̄ire, a tat̄i we falangu n ti swe yayuwe. Yinu ka n ne kul wenge, mi lukemo t̄ani wiin.

³⁷A mwalmwale ko, A ki kin̄ n ti n̄ibu k̄iletimu. A mwintuwe ka ridu n ti m̄in. Kikumang chi n̄ibu a mwal a dur m̄initu kilam fi a kiyilang kange.”

³⁸Miyarim̄ kimu a yi kin̄ ko, “Tewuduwe, kulitu nang t̄iti turabu.” N Yesu a yi chi ko, “A lwe yi ko.”

Yesu a twab̄a buni a ku Saitune

(Mat 26:36-46; Mar 14:32-42)

³⁹Yesu a du b̄inu a yika ku Setuniye, miyarim̄ kimu a buntu kin̄.

⁴⁰Yo a lam fikonge a yi chi ko, “T̄itwab̄a buni ke t̄iyaruwe swek̄iku.”

⁴¹Yinu a kilani kuteng a ni chi bak̄itwalangi bayim, a sung, a twab̄a bunitu.

⁴²A yi ko, “Tete, ka mwang kenge yo n nwedu riye we. Aya n ke d̄ine k̄ike mi, ma k̄ike mo.”

⁴³Yinu naba d̄itumb̄ire Kwama a chire a bwa diye, a be ni kin̄ dukanu.

⁴⁴D̄ine n̄ir kin̄u a mutene, a le twab̄a bune wu a yo ture ko k̄iyaradu yinang k̄ituum we t̄imu.

⁴⁵Yo Yesu a kun we twab̄aku buniyange, a k̄ila bwana miyarim̄ k̄ime, a ya chi a da duum d̄ine n chi a tibwi we kaiyan n̄ire.

⁴⁶A yi chi ko, “A mayire t̄ida duume? T̄ikun ti twab̄a buni ke ti yaruwe a swek̄iku.”

N̄ibu a tau Yesu

(Mat 26:47-56; Mar 14:42-50; Yow 8:2-11)

⁴⁷Yo n Yesu we kifwa ȳame, murak̄i n̄ibangu a be. Ni wu n̄ibu k̄iyalu ko Yafuda, wu wetuwe miyarim̄i kub chiri burabim̄ k̄ime, a ti chim̄ine kakku, n kin̄ a be ka kwar Yesu.

⁴⁸Aya Yesu a yi ko, “Yafuda, mwang mi Bwe Nii kin̄i kwarka ka?”

⁴⁹Yo miyarim̄ kimu a ku chi yaka fwedite, a b̄i Yesu ko, Tewuduwe, “N̄in ma kunu kin̄i kuli n̄inta?”

⁵⁰Yinu wuka chi a mwatu k̄itele kab̄e wuduwe fansetiye wu a kang k̄iyilange wad.

⁵¹N Yesu a yi chi ko, “A ri yiko! A twai k̄itele niwe, a bet̄i ni wuwe.”

⁵²Yinu n Yesu a yi wuduwe fansetiye, b̄iduumu we b̄ibu k̄ito Kan Kwamana Wurchalimanu, n ti sel̄ibu b̄ibu a be ka tau k̄inimu ko, “A mayire ta chire k̄ini tooti, kuli n ti dwami yinang ka m m̄in wu bwilange?”

⁵³Ditiyu k̄idang m̄in we ware ti chin we Kan Kwamana Wurchalimanu, ta taibu. Aya k̄ik̄angu nang k̄iswi ch̄in wu a dukan k̄iliyene.”

M Bit̄ir ko ka yimbu Yesu

(Mat 26:57-58; Yow 18:12-18)

⁵⁴N chi a tau Yesu a yikan lo tikake Fansetiye m Bit̄ir a mart̄i k̄itwalang k̄ibun chim̄int̄inu.

⁵⁵Yo n chi a mwaka k̄irang, we tare lo, a sweran a fiwiine. M Bit̄ir a swetuwe ti chi.

⁵⁶Wuka we mure k̄abe be fw̄ane, wu a swe k̄ido n ti k̄irange, a d̄ang k̄in yinang, yina fwa ko, “Nii wu no ware n ti Yesu!”

⁵⁷Aya Bit̄ir a kwilan ko, “Naye, mang yimbu k̄in!”

⁵⁸A mabu k̄itwalang, wuka nii a ku k̄in a yi ko, “M mun t̄in wetuwe mure chi.” M Bit̄ir a yi k̄in ko “Tete, m̄in n ke k̄in.”

⁵⁹K̄itwalangu yinang awa wiin, wuka nii a ti chik ko, “K̄ikumang nii wu we ware n ti k̄in, n k̄in naba K̄aliliye.”

⁶⁰Aya Bit̄ir a yi ko, “Tete, mang yimbu chi mun fwaditu!” N k̄in a tibu ri ȳamu, kware a tar̄ t̄in.

⁶¹Tewuduwe a sabran a d̄ang Bit̄ir r̄ing, yinu m Bit̄ir a kur chitu Tewuduwe fwa k̄im̄initu ko, “Ka lant̄in yo kware ka tare we kum wu diye, mwang yidu mwi mwang yimbu m̄in k̄ida yitta.”

⁶²M Bit̄ir a chir filang, a ki wii dukan.

N̄ibu tok̄imu a ma t̄ikali k̄ini Yesu

(Mat 26:67-68; Mar 14:65)

⁶³Yinu n̄ibu k̄ito Yesumu, a le k̄ifita k̄inu k̄ingauti k̄inu.

⁶⁴A bw̄aba k̄im̄in nuyu, k̄ingadu yinu k̄ibīu k̄inu ko, “M ma fak̄uitu, n wure ngane?”

⁶⁵N chi a fwa k̄im̄in ȳamiyu nabwen yiyu a sw̄abake n ti k̄ifiyeyu.

A yikani k̄ini Yesu a d̄i Bilatu n ti Yiridu

(Mat 26:59-66; Mar 14:55-64; Yow 18:19-24)

⁶⁶Yo t̄imu a kwiyane, b̄iduuma kuumu n ti wuduwe fansetiye n ti kw̄al n̄ibu yungku yil̄in Musat̄imu a muran, yinu n̄ibu a ya chim̄ini k̄ini Yesu.

⁶⁷Chi a b̄iu k̄in ko, “N fwa n̄im̄in, ka mun nang Masiya?” N Yesu a ke k̄im̄in ko, “Ka n fwam̄ine, a ne mwan ke biyil̄imu we d̄im̄ine.

⁶⁸Tintine ka m ma min dibide, a ne mwang nii dikilin yiin.

⁶⁹A mwetuwe kikangu Bwe Nii ka swedu a kan kiyilang Kwama naba dukane kwang.”

⁷⁰N chi kini kwang a biu kin ko, “M mun Bwe Kwama?” A yi chi ko, “Tifwa tas yinang ka ta yi tiko min nangkinangu.”

⁷¹Yinu n chi a yi ko, “Yinu ni bau wule wu niyang yabe? A fwa n kifwan.”

Luka 23

Bilatu a ma Yesu min dibidu

(Mat 27:1-2; Mar 15:1-5; Yow 18:28-38)

¹Muraku nibangu kini kwang a yika ni kini Yesu a bwadu kwabna Bilatu.

²N chi a mwe kitura kinu kiyidu ko, “Nin ya nii wu kikai fiswe kuu nibe we binu, a kebu nibu ka ni Kaisar sangkalu, n kin kiyitinu ko n kin nang Masiya Mai chire.”

³Yinu Mai Bilatu a biu kin ko, “Mun nang Mai nibu Yafudama?” N Yesu a yi ko, “Nang chi ta fwaatu.”

⁴M Kwabna Bilatu a yi wuduwe fansetiye n ti nibu ko, “Ma yabu nii wu kini wuka kile.”

⁵Aya nibu a mwe kifungka kinu ko, “N Kin a tau kimiyadu kiyo bingaiyu kasi no bwale we tim Yafudimu. A mwe a Kalili, nau a lam tin Wurchalima.”

N chi a yikani kini Yesu a diMai Yiridu

⁶Yo n Bilatu a nwe yam bibe, a biu ko, “Nii wu naba Kalili ya?”

⁷Yinang ka nwe ko Yesu a le matin Yiridusangu, a tung kin a diYiridu wu we Wurchalima.

⁸Yo m Mai Yiridu a ku Yesuwe, a nwe tamang dine a da yurau n kin kibaddu ka ku Yesu dine yamu a nwe a dur kinimu. N kin a yo niru ka ku chi kataki.

⁹N Yiridu a ma kimin tibidiritu nabwen, aya Yesu a ni kinbu dikilin yiin.

¹⁰Tikake fansetiye n ti nibu yungku yilininu a be kakku Yiridusangu, a fuku kifwara chi n Yesu kimadu a lebitu.

¹¹Mai Yiridu n ti nibu kirangmu a fiita kin, a swaba kin, n chi a do kimin kulin matin a kilatuwe kin we di kwabna Bilatu.

¹²We diko n Yiridu n ti Bilatu a kau fatibu kasi kiku n chi a no fakwarbu ferediyangu.

Chi a mwatan Yesu min Bwa

(Mat 27:15-26; Mar 15:6-15; Yow 18:39-19:16)

- 13 Bīlatu a yale tikaketi fansetiyu n ti matīmu n ti nību.
- 14 A yi chi ko, tībe miye kīni nii wu tiko kīyo yaram we nībe, aya kīkangu n ma kīmin dībīdu we kakku changu, man yabu nii wu kīni kīletiyu ta yi tiko a dur kīniyu.
- 15 N Yiridu a ya tību kīle. Nang chi a yo, a kīl te nii wu we a dīchine. A ne chitu nabani wu a matuwe, wu a lwe bwange.
- 16 Dīne yiko, mang twal kīnu, mang mar tīnu.
- 17 [N chi a yo kīn a chaku chimīn nii wiin.]
- 18 N chi kīni kwang a yibi kemi ko, “Tīchīu nii wu tīmar nimīne Barabas!”
- 19 Barabas wu n chi kīfwade nang wu a le dībīntīl a kuku dīkulan we bīnu a chīu nii wiin.
- 20 Yade m Bīlatu a no kībaddu ka chaku Yesu we a fwa chimīntī yamu kīda.
- 21 Aya n chi a chakakku kīni kemiyu ko, “Tīkukan, tīkukan!”
- 22 Bīlatu a kīlan kītarang ko, “A mayire? Naba ni wu a ma wuwule kīle? Mīn fwa chimīn ma yabu ni wu kīni kīle a lam chike. Ma yodu nību ka twala kīnu, ka mayi tīdu.”
- 23 N chi kīsu kemiyu ko, “Tīkukan, tīkukan.” Kemiyu a lala.
- 24 A kuteng kīku, m Bīlatu a kīnta chi ka ma chi, n chi kībadde,
- 25 Aya Bīlatu a kwi chimīn nii wu a no a dībīntīle dīne rīkīne ko n ti kakku durangu n kīn a chībīnu, yina ni chi Yesu.
- Kukaku Yesung**
(Mat 27:32-44; Mar 15:21-32; Yow 19:17-27)
- 26 Yo nību kīrangmu a yikani kīni Yesuwe, n chi a tau wuka ni we ware dīn kīnu n Simun naba Sairine, a ni kītiyang bwangu ko a dāu, a nang nabu Yesu.
- 27 Muraku nībangu nabwen a bun chimīntīn ware n ti natību kībwe wii bwa kīki wiimu.
- 28 Aya Yesu a sabran a yi chi, ko, “Natīm Wurchalima, tīkidu wii we dīne mīn aya tīki dīne dutu chīn n ti Bwesīm chimu.
- 29 Wuka di nību ka yidu ko, ‘Natību a ne bwesīm wemu a ma kītime.’
- 30 Yinu n chi ka yi kunitu ko, ‘Da nīmīntuwe, yinge nīn.’
- 31 “Ka nību ka ma tīchitu yo tini a kusube, ka kadi yire yo ka kusude?”
- 32 Bīkam Nību bībwilami burau a yatī kukaku ware n ti Yesu.

33Yo n chi a lam fi n̄ibu kiyalu ko kasire, n chi a kuka k̄in a fiko n ti n̄ibu b̄ibwilam, wuka a kang kiyilang, wuka a kangtakwelang.

34Yinu Yesu a yi ko, Tete, du chim̄in d̄ine n chi a yimbu chi k̄imaditu. Yinu n chi a ma kuriya we a luke.

35N̄ibu a ti k̄idand̄imu n ti tikaketi mat̄imu k̄ifi k̄inu, k̄iyidu ko, “A yu b̄ikamu, a mayire a ne yu yikiye ka nang Masiya wu suture wu Kwama.”

36N̄ibu k̄irangmu a ma k̄im̄in d̄ifiir t̄in. N chi a ni k̄in chi bwangbwange, ko a no.

37K̄iyidu ko, “Ka mun nang Mai n̄ibu Yafudame, yu dur munu!”

38We dii a d̄ik̄ine a mwal ȳamu ko, “WU NANG Mai N̄IBU YAFUDAME.”

39Wuka we n̄ibu b̄ibwilamu k̄i sw̄aba k̄inu kiyi t̄in k̄inu ko, “Mun m Masiya? N yu dur munu n ti n̄in.”

40Wukane a wela keko ko, “Mwang nwebu tai Kwama ya? Mare m mun a fi wiine n ti k̄in.

41Chi n̄ibu k̄ima nim̄ide k̄ima n̄im̄in chi a dakane, d̄ine chi niyang maatu aya n k̄in a mabu t̄ikan chi t̄itu a lebi.”

42Yinu a yi ko, “Yesu kurt̄i m̄in we yaamo.”

43Yesu a yi k̄in ko, “M̄in fwa m̄inu diwu mang swedu ti mun we Yaa Kwama.”

Bwa Yesuwe

(Mat 27:45-56; Mar 15:33-41; Yow 19:28-30)

44A bwana tibe kuko, k̄iliye a sum t̄imu, a lant̄i yo di a kau yinang k̄iswi yitta.

45Dii a du yiiku t̄imangu. Labule a swe fi wauwade we Kan Kwamanu a Wurchalimanu a nḡiran t̄inti yurau.

46Yinu Yesu a kuk̄i keru dukan a yal ko, “Te! M̄in ni t̄ikuri mitu a d̄imune.” Nanga fwa b̄ibangu, a mar duri kw̄aklak a bwa.

47Tikake naba k̄irange wu we fiko k̄idangu chitu a fwenge, a dela Kwama ko, “B̄iyil̄im ni wu a ne k̄ilewe!”

48N̄ibu no a tirana fikomu kangu a ku chitu a fwetangu, n kawure k̄ingau kwiye kiyikat̄inu d̄ine kaiyan n̄ire.

49Aya n̄ibu k̄ini kwang b̄ibu a yim Yesumu n ti nat̄ibu a bunga ware we K̄alilimu a tiye kutan k̄id̄ang t̄ichitu wu.

Furem Yesum

(Mat 27:57-61; Mar 15:42-47; Yow 19:38-42)

50Wuka nabani we d̄in k̄inu n Yusufu Arimatiya, k̄in we b̄iduum b̄ibu a n̄ibu Yafudamu, n k̄in nii wu yile, k̄itum b̄iyil̄im.

⁵¹N k̄in a kebu k̄ini mwataku yam̄angu n ti chi n̄ibu a maatu, n k̄in a be a b̄in Yafudan wu a Arimatiya, n k̄in a ti a yam Yaa Kwama.

⁵²N k̄in a ya bwanu a d̄ikwabna B̄ilatu, a b̄iu kwame Yesu ko ka furu.

⁵³N k̄in a s̄ike kwame, a bwabani k̄ini t̄ilukteni t̄iti mwemwen, a d̄iku a wure kwame wu n̄ibu a swauswabe. N̄ibu a fur̄inbu ni we fiko.

⁵⁴Diko di sabwi n̄ibu Yafudam, n̄ibu k̄ido bwi d̄ine Dif̄ikare n̄ibu Yafudam a mwatan ka mweudu.

⁵⁵Nat̄ibu b̄ibu a bungan n ti Yesu a Kalilimu a nabu Yusufu, a ya kuwe furu n ti kangu a t̄in bwiyanu.

⁵⁶Yinu n chi a k̄ila lo, a d̄au k̄inung k̄iki f̄irf̄irangu n ti k̄iwarangu. Aya n chi a f̄ikan dif̄ikare n̄ibu Yafudam ke chi bunt̄i yil̄intu.

Luka 24

N Yesu a kun

(Mat 28:1-10; Mar 16:1-8; Yow 20:1-10)

¹We a di wu kake wu a dif̄ikare, k̄ini kuns̄iin, nat̄ibu a yika furu k̄ini k̄inungi f̄irf̄irang.

²N chi a ya kale a b̄ilen we furu.

³Aya yo n chi a le mure, a kubu kwame Tewuduwe Yesu we furu.

⁴Yo n chi we k̄ikura t̄ite, B̄inab̄ina b̄ikam n̄ibi burau a tiye k̄idwang ti chi, a do lukeyi mwemwei kiyiladu yinang kali yili.

⁵D̄ine taya tau chiye, nat̄ibu a swa kab̄ini chiyu a t̄im. Aya n̄ibu b̄ibu a yi chi ko, "A mayire t̄ibaba wu kure a b̄ibwarime?"

⁶N k̄in a newe fi, a kun! T̄ikur chitu a fwa chim̄initu we k̄idangu n t̄in no ware a Kalili yangu ko.

⁷"N̄ibu ka ni Bwe Nii a kani n̄ibu k̄ilet̄im, ka kuka k̄inu aya we wu tare di ka kunu."

⁸Yinu n chi a kuri k̄ini yam̄ Yesumu.

⁹Yo n chi a k̄ila we bwana fure, n chi a fwa b̄ibi kub chiri wiin̄imu m̄in n ti b̄ikami kwang.

¹⁰Maryamu wu a Makadala n ti Yowena n ti Maryamu ne Yakubu n ti b̄ikamu nat̄ibu n ti chi b̄ibu a fwa fanduti m̄in yam̄ b̄ibumu.

¹¹Aya n chi a kebu k̄ini yam̄ nat̄ib̄imu. D̄ine yam̄ chimu k̄imadu yinang t̄ikwani.

¹²M Bitir a tababu bwi, a kun, a wul, a yika bwa fure. Yinu yo n kin a lam kwar furune, a sung, a dang, a ku kana luke kwame. Yinu a kilawe, chitu a fwetu a yar kin yi.

A Ware bin Yimiwasu

(Mar 16:12-13)

¹³We ka di wu wiine, burau we miyarim Yesumu kiya wuka be bine nibu kiyalu ko Yimiwasu. Yimiwasu a lam Siriyu kub chiri wiin we Wurchalima.

¹⁴N chi kifwadu we yichiyu kanang titile chiye titu a fwetu.

¹⁵Kangu n chi a chakaku kini twayakangu, n Yesu a fwadi chi mintuwe, kibungadu ware n ti chi.

¹⁶Aya n chi a swaanbu kin dine n Kwama kwal chi minbu.

¹⁷A bu chi ko, "Titwaya wureni we a yayu chin tiyade wu." N chi kini burako a ti we fiko yi kini kaiyan nire.

¹⁸Wiin we mure chi, wu din kinun Kiliyobase, a bu ko "N mun nang rungko a Wurchalima wu mwang yimbu chitu a fwe we diti yitta?"

¹⁹Yinu a yi chi, "Wule fwe." N chi a yi kin ko, "Chi a fwe n ti Yesu Banasarete. N kin faku wu kini dukan we nangaritu n ti yamu we karki Kwamangu n ti nibu kini kwang."

²⁰Wu tikaketi fanseti n ti matimu a ni kin ko nibu a chi, nibu a kukan a kitayang bwang.

²¹Ni yo niru ko kin nang nii wu ka yu Yisrela! Aya kikanangu a lam ditiyi yitta kangu tichitu wu a fwe minangu.

²²A kuteng kiku bikamu natibu a yar nin yii, n chi a ya furu kini kungsiin wu.

²³Aya n chi a yabu bwikiyu, Yo n chi a kilawe, a be yi nin ko, chi ku Naba ditumbire Kwama wu a yi chi ko n we kini tikuriye.

²⁴Bikamu nibu nim we tibe nin a ya bwa fure, a ya a lakanbu n ti yamu natibu a fwa chiminimu aya n chi a kuwebu kin.

²⁵N Yesu a yi chi ko, "A mayire ta kasabu kassane, ta kitan we keku biyilimang change we chitu fakubu Kwamama fwaatu.

²⁶Tayimbu tiko a mwintuwe m Masiya ka nwe riye, yinu ka le dwiyen kita?"

²⁷Yinu n Yesu a fwa chimin chitu kini kwang titu a mwal a dur kinitu we takida Kwama, a mwetuwe yilang Musangu a lanti tatikidai fakubu Kwamamu kwang.

²⁸Yo n chi a mwatawe be bine wu n chi kiya, n Yesu a ma yinangu ka sudang.

²⁹Aya n chi a wana kin kini dukan ko, "Swe ti nin, a ya me a lam, dii a mwatan ka ledu." Yinu n kin a ya swe ware ti chi.

30Yo n chi a yakı̄ chau chabte, yinu a ɗaū kɪdannīyu, a wana Kwama, a wulan a nika chi.

31Bɪnabɪna nui chiyu a wuden, n chi a swaan tɪn ko n Yesu. N chi a bau kɪni sɪng.

32N chi kɪbɪbe yichiyu ko, “Nɪtu chiretu a limbu we w̄are kɪdangu n kɪn yakı̄ fwa ni mɪn yam Kwamamma?”

33N chi a du fiko a kɪla Wurchalima, a ya bɪbi kub chiri wiinimu, a swe ware ti bɪkam nɪbu.

34Kiyidu ko, “Biyilim, Tewuduwe a kun! A fwe Simun Bitir mɪntuwe.”

35Yinu n chi bɪbi burabimu a fwa chi a fwetu we w̄are, n ti yinangu n chi a swaan Yesu a kuteng kɪku a kera kɪdanniyan̄gu.

N Yesu a fwe miyarimu mɪntuwe
(Mat 28:16-20; Mar 16:14-18; Yow 20:19-23; Nfa 1:6-8)

36Kɪdaangu n chi a le kɪfwa yam bɪbangu, n Yesu a fwetuwe tibe chi fwadu, a yi chi ko, “Lɪmang a be chimine.”

37Taiyi a tau chi, bwiyu chiyu kɪmɪkadu, n chi ko kano chi ku butu.

38A yi chi ko, “A mayire ta mɪkane, a mayire tɪma tɪkaman we dutu chinte?”

39Tɪɗang fali miyu n ti nani miyu, m mɪn, m mɪfwan. Tɪtwaiyi, tɪɗang, butitu a newe kɪni nam bwiye ka tɪkute, yinangu ta kuiyan̄gu.”

40Yo n kɪn a fwa bɪbe, a yung chi fali kiyu n ti nani kiyu.

41Kangu n chi a tibu kebiyilimu didinangu ɗine nabwe furi mwemwenu n ti yar yii chi a bɪu chi ko, “N tɪni kɪni chabtu we fi ta chadda?”

42N chi a ni kɪn chɪnge wukere.

43N kɪn a yiu, a wu, we kakku chiyangu.

44N kɪn a yi chi ko, “Tɪtu nang chi mang fwa chimin we kɪdangu mɪn no we ti chɪnangu. Kanang tɪtile chiye tɪtu nɪbu a mwal a dur mɪn we yilang Musangu n ti fakubɪbu n ti Sabura.”

45Yinu n kɪn a wudu chimin kɪkwami chiyu ke n chi a swaan yam Kwamamu.

46N kɪn a yi chi ko, “Tɪtu nang chi a mwale ko, ‘M Masiya ka nwe riye, we di wu tare, ka kuntɪnuwe furu.’

47Yinu ɗimwar wokı̄ kɪtɪmangu we kɪleti nɪbiyu ka mwadu we dinkinu we kuuti kwang, ka mwetɪnu we Wurchalima.

48N tɪn tɪku tɪchitu wu kɪni nui chɪn.

49Mɪn yikadu yamang tum chimine chi n Temi a bwabitu. Aya Tɪswe we bɪn ɗidu ka lamɪntı̄ yo ta ya dukan Kwamane.”

N Yesu a kila bwadiye

(Mar 16:19-20; Nfa 1:9-11)

- 50 Yo n kin a ya kini chi a tantilange Betani, a kuku falihu a yo chi min delaku.
- 51 Yo n kin we kiyo chimin dela ke, a dau kin, a yikan di, a du chi.
- 52 Yinu n chi a si kin a kun a kila Wurchalima kini furi mwemwenu yinang.
- 53 N chi a dau kiswi we Kan Kwamana Wurchalimanu ki dela Kwama.

Yowana

Yowana 1

Yesu Masiya Dikwal tikuri

¹We tile birke, Dikwal we. Dikwal didu we ware n ti Kwama, Dikwal didu n Kwama.

²We tile birke, n kin we ware n ti Kwama.

³Kanang titile chiye, a fwe a dikine. A ne chi a kau, n kina yim be we.

⁴Tikuri we dikine, tikuri titu a kau nibu min yiiku

⁵Yiikiku kiyidu we kiliye. Kiliye a dumbu.

⁶N Kwama tume wuka nii, din kinu n Yowana.

⁷N kin a be ka ma dimwaru we yiiku kiku, ko ke ka wuwule niye, a ke biyilimu we dikwal didu.

⁸N kin n ke yiikiku. N kin a be ka ma ka dimwaru we yiikiku.

⁹Yiiku kiyilangu we, kiku kilewe titini kiyi ka wuwule niyengu.

¹⁰N kin we titinitu, kasi kiku n Kwama a yo titinitu kini Dikwal didangu, titinitu a yimbu kin.

¹¹A be tim kimu, nibu kimu a ko, a yiubu kin.

¹²Aya ka nang bibile nibe, bibu a yiu kin, a ke biyilimu a dikinemu, a ni chi dwiyen, a kau bwesim Kwamamu.

¹³Bibe wu robe n ke wu a nii n ti nii a mange, n ke wa kike bwiye, n ke wu kwarta a mange. N Kwama kifwan a yung dukan kinu.

¹⁴Dikwalu a swe n ti nibu, ni ku dwiyen kitu, dwiyen titu a Bwe Kwama n kikuni. A ri kini lime n ti biyilimu.

¹⁵N Yowana a fwa yamu a dur kin. A kuku keru a yi ko, "Wu nang wu mang fwa mi, kibedu a kuteng mange, tikake miye. N kin we feredi yo a tibu biiye."

¹⁶Dine nabwe lime ko, n kawure a ya delakiku a riburiye.

¹⁷N Kwama a tume yilangu a kang Musa, aya lime n ti biyilimu a be a diYesu Masiya.

¹⁸A ne ni a kuun Kwama we, ka ke Kwama n ti kana Bweko n kikun. Wu a bale Te, n kin a yo ni yim Kwama.

N Yowana naba batisma ko n kin n ke naba yuke kibe

(Mat 3:1-12; Mar 1:1-6; Luk 3:1-18)

- 19 Bìduuma nìbu Yafudamu we Wurchalima, a tum Fanseti n ti Lawiyawa ko, a ya bju chimine Yowana, n kin n wure?
- 20 N Yowana a dutibu chi we, a fwa chi min biyilimu ko, “M min n ke Masiya.”
- 21 N chi a bju kin ko, “Yinu mu yal yimwiyu ko n wure? N Yiliya faku Kwama?” A yi ko, “ngango.” N chi a yi ko, “Mun nang faku wu n Kwama a yi ko ka beda?” A yi ko, “Ngango.”
- 22 N chi a yi ko, “Yinu yoye fal m mun, n wure? Ke nin ya dikilin yinu, we nibu a tum ninemu. M mun, n wure?”
- 23 N Yowana a yi chi ko, “M min ker wuka nii a dikir, ker didu kifwadu ko, titau ware der, yinang kangu n Yichaya faku Tewuduwe a fwawengu.”
- 24 Bìkamu nìbu Farisa bìbu bìduum Yafudamu a tumemu,
- 25 a bju kin ko, “Dine wule mu ma batisma, ka mun n ke Masiya, n ke Yiliya, n keti faku Kwama kibede?”
- 26 N Yowana a yi chi ko, “M min fal min ma batisma kini mwe, a ya wuka nii we a tibe chin, wu ta yim be,
- 27 n kin nang ni kibedu a kuteng mange, mang lwebu ma kwi kimin kiwame ko.”
- 28 Titi kwang a fwe a Betanya, a kitiku nabwe la wurdune, a bale tware, fi Yowana kimag batisma.

N Yesu be Kwane Kwama

- 29 Bafinenangeko, n Yowana a ku Yesu kibe bwa a diKine. A yi ko, “Tidang be Kwane Kwama wu kidau kileti titiniye.
- 30 N kin nang ni mang fwa mi, ka bedu a kuteng mange. N kin Tikake mi, dine n kin we feredi, yo m min, ma tibu kau niye.
- 31 Mang ying kumbu didin, aya m be min ma batisma kini mwe ke Yisrela a ying kin.”
- 32 Yinu n Yowana a fwa ko, “N ku Fikim Kwama, kisuwedu yinang kikube, we di, a be a swe, a dur kin ko.
- 33 ‘No ma yimbu mi, n nangkìn, aya n Kwama wa twiye, min ma batisma kini mwe,’ a fwami ko, wu mang ku Fikim, ka suwedu, ka swedu, a dur kine, nang wu kima batisma kini Fikim Kwamame.
- 34 Yo mang kuwe fal, yinu m ma dimwaru mi, wu nang Bwe Kwama.”

Miyarimu n Yesu a mwe a yalimu

(Mat 4:18-22; Mar 1:16-20; Luk 5:2-11)

- 35 Bafinenangeko, aya n Yowana a ti n ti miyarim kimi burabimu.
- 36 Yinang ka n kin, a ku Yesu kisudangu, a yi chi ko, “Tidang be Kwane Kwama.”

³⁷Miyarim kimi burabimu a nabt̄i Yesu, kidangu n Yowana a fwa chimin yam bibangu.

³⁸N Yesu a dang kutengu a ku n chi ki nabi kinedu, a biu chi ko, "Tibau wule?" Bikimu a yi ko, "Tete" ka nang chikiye, naba yungke, "Mun sweda fire?"

³⁹N Yesu a yi ko, "Tibe tidang." N chi a yikana dange fi kiswende, a dite kuko we bwako n ti kin. Tita fwe kiswi a fiya yaana wi me.

⁴⁰Andiriya ke Simun Bitir, we bibi burabu a nwe yam Yowanamu, yinu a bunti Yesumu.

⁴¹Andiriya a mwe a yawe ke ko n Simun, a yi kin ko, "Nin ya Masiya."

⁴²Yinu Andiriya a be kini Simun a diYesuwe. N Yesu a dang Simuni riing, a yi ko, "Mun nang Simun bwele Yowana? Ka nin yalinu ko, Kefas." dinu ka didinin n ti Bitir, ka nang chikiye kale.

N Yesu a yal Filibu n ti Nataniyel

⁴³Bafinenangeko, n Yesu a kur ka ya tim Kalili, a ya Filibu a yi kin ko, "Bumite."

⁴⁴N Filibu, naba Betsaida, bin Andiriya n ti Bitir.

⁴⁵N Filibu a ya Nataniyel a yi kin ko, nin ya nii wu m Musa a mwal yam kimu a tatikidaiyu ferediye, wu fakubu Kwamam a mwal a dur kine. N Yesu bwe Yusufu naba Nasarete.

⁴⁶N Nataniyel a yi kin ko, "Nasaret a lwe fi chi tiyili ka chirminede?" N Filibu a yi kin ko, "M be dange."

⁴⁷N Yesu a ku Nataniyel kibe bwa a dikine, a fwa yam a dur kin ko, "Tidang naba Yisrela siine, a newe kini setayii."

⁴⁸N Nataniyel a biu kin ko, "N Swani a fire?" N Yesu a yi kin ko, "Kidangu n Filibu a tibu yalinangu, yo no mwang swe a tile tiyang sinangu, n kuun."

⁴⁹N Nataniyel a ke ko, "Tete, m mun Bwe Kwama, m mun Mai Yisrela."

⁵⁰N Yesu a yi kin ko, "Dine mang yan mi n kuun a durtin tiyang sinangu, mun ke biyilima? Ko a mwintuwe mwang ku chi a la tite."

⁵¹Yinu n Yesu a yi kin ko, "Kikumang, min fwa chiminu ta ku bwa diye a wuden, bitumbiri Kwamamu ka nin filu kisuwedu we dur Bwe Nii."

Yowana 2

N Yesu a sute mwe, a kau mwe yinabi

¹We wu tare di, tikali kinai we Kana wa yaa Kalili. Aya n ne Yesu we we fiko.

²Nibu a yal Yesu n ti miyarim kimu tin we kina wu.

- ³Yo mwe yinabi a riye, n ne Yesuwe a yi Yesu ko, “Mwe yinabi a ri.”
- ⁴N Yesu a yi k̄in ko, “Nene, mun yaliyu ko wule? K̄iswi mi a lambu.”
- ⁵N ne k̄in a yi n̄ibu nanganmu ko, “T̄ima chi ka yi ch̄ine.”
- ⁶N̄ibu Yafudam k̄ini da wa nurake, t̄ikan sebi we, t̄ita sw̄aba kwantii, k̄iyiu subiti turukun.
- ⁷N Yesu yi chi ko, “T̄iri sebi mwetu k̄ini mwe.” N chi a ri sebiti bel k̄ini mwe.
- ⁸N k̄in a yi chi ko, “T̄idwe, t̄ini fate wutabare t̄ikali k̄inaiye.”
- ⁹Kangu fate wutabare t̄ikali k̄inaitu a twai mwegu, aya mwe a kau mwe yil̄ime. N k̄in a yimbu k̄idangu k̄ichitu wa fwengu. Aya n̄ibu nanganmu a dwe mwemu a yim. Fate wutabare t̄ikali k̄inaiye a yale bwele k̄iyiu naye,
- ¹⁰A yi k̄in ko, “Ka wuwule niye k̄imwedu, a mwe yil̄ime wa l̄in l̄ime didin, ka n̄iba noo, a lwenge, yinu ka bedu k̄ini b̄ibu a l̄imb̄imu. Aya m mun, n lai mwe yil̄ime wa l̄inl̄ime, n be k̄ini kuteng.”
- ¹¹N Yesu a mwe chi k̄ataki t̄itu a Kana, wa yaa K̄alili, a yung dukan k̄inu, a yo miyar̄im k̄imu, a ke biyil̄imu we diK̄ine.
- ¹²A kuteng k̄iku, n k̄in a subbi bwa Kafanawu me. A ya n ti ne k̄in n ti kebu k̄imu n ti miyar̄im k̄imu. N chi a swe a dabi ditiyu nabwen we bwako.
- N Yesu a do Kan Kwamana Wurchalimanu**
(Mar 11:15-17; Luk 19:45-46)
- ¹³K̄idangu Yiye yabake wa n̄ibu Yafuda a mwatanangu, n Yesu a yika Wurchalima.
- ¹⁴We Kan Kwamanu, n k̄in a ya n̄ibu k̄ifeku tant̄ikai n ti kwanti n ti k̄ikubti n ti b̄ibu k̄isute k̄amb̄ir̄imu, a yii nangange chi.
- ¹⁵Yinu n k̄in a kw̄ar k̄iswi, a kaka n̄ibi kwang we Kan Kwamanu. N k̄in a yai kwantiyu n ti tant̄ikayu. A ya k̄amb̄ir̄ n̄ibu sutek̄inu, a kurana bwa, a tungati teburitu.
- ¹⁶A yi chi b̄ibu k̄ifeku k̄ikubtimu ko, “T̄iwora kul̄ini t̄itu, long Temiye a kadu kw̄amar we.”
- ¹⁷Miyar̄im k̄ima kur chi n̄ibu a mwal we tatt̄ik̄idai yik̄ariyu ko, “M̄ilaku Kan Kwamana a chau n̄ir k̄inu.”
- ¹⁸N̄ibu Yafudam a b̄iu Yesu ko, “N yung n̄in dukan didu mun rikand̄inu, n̄in baddu nang ku chi k̄ataki.”
- ¹⁹N Yesu a ke chi m̄in ko, “T̄iwur Kan Kwamana Wurchalimanu, mang muddu a ditiyi yitta.”

²⁰Nibu Yafudam fal a yi ko, “Kan Kwamanu n̄ba mu swat̄itu wan taana chiri turukununu, nang wu mwiko n̄n wur mwang muddu, a ditiyi yitta?”

²¹Aya n Yesu a fwabu Kan Kwaman d̄idu n chi k̄ikurad̄inu, kifwa bwiki.

²²A kute k̄iku n Kwama a kukku Yesu we furangu, miyarim Yesumu a kur yam b̄ibu n Yesu a fwamu. N chi a ke biyil̄imu we yam Kwamamu, n̄ba mwal̄imu n ti b̄ibu n̄ba fwamu.

N Yesu a yim n̄tu n̄bitu

²³K̄idangu Yiye yabake a lamengu, aya n Yesu a yika Wurchalima. Nibu nabwen a ke biyil̄imu we d̄ik̄ine, d̄ine chi katakitu n k̄in a yak̄i maditu.

²⁴Aya n Yesu a kebu k̄ini chi, d̄ine n k̄in, a yim chi a n̄tu n̄biye.

²⁵Wuka nii, a ne fwa k̄im̄in n̄r n̄nu, d̄ine n k̄in a yim n̄tu niibitu.

Yowana 3

Yesu n ti Nikodimus

¹Wuka nii we d̄in k̄inu n Nikodimu. N k̄in we tikaketi a kwal̄ n̄bu Farisamu. N k̄in wuduwe we Yafuda.

²Nii wa be bwa d̄iYesuwe, k̄ini k̄itatilang kumang, a yi k̄in ko, “Tete, n̄n yim, m mun naba yungke, wu n Kwama a tume, d̄ine a ne nii ka ma chi kataki t̄ite we, ka n ke wu, n Kwama we ware ti k̄ine.”

³Yinu n Yesu, a ke k̄im̄in ko, “Biyil̄im m̄in fwam̄inu, nii a ne we k̄ini dukan d̄idu ka le ya Kwamanu, ka n ke ka ya b̄ibe wu robe.”

⁴N Nikodimu a b̄iu ko, “Ka b̄iu nii wa karane yire?”

⁵N Yesu a ke k̄im̄in ko, “Biyil̄im m̄in fwa chim̄inu, ka a b̄ibu nii, a mwe ti F̄ik̄ime, a ne ya dukanu ka le ya Kwamanu.

⁶Aya nii k̄ib̄iu nii, F̄ik̄im k̄ib̄iu F̄ik̄im.”

⁷Kat̄aduwe mwi widu n yi mi, a mwintuwe ta ya b̄ibe wu robe.

⁸K̄if̄ibe k̄isudu, k̄iya bwanu n k̄in a ku diye, mun nwe diru, mun kudu yinang ka kiyingle chitangu, aya niyang yimbu bwa k̄ichir m̄inede n ti bwa k̄iyaande. A ti we nii wa b̄iu a F̄ik̄ime.

⁹Nikodimu a b̄iu Yesu ko, “T̄itu ka fwedi yire?”

¹⁰Yinu n Yesu a yi ko, “Mun naba yungke wuduwe we a t̄im Yisrelamu, a mayire mwang swaanbu k̄ichitu wuwe?”

¹¹Biyil̄im m̄in fwa m̄inu, n̄n fwa chitu nang yimi, n̄n mwa chitu nang kui, aya a mwintuwe ta yibu d̄imwar n̄nu.

12Mìn fwa chimìn yamu, we chi a tìtìniye, ta kebu biyilimu, ta ke biyilimi yire, ka n fwa chimìn chi a bwadite?

13A ne ni a filin bwadiye we, ka n ke Bwe Niye. N kin n kikon wa be we bwako.

14Tiyangu m Musa a kukku so kini kitayang we dichilanchangin, a mwintuwe nibu ka kuku Bwe Nii.

15Ke ka nang wuwule niye, wu kike biyilimu a dikine, a ya tikuri kidiya kwaditu.

16N Kwama a mwan, a mila titinitu, a ni Bwe Nire ko, ko ke nii a ke biyilim a dikine, aya tikuri kidiya kwaditu, a twiyaduwe.

17N Kwama a tumebu Bweko ko ke a mwata titinitu min yam, aya ko ke titinitu, a ya yuku a dikine.

18A ne mwataku we bibu a tu a ke kinimu, aya bibu a ko kinimu, ka ya mwataku, dine n chi a kebu biyilimu, we Bwe Kwama n kikune.

19Yama mwatana fi. Yiikiku a be titinitu, nibu a kila mila kiliye, a la chi, dine nangin chitu tibwilai.

20N chi a ko yiikiku, ko ke chi chakaku kini kileti we kiliye. Dine taye, n chi a kwatibu we yiikiku, ko ke chi kwaladuwe.

21Aya nii wu kitum biyilime, a wulbu chi, kiya fi a yiike ko ke nibu a ku nangin tiyili kitu n kin kimaditu, a yim ko n kin kibunti chi Kwama kibandde.

N Yesu ti Yowana wu kima Batisma

22A kute kiku n Yesu ti miyarim kimu, a du Wurchalima a yika bale Yafudiya. A da diti we bwako, kima batisma.

23We kiswi wuko, n Yowana kima batisma a Yinon wa kwatina Salime. Mwe we nabwen, nibu kitikedi kutukutu, we a dikine yak ma batisma.

24Kichitu a fwe, yo n Yowana a tibu le dibintile.

25Wuka naba nibu Yafudiya a le ki tuka yamu, a da rukimu n ti miyarim Yowanamu.

26Miyarim Yowanamu, a be, a yi kin ko, "Tete, nii wu, a no tin ware, a kitiku la wurdune, wu mwang ma dimwar a dur kine, kima batisma we bwa, nibu kwang kikila bwa a dikine."

27N Yowana a yi chi ko, "N kawure kima kana chi n Kwama a tum kine ko a be maatu.

28A mang tu, mang fwa chimin mi, m min n ke Masiya aya n Kwama a ke ma tiye kakku."

²⁹We t̄ikali k̄inaitu, fw̄anu n d̄iu bwele k̄iyiu naye. Fate bwele k̄iyiu naye a mabu kana chi bwele k̄iyiu naye k̄iyi k̄initu. N fate k̄in k̄inwe t̄am̄ang, ka ȳam bwelemu k̄ichirede, fur k̄ini mwe d̄ine yiko.

³⁰A mwintuwe, n k̄in ka ya r̄ikeku, yinu m m̄in ma ya k̄itaku.

N k̄in wu a be a diye

³¹N k̄in a be a dii, n k̄in a la ka nang wuwule niye. B̄ibu a chire a t̄it̄inimu m b̄iu t̄it̄ini, ȳami chiyu yiya t̄it̄ini. Wu a be, a bwadiye a la ka nang wuwule niye.

³²K̄ikumang, k̄ifwa chi n k̄in a kuwe n ti chi n k̄in a nwe. A mwintuwe, a ne ni a ke d̄imwar k̄ine we.

³³Aya ka nang wuwule niye, wa yiu d̄imwal k̄ine, a tau kwar̄ille ko, n Kwama naba biyilime.

³⁴Nangk̄in wu n Kwama a tume, k̄ifwa ȳam Kwama mu, d̄ine n Kwama a ri k̄in k̄ini F̄ik̄im.

³⁵N Kwama a m̄ila Bwe ko, a du chiti kwang a fālang kang.

³⁶Kanang wuwule niye wu k̄ike biyilim we Bwe we k̄iya t̄ikuri k̄idiya kwadi t̄itu a ne ridii, aya wa ko Bwe we, a ne ya t̄ikuri t̄itu, ka wuran bwi k̄ini kana k̄ifwini Kwama, a dur k̄in.

Yowana 4

Yesu n ti na Samariya

¹N̄ibu Farisamu a nwe ko n Yesu k̄iya miyar̄imu k̄ima chi m̄intu batisma a lati Yowana.

²Aya wu k̄ima batisma n ke Yesu, miyar̄im.

³Yo Tewuduwe a nwe ȳam b̄ibe, a chir we Yafudiya a k̄ila K̄alili.

⁴A ne w̄are ka tadde we, a mwintuwe ka tau Samariya.

⁵N k̄in a be d̄ikan b̄in a Samariya, b̄in d̄idu n̄ibu k̄iyalu ko Saikar, a kwat̄ina finu n Yakubu a ni bweko n yusufu ferediye.

⁶Bwir Yakubu we fiko. Kangu n Yesu a tibwi we yayuwangu, a ya swe we k̄it̄iku bwirangu k̄if̄ikadu. T̄itu a fwe tibe kuko.

⁷Wuka na Samariya a fwadu k̄im̄intuwe beka dwe mwe. N Yesu a yi k̄in ko “Niye mwe mang nodu.”

⁸Miyar̄im k̄imu a tu a le b̄in yaka t̄ane chabtu.

⁹Na Samariya a yi Yesu ko, “Wule a fwe wu m mun naba Yafuda mwan b̄iu mwe wu nore a na Samariya?” D̄ine n̄ibu Samariyamu a yitabu chi ti n̄ibu Yafudamu.

¹⁰N Yesu a yi k̄in ko, “Ka no n yim k̄ilimang Kwamangu n ti nii wa ȳan ȳam ko n dwe k̄imine mwe ka node, a no mwang b̄iu k̄inu ka n̄in mwe t̄ikuriye.”

¹¹Naye a yi Yesu ko, “Tewuduwe mun̄in newe k̄ini chi dweku mwei, yinu bwiru a ma sw̄an, mwan ya mwe wu k̄ini t̄ikuriye a f̄ire?”

¹²Ka mwang la tenu n Yakubu wa du n̄im̄in bwiru a kute k̄iku n k̄in n k̄ifwan n ti bwes̄im k̄imu n ti chi yo kanḡi kitu a no wenga?”

¹³N Yesu a ke k̄im̄in ko, “Dimwenu a ne du nii wu k̄ino mwe a bwir d̄ide.

¹⁴A ya ka nang wuwule niye, wu ka no mwe ma ni k̄ine, a ne nwetu dimwenu we k̄ida k̄idiya kwadu. Mwe ma ni k̄ine ka kau nebwi wu kan̄ing fwadu k̄ini t̄ikuri k̄idiya kwade.”

¹⁵Naye a yi ko, “Tewuduwe, niye mwe wu, ke n nwet̄idu dimwenu we k̄ida. Mang f̄ikat̄idu we yak̄i bwirangu, miyadi kwadu m̄in dwe mwengu.”

¹⁶N Yesu a yi k̄in ko, “Ya, yale kwartamo, tibe ware.”

¹⁷Naye wa yi Yesu ko, “M̄in n newe k̄ini kwarta.” N Yesu a yi k̄in ko, “N fwa biyil̄im, mwiko mun̄in newe k̄ini kwarta.”

¹⁸We biyil̄imu, k̄inati mwiyu a lami yunu. D̄ine yuko, kwarta m mun we ware k̄ik̄ange n ke wumo.

¹⁹Naye wa yi ko, “Tewuduwe, a mun f̄aku Kwama.”

²⁰Tukeb̄i n̄imu a sii Kwama a kun d̄idu aya n t̄in n̄ibu Yafudam tiko a dakan ni si Kwama a Wurchalima.

²¹N Yesu a yi k̄in ko, “Naye, ke biyil̄imu we chi m̄in fwa m̄inditu. K̄idangu k̄ibedu k̄iku n̄ibu a ne sii Kwama we kun d̄idu ka a Wurchalima.

²²N t̄in n̄ibu Samariyamu ta yimbu chitu t̄isiditu. Aya n̄in n̄ibu Yafudamu n̄in yim chitu n̄in siidetu. W̄are yuke a chire a n̄ibu Yafudam.

²³Aya k̄iswi k̄ibedu, a tu a lam, wu n̄ibu k̄isi Kwama k̄ini n̄iri din̄imu ka sii k̄inu a F̄ik̄im ti biyil̄im, d̄ine Te k̄ibau dum b̄ibu a nang si k̄inu.

²⁴N Kwama F̄ik̄im, b̄ibu k̄isii k̄in̄imu kan̄ing sii k̄inu a F̄ik̄im ti biyil̄im.”

²⁵Naye a yi Yesu ko, “N yim Masiya wu k̄ibede, Ka benge ka yung n̄in chiti kwang.”

²⁶N Yesu a yi k̄in ko, “M̄in wu m̄in fwa ȳam ti mune n nangk̄in.”

Miyar̄imu a k̄ilawe fi a d̄iYesuwe

²⁷N chi k̄iri ȳamiye, miyar̄imu a k̄ilawe. N chi a k̄at̄an yinang ka ku n Yesu k̄ifwa ȳam ti nayengu. Aya a ne nii a yi naye ko, “Mun bau wule? A ne wa b̄iu k̄in ko, a mayire mun fwa ȳamu ti naye we.”

- 28 Naye a du suuru we fiko a le b̄inu a yi n̄ibu ko,
- 29 “T̄ibe t̄id̄angmi wu nii. A fwami chitu mang mangweti kwang. Ka kano nang Masiya?”
- 30 N̄ibu a kiyawe kit̄ibu a mau kwala a ya bwa a diYesu we.
- 31 We kit̄walang k̄iku, miyar̄im k̄imu a bwal k̄in ko “Tete k̄ichau chabtu.”
- 32 Aya n k̄in a yi chi ko, “T̄ikan chabtu we t̄itu ma chaditu, n t̄in ta yimbu.”
- 33 Miyar̄im k̄imu a k̄ila b̄iu Yichiyu ko, “Kano wuka nii a be k̄imine k̄ini chabta?”
- 34 Aya n Yesu a yi ko, “Mang ma chi wu a twiyenge, nang chabtu mitu, mang ri nangang kangu.
- 35 Ka t̄iyidu ko chuwang a du swarti taananga? Aya m̄in yi ch̄inu mi t̄id̄ang kuniyu a bi a lam kakku.
- 36 Wu k̄ikadde k̄iya k̄ilimang, k̄imur kul̄inu kan̄in chadu k̄idiya kwadu nang t̄ikuritu. D̄ine wu k̄ifide ti wu k̄ikadde ke a ma furi mwemwen.”
- 37 We finu fal, Ȳam b̄ibu ko wuka nii k̄ifidu, wuka k̄ikad̄imu biyil̄im.
- 38 N tum ch̄in t̄ikau chi ta mabu riye we. Bikamu a nwe riye we aya n t̄in t̄inwe tam̄ang riye chiyangu.

Samariya nabwen a ke biyil̄imu

- 39 N̄ibu Samariyamu nabwe we b̄in d̄idu a ke biyil̄imu ko nang Masiya d̄ine chi naye wa fwaatu ko, “A fwami kwang chitu mang mangwetu.”
- 40 Kangu n̄ibu Samariyamu a be fi a diYesuwengu, a wana k̄in ko a swe ti chi, n Yesu fal a swe ti chi ditiyi yurau.
- 41 N̄ibu nabwen a ke biyil̄imu we a diYesuwe d̄ine ȳam k̄imu.
- 42 Yinu n̄ibu Samariyamu a yi naye ko, “K̄ik̄angu fal n̄in ke biyil̄imu, n ke d̄ine kana chi mwang fwaatu aya d̄ine n̄in nwe n n̄ifwan n̄in ke t̄in ko a mwintuwe nii wu nang naba yuke wa t̄it̄iniye.”

N Yesu a be bwe Fandu

- 43 A kuteng ditiyi yurabangu, n Yesu a chir we t̄im Samariyamu a yika K̄alili.
- 44 Nangk̄in, n Yesu n k̄ifwan a fwa ko, “F̄aku Kwama a newe k̄ini dwiyen we t̄im k̄imu.”
- 45 Kanga lam K̄aliliyangu, n̄ibu K̄alilimu a yiu k̄in kani yurabu, d̄ine n chi a yatuwe Yiye yabake a bale n̄ibu Yafudam a Wurchalima, n chi a kuute chitu n Yesu a mawetu.

⁴⁶Yinu n Yesu a kīlatī bīn dīda Kana wa tīm Kālili we ka nang chikiye, finu n kīn a suten mwe a kau mwe yilīme, wuka Fandu wa lo matīme we Kafanawu, bweko a bubuwe.

⁴⁷Yo nii wa nwe ko n Yesu a kīlawe Yafudiya, a be Kālili, a yikan a ya wana kīn ko, “A Bekīmīn bweko yaka bwadu.”

⁴⁸N Yesu a yi kīn ko, “Ka ta kubu dīm̄wale ti chi k̄at̄akite a ne ta ke bīyilīmu we ko bayim.”

⁴⁹Fandu fal a yi Yesu ko, “Tewuduwe ni yikan, ke kīla bwe a bwami.”

⁵⁰N Yesu a yi kīn ko, “Yikan bwemo a ne bwadu.” Nii wa ke bīyilīmu we a yām Yesumu a yika tīn.

⁵¹Kangu n kīn we a w̄are kīyikadangu, k̄abi kiyu a be teka mīn n ti kīn, a yi kīn ko, bwiyu a be we bwemo.

⁵²N kīn a bīu chi ko, “Bwiyu a be kīswi yire?” N chi a yi ko, “Kīdangu bwiyu a bengu, di a fiya wiine wa kuko.”

⁵³Te bwe a yim tīn ko nang kīswi n Yesu a yīin kīn ko, “Yikan bweko ka bede.” Nii wu a kaibu kīswi. N kīn a ke bīyilīmu we dīYesuwe n ti dīkulon kīni kwang.

⁵⁴Tītū nang tīrobitu chi k̄at̄aki tītū n Yesu a tu a ma a kuteng kīku a du Yafudiya a yikan Kālili.

Yowana 5

N Yesu a be wu ngīrmane ni a far betasidan

¹A kute kīku n Yesu a yika Wurchalima dīne Yiye nību Yafudam.

²Dīkan far we Wurchalima, kīdwan n ti kw̄ar kwanti dīdu n chi kīyalu ko Betasidan kīni yi nību Yafudam, n chi a kana far dīkīnu kīni tīkubiti tunu.

³Nību bību a bubuwemu kīdaradu we tīkubi tīti kwadu. [We fiko kīdubību ti kīkubtiyu n ti bību a ngīrmanīmu n we.

⁴Wuka Naba dītumbīre Kwama kībedu bekī luku mwe a fare, naba burange ka mwedu, ka le mwe wa lukune kībe tīdu kono a kīkīle kīdum burame.]

⁵We fiko, wuka naba bura we wa ma sw̄atītu wan tīta chiri narību kīni burang kange.

⁶N Yesu a d̄ang ni wu, a yim tīn ko burang ni wangu kīkar̄ang. N Yesu a bīu ni wu ko, “Mu baddu mwang beda?”

⁷Naba burange a ke kīmīn ko, “Tewuduwe mīni kīni wure wu ka makayu ka dīkīyu we faru yo mwe a lukene. Ka n yo mi mang kune, wuka nii kītui tīnu.”

⁸Yinu n Yesu a yi k̄in ko, “Kun, d̄au chi t̄idari mwitu, yikan.”

⁹B̄inab̄ina nii wu a be, a d̄au chi t̄idari kitu a yikan. T̄itu a fwe dif̄ikare n̄ibu Yafudam, ka nang chikiye Disabwi.

¹⁰N̄ibu Yafudam a ku ye, a yi nii wu a benge ko, “Di wu dif̄ikare, we yil̄in musatu a dakabu mwang d̄au kw̄amb̄ire mwemo mwang yikadu.”

¹¹Nii wu a ke chi m̄in ko, “Nang chi nii wu a beye a fwaatu, a yi ko, ‘N d̄au chi t̄idari mwitu yikan.’ ”

¹²N chi a b̄iu ko, “N wure k̄iniko wa ȳan ko n d̄au chi t̄idarimitu, n yikane?”

¹³Nii wa benge a yimbu ka n wure a be k̄ine, d̄ine k̄ichitu wa fwe a fina k̄ituu n̄ibe. N Yesu a setuwe n̄ibu.

¹⁴A kutengu k̄iku n Yesu a ya k̄in a Kan Kwaman, a yi k̄in ko, “D̄ang, a mwang be. Dang, du k̄ilet̄iyu, ke k̄ila chi a la t̄ite a fwe.”

¹⁵Kangu n k̄in a swaan Yesungu, a yikan a ya yi b̄iduum n̄ibu Yafudamu ko n Yesu nang ni a bek̄ine.

N Yesu a ke ko, n k̄in Bwe Kwama

¹⁶D̄ine yiko, n̄ibu Yafuda a mwe k̄ifuma Yesu ko a mayire kan̄in ma k̄ichitu wu dif̄ikare.

¹⁷Yinu n Yesu a yi chi ko, “N Temi k̄ima nangangu a lanta k̄ik̄ang, m m̄in t̄in m̄in ma t̄idu.”

¹⁸Ȳam b̄ibu a ni n̄ibu Yafudam dukan d̄idu k̄ibaddu ka ch̄iu Yesunu. N chi a yi ko, “N ke d̄ine a ki yilang dif̄ikare, aya a k̄ila yi t̄in ko Kwama n Tek̄in. N k̄in a mar yikiyu yinang Kwama.”

Dukan Bwenu

¹⁹Yinu n Yesu a k̄inta chi ko, k̄ikumang m̄in fwa chim̄inu, bwe a ne ma chitu n k̄ifwan ka a kubu Tek̄in k̄imade, d̄ine chi Te k̄imaditu k̄ini kwang nang chi bwe k̄ima t̄ine.

²⁰Nangk̄in, Te k̄im̄ila Bwe, k̄iyungt̄i chi n k̄ini k̄ifwan k̄imaditu. Ka yungt̄i nangin t̄itu a la t̄it̄itu. Ka kau chim̄in chi k̄ataki.

²¹T̄int̄in, tiyangu Te k̄ikukku kw̄amiyu k̄ini t̄ikuriyangu yiko. Bwe k̄ini wu n k̄in a ku diye t̄ikuritu.

²²Te a kaba n̄ibu m̄inbu ȳam aya a ni Bwe dukan d̄idu kan̄in mwata ȳam̄inu.

²³D̄ine ke n̄iba ni Bwe dwiyentu tiyangu n chi k̄ini Tengu. Kwang nii wa n̄ibu Bwe dwiyente, a nit̄ibu wa tume k̄ine.

24“Biyilim min fwa chiminu, ka nang wuwule niye wu kinwe yam mime, wu kike biyilim we nii wa twiye, kini tikuri kidiya kwaditu. Mwataku yamang a ne we di chiye, n chi a yabi bwa, a ya tikuri.

25Biyilim min fwa chiminu, kiswi kibeđu, a tu a be wu nıba bwamu ka nwe ker Bwe Kwama. Bıbu a nwe mu fal ka ya tikuri.

26Nangkin, tiyangu Te n kifwan nang dur tikurinu, yiko a yoti Bwe ko dur tikuriin.

27A ni kin dukan didu a mwata kinu dine n kin Bwe Nii.”

28“Tikatadu yam bıbu we, dine kiswi kibeđu wu nıba futumu ka nwe ker Bwe Kwamane.

29Ka chiredu, bıbu a ma chi tiyilimu ka kunu, ka kadu aya bıbu a tumbu biyilimu, ka kunu, ka wuran bwi kini kifwini Kwama.

30Mang mebu mang mabu chi mini mikun, mimwata yam mimu yinangu Kwama fwamiyangu. Dine yiko, kabaku mangu kiyilang dine ma buntıbu chitu min kuri, kana chitu wa twiye ka badditu.”

Yamiyu nıba fwara na dur Yesunu

31N Yesu a chakakku a yi ko, “Ka m ma dimwaru a dur mine, didu n ke dimwar diyilin.”

32Aya wukani we kima dimwaru we dur minu, n yim kima dimwar diyilin we dur minu.

33Tıtum nıbu we di Yowana wu kima batisma, n kin tin a fwa chimin biyilimu.

34A ya a bwin yiko, mang buntıbu dimwar niin. N fwa ying ke tiya yuku.

35N Yowana fitıla wu kitakira, wu kiyii chiye, tin fal tıke tin ta ma furi mwen kini yiiku kangu a bakıswi bayim.

36Aya m min kini dimin dimwar we dur minu didu a latı didu n Yowana a mwa a dur mininu. Chitu min maditu, a wu n Temi a ni ko m ma, chitu a kau dimwar minitu a yung Te a twiye.

37Tıntın, Te wa twiye n kifwan a kau dimwar min. Ta nweembu ker kinu we, ta kuun tıbu we yinangu n kin weminangu.

38Yam kimu a swebu we nitu chintu dine ta kebu biyilimu we wa tum kine.

39Tılekan we a tattıkidai Kwamayu nıba mwalıyu dine we kuraku changu, ta ya tikuri kidiyatu a dıchiye. Yiyu tattıkikıdai Kwamai fal nai yiyu kima dimwar a dur miniyu.

40Aya a mwintuwe tiko tiyangu ta be bwan di mine ke tiya tikuritu.

⁴¹“Mang yibu dwiyen we n̄ibu.

⁴²Aya n yin ch̄in, t̄int̄in n yim ta m̄ilabu Kwama we n̄itu ch̄intu.

⁴³M be a d̄in Tenu, ta yiibu, aya ka wuka ni a be a d̄in dur k̄ine ta yiu k̄inu.

⁴⁴Ta ke biyil̄imi yire kangu t̄ifunt̄i bwi ta ya delak̄iku a bwiti chiyangiyu, aya ta funt̄ibu bwi ta ya delak̄iku k̄ichiredu a bwanu a d̄iKwama k̄iku n k̄ikunangu?”

⁴⁵“T̄ikamadu we ti ma Mai keme ch̄in a bwa Te, nii k̄imai keme ch̄ine nang Musa, wu t̄ikuradu ti ka maka ch̄ine.

⁴⁶Ka no t̄ike biyil̄imu we d̄iMusa, no ta ke biyil̄imu we d̄imine. D̄ine m Musa, a mwal ȳamu a dur m̄in.

⁴⁷Aya ka ta kebu biyil̄imu we chi n k̄in a mwale, yire ta ke biyil̄imu we ȳam m̄ime?”

Yowana 6

N Yesu a chabi k̄ini n̄ibu a la kuniyi yunu

(Mat 14:13-21; Mar 6:30-44; Luk 9:10-17)

¹A kuteng k̄iku, n Yesu a yabu far d̄idun Kalili, d̄idu n̄ibu kiyalu ko far Tiberiya.

²N̄ibu nabwen a bung k̄im̄in t̄in d̄ine n chi a ku chi k̄atak̄itu, n k̄in k̄imadu a n̄ibu t̄iburamitu.

³N Yesu fal a f̄il kun a swe ware ti miyar̄im k̄imu.

⁴K̄iswi Yiye yabake n̄ibu Yafudame a mwatawe.

⁵Kangu n Yesu a kuku nuiyu a ku n̄ibu nabwen k̄ibe bwa a d̄ik̄inengu, a yi Filibu ko, “Ni t̄anne chabt̄itu a f̄ire wu beka lwe n̄ibu b̄ibe?”

⁶N Yesu a ma d̄ib̄idu d̄idu, ko ke k̄inweeng chitu n Filibu ka fwaditu. D̄ine Yesu a tu a yim chitu ka madite.

⁷N Filibu a ke ko, “Kano chabtu t̄itu murak̄i k̄iduwang kan̄in chadu a sure diti kuliti turabitu a ne lwedu yinangu n kawure, ka yadi baȳim baȳimangu.”

⁸We miyar̄im k̄imu wuka wu d̄in k̄inu n And̄iriya, ke Simun Bit̄ir, a yi Yesu ko,

⁹“D̄ang be bwele wu k̄ini k̄idaniyi yunu yiyu a miim seyire, ti chingiyi yurau. Aya k̄ichitu wu ka ma nabwe n̄ibe m̄in wureni?”

¹⁰N Yesu a yi miyar̄im k̄imu ko, “T̄iyi n̄ibu tiko a sweswe.” Fiko k̄ini fil̄inu n ti swak̄iku nabwen kana kwartabu b̄ibu a swemu a mwatan kuniyi yunu.

¹¹N Yesu a d̄au k̄idanniyu a tw̄ab̄a bunitu we d̄iKwama, yinu a wulan a kera n̄ibu m̄in, n kawure a yiu yinangu ka lwe k̄inangu, a mat̄i chingiyi yiko. N kawure a ya yinang kangu n ka k̄ibadangu.

¹²Yo n chi a chab a lwenge, a yi miyarim kimu ko, “T̄imur t̄ibuken t̄itu a kulenitu ke chitu a kaiyaduwe kwang.”

¹³T̄ibuken t̄itu miyarim kim a muritu a ri t̄itingriti kub chiri turau. Kanang chikiye, t̄ibuken seyire t̄itu n̄ibu a chau we k̄idanni bali yunu a dubitu.

¹⁴A kuteng k̄iku n̄ibu, a ku chi k̄ataki t̄itu n Yesu a mangitangu, n chi a yi ko, “K̄ikumang, wu nang f̄aku Kwama wu ka be t̄it̄iniye.”

¹⁵Yinangu Yesu a swaan ko n̄ibu b̄ibu k̄ibaddu beka tau k̄ini dukan ka ni k̄in maiyangu, a kun a k̄ilati kunnuwe, n k̄ikun.

N Yesu a ya yayu a dii a mwe

(Mat 14:22-33; Mar 6:45-52)

¹⁶Yinangu di a lengu, miyarim kimu a suu bwa fare.

¹⁷T̄imu a mwe k̄isedu we k̄iswi wuko, aya n Yesu a tibu be fi a d̄ichiye. Miyarim kimu a le kw̄amb̄ire mwe k̄iyabu faru k̄iyika Kafanawu.

¹⁸K̄idang kangu, k̄if̄ibe fare a bwilan, k̄if̄ibe wuduwe a mikku faru.

¹⁹N chi a si kw̄amb̄ire mwe yinang siriyi Yuunu ka yurukune yinu n chi a k̄ila ku Yesu k̄iyadu a mwe, k̄ibe bwa kw̄amb̄ire mwe, miyarim kimu a nwe taiyi.

²⁰Aya n Yesu a yi chi ko, “M m̄in! T̄inwedu taiyu we.”

²¹Yinu fal n chi a ke ko a le kw̄amb̄ire mwe a lam bwanu n chi k̄iyade.

N̄ibu a babba Yesu

(Mat 14:22-33; Mar 6:45-52)

²²Baf̄inenangeko, n̄ibu a swe a k̄it̄iku far̄imu, a swaan ko kw̄amb̄ire mwe a be fiko win, n chi a twar miyarim Yesumu a lewe kw̄amb̄ire mwe, n chi, n chikun. N Yesu a lebu.

²³Aya yikai kw̄amb̄iri mwei a benga b̄in d̄idu a Tiberianu, a be ti k̄idwang n ti finu n̄ibu a chan k̄idanniye a kuteng k̄iku, n Tewuduwe a tw̄ab̄ab̄unitangu.

²⁴Tiyangu n̄ibu a ku a ne Yesu we fiko ka miyarim k̄imangu, n chi a le kw̄amb̄ire mwe a yika Kafanawu k̄ibabba Yesu.

N Yesu k̄idanne t̄ikuriye

²⁵N chi a ya Yesu a k̄it̄iku lang, n chi a b̄iu k̄in ko, “Tete, naba yungke, m be fi fere?”

²⁶N Yesu a k̄inta chi ko, “Biyilim tibaiyedu d̄ine ta chau k̄idanniye ta riin fure. Aya n ke d̄ine ta ku chi k̄atakite.”

²⁷T̄imadu nangang baku chabtu t̄itu ka kaiyadu kaiyanetuwe. T̄ima nangang baku chabtu t̄itu a ne kaiyadu kaiyadi, t̄itu k̄ini t̄ikuri k̄idiya kwadi. T̄itu nang chabtu Bwe Nii ka ni ch̄initu. N Kwama a tu a ma d̄imwar d̄idu ka swanin Bweko wu n k̄in a ke k̄ine.

- 28 Nibu bibu a biu Yesu ko, "Nang ma wule ke a ri kike Kwama?"
- 29 N Yesu a ke ko, "Chitu n Kwama kibaddu ta maditu nang titu. Kanang chikiye, tike biyilim we wu n kin a tumme."
- 30 Yinu nibu bibu a biti Yesu kida ko, "Yoye chi kataki titu mwang madu ke nin ku nin ke biyilimitu nang titile? Mwang ma wureni?"
- 31 Kanang chikiye, Tukebi nimu feredimu, a chau manna we dikiru, yinangu nibu a mwalangu ko, 'A ni chi chabtitu a chirenga bwadi ke a chau.' "
- 32 Yinu n Yesu a ke chi min a yi ko, "Biyilim min fwa chiminu nii wa ni chin chabtu bwadite n ke Musa, aya Temi nang wu kini kidanniyu siiniye yiyu a bwadiyu.
- 33 Kidanni Kwama nang kin wa suwe a dii kini nibu titinimu tikuriye."
- 34 N chi a yi ko, "Tewuduwe, nang ni nin kidum chabtim bibi kwadu."
- 35 N Yesu a ke chi min a yi ko, "Min nang chabtu titu kini tikuritu. Wa be a bwan dimine a ne nwetu chunu we kikiida. Wu a ke biyilim a dimine, a ne ka nweeng dimwenu we.
- 36 Aya tiyangu ma fwa chiminangu, tikui aya ta kebu biyilimu we di mine.
- 37 Nibu bibu n Kwama a niyimu kwang ka be bwa a di mine, wa be bwa a dimine nemang koonduwe.
- 38 N suwe a bwadi, n ke dine mang ma kike miye aya mang ma kike wa twiye.
- 39 Chi wa twiye a ketu, n laiyu bibu a niimu we ko win, aya ke n kuku chi we di swan kute.
- 40 Chi n Temi ki badditu nang titu: Ni kidang Bwe, kiketi biyilim we dikine kini tikuri kidiya kwaditu mang kukku kinu we a di swan kute."
- 41 Yinu nibu Yafudam a le kungakunga kini Yesu dine a yi ko, "Min nang kidanne wa suwe a bwadiye."
- 42 Nibu Yafudam a yi ko, "Nii wu n ke Yesu, bwele Yusufu wu n ne kin n ti Tekin niyang yima? A mayire ka yidu ko kisuwe bwa a diye?"
- 43 N Yesu a kinta chi a yi ko, "Timadu kungakunga we bwiti chiyu.
- 44 A ne nii ka be fi a dimine we, ka n ke wu Te a tume a dimine, mang kukku kinu we di swang kute.
- 45 A mwal we tattikidai faku Kwamayu ko, 'N Kwama ka miya chiminu, n chi kini kwang,' aya wa nwe ti wa miyawe Te, kibe bwa a dimine.
- 46 A ne ni a kuun Te we, kana kin wa be we bwa diKwama. N kin n kikun a kuun Te we."

47 Biyilim min fwa chiminu, ka n wure wa ke biyilim a di mine kini tikuri kidiya kwaditu.

48 “Min nang kidanne wu kini tikuriye.

49 Tukebu chiremu feredimu a chau manna we dikiru, aya a mwintuwe n chi a bwa.

50 Aya chabtu titu kisuwedu a diitu nang titu, nii ka chau kidanni Yiye, a ne bwadu.

51 M min nang chabtu tikuri titu a suwe a bwaditu. Ka wuwule nii wu ka chau chabtu tite, a ne bwadu kidiya kwadu. Chabtu titu nam bwimiye wu mang nidu ke titinitu a ya tikuri kidiya kwadite.”

52 Nibu Yafudam a le kituka yam bibu kini dukan we bwiti chiyu ko, “A mayire nii wu ka yidu ko ka ni chini nam bwikiye ni wude?”

53 Yinu n Yesu a yi chi ko, “Biyilim, min fwa chiminu, ka ta wubu nam Bwe Nii, ta notibu kitum mime, tinewe kini tikuri we bwi chiyu.

54 Kwang ka nang wuwule niye wu kiwu nam miye ki noti kitum mime kini tikuri kidiya kwaditu, ma kuku kinu fal.

55 Dine nam bwi miye nang chabtutu siinitu, kitum mimu nang chi tinoriti siinitu

56 Nii kiwu nam bwi miye, kinoti kitum mime, kiswedu we bwi miyu m min wetuwe a yikiyu.

57 Wu kure Te a twiye, minkadu dine kine. Yiko wa wu min a kau chabtu kiye, ka swedu dine min.

58 Wu nang kidanne wa suwe a bwadiye. A newe yinang kidanne wu tukebi chim a chau, a bwarane. Aya ka nang wuwule niye wa chau kidanne we, ka kaddu kidiya kwadu.”

59 N Yesu a fwara yami yiyu a kisiwi wu n kin a yakimiyadu a kan muraku didu a Kafanawu.

Miyarimu nabwen a du Yesu

60 Kangu n chi a nwe yam bibangu, nabwen we miyarim kimu a yi ko, “Yam bibu a ma bwar wure ka kedu.”

61 Yinangu n Yesu a ku kungakunga a le tibe miyarim kimangu. A yi chi ko, “Chi mang fwa a kai chimin nira?”

62 Yinu ta ma wule ka tikuri Bwe Nii kifilu kiyika bwanu n kin a bemine?

63 Fikimu nang tikuritu. Nam a nibu tikuri. Chi mang fwa chimine Fikim n ti tikuri.

- ⁶⁴Aya b̄ikam chimu we b̄ibu a kebu biyil̄il̄imu.” N Yesu a tu a yim b̄ibu a kebu biyil̄imu feredi n ti k̄in wu ka kw̄al k̄ine.
- ⁶⁵Yesu a k̄ila fwa chim̄in ko, “Nang chi a yo ma fwa mi, a ne ni ka medu ka be fi a d̄i m̄ine we, ka n ke wu Te a ke k̄im̄ine.”
- ⁶⁶D̄ine ȳam b̄ibu Yesu a fwamu, nabwen we miyar̄imu a du k̄in a bun k̄im̄int̄ibu.
- ⁶⁷Yinu n Yesu a b̄iu miyar̄im k̄imi kub chiri burab̄imu ko, “N t̄in t̄ibadu ta yika t̄ina?”
- ⁶⁸Simun Bit̄ir a ke k̄im̄in ko, “Tewuduwe, nang ya bwa a d̄iwure? Mun nang nii k̄ini ȳam b̄ibu k̄ini t̄ikuri k̄idiya kwad̄ime.
- ⁶⁹N̄in fal n̄in ke biyil̄imu, n̄in yint̄in ko m mun nang wu wauwade wu Kwama.”
- ⁷⁰Yinu n Yesu a ke ko, “N sutu ch̄ini kub chiri burau, aya wuka ch̄in n Setan.”
- ⁷¹Kanang chikiye, k̄ifwa Yafuda, bwele Simun Yiskariyoti, d̄ine nang nii yaka kw̄al k̄ine, kasi k̄iku n k̄in wetuwe miyar̄imi kub chiri burab̄imu.

Yowana 7

Yesu ti kebu k̄imu

- ¹A kute k̄iku, n Yesu a b̄w̄alan a Kalili yangu, aya a babu ka ya Yafudiya, d̄ine n̄ibu Yafudam we bwako, k̄ibaddu ka ch̄iu k̄inu.
- ²Yiye tukubiye n̄ibu Yafudam a lame k̄idang kangu.
- ³Kebu Yesumu a yi k̄in ko, “A dakan m̄wang du fi m̄wang yika Yafudiya ke miyar̄im mumu a ku chitu mu maditu.
- ⁴Nii k̄ibaddu n̄ibu ka ying k̄inu yinange, k̄imadi kw̄arikw̄ari. Ka mun ma t̄ichituwe, m̄wang yung dur munu we t̄it̄initu ke n̄ibu a swaan̄in.”
- ⁵N chi kebu Yesumu t̄in, a kebu biyil̄imu we d̄iYesuwe.
- ⁶N Yesu a yi chi ko, “K̄iswimi a lambu, aya n t̄in ka nang k̄ik̄ile k̄idange a le chim̄in.
- ⁷T̄it̄initu a ne medu ka ko chidu, aya k̄iko m̄inu d̄ine m̄in mwa chidu we chi t̄ibwilaitu n chi k̄imaditu.
- ⁸Tiyika Yiye, mang yabu diidin, d̄ine k̄iswimi a lambu wu mang ya Yiye.”
- ⁹A kute k̄iku n Yesu a fwa chim̄in ȳam b̄ibangu, a swet̄i k̄ida we Kalili.
- N Yesu a Yiye t̄ikubiye**
- ¹⁰A kuteng k̄iku kebu k̄imu a yika Yiyengu, n Yesu a be baran a ya Yiye, a yabi kw̄arikw̄ari.

¹¹Biduun n̄ibu Yafudamu a le k̄ibabba k̄inu we fi a Yiye, ko, “A bw̄ale ni wuko?”

¹²Bikamu we murak̄iku a le kifwa k̄inu we fiko ko, “Nii wu yile, bikamu ko naba dibutire.”

¹³Aya a ne ni wa chire filang k̄ini yame we d̄ine n chi k̄inwe taiyi biduum n̄ibu Yafudamu.

N Yesu a ma miyaku a Yiye t̄ikubiye

¹⁴Kidangu t̄ikalitu a bikanangu, n Yesu a ya Kan Kwamanu a ma miyaku.

¹⁵Biduun n̄ibu Yafudamu a yar yi, ko nii wa yabu miyaku kiduwang, n k̄in a miyawe a fire?

¹⁶N Yesu a k̄inta chi ko, “Mang miyabu t̄imi, aya t̄itu n temi a tum minetu.

¹⁷Ko wa sutu ka ma chitu n Kwama k̄i baddite, ka yindu ko chitu min miyaditu a chire a diKwama n ke t̄imi.

¹⁸Wu k̄imiya chitu mang babite, k̄ibau d̄in, wu kifumbwi ko ke k̄iya wa tum k̄ine min d̄ine, naba biyilime, a ne dibutir we dik̄ine.

¹⁹A mika m Musa a ni ch̄in yil̄inte? Aya t̄ini k̄ini kwang t̄ikii yil̄intu. Ka a newe yuko, a ma yire t̄ibadu ta chiye?”

²⁰N̄ibu nabwen a ke k̄imin we fiko ko, “Kif̄ibt̄i we durmunu, n biwure k̄ibaddu ka ch̄inu?”

²¹N Yesu a ke a yi chi ko, “M ma chi kātākiti wiin, aya n t̄ini k̄ini kwang t̄ikātan.

²²M Musa a du ch̄in ko t̄inang bii laar (Kasi k̄iku bat̄itukebu a yo n ke Musangu) ta kwiyabu t̄ibat̄in labitu we Dif̄ikare n̄ibu Yafudam.

²³Ka ta medu ta bii bwe min laaru we Dif̄ikare n̄ibu Yafudame, d̄ine ke t̄ibunt̄i yilang Musangu, yinu a mayire t̄ikai n̄iru k̄ini min d̄ine mang be k̄ini ni we Dif̄ikare n̄ibu Yafudame?

²⁴T̄ikadu yamu we k̄ini kamaku aya t̄imwata yamu yinang ka dakanang.”

Wu nang Masiya?

²⁵Bikamu n̄ibu Wurchalima a yiko, “N̄ibem, nii wu n ke wu no chi k̄ibaddu ka chida?

²⁶Nang wa k̄ila kifwa yamu a tibe chi kw̄arikw̄ari a ne ni kiya k̄in yame we. Ka tikaketi kw̄al n̄ibu Farisamu a tu a ke ko, n k̄in m Masiya?

²⁷N̄in yim finu nii wa chirm̄ine, ka Masiya wu yile, a benge a ne nii ka yim fi a chirm̄ine we.”

²⁸Yo n Yesu a yak̄i miyadu we Kan Kwamane, a fwa yamu k̄ini dukan ko, “Tiyim min, tiyint̄i fi mang chirm̄ine, mang bebu k̄ini dukan min, aya wa twiye, k̄ini biyilim, n t̄in ta ying kimbu.

29M̄in n yim d̄ine, n be a bwa a d̄ik̄ine, n k̄in a tum m̄ine.”

30N chi a ke ka tadu, aya a ne nii a mwiye we, d̄ine k̄iswiko a lambu.

31N̄ibu nabwen a ke biyil̄imu we fiko, a yi ko, “Yo m Masiya ka bede we beka ma chi k̄ataki t̄itu ni wa maata?”

B̄iduum n̄ibu Yafudamu k̄ibaddu ka tau Yesu

32N̄ibu Farisamu a nwe ko n̄ibu k̄imadi kungakunga k̄ini Yesu, wuduwe fansetiye n ti n̄ibu Farisamu a tum dokariti yiyu a Kan Kwaman ko a ya tau Yesu.

33N Yesu a k̄inta chi ko, “A du k̄iswi bayim ma swedu ti ch̄in, a kute k̄iku ma k̄ila bwa a nii wa tum m̄ine.

34Ta baiyu a ne ta yayu, bwa ma yade, a ne ta yin yadu.”

35B̄iduum n̄ibu Yafudam b̄ibu a kebu Yesumu, n chi fal a yi ko, “Kano k̄iya f̄ire wa ne ni yin ya k̄ine? Ko kano k̄iya bwana n̄ibu Yafudam b̄ibu a t̄iran a swe ti n̄ibu Yelenamu, yaka n̄in miya chim̄in da?”

36Wureni a yo n k̄in a yi ko ta baiyu neta yayu. Ko bwanu m̄in yade a neta me yake?”

Mwe wa t̄ikuriye

37We di swete Yiye, di wu Yiye k̄irbu k̄irbu we n̄ibu Yafudam, n Yesu a ti a fwa ȳamu k̄ini dukan ko, “Nii k̄inwe dimwene a be a d̄im̄ine a no.

38Nii k̄ike biyil̄im a d̄im̄ine, net̄ibwi yiyu a t̄ikuri ka n̄in fwadu we n̄ir wu k̄ike biyil̄ime yinang ka mwal we ȳam Kwamangu.”

39N Yesu k̄ifwa ȳamu a F̄ik̄im Kwamam a b̄ibu n̄ibu bunt̄ik̄imu ka yiddu a d̄ik̄inemu. F̄ik̄im Kwamamu a tibu beduwe k̄idang kangu, d̄ine n Yesu a tibu yiu d̄wiyen kitu.

Yaram a le tibe n̄ibe a dur Yesun

40Kangu n̄ibu a nwe ȳam b̄ibu n Yesu a fwamu, n chi a yi ko, “K̄ikumang, wu nang f̄aku wu m Musa a yiko ka bede.”

41B̄ikamu a yiko, “Wu nang Masiya.” B̄ikamu a kebu, ko K̄alili nang fi Masiya ka chirm̄inedenga?

42N chi a yi ko, “Mare tatt̄ik̄idai yik̄ariyu a fwa ko m Masiya ka chiredu a k̄if̄iku Daudang, a bwa Bet̄ilami, a beb̄ine n Dauda swem̄ine.”

43T̄ikuran n̄ibitu a ma dangdang we dur Yesunu.

44B̄ikamu ko chi tau Yesu aya a ne nii a kuku kangu ko ka tadde we.

B̄iduum n̄ibu Yafudamu a kebu biyil̄imu

45Yo dok̄aritiya Kan Kwamana Wurchalimanu a k̄ilane, n̄ibu Farisamu n ti tikaketi fansetiye a b̄iu chi ko, “A mayire ta beb̄i k̄ine?”

⁴⁶Nìbu tokumu n ti fanseti a ke chi mìn ko, “Wuka nii a fwaangbu yàm kìmú we.”

⁴⁷Nìbu Farisamu a yi dokaritiyu ko, “A butìtì chìnà?”

⁴⁸N chi a yi ko, “Bìkam we tikaketi kwàl nìbu Farisamu, a ke biyilìmu we yàm kìma?”

⁴⁹N chi ka tìturan ko, aya kìku muraku a yimbu chi we yilìn Musatu, n chi ka bìbwilam.”

⁵⁰N Nikodimu wa yaang we bwa a dīYesuwe, wu n chi wetuwe mure, naba Farisam. A yi chi ko,

⁵¹“We yilang chirengu, n chìnì ni newe kìnì da ni kaba nii wu mìn yàmú, ka niyang nwebu chi we dīkìnenge. Nang tiyangu ni swaan chi we murengu.”

⁵²N chi a ke kìmìn a yi ko, “Mun naba Kàliliye tìntìna? Tàl tattìkìdai Kwamayu yinang, fàkubu Kwamamu a chirmìnebu we Kàlìli.”

⁵³[N chi a yaran, n kawure a yika loko.]

Yowana 8

Naye wu nìbu a taba tìkuliye

¹N Yesu a yika Kun dīdu kìnì tìnì Setuniye.

²Kìnì sìn, n Yesu a kīlatì Kan Kwamanu we. Nìbi kwang a mura kìmìntuwe. N kìn a sweswe kì miya chi mìnú.

³Nìbu yungku yilìn Musa n ti nìbu Farisamu a be kìmìne kìnì naye wu n chi a taba tìkuliye. N chi a yo naye a ti we tibe chi.

⁴A yi Yesu ko, “Naba yungke, nìn tau naye wu kìma tìkuli.

⁵Yilang Musangu a yung nìn ko, nìng kwela dum bìbu kìnì kali, nìn chiu, mun fal n fwa ko wule?”

⁶N chi a si lán dīdu ko ke chi tang kìn, chi yatì fìli chi marìng keme ko. Aya n Yesu a swa kabu a tìm a mwal chitu we tìmu kìnì bewure ko.

⁷Kangu n chi a chakakku kìnì tìbìdìritangu, a kun a yi chi ko, nii wa mambu kile we tibe chìne, a mwe a mabi kìnì kale.

⁸N Yesu a sungtu kabu we tìmu, a mwal chitu.

⁹Yo n chi a nwe yàm bìbe, n kawure kìchiri daan, kiyikatìdu. A mwetuwe selìbu, kìnì kwang. N chi a yaran a duka Yesu ti naye we fi a tì mìnè.

¹⁰Yinu n Yesu fal a kun a bìu naye ko, “Naye, n chi a bwàle? A ne ni a mwata yàmè wenga?”

¹¹Naye a ke ko, “Tewuduwe, a newe ko wiin.” N Yesu a yi ko, “M m̄n t̄n ne mang ȳn ȳm, yikan yang du chi t̄bwilaitu, chadu kakku we k̄n.”

N Yesu nang yiiku t̄t̄niyangu

¹²N Yesu a chakakku k̄ni ȳmu ko, “M̄n nang yiiku t̄t̄niyangu, ka wuwule niye wu ka bumit̄ne, a ne ya yayu a k̄liye, aya ka yiiku k̄iku a t̄kuriyang.”

¹³Yinu n̄bu Farisamu a yi Yesu ko, “Mun mwa dur mun, t̄nt̄ne, d̄mwar munu a ne b̄yil̄mu we.”

¹⁴N Yesu a ke chi m̄n ko, “Kono m̄n mwa dur m̄n, m̄n mwa b̄yil̄m, d̄ne n yim bwa mang bem̄ne n ti bwa mang yikande, aya n t̄n, ta yimbu bwa mang yikande.

¹⁵Kabaku changu k̄iku a niyang, m m̄n mang kaba ni m̄nbu.

¹⁶Aya kasi no m̄n kabadu, m̄n kaba b̄yil̄m. M̄n n newe m m̄kun m̄n n we ware ti Te wa twiye.

¹⁷We yil̄n ch̄ntu a mwal ko, ‘D̄mwaru a yini n̄bi burab̄nu diyil̄n.’

¹⁸M̄n, m̄n ma d̄mwaru a dur m̄n m m̄fwan, wu robe nii k̄ima d̄mware nang Temi.”

¹⁹N chi a b̄u k̄n ko, “N te mun a f̄ire?” N Yesu a ke chi m̄n ko, “Ta yimbu m̄n, ta yim t̄bu Te. Ka no tiyim m̄ne no ta yim Te.”

²⁰N Yesu a fwa ȳm b̄bu a k̄iswi wu n k̄n a yak̄i ma miyaku k̄idwan ti fi a kan k̄amb̄ir̄ine we Kan Kwamane. A ne nii a tau k̄ine we d̄ne k̄iswiko a lambu.

Neta ying ya bwanu m̄n yade

²¹N Yesu a k̄ila fwat̄n k̄ida ko, “M̄n m̄n yikadu. Ta baiyu, ta bwaradu k̄ni k̄leti chiyu. A ne ta ying ya bwanu m̄n yade.”

²²Ȳm b̄bu a yo B̄duum n̄bu Yafudamu k̄itwayadu ko, “Kano yaka ch̄u yikiya? Nang chi a fwa ko, a ne ta ying ya bwanu m̄n yadea?”

²³N Yesu a chakakku ko, “N ch̄n m b̄u t̄m, m m̄n n chire a bwa diye. N t̄n b̄bu a t̄t̄nim, m m̄n n ke wa t̄t̄niye.

²⁴Nang chi mang fwa chim̄n mi ta bwaradu k̄ni k̄leti chiyu, ka ta kebu b̄yil̄mu ti m m̄n nang wu mang yi mi m̄n nangk̄ine.”

²⁵N chi a b̄u k̄n ko, “Mun nang wure?” N Yesu a yi ko, “Nang chi mang fwa chim̄n yoko niyang mwe we ȳme.”

²⁶Ȳm m̄mu nabwen b̄bu mang fwadu we d̄ich̄ine mu, b̄bu ka kau chim̄n mwatak̄imu.

²⁷N̄bu a swaanbu ko n Yesu k̄ifwa chim̄n ȳma Temu.

28 Nang chi a yo n Yesu a yi ko, “K̄idangu ta kukku Bwe Nii we k̄it̄iyang bwangu, nang k̄idangu ta swaanu ti m̄in nangk̄inangu. Ta swaan t̄idu ti ma mabu chi a k̄ike mi aya kana chi Te a fwa ko m maatu.

29 N k̄in wa twiye we ware ti m̄in. A dubu m̄in m m̄ikun, d̄ine m̄in ma chi a k̄ikeko kwadu.”

30 N̄ibu nabwen a ke biyil̄imu a d̄iYesuwe, we a k̄it̄walang k̄iku n k̄in a yak̄i fwa yam̄angu.

Biyil̄imu ka chaku ch̄inu

31 N Yesu a yi n̄ibu Yafudam b̄ibu a ke biyil̄imu a d̄in k̄inemu ko, “Ta kau miyar̄im m̄im biyil̄imu, ka ta marbu yam̄ m̄imu a t̄ime.

32 Ta yim biyil̄imu, biyil̄imu ka tu ch̄inu.”

33 N chi a ke ko, “N̄in chire a k̄ikuwang Yibrayim, nang mambu k̄abi we a mayire mwang yidu mwiko biyil̄im ka tu n̄ine?”

34 N Yesu a yi chi ko, “Biyil̄imu m̄in fwa chim̄inu, ni wu k̄ima k̄iletiye, a kau k̄iletitu m̄in k̄abe.

35 K̄abe n ke bwe lo wu k̄iswedu k̄idiya kwade. Aya bwe lo, n we lo k̄idiya kwadu.

36 Nang chi a yo ma yi mi, ka Bwe a tuune, a tuun k̄iyilang.

37 We yuko n t̄in k̄ikuwang Yibrayim, aya t̄ibadu ta chiyu d̄ine ta kebu k̄ini miyak̄i mangu.

38 M̄in fwa chim̄in chi ma ku a Tetu, aya t̄in t̄ima chi ta nwe a tebu chimitu.”

Bwes̄im fakwarem

39 N chi a ke k̄im̄in ko, “Te n̄in n Yibrayim. N Yesu a k̄inta chi ko, Ka no te ch̄in n Yibrayime a no ta ma chi n Yibrayim a maatu.”

40 D̄ang t̄ibadu ta chiyu, m̄in wu mang fwa chim̄in biyil̄imu mang nwe a d̄iKwamamu. N Yibrayim a ma ya?

41 T̄ibunt̄i chi tebu chimu a maatu. N chi a yi ko, “N̄in n ke dum k̄ikulb̄im n̄in k̄ini Te nang Kwama.”

42 N Yesu a yi ko, “Ka no Kwama nang Te ch̄ine, a no ta m̄ilayu, d̄ine n chire a bwa d̄iKwama. K̄ik̄angu m̄in ti ch̄in. Mang bebu a kurk̄i mang, aya n Kwama a twiye.

43 Wule a yo ta swaanbu yam̄ m̄ime? Ta kebu miyaku mange?

44 N t̄in bwes̄im Setan, nang te ch̄in. T̄ike ta ma chi k̄ibadditu. We tile b̄irke n k̄in naba chike. A kebu biyil̄imu d̄ine n k̄in a newe k̄ini biyil̄imu we fur k̄inu. N k̄in a m̄ila t̄ikwanitu nang daako. N k̄in nang te t̄ikwaniye.

45 Aya m̄ m̄in wu m̄in fwa chim̄in yam̄ biyil̄ime, ta kebu biyil̄imu we d̄im̄ine.

⁴⁶We tibe chìn n wure ka yidu ko m mìn naba k̄letiyē, ka mìn n ke naba k̄letiyē, a mayire ta kebu biyilimu a òimìne?

⁴⁷Naba Kwama kìnwe t̄kw̄aliyi Kwamatu aya n chìn ta nwebu òine n tìn n ke n̄ibu Kwama.”

N Yesu n ti Yibrayim

⁴⁸N̄ibu Yafudamu a yi Yesu ko, “Nang lwebu yinangu nang yidu ko, m mun naba Samariya, m muni k̄ini k̄if̄btiyanga?”

⁴⁹N Yesu a k̄inta chi ko, “A ne k̄if̄bti we dur m̄inu. M̄in ni Temi dwiyentu aya n tìn, t̄ini m̄in riye.

⁵⁰Mang babu dur m̄inu m̄in dwiyen aya wuka nii we k̄ibamidu. N k̄in nang wu k̄imwata ȳame.

⁵¹M̄in fwa chi m̄in biyilimu, nii wu k̄id̄au t̄kw̄ali yii miye, a ne bwaangduwe.”

⁵²We b̄ibu fal n̄ibu Yafudam a yi ko, “K̄ik̄angu n̄in yim k̄if̄bti we durmunu. N Yibrayim a bwa ti f̄akuti Kwamayu, m mun mwiko ni k̄ima nangangu k̄ini t̄kw̄ali yi mwite a ne bwaangduwe ko bayim.

⁵³Mun kamadu n la tenu n Yibrayim ma? N k̄in a bwa ti f̄akub̄ibu. We kamaku mwangu, m mun n wure?”

⁵⁴N Yesu a ke chi m̄in ko, “Ka m̄in ni dur m̄inu dwiyene, dwiyen mitu t̄ikusi. M Temi wu t̄iyalu ko Kwama ch̄ine, nang ni wu k̄ini m̄in dwiyente.

⁵⁵Kasi k̄iku ta yim k̄imbangu, m̄in n yim. Ka n yi mi mang yim k̄im be, m̄in naba t̄kw̄aniye. Aya n yim k̄in m̄in ma nangangu k̄ini t̄kw̄ali yii kitu.

⁵⁶N te chìn n Yibrayim a ma furi mwen ko, ka no we ka ku k̄id̄ang mange. N k̄in a mwit̄in, a ku a ma t̄im̄ilan.”

⁵⁷N̄ibu Yafudamu a yi ko, “Sw̄anti mwitu a lam t̄ibu wan tunu nang wu mwang yidu mwiko n ku Yibrayim ma?”

⁵⁸N Yesu a yi chi ko, “M̄in fwa chim̄in biyilimu, yo a tibu b̄iu Yibrayime, a ya m m̄in we.”

⁵⁹Kangu n chi a nwe b̄ibangu, a wo kali ko chi kwela Yesu, n Yesu a lai yikiyu, a chir a du Kan Kwamanu.

Yowana 9

N Yesu a be nii wu n̄iba b̄iu k̄iduwe

¹Yo n Yesu a yak̄isude, a ku nii wu n̄ibu a b̄iu k̄iduwe.

²Miyar̄im k̄imu a b̄iu k̄in ko, “Tete, naba yungke, naba k̄ile n wure, yo n̄ibu a b̄iu nii wu k̄iduwe? Kano nang bwenga? Kanang b̄ibu a b̄iu k̄in̄ima?”

³N Yesu a yi chi ko, “N ke bwe n keti bibu a bu kinimu. Aya kichitu wa fwe ko ke ni ku dukan Kwaman.

⁴A mwintuwe nang ma nangang wa twiyengu, kangu fila wengu. Kum kibedu. Ka a benge, nii a neka yim ma chi.

⁵Kweru min we titininu, min nang yiiku titiniyangu.”

⁶Yo n kin a ri yame, a tibu kituumu a tim, a lu kitimu kini kituumu, a wa ni wu min we nuiyu.

⁷A yi nii wu ko, “Ya, yang nura nuiyu a mwe wa far Silwam ka nang chikiye wutumre.” Nii wu a yikan, a nura nuiyu, a kilawe kikuti.

⁸Nibu a filang chiyamu, n ti biba no yim kin kikalā chimu, a bu ko, “Wu n ke wu niyang yim kisweda fi, kikalā chiya?”

⁹Bikamu ko, “N nangkin, bikamu a yi ko, a chirkachirkane.” Aya n kin, n kifwan a yi ko, “Min nangkin.”

¹⁰N chi a yi kin ko, “M ma yire, nuyu a wudene?”

¹¹A yi chi ko, “Nii wu n chi kiyalu ko, Yesu we a lu kitim a wami we nuyu. N kin a yay ko n yika Silwam n yang nura nuyu. N ya, n yang nurawe. N kilawe min kudi.”

¹²N chi a bu kin ko, “Nii wu a fire?” Nii wu a yi ko, “Mang yimbu.”

Nibu Farisamu a tal yam bee kimu

¹³N chi a yikan, kini nii wa no kiduwe, a ya ni nibu Farisamu.

¹⁴N Yesu a lu kitimu a wude nuiyu we nii wu Difikare nibu Yafudamu.

¹⁵Nibu Farisamu fal, a bu nii wa be a tiduye yinangu chitu a fwengu. Nii wa yi ko, “A lu kitim, a wa mi we nuiyu, a yiko n yang nura nuyu. Kangu mang nuranangu, nuyi miyu a wuden, min kudi.”

¹⁶We fiko bikamu nibu Farisamu a yi ko, “Nii wu n ke naba Kwama, yo a ma nangangu Difikare nibu Yafudame.” Aya bikamu ko, “Nii kini kiletite ka medu ka ma chi kataki tita? Tikuran chitu a lakan.”

¹⁷A kuteng kiku, n chi a kilatuwe nii wa no kiduwe, a bu kin ko, “Mun yal kinu mwi n wure, yo n kin a wudu min nuiye?” Nii wa yi chi ko, “Min yalu mi faku Kwama.”

¹⁸Biduum nibu Yafudamu a kebu biyilimu ko ni wa no kidu aya kikanu kikuti. Dine yuko n chi a tum nibu ko a yale nibu bibu a bu kinimu.

¹⁹N chi a bu chi ko, “Wu nang bwe china? Wu nang bwe ta bu kiduwa? A mayire kitudiye?”

- ²⁰Biba b̄ib̄imu a yi ko, “Bwe wun̄in, n̄in b̄iu k̄idu.
- ²¹Aya na yimbu kanga ma k̄iku diyangu. Na yim t̄ibu ka n wure a be k̄ine. T̄ib̄iu k̄in, n ke bwet̄ire, a lwe ka fwa chi n k̄in a yimitu.”
- ²²Biba b̄iu k̄in̄imu a fwa yiko d̄ine, n chi k̄iwul tayi n̄ibu Yafudamu. N̄ibu Yafudamu a tu a k̄ika yi ko nii ka yidu ko n Yesu nang Masiya, n̄ibu ka chak̄idu we muraku n̄ibu Yafudame.
- ²³Nang chi a yo b̄iba b̄iu k̄in̄imu, a yi ko, “T̄ib̄iu k̄in, a wi bwet̄irengatu.”
- ²⁴N chi a k̄ilan k̄irobang a yale ni wa no dwiyene, a yi k̄in ko, “Fwa biyil̄imu, ni Kwama dwiyantu, ka tiint̄ina d̄in̄ine ni wa bene naba k̄iletiye.”
- ²⁵N k̄in a ke chi m̄in ko, “Ka naba k̄iletiye mang yimbu, chitu mang yimitu a no m̄in k̄idu, a ya k̄ik̄angu m̄in kudi.”
- ²⁶N chi a b̄it̄i k̄ida ko, “A ma m̄in wureni? A wudu m̄in nuiyu yire?”
- ²⁷A k̄inta chi ko, “A ma tu ma fwa chim̄in ta nwebu a mayire? T̄ibadu ta nwe t̄idu k̄ida? Ka t̄ibadu ta kau miyar̄im k̄ima?”
- ²⁸N chi a yi ko, “A tu k̄idu wu nuiyu a wudene ko, m mun nang miyare ko! N n̄in, m b̄iu Musa.
- ²⁹N̄in yim n Kwama a fwa ȳamu n ti Musa, aya nang yimbu bwa wu nii a chirm̄ine.”
- ³⁰Nii wu a yi chi ko, “A t̄iyar̄ m̄in yi. A yi ko, kasi k̄iku ta yimbu bwanu a chirm̄inengu, a mwintuwe a wudumi nuiyu.
- ³¹N k̄in a chakakku ko, n̄in yim n Kwama a nwebu tw̄ab̄aku naba k̄ilet̄iyengu, aya k̄inwe k̄ika naba bunt̄ikengu, wu k̄ima chi n k̄in k̄ibadde.
- ³²Feredi niyang nwengbuwe, ko nii wu n̄ibu a b̄iu k̄iduwe, a ya beku.
- ³³Ka no nii wu, n ke wa chire a d̄iKwama, a no neka medu ka ma k̄ichitu wu.”
- ³⁴N chi a kaka k̄in ko, “N̄ibu a b̄iu mun, a k̄ileti, be mwang fwa ni m̄inu ko wule?”
- T̄iduyi t̄ita kwalan swaangki**
- ³⁵N Yesu a nwe ȳamu ko, n chi a kaka ni wu. Yo n chi a tekane, a b̄iu k̄in ko, “N ke biyil̄imu we Bwe Nii ya?”
- ³⁶Nii wa ke k̄im̄in ko, “Tewuduwe, n k̄ina wure? N fwami ke n ke biyil̄imu we d̄ik̄ine.”
- ³⁷N Yesu a yi k̄in ko, “A mwang tu mwang kui, m m̄in nang wu k̄ifwa ȳamu ti mune.”
- ³⁸Yinu ni wa yi ko, “Tewuduwe, n ke biyil̄im.” N k̄in a sung a si Yesu.

³⁹N Yesu a yi ko, “N lewe tītīnitu dīne ke m be, m mwata yāmu. Dīne ke bību kīkudimu a dwiyen, aya bību a kubu diimu a kudi.”

⁴⁰Tiyangu nību Farisamu we fiko, a nwe yām bībangu, n chi a yiko, “Mu yi nīnu mwiko n nīn kīduba?”

⁴¹N Yesu a yi chi ko, “Ka no tīn kīdube, a no, ne kīleti we. Aya yo ta yi tiko n tīn n ke kīdube, kīleti chiyu a kabi yiko.”

Yowana 10

Baltaku a naba toke N Yesu nang naba toke wu yile

¹N Yesu a yi ko, “Biyilīm ka nii a fīla kwale, a lebu kīrana kwāre, tīkitu kutu n ti wurku.

²Aya nii wu a le a kwāre, nang naba toku kwanti wu yile.

³Nii kīto kīrane, kīwudu naba toku kwantiye mīnu. Kwantiyu kīnwe ker nii wu kīto chidīnu, kīyal kwantiyu kīni dīnbi kīchiri kīn, kīyikan tame.

⁴Ka a chaku kwantiyu a chir fīlange, kīti kakku. Kwantiyu kīnabī kīna kuteng, dīne a me ker kīnu.

⁵Kwantiyu a ne buntī rungko, ka wul kīnu dīne a mebu ker kīnu. Kwantiyu ka yaradu ka du kīnu we.”

⁶N Yesu a fwa chimīn kīku baltaku aya n chi a swanbu chi n Yesu kīfwaditu.

N Yesu nang naba toke wu yile

⁷N Yesu fal a kīla fwatī kīda ko, “Mīn fwa chimīn biyilīmu, m mīn nang kwār kīran kwantīnu.

⁸Bība tuiyimi kwang kana dabīkūm ti bīwurīlīm. Kwantiyu a nwebu wuka nii we tibe chi.

⁹Mīn nang kwāru, nii kīledu a dīmīne ka ya swiku. We dīmīne, n chi kanīng ledu kīchiru kīchau cham mu a nachang.

¹⁰Daaku kībedu dīne kuutu n ti chiku n ti wurku. Aya m mīn m be dīne ke n chi a ya tīkuri. Tīkuri tīta lwei.”

¹¹“Mīn nang naba toke wu yile. Naba toke wu yile kīni yikiyu dīne kwantiyu.

¹²Naba toke wu kīma nangang surenge, a ne to kwantiyu yinang fangko kwantiye. Ka n kīn a ku nam wubare tiyang bawu kībede, kīwulu kī du kwantiyu we. Nam wubare beka chībe kwantiyu, ka yai tīni yak.

¹³Nii wu kīma nangang surenge, a wul dīne kwantiyu n ke yiki. Kwantiyu a bubu kīn nīr.”

- 14M̄in nang naba toke wu yile. N yim kwanti miyu, n chi a yint̄i m̄in.
- 15N yim Temi tiyangu n k̄in a yim m̄inangu. N ni t̄ikuri mitu d̄ine kwanti miyu.
- 16M̄ini k̄ini yikai kwanti we yiyu a newe k̄iran d̄id̄inu. A mwintuwe mang bedu k̄ini chi t̄in. N chi ka nwe ker m̄inu. K̄iranu kanodi diin, naba toke wiin.
- 17Te kim̄ilayu d̄ine m̄in ni t̄ikuri miye, t̄ikuri t̄itu mang yiu t̄inuwei.
- 18A ne nii ka yitiye we, d̄ine m̄in ni t̄ikuritu m̄ m̄ifwan. M̄in k̄ini dukanu ma ni t̄ikuri, m̄ini k̄ini dukanu ma yit̄iduwe. Te a ni m̄in dukan d̄idu.
- 19B̄iduum n̄ibu Yafudamu a yara yichiyu we fiko, k̄ituka ȳam b̄ibu.
- 20B̄ikamu a yi ko, “Naba fangmiye, naba k̄if̄ib̄tiye, t̄iwassa ȳam k̄imu a bwa.”
- 21Aya b̄ikamu a yi ko, “B̄ibu ȳam n ke b̄ibu a naba k̄if̄ib̄tiyem. N chi a yi ko, naba k̄if̄ib̄tiye ka wudu k̄idu m̄in nuiya?”

N̄ibu Yafudamu a ko Yesu

- 22We chuwang kangu n Yesu a ya Yiye wurku a Wurchalima.
- 23N Yesu a chir k̄ibw̄alu we yif̄ila Kan Kwamane, a bale k̄ini k̄id̄ingu, n chi k̄iyalu ko, “K̄id̄ing Solomon.”
- 24B̄iduum n̄ibu Yafudamu a chire a be mura k̄im̄intuwe a yi ko, “Fwa biyil̄imu, laiye chiwe, m mun nang Masiya naba yuke a ke n̄in kamadu chi we?”
- 25N Yesu a yi chi ko, “A mang fwa chim̄in ta kebu biyil̄imu. Chi k̄atak̄itu mang ma a dukan Teminitu k̄iyungdu ka m̄in n wure.”
- 26Aya ta kebu biyil̄imu d̄ine n ch̄in ta bunt̄ibu m̄in.
- 27Kwantimiyu k̄inwe ker m̄inu, n yim chi, n chi a yint̄i m̄in.
- 28M̄in ni chi t̄ikuri k̄idiya kwadi, n chi a ne twiyaanduwe. A ne nii ka yitu chi we fal̄ang mangu we.
- 29M̄ temi wa ni m̄in kwanti yiye, a la chiti kwang. A ne ni a lwe ka yitu kwanti yiyu we fal̄ang kange we.
- 30M̄in n ti Temi a fi wine.
- 31“N̄ibu Yafudam a wote kaliyu k̄ida, ko chi kwela Yesu.
- 32N Yesu a yi chi ko, m ma nanḡin Temitu nabwen ka t̄iyili, t̄ikwelayu a k̄ik̄ile?”
- 33B̄iduum n̄ibu Yafudam a yi k̄in ko “Nang kwelambu d̄ine nangang k̄iyilang k̄iku mwang mangu. Aya d̄ine mwang sw̄aba ne, m mun nii duri k̄ili, mwang yidu mwiko m mun ti Kwama a fi wiine.”
- 34N Yesu a yi chi ko, “Mare a mwal we yilang Musangu ko, ‘N fwami n t̄in yinang Kwamati.’

³⁵Ka a yal b̄ibu a be k̄ini ȳam Kwamamu ko kwamatiye, ȳam b̄ilim b̄ibu a ne sute duwe.

³⁶A mayire t̄iyidu tiko, n sw̄aba Te, d̄ine ma yi mi, m m̄in Bwe Kwama?

³⁷T̄ikedu b̄iyilimu we ka nangin t̄itu m̄in maditu n ke ta Kwamaye.

³⁸Aya ka m̄in ma nangin Kwamaye, kono ta keb̄i b̄iyilimu we d̄imine, t̄ike b̄iyilimu we nangintu ta kuutu. D̄ine ke t̄iswaan, t̄iyim tiko Kwama a d̄imine, m m̄in a d̄ikine.”

³⁹N chi a wituwe ko chi tau Yesu, n Yesu a chirtuwe tibe chi.

⁴⁰N Yesu a k̄ila k̄it̄iku la wurdune, a ya swe we fi n Yowana a no k̄imang batisma.

⁴¹N̄ibu nabwen a nab̄i k̄ine we fiko k̄ifwadu ko, “Kasi k̄iku n Yowana a mabu chi katakitangu, aya kanang t̄it̄ile chiye, wu n k̄in a fwa a dur nii wune, b̄iyilim.”

⁴²We fiko n̄ibu nabwen a ke b̄iyilimu we diYesu we.

Yowana 11

Bwa Lasaru

¹Wuka nii we, d̄in k̄inu n Lasaru, a bubuwe. N k̄in naba Betani, a b̄in b̄iu Maryamu ke Marta

²Lasaru wa bubuwe, nang ke Maryamu we wu a kur Tewuduwe m̄in k̄inung k̄iki firfirange, yinu a musu k̄imint̄i nanikiyu k̄ini ri durite.

³N Yesu a ya d̄itumbir we kebu Lasarim b̄iwuwiye k̄imu. N chi a tum Yesu m̄in ko, “Tewuduwe, wu mwang m̄ilane a bubuwe.”

⁴Tiyangu n Yesu a nwengu, a yi ko, “A ne bwadi k̄in. Burang k̄iku n Kwama ka yaang dwiyen, yinu Bwe Kwama ka yat̄i rikaku we mure t̄in.”

⁵N Yesu a m̄ila Marta ti keko wuwiye ti Lasaru.

⁶Yinu yo n k̄in a nwe ȳam burame, a k̄ila dat̄i yikai diti yurau.

⁷A kuteng k̄iku, a yi miyarim k̄imu ko, “Ni k̄ila Yafudiya.”

⁸Miyarim k̄imu a yi ko, “Tete, mun k̄ilatidu we bwanu n̄ibu Yafudam a bau ka kwelanu k̄ini kaliya?”

⁹N Yesu a yi chi ko, “We di wiine, n ke awa kub chiri yuraba? Nii kiya yayu k̄ini kuko, a ne ngau bewure. N chi k̄ikudu k̄ini yiiku t̄it̄iniyang.

¹⁰Aya wu kiya yayu kume, ka ngau bewure, d̄ine n k̄in a newe k̄ini yiiku.”

¹¹A kuteng k̄iku a fwaang ȳam b̄ibangu, a fwat̄i k̄ida ko, “N fat̄i chire Lasaru a da duum. Aya m̄in yadu yamang kuku k̄inu.”

¹²Miyarim̄ kimu ko, “Tewuduwe, ka kida duume, a tamangu a ya.”

¹³N chi ko kano n Yesu kifwa duum bibu ni kabadimu. Aya n Yesu kifwa bwa.

¹⁴Yinu n Yesu a fwa chimin ko, “N Lasaru a lai kabu.”

¹⁵A chakaku ko, “N nwe tamang dine mang newe bwa. A yi chi ko, bwa wu ka ni chin wuka da wu ta ken biyilim a dimine.” A yi chi ko, “Ni yika bwako.”

¹⁶M Toma wu n chi kiyalu ko, ngabi burabe, a yi miyariimu ko, “N chini ni ya tin, ka bwange ni bwa ware.”

N Yesu nang kunkiku n ti tikuri

¹⁷Yo n Yesu a lam fiko, a ya ko n Lasaru a bwa. A ma ditiyi yaana we furu.

¹⁸Betani a kwatuwe Wurchalima, a lambu siriyi yurabiyu.

¹⁹nibu Yafudam we fiko nabwen, a be kikire Marta ti Maryamu minu we furi kilina ya chiye we bwa ke chiye.

²⁰Kangu Marta a nwe ko n Yesu a lamengu, a chir yaka mwate Yesu a du Maryamu we lo.

²¹M Marta a yi Yesu ko, “Tewuduwe, ka no m mun we fiye, kemi a no bwabu.

²²N yim n Kwama a ne ko min chitu mwang biditu.”

²³N Yesu a ke kimin ko, “Kemo ka kabatinuwe.”

²⁴M Marta ko, “N fwa biyilim, aya ka kunnu di swan kute.”

²⁵N Yesu a yi kin ko, “M min nang wu kikukku nibe, m min nang wu kini tikuriye, nii a ke biyilima dimine, kono a bwa, ka kunnu.

²⁶Ka nii wu kini tikuriye, a ke biyilimu we dimine, a ne bwadu kidiya kwad. N ke biyilima?”

²⁷M Marta a yi ko, “We yiko Tewuduwe. N ke biyilimu mi, m mun nang Masiya naba yuke, Bwe Kwama wu kibe titiniye.”

N Yesu a ki wii

²⁸Yo n kin a ri yam bibe, a yikan, a ya yale keko wuwiye m Maryamu. A yi ko, “Naba yungke a be kibaddu ka ku numo.”

²⁹Maryamu a kaibu kiswi, a kuni ngirtu a yika bwa a diYesuwe.

³⁰N Yesu we finu m Marta a mwa tin kine, a tibu le binu.

³¹Kangu nibu Yafudam a no be siku bwangu, a ku Maryamu a chiri furtu kiyikadangu, a buntin ko kano kiyika bwa fure, dine furi kilin kinu.

³²Yo m Maryamu a lam fi n Yesu we mine, a yari fim we timu ko “Tewuduwe, ka no mun we fiye, kemi a no neka bwadu.”

33 Kangu n Yesu a ku Maryamu ti n̄ibu Yafudam a bung k̄im̄inte k̄ikira wiiniyangu, k̄ibune a tau k̄in.

34 A yi chi ko, “T̄ifur k̄in a f̄ire?” N chi a yi ko, “Tewuduwe, be d̄ang.”

35 N Yesu a ki wii.

36 N̄ibu Yafudam a yi ko, “K̄iki wii d̄ine a M̄ila k̄ine.”

37 B̄ikam a yi ko, “Yo n k̄in a be k̄iduwe, a mayire n k̄in a du nii wu a bwange?”

38 Kangu n̄ir Yesu a kaiyanangu, n k̄in a yawe furu. Fura wure. N chi a yinge furu k̄ini wuka ne ti kale.

39 Yesu a yi chi ko, “T̄ib̄il̄in kale.” M Marta wuwiye ke bak̄it̄ime a yi Yesu ko, “Tewuduwe, ka ma nunang, kangu wudiye yaana we furangu.”

40 Yinu n Yesu a yi k̄in ko, “Mare n ȳan mi, ka n ke biyil̄ime, mwang ku dukan Kwamanu.”

41 Yo n chi a wum kale we fure, n Yesu a kuku nuyu we di a yi ko, “Tewuduwe, mwang ma be tiyangu mwang nwe tw̄ab̄ak̄i mangu.”

42 N yim mun nweyi kwadu, aya n fwa ying d̄ine ke n̄ibu b̄ibu n n̄in waremu a swan ko m mun n twiye.

43 Yo a ri ȳame, a yali k̄ini dukan ko, “Las̄aru! Chire.”

44 Kw̄ame a chire k̄ini kaniyu ti naniyu a kwabakwabane we furu k̄ini kulunu n̄ibu a fur m̄in̄inu wetuwe kabuko. N Yesu a yi chi ko, “T̄ikwiran, a ya yayu.”

N̄ibu a do ka ch̄iu Yesu

(Mat 26:1-5; Mar 14:1-2; Luk 22:1-2)

45 N̄ibu Yafudam nabwen a no be k̄isi Maryamu, a ku chitu n Yesu a maatu. N chi a ke biyil̄imu we d̄iYesu we.

46 Aya b̄ikamu a ya fwa n̄ibu Farisamu m̄in chitu n Yesu a maatu.

47 D̄ine yiko, wuduwe fansetiyeyu n ti n̄ibu Farisamu a yal muraku ti kw̄al yilanḡin. N chi a yi ko, “Ni ma wureni? Nii wu k̄ima chi k̄atak̄itu nabwen.

48 N chi ko ka ni du k̄in a chakakku k̄ini nanḡin t̄ite, kuuti n̄ibi kwang ka ke biyil̄imu we d̄ik̄ine. K̄ichitu wu ka yo Roma beka yitu ni t̄im ch̄iremu ti Kan Kwamana Wurchalimanu.”

49 Wuka naba nii we, d̄in k̄inu n Kayafa. N k̄in tikake Fanse, a yi chi ko, “Ta yimbu chi ko bayim.

50 Ka la chi nii wiin ka bwadu d̄ine t̄im k̄imu n ti k̄iku kuuti n̄ibi k̄ini kwang ka bwadangu.”

⁵¹Yam bību n Kaiyafa a ma fakui wemu a kurbu a nīr kīn, n Kwama a yo, yade n kīn nang tikake Fanse we swar dīkīne, n kīn a fwa yamu kiyungdu n Yesu beka bwadu dīne kuu nību Yafudam.

⁵²Aya n ke dīne nību Yafudam n chikun, aya ke a kibte bwesim Kwamamu a yaran a yikai kuuti mu, ke a be a swe fi wiin.

⁵³A mwetuwe diko, n chi a do yamu ko chi chiu Yesu.

⁵⁴Dīne yiko n Yesu a yatibu kida kwarikwari we nuyi nību Yafudamu. Aya a du binu a yika dikan bin dida kwatin a dikirin. Nību kiyalu ko Yifiremu. A swe a bwako n ti miyarim kimu.

⁵⁵Yo Yiye yabake wa nību Yafuda a mwatawe, Kutiyu a tim bikimiyu nabwen a yika Wurchalima dīne wauwade wa dutu chiye, ka ya min Yiye.

⁵⁶N chi a le Kan Kwamanu kibabba Yesu. N chi a tiran kitwaiyadu ko kano we beda?

⁵⁷Aya wuduwe fansetiyeye n ti nību Farisamu a tu a na yilang ko, “Kanang wuwule niye wa ku fi n Yesu we mine, a be fwa chi min ke chi tau.”

Yowana 12

Maryamu a wa Yesu min kinung a Betani

(Mat 26:6-13; Mar 14:3-9)

¹Yo Yiye yabake a du ditiyi yurukune, n Yesu a ya Betani, bwanu a diLasaru wa kukku a fure, a swe we.

²N kin a chau chabtutu we fiko ti nību n Lasaru wetuwe. Marta nang ni a kera chabtu.

³M Maryamu a kun a dau kinung narding kini kwalba a wa Yesu min we naniyu. Kinungu a ma firfirang, kini kambiru nabwen. N kin a musu Yesu min naniyu kini ri dur kinitu. Firfire kinunge a ri lo chibu.

⁴Yinu n Yafuda Yiskariyoti, miyare ko wu ka kwal kine a yiko,

⁵“A mayire nību a ne mi kinung kiku ke ni ya kambir sureti wan tita, dīne ke ni nika tilusaniye?”

⁶N Yafuda a fwa yam bību n ke dīne kīkur tilusaniye, tintine, n kīn daaku. N kīn nang wu kitau swe kambire. Kima kututu we a kambiru.

⁷N Yesu a yi ko, “Du kin a yang chi n kini kine, kimadu dīne di furki mange.

⁸N tin we n ti tilusanitui kwadu, aya n tin tinewe ti mini kwadu.”

⁹Kangu nību Yafudam a nwe ko n Yesu wengu, n chi a be dīne ke chi ku Yesu ti Lasaru wu n Yesu a kuku a fure.

¹⁰Tikake fansetiyu a dika yi ko chi chiti Lasaru tin.

¹¹Dine a kuteng yam kukiki kangim, nibu Yafudam nabwen ki duwe chidu, kike biyilimu a diYesu we.

N Yesu a le Wurchalima

¹²Bafinenangeko, nabwe nibe a no be Yiye, a nwe ko n Yesu kiyika Wurchalima.

¹³N chi a dau tikweni dabinotu, a chir ka mwate Yesu, kini bele. N chi a ma Yesu min, "Osana!" "Ko nii wa be kini dukan Tewuduwe naba delake. Ko Mai Yisrela naba delake."

¹⁴N Yesu a ya be kurunge a fil kiyaduwe, yinanga mwal ko,

¹⁵"Tiwulu chi we, nibu Siyona, Mai chin nang wu kibe a be kurunge."

¹⁶Miyarim kimu a no swaanbu kichitu wu, aya a kuteng kiku n Yesu a ya dwiyen we kunku futangu, n chi a kur chitu niba mwalitu, chitu a be fwe tini yiko.

¹⁷Nibu bibu a ku kidangu n Yesu a yal Lasaru, a kuku we furangu a chakaku kifwa chi a fwetu.

¹⁸Nibu nabwen a yikan, ka mwate kinu, dine chi kataki titu n kin a maatu.

¹⁹Nibu Farisamu a fwa yam a dutu chi ko, "Kwatim, chitu a ma bwar. N chi ko, titiniti kwang kibung kimin tidu."

Bikam nibu Yelenamu a bau Yesu

²⁰Bikam we nibu Yelenamu, a be ka sii kinu we Yiye yabake .

²¹Nibu bibu, a ya Filibu naba Betsaida wa Kalili, a yi ko, "Tewuduwe, nin baddu nang ku Yesu."

²²N Filibu a ya Andiriya a fwa kimin, yinu n chi kini burako a ya fwa Yesu min.

²³N Yesu ko, "Kiswi Bwe Nii ka yin dwiyene a lam."

²⁴Biyilim mang fwa chiminu, kikwi chame a ne bwidu ka niyang fibu we timu, a bwabu a fwitibe, ka swedu a ne bwi bikam. Aya ka nii a fiye, ka kidu, ni kadu nabwen.

²⁵Nii wu a mila tikurikite, ka kwaladu, aya wa milabu tikurikitu we titinite, ka ya tikuri kidiya kwaditu.

²⁶"Wa ke ka siiye, ka bungadu ti min, kabe mi, ka swedu ti min kasi no a wuwule fi. Nii ka siiye, n temi ka ni kin dwiyentu."

N Yesu a fwa Yam bwakomu

²⁷"Kikangu nir minu a tureng, ma fwadu mi wureni? Kwama chaki we riye, we kiswi wu, aya dwi, dine nang chi mang bemine titiniye.

28Te, yiu dwiyen d̄in munitu.” K̄idang kangu, ker a chire a dii ko, “Dwiyentu a tu a k̄ila bwa a d̄im̄ine, mang yungt̄i dwiyen mitu k̄ida.”

29N̄ibu b̄ibu we fikomu, ko k̄iyale, b̄ikamu ko Naba d̄itumbire Kwama a fwa k̄im̄in yam.

30N Yesu a yi chi ko, “Ker d̄idu a be n ke d̄ine m̄ine, d̄ine ch̄in ke a maka ch̄in n ke m̄in.

31K̄ikangu t̄it̄initu ka ya kabaku, k̄ikangu n Kwama yaka chaku tikake Mai t̄it̄iniye n Setan.

32A kutengu ka kukiyangu, yo ma du t̄it̄inite, ma yo n̄ibu kwang ka ke biyil̄imu we d̄im̄ine.”

33Yam b̄ibu n Yesu a fwamu, k̄iyung k̄idum bwamu n k̄in yaka mad̄imu.

34N̄ibu a yi k̄in ko, “Yilang Musang nangu a yung m Masiya a ne bwaangduwe. A mayire mwang yidu mwi n̄ibu ka kuku Bwe Kwama? N k̄in Bwe Nii wu n wure?”

35N Yesu a yi chi ko, “Yiik̄iku we ti ch̄in a bak̄iswi bayim. Tiya yayu, t̄if̄iu f̄ila d̄ine k̄iswi k̄ibedu wu ka du ch̄ine. Ni k̄iyada k̄iliye, a yimbu bwa ka ngan dure.

36T̄ike biyil̄imu we yiik̄iku, yo a tibu du ch̄ine, ke t̄ikau bwes̄im b̄ibu kiyid̄imu.” Yo n Yesu a ri yam b̄ibe, a yikan, a bau fi a swe we.

N̄ibu a ko keku biyil̄imangu

37Kasi k̄iku n k̄in a ma chi k̄atak̄itu nabwenangu, b̄iduum n̄ibu Yafudamu a kebu biyil̄imu we d̄ik̄ine.

38T̄ita fwe ke yam f̄aku Kwama, n Yichaya fwamu a ri. A yi ko, “Tewuduwe, n wure a ke d̄im̄war n̄inu, A d̄iwure wu n Kwama a yung dukan yuk̄ine?”

39D̄ine yiko, n̄ibu a kebu biyil̄imu we d̄iYesuwe, d̄ine yam Yichayamu a chir a wuka fi ko,

40“Kwama a yo n̄ibu m̄in t̄idui we nui chiyu, a yo n̄itu chita bwa. Ko ke n chi a kuduwe k̄ini nuiyu, a swaan t̄iduwe n̄itu chitu, wu ka ni chi l̄imbwi, ka wo k̄it̄im, we d̄iKwama wu ka be chide.”

41Feredi, n Yichaya a fwa b̄ibu d̄ine a ku dwiyen Yesute. Yinu a mwa n̄ibu we d̄iYesuwe.

42A mwintuwe tikaketi kw̄al n̄ibu Farisamu a ke biyil̄imu we a d̄iYesuwe, aya a babu ka chiredu, d̄ine n chi k̄iwul tayi n̄ibu Farisamu, ko ke k̄ila a chak̄i chi we muraku Yafudamu.

43Nanḡin, b̄iduumu k̄im̄ila delaku n̄ibanga la k̄ika Kwamangu.

44N Yesu a fwa yamu k̄ini dukan ko, “Nii wa ke biyil̄im a d̄im̄ine a ke biyil̄ima wa twiye.”

⁴⁵Aya wu k**ib**au m**in**e k**ib**au nii wa twiye.

⁴⁶M be t**it**in**it**u, m m**in** yiiku. Nii wu k**ik**e b**iy**il**im** a d**im**ine a ne swedu we k**il**iye.

⁴⁷Wa nwe y**am** m**im**a kong**e**, mang mwata k**im**in**bu** mwata**ki** t**it**in**iyang**, mang bebu be mang mwata t**it**in**inu**, aya ke n yu chi.

⁴⁸Wu ka ko m**in**e, ka kot**i** t**ik**w**al**iyi mite, b**iy**il**im** m**im**u beka mwata k**im**in**u** we di swan kute.

⁴⁹Mang fwabu y**am**u mang kura n**ir** m**in**im, aya kana b**ib**u n temi a yi ko n fwaam.

⁵⁰N yim yilang kangu nang w**are** t**ik**uriye. D**in**e yiko, chi mang fwaatu nang chi Kwama a yi ko n fwaatu.

Yowana 13

N Yesu a nura miyar**im** k**im**u m**in** nani

¹Kangu Yiye yabake a mwatawengu, n Yesu a yim ko k**is**wi ko a mwata k**ir**iyedu, kano k**iy**ika bwa a d**i**Te k**in**e. N k**in** a m**il**a n**ib**u bunt**ik**imi kwadu, a yung chi yinangu ka m**il**a chi nabwenangu.

²Yo n chi a yak**i** chau chabtu meete, n Setan a le n**ir** Yafuda Yiskariyoti bwe Simun, ko a ya kw**al** Yesu.

³N Yesu a yim ko n Te a du chiti kwang a dukan k**in**. A yim ko k**ib**e a d**i**Kwama, k**ik**ila bwa a d**i**Kwama.

⁴N Yesu a kun we chaku chabtangu, a suku luke ko wu wuduwe, yinu a mu tawul we a taru.

⁵A kuteng k**ik**u, n k**in** a yo mwe a kw**ase**, k**in**nura miyar**im** k**im**u m**in** naniyu, k**im**usu t**in**u k**in**i tawulu n k**in**a mu a tar**in**u.

⁶N Simun Bit**ir** a to n Yesu k**ib**edu ka nura yikiye, a b**iu** ko, “Tewuduwe, be mwang nura nani miya?” A yi ko, “Kwako.”

⁷N Yesu a ke k**im**in ko, “Mwang yimbu chi m**in** maditu, aya mwang swaan chi m**in** maditu we bwa kake.”

⁸M Bit**ir** a yi ko, “Tewuduwe, a ne mwang nura yimiyu nani ko bayim.” N Yesu a yi k**in** ko, “Ka mang nurabu nani mwiye, a ne mwang ya k**it**ime we d**i** m**in**e.”

⁹N Simun Bit**ir** ko, “Tewuduwe, ka yiko, nurami naniyu ti f**al**iyu ti duri kwang.”

¹⁰N Yesu a yi ko, “Nii a ru mwe, ka bau kana nurak**i** naniyang, d**in**e bwikiyu a ne dutu we. N t**in**i wauwadu aya wuka ch**in** k**in**i dutu, n t**in** t**in**ewe k**in**i dutu, aya a ne we k**in**i kwang.”

11 N Yesu a yim nii wu yaka kwɔl kine, nang chi a yo a fwa yam bibu ko, “Wuka we tibe chin kini dutu.

12 Yo n kin a nura nani miyarim kimu a riye, a doti luke we, a kilan a sweswe. A biu chi ko, tiswaan chi mang ma chimina?”

13 N Yesu a yi chi ko, “Tiyaliyu ti naba yungke, tiyal tinu ti Tewuduwe, a le yiko, m min nangkin.

14 Kikangu m min, n Tewuduwe chin, m min naba yungke chin, n nura chimin naniyu. N chin tin yatimaka yichiyu.

15 N yung chin chitu ta nin maditu, ya tinang madi yiko.

16 Biyilim min fwa chiminu, kabe a labu Tewuduwe ko. Fandu a ne la ni wa tum kine.

17 Kikangu ta yim biyilimangu, ta ya delaku ka titume.”

N Yesu a fwa nii yaka kwɔl kine

18 “Mang fwabu yam bibu n ti chini kwang. N yim nibu mang sutumu. Aya chi Yam Kwamam a fwaatu ka ridu. Yam Kwamamu a fwa ko, ‘nii wu min chau chabtu ware ka suliyu.’ ”

19 “Min fwa chimin yam bibu, ke tisiredu chi we yo kichitu wu ka fwede. Ka a fwenge, ta yindu ko, ‘m min nang Masiya.’ ”

20 Biyilim min fwa chiminu, ka wuwule niye wu ka yiu wu ma tume a yiu min. Wa yiu mine, a yiu wa twiye.”

N Yesu ko yaka kwɔladu

(Mat 26:20-25; Mar 14:17-21; Luk 22:21-23)

21 A kuteng kiku a fwa yam bibangu, nir Yesu a ma tureng nabwen. A fwa ko, “Biyilim, wukane we tibe chin kiyadu ka kwaliyu.”

22 Miyarimu n kawure kidang fate walat a yimbu ka n Yesu kifwa yamu a wuwule niye.

23 Wukane, wu n Yesu a mwan a milane a kwa kimintuwe.

24 N Simun Bitir a yung miyare wuko ko, “M biu Yesu, mwi n kin kifwa wure?”

25 Miyare wuko a kire kidwan n ti Yesu a biu ko, “Tewuduwe, mu fwa wure we tibe nu?”

26 N Yesu a ke ko, “Kidanne wu yamang wulade, mang ni wu min fwade. N Yesu a dwe a ni Yafuda bwe Simun Yiskariyoti.”

27 A kuteng kiku Yafuda a chau kidannengu, Setan a le nir kinu. N Yesu a yi Yafuda ko, “Ya daatu, yang ma chi mun baddu mwang maditu.”

²⁸Aya we b̄ibu k̄ichau chabtu mu, a ne ni a yim chi, a yo n Yesu a fwa Yafuda m̄in yam b̄ibe we.

²⁹Kangu swe k̄ambire a d̄iYafudangu, b̄ikamu miyar̄im a nwe ko kano n Yesu kiyi Yafuda ko a t̄ane chabtu, ka ka ni t̄ilusanitu t̄ikan chiye.

³⁰N k̄in fal tiyangu a yiu k̄idanengu, a chir t̄in. Aya kum a ma k̄idang kangu.

Yilang kifwiyang

³¹A kuteng k̄iku, n Yafuda a yikanangu, n Yesu a yi ko, “K̄ikangu Bwe Nii a ya dwiyen, n Kwama a ya t̄in.

³²A kuteng k̄iku, n Kwama a yiu dwiyentu d̄ine k̄inangu, n Kwama ka be k̄im̄inedu k̄ini dwiyentu a ne ti ke.”

³³N Yesu a chakakku ko, “Bwes̄im̄im, a ne ti ke ma du ch̄inu, ta baiyu a ne ta yayu, m fwa chim̄in tiyangu ma fwa n̄ibu Yafudam m̄inangu, a neta ya bwa m̄in yade.”

³⁴“Aya ma ni ch̄in k̄iku yilang kifwiyang t̄im̄ila yichiyu, Yinang kangu mang m̄ila ch̄inangu, T̄im̄ila yichiyu.

³⁵Ka t̄im̄ila yichiye, ka nang wuwule niye ka yindu ko n t̄in miyar̄im m̄im.”

M Bit̄ir yaka kwila Yesu

(Mat 26:31-35; Mar 14:27-31; Luk 22:31-34)

³⁶N Simun Bit̄ir a b̄iu ko, “Tewuduwe, mun ya f̄ire?” N Yesu a ke ko, “Ne mwang ying ya bwanu m̄in yade. Aya we bwa kake mwang yadu.”

³⁷M Bit̄ir a yi ko, “Tewuduwe, a mayire ne ma ying bum̄in t̄inu k̄ikange? N ke mang bwadu a kuteng mwang.”

³⁸N Yesu a b̄iu ko, “K̄ikumang, mwang medu mwang bwadu d̄ine m̄inna?” A yi k̄in ko, “B̄iyil̄im ma fwa m̄inu Bit̄ir, kware a ne t̄aru mwang kwilayu k̄ida yitta, mwiko mwang yimb̄i m̄in.”

Yowana 14

N Yesu a kum miyar̄im k̄imu m̄in n̄itu

¹N Yesu a yi chi ko, “N̄itu ch̄intu a kaiyaduwe, t̄ike b̄iyil̄imu we d̄iKwama, n ti m̄in.

²Bwanu a d̄iTem̄iye, loniyu we nabwen, ka no a newe yikono ma fwa chim̄inu. M̄in yikadu yama n̄in do chim̄in fanti yiyu.

³Ka n yikan, n do fanti Yiye, mang k̄iladu be mang d̄au ch̄inu ni yikadu, ta swedu a bwanu m̄in we m̄ine.

⁴Tiyim w̄are wu a bwa m̄in yikande.”

⁵N Toma a yi k̄in ko, “Tewuduwe, nang yimbu bwa mun yade, nang ying w̄are yire?”

⁶N Yesu a yi chi ko, “M̄in nang w̄are, m̄in nang biyil̄imu, m̄in nang t̄ikuritu. A ne nii ka ya bwa a d̄iTem̄iye we, ka n ke bwa a d̄i m̄ine.

⁷Ka no t̄iyim m̄ine, ta yim Temi. Bwa kake fal t̄iyim Temi, t̄iku t̄in.”

⁸N Filibu a yi k̄in ko, “Yung n̄in Tewuduwe, nang chi n̄in badde.”

⁹N Yesu a yi k̄in ko, “Ka mang tau m̄in swedu ti ch̄ini fere, mwang swani ba Filibu? Wa kuye a ku Temi, a mayire mwang yidu mwiko n yungin Te.

¹⁰Ta kebu biyil̄imu tiko m̄in we Te, yinu Te a d̄im̄inenga? A ȳamu m̄in fwa chim̄ind̄imu n ke b̄im̄im, Te wu we ware a d̄im̄ine k̄ichake ȳam b̄ibu.

¹¹T̄ike biyil̄imu we d̄im̄ine. T̄ike ȳamu mang yi ch̄in mi m m̄in we Te, yinu Te we d̄im̄ine. Ka ta ke biyil̄imu a chi k̄at̄ak̄itu mang tau m̄in madite.

¹²Biyil̄im, m̄in fwa chim̄inu, ka n wure wa ke biyil̄im a d̄im̄ine, ka mat̄i nangin t̄itu ma tau m̄in maditu. N k̄in ka ma nangin t̄itu a la t̄it̄itu we k̄ik̄angu, m m̄in, m̄in yika bwa a d̄iTem̄iyengu.

¹³Kasi no t̄it̄ile chi t̄itu ta b̄idu a d̄in m̄initu mang madu. Nang kangu n temi ka ya rikaku we bwekongu.

¹⁴Kanang t̄it̄ile chi t̄itu ta b̄idu a d̄in m̄inite mang madu.”

N Kwama ka tume Fik̄im k̄imu

¹⁵“Ka t̄i m̄ila m̄ine, ta bunt̄i yil̄in mitu,

¹⁶M̄in mang b̄iu Te, ka tume Fik̄im k̄imu, wu ka swedu ti ch̄in k̄idiya kwade.

¹⁷Fik̄im b̄ibu nang Fik̄imu k̄iyung biyil̄im m̄imu. Aya t̄it̄initu a ne kedu d̄ine chi a kubu, a yin t̄ibu. D̄ine a swe a d̄ichine we chik ka n̄in swedu we n̄itu ch̄intu.

¹⁸A ne mang du ch̄inu a babuni, ma n̄ing be chim̄inedu.

¹⁹Aya a ne tike, n̄ibu a ne kuyu we t̄it̄initu, aya n t̄in ta kuyu. T̄int̄ine, d̄ine m̄in wu kure, n t̄in ta kau b̄ikur̄im.

²⁰We di wuko ta yindu tiko, m m̄in a d̄item̄iye, n t̄in a d̄im̄ine, m m̄in a d̄ichine.

²¹Nii wu a yiu yilang mangu, yinu a tau k̄ibunt̄ine, nang wu a m̄ilaye. N Kwama ka m̄ilat̄i k̄inu, m m̄in mang m̄ila k̄inu mang yung k̄in yimiyu.”

²²Yinu n Yafuda (N ke Yafuda Yiskariyoti) a yi ko. “Tewuduwe, na swaanbu ȳamu mwang yi mwiko mwang yung n̄in yimwiyu a bwin t̄it̄init̄imu.”

²³N Yesu a ke k̄im̄in ko, “Nii wu a m̄ilaye, ka tau t̄ikw̄aliyi mitu, n temi ka m̄ila wuko. Nang bedu na swedu n ti nii wuko.

²⁴Aya wu a mīlaibe, a ne buntī tīkwāliyi mitu. Aya chi ta nwenge n ke tīmi, n ti Temi wu a tum mīne.”

²⁵N fwa chimin yam bību kīkangu m mīn we ti chinagu.

²⁶Aya naba makare ka nang chikiye, Fīkīm Kwamam bību n temi ka tumedu dīne ke a suteyimu, ka miya chimin chiti kwang, ka kur chimintī yamiyu mang fwaran kīdangu no chīni wareyu.

²⁷N du chīn līmang, n ni chīn līmang mangu. A lakan n ti līmangu tītīni kīnidangu, nītu chīntu a kaiyaduwe, tīkataduwe.

²⁸Tīnwe yinangu ma fwa mi, mīn yikadu, mang kīlate bwa a dī chīne we, mang ya chīnu. Ka no tīmīlaye, ta ma furi mwen, dīne mīn yika bwanu a dīTe. N kīn a la mīn.

²⁹Mīn fwa chimin yam bību yo chitu a tibu fwede. Ke yo tīchitu ka fwede ta ke biyilīm.

³⁰A ne kīswi mannin fwa chimin yame we, dīne tikake Mai tītīniye, n Setan a lame, kasi kīku a ne dukan we a dur mīnangu.

³¹A dakan tītīnitu ka yindu ko mīn mīla Kwama. Nang chi a yo mīn ma chi a yayiyitu yinang ka dakange. N Yesu a yi chi ko, “Tīkun, ni yikan.”

Yowana 15

N Yesu yinang tiyang yinabi kijilang

¹N Yesu a yi ko, “Mīn yinang tiyang yinabe kijilang. M temi nang naba toke.”

²Ka wuwule kiyange wa tubu chiye, kīswidu kīmara bwa, aya wu kītu chiye, kīdodu ko ke a tu chitu yinang.

³N tīni wauwadu kīkangu, dīne yamu mang fwa chiminīmu.

⁴Tīswe a dīmīne. M mīn nang kiyange yinab wuyile. Kiyange a ne tu chi, ka a ne bwi wenge. N tīn a ne ta ma chi, ka ta tibu a dīmīnenge.

⁵“Mīn yinang bwi tiyang yinabe n tīn yinang kiyangti. Wu kīsweda dīmīne yinu m mīn a dīkīne, ka kadu nang kiyange wu kītu chitu nabwene. Ka n ke mīne a neta medu ta ma chi.”

⁶Kanang wuwule nii wu a sweba dīmīne, n kīn a lakabu ti kiyange a kusu niyang mar a bwa. Yiyu kiyangti a kau yimwari a kīrang.

⁷Ka n tīn we ti mīne yinu tīkwāli yi mitu a swe a dīchine, ta bīu chitu tībaditu, mang ni chīnu.

⁸Nang tiyangu n temi ka ya dwiyen tangu, ta tu tīkulantu nabwen. Tītu ka yung nību ko n tīn miyarīm mīmitu.

⁹“Yinangu Temi a mīlayangu, nang tiyangu mang mīlang chinagu. Tīswe we mīlaku mīn ma chimīdangu.

¹⁰Ka tībuntī yilīn mite, ta swedu we mīlaku mangu, yinangu m mīn mang buntī yilīn Tetangu, mang swetuwe a kīke kongu.

¹¹N fwa chimīn bību ke furi mwen chīnu a dudu chīn we, aya ke furi mwen chīnu a ri i chibu.

¹²Yilang mangu nang kīku. Tīmīla yichiyu, yinang ka mang mīla chīnangu.

¹³Mīlaku kīduwang kīku wuka nii a mangbuwengu nang kīku, nii a ni tīkuri kitu dīne fatībī kīm.

¹⁴N tīn fatībī mīm, ka tīma chi ma yi chīne.

¹⁵Bwa kake, fal a ne mang yal chīnu mi kabi, dīne kabe a yimbu chi Tewuduwe ko kīmaditu. A la chi, n yal chīn mi fatību. Kanang tītīle tītu mang miyawe a dīTewuduwe, n fwa chimīni kwang.

¹⁶Ta sutiyebu, aya m mīn n sutu chīn. N sutu chīn mi yatīma nangang kiyilang kīku a ne kaiyadu kaiyaneng. Ka tīmaye, n temi ka ni chīn kasi no tībīu tītīle chi tītu ta bīdu a dīn mīnitu.

¹⁷Yilang mangu n kīu, tīmīla yichiyu.”

Tītīnitu ka ko miyarīmu

¹⁸“Ka nību tītīnitu a ko chīne, tīkur ti a mwe a ko mīn.

¹⁹Ka no n tīn nību tītīnime, nību tītīnimu a no mīla chīnu ko m bīu chi. Aya dīne n tīn n ke bību a tītīnime, n tīn bīsuturīm mīm, a yo tītīnitu a ko chīn.

²⁰Tītītabu chitu mang fwa chimīnita? Kabe a labu Tewuduwe ko. Ka n chi a fuma mīne, ka fumatī chīnu. Ka a ke yam mīme ka ketī bīchimu.

²¹Aya ta nwe wu riye dīne dīn mīne, n chi ka madi ying, dīne n chi a yimbu wa tum mīne.

²²Ka no ma bebu ma fwa chi mīnbe, a no, ne kīle we dīchiye. Aya kīkangu, n chi a ne lātayi we a kīleti chiyu.

²³Wu a ko mīne, a kotī Temi tīn.

²⁴N nangīntu nabwen tītu wuka ni a mangbuwetu, ka no mang mabe, a no kau chi mīn kīleti. Kīkangu n chi a ku chitu mang matu, a mwintuwe n chi a koi a kotī Temi.

²⁵Kīchitu wu a fwe ko ke a ri yilīntu a mwal a tattīkīdai Musatu ko, ‘A koi tuwe ying a ne tīkan chi we.’ ”

²⁶“Ka Fikim Kwama ma benge, wu mang tumedu we bwa a diTenge, Fikim biyilimu bibu kichiredu a diTemiyemu, ka ma dimwaru we dime.

²⁷N chin tin ta mwayu we nibu, dine n tin, we ware ti min feredi.”

Yowana 16

¹N Yesu a yiko, “N fwa chimin kichitu dine ke ti kiladu kuteng we kini keku biyilimang changu.

²Nibu ka naba chinu we kambi muraku nibu Yafudamu. Kiswi kibeđu, wu nii kichiu chine, ka kudu ko ki sii Kwamange.

³N chi ka madi yiko, dine n chi a tibu yim Kwama ti Min.

⁴Min fwa chimin yami yiyu, dine ka kiswi a benge ta yindu tikono n fwa chimin.”
Nangang Fikim Kwamam

⁵“Aya kikangu min yika bwa wu a tum mine, n tin fal, a ne nii kibidu ko, mu yadi bwale we?

⁶Dine mang fwa chimin yam bibe, nitu chintu a kaiyan.

⁷Aya kikangu ma fwa chiminu, a la chi kiku mang yikadangu. Ka mang yikabe, Fikim Kwamamu a ne bedu, we dichine. Aya ka n yikane, ma tum chiminedu.

⁸Ka Fikim biba benge, nibu ka swaan yile we chi ni yalu ko kiletiye ti chi a leitu we kabaku Kwamangu.”

⁹Kile chi nang dine a kebu biyilimu we dime.

¹⁰Yile Yesuwe ka chakaku ti chi dine min ya bwa a diTe, n tin neta chakaku tanin kuyi tinu kida kwadu.

¹¹We mwata kiku, dine Kwama a tu a mwata tikake wa tau titiniye mine.

¹²“Mini kini yamu nabwen, a ya ka la chiminu la kikangu.

¹³Aya yo Fikim biyilimu ka bede, be ka maka chinu we swangki biyilimangu, beka fwa chi a nwe, n ke bikim ti chi beka fweddu kake.

¹⁴N kin ka ni min dwiyentu dine, chi ma fwa kiminitu, nang titu yaka fwa chiminditu.

¹⁵Chi n temi kine, kwang n ti min nang chi a yo ma yi mi Fikimu ka yiu yamu, ka fwa chi minde.”

¹⁶“A ne ti ke, a neta kuyu, a ne ti ke tin ta kuyu.”

Furi kilin didu a miyariminu, ka kilawe timilan

¹⁷Bikamu we miyarim kimu ko, “Kibibu yam wurenim bibu ni fwadi yemu ko, A ne ti ke ne ta kuyu, yinu a ne tike ta kuyi dine miya bwa a diTemiyemu.”

¹⁸N chi a chakaku ko, “Yam wulemu kiyidu ko, ‘A kutengu bakiswi bayimangu,’ ko chi a swaanbu bibu yam.”

¹⁹N Yesu a yim miyarim kimu kibaddu ka biu kin yam bibu. N kin a yi chi ko, “Tibibe yichiyu we tikwali yitu ma fwa mi, A ne tike neta kuyu, a ne tike ta kuyita.”

²⁰N Yesu a chakaku ko, biyilim min fwa chiminu, ta kiwii kini twababune, a ya titinitu kanin mila ka tichi. N tin nitu chintu kanodi kili, aya kaiyan nire chin, ka kiladu, ka kau timilan.

²¹Yo naye a lam ka bidde, kinwe riye yinang, dine bwe a suten. Aya yo bwe a chire, naye kima furi mween, ki tabti riye wa nwe, dine n kin a biu bwe we titinitu.

²²N tin kikangu ta nwe riye, aya be ma ku chinu, nang yoko ta ma furi mwen chine. We kidang kangu a ne wu ka yiti chin furi mwene we.

²³We diko, a ne ta bii tikan chi we. Biyilim min fwa chiminu, n temi ka ni chin chitu tibaditi kwang a din min.

²⁴A lanta kikang, ta tibu biu chi a din mine. Tibiu, ta yadu, ke furi mwen chinu a lwe.

Chakku

²⁵“M balta chin baltane we yamu ma fwamu. Aya kiswi kivedu wu ma fwa chimin yam Temi kwarikwariye, a ne mang balta tichinu we kida.

²⁶We diko ta twaba bunitu a din min. Ta biu Temi n tifwan, nemang biu chiminu.

²⁷Kikumang n temi kimila chinu, dine ta milaye, ta keti biyilimu tiko m be a diTemiyeye.”

²⁸N Yesu a chakaku ko, “N chire a bwa diTemiyeye, yinu n be titinitu, kikangu min du titinitu min yika bwa a diTemiyeye.”

²⁹Miyarimu ko, “Angso, ko kikangu mu fwa yami kwarikwari, mwang baltabi chi.

³⁰Kikangu nin swaan ko, n yim chiti kwang. Kasi no ni a yanbu yam. Nang chi a yo fal nang ke biyilimu ko n mun chire a diKwama.”

³¹N Yesu a kinta chi ko, “Tike biyilimu kikanga?”

³²Yinu a yi ko, “Kiswi a lame, a tu ma a lam wu ta yaradu, ta wulu, ta dwiyu we fi n kawure ka yika loko. Kasi kiku mang newe m mikunangu, dine n Temi we ware ti min.”

³³“Mìn fwa chimìn kichitu wu, òine ke tiya limangu a òimìne, we tìtìnitù ta le riye aya tìmu nìri kwing, òine m mìn n la tìtìnitù.”

Yowana 17

N Yesu a twàbà òine miyarim kìmù

¹A kuteng kiku n Yesu a fwa yam bìbangu a kukku kabe ko a di, a twàbà buni a yi ko, “Tete kishwi a lam riye a be. Ni bwemo dwiyentu, ke a ni mun tìn.”

²N ni kìn dukanu we a nìbi kwang, òine ke n kìn a ni bìbu a ke kìnìmu tìkuri kidiya kwaditu.

³Tìtù nang tìkuri kidiya kwaditu. Ke n chi a swanìn, ko m mun nang Kwama wuyile ti Yesu Masiya naba yuke wu m mun mwang tume.

⁴N ni mun dwiyentu we tìtìnitù, òine mang ma nangintu mwang nii mwiko m maatu.

⁵“Kikangu Tete, ni mìn dwiyen tìtù no mìnì kìn we kakku mwangu fereditu, yo tìtìnitù a no swebitu.”

⁶N Yesu a chakaku kìtwàbà bunitu ko, “Bìbu mwang ni we a tìtìnitìmu n yung chi mun. N chi m bìu mun, n ni mun chi. N chi a buntì yam mumu.”

⁷N chi a yim fal ko chitu mwang niitu. Kwang a be a òimune.

⁸N ni chi tìkwàli yitu mwang niitu. N chi a ke, a yim ko, m mìnìn be a bwa òimune. N chi a ke bìyilìmu ko, m mun n twiye.

⁹Mìn twàbàdu òine chi, n ke òine bìbu a tìtìnimu, aya bìbu a ke bìyilim a òimìnemu, òine n chi m bìu mun.

¹⁰Tìmiti kwang n tìmun, tìmwitu n tìmìn. Mìn ya dwiyentu we tìtù.

¹¹A ne mang chakaku kìnì fiswe tìtìnite kikangu, aya n chi we tìtìnitù. M mìn, mìn yika bwa a òimune. Tete wu wauwade, to chi bìbu mwang niimu kìnì dukan munu, òinu mwang niinu, ke n chi a kabi wiin yinangu n chìnì wiinangu.

¹²Yo mìn no we tìtìnitù ti chiye, n to chi a òin mun. N to chi a ne wa laiye we ka n ke wu wiine a laiye. Ke a ri chi yam Kwamam a fwaatu.

¹³“Kikangu mìn ya bwa a òimune, aya mìn bìu kichitu wu kikangu m mìn we tìtìniyangu, ke nìbu kìbuntìnimu a ri kìnì furi mwen.”

¹⁴N fwa chimìn, yam mumu, aya tìtìnita ko chi òine n chi n ke bìba tìtìnim, yinangu m mìn n ke wa tìtìniyangu.

¹⁵Mang twàbàbu mi n chakì chi we tìtìnitù, aya mwang to chidu we fakware.

¹⁶N chi n ke bìbu a tìtìnim, yinangu m mìn n ke wa tìtìniyangu.

- ¹⁷Do chi wauwadu k̄ini ȳam mumu, d̄ine ȳam mumu biyilim.
- ¹⁸N tum chi we t̄it̄initu, yinang kangu mwang twiyengu.
- ¹⁹N du yimiya wauwadu ke n chi a ya wauwade. Biyilim, n Yesu a tw̄ab̄a n̄ibu bunt̄ik̄imu m̄ini kwang.
- ²⁰“Mang mabu tw̄ab̄ak̄iku d̄ine kana miyarim m̄imu aya d̄ine ka wuwule niye wu ka ke biyilim we d̄ichiye, t̄int̄in.”
- ²¹Tewuduwe, m̄in wananu, maka chi a swe a fi wiine. Yinangu mun a d̄im̄ine m̄in t̄in a d̄imunengu. Ke n chi a kabi wiin yinu fal t̄it̄initu ka swaanu ko m mun nang wu mwang twiye.
- ²²Ni chi dwiyen t̄itu mwang niitu, ke n chi a kabi wiin yinangu n ch̄ini wiinangu.
- ²³M m̄in a d̄i chiye, m mun a d̄im̄ine. Ke a dal chi a kabi wiin. T̄it̄initu fal ka yingdu ko m mun n twiye yinu m m̄ilat̄i chi yinangu mwang m̄ila m̄inangu.
- ²⁴“Tewuduwe, niye b̄ibu mwang ni m̄in ke a nang swedu ti m̄in kasi no f̄iremu. N chi ka ku dwiyen mitu. Dwiyen t̄itu mwang nii d̄ine m̄ilaku mwang feredi we mweku t̄it̄iniyang.”
- ²⁵“Tete wu wauwade, kasi k̄iku t̄it̄initu a yimbu munangu, n yim mun, n chi a yim ko m mun n twiye.
- ²⁶N yung chi m̄in ka m mun n wure, mang chakakku man̄ing fwa chi m̄inu ka m mun n wure, ke n chi a ya m̄ilaku mwangu a d̄im̄inengu, yinu m m̄in m̄ifwan mang swedu ti chi.”

Yowana 18

N̄iba tau Yesu

(Mat 26:47-56; Mar 14:43-50; Luk 22:47-53)

- ¹Yo n Yesu a ri tw̄ab̄ak̄ike a kun n ti miyarim k̄imu a yika yik̄ime wu a Kidrone. Lambu we wuka k̄iswi. N k̄in a le fiko n ti miyarim k̄imu.
- ²Yade nang fi n Yesu n ti miyarim k̄imu k̄imurande, n Yafuda wu a kw̄al k̄ine a yim fiko.
- ³Kangu n Yafuda a yiu kw̄al n̄ibu kun̄inmu ti tikaketi chiyangu, b̄ibu wuduwe fansetiye n ti n̄ibu Farisamu a tumemu, a ya k̄ini chi we yik̄ime wu. N chi a le fiko k̄ini kuniti n ti fit̄ilati n ti kul̄in kun̄in.
- ⁴Kangu n Yesu a yim chitu yaka fwedu ti k̄inangu. A chire we yik̄ime wu, a b̄u chi ko, “T̄ibaba wure?”
- ⁵N chi a ke k̄im̄in ko, “N̄in babba Yesu wa Nas̄arete.” N Yesu a yi chi ko, m̄in nangk̄in n Yafuda wu a kw̄al k̄ine, we ware ti n̄ibu a tituwe fiko.

⁶Kangu n k̄in a fwaṅ yaṃu ko, “M m̄inangu,” n chi a k̄ilani kutengi b̄inglang a yarana t̄im.

⁷N Yesu a b̄it̄i k̄ida ko, “T̄ibau wure?” N chi a yi ko, “N Yesu wa Nasarete.”

⁸N Yesu a yi chi ko, “A mang fwa chim̄in mi m m̄in nangk̄in. Ka t̄ibaba m̄ine t̄idu b̄iba yikan.”

⁹Yesu a ma ying ko ke yaṃ k̄ima ri. N k̄in a fwa ko, ma laibu wuka ko wiin we b̄ibu mwang niyimu.

¹⁰A ya Simun Bit̄ir k̄ini kul, a chake kuli fud a swi wuka k̄abe tikake Fanse k̄in, a mwat̄it̄i k̄itele wa kang kiyilange wad. K̄abe wu d̄in k̄inu m malkus.

¹¹N Yesu a yi Bit̄ir ko, “D̄ikit̄i kul munu we le. A ne mang no k̄idang kwasengu n Temi a niyanga?”

N Yesu a kakku Anana

(Mat 26:57-58; Mar 14:53-54; Luk 22:54)

¹²Yinu n̄ibu kun̄imu n ti b̄iduum fanseti Yafudam b̄ibu k̄ito semu a tau Yesu a kwaban.

¹³N chi a mwe a yikan bwa a d̄iAnana. N Anana tela Kayafa, tikake Fanse we swar d̄ik̄inu.

¹⁴N Kayafa nang wa no yi n̄ibu Yafudamu ko, “A mwintuwe wuka nii ka bwadu d̄ine b̄ikamu n̄ibe.”

M Bit̄ir a kwila Yesu

(Mat 26:69-70; Mar 14:66-68; Luk 22:55-57)

¹⁵N Simun Bit̄ir a bunt̄i Yesu n ti wuka miyare. Tikake Fanse a yim miyare wuko, n k̄in a bunt̄i Yesu we bwa a saṅka Fanse Wuduwe.

¹⁶M Bit̄ir a lebu kwaṛu a ti a f̄ilang. Yinu miyare wu tikake fanse a yime, a ya fwa fwaṅu k̄ito kwaṛinu m̄in yaṃ. Wuko a du Bit̄ir a le mure.

¹⁷Fwaṅ k̄ito kwaṛu a b̄iu Bit̄ir ko, “M mun n newe miyar̄im k̄ima, ka mun wenga?” M Bit̄ir a yi ko “M̄in̄in newe miyar̄im k̄imu.”

¹⁸N̄ibu tokumu n ti fanseti n ti k̄abi a kuka k̄irangu k̄iwullu d̄ine t̄imu k̄ini suyi. M Bit̄ir a ya ti chim̄intuwe, k̄iwul k̄irangu.

Tikake Fanse a ma Yesu m̄in t̄ib̄id̄iri

(Mat 26:69-70; Mar 14:55-64; Luk 22:66-71)

¹⁹Tikake Fanse a b̄iu Yesu miyar̄im k̄imu ti chi n k̄in k̄imiyaditu.

²⁰N Yesu a k̄inta chi ko, “N fwa t̄it̄initu m̄in yaṃimi kwaṛikwaṛi, kwadu m̄in miyadu we kanbi muraku n̄ibu Yafudam n ti Kan Kwamanu, fi n̄ibu Yafudam be k̄imurandi kwange.” A yi ko, “Ma fwabu yaṃ b̄ilaar̄imu.

²¹A mayire mun b̄iye? B̄iu b̄ibu n chi a nweyimu, a yim chi ma fwaatu.”

²²Kangu n k̄in a riin ȳam b̄ibangu, wuka we n̄ibu tokumu a ngau Yesu mwa! A yi ko, “A mayire mwang fwa Tikake Fanseti m̄in ȳami ye?”

²³N Yesu a yi k̄in ko, “Ka mang lelenge, n fwami fi mang le m̄ine, ka biyil̄ime, a mayire mun ngaiyu we biyil̄ime?”

²⁴Anana a kwau Yesu chiku a tunga d̄iKayafa, wuduwe fansetiyeye.

M Bit̄ir a kwilat̄i k̄ida ko ka yimbu Yesu

(Mat 26:71-75; Mar 14:69-72; Luk 22:58-62)

²⁵Yo n Simun Bit̄ir we k̄iwul k̄irange, n chi a yi k̄in ko, “M mun wetuwe miyar̄im k̄ima?” M Bit̄ir a yi ko, “M̄in̄in newe miyar̄im k̄imu.”

²⁶Wuka kab̄e tikake Fanse, wu namang we tibe chi ti wu m Bit̄ir a mwatu k̄im̄in k̄itele. A kukte ȳamu we ko, “K̄imamidu yinangu ma kuuntuwe yik̄ime n ti Yesungu.”

²⁷M Bit̄ir a kan k̄itarangu a riye, kware a tar̄ t̄in.

N Yesu a kakku B̄ilatusang

(Mat 27:1-2; Mar 15:1-5; Luk 23:1-5)

²⁸N̄ibu Yafudam a fwit̄i k̄unsiin we, a tw̄aku Yesu we kakku Kayafa, a yikan bwanu a kwabna wuduwe Roma. B̄iduum n̄ibu Yafudamu a yikan̄imu, a swe a f̄ilang we sanḡka Kwabna, a ko a lebu sanḡka kwabna, d̄ine n chi k̄ibau wauwade wu ka chan Yiye yabake.

²⁹M B̄ilatu, Mai wuduwe, a ya bwana d̄ichiye, a b̄iu chi ko, “Nii wu a ma k̄ile wureni?”

³⁰N chi a ke ko, “Ka n ke nii wu kwane a no ne nang be m̄inedi k̄in.”

³¹M B̄ilatu a yi ko, “T̄iyikani k̄in, yat̄i kaba k̄im̄in n t̄ifwan, yinang kangu yil̄in Musatu a fwangu.” N̄ibu Yafudam a yi ko, “N n̄in̄in newe k̄ini wuka da na chīu nii wu.”

³²T̄ita fwe ke Ȳamu n Yesu a no fwa a bwakomu a ri yiko.

³³M B̄ilatu a k̄ilat̄i loko we k̄ida, a yi n̄ibu ko a be k̄ini Yesu, yinu a b̄iu k̄in ko, “M mun nang Mai n̄ibu Yafuda?”

³⁴N Yesu a ke k̄im̄in ko, “Mun fwa chi mwang yimiya, ka wuka nii a fwa m̄ina?”

³⁵M B̄ilatu ko, “M m̄in naba n̄ibu Yafuda? Kuu n̄ibu chim ti tikaketi fanseti a be k̄ini mun a d̄i m̄ine. N kai wureni?”

³⁶N Yesu a ke ko, “Mat̄in mita newe t̄it̄it̄nitu, ka no a newe yiko, m̄in k̄ini n̄ibu ka ma kun̄imu, yoko b̄iduum fanseti n̄ibu Yafudamu a taiye. Aya mat̄in mitu n ke t̄itu a t̄it̄ini.”

³⁷M mai Bīlatu fal a bīu kīn ko, “Yoye m mun maiya?” N Yesu a yi ko, “M fwa biyilim. Bībemi ti beku tītiniyang mangu dīne yiko. Ke n fwa biyilimu, wa kwāḷ biyilimimu ka nweyu.”

Nību a mwata Yesu mīn bwa
(Mat 27:15-31; Mar 15:6-20; Luk 23:13-25)

³⁸M Bīlatu a bīu Yesu ko, “Biyilimu wureni?” A kuteng kīku a fwa yām bībangu, a chir a yika bwa nību Yafudam, a yi chi ko, “Kīkumang mayabu nii wu kīni kīle.

³⁹Aya we da chīn, mīn kwi chimīn naba dībīntle wiin we Yiye yabake. Kīkangu tīke n kwi chimīne Mai nību Yafudam?”

⁴⁰N chi a yibi kuuu! Ko, “N ke kīn, aya m Barabas.” M Barabas wu n chi kīfwade dībwilan daaku.

Yowana 19

¹Yinu m Bīlatu a ni nību kunīmu Yesu ko a twalan.

²Nību kunīm mu a mu dīkīrīn dīdu a kwāda a dīku we dur Yesunu, a yau kīmīntī luke wu wurwure.

³N chi kiyadu yakīsungdu kīdati kwang kīfita kīnu, kīsiidu ko, Mai Sai, Mai nību Yafudam nīn siinu, kīngatīni wāb, we kabu kīni fāli chiyu.

⁴M Bīlatu a chirtī fīlangu kīda, a yi bīduum nību Yafudamu ko, nang wu mīn be chimīnedi kīn, ke tīyim tiko ma kubu kīleko.

⁵Yo n Yesu a chire kīni kulīn n ti kwāda kīseli dīdu nību a yau kīmīnīne. M Bīlatu a yi chi ko, “Nii nang wu.”

⁶Yinangu tikaketi fanseti n ti bīkamu bīduumu a kuwangu, a bwe kemiyu ko, “Tīkukan, tīkukan.” M Bīlatu a yi chi ko, “Tīdāu kīn, tīkukan. M mīn mang yabu kīle we dīkīne.”

⁷Nību Yafudam a ke kīmīn ko, “Nīnni kīni yīlang. We yīlīn Musatu a dakan ka bwadu. Dīne a yi ko, n kīn Bwe Kwama.”

⁸M Bīlatu a kīla kātān nabwen yinang ka a nwe yām bībangu.

⁹A kīlatuwe loko, a ya bīu Yesu ko, “M mun naba fīre? Aya n Yesu a nību dīkīlīn yīin.

¹⁰Yinu n Bīlatu a yi ko, mu nweyi tuna? Mwang yimbu mwi m mīni kīni dukanu ma yo kukakī mwangu, yinu m mīn tīn, kīni dukanu ma marīna?”

¹¹N Yesu a ke kīmīn ko, “M mun n newe kīni dīkan dukan we dur mīnu ka n ke dīdu n Kwama a ni nīne. Aya wa tungiye a kang mwange, a la chi kīni kīletiyu.”

¹²M Bīlatu fal a no ke ka kwi kīnu. Aya bīduum nību Yafudamu a yi kīn ko, “Ka m mar nii we, mun n ke fate Kaisare. Nii wu a yung dur kīnu ko n kīn maiye, katīre Mai wuduwe Roma.”

¹³Yo n kīn a nwe yām bībe, a chaku chi mīne Yesu. Yinu m Bīlatu a swe we kwer kabakīnu, dīda bu kalīnu. N chi kīyalu ko, “Kabata” kīni yi Yafudame.

¹⁴Kīswi a lam fi a tibe diko, we di doku bwiyan Yiye yabake nību Yafudame. M Bīlatu a yi nību ko, “Mai chīn nang wu.”

¹⁵N chi a bwe kemiyu ko, “Tīkukan, tīchiu.” M Bīlatu a yi chi ko, “Mang chīu Mai chīna?” Tikake fansetiye a ke ko, “Nīn newe kīni wuka Mai ka n ke Mai wuduwe Roma n Kaisare.”

¹⁶M Bīlatu fal kangu chita bwa kīnangu, a ni nību kunīmu Yesu ko a ya kukan. N chi a tau Yesu a yikani kīn.

Nību kunīmu a kuka Yesu

(Mat 27:32-44; Mar 15:21-32; Luk 23:26-43)

¹⁷Yinu Yesu a dāu kītiyang bwangu kītosada kīn fal, a yikan bwanu n chi kīyalu ko kasire, nību Yafudam kīyalu ko Kolkota.

¹⁸N chi a kuka kīn we bwako n ti bīkam nībi burau we balīn kitu. A dīku Yesu a tibe chi.

¹⁹M Bīlatu a mwal mwarangu, a ku we di a kītiyang bwang Yesungu. N kīn a mwa nību we chi n kīn a mwale ko, “YESU NABA NASARETE, Mai NĪBU YAFUDAME.”

²⁰Nību Yafudam nabwen a ke dīmwar dīdu. Dīne fi n chi a kukan Yesuwe a kwatuwe bīnu, a mwali yīi nību Yibraniyamu n ti yīi nību Yelenamu n ti yīi nību Romame.

²¹Yinu tikaketi fanseti Yafudamu a yi Bīlatu ko, a mwaluwe ko, Mai nību Yafudam. Ko n kīn ka mwalu ko, wa yiko n kīn Mai nību Yafudam.

²²M Bīlatu a yi ko, “Chi mang mwalitu m mwal.”

²³Yinu nību kunīmu, kanga ri kukakī Yesungu, a dāu kulīn kīnu a keran tīnti yana. Ka wuwule naba kune kīni kītīme. N chi a dāutī luke wu swāme wa kubu kuwe, wukīmari burume.

²⁴N chi yi ko, “Wu luke a neni keradu, aya a ma sutuku we, ke nii ka chade ka yitīnu.” A fwa ying ke yām Kwamam bību nību a mwal ko, “A kera kulīn mīnu a bwiti chi, a ma sutuku we a luke miye a ri.” Nību kunīmu a ma yiko.

²⁵Bību a tituwe kītiyang bwamu, n ne kīn n ti wuwiye ke ne kīne n ti Maryamu naye Kilobase. Yinu n ti Maryamu wu a Makādala.

²⁶Yo n Yesu a ku ne k̄in ti miyare ko wu n k̄in a m̄ilane, a tituwe a k̄it̄iyang bwange a yi ne k̄in ko, “Nene, bwemo n nang wuko.”

²⁷Yinu a k̄ila yi miyare ko, “Ne mun nang wuko.” Miyare a multuwe fiko a yikan lo k̄ini naye wu.

Bwa Yesuwe

(Mat 27:45-56; Mar 15:33-41; Luk 23:44-49)

²⁸A kute k̄iku, n Yesu a yim k̄iri nangangu, a yi ko, “M̄in nwe dimwen. Ke yam Kwama ma fwamu a ri.”

²⁹D̄ikan d̄ikuur a no we fiko k̄ini mwe yinabi wu bwangbwange, n chi a d̄au soso yisobi a be d̄iku we mwe wu bwangbwange, yinu a d̄au k̄ikwale yisobang a kuku soso k̄in a d̄iku k̄imin we yi.

³⁰Yo n Yesu a twaiye, a yi ko a ri. A mar duri kw̄albang, a bwa.

³¹N̄ibu Yafudam a kebu kw̄ame ka lam Dif̄ikare, d̄ine a le chi m̄in t̄in a diti Yei. Dif̄ikare di wuduwe wa Yiye yabake. N chi a ya wana B̄ilatu ko, “A ni n̄ibu da a kiya naniyu we n̄ibu a k̄it̄iyang bwamu, a s̄ikte kw̄amiyu. Ko a dakabu kw̄amiyu kanodu a k̄it̄iyang bwang we di wuduwe.”

³²N̄ibu kun̄imu a be a kiya naniyu we b̄ibu n chi a kukan ti Yesumu.

³³N chi a be, a ya Yesu a tu, a bwa. N chi a dutu nani kiyu k̄ini ying, a kiyabu.

³⁴Aya wuka naba kune a turi k̄ini yangu we bale kwiye kutubu. B̄inab̄ina, k̄ituum ti mwe a chire we bwiyu.

³⁵Nii wu a kuwe a fwa biyil̄im, d̄imwaru diyil̄in. A yim ko kifwa biyil̄im. A ma d̄imwar didu ko ke ni ke biyil̄imu.

³⁶K̄ichitu wa fwe ke yam Kwamam a ri b̄ibu a fwa ko, a ne k̄it̄iyangu n̄ibu ka k̄ida bwi kiyangiyu we.

³⁷A wuka fi yam Kwamam a fwa ko, n chi ka dang nii wu n chi a kure.

Furem Yesum

(Mat 27:57-61; Mar 15:42-47; Luk 23:50-56)

³⁸A kute k̄iku, n yusufu naba Arimatiya, miyare wa babu ka yung dur k̄ini kw̄arikw̄ariye d̄ine k̄inwe tayi n̄ibu Yafudamu, a b̄iu B̄ilatu kw̄ame Yesuwe ko yaka d̄adu. M B̄ilatu a ke k̄imin. N k̄in a be d̄au kw̄ame Yesuwe a yikani k̄in.

³⁹N Nikodimu wa be m̄ine we bwana d̄iYesuwe k̄ini kume, a bungan ti Yusufu Arimatiya. N k̄in a tatu kul̄in furem̄ina falang. N k̄in a ya k̄ini kul̄in furem̄in d̄idi fir̄fir̄in yinang mur ti los wu ni swe tureng kangu ka mwata swe bume.

⁴⁰N chi a dal Yesu k̄ini yadi wu yile, a ma nangangu k̄ini kul̄in furem̄ini fir̄fir̄inu, k̄iku n Nikodimu a tanengu. N chi a bunt̄i yil̄in furk̄i niyangi t̄ita n̄ibu Yafudamitu.

⁴¹Fi n chi a kukan Yesuwe a kwatina lambu. Fur difwin we lambu, didu a furinbu wuka ni wen.

⁴²Yade nibu Yafudamu kido bwi yiya Yiye yabake, n chi a yo Yesu we fur didu, dine a mabu kutan.

Yowana 20

N Yesu a kun we furu

(Mat 28:1-8; Mar 16:1-8; Luk 24:1-12)

¹M Maryamu wu a Makadala a be bwa fure kini kunsin we di wu kake we difikare. A ya tima worabu, a be a ku furu a wuden.

²N kin a wule bwa a diSimun Bitir ti wukane miyare, wu n Yesu a milane. A yi chi ko, a ne Tewuduwe we furu, niyang yimbu fi a yo mine.

³M Bitir ti wuka miyare a chir a yika bwa fure.

⁴N chi kini burako a wul. Wuka miyare a wul a suu Bitir, a be mwe a lam furu.

⁵N kin a mau nu, a dang mure a ku kana luke nibu a furin Yesuwe we timu, aya n kin a lebu furu.

⁶N Simun Bitir kinabu kinenede, a be su kini firbu a le furu a ku luke niba furin Yesuwe a tim, we mure fure.

⁷A ku yadi a no sala dur Yesu ne, a wuka fi ti luke wuyile a salin bwiye.

⁸Miyare wa no mwe beke, a leti furu, a ku tin, a ke biyilim.

⁹Aya kini yiko, a tibu fwe chiminu ko, yam Kwamam a fwa, ko, a mwintuwe, n Yesu ka kun tinuwe furu.

N Yesu a tekan ti Maryamu Makadaliya

(Mat 28:9-10; Mar 16:9-11)

¹⁰Miyarim bibu a du fiko a kilati lo.

¹¹M Maryamu fal a ti we kwar furinu kikirawini. N kin a sung, a dang furu.

¹²A kila ku nibu titumbiri Kwamami burau, kini kuliniti mwe a swe a fi no kwame Yesu wemine. Wuka a bale naniye, wuka bwa dure.

¹³N chi a yi kin ko, naye, "Mun ki wule?" N kin a yi ko, "A dau Tewuduwe mi, ma yimbu bwa a yo mine."

¹⁴N kin kifwa yamu kiridiye, n Yesu nant wu, a tikimintuwe. Aya n kin a swaanbu.

¹⁵Yinu n Yesu a biu kin ko, "Naye, mun kii wule? Mu bau wure?" N kin a dau ko kano nang nii kido lambu. A yiko, "Tewuduwe, ka mun nang wu mwang dau kine n fwami fi mwang yo mine, min fal yama dau we fiko."

¹⁶N Yesu a yal k̄in ko, “Maryamu.” N k̄in a sabran a ke k̄ini yii Yafudame ko, “Rabi!” Ka nang chikiye, naba yungke.

¹⁷N Yesu a yi k̄in ko, “Tadu bwimiyu we, mang tibu yika bwa d̄i Temiye. Aya yika bwa kebu m̄ime, fwa chi m̄in mwi m̄in yika bwa d̄i Temiye n ti Te ch̄in t̄in, ti bwa a d̄i Kwamamiye n ti Kwama ch̄in.”

¹⁸Maryamu wu Makadala a be a fwa miyar̄imu m̄in ko, “N kuwe Tewuduwe. A fwa miye, yami yiyu.”

N Yesu a fwe miyar̄im k̄imu m̄intuwe

(Mat 28:16-20; Mar 16:14-18; Luk 24:36-49)

¹⁹We diwu wine k̄ini me, di wu kake we dif̄ikare, miyar̄im k̄imu a muran, a yingeti kwat̄itu d̄ine n chi k̄inwe tayi b̄iduum n̄ibu Yafudamu. N Yesu a fwe chi m̄intuwe fwad, n chi a ku, a tibe chi, a si chitu ko, “L̄ime a be chim̄ine!”

²⁰A kuteng k̄iku n k̄in a siin chitangu, a yung chi fal̄i kiyu ti kulangfwi. Miyar̄im k̄imu a ma furi mwen kangu n chi a ku Tewuduwe chiyangu.

²¹A kutengu k̄iku, n Yesu a siiti chi k̄ida ko, “L̄ime a be chim̄ine.” Yina yi chi ko, “M̄in tum ch̄inu yinangu Temi a twiyengu.”

²²Yo n k̄in a ri yam̄ b̄ibe, a kubu chim̄in F̄ik̄imu, a yi ko, “T̄iyiu F̄ik̄im Kwamamu.

²³Ka wuwule nii wu ta du k̄im̄in k̄ileti kiye, a ya woki k̄it̄imangu. Aya wu tadu k̄im̄inbe, k̄ileti kiyu a swe.”

M Toma a tekan ti Yesu

²⁴M Toma wu n chi kiyalu ko, ngabi burabe, wu n wetuwe miyar̄im k̄ime a newe fiko k̄idangu n Yesu a yangu.

²⁵B̄ikamu miyar̄im fal a yi k̄in ko, “N̄in ku Tewuduwe.” Aya n Toma ko, “Ka mang twaibu fi n̄ibu a kuun kusa, ka mang twait̄ibu fiko k̄ini bewure ti kulang fwi ko, ko ka ma bwar, ma ke biyil̄imu.”

²⁶A kuteng k̄iku niyang da m̄ini nar̄ibangu, miyar̄imu n ti Toma a muratuwe. N chi a yinge kwat̄itu yingene. N Yesu a fwe chi m̄intuwe tibe chi fwad. A yi ko, “L̄imen a be chim̄ine.”

²⁷A yi Toma ko, “D̄iku bewuremo we fal̄ang mangu, d̄ik̄ituwe kulan fwi, kamadu chiwe, ke biyil̄imu.”

²⁸M Toma we fiko a ke ko, “Tewuduwe, Kwamami.”

²⁹N Yesu a yi k̄in ko, “Toma, mu ke biyil̄im, d̄ine mwang kuya? Ko Kwama a yo delaku we b̄iba ne kuiyimu aya ka ke biyil̄imu we d̄im̄inemu.”

³⁰N Yesu a ma chi kaṭak̄itu nabwen we a kakku miyar̄im k̄imangu. Aya n̄ibu a mwalabu we wu.

³¹Aya n̄ibu a mwal t̄itu ke t̄ike biyil̄imu a dīYesu Masiya, Bwe Kwama yinu fal we keku biyil̄imang changu, ta ya t̄ikuri a d̄in k̄in.

Yowana 21

N Yesu a ma chi k̄ataki a taki ch̄ingiyang

¹A kuteng k̄ichiti wu, n Yesu a yungti dur k̄inu we miyar̄imu k̄ida a nabwe far Tiberiya. A yung dur k̄ini ying:

²N̄iba fikomu n simun Bit̄ir n ti Toma wu n chi k̄iyalu ko, “Ngabi burabe” N ti Nataniyel wa Kana a ya K̄alili n ti Bwes̄im S̄abadi n ti b̄ikam miyar̄im n chii burau.

³We fiko n Simun Bit̄ir a yiko, “Kiyika tak̄iu ch̄ingiyang, b̄ikamu ko chi ya t̄inu. N chi a chir ware a le kw̄amb̄ire mwe, a yikan. N chi a ri kum, a tabu chi.”

⁴T̄imu k̄ikwiyadi bal̄ang bal̄ang, n Yesu a fwe chi m̄intuwe a k̄it̄iku lang. Aya miyar̄ima swaanbu ko nang Yesu.

⁵N Yesu a yi chi ko, “Kal tayan, t̄iya ch̄ingiya?” N chi a yi ko, “Ngango.”

⁶Yinu n k̄in a yi ko, “T̄imai dw̄aka chingiyē a bale kang k̄iyilange we kw̄amb̄ire mwe, ta yadu.” N chi a mart̄in, n chi a wo chingiyu we dw̄aka nabwen. N chi a yabu da yinangu ka wuwedu ka yodu a kw̄amb̄ire mwengu.

⁷Miyare wu n Yesu a m̄ilane we fiko a yi Simun ko, “Wu n Tewuduwe.” Kangu Simun Bit̄ir a nweeng ȳam b̄ibangu a d̄au luke ko a yau, a kuna rituwe mwe.

⁸B̄ikamu miyar̄im a yika k̄it̄iku langu kw̄amb̄ire mwe, k̄iwuba dw̄aka wu n chi a tau m̄ine chingiyē, k̄ini chingiyi chibu. K̄it̄iku langu a no mabu kutan, kano naniyu kuul.

⁹N chi k̄ichiredu we mwe a kuti k̄irangu k̄ini t̄ikobi we fiko. Ch̄ingi ti k̄idanne we a k̄irangu.

¹⁰N Yesu a yi chi ko, “T̄ibe k̄ini yikai ch̄ingi, yiyu ta tau k̄ik̄angiyu.”

¹¹Yinu n simun Bit̄ir a le Kw̄amb̄ire mwe, a siye, a be k̄it̄iki k̄ini chingiyu n chi a tayu we mure. Dw̄aka chingiyē a ri k̄ini ka ch̄ingi yidui. Chingiyu kuul k̄ini t̄iwan tuunu chiri yitta. K̄ini nabwe chingiyē wu dw̄aka a ḡirabu.

¹²Yinu n Yesu fal a yi chi ko, “T̄ibe t̄ichiku tumu. We miyar̄im k̄imu a ne wu, a ru n̄iru, a b̄iu k̄in ko, n k̄in n wure we. D̄ine n chi a yim ko nang Tewuduwe.” N chi a yim ko n Yesu.

¹³Yinu fal n Yesu a ya d̄au k̄idanne a ni chi, a d̄au chingiyu a nit̄i chi.

¹⁴K̄iku k̄idang k̄itarang yinangu n Yesu k̄iyung dur k̄inu a kutengu a kun a furangu.

N Yesu n ti Bitir

¹⁵A kuteng kiku n chi a sikiu tumangu, n Yesu a biu Simun Bitir ko, “Simun bwe Yowana m milai a la tikantu chii kwanga?” N Simun Bitir a ke ko, “Ngo, Tewuduwe a mwang yim kangu mang milanangu.” N Yesu yi kin ko, “To kwanti yitiriyu.”

¹⁶N Yesu a bitir kida ko, “Simun bwe Yowana, mun milaya?” A ke ko, “Ngo, Tewuduwe, a mwang yim min milanu.” N Yesu a yiti kida ko, “To kwantimiyu.”

¹⁷We kitarangu, n Yesu a biu Bitir ko, “Simun bwe Yowana, mun milaya?” M Bitir a kaiyan niru, dine n Yesu a biu kin kida yitta ko, “Mun milaya?” N kin fal a ke ko Tewuduwe, “A mwang yim chiti kwang. N yim mwiko min milanu.” N Yesu a yi kin ko, “Nangkin, tabidu kwantimiyu we, tomi.

¹⁸Mang fwa min biyilimu, yo ni a bwelene, kido kulinu n kifwan, kiyati bwa n kin a ku diye. Aya yo karanta be, mwang kuku faliyu wuka nii ka domin kulinu ka yadi kini mun a bwa no mwang babbe.”

¹⁹N Yesu a fwa yam bibu ko ke kiyung kidum bwamu n Bitir ka madu ke a ni Kwama dwiyenimu. A kuteng yam bibangu. N Yesu a yi Bitir ko, bumitin.

N Yesu ti wuka miyare

²⁰M Bitir a sabran a dang kutengu, a ku miyare n Yesu a milane kinabu chidu. Wu nang miyare wa ching bwikiyu a kwiye Yesu we kidang Yiye yabakenge. N nang wu a biu ko, “Wa Tewuduwe, n wure yaka kwalinu.”

²¹Kangu m Bitir a kuwangu, a biu Yesu ko, “Tewuduwe wu nide?”

²²N Yesu a ke kimin ko, “Ka mang ke nii wu, ka dadu ka laminti di kilake miye, lwangang mwang wenga? Munin bumite.”

²³Yam bibu fal a le kitiradu we nibu buntiki Yesumu ko, miyare wa ne bwadu. A yi ko, ka mang ke nii wu ka dadu ka laminti di kilake miye, lwangang mwang wenga?

²⁴Wu nang miyare wu kini dimwar we dur tichitu wune, wa mwal tichitu wu mwale. Yam kimu ni yim biyilim.

²⁵Aya tikantu chi titu n Yesu a maatu nabwen. Ka no ka mwalu kini kwange, min kamadu, kono nang titinitu a no ne ka dau tatikidayu nibu a no mwaliyu.

Nangin Fandubim

Nangin Fandubim 1

N Yesu a yika bwa diye

¹Tiyofilu, we yo mang mwe mang mwal mine, m mwal min kini kwang chitu n Yesu a mwe kimadu, kiyung tinitu.

²Yinu a lamintu dii a dau kin a yikan bwa diye, a kuteng kiku n kin a ngau fandubu min kikure we ware Fikim Kwamame.

³A kuteng riye kongu, yo a kun we fure, a ma ditiyu wan taana we tinitu kiyung yikiyu we miyari mu ko n kin we kini tikuritu kimwati yam Kwamamu.

⁴Wuka di yo n kin a swe ware ti chiye, a wu chimin kitele ko, "Tidudu Wurchalima we, ka lamintu kiswi Tewuduwe ka tume Fikim Kwamamu, yinangu mang fwa chimin ferediyangu."

⁵N Yowana a ma batisma kini mwe, aya we ditiyu kibediyu, n Kwama ka ma chimin batisma kini Fikim Kwamam.

N Yesu a yika bwa diye

⁶Yo miyari mu a muran n ti Yesu we, a bu kin ko, "Tewuduwe, kikangu be mwang ru nin matin nintu, n nin Yisrela?"

⁷N Kin a yi chi ko, "A ne lwangang chang we, ditiyu n ti kiswitiyu kichitu wu ka fweendiyu.

⁸Aya ta ya dukanu yo Fikim Kwamamu ka bedu we dichine. Dine yiko, ta kau nibu mwarim mim we Wurchalima n ti Yafudiya n ti Samariya n ti tinitu kini kwang,"

⁹A kuteng kiku a fwa bibangu, a dau kin we nui chiyu, yinu ditwin a daukin, n chi a kutibi kin kida.

¹⁰Kangu n chi a kur nuyu kidang twiyengu, binabina nibi burau a fwe chimintuwe fiko kini kulini mwemwe.

¹¹N chi a bu ko, "Nibu Kalili, a mayire ta ti idang twiye? N Kwama a dau Yesu we dichine a yika dii, aya wuka di ka kiladu a ware wiine wu ta ku a yikamine."

M Matiya a sute Yafuda Yiskariyoti

¹²Yinu miyari mu Yesumu a duwe dikun Setunu, a kila Wurchalima wu kutanu kilomita wiin we difikare.

¹³Yo n chi a lame, a ya fil kan didu a diin we lo n chi a no ki sweende. Dimbi chitu m Bitir n ti Yowana n ti Yakubu n ti Andiriya n ti Filibu n ti Toma n ti Bartolomi n ti Matta n ti Yakubu bwe Alfiyus n ti Simun wu n chi kiyidu ko kibau tim chime n ti Yafuda bwe Yakube.

¹⁴N chi k̄imuradu a fiwiine, k̄itw̄ab̄a bunitu n ti Maryamu ne Yesuwe n ti b̄ikam nat̄ibu nabwen n ti kebu Yesumu.

¹⁵We diti yikiyu, kebu n̄ibu bunt̄ikum̄u a muran kuul k̄ini wan turab a fiwiine. M Bit̄ir a kun a fwa ȳam ko,

¹⁶“Kebu m̄im, ȳam Kwamamu a dakan ka ridu b̄ibu F̄ik̄im Kwamam a fwa feredi a yii F̄aku Dauda we ȳam Yafuda wu a ti n̄ibu k̄irangmu m̄ine kakke b̄ibu ka tau Yesumu.

¹⁷N Yafuda a no we ti ch̄ini, yinu a mat̄i nangang Kwamangu ware n ti ch̄ini.”

¹⁸[N Yafuda a t̄an kuu k̄ini k̄amb̄ir n̄ir diyan̄in k̄inu, nant̄i kuu n k̄in a ya bwa m̄ine. Yatu kitu a chire f̄ilang d̄ine fur k̄inu a fwe.

¹⁹Ȳam bwa komu a t̄iran we Wurchalima kwang. N chi a yal fiko k̄ini yii Aramaya ko, Akaldama ka nang chikiye kuu k̄itume.]

²⁰M Bit̄ir a chakakku ko, “A mwal we tak̄ida Sabura ko, ‘T̄idu fiiko a kau kanglo, ta kebu wuka nii a swedu we mure. Wuka nii ka sute k̄inu.’

²¹“D̄ine yiko, a dakan ni sutu ni wu ka sute Yafuda. Ni dangdu we b̄ibar̄imu we ware n ti ch̄ini k̄idangu niyang swe n ti Tewuduwe Yesuwangu.

²²A mwetuwe k̄idangu n Yowana a ma k̄im̄in batisma a lanta dii a d̄au k̄in we tibe chire, kasi no n wure ni swadde ka kau naba d̄imware we kungku Yesuwangu.”

²³Yinu n chi a chake n̄ibi burau. N Yusufu wu n̄ibu k̄iyalu ko m Barsaba, a wu k̄iyal t̄inu ko n Yustu n ti Matiya.

²⁴Yinu n chi a tw̄ab̄a bunitu ko, “Tewuduwe, mun n yim n̄itu n̄inti kwang. Yung n̄in we b̄ibi burab̄imu ni mwang swabe.

²⁵Wu ka chakakku k̄ini nangang fandu k̄iku n Yafuda a mar yinu a yika bwanu a daka k̄ine.”

²⁶Yinu n chi a ma sutuku we b̄ibi burab̄imu. N chi a sutu Matiya wu a be a rii fandubu kub chiri wiine.

Nangin Fandubim 2

Beku F̄ik̄im Kwamam

¹Yo di Fentikos a lame, n chi k̄ini kwang a muran a fiwiine.

²B̄inab̄ina d̄ikan ker a chire a bwa diye yinang s̄ik̄in d̄idun a ri lo k̄ini kwang, finu n chi k̄isweende.

³Yinu n chi a ku t̄ikan chi yinang ben k̄irangin a keran a sub we dur ka nang wuwule niye.

⁴N chi a rii k̄ini F̄ik̄im Kwamamu, a mwe k̄ifwa ȳamiyu k̄ini yikai yiini, yinangu F̄ik̄imu a ni kawure k̄itime ȳamengu.

⁵K̄idang kangu b̄ikam n̄ibu Yafudam b̄ibu k̄inwe tayi Kwamamu k̄iswedu we Wurchalima, kuu n̄ibe b̄ibu a chire a kasi no a b̄ib̄ile t̄im we t̄it̄init̄imu.

⁶K̄ituu n̄ibe a be d̄ine ker chi k̄atak̄in d̄idu n chi a nwenu. N chi a be, a nwe k̄ifwa ȳamu k̄ini yiini b̄intu chi.

⁷Chitu a ȳar chi yii, n chi k̄ifwadu ko, “N̄ibu b̄ibu n ke n̄ibu a K̄alilima?”

⁸Yinu a ma yire ni nwedu, n kawure k̄ifwa ȳamu k̄ini yii chire?

⁹N ch̄ini n̄ibu Fartiyam n ti Madinam n ti Yelmam n ti n̄ibu Mesofotanam n ti Yafudam n ti Kafadokiyam, n ti Fontum n ti Asiyam,

¹⁰n ti Firichiyam n ti Famfiliyam n ti Masar̄im n ti b̄ibu a k̄idire Sayir̄im wu a t̄im Libiyame n ti rungko a t̄im Romamu.

¹¹N̄ibu Yafudam n ti b̄ibu a wo k̄it̄im a kau Yafudame. K̄iretan n ti n̄ibu Larabamu, k̄inwe chi ȳar yii t̄itu a dukan Kwama n chi k̄ifwadu k̄ini yiinitu.

¹²Chitu a ȳar chi yii a kwala chi maki, n chi k̄ib̄ibedu ko, “T̄itu wureni?”

¹³Aya b̄ikamu a le k̄ifi miyar̄imu fiye ko, “Yim k̄ima n̄ibu b̄ibu!”

Ȳam Bit̄ir

¹⁴Yinu m Bit̄ir a kun we k̄ituu n̄ibe a ti n ti miyar̄imi kub chiri wiin̄imu a fwa ȳamu k̄ini dukan ko, “N̄ibu Yafudamu n ti b̄ibu k̄iswedu a Wurchalimamu, t̄isi k̄it̄eliyu, t̄inwe chi mang fwa chim̄inditu.

¹⁵N̄ibu b̄ib u a nobu chi, yinangu t̄ikamadangu, k̄iswi a fi turkuba, a ma s̄in.

¹⁶Aya t̄itu nang chi f̄aku Kwama n Yowel a fwaatu.”

¹⁷N Kwama a yi ko, we diti swan kuteyu, “Mang kure F̄ik̄im we n̄ibi kwang, B̄ibar̄im chimu n ti b̄iwut̄imu ka mwa ȳam m̄imu. Kal tayon ch̄inu ka ma dwakam b̄ibu a chire a d̄iKwamam. Yinu sel̄ibu chimu ka ma f̄akui a dwakam.”

¹⁸K̄ikumang, kono nang diti yikiyu, “Mang fwale F̄ik̄im Kwamamu we k̄abi b̄ibar̄imu n ti b̄iwut̄imu. Ka ma f̄akui we chi ka fweditu.”

¹⁹Mang yung chi k̄atak̄itu we twiye, n ti chi ȳar yiitu we t̄it̄initu, Kanang chikiye k̄ituum n ti k̄irang, ti t̄idal̄ini yw̄ani.

²⁰Yinu dii ka kadi k̄ili Swangu ka kadi wur yinang k̄ituum, Ka lam̄int̄i di k̄ilake Tewuduwe, di wuduwe Kwama.

²¹Yinu ka nang wuwule niye wu ka yalu we d̄in Tewuduwe ne, ka ya yuk̄iku.

²²Nìbu Yisrelamu tì nwe, N Yesu naba Nas̄aret ni wu n Kwama a yung chìn ko kìke kìn̄e. N Kwama a yung tìtu a nabwe chi yàr yii n ti chi kàt̄aki n ti dìmwalu a yung a d̄iYesuwenu, kangu n t̄ini t̄ifwan ta yimangu.

²³N Kwama a ni chìn nii wu a kìke ko n ti yingku kang. T̄ichiu kìn̄, a F̄ali nìbu kilet̄im.

²⁴Aya n Kwama a kukì kìn̄ we bwa, a yu kìn̄ we kwaku tuwang k̄iku a riyengu, d̄ine a ne w̄are we bwa ka tau k̄inu we furu.

²⁵Nangkìn̄, n Dauda a fwa ȳam we dur k̄inu ko, “M̄in ku Tewuduwe kwadu we kakku mangu. D̄ine n kìn̄ we kang k̄iyilang mangu, a ne mang nwe tayi.”

²⁶D̄ine yiko n̄ir m̄inu k̄ima t̄im̄ilan, ben m̄inu k̄ikaba teni t̄im̄ilani, bwi miyu ka swedu k̄ini yo n̄ire.

²⁷Nangkìn̄, ne mwang duiyu we furu, t̄int̄ine ne mwang du nimo wu wauwade ka fwidu we furu.

²⁸Mun n yungi k̄isw̄ati w̄ari t̄ikuriyu, mwang riyu k̄ini t̄im̄ilan we kakku mwangu.

²⁹“Kebu mang fwa chim̄in ȳami kw̄arikw̄ari we d̄ituke chire n Dauda. N kìn̄ a bwa, n̄ibu a fur kìn̄, yinu fur k̄inu n we n ti ch̄ini a lanta di.

³⁰Aya n kìn̄ f̄aku, yinu a yim ko n Kwama a fwa k̄im̄in ȳam bw̄ak̄imu k̄ini d̄itw̄ambir ko, ka yo wuka nii we k̄ikuwang kangu ka kau Masiya.

³¹Yinangu Dauda a swanangu, a fwa ȳamu we kunku Masiyangu ko, a ne du k̄inu we furu yinu bwi kiyu a ne fwidu we furu.

³²N Kwama a kukku Yesu we b̄ibwar̄imu, n ch̄ini kwang ka n̄ibu mwar̄im k̄im we t̄itu.

³³A ni kìn̄ dwiyen we f̄al̄ang k̄iyilang Kwamangu, yinu n kìn̄ a yiu F̄ik̄im b̄ibi wauwad̄imu we Te yinang ka bw̄ab̄angu. K̄ik̄angu n kìn̄ a kure f̄ik̄imu a d̄i chire. Nang chi a be k̄ini chi t̄ikuditu n ti t̄itu t̄inweditu.”

³⁴D̄ine wu a yika diye n ke Dauda, aya n kìn̄ a yi ko, N Kwama a yi Tewuduwe mi ko, “Swe a kang k̄iyilang mangu.”

³⁵Ka lam̄it̄i yo ta fau fakwarbu chimu a nani chiye.

³⁶D̄ine yiko, “N̄ibu Yisrelamu t̄iyim ti n Yesu wu ta kukane, n Kwama a yo kìn̄ Tewuduwe n ti Masiya.”

³⁷Kangu n chi a nwe b̄ib̄angu, ȳamu a twai chi yinu n chi a b̄iu Bit̄ir n ti b̄ikamu fandubu Yesumu ko, “Kebu, nang ma wureni?”

³⁸M Bit̄ir a yi chi ko, “T̄iwo k̄it̄im, n kawure a ma batisma a d̄in Yesu Masiya ke a ya duku k̄ilet̄iyangu. Yinu ta ya k̄il̄imang F̄ik̄im Kwamam.

³⁹Nangkin bwaḱiku ka Kwama dīne n chīn n ti bwesim chimu n ti bību kutan n ti chinimu ka nang chikiye, bību n Tewuduwe a yal a dīkinemu.”

⁴⁰M Bitir a chakakku kini yamu nabwen, kingau chimin kikure ko, “Tiyu dutu chintu we mwataḱiku a dutu bībwilamitu.”

⁴¹Nību a ke yam Bitiremu a ma batisma. We diko nību a sub a lam kuniriti tita.
Nību buntikimu a muran a fiwiine

⁴²N Chi a chakakku kini yungku fandubu, kichau chitu a fiwiine ki lweka tinu a fiwiine we twabaku.

Nību buntikimu a muran a fiwiine

⁴³Tayi a tau ka nang wuwule niye, dīne n Kwama kima chi kataki n ti dimwalu nabwen we fandubibu.

⁴⁴Nību buntikimu a ke biyilimi kwang a swe a fi wiine, kikunkadu, kikerati chitu n chi a yaatu a fiwiine.

⁴⁵N chi a feku kuli chitu n ti kulin chinu, a ni ka nang wuwule niye yinangu kawure kibandangu.

⁴⁶Ka wuwule diye, n chi kimuradu we Kan Kwamana Wurchalimanu, kidwaka kidanniyu kinikadu we loniyu, kichadu kinotinu kini furi mwen,

⁴⁷n ti delaki Kwama. N chi kini wule we nibi kwang. Kanang wuwule diye n Tewuduwe kisu chimin nību ka suku bību kiwo kitimimu.

Nangin Fandubim 3

M Bitir a be kikube kini dukan Kwaman

¹Wuka di m Bitir n ti Yowana a ya Kan Kwamanu a kiswi twabaku buniyange, yo kiswi a yitta wu kukonge.

²We kwar didu n chi kiyalu ko, “A Lelenu” Wuka nii we wu nību a biu kikube, be kiswedu we kwaru. Kanang wuwule diye nību kidaadu bekiyodu we kwaru ko ke a kala chitu we nību a be Kan Kwamanimu.

³Yo n kin a ku Bitir n ti Yowana kidangu a ya ka le Kan Kwamane, a biu chi kambir.

⁴M Bitir n ti Yowana a swati kabuwe kidangdi riing yinu a yi kikube ko, “Dang nīne!”

⁵Tikuran kikubetu a kila bwa a dīchiye ko kano yaka ni kin tikan chi.

⁶Aya m Bitir a yi kin ko, “Bwa kambire m min n newe kin. Aya chi mini kine mang ninu. We din Yesu Masiya naba Nasarete kun! Ya yayu.”

⁷M Bitir a tau kin we falang kiyilangu, a maka kin a kukku. Binabina nani nii wu we n ti kwabsiri kitu a kwiratuwe.

⁸N kin a kunni ngirit, a tii tas, a mwe kiya yayu ki bungadu n ti chi, a le Kan Kwamanu kini tirirantu kidela Kwama n ti nibu.

⁹Nibi kwang a ku kin kiya yayu kidela Kwama.

¹⁰N chi a swaan kin ko n nang ni a no kiswedu kikalala chi a kwaru a lelenu. Chi a fwetu, a yar chi yii yinang yinang.

Dinwar Bitir a kan Kwaman

¹¹Yinangu nibu a ku nii wu a no kikalala chiye a tau Bitir n ti Yowana a titiyengu, nibu a kiyani ngitibu be ka dang chi yar yiitu a fwe a kiding Solomonangu.

¹²Yo m Bitir a ku nibe, a yi chi ko, nibu Yisrelamu, a mayire kiyar chin yiiye? A mayire tidangdu yinangu na mangi dukan nine? Tidangdu ti kano dine nin buntin yam Kwamame nang chi a yo nii wu a benga.

¹³N Kwama wu Yibrayime, n ti wu Yichaku n ti wu Yakubu we n ti Kwama tukebu chireme, a rika bwe nanga ko n Yesu. Nang wu ta kwal kin ta koti kin we kakku Kwabna Bilatusange kasi kiku m Bilatu a funtibwi ko ka marangu.

¹⁴Tiko wu wauwade n ti wuyile tiyi ko a mar chimin naba kakku durange.

¹⁵Tichiu ni wu nang mweku tikuriyangi siine. Aya n Kwama a kuki kin we bibwarimu. N nin, nin ku kini nuini.

¹⁶Dine keku biyilimangu we din Yesunu, a ni nii wu dukan didu bwe a yaan bekinu. Chi ta ku ta yim a fwe dine keku biyilimang we din Yesunu. Keku biyilimang a din Yesunangu a yo burangu a be we nui chiyu.

¹⁷Kebu mim, n yim tima titu, a kwalan swaanke, yinangu tikaketi chiyu a mangu.

¹⁸Aya n Kwama a ri chitu a fwa a yii fakubu ti kwang ko, "M Masiya ka nwe riye."

¹⁹Dine yiko, tiwo kitim, yinu tibunti Kwama ke a nura chin we kiletiyu, ka ni chin nir difwin.

²⁰Yinu ka tume Masiya, wu n Tewuduwe a sutu chimine n Yesu.

²¹A mwintuwe n Kin ka swedu a dii ka laminti kisiwi n Kwama ka marti chitu we kwang ka kau tifwiye, yinangu n kin a fwa fakubu bibi wauwadimu min ferediyangu.

²²Dine m Musa a fwa ko, "N Kwama Tewuduwe ka tum chimin wukane faku yinang min we kebu chimu, tinwe kasi no bibile yam bibu ka fwa chiminimu."

²³Ka kadi yiko, wu a neka nwe yam faku wume, nibu ka chaku ni wu we tibe kal kine, ka dudu a twiyang.

²⁴Kikumang, yinangu a mwe we difaku Samwilangu a lanta fakubu kikangimu, n kawure a fwa yam we dikalan didu.

²⁵N tin nang bwesim fakubim. N tin tilet bwakiku Kwama a ma n ti tukebi chimangu. N Kin a yi Yibrayim ko, "Titinitu ka ya delaku a falang bukebu mumu.

²⁶Kidangu Kwama a kuki bwe kongu, a tum nibu Yisrelam min. Ka dela chinu dine ka yo chinu ta kila we ware dere, ta du kileti chiyu."

Nangin Fandubim 4

M Bitir n ti Yowana a kakku Kwaj kabakin

¹Wuduwe Fansetiye n ti Wusele we nibu toku Kan Kwamanimu n ti Sadukiyam a be fi a diBitir n ti Yowana we kiswi n chi a yak fwaan yame.

²Nitu chitu a kaiyan yinang yinang dine fandubu bibi burabimu kimiya nibu minu ko n Yesu a kaban we furu. Titu kiyungdu bibwarimu ka kuntuwe furu.

³N chi a tau fandubu bibu a yingen dine di a lenge ka laminti yo timu ka kwiyade.

⁴Aya nibu nabwen bibu a nwe yam bilimimu a ke biylimu. Titu a yo nibu buntikimu a bwi kunni yunu.

⁵Bafinenangeko nibu tokimu n ti selibu n ti tikaketi nibu yungku yilin Musatimu a muran a Wurchalima.

⁶N Anana tikake fanse we fiko n ti Kayafa n ti Yowana n ti Aleksanda n ti bibu kima namang n ti fanse wuduwemu.

⁷N chi a yo Bitir n ti Yowana a ti we tibe chi yinu a biu chi ko, "Tifwa nimin, tima titu kini dukan wuren, timadu kini din wuren?"

⁸M Bitir wu a ri kini Fikim Kwamame, a yi chi ko, "Tikaketi nibi n ti selibu nibim.

⁹Tiyaliye dine mang ma chi a leletu we kikube wa? Tibadu ta yindu yinangu a ya bekanga?

¹⁰Tinwe mang fwa chiminu nibu Yisrela, ni wu a ti a kakku change wu, a ya beku a din Yesu Masiya naba Nasarete, wu ta kukan n Kwama a kukutuwe fure."

¹¹N kin nang wu yam Kwamamu a fwa ko, "Kale wu nibu mukimu a konge, A kila kau wu a la chi kini nangi kwange."

¹²A ne fi ni ka yaan yuke we ko bayim. We titiniti kwang a ne ni n Kwama a yo wu nibu ka yaan yuke we ka n ke kine.

¹³Kangu kwaj yilangnu n ti selibu a nwe dukan yam Bitir n ti Yowanangu, a yar chi yii. N chi a swaan ko nibu bibu a yim chitu. Yinu a fwe chimin fal ko nibu bibu a no ware n ti Yesu.

14Yo n̄ibu b̄ibu a ku ni wu a no k̄ik̄ala chiye a ti ware n ti fandub̄ibe, a bwa chi kangu ka kwila chidangu.

15Yinu n chi a chaku n̄ibu b̄ibu k̄ini k̄ikure ko a yikam̄in a fi, a kuteng k̄iku n chi a le k̄itwaya ȳamu we bwiti chiyu ko.

16“Ni ma n̄ibu b̄ibi yire? N chi a ma chi kaṭak̄itu, n̄ibu a ku a ke t̄in k̄ini chi we Wurchalima ne kangu ni kwiladangu we.

17Aya d̄ine ke ȳam b̄ibu a t̄iraduwe, ni wu chim̄in k̄itele. N chi a chadu kakku we k̄ini d̄imwar Yesunu.”

18Yinu n chi a yal fandub̄ibu, a wu chim̄in k̄itele ko t̄i chadu kakku we k̄ini d̄imwar d̄idu a d̄in Yesunu.

19Aya n Bit̄ir n ti Yowana a yi chi ko, “T̄ima t̄ikuran we yi chiyu, a le we d̄iKwama nang bunt̄i ȳam chimu, n̄in du Kwama?”

20A mwintuwe nenang du fwaku chi ȳar yiitu nang ku nang nwe t̄ini tu.

21A kutengu n chi a wu chim̄in k̄itelengu a du chi a yikan. D̄ine ka n chi a yiko chi ma t̄ikan chiye, ka kuke ȳam. D̄ine n kawure k̄idela Kwama.

22Ni wu a be a w̄are chi kaṭakiye, sw̄atu kitu a la wantaana.

N̄ibu bunt̄ik̄imu a bau runi k̄ini tw̄ab̄aku

23Yinangu n̄ibu a mar chiyangu, m Bit̄ir n ti Yowana a k̄ilatuwe n̄ibu chimu yinu a fwa chim̄in chitu a fwetu kwang yinangu tikake fansetiyu n ti sel̄ibu a ma k̄ini chiyangu.

24Yo n chi a nwe, a dela Kwama yinang yinang k̄ini tw̄ab̄a bune ko, Tewuduwe, mun nang wu mwang yo t̄imu n ti dii n ti lati yiduyu n ti ka t̄it̄ile chiye t̄itu we muretu.

25N fwa ȳamu n ti tuke chire n Dauda naba nanganmo a F̄ik̄im ko, Wule yo kuuti k̄ima k̄ifwiniye? Wule yo n̄ibu k̄ima ka nanḡin t̄ikusiyē?

26Mat̄im t̄it̄inimu a do bwi ka ma kun yinu. Tikaketi t̄it̄iniyu a do bwi ka kuladu n ti Tewuduwe yinu n ti Masiya wu suture ko.

27“K̄ikumang we b̄in d̄idu m Mai Yiridu n ti B̄ilatu Babuntu a ngaban a ti a fi wiine n ti yikayu kuuti n ti n̄ibu Yisrelamu a ko naba nanganmo n Yesu wu n Kwama a suti wauwade.

28N chi a muran ka ma chitu a dukan mun n ti k̄ike mo.

29K̄ik̄angu Tewuduwe, d̄ang mul̄ini chitu, ni k̄abi mwiyu runi ke a ya dukan d̄imwar̄inu.

30Tarre fal̄ang mwangu k̄ibe chiyangu, yo chi ȳar yiitu n ti chi kaṭak̄itu a fwe we d̄in naba nanganmo n Yesu wu wauwade.”

³¹Yo n chi a ri twabaku buniyange, fi n chi a mura mine a mikan. N kawure we fiko a ri kini Fikim Kwamam, n chi ki mwa yam Kwamamu a ne tayi we.

Nibu buntikimu kikeru chitu a fiwiine

³²Nibu buntikimu kini kwang tikuran chitu a be a fiwiine. Kanang wuwule niye kiya kulin kinu kikeradu n ti kal kinu. A ne wu kima tikiyane we.

³³Fandubibu a kun kini dukan didun, kima dimwaru we kunki Tewuduwe Yesuwangu. N Kwama a dela chi yinang yinang.

³⁴Dine kiyilin kunkake, a ne nii kikwala chiye we kangu nibu a chau kakangu, bibu kifeku ku, bibu kifeku loni, kibe tibe chi kin.

³⁵N chi kibe fandubibu minedi kin, bikimu kikeru nibu minu yinangu n kawure kibadangu.

³⁶Wuka nii we a biba maka nibimu din kinu n Yusufu a kifiku Lawiyam wu a tim Sayifurus, wu fandubu kiyalu ko n Barnaba (ka nang chikiye, wu kikum nibu min nite)

³⁷A feku wukane kuuko, a be kini kambiru a ni fandubibu.

Nangin Fandubim 5

Ananiya n ti Safiratu

¹Aya wuka nii we, din kinu n Ananiya n ti nayeko n Safiratu a mi dikan kulin chiin.

²N kin a lai bwa wukane laiye, kini kike nayeko, a be kini wuka bale a be ni fandubibu.

³M Bitir a yi kin ko, "Ananiya, m ma yire mwang ke Setan a le nir munu, mwang mwe Fikim Kwamamu min tikwani n lai tikan chi we kambir kuune?"

⁴Yo no mwang fekibe, n ke wumonga? A kutengu mwang fekangu a ne ni a yon ko m be kini kambire we. M ma yire mwang du tikuran titu a le nir mune? Kikangu mwang butibi ni m butu Kwama."

⁵Kangu a nwe yam bibangu, n Ananiya a yar we timu a bwa tin. Tayi a tau nibu a nwe yam bibimu.

⁶Yinu bwelemu a be a dau kwame a sal kini lwange luke fureme, a ya, a furte kin.

⁷A kuteng awa yittangu, naye ko a lewe a yimbu chitu a fwetu.

⁸M Bitir a biu kin ko, "A ne dikan kambir we chi ta fekitu kana dida?" N kin a ke ko, "Ngo, a neti dikan we."

⁹M Bitir a yi kin ko, a mayire ta kika yii tiswe Fikim Tewuduwe? Dang, nibu bibu a dau kwame kwartamomu nang bibu a lame qar yaka dati wumo.

¹⁰Binabina n kin a yar we fiko, a bwa tin. Yinangu bwelemu a lewe a be kuwangu, n chi a dau kwame naye a ya fur tin kidwan n ti kwartako.

¹¹Tayi a tau nibu buntikimu kini dukan n ti bibu a nwe chi a fwetimu.

Fandubu a ma chi yar yiitu nabwen

¹²Fandubibu a ma chi katakitu n ti chi yar yiitu nabwen. Nibu buntikimu kini kwang a muran, a kiding Solomon we takamana kan Kwamane.

¹³Bikamu nibu a mwibu a le chimin tibuwe, a bwin yiko, nibu kini chi dwiyentu.

¹⁴Tintine, kwartabu n ti natibu nabwen a ke biyilimu we din Tewuduwe, nibu buntikimu kisutin ka suku.

¹⁵Dine nangin fandubitu, nibu a chake bibu a bubuwemu a netiloi, a yoran we fantiyu kini kwambiri ko ke kiwulang Bitir a su we dicheye.

¹⁶Kituu nibe a chire we bintitu a kidire Wurchalima kini nibu a buraburanemu n ti nibu burin kifitimu. N chi a berani kini kwang.

Nibu a ni fandubu Yesumu riye

¹⁷Dine tite, tikake fansetiye n ti nibu a swe n ti kinimu ka nang chikiye, kwal Sadukiyam, a ma kifwini.

¹⁸N chi a tau fandubibu a mar a kange

¹⁹Aya kini kum, naba ditumbire Tewuduwe a be wudu kwatitu we kange, a chaku chi ko,

²⁰“Tiya tifwa nibu min we Kan Kwamanu yam tikuri tifwimu kini kwang.”

²¹Yo n chi a nwe yame, a le Kan Kwamanu kini sin kimiya nibu min yam Kwamamu. Yinu wuduwe fansetiye n ti bibu a swe waremu a muran, a yale kwal kabakinu n ti tikaketi Yisrelamu, a tum chitu ko nibu a be kini fandubibu.

²²Aya yo fansetiyu n ti selibu a ya fikonge, a ya a ne chi we mure kange, n chi a kilawe a be yi nibu ko,

²³“Nin ya kange yi mitibu, yinu nibu kitodimu n we fantiyu nibu a yon chiyu, aya yoko nang wude, nin ya a ne ni we mure.”

²⁴Yinangu wuduwe fansetiyeyu n ti sele nibu tokime a nwe yam bibangu a kwala chi ka made dine kikir chi ka nabe kutenge.

²⁵A tibu ke, wuka ni a be a fwa chimin ko, “Nibu ta diku a kangemu nang bibu kiyung nibu minu a kan Kwamanimu.”

- ²⁶Nìbu tokì Kan Kwamanìmu n ti tikaketi fanseti chiyu a yikan a ya ta fandubìbu, a ma chimìnebu mulìn dìne n chi kìwul nìbu ko ke kìla kwela chi kìnì kali.
- ²⁷Yo a be kìnì fandubìbe, a yo chi a ti a kakku kwàl kabakìn ko ke wuduwe fansetiye a ma chimìn tìbìdìri.
- ²⁸Wuko a yiko, “Nang fwa chimìnbu yàm kìnì dukan ko tiyungdu nìbu mìnù yàm bìbu wenga? Aya tìri Wurchalima kìnì yungku changu, tìntìne tìfuntì bwi tiyi nìbu tiko n nìn nang nìbu nang chiu Yesumu.”
- ²⁹M Bitìr n ti bìkamu fandubu a yi chi ko, “A mwintuwe ne nang du yàm Kwamamu we nang buntì bìchìmu.”
- ³⁰N Kwama Te tukebì nìme, a kukì Yesu wu ta chiu a kìtiyang bwange we furu.
- ³¹N Kwama a rìka kìn a yo n kìn tikake n ti naba yuke a kang kiyilang kang. N kìn a ma yiko ko ke a ni Yisrela da a duwe kiletìyu a kìlawe bwa dìKwama ke a ya duku kiletìyangu.
- ³²Nìn ku tìchìtu kìnì nui ni yinu nìn fwadu. Fìkìm Kwamamu bìbu a ni nìbu kìma kwambìrìmu kìfwa tìnu.
- ³³Kangu n chi a nwe yàm bìbangu, nìtu chitu a kaiyan. N chi kìbbadu ka chìbe fandubìbu.
- ³⁴Aya wuka naba Farisa we, dìn kìnù n Kàmaliyel naba yungku yilìn Musante, wu n chi kìnì kìn dwiyentu yinange, a kun we kwàlu, a yi nìbu ko a chaku fandubìbu a fìlang didiin.
- ³⁵Yinu a yi kwàlu ko, kebu mìm nìbu Yisrelam. Tìma daan kìnì chi tìbadu ta ma nìbu bìbu mìnde.
- ³⁶We swatìtu a sutu, wuka nii we dìn kìnù n Tudas, a yung yikiyu yinang tìkan chi, nìbu kùlìtu wani taana a nabu kìn, aya nìbu a chiu kìn. Yinu nìbu kì bungtìn kìnìmu a yaran. Bìkìmu yàm a fìrtìn a fiko.
- ³⁷A kuteng kangu, n Yafuda naba Kàlìliye a kune we kìdangu nìbu a ma kìkangu. A yo nìbu a bung kìmìn tìn, n kìn tìn a be twiyan. Nìbu kìbuntì kìnìmi kwang a be yaran.
- ³⁸Dìne yiko, tìdu nìbu bìbu, ka nangìn chitu n ti tìkuran chitu ka tìkusiye, be ka yaratìnuwe yinangu a fwe n ti bìkamangu.
- ³⁹Aya ka nangang kìku, nangang Kwamange, a ne ta medu kìnì nìbu bìbu. Ke fal tìya tìma dìkulanu n ti Kwama.
- ⁴⁰N chi a ke kìnì yàm kìmu, a ya, a yale fandubu Yesumu a twalan. N chi a ngau chimìntì kìkure kìda ko a fwadu yàm Yesumu we yinu a mar chi ko a yikan.

⁴¹Bikimu a chir kini timilan we kakku kwal didangu, dine nibu a ku n chi a lwe ka nwe riye dine din Yesune.

⁴²Kanang wuwule diye, n chi kichakakku kini dimwaru, we Kan Kwamanu a Wurchalimanu n ti loniyu n chi a dubu yungku yam bilim ka nang chikiye n Yesu nang Masiya.

Nangin Fandubim 6

Nibu a sutu nibu nanganmi bidibiin

¹Yinangu nibu buntikimu a yakı bwidu we diti yikiyangu, Kungakunga a le tibe Yafudame bibu kinwe yii Yelenamu n ti bibu kinwe Aramayamu. Bibu kinwe yii Yelenamu a ki wii ko nibu a kurbu kini natim bunim chimu yo nibu kiker a chabtite.

²Dine yiko, fandububi kubchiri burabimu a yal muraku nibu buntikimi kwang a yi chi ko, "A ne ledu ni du dimwar Kwama didu we be niyang kera chabtu.

³Yinangu niyang murani yangu kebu, tisutu nibu bibu ni werimu n ti bibu a ri kini Fikim Kwamamu n ti nibu kini kasanimu ka ma nangang kiku.

⁴N nin nang ni dukanu a twabaku n ti yungku yam Kwamamu."

⁵Chi nibu a dokane a da nibu min, n chi a sutu Yistifanu we nibu a rii kini Fikim Kwamam n ti keku biyilimang n ti Filibu n ti Burokora n ti Timun n ti Barminas n ti Nikola naba Antakiya. N kin we yikayu kuuti a leti buntikangu.

⁶Nibu a sutu chi a be kini chi we kakku fandubangu. Bikimu a yo chi min delaku a twaba chi minti bunitu.

⁷Yam Kwamamu kitiradu kilaan fiko. Nibu buntikimu kisukasuku we tim Wurchalima yinang yinang. fansetiyu nabwen a ke biyilimu.

⁸N Yistifanu dine a rii kini Fikime, a ma chitu nabwen n ti chi yar yiitu we tibe nibe.

⁹Aya wuka di nibu a kan murakin didu nibu kiyalu ko, "Kabi yiyu nibu a tu we" yinangu n chi kiyalangu, a le kikwila Yistifanu. Yafuda wu a be a Sairin n ti Aleksandiriya n ti tim Kilikiya n ti Asiya.

¹⁰Aya n chi a ma a riwe dine kifwa yamu kini yingkiku n ti Fikim Kwamamu a dikinemu.

¹¹N chi a to yiko, a baran a yi bikam nibu ko a ya fwa ying, "Nin nwe n kin kifwa yam bibu a swabanim we dur Musanu n ti Kwama."

¹²Dine yiko, n chi a yo nitu nibitu a kaiyan n ti tikaketi n ti nibu yungku yilin Musantimu. N chi a tau Yistifanu a be mine kakku kwal kabakinu.

¹³Nību tīkwanim bību a be yi ko, “Naba ni wu kīfwa ka yām bīkwanīm we yilīn Musatu n ti Kan Kwamanu.”

¹⁴Nīn nwe n kīn a fwa ko, n Yesu naba Nasāret ka wur kan Kwamanu a Wurchalimanu ka sutetī datiyu m Musa a du nimīniyu.

¹⁵Nību a swe kīnwe yāmīmu a fīrtīn kwalange we Yistifanuwe rīngangu, n chi a ku kabu ko a suten kiyiladu yinang wu a naba dītumbīre Kwama.

Nangin Fandubim 7

N Yistifanu a fwa yām a kakku Kwāl kabakīn

¹Tikake Fansetiye a bīu Yistifanu ko, “Yāmi yiyu nību a fwa a dur muniyu biyilīma?”

²N kīn a kīnta chi ko, “Kebīmīm n ti tebīmīm tīnwei. Kwama wu kīni dwiyene a yung dur kīnu we tuke chire n Yibrayim a Mesofotamiya yo a tibu yika Aran ne.

³N Kwama a yi kīn ko, kun we tīm chimu, ‘Du kebu mumu, yika tīmu mang yungīnīmu.’

⁴“Tuke chire a du tīm Kaldiyamu a yikan a ya swe a Aran. A kuteng kīku n te kīn a bwangu, yinu n Kwama a yo kīn a be swe we tīmu bību n tīn we mīnīmu.

⁵N Kwama a nibu Yibrayim kula tīm bībe kasi a no be dungkwale yinang wana na. N Kwama a bwāu kana yāmu n ti kīn ko, ka yo tīmu ka kau bīkīm n ti bukebu kīkutīribekom kasi kīku n kīn a ne bwe we kīdang kangangu.

⁶“N Kwama a yi kīn ko, ‘Bukebu kīkutīribemomu ka ma kabī a bīkam tīm. Nību tīmīmu ka mar chi yinang kabī, ka ni chi riye swatītu kuliti taana.

⁷Mang wela kuu nību bību Yisrela kīma chimīn kabīmu. A kuteng kīku, bukebu kīkutīrīme Yibrayime ka kunu ka sii kīnu we tīm bību.’

⁸Yinu n Kwama a ma bwākī yāmu n ti Yibrayim a biku laarang. Yo n Yibrayim a bīu Yichakuwe, a bi kīmīn laaru a di wu narībe. N Yichaku a bīu Yakubu, n Yakubu a bīu tukebu chīremi kub chiri burabīmu.

⁹“Tukebu chirem bību, yade kīnwe kīfwini Yusufuwe, n chi a feku kīn, nību a yikan Masar. Aya n Kwama we kīto kīnu.

¹⁰N Kwama a chaku kīn we riye. A yo kīn a kau naba yingke wu kīni kīsiyang kīduwang we kakku Mai Firauna wu a Masare, n Firauna a yo kīn a kau kwabna we Masaru n ti tikaketi nību a lokomu.

¹¹“Yinangu diti kīsudangu, chun a bulma tīm Masarīmu n ti Kanana kīni riye nabwen wu a yo tukebu chīremu a kwala chabte.

- 12Yo n Yakubu a nwe ko chabt̄itu we Masare, a tum tukebu ch̄iremu we. N chi a no yaanbuwe.
- 13We yayu chi wu robe, n Yusufu a yung kebu k̄imu dur k̄inu, yinu a yungti Firauna kebu k̄imu.
- 14“A kuteng k̄iku n Yusufu a tum chitu ko k̄ibaddu ka ku tek̄in Yakubu we n ti kebu k̄imu. N chi k̄ini kwang wani t̄idibin chiri bunu.
- 15N Yakubu a kun a yika Masaru, bwa n k̄in a ya bwaan t̄ine n ti tukebu ch̄iremu.
- 16N̄ibu a dāa kw̄ami chiyu a be m̄ine Chekem. A fur chi a fur d̄idu n Yibrayim a t̄ani k̄ambir a fāli bwes̄im Amor we Chekem.
- 17“Kangu k̄iswi a mwatan wu bw̄ak̄i Kwamangu n ti Yibrayim ka ridangu, n̄ibu a k̄ila a bwi a ri Masar yinang yinang.
- 18Yinu n̄ibu a sutu wuka Mai, wu a yimbu ka n Yusufu n wure we Masar a be a ma mat̄intu.
- 19Mai wu a be sul kuu chire, a ni tukebu ch̄iremu riye, kiyodu n̄ibu k̄imar bwes̄im k̄ilwim chimu a bwa ko ke a kaduwe.
- 20“We k̄idang kangu n̄ibu a b̄iu Musa, n kebu kiyil̄in bwe. N chi a bw̄au a lon tek̄ine swarti t̄itta.
- 21Kangu n chi a ya mare bwengu, fw̄an Firaunanu a ya dāu bwe, a do yinang bweko.
- 22N̄ibu yungku a Masar̄imu a yung Musam̄in chitu n̄ibu a yim a Masariti kwang. Yam̄ k̄imu n ti nanḡin kiti kwang k̄ini dukan.
- 23“Yo m Musa a lam sw̄at̄itu wan taanange, a kur ko yaka siiye kebu k̄imu n̄ibu Yisrelamu.
- 24Yo n k̄in a ku wuka naba masare k̄i ni naba Yisrela riyenge, n k̄in a ya maka keko a chitt̄i naba Masare.
- 25M Musa a kaman ko kano n̄ibu k̄imu ka swaanu ko n Kwama k̄ima nangangu k̄ini k̄in d̄ine ke a yu chi, aya n chi a swaanbu.
- 26Baf̄inenangeko m Musa a k̄ila ku kana Yisrela k̄ikuladu n chi burau. Yo n k̄in a be ka doka chide a yi ko, ‘A mayire n t̄in kana kebu t̄ibadu ta nwe dutu ch̄intu m̄in riye?’
- 27“‘Aya wu a no k̄ini wukane riyenge a tung Musa kursu a k̄iswi ko, ‘N wure a yo mun tikake n ti naba kabake we dutu n̄intu?’
- 28Yoye mun baddu mwan chitt̄i m̄inu yinangu mwang ch̄iu naba Masare darenga?

29“Yo m Musa a nwe yam bibe, a wul tin a yika tim Midiyam, a ya ma rungkoitu we bwako, a bitti bwelemi burau we bwako.

30“A kutengu swatitu wani taanangu, wuka naba ditumbire a fwe Musa mintuwe be dilukene kitau kirange kidwang n ti kun Sinayin.

31Yo Musa a kuwe, chitu a yar kin yii. Yo n kin a ya kidwan, a nwe ker Tewuduwe ko,

32‘Min nang Kwama takebu mume, Kwama Yibrayim n ti Yichaku n ti Yakubu.’ Bwi we diMusa kimika ka mikaku a yabu dukan dangkinu.

33“Yinu n Tewuduwe a yi kin ko, ‘Suku kiwami mwiyu, dine finu mwan timine yi wauwadu.

34N ku riye nibu kini nibu mimu a Masare. N nwe wi chi, m be mang yu chidu. Dine yiko, do bwiyu mang tunnu a Masar.’

35“M Musa nang wu wiine, wu n chi a ko, a yi ko, ‘N wure a yo mun ko n kau ninin wusele n ti naba mwatake?’ N Kwama a tumme naba ditumbire a fwa kinin yamu kini ben kiran a be dilukene ko ka kau tikake n ti wu ka yu chine.

36N kin nang wu a chake chi we Masaru dine chi katakitu n kin a maatu n ti timwalantu nabwen a yung a Masar n ti nabwe Laa wu wure kini rudde n ti dikiru swatitu wan taanatu.

37“Wu nang Musa wu a fwa nibu Yisrelamu min ko, ‘N Kwama ka tum chimine wuka faku we kebu chimu yinangu a tume minangu.’

38N Kin nang wu a mur nibu Yisrelamu we dikiru n ti Naba ditumbire wu a fwa yam n ti kin a Kun Sinayine. N kin nang wu a yuwe dikwal tikurinu we diKwama dine ke a be ni chiniye.

39“Aya takebu chiremu a ko a buntibu kin, a koti yam kimu, n chi a no kibadu ka kila Masar.

40N chi a yi Aruna ko, ‘Ma ninin diyor didu ka twaku nine. Dine we tikaman nintu, m Musa wu a chaku nine a Masare nang yimbu chitu a fweti kinitu.’

41We kiswi wuko, n chi a mu diyor yinang tangka. Yinu a ma diyoru min niku kitumang. N chi kima kini timilan dine nangang fali chiyangu.

42“Dine yiko n Kwama a ni chi kuteng, a du chi ko a nang sii kiswitiyu. Titu a wuran bwi kini chi fakubu a mwal we tattikidai yikariyu ko, ‘N tin nibu Yisrelamu, tibita minin naiyu n ti niku kitumangu, we swatitu wan taana a dikira?’

43A ta le tima dibwalu n ti diyor Molekin, n ti kiswi diyor Rifan, diyor didu ta ma dine ke tinang sii kinu. M min mang chaku chinu ta ya kabi a Babila.’

44“Feredi takebu chiremu a no kini dikur didu kiyungdu Kwama we n ti chinu we dikuru. Didu nang dikuru n Kwama a yi Musa ko a ma tituwe yinangu n kin a kuu minangu.

45Takebu chiremu a be chau kula tikubi tite, n chi a chakaku kini tikubi titu we kidang Chosuwangu a kutengu n chi a chau kila kini yikayu kuuti n Kwama a kaka chi miniyu. Tikubi titu a kaiyabu a laminti kidang Daudangu.

46N Dauda a le nir Kwamanu dine n kin a bau tini fi ka run dikur siiku Kwama take chire n Yakubu.

47Aya n Solomon nang ni a mu lon Kwama.

48“Kasi kiku Te wuduwe a swebu a loni yiyu nibu a mubbi Faliye. Yinangu faku Yichaya a fwa ko,

49‘Dii nang lon matine mi, titinitu nang fi min tarin naniye N Tewuduwe ko, Ta mumi bible kidum lom? Wuwule kidum lo fikare wu ta domide?

50M min n ke wu a yo kwalin chiin dida?’

51“N tin bibu ta nwebu diimu, bibu nituti kingking, kiteli chiyi yisinimu, ta buntibu Fikim mimi kwadu yinangu takebu chimu a mangu, n tin timatidi yiko.

52We fakubibi, bikam we bibu takebu chimu a dubima? N chi a chiu nibu bibu a fwa beku nii naba niri dine wu. N tin tikwal kin tichiti kin.

53Tin nang bibu ta yiu yilangu we naba ditumbire Kwama, aya ta buntibu yilintu.”

Nibu a chiu Yistifanu kini kali

54Yo n chi a nwe yam bibe, a ma kifwini n kawure kiwu bewure dine kaiyan nire.

55Aya dine n Yistifanu a rii kini Fikime, n kin a fwal nuyi kiyu kidang ka dii. N kin a ku dwiyen Kwamatu n ti Yesu a ti a kang kiyilang Kwamang.

56We fiko n Yistifanu a yi chi ko, “Tidang, n ku dii a wuden, n ku Bwe Nii a ti a kang kiyilang Kwamang.”

57N chi a yinge kiteli chiyu kini Fali kibwakati kemiyu, a kiya kimintuwe kitibu.

58N chi a chaku kin a kuteng binang kikweladu kini kini kali. We kiswi wuko, nibu dimwarimu a yo kulin chinu a nani wuka bwele din kinu n Chawulu.

59N chi a kwela kin kini kali. N Yistifanu kitwaba bunitu ko, “Tewuduwe Yesu, yiu tikuri mitu.”

60N kin a sung a kuku keru kini dukan ko, “Tewuduwe kuru kileti nibu bibiyu we.” Kanga fwa bibangu a bwa tin.

Nangin Fandubim 8

N Chawulu a fuma nibu buntikimu

¹N Chawulu a ke ko nibu a chiu Yistifanu, n Chawulu kifuma nibu buntikimu a bwinbu kaang balang we Wurchalima. Titu a yo nibu buntikimu a yarani yak a le tim Yafudiyam n ti didu a Samariyam a du ka fandubu.

²Bikam nibu Kwamam bibu a ru nitimu a yikan a fure Yistifanu a siiti bwako.

³Aya n Chawulu a chakakku kifuma nibu buntiki we kambi Kwamatu, kibunti loni loni, kitaba kwartabu n ti natibu kimaru a dibintil.

Yam Kwamamu a lam Samariya

⁴Nibu buntikimu a yayyanimu, a chakakku kimwa yam Kwamamu we bwa n chi a ngan dure.

⁵N Filibu wu a ya dikan bin a Samariya, a chakakku kimwa yam bilim Masiyamu we bwako.

⁶Yo kituu nibe a nwe yam bilim we diFilibu we a ku dimwal chi katakitu n kin kimadite, n chi a swe wudidi kinwe yam bilim.

⁷Kifibti yi bwilayu a chir we nibu nabwen kibwaka kemi, bingirmanimu n ti kikubti nabwen a ya beku.

⁸Dine tite, bin dikanu diko a ri kini ka timilan.

⁹We kidang kangu, wuka nii we din kinu n Simun. Feredi n kin a no kima buwang we bin dikanu. We kuu nibu Samariyamu kwang, n kin kiyung nibu ko n kin tikan chi.

¹⁰Titu a yo nibi kwang we binu, selibu n ti bwesimu kiyidu ko, "Nii wu kini dukan Kwamanu ni yalu ko, dukan diduninu."

¹¹N chi kibunti kinu dine chi yar yitu n kin kimadu we buwang kangitu.

¹²Aya yo n chi a ke biyilimu we dimwar Filibu didu a yam bilim yaa Kwamanu a din Yesu Masiya, kwartabu n ti natibi kwang a ma batisma.

¹³N Simun tin a keti biyilimu a mati batisma. A kuteng kiku a ma batismangu, a dubu Filibu kinabidu kasi no ka ya bwale. Aya n kin a yar yii we chi kiyungde n ti chi katakitu n kin a kuutu.

¹⁴Yo fandubu a Wurchalimamu a nwe ko nibu a Samariyamu a yiu yam Kwamame, a tung Bitir n ti Yowana we dicheye.

¹⁵Kidangu n bu Bitir a lam fikongu, a twaba bibu a yiu Kwamamu min ko ke a ya fikim Kwamamu.

¹⁶Dine Fikim Kwamamu a tibu be wuka minedu didine. N chi a ma kana batisma we din Yesu Tewuduwe.

¹⁷M Bitir n ti Yowana a yo chi min Faliyu we dutu chitu, yinu n chi a ya Fikim Kwamamu.

¹⁸Yo n Simun a ku nibu a ya Fikim Kwamamu dine Faliyu fandubu a yo chiminiye, a ni chi kambir,

¹⁹a yi chi ko, "Tini min da wu, ke ka nang wuwule niye wu mang yo kimin faliye, ka ya Fikim Kwamamu."

²⁰M Bitir a yi kin ko, "M mun n ti kambir munu yatikaiyan, dine mun kuru mwi mwang tan Fikim Kwamamu kini kambir.

²¹A ne lwangang mwang we n ti nin, dine nir munu a newe n ti Kwama.

²²Wo kitim we nangang kibwilang mwangu, twaba buni a Tewuduwe, Ka we mwang ya duku dine Nangang kibwilang mwange.

²³Dine n ku titu ka katin, mun ma chi a lebi."

²⁴N Simun we fiko ko, a twaba kimin buni a diTewuduwe ke chitu ta fwatu a fweduwe n ti min.

²⁵A kuteng kiku n chi a ri kini dimwar Tewuduwe, a kila Wurchalima, yakimwa nibu a beti bini Samariya.

Filibu n ti naba Yitofiya

²⁶Wuka naba ditumbire Tewuduwe a ya Filibu a yi ko, "Do bwiyu subi Twar wulin, a ware wu a chire a Wurchalima kiyika Kasa."

²⁷N Filibu a kun, a yika tin. We bwako, wuka ni wu ditwarin a mabu nangange we, wu kitau kambir didu a Mai wuwiye Cheba wu a tau Yitofiyane kima matin Kandise kikila lo. Nii wu ditwarin kinu a mabu nangange a ya Wurchalima yakim sii Kwama.

²⁸Yo n kin a yakim kila lo, a swe kiki takida faku Yichaya we dii a dibil kwere konu.

²⁹Fikim Kwamamu a yi Filibu ko, "Ya kidwang, kwatuwe dibil kwerenu."

³⁰N Filibu a wul a ya mwatu ni wu, a nwe kiki takida faku Yichaya. A bin kin ko, "Mwang swaan chi mun kidita?"

³¹Nii wu a yi Filibu ko, n swaan a fire, ka n ke wuka nii ka miya mide? "Yinu n kin a yal Filibu ko, n file bwale, be swengi ying n miyami."

³²Yam Kwamamu n kin a no kikiidimi ying: "A wu kin yinang kwan didu nibu yaka bidu biyen. Yinang kwan didu a fakitabi bwin yo nibu kibi kimin riin, a fwabu chi.

³³Nìbu a ni kìn riye, a dāngtì kìn biyilim kìm̄u. N wure ka ying ki nìbu kìdang kangimu? Dìne diti kiyu a ri we tìtinitu.”

³⁴Nii wu a bìu Filibu ko, “Fwami, n wure wu faku kì twābā yām a dur kine, a dur kina ka dur wuka nina?”

³⁵Yinu n Filibu a mwetuwe fi n kina no kì kide kifwa kìm̄inu, a fwa kìm̄intì yām bìlìim Yesumu.

³⁶Yo n chi a yakì yikadu we wāre, a lam wuka fi wu kìnì mwe, Nii wuduwe wu a yi Filibu ko, “Mwe nang wu, wule ka kadu a ne mwang mami batisma?”

³⁷Mwang medu mwang ma batisma ka kwer n ke biyilimu we dìn Yesune. Naba ni a yi ko, “N ke mi Yesu Masiya nang Bwe Kwama.”

³⁸Nii wu a ti kìnì dībìl kwere kìn̄u, n kìn n ti Filibu a le mwe, n Filibu a ma kìm̄in batisma.

³⁹Yo n chi a chire we mwe, Fìkìm̄ Tewuduwe a dāu Filibu a yikani kìn. Nii wu a kutìbu Filibu kida, a chakakku kìnì yayu ko, kìnì furi mwemwen.

⁴⁰N Filibu a ya fwe a Asotu. N kìn a chakakku kiyika Kaisariya, kìm̄watì yām Kwamamu we wāre ka nang dīdīle bīne.

Nangin Fandubim 9

N Chawulu a wo kitim

(Nfa 22:6-16; 26:12-18)

¹N Chawulu a chakakku kì ni miyarim̄ Tewuduwemu riye yinang yinang ko ka chibe chidu. N kìn a ya bwa wuduwe fansetiye.

²A bìu ko a ni kìn lwangin̄ ka yika kambi Kwama tìtu a Dimasku ke kìtau kwartabu n ti natìbu kima buntiku a bwakomu, ka bemine Wurchalima kìn ke nìbu a yingen.

³Yo n kìn we yayu a mwata bìn Dimaskune, bìnabina kaang yiiku a chire a dii yinang kiyile a yi fi a dīkine kichichii.

⁴N kìn a yar a tim̄. A kila nwe dikan ker a dii kiyi kìn̄u ko, “Chawulu, a mayire mun ni mìn riye?”

⁵N Chawulu a bìu ko, “M Mun n wure, Tewuduwe?” N kìn a ya dīkìlìn yiinu ko, “M mìn nang Yesu wu mun ni riye,”

⁶Kun n le bīnu, nìbu we fwamìn chitu mwang maditu.

⁷Nìbu a no kija yayu n ti Chawulumu a tii wudidi, kìnwe keru aya a kubu niko.

⁸Yinu n Chawulu a kun a wudu kwalangi kiyu, aya a kubu di. Bìbu n chi waremu a twaku kìn a yikan Dimasku.

- ⁹Diti kiyi yitta a kubu di, a chabu a notibu chi.
- ¹⁰We Dimasku wuka naba buntike We, wu din kinu n Ananiya. N Kwama a yal kin a dwakam biyilim ko, "Ananiya!" N kin a ke ko, "Wai, Tewuduwe."
- ¹¹Yinu n Tewuduwe a yi kin ko, "Kun n tau ware wu nibu kiyalu ko wu tire, mwang ya lon Yafuda mwang ledu, mwang ya wuka naba Tarsu we fiko wu din kinu n Chawulu, kitwaba buni.
- ¹²N kin a tu a ku wuka ni din kinu n Ananiya we dwakam biyilimu a ya fi a dikine a yo kimin falang ke n kin a kudi."
- ¹³N Ananiya a yi, "Tewuduwe, min nwe yamiyu nabwen we dur naba niwu nu, we chi tibwilai titu n kin a ma we nibu mumi wauwadim a Wurchalimamu.
- ¹⁴N kin a be fi kini kike tikake fanseti ke kitau ka nang wuwule niye wu kisii mune."
- ¹⁵Aya n Tewuduwe a yi kin ko. "N ya min, ya n ma chitu mang fwatu. Dine n sutu kin ka mwa din minu we yikayu kuuti, n ti matim mu n ti nibu Yisrelamu.
- ¹⁶Mang yung kin nabwe riye n kin ka nwedu dine mwaku din minange."
- ¹⁷Yinu Ananiya a ke a ya, a le lo a kuku falikiyu a twai Chawulu ko. "Kemi n Tewuduwe a tum mine, nang Yesu wu mwang teka mine a ware wu mwang bunte. N kin a ke mwang kutudi we kidan, mwang ridu kini Fikim Kwamam."
- ¹⁸Binabina tikan chi yinang diwulin a swiye we nuyi kiyu, nuyu a wuden. Yinu n Kin a kun nibu a ma kimin batisma.
- ¹⁹Yo n kin a chau chabite, a ya dukanu.

N Chawulu kima dimwar a Dimasku

N Chawulu a tika yikai diti n ti nibu buntikimu we Dimasku.

- ²⁰Binabina n Chawulu a mwe kifwa yam we kambi murakitu ko, n Yesu nang Bwe Kwama.
- ²¹Nibu bibu a nwe kinimu a katan. N chi kitwayadu ko, "Nii wu n ke wu a chibe nibu a yaiti nibu kibunti Yesumu we Wurchalima? N kin n ke wu a be fi ko beka wo nibu yaka ni tikaketi fansetiyu ka mar chidu a dibintila?"
- ²²Aya n Chawulu a chakaku kini dukan mwakinu nabwen wu a yo nibu Yafudamu kiswedu a Dimasku a yimbu chi ka madite, n kin kitau kwarille ko n Yesu nang Masiya.

N Chawulu a swi we fali nibu Yafudamu

- ²³A kuteng diti nabwengu, nibu Yafudamu a do ka chi kinu.
- ²⁴Aya n Chawulu a nwe yam bibu. Kum n ti kuko n chi kiswedu kidwan we kwar bininu kidel kinu ko ke chi chi.

²⁵Aya n̄ibu k̄ibunt̄i k̄in̄imu a chaku k̄in k̄ini k̄it̄ing a wuka w̄are we yaa kwale b̄ine.

N Chawulu a k̄ila Wurchalima

²⁶Yo n Chawulu a le Wurchalima, n k̄in a funt̄ibwi ka lwekadu n ti miyar̄imu, aya n chi k̄inwe taikiyu d̄ine n chi a kebu b̄iyil̄imu ko a suten a kau naba bunt̄ike.

²⁷M Barnaba a yiu k̄in a yika fandubu m̄ini k̄in. Yinu a fwa chi m̄in yinangu n Chawulu a tekan n ti Tewuduwe we w̄are n ti yinangu n Tewuduwe a fwa k̄im̄in yam̄angu n ti yinangu n Chawulu a ma d̄imwaru we d̄in Yesu a Dimaskunu.

²⁸Yinu fal n Chawulu a swe n ti chi k̄iledu ka nang file we Wurchalima n ti chi, k̄ifwa yam̄u k̄ini dukan a ne tayi we d̄in Tewuduwe Yesunu.

²⁹T̄int̄ine k̄ifwa yam̄u n ti n̄ibu Yafudam b̄ibu k̄inwe yii Yelenamu, k̄itukadu n ti chi. N chi a funt̄i bwi k̄ibau w̄are ka ch̄in k̄ine.

³⁰Yo kebu n̄ibu bunt̄ik̄imu a swaan yam̄ b̄ibe, n chi a d̄au k̄in a yikan Kaisariya yinu we bwako n chi a tung k̄in a Tarsu.

³¹Yinu n̄itu n̄ibu bunt̄ik̄imitu a da buk we k̄idire Yafudiya n ti Kalili n ti Samariya. N̄ibu bunt̄ik̄imu a ya dukanu we F̄ik̄im Kwamamu kangu n chi a yaki bwidu nabwennangu k̄iswedu k̄ini tayi Tewuduwe.

M Bit̄ir a Lidda n ti Chofa

³²Yo m Bit̄ir a kana n̄ibu bunt̄ik̄umu kwang we fantiye, yinu a ya a ma siramu we n̄ibu bunt̄ik̄imu a b̄in Liddanu.

³³We bwako n k̄in a ya wuka nii, d̄in k̄inu n Yiniya, wu a bubuwe a da we kwamb̄ire a lam swat̄itu narube d̄ine bwi a ngirma a ne ying kunu.

³⁴M Bit̄ir a yi k̄in ko, “Yiniya, n Yesu Masiya a ben, kun n dal chi t̄idari mwitu.” B̄inab̄ina n k̄in a kun

³⁵Nabwe n̄ibe a Lidda n ti Charone a ku Yiniya k̄iya yayu, t̄itu a yo n̄ibu a ke b̄iyil̄imu we d̄in Tewuduwe.

M Bit̄ir a kukku Tabita a fur

³⁶Wuka na bunt̄ike we Yafa d̄in k̄inu n Tabita, wu a suten we yii n̄ibu Yelename ko n Dorka. Naye wu a ni yikiyu k̄ima nanḡin t̄iyilitu k̄imaka babumbubu.

³⁷We k̄iswi wuko, burang a tau k̄in, a bwat̄in. N chi a ru kwame a ya t̄iu a kan diin.

³⁸Aya d̄ine Lidda a kwatuwe Yafa, n̄ibu bunt̄ik̄imu a nwe ko m Bit̄ir n we Lidda. N chi a funt̄i bwi a tum n̄ibu burau ko a yale, “T̄iwana k̄in a be dat̄idatu.”

³⁹M Bit̄ir a kun a bunga ware n ti chi. Yo n chi a lam lo, n chi a yikani k̄ini Bit̄ir we kan diinu. Nat̄im bun̄imu a be bwal̄ k̄ini d̄ib̄il, k̄ikira winiyu k̄iyunḡt̄i lukei chiyu n ti kul̄initu n Dorka a machi m̄initu.

⁴⁰M Bitir a chaku chi kini kwang a filang, yinu a sung a twaba buni. Yo a riye, a sabran a yi kwame ko, "Tabita kun." Naye a wudu nuiyu, yinangu a ku Bitirengu, a kun a sweswe.

⁴¹M Bitir a tar falangu, a maka kin we kunkiku. Yinu a yale natim bunimu n ti nibu buntikimi kwang. A ni chi naye wu no a bwange kini tukuri.

⁴²Yamu a tiran we Yafa. Nibu nabwen a ke biyilimu we din Tewuduwenu.

⁴³A kuteng kiku m Bitir a dat yikai diti we Yafa a lon Simun wu kifu tibaline.

Nangin Fandubim 10

N Kwama a tum Bitir a nibu kuum

¹Wuka nii we bin Kaisariya, din kinu n Korneliyu. N kin wuka wuduwe we nibu kirang Romamu, wu a tau kwal nibu kirangmu wu a kwal Yitaliyanu.

²N kin n ti loko kiwul tayi Kwamayu, kisiti Kwama. N kin kifuntibwi kimaka tilusani nibu Yafudamitu ki twabati bunitu a diKwama kwadu.

³Wuka di kini kuko yo di a awa yitta, n Kin a ku naba ditumbire Kwama a dwakam biyilim wu a be fi a dikine a yal kin ko, "Korneliyu!"

⁴Wuko a kur nuyu kini tayi ko, "Wureni Tewuduwe?" Naba ditumbire a yi kin ko, twabaku mwangu n ti makaki babumbangu a lam kakku Kwamang. "A kau chi kurki we kakku Kwamangu."

⁵Tum nibu kikan a Yafa a yale Simun wu nibu kiyalu ko Bitire.

⁶N kin wu kidadu n ti Simun wu kifu tibaline. Loko a kitiku Wimang.

⁷Yo naba ditumbire a yikane, n Korneliyu a yale kabi kiyi burau n ti wuka naba kirange wu kinwe tayi Kwamai we bibu kima kimin nangangi kwadimu.

⁸A fwa chi min chi a fweeti kwang yinu a tum chi we Yafa.

⁹Bafinenangeko kini kuko, yo nibu bibu a mwata fiko, we kiswi wuko a ya m Bitir a fil dii a kan ka twaba buni.

¹⁰Chun a bu kin we fiko kibau chi ka chade, aya yo nibu we kisi chabtite, n kin a ma dwakam biyilim.

¹¹N Kin a ku dii a wuden, tikan chi kisuwedu we dii yinang sire kini fwitinetiyi yaana.

¹²We mure nai we dangtidangti yiyu kini nani yaanaiyu n ti yiyu yinang sotiyu n ti yiyu yinang kifariyu n ti yiyu yinang kinibiyu.

¹³N kin a kila nwe dikan ker ko, Bitir kun, bi n wu.

- 14M Bitir ko, “Tewuduwe, a ne mang medu dīne mang chabu chitu n ke wauwaditu, mang wuṭibu kīdum nai a lebiyu.”
- 15Yinu keru a fwate kīda ko, “Yidu chi Kwama a do wauwaditu we mwi n ke wauwadumu.”
- 16Kīchitu wu a fwe kīda yitta, yinu a ḍau a kīlati dii we kīn.
- 17Tītu a yar Bitir yii, yo n kīn a le kī kura chi kīchitu wu kiyungde, nību n Korneliyu a tumemu a lante dīne n chi a tu a bīu lon Simune.
- 18N chi a ma ḍisiiru a bīu chitu ka n Simun wu nību kiyalu ko m Bitir a siku we lo.
- 19Yo m Bitir we kītal chitu n kīn a ku we dwaḳwame, Fīkim Kwamamu a yi ko, “Nībi bitta kī bannu a kwar.”
- 20Kun n sub buntī chi we bwatībe, yan ya chi, kuradu chi we, m mīn n tum chiye.
- 21Yinu m Bitir a yawe kwaru, a yi nību bību ko, “M mīn nang ni tībadde. Tībe wureni?”
- 22N chi a yi kīn ko, “N Korneliyu a tum nīne, n kīn naba kunne wuduwe we kuu Roma, naba yile wu kīnwe tayi Kwamaye, wu kīni kīsiyange we nību Yafudami kwange. Naba ḍitumbire a yi kīn ko a yalīn a loko ke a nwe chi mwang fwa kīmīne.”
- 23Yinu m Bitir a yiu kebu bību a ni fidare. Bafīnenangeko a bunga ware n ti chi n ti bīkam nību buntīkīm bību a Yafamu.
- 24N chi ya lame Kaisariya bafīnenangeko. Yade n Korneliyu a swe kiyang chide, a murte kebu kīmu n ti fatībī kīmu.
- 25Kangu m Bitir a leen longu, a teka tīn n ti Korneliyu, n Korneliyu a sung a rīka Bitir.
- 26Aya m Bitir a yi kīn ko, “Kun, m mīn ni, m mīn n ke Kwama.”
- 27Yo m Bitir yakī fwa yamu n ti kīne, m Bitir a kun a le mure a ku nību nabwen a muran.
- 28N kīn a yi chi ko, n tīn n tīfwan tīyim a dakabu naba Yafudiya ka lwekadu, ka ya siram a wukane kuu nībe bību chi a ḍau a newe wauwade. Aya n Kwama a tu a yungi ko n yalu wuka nii we mi n ke wauwadu ka wubwilange we Dimasku
- 29Dīne yiko, yo mang ya diyale, mang kobu. Kīkangu m be mang nwe diyalu.
- 30Yinu n Korneliyu a yi kīn ko, we kuten diti yaana a suyu, yo mang le twābā ke, wuka nii a fwetewe kakku mangu, kīni kulīn ḍīdu kiyiladu yilanen.

³¹N k̄in a yai ko, “Korneliyu, n Kwama a yiu twabaku mwangu, a kur yinangu mun maka babumbangu.

³²Dine yiko, tum nibu a yal mine Bitir a Yafa. N k̄in kidadu a lon Simune wu kifu tibaline. Wu loko a kitiku wimange.

³³Nang chi a yo mang yaline, mwang mabe yinangu mwang bengu. Nin nang bibu nang ngaban we kakku Kwamangu, fwa nimin chi n Tewuduwe kibaddu mwang fwa niminde.”

Yam Bitir a lon Korneliyu

³⁴Yinu m Bitir a mwe kifwa yamu ko, “Kikumang n swaan kikanu, n Kwama a sutubusute.”

³⁵Aya kiyiu ka nang wuwule niye kasi no a wuwule kuu, bibu kinwe tayi kiyi kitumti yilemu.

³⁶A ta yim yamu n Kwama a tum Yisrela minemu, fwakiyam bilim Yesu Masiyamu n kin Tewuduwe kwang.

³⁷Tiyim ne chitu a fwe we tim Yafudiyamitu. Yamu a mwe a Kalili a kuteng dimwar batisma n Yowana a manu.

³⁸Tiyim yinangu Kwama a sutu Yesu wu a Nasarete a rii kini Fikim kimu n ti dukanangu. Dine n Kwama we ware n ti kine, n kin a le fansetiyu nabwen kimaka nibu kibeti bibu n Setan a tu a kwabimu.

³⁹N nin, nin ku chi n Yesu a maatu we nibu Yafudamu n ti Wurchalima. N chi a chiu kin, a yau kin a tiyang.

⁴⁰Aya n Kwama a kukku kin we diwutare, yinu a du kin ke a yung yikiyu ke nibu a ku kin.

⁴¹Nibu kini kwang a kuubu kin aya n nin bibu n Kwama a tu a sutu nin feredimu nin ku kin. N nin nang bibu nang chau chitu waremu, nang nokan ware a kutengu a kun we furangu.

⁴²N kin a yi nin ko nin ma nibu min dimwaru, nin fwa chimin tin ko n kin nang wu n Kwama a sutu kin ka mwata bikurimu n ti bibwarimu mine.

⁴³Fakubu kini kwang a ma dimwaru we dikine ko ni wu a ke biyilimu a din kine ka ya dukku kiletiyangu.

Bibu n ke Yafudawamu a yatj Fikim Kwamamu

⁴⁴Yo m Bitir we kifwa yame, Fikim Kwamamu a ri nibu a swe kinwe yam bilimimu.

⁴⁵Nibu buntikim a bii laar a Yafudamu a bunga we n ti Bitir a yar yii yinangu a ku yikayu kuuti a yatj kilimang Fikim Kwamamangu.

⁴⁶Dine n chi a nwe kifwa yamu kini yiiniyu dangtidangti, kidela Kwama. Yinu m Bitir a yi ko,

⁴⁷“N wure ka yidu ko ni madu nibu bibu minu batisma wenge? N chi a tu a ya riku Fikim Kwamamu yinang chini.”

⁴⁸Yinu n kin a ni da ko nibu a ma chi min batisma a din Yesu Masiya. We kuteng kiku n chi a yi Bitir ko a ma yikai diti n ti chi.

Nangin Fandubim 11

M Bitir a fwa nibu min chi a fwetu a Wurchalima

¹Fandubibu n ti kebu nibu buntikimu a tim Yafudiyami kwang a nwe ko yikayu kuuti a yiti yam Kwamamu.

²Yinu yo m Bitir a ya Wurchalima, bikam nibu Yafudawam bibu a mabu tikali kini da biku laarimu a wela Bitir,

³“A mayire mwan ya bwanu a nibu a bibu laarime? Wu mun chatti chabtu ware n ti chiye?”

⁴Yinu m Bitir a fwa chimini kwarikwari ko,

⁵“Yo mang ya min twaba buni a Yafa, m ma dwakam biyilim. We dwakamu n ku tikan chi kisuwedu a dii yinang sire kiku kini fwitine yaanang, a be kidwang n ti min.

⁶Yinangu mang dangangu, n ku yikai betinai yiyu kini naniyi yaana n ti yiyu kikwakada timiyu n ti yiyu yinang kinibiyu.”

⁷Yinu n nwe dikan ker didu a yi ko, “Bitir kun, bi n wu.”

⁸N yi mi kwako, Tewuduwe, a ne mang medu dine titu a lembu yiimi we, mang wuuntibu kidum nai yiyu a lebiyu we.

⁹Yinu keru a fwate kida ko, “Yalu chi n Kwama a do wauwade yidu we mwi a ke wauwadu.”

¹⁰Kichitu wu a fwe ki da yitta, yinu a dau a kilati dii we.

¹¹We kiswi wuko nibi bita kiyaliyedu a war we lo wu min we mine. Nibu a tume chi a Kaisariya ko a be ya min.

¹²Fikim a yi min ko m bun chimintin n yungdu lakaku we dicheye n ti min. Kebu bibi burukunimu a nabe nin nin le lo nii we ware.

¹³Yinu n kin a fwa nimin yinangu a ku naba ditumbire Kwama a le loko kifwadu ko, tum chi we Yafa, a yalle Simun wu nibu kiyallu ko Bitire.

¹⁴N kin ka be minedu kini yam tikurim bibu m mun n ti lomo kwang ta swidimu.

¹⁵Yo mang mwe mìn fwa chi mìn yame, Fìkìm Kwamamu a be a ri chi yinangu a wi a fwe n ti chiniyangu.

¹⁶Yinu n kur kìnì yam Tewuduwe a fwa ko, “N Yowana a ma batisma kìnì mwe, aya n chìn ta madu kìnì Fìkìm Kwamam.

¹⁷Ka n Kwama a ni chi kītìme a fi wiine n ti wu chire yoko niyan ke biyilìmu we Tewuduwe Yesu Masiya, m mìn n wure mang ko chitu n Kwama a mante?”

¹⁸Yo nìbu buntìkìm Yafudamu a nwe yam bìbe, n chi a dela Kwama ko, “N Kwama a ke yikayu kuuti mìn ko a wotì kītìmu ke a ya tìkuritu.”

Nìbu buntìkìmu a Antakiya

¹⁹Nìbu buntìkìm a yayan dìnè fumaku a kute n yam a dur Yistifanu. Bìkamu a yikan a fwe a Finikiya n ti Sayifuru n ti bìn dídun Antakiya. Kìma dìmwar yam Kwamamu aya a kana nìbu Yafudawam n chikun.

²⁰Aya bìkam nìbu buntìkìm we bìbu a chire a Sayifuru n ti Sairin, bìbu a yika Antakiya a fwa nìbu Yelenamu yam bìlìm Tewuduwe Yesumu.

²¹Dukan Tewuduwe we n ti chi yinang yinang. A yo nìbu nabwen a wo kītìmu a buntì Tewuduwe.

²²Yam chimu a fwe a Antakiya a le kīteli nìbu buntìkì a Wurchalimamu, yinu n chi a tum Barnaba a yawe Antakiya.

²³Yo a ya a ku kìlì mang delaku Kwamange, a ma furi mwen. N kìn a ngau chimìn kìkure ko a ti kìrìng we keku biyilì mang chiyangu, a chau kakku kìnì nìri diin we buntìku Tewuduwengu.

²⁴M Barnaba naba yile wu a rii kìnì Fìkìm Kwamame n ti keki bìlì mang. Tìtu a yo nìbu nabwen a ke biyilìmu we dì Tewuduwe.

²⁵Yinu m Barnaba a du fiko a yika Tarsu bwanu ka yaan Chawulu we.

²⁶Yo a ya kìnè fal, a kìlatewe kìnì kìn a Antakiya. N chi a ma swar we fiko kìmuradu n ti nìbu buntìkìm. Kìmiya nìbu nabwen mìn yam Kwamamu yinang yinang. Nìbu a mwe kiyal nìbu buntìkì Masiyamu a Antakiyamu ko krista.

²⁷We kìdang kangu bìkam fàkubu a kun we Wurchalima a yika Antakiya.

²⁸Wuka we tibe chi dìn kìn n Akabu, kangu n kìn a rii kìnì Fìkìm Kwamamu a kun a fwa yamu ko chun dídun yaka ma tìtì niti kwang. (Tìtu a be a fwe a kìdang Kaiser Kalaudiyu wu tau tìm Romame)

²⁹Miyarìmu a ke a tum nìbu buntìkìmu a kìdire Yafudiyamu mìn makaku. N kawure a ma chi dukan kìnì a meetu.

³⁰Tìtu nang tiyangu n chi a ma, a tum selìbu nìbu a kìdire Yafudiya mìn makakangu. M Barnaba n ti Chawulu a yikani kìnì dītumbìru.

Nangin Fandubim 12

Nibu a chiu Yakubu a yinge Bitir

- ¹We kidang kangu, m Mai Yiridu a mwe kitau bikamu nibu buntikim ka ni riye.
- ²N kin a yo nibu a chiu Yakubu, ke Yowana kini kul.
- ³Kangu n kin a ku titu a lima bwi Yafudawangu, n kin a suu kakku a tati Bitir. Titu a fwe a kiswi yiye kidanni nibu Yafudawa wu a ne yis we.
- ⁴A kuteng kiku n Yiridu a tau Bitir, a diku a dibintil, yinu a yo nibi kubchiri burukuun ko a nang to kinu. N kin kibaddu ka yodu a kakku nbang ke kimwata kimin a kuteng dii yiye yabake.
- ⁵M Bitir we dibintile, nibu buntikimu a ni yichiyu kitwaba kimin bunitu we dikwama.

M Bitir a chir we dibintilinu

- ⁶We kum wu n Yiridu a no kibaddu ka chake kinu ke kimwata kimine, nibu tokimi burabu kito Bitir yinangu a da duumu kini makilanu nibu a kwaban kinimu. Nibu kito lo tibintiliyemu a tituwe kwaru kitodu.
- ⁷Binabina wuka naba ditumbire Tewuduwe a fwe we fiko. Kaang yiiku a yii kani kwang. Yinu naba ditumbire a twai Bitir we kulanfwi, a yiko, "Kun!" Makilanu nibu a kwaban Bitir kininu a kwiya tin.
- ⁸Yinu naba ditumbire a yi kin ko, "Mu dikirinmunu n ti kiwami mwiyu, do lukemo m bumite."
- ⁹M Bitir a kun a nabu kin a chir we dibintilu, a yimbu ko chitu naba ditumbire kifwaditu kikumang. N kin a dau ko kanodu dwakam biyilim.
- ¹⁰Yo n chi a su nibu tokim bikakimu n ti birobimu a lam kwar kambirinu nibu kilen binine, kwaru a wudeni kifwan. N chi a chir tin. Yo n chi a ya kutan we nelo, naba ditumbire a duti kin.
- ¹¹Yinu a wora Bitir min fal. N kin a yi ko, "Kikumang n Tewuduwe a tume naba ditumbire ko, a be chaki we falang Yiridu sangu n ti nir diyanin didu nibu Yafudamu a no kibadu ka madinu."
- ¹²Yo n kin a swaane, a yika lon Maryam ne Yowana wu nibu kiyalu ko n Markuse, finu nibu nabwen a muramin kitwaba buniye.
- ¹³Yo m Bitir a bu kware, n Ruda fwan didu kima nanga we lonu a chire beka dangdu ka n wure.
- ¹⁴Yinangu a swir ker Bitirangu, a kila wul mure kini timilan, a yi ko m Bitir a ti a kwar sangkan.

¹⁵N chi a yi k̄in ko, “Fanḡimi k̄imana?” N k̄in a tii k̄ir̄ingching ko nang k̄in. B̄ik̄imu a yi ko kano naba d̄itumbire ko.

¹⁶Aya m Bit̄ir k̄ibu kw̄ari chik. Yo n chi a wude, aya m Bit̄ir. N chi a yar̄ yii.

¹⁷M Bit̄ir a kukku faḷangu kiyi chidu ko t̄ile m̄in. Yinu a le kif̄wa chim̄inu yinangu Tewuduwe a chake k̄in we lo d̄ib̄int̄ilangu. Yinu a yi ko, “T̄if̄wa Yakubu n ti b̄ik̄amu kebu m̄in.” A yikat̄i wuka fi.

¹⁸Yo t̄imu a kwiyane n̄itu n̄ibu k̄ir̄angitu a kayan yinang, a bwa n̄ibu chi a fwe k̄ini Bit̄ir.

¹⁹Yo n Yiridu a yo n̄ibu a babban a yabe, yinu a yo n̄ibu tok̄imu a kakku, a niti n̄ibu da ko a ch̄ibe n̄ibu tok̄imu. A kuteng k̄iku n Yiridu a kun we Yafudiya a ya ma yikai diti a Kaisariya.

Bwa Yiridu

²⁰We k̄iswi wuko, m mai Yiridu k̄ima kif̄wini k̄ini n̄ibu Tayamu n ti b̄ibu a Sidon̄imu. N̄ibu b̄ibu a be kw̄ali diin k̄ini t̄ikuran chitu a fiwiine. N chi a bau wu a kwatuwe d̄iMaiye wu d̄ikunu n Bilatu a yif̄ila maiye, ko a maka chi, chi baddu chi ku Yiridu. Yo n chi a ya fiko, a bau dokaku d̄ine n chi k̄id̄ang t̄im b̄ibu n nang fi n chi kiyang chabte.

²¹We di n chi a dokane, n Yiridu, a do kul̄in mat̄in̄in k̄inu, a swe we k̄id̄ing mat̄in̄angu, a fwa chim̄in yam.

²²Yo murak̄i n̄ibangu a nwe yam b̄ibe, n chi a yibi kuuu ko, “T̄itu ker wuka kwaman, t̄itu n ke ker niin.”

²³B̄inab̄ina wuka naba d̄itumbire Tewuduwe a ngau k̄in a mar a t̄im d̄ine a n̄ibu Kwama dwiyentu. We fiko rw̄ati a wu k̄in a lam̄int̄i yo a bwa.

²⁴Aya yam Kwamamu a chakakku k̄it̄iradu.

²⁵Yo n Barnaba n ti Chawulu a ri nangan chiyange, n chi a k̄ila we Wurchalima, a bunga we n ti Yowana, wu n̄ibu k̄iyalu ko m Markuse.

Nangin Fandubim 13

N̄ibu a tum Barnaba n ti Chawulu

¹We n̄ibu bunt̄ik̄imu a Antakiyamu, faḷubu n ti n̄ibu yunḡk̄imu we. Kanang chikiye m b̄iu Barnaba n ti Simeyon wu n chi k̄iyalu ko K̄iliye n ti Luchiyo wu a Sairine n ti Manayen (Wu a dwiyen a faḷang Mai Yiridu) n ti Chawulu.

²Yo n chi a ya k̄isii Tewuduwe k̄it̄wabaṭi bunitu k̄ini dimwene, Fik̄im Kwamamu a yi chi ko, “N sutu Barnaba n ti Chawulu d̄ine nangangu mang yal chi ka madangu.”

³A kuteng twabaku n ti dimwen, n chi a yo Barnaba n ti Chawulu min fali delaki ko a ya limang.

We Sayifuru

⁴M Barnaba n ti Chawulu a yika Salukiya, dine Fikim Kwamamu a tum chi. We bwako n chi a le kwambire mwe a yika Saiyifuru.

⁵Yo n chi ti fanseti a lam Salamise, a fwa nibu min yam Kwamamu we kambi muraku nibu Yafudamitu. N Yowana we ware n ti chi kima makaku.

⁶A kuteng kiku n chi a kanang bekune wu a mwe, a yikan a fwe a Fafos. N chi a ya tekamin n ti wuka faku tikwaniye naba Yafudiya, naba buwange wu n chi kiyalu ko Bar Chochuuwa.

⁷Wu n kin fate Kwabna Sarsiyu Fulu. N Kwabna Sarsiyu Fulu kini swaangku nabwen. N Kwabna a yal Barnaba n ti Chawulu dine kibaddu ka nwe yam Kwamamu.

⁸Aya naba buwange wu din kinu n Alimada (kini yii nibu Yelename) a kebu n chi ka fwa Kwabna min yam Kwamamu ko ke Kwaba a kedu biyilimu we.

⁹Aya n Chawulu wu n chi kiyal tinu ko m Buluse, a rii kini Fikim Kwamamu. N kin a fir Alima minti nu we riing.

¹⁰Yinu a yi ko, "M mun bwe Setane, m mun wu mwang kebu nangang kiyilange, m mun naba tikwani naba muline. A ne mwang du kaiku wari Tewuduwe yi deriya?"

¹¹Dang kikanu Kwama Tewuduwe yaka welanu kini dukan, yaka yo min tidui. Ka dau kiswi a ne mwang kuu kuko. Binabina dikuun n ti kilie a yinge nui kiyu. N kin a funti bwi a babba nii wu ka twaku kine."

¹²Yo Kwabna a ku kichitu we, a yar yii, a ke biyilimu we yungku yam Tewuduwe.

We Antakiya wu a Bisidiya

¹³M Bulus n ti nibu n chi waremu a chir we Fafos we kwambire mwe a yika Farka wu a tim Famfiliyame. N Yowana wu n chi kiyalu ko Markus a du chi a kila Wurchalima

¹⁴N Chi tin a du Farka a yika Antakiya wu a tim Bisidiyame. N chi a le kan muraku nibu Yafudamu we difikare a swe we.

¹⁵A kutengu n chi a ki we lwangin yilin Musangu n ti takida fakubu, tikaketi kan murakinu a tum chimin yam ko, "Kebu mim, ka tini kini bikam yam bibu ta fwa nimindime, ti fwa ninin."

¹⁶M Bulus a kun a kukku faliyu a yi chi ko, "Kebu mim nibu Yisrela n ti yikayu kuuti bibu kinwe tai Kwamamu, tinwe!"

17N Kwama n̄ibu Yisrelamu a sutu tukebu ch̄iremu, a yo chi a kau kuu wuduwe, we k̄idangu n chi a swe a Masarangu, Yinu a chake chi k̄ini dukan we a t̄im Masarmu.

18N Kwama a ma bwakwalange k̄ini chi swat̄itu wan taana we d̄isilachanḡinu.

19N k̄in a maka chi a chau k̄ila k̄ini kuuti ȳidibiin a t̄im Kananamu. N chi a yiu t̄im b̄ibu a kau kula chi. N chi a d̄au swat̄itu (450) yinu a ri nangang k̄iku.

20A kuteng k̄iku, n Kwama a ni chi n̄ibu mwatak̄im a lam̄inti k̄idang Samwila f̄aku Kwamangu.

21Yinu n̄ibu a bau mai, n Kwama a ni chi Saul bwe Kise wu a chire a kif̄iku Benyami, n k̄in a ma swat̄itu wan taana (40).

22A kuteng k̄iku n k̄in a chaku Saulangu, a yo Dauda a kau Mai, yinu a fwa ȳamu ko, “N ya bwe Yesse, ni wu mang m̄ilan yinange, wu mang ku ka ma k̄ike miye.”

23We kif̄iku niwangu, n Kwama a be Yisrela m̄ine k̄ini naba yuke, n Yesu. Yinangu a no fwangu.

24Yo no n Yesu a no fwadebe, n Yowana a ma d̄imwaru we n̄ibu Yisrelamu ko a wo k̄it̄im, a ma batisma.

25Yo n Yowana a mwatan ka ri nangang kange a b̄iu ko “T̄ikuradu tiko m m̄in n wure? M m̄in n ke k̄in fa. Aya wuka nii ka bedu we kuteng mangu, wu kono nang k̄idwaku k̄iwami kiyangu mang lwebu mang kwide.”

26Kebu m̄im, n t̄in bwes̄im Yibrayim, n ti ch̄in yikayu kuuti t̄inwe tayi Kwamaye, n̄ibu a tum ch̄ini m̄ine ȳam yukumu.

27N̄ibu Wurchalimamu n ti tikaketi chiyu a swaanbu ko n k̄in nang naba yuke. Kasi k̄iku yo n chi a maye a ri ȳam f̄akubu Kwamamu n̄ibu k̄i kidu ka nang wuwule dif̄ikare Yafudawamu.

28Kasi k̄iku n chi a yabu k̄ini k̄ile wu a lwe bwa, n chi a yi B̄ilatu ko a ch̄iu.

29Kangu n chi a ri chitu a mwal a dur k̄initangu, n chi a s̄iku k̄in we k̄it̄iyang bwangu, a ya t̄iu k̄in we furu.

30Aya n Kwama a kuk̄i k̄in we b̄ibwar̄imu.

31Ditiyu nabwen kiyung dur k̄inu we n̄ibu a bunga ware n ti k̄in we k̄alili yo a yak̄i yika Wurchalima. K̄ik̄angu n̄ibu b̄ibu n nang b̄ibu k̄ima n̄ibu m̄in d̄imwar̄imu.

32N n̄in nam b̄ibu nang fwa chim̄in ȳam b̄il̄imu, chi Kwama a bw̄au n ti tebu ch̄iremu,

33a ri ch̄ini m̄in, n ch̄ini bwes̄im k̄imu, we k̄idangu a kuku Yesu a furangu. Yinangu a mwal we S̄abura wurobengu ko, “M mun bwemi, n kau Te mun diwu.”

- ³⁴Yamu n Kwama a fwa ko n Yesu a ne bwa t̄inuwe k̄ida, a ne fwid̄imu. K̄ikumang n Kwama a ri d̄ikw̄al d̄idu we kunku kangu ko, “Mang ya delak̄iki wauwadang k̄iku a mwintuwe ka ridang. K̄iku mang bw̄au Dauda m̄inangu.”
- ³⁵A fwa a wuka fi we S̄abura ko, “A ne mwang du wu wauwade mo ka fwidu.”
- ³⁶A kuteng k̄iku n Dauda a ri k̄ike Kwama we nangangu a du k̄im̄inangu, yinu n k̄in a bwa, n chi a fur k̄in n ti tukeb̄i k̄im, bwi kiyu a fwi.
- ³⁷Aya n Yesu wu n Kwama a kuku we b̄ibwar̄ime a fwibu.
- ³⁸D̄ine yiko, kebu m̄in, a dakan ta yindu tiko yam̄ duku k̄iletimu, m Musa a fwa chim̄in a d̄in Yesun.
- ³⁹We d̄in k̄inu, ka nang wuwule niye wu a ke biyil̄ime a swi we kasi no t̄it̄ile aya a bwin yil̄in Musantu.
- ⁴⁰D̄ine yiko, t̄imangi daandaan ke k̄ila chitu tatt̄ik̄idai fak̄ubu Kwamamu a fwatu a fweduwe n ti ch̄in, a yi ko,
- ⁴¹“T̄inwei n t̄in b̄ibu t̄iswe n̄ibu mu, t̄iyar̄ yii t̄it̄wiyan! Yamang ma kaang nangang we k̄idang changu nangang k̄iku a ne ta ke biyil̄imu kasi no wuka ni a fwa chim̄in.”
- ⁴²Yo m Bulus n ti Barnaba yak̄ichiru we kw̄are, n̄ibu a yi chi ko a be fwa chim̄inti yam̄ b̄ibu k̄ida we dif̄ikare n̄ibu Yafudame k̄ikanede.
- ⁴³A kuteng k̄iku n̄iba yaran we murakangu, n̄ibu Yafudamu nabwen n ti yikayu kuuti b̄ibu k̄isii Kwamamu a nabu Bulus n ti Barnaba, b̄ik̄imu a ru chim̄in n̄itu ko a chakakku we l̄ime Kwama.
- ⁴⁴Yo dif̄ikare n̄ibu Yafudamu a kanenge, n̄ibu a muran yinangu b̄inu k̄ini kwang ka nwe yam̄ Tewuduwemu.
- ⁴⁵Aya yo n̄ibu Yafudamu a ku murak̄i n̄ibangu nabwene, a fwiren. N chi a le k̄ikwila yamu m Bulus k̄ifwad̄imu k̄ini kaiyan n̄ire k̄ini sw̄abaku n ti t̄ituran.
- ⁴⁶Aya m Bulus n ti Barnaba a fwa chim̄in yamu a ne tayi we, n chi a fwa ko, “A kau n̄ibu no ka mwe fwak̄iyam̄ Kwamamu we d̄ich̄ine. Aya yo tako, t̄ikudu tiko ta ya t̄ikuri k̄idiya kwadite, n̄in ngau n̄in t̄iku kabu a kuuti n ke n̄ibu Yafudamu.”
- ⁴⁷T̄itu nang yilang Tewuduwe a yi ko, “N yoon mwang kau yiiku we yikayu kuuti. Ke m be k̄ini yuku we t̄it̄initi kwang.”
- ⁴⁸Kangu yikayu kuuti a nwe yam̄ b̄ibangu; a ma t̄im̄ilan, a dela yam̄ Tewuduwe. B̄ibu n̄ibu a do chim̄in t̄ikuri k̄idiya kwadit̄imu a ke biyil̄imu.
- ⁴⁹Yam̄ Tewuduwemu a sub a t̄iran we t̄im̄ b̄ik̄imi kwang.

⁵⁰Aya n̄ibu Yafudamu a suuka nat̄ibu b̄iduumu n ti kwartabu k̄isii Kwamamu a kuki mul̄in we b̄inu. N chi a yo riye a ya Bulus n ti Barnaba, n̄ibu a naba chi we t̄im b̄ik̄imu.

⁵¹Fandubu a bu kuru we nani chiyu a kau d̄imwar n̄ibu b̄in d̄ik̄in̄imu, a kun a yika Yikoniya.

⁵²N̄ibu bunt̄ik̄imu a Antakiyamu a ri k̄ini t̄im̄ilantu yinang, n chi a rii k̄ini F̄ik̄im Kwamamu.

Nangin Fandubim 14

M Bulus n ti Barnaba a Yikoniya

¹We Yikoniya, m Bulus n ti Barnaba a ya Kan muraku Yelena yinangu n chi a me k̄iyadi kwadangu. N chi a fwa ȳam Kwamamu we fiko, n̄ibu Yafudam n ti yikayu kuuti nabwen a ke biyil̄imu.

²N̄ibu Yafudam b̄ibu a kebu biyil̄imu, a suuke n̄ibu yikayu kuuti, a yo yaram a le tibe chi n ti n̄ibu bunt̄ik̄imu.

³Yinu m Bulus n ti Barnaba a ma wandi we fiko, k̄ifwa ȳamu we dukan Tewuduwe k̄ini n̄iri diin, n Kwama a yung n̄ibu ko d̄imwar d̄idu diyil̄in we chi kaṭak̄itu n ti chi ȳar yiitu a l̄imekotu.

⁴Aya n̄ibu we b̄inu a yaran baḷti turau, b̄ikamu k̄ibunt̄i n̄ibu Yafudam, b̄ikamu k̄ibunt̄i fandubu.

⁵Yinu n̄ibu a yikayu kuutimu n ti n̄ibu Yafudamu n ti tikaketi chimu a ke ka ni chi riye ka kwelat̄inu k̄ini kali.

⁶Yo fandubu a nwe ȳam b̄ibe, a wul b̄intu Likoniyai ka nang chikiye List̄ira n ti Darbe n ti b̄int̄itu a kwatuwe fikotu,

⁷We bwako n chi a chakakku k̄ini d̄imwar ȳam bil̄im̄inu.

M Bulus a ma d̄imwar a List̄ira n ti Darbe

⁸We List̄ira, wuka nii we k̄ikube, nii wu a yaanbu yayu we kangu n̄ibu a b̄iu m̄inangu.

⁹Kidangu n k̄in a yak̄inwe d̄imwar Bulusangu, m Bulus a danḡ k̄ini riing, a ku keku biyil̄imang kangu, a yim ni wu a ke biyil̄imu ka ya beku.

¹⁰Yinu a yi k̄in ko, “Kun n titiye!” Nii wu a kuni nḡir̄itu a mwe ka yayu.

¹¹Yo k̄ituu n̄ibe a ku chitu m Bulus a maate, a fwa k̄ini yii Likniyamu ko, “Bet̄i kwamai a be nim̄ine yinang n̄ibu.”

¹²N chi k̄iyal Barnaba ko Sayus (kwama wuduwe wu a diyore) k̄iyal Bulus ko Yerme d̄ine k̄in nang naba bwe d̄itumb̄ire wuduwe.

¹³M wuduwe fanseti diyor Sayuse, wu kan diyor k̄inu a kuteng b̄inange, a be k̄ini tant̄ikai n ti filin t̄itu ka dosanditu we kw̄ar b̄in̄inu. M Mai diyore n ti n̄ibu a ke ka ma fandubu m̄in niku k̄ituumang.

¹⁴Aya yo fandubu b̄ibu m Barnaba n ti Bulus a nwe ȳam b̄ibe, n chi a ngiran lukei chiyu d̄ine kaiyan n̄ire, yinu a ya bwa n̄ibe k̄ini diyal ko,

¹⁵“N̄ibu t̄ima wureniye? N n̄in n̄ibu yinang ch̄in. N̄in be chimene k̄ini ȳam b̄ilim, ke t̄idu siiku tiyobitu a ne yu chinitu, t̄inang sii Kwama wu k̄ini t̄ikuriye, wu a yo dii n ti t̄imu n ti nabwe latiyu n ti chitu we mureti kwange.

¹⁶Yo ferediye n Kwama a du yikayu kuuti a buntu w̄ariyu n chi a kudiyu,

¹⁷n k̄in a yung yikiyu we nangin tiyilitu a maatu. Chi niing kur̄in k̄ine n we kwadu: Nang mwe twiye k̄ini nide n ti yinangu k̄idela ni k̄ini san̄angu. K̄iri chim̄in furu k̄ini chabt̄itu nabwen yinu k̄iri n̄itu ch̄intu t̄in k̄ini t̄im̄ilan.”

¹⁸K̄ini ȳam chim b̄ibi kwang, n chi we bobu yinu n̄ibu a du niku k̄ituumangu n chi no yaka ma chim̄indangu.

¹⁹Aya b̄ikam Yafuda a be a Antakiya n ti Yikoniya a be sute n̄itu n̄ibitu, a yo n̄ibu a kwela Bulus k̄ini kali, yinu a wuur k̄in, a mar, a kuteng b̄inang ko kanadu a bwa.

²⁰B̄ikam miyar̄im a be, a ya k̄in we fiko, n k̄in a kun a k̄ilat̄i b̄inu we. Baf̄inenangeko n k̄in a yika Darbe n ti Barnaba.

A k̄ilan Antakiya n ti Suriya

²¹A kuteng k̄iku n chi a mwa ȳam b̄ilimu a Darbengu, a ya n̄ibu bunt̄ik̄imu nabwenangu, n chi a k̄ila List̄ira, n ti Yikoniya n ti Antakiya wu a Bisidiya.

²²We ka nang d̄id̄ile b̄ine, n chi k̄i ru n̄itu n̄ibu bunt̄ik̄imitu, k̄ikum chim̄int̄i n̄itu ko a ti k̄ir̄ing we keku biyilimang chiyangu, k̄ikur chim̄inu ko wu k̄ibaddu ka le yaa Kwama ka ya fumaku nabwen.

²³A kuteng k̄iku m Bulus n ti Barnaba a sutu chim̄in sel̄ibu n̄ibu we ka nang d̄id̄ile kan Kwamane, a tw̄ab̄a chim̄in bunitu k̄ini dimwen, a yo chi a kang Tewuduwe wu n chi a ke biyilimu we.

²⁴Yinu n chi a yikan a tau w̄are wu a bunt̄i Bisidiya a ya fwet̄ina Famfiliya.

²⁵Yo n chi a ma d̄imwar ȳam Kwamanu we F̄ark̄a a kun a yikat̄i Atalia.

²⁶N chi a bunte kw̄amb̄ire mwe a k̄ila Antakiya, fi n̄ibu a wi a tw̄ab̄a chim̄in bunitu we ko l̄ime Kwama a to nangang k̄iku n chi k̄imadange.

²⁷Yo n chi a lam fiko, a mur n̄ibu bunt̄ik̄imu a fwa chim̄in chitu k̄ini kwang t̄itu Kwama a yak̄i madu a d̄ichiyetu n ti yinangu n k̄in a wudu yikayu kuuti m̄in kw̄aru a ke biyilimangu.

²⁸N chi a ma wandi we bwako n ti n̄ibu buntik̄imu.

Nangin Fandubim 15

Kwāl k̄ikati n̄ibu buntik̄im a Wurchalima

¹Yo m Bulus n ti Barnaba we Antakiya, b̄ikam kebu a be a Yafudiya be k̄imiya n̄ibu m̄inu ko, “Ka ta biibu laaru yinangu yilang Musangu a fwange, a ne ta ya yuk̄iku.”

²T̄itu a yo Bulus n ti Barnaba a le tukaku we ȳam b̄ibu. A kuteng k̄iku, n chi a tum Bulus n ti Barnaba n ti b̄ikam n̄ibu buntik̄im, ko a ya Wurchalima bwanu a fandubu n ti sel̄ibu ȳam Kwamame, a twaya we ȳam b̄ibu n ti chi.

³A kuteng k̄iku n̄ibu buntik̄imu a yom̄ine chiyangu, n chi a tau Finikiya n ti Samariya k̄ifwa n̄ibum̄imu yinangu yikayu kuuti a ke biyil̄imangu. T̄itu a yo n̄ibu buntik̄imu a ma t̄im̄ilan.

⁴Yo n chi a lam Wurchalima, n̄ibu buntik̄imu n ti fandubu n ti sel̄ibu kan̄imu a yiu chi kani yurau. Yinu n chi a fwa chim̄in yinangu Kwama a maka chi we nangin chitangu.

⁵Yinu b̄ikam n̄ibu buntik̄im b̄ibu a k̄iswi kwāl n̄ibu Farisamu a kun a ti a fwa ko, “N̄ibu b̄ibu a wo k̄it̄im, n chi n ke n̄ibu Yisrelamu, a mwintuwe ka bii laaru yinu ka bunt̄i yilang Musangu.”

⁶Fandubu n ti sel̄ibu a muran ka t̄al ȳam b̄ibu.

⁷A kuteng k̄iku n chi a d̄au k̄iswi k̄it̄ukadu we murak̄i chiyangu. M Bit̄ir a kun a yi chi ko, “Keb̄im̄im, t̄iyim n Kwama a suti feredi we tibe ch̄in ko ke n̄ibu a yikayu kuuti a nwe ȳam bil̄imu a ke biyil̄imu.

⁸N Kwama wu a yim n̄itu n̄ibite, a yung k̄iyiu b̄ibu n ke n̄ibu Yisrelamu yoko a ni chi F̄ik̄im b̄ibi wauwad̄ime, yinangu n k̄in a ni chiniyangu.

⁹N k̄in a yungbu lakaku we tibe chire n ti b̄ibu n ke n̄ibu Yisrelamu, d̄ine n̄itu chitu a nuran we keku biyil̄imang chiyangu.

¹⁰D̄ine yiko, a mayire t̄iswe Kwama t̄iyō miyar̄imu m̄in k̄idaddake, chi a ne dwal d̄akke, ka nang chikiye, yil̄in t̄itu a bwa takeb̄i chirem n ti chinitu.

¹¹Aya n̄in ke biyil̄imu, n ch̄ini kwang ni swi a w̄are wiin, wu nang w̄are l̄ime Tewuduwe n Yesuwe.”

¹²N̄ibu a muran̄imu a le s̄ing k̄inwe ȳamu m Barnaba n ti Bulus k̄ifwa chim̄in̄imu we chi k̄atak̄itu n ti chi ȳar̄ yiitu n Kwama a ma chim̄in we kuuti n ke n̄ibu Yisrelamu.

¹³Yo n chi a riye, n Yakubu a yi chi ko, “Kebu m̄im t̄i nwei.

14N Simun a fwa chimin yinangu n Kwama a mwe kiyung yikayu kuuti min milaku we yo a dau nibu n ke nibu Yisrelamu a kau bikime.”

15Bibu fal a wuran bwi kini yam faku a mwal ko,

16“A kuteng kiku mang kilawedu be mang muti lon Dauda a yare we. Kasi kiku a wurenangu, mang mutinuwe Mang kukutinu we.

17N Tewuduwe a yi ko nang ware yikayu kuuti ka ban mine, n chi ka kau bisutirim mim.

18N Kwama a fwa ying, n kin wu a yung nibu yam bibu ferediye.”

19“M min n ku a da yiko, a dakabu ni fuma bibu n ke kuu nibu Yafudamu bibu kike biyilimu a diKwamamu.

20Chi mang ku ni maditu, ni tum chiminu ko a chadu chabtu tiyobitu we n ti yaritu, n ti naiyu nibu kisakkwiru sabeyu n ti kituum.

21Nangkin we feredi ka nang didile bine nibu yungkimu we n ti yilang Musangu, nibu kikidu we kambi Kwamatu difikare nibu Yafudamu.”

Lwangin dine nibu buntikimu a yikayu kuutimu

22Yinu fandubu n ti selibu n ti nibu buntikimi kwang, a satu bikam nibu a tum a Antakiya, n chi n ti Bulus n ti Barnabas ke a be fwa chimin chi we muretu. Selibu nibu buntikimu a swabimu n Yafuda (wu nibu kiyalu ko Barsaba) n ti Sila.

23N chi a tum fandubu n ti selibu kini lwangin yam bibinu we Kilikiya n ti yikai kuuti: N nina kebu chim fandubu nibu buntikim. Nin mwal chiminu n tin bibu n ke nibu Yafudamu a Antakiyamu n ti tim Suriyamu n ti Kilikiyamu, nin sii chinedu nabwen!

24Nin nwe bikam nibu we tibe nin kikwau chinu kini yam bikusim kimiya chimin bikam yam bibu nang yimbu bwana chirminem.

25Nang chi a yo nang ku a da nang satu nibu nang tum chiminu n ti fatibu nanganmu, m biu Barnaba n ti Bulus,

26n chi bibu a ni dutu chitu dine din Tewuduwe Yesu Masiya.

27Dine yiko nin tum chimine Yafuda n ti Silas. N chi chifwan ka fwa chimin yam nimu yinangu we minangu.

28“A le yiko we Fikim, n nin nin dang a le nimin tin ta swaan yamu ke a kau chiminuwe kini tureng,

29kanang chikiye, niku kituum a diyorangu n ti chakku kituumangu, n ti wuku nam wu nibu a sakkwirusabbe n ti yaritu. Ka ti soo yichiyu we tite, tima chitu a daantu yinange. N du chin limang.”

- ³⁰N chi a kun a yika Antakiya, a ya mur n̄ibu, a ni lwangin d̄idu.
- ³¹Yo n̄ibu a ki lwangin d̄ide, a nwe tamang d̄ine lwangin d̄idu a su chimin runi.
- ³²N Yafuda n ti Sila, d̄ine n chi fakubu Kwamame, a ngau kebibu min kikure kini yamiyu a kum chimin tin n̄ittitu.
- ³³A kuteng k̄iku n chi a ma wanditi we bwako, yinu a sikan n ti kebu n̄ibu buntikimu a du chi a k̄ila bwa n̄ibu a tumine chiye.
- ³⁴[Aya n Sila a ke ka swedu we bwako.]
- ³⁵M Bulus n ti Barnaba a swe we Antakiya k̄imaka n̄ibu b̄ibu kiyungdimu n ti b̄ibu a fwa yam bilim Tewuduwemu.
- ³⁶A kuteng wanditiyangu, m Bulus a yal Barnaba ko chi yika siram a b̄intitu no n chi a ma mine dimwar dikwal yam bilim Tewuduwe fereditu, ke chi ku yinangu n chi k̄imadangu.
- ³⁷Aya m Barnaba a no ke ka yikadu n ti Yowana wu n chi kiyalu ko m Markuse.
- ³⁸Aya m Bulus a ko d̄ine m Markus a du chi we Famfiliya a ko a yikabu ware n ti chi.
- ³⁹Tukaku chiyangu a ma dukan a mwintuwe n chi a yaran. M Barnaba a yal Markus a le kwambire mwe a yika Saiyifuru.
- ⁴⁰Aya m Bulus a sutu Sila, a bunga ware a kutengu kebu n̄ibu buntikimu a yo chimin delaku we din Tewuduwenu.
- ⁴¹N chi a bunt̄i Suriya n ti Kilikiya, k̄ikum n̄ibu buntikimu min n̄ittitu.

Nangin Fandubim 16

N Timoti a bunt̄i Bulus n ti Sila

- ¹M Bulus a ya Darbe n ti Listira. We Listira wuka naba miyare we din kinu n Timoti. N kin bwe wuka na Yafudiya wu kibunt̄i Kwama. N te kin naba Yelena.
- ²Kebibu a Listira n ti Yikoniyamu kiwer Timoti we nangin kitu.
- ³D̄ine m Bulus kibaddu ka yikadu n ti Timotiye, a bi k̄imin laaru d̄ine n̄ibu Yafudam a kitwalang kange a yim ko n te Timotiye naba Yelena.
- ⁴We k̄idangu n chi a chir kibunt̄i b̄intitu, kifwa n̄ibu minu chi selibu n ti fandubu we Wurchalima a fwa yam chabtimu n ti b̄ibu a yarimu, ke n chi a madu tikali we kini yilangu.
- ⁵D̄ine yiko, n̄ibu buntikimu kisudu k̄ila min fiko kini keku biyilimangu.

⁶A kuteng k̄iku m Bulus n ti Sila a kana b̄intu Firichiya n ti Kalatiya d̄ine F̄ikim Kwamamu a dang chi fwaku yam Kwamamu we Asiyange.

⁷Yo n chi a lam k̄idire wu a t̄im Misiyame, n chi a funt̄ibwi ka bunt̄i Bitiniya, aya F̄ikim Yesumu a dubu chi ko a ya.

⁸D̄ine yiko, n chi a bunt̄i k̄it̄iku Misiya, a suu bwa Toruwa.

⁹K̄ini kum m Bulus a ma dwakam biyilim, we dwakamu, n k̄in a ku naba Makadoniya a titiye k̄iwana k̄inu ko, “Be Makidoniya, be maka n̄in.”

¹⁰A kuteng k̄iku m Bulus a ku dwakam biyilimangu, nang kaibu k̄iswi, n̄in kun n̄in yika Makidoniya. D̄ine n̄in swaan ko n Kwama a yal n̄in ko ya n̄in ma d̄imwar yam biliminu we bwako.

N Lidiya a yiu Kwama we Filibi

¹¹Yinu n̄in kun we Toruwa n̄in le kwambire mwe n̄in yika Samurtakiya. Yo t̄imu a kwiyan, n̄in yika Niyafoli.

¹²We bwako, n̄in kun n̄in yika Filibi wu a wume mat̄in Roma, n nang b̄in d̄idunu we t̄im Makidoniyamu. N̄in ma wanditi we bwako.

¹³We difikare Yafudame n̄in chir we kw̄ar b̄in̄inu, n̄in yika k̄it̄iku laang fi n̄in kamadu nang yaan n̄ibu Yafudam k̄itw̄ab̄a m̄in buniye, n̄in swe we fiko n̄in fwa yamu n ti nat̄ibu a muran we fikomu.

¹⁴N Lidiya we b̄ibu a sii k̄itele yinang k̄inwe n̄inimu, n k̄in fw̄an Tiyatira, kifeku kul̄in d̄idi bungbunḡin d̄idu a ma kamb̄ir̄in. N Tewuduwe a wudu n̄ir k̄inu, n k̄in a si k̄itele we yam Kwamamu m Bulus k̄ifwad̄imu.

¹⁵A kuteng k̄iku n̄ibu a ma k̄im̄in batisma n ti n̄ibu lokomu, n k̄in a wana n̄in ko, “Ka ta ke biyilimu we Tewuduwe, t̄ibe Lomi t̄i s̄iku we. A kutengu n k̄in a da n̄im̄in k̄itimangu, n̄in ke k̄im̄in.”

N̄ibu a yinge Bulus n ti Sila a d̄ib̄int̄i

¹⁶Wuka di, yinangu nang chir n̄in yika tw̄ab̄akungu, n̄in tekan n ti d̄ikan fw̄an kab̄e d̄idu k̄ini k̄if̄ibt̄i d̄idu k̄ima buwang. Wu tewuduwe ko kiya kamb̄ir̄ we nabwen we buwangu k̄imadangu.

¹⁷Fw̄an d̄idu a le k̄ibung n̄im̄in t̄inu, n n̄in n ti Bulus, k̄ifwa yamu dukan ko, “N̄ibu b̄ibu n̄ibu Kwama Tewuduwe, k̄ima chim̄in d̄imwar w̄are wu a yuke.”

¹⁸Ditiyu nabwen k̄ifwa yam b̄ibu, t̄itu a kai Bulus m̄in n̄ir, n k̄in a sabran a yi fw̄anu k̄ini k̄if̄ibt̄i ko, “We d̄in Yesu Masiya, chir m̄in we fw̄anu. Binabina k̄if̄ibt̄iyu a chirt̄in.”

¹⁹Yo Tewuduweko a kuu w̄are yaku kamb̄ire chingu a tale, n chi a tau Bulus n ti Sila, a yikan tikaketi n̄ibu kabak̄imu m̄ini k̄in a bwa kw̄am̄are.

- 20 Yo n chi a lam fi a kwɔl kabakine, a yi chi ko, “Nibu Yafudam bibu kikai bin chirenu.
- 21 N chi kimiya datiyu a dakabu n chini ni yiddu ka ni buntine. Dine n chini nibu Roma.”
- 22 Nibu a kiya chimintuwe kitibu, kwɔl kabakinu a ngira chimin lukeyu, a suku chi a dubi twatwad, yinu a yi nibu ko a twalani kwantang.
- 23 A kuteng kiku nibu a ni chi riyengu, a mar chi a dibintil, yinu a yi nii kito lo dibintile ko a to yinang.
- 24 Nii kito lo dibintile a yiu yam bibu kani yurau, a yikani kin a kan didu a murenu, a kwau chi a dibintil kwalimin.
- 25 Kini kitangtilang kumang m Bulus n ti Silas kitwaba bunitu kikabati teni delaki Kwamamu, tibintilitu kinwe chidu yinangu n chi kikaba teniyangu.
- 26 Binabina timu a mikan kini dukan, lo tibintiliye a mikan kini tame kwang. Kanang didile kware a wuden, makilanitu a fali tibintiliniti kwang a kwiyan a twaka tin.
- 27 Yinangu naba toke a kaban we duumangu a ku kwatitu a wudenangu, a chaku too kibaddu ka chiu dur kinu, dine we kamaki kangu, ko kano tibintilitu a chir.
- 28 Aya m Bulus a ngau keru kini dukan ko, “Chiddu dur munu we, n nin we kini kwang!”
- 29 Yinu nii kito lo tibintiliye a bau kirang, a wul we bwa diBulus n ti Sila a ya yar we kakku chiyangu.
- 30 A chaku chi a filang yinu a biu chi ko, “Tewuduwe, mang ma wureni ke n ya yuke?”
- 31 N Chi a yi kin ko, “Ke biyilimu we din Tewuduwe n Yesu, mwang ya yuku, mun n ti lomo kwang.”
- 32 We kidang kangu, n chi a fwa kimin yam Tewuduwe mu n ti bibu we dibintilim kwang.
- 33 We kiswi wuko, nii kito lo dibintiliye a yikani kini chi a nura chimin bumbitu, yinu n chi a ma kimin batisma, n kin n ti loko kwang.
- 34 Nii kito lo tibintiliye a be kini chi a loko, a ni chi chabtitu we fiko. N kin n ti loko a ri kini ka timilan dine n chi a ke biyilimu we diKwama.
- 35 Yo timu a kwiyan, kwɔl kabakinu a tum chitu ko nibu a yi ni kito lo tibintiliye ko. “A mar nibu bibu.”
- 36 Nii kito lo tibintiliye a yi Bulus ko, “Kwɔl kabakinu a tume chi, ko m mar chin. Dine yiko tichir, tiya limang.”

³⁷Aya m Bulus a yi ko, “N chi a twala n̄in a kakku n̄ibang, yoko n chi a tibu kabade, kasi k̄iku n̄in n̄ibu Romame. N chi a mar n̄in a d̄ib̄int̄il. Yinu k̄ichaku n̄inni daan. A ne nang chiru! N chi a be chifwan, a be chaku n̄in.”

³⁸N̄ibu nanganmu a ya fwa kw̄al kabak̄inu m̄in yam̄ b̄ibu. Tayi a tau n̄ibu b̄ibu kangu a nwe ko n̄ibu b̄ibu n̄ibu Romamu.

³⁹Yinu n chi a be a ni Bulus n ti Sila bwanu. A kuteng k̄iku n chi a yo n̄ibu b̄ibu, a wana chi a chir we b̄inu.

⁴⁰Yo m Bulus n ti Sila a chire we d̄ib̄int̄ile, a yika bwa d̄iLidiya. A kutengu n chi a ku kebu n̄ibu bunt̄ik̄imangu, a ru chim̄in n̄itt̄itu, yinu a yikan.

Nangin Fandubim 17

M Bulus a ma d̄imwar a Tasalonika

¹M Bulus we yayu chi a bunt̄i Amfibolis n ti Afoloniya, a fwadu a Tasalonika finu k̄ini kan muraku n̄ibu Yafudame.

²Yinangu n k̄in a mek̄imadi kwadangu, m Bulus a ma wandi yitta we kan murak̄inu, k̄itukadu n ti chi we dif̄ikare n̄ibu Yafudam we yam̄ b̄imwal̄im Kwamamu.

³K̄ifwa chim̄inu yinang yamu wem̄inangu, kiyung t̄inu ko m Masiya k̄ikumang a nwe riye, yinu k̄ikumang a kun we furu. M Bulus a chakakku ko, “N Yesu wu m̄in fwa chim̄ine, n nang Masiya.”

⁴Yinu b̄ikam n̄ibu Yafudamu n ti n̄ibu Yelenamu b̄ibu yam̄ Kwamamu a twai chimu a ke b̄iyil̄im yamu m Bulus n ti Silas n ti b̄ikam b̄iduum nat̄ibu nabwen a bungan ware n ti chimu ke chi sii t̄in chi.

⁵Aya n̄ibu Yafudamu a fwiren, a ya babba bwes̄im k̄ifib̄t̄im b̄ibu kiswedu a kwamar̄im. Yo b̄ik̄imu a murane, a suk̄itu n̄itu n̄ibitu k̄ini kulankulange we b̄inu. N chi a wul we lo Yasone wu m Bulus n ti Sila a s̄ik̄im̄ine ke chi be n̄ibu m̄ine k̄ini chi a tibe n̄ibe.

⁶Yo n chi a ri we, a k̄ila tau Yason n ti b̄ikamu kebu n̄ibu bunt̄ik̄im a yikan kakku kw̄al kabak̄inang k̄ini keme chi ko, “N̄ibu b̄ibu nang b̄ibu k̄iluku t̄it̄inimu, n chi a bete fi.

⁷Nang wu n Yason a yiu chi we loko. N chi k̄iki yilang Kaisar, kiyidu ko wuka Mai we, d̄in k̄inu n Yesu.”

⁸Yo n̄ibu b̄in̄imu n ti kw̄al kabak̄inu a nwe b̄ibe, t̄ikuran chitu a muten.

⁹N chi a marbu Yason n ti n̄ibu bunt̄ik̄imu, a yo chi a fe kamb̄ir yinu a mar chi.

M Bulus n ti Sila a yika Biriya

10 K_{ini} kum, kebu n_{ibu} buntik_{imu} a yo Bulus n ti Silas ko a yika Biriya. Yo n chi a lam bwako a le kan murak_{in} n_{ibu} Yafudamu.

11 Yade b_{ibu} n_{ibu} k_{ini} bwanu yinang Tasalonika, a yiu y_{am} chimi kani yurau. N chi k_{ital} y_{am} Kwamamu n_{ibu} a mwal_{imu} diti k_{idang}. K_{ibaddu} ka yindu ka y_{am} Bulus_{imu} biyil_{ime}.

12 We Biriya n_{ibu} nabwen a ke biyil_{imu}. A lant_i b_{idu}umu nat_{ibu} Yelena n ti b_{ikam} kwartabu Yelena nabwen.

13 Aya yoko n_{ibu} Yafudam b_{ibu} a Tasalonikamu a nwe ko m Bulus k_{ima} d_{im}war y_{am} Kwamanu a Biriya, n chi a ya we bwako a ya kuku mul_{inu} we bwako t_{in}.

14 B_{inabina} kebu n_{ibu} buntik_{imu} a yo Bulus a yika k_{itiki} laang kasi k_{iku} n Silas n ti Timoti a dubu b_{inangu}.

15 N_{ibu} buntik_{imu} a bungan n ti Bulus_{imu}, a su a yika Atina k_{ini} Bulus. Yo yaka k_{ilade}, m Bulus a tume chi we d_iTimotiye n ti Silas ko a be bwa d_{ikine} daatu.

M Bulus a yika Atina

16 Yo m Bulus k_{iyam} Timoti n ti Silas we Atina, n_{ir} k_{inu} a kaiyan yinangu a ku b_{ini} kwang ka t_{iyobiye}.

17 Diti k_{idang} n k_{in} k_{itukadu} we kan murak_i n_{ibu} Yafudamu n ti b_{ikamu} n_{ibu} Yelenam b_{ibu} k_{isii} Kwamamu. Kanang wuwule diye k_{itukadu} n ti b_{ibu} n k_{in} k_{iyadu} a kw_{amaru}.

18 N k_{in} k_{itukadu} t_{in} n ti Abikuriya n ti n_{ibu} Sitokiyam b_{ibu} k_{ini} yingku yinang_{imu}. B_{ikamu} a yi ko, “N k_{in} naba did_{ikunine} wu, k_{ifwa} chim_{inu} ko wule?” B_{ikamu} a yi ko, “Yinang nii wu k_{ima} d_{im}war t_{iyobi} k_{ifibti} a newe bw_{akanitu}.” N chi a fwa ying d_{ine} m Bulus k_{ima} d_{im}war Yesunu n ti kunk_i kw_{amiyang}.

19 N chi a yikani k_{ini} Bulus a kun Arasan nang fi kw_{al} kabak_{in} a b_{in} we m_{ine}. N chi a b_{iu} k_{in} ko, “We m_{wang} kedu, m_{wang} fwa n_{im}in y_{am} b_{ifwim} b_{ibu} mun miyad_{ima}?”

20 D_{ine} nang nwengbu y_{am} b_{ibu} we k_{iteli} niyu. N_{in} baddu nang swaan y_{am} b_{ibu} yinang.”

21 N_{ibu} Atinami kwang n ti rungko k_i swedu we t_{im} chime, a ke ka nwe y_{am} b_{ifwim} ke chi fwa y_{amu} we dur k_{inu} yinang.

22 Yinu m Bulus a kun a titiye we muraku chiyangu a kun d_{iyorin} a yi chi ko, n_{ibu} Atinam! N swaan, n t_{in} n_{ibu} b_{ibu} k_{ibau} y_{am} Kwamamu yinang kasi no wuwule k_{iswi}.

23 D_{ine} yo mang bw_{al} we nelo, n ku kw_{al}in chinu t_{isidinu}, n kut_i d_{ikan} kweer d_{idu} a niku k_{ituuman} k_{ini} d_{im}wal d_{idu}, “D_{ine} Kwama wu niyang yimbe.” K_{ikumang} Kwama wu t_{isiidu} niyang yimbe, nang wu m_{in} mwa ch_{ine}.

²⁴N Kwama wu a yo t̄it̄initu n ti chi we mureti kwange, n Tewuduwe diye n ti t̄imi kwange, a swebu we fantiyu n̄ibu a ma faḷangiyu.

²⁵T̄int̄ine a babu ni ka maka k̄inu, a bat̄ibu t̄ikan chi, d̄ine n k̄in k̄ini t̄ikuri n ti F̄ik̄imi kwang.

²⁶We nii wiin n k̄in a yo, kuuti yiyu a t̄it̄iniyi kwang a chire we. N k̄in k̄iyo k̄idangu n ti fantiyu ka nang wuwule kuuwe ka sweendiyu.

²⁷“N Kwama a ma ying ko ke n̄ibu a bau k̄in, ka we twaya k̄iku n̄ibu ka ya k̄ine kasi k̄iku n k̄in a newe kutan n ti ka wuwule chirengu.

²⁸N k̄in nang wu k̄iyo t̄ikuri chiretu k̄it̄wadu, ni ma bwiyu k̄ini t̄ikuri.” Yinangu b̄ikamu n̄ibu tenim chim a fwangu, biyil̄im n ch̄ini t̄in a k̄ikuwang kang.

²⁹Yinu yo we yiko, a dakabu ni yidu ko Kwama chire, n̄ibu a ma faḷang k̄ini s̄inariya ka asurfa n ti kali yiyiliye.

³⁰Yo ferediye, n Kwama a mwatabu n̄ibu m̄inbu we k̄ileti kawure k̄imadu a kwalan swaangku ch̄inge. Aya k̄ikangu, n k̄in k̄iyal n̄ibu ka bwale ko a wo k̄itim.

³¹D̄ine n k̄in a yo di wu beka mwata t̄it̄initu m̄inde. N Kwama a yung n̄ibu ko t̄itu ka fwedu yo a kuku k̄in we fure.

³²Yo n chi a nwe yam kunku kwamiyange, b̄ikamu a nuranurane, aya b̄ikamu ko chi nwet̄i yam b̄ibu k̄ida.

³³We k̄idang kangu, m Bulus a chir we fi a murake.

³⁴A kuteng k̄iku, b̄ikamu a nabu Bulus, a ke biyil̄imu. N Diyonisiyu, bwe kwal̄ kabak̄ine wuka naye wu d̄in k̄inu n Damari n ti b̄ikam a nabu Bulus.

Nangin Fandubim 18

M Bulus a ma d̄imwar a Korinti

¹A kuteng k̄iku, m Bulus a chir we Atina a yika Korinti.

²We bwako n k̄in a ngaban n ti wuka naba Yafuda d̄in k̄inu n Akila, naba b̄in Fontu. Aya n Akila n ti nayeko m Biriskila a mabu ke yinangu n chi a k̄ilawe Yitaliyangu. D̄ine n Kalaudiyu a na yilang ko n̄ibu Yafudamu k̄ini kwang a du t̄im Romamu. Yinu m Bulus a ya bwana d̄ichiye.

³Yade n chi ka n̄ibu k̄iti t̄ikubime, n k̄in a swe n ti chi k̄ima nangangu ware.

⁴Kanang wuwule dif̄ikare n̄ibu Yelenamu, n k̄in k̄ile kan murak̄inu k̄ifunt̄ibwi we tukaku ko ke k̄iwuba we n̄ibu Yafudamu n ti yikayu kuuti.

⁵K̄idangu n Silas n ti Timoti a be we Makidoniyanu, m Bulus a dau k̄iswi ko, k̄ima d̄imwaru k̄ifwa n̄ibu Yafudamu m̄inu we biyil̄im Yesu nang Masiya.

⁶Aya n̄ibu Yafudamu a le sw̄aba Bulus k̄itura t̄inu, n̄ k̄in a ngau kul̄in k̄inu f̄it̄ib ko, “N̄ibu ka bau k̄ituum chimu a dutu ch̄in!” M̄in n̄ chir we b̄ibu. A mwetuwe diwu mang k̄iladi b̄ibu n̄ chi n̄ ke kuu n̄ibu Yafudame.

⁷M Bulus a chir we kan murak̄inu a yika lo Titus, Yustus naba kuu wu k̄isii Kwama. Loko a kwatuwe kan murak̄inu.

⁸N Kiribu wuduwe kan murak̄ine a ke biyil̄imu we Tewuduwe n̄ k̄in n̄ ti d̄ikur lon k̄inu. N̄ibu Korintiyam we fikomu a ket̄i biyil̄imu yinangu a nwe yam Bulus̄imu, n̄ chi a mat̄i batisma.

⁹K̄ini kum wuka di, n̄ Tewuduwe a fwa Bulus m̄in yam a dwakam biyil̄im ko, “Nwedu tayuwe, nang fwa yam Kwamamu dudu we.

¹⁰D̄ine m̄ m̄in we n̄ ti mun, a ne ni ka ma m̄in t̄ikan chiye we, d̄ine m̄ini k̄ini n̄ibu nabwen we b̄in d̄idu.”

¹¹M Bulus a ma swar we b̄in d̄idu k̄ini swarti turukuun, k̄imiya chim̄in yam Kwamamu.

¹²Yo n̄ K̄aliyo k̄ima mat̄in a t̄im Akayamu we diti yikiyu, n̄ibu Yafudam a ruki yichiyu a bwila Bulus m̄in, a yikan kw̄al kabak̄in.

¹³N chi a yi ko, “Nii wu k̄ifunt̄i bwi k̄iyo n̄ibu k̄isii Kwama a w̄are wu yilang chirengu a konge.”

¹⁴Yo m̄ Bulus k̄ifunt̄ibwi ka fwa yame, n̄ K̄aliyo a yi n̄ibu Yafudam ko, “N̄ K̄in nii wu a no ma wuwule k̄ile, ka k̄ile wuduwe m̄in baddu mang yindu.

¹⁵Aya ka nang yami baskaku t̄ikw̄aliyitu n̄ ti d̄inbitu n̄ ti yil̄in Musante, n̄ t̄in n̄ t̄ifwan, t̄inang kusadi k̄in a ne lwangang mang we, m̄in mang kababu k̄idum yam b̄ibumu.”

¹⁶N̄ k̄in a kaka chi we kan kabak̄inu.

¹⁷N chi a kun a tau Sostanus, wuduwe kan murak̄ine, a ngau a tant̄ilange kan kabak̄ine, aya a kubu K̄aliyo n̄ir.

M Bulus a k̄ila Antakiya

¹⁸A kuteng k̄iku m̄ Bulus a ma yikai diti we Korinti, yinu kebu n̄ibu bunt̄ik̄imu a yi k̄in ko a ya l̄ima. N̄ k̄in a le Kwamb̄ire mwe n̄ ti Biriskila n̄ ti Akila a yika Suriya. Aya yo n̄ chi yaka yikade, m̄ Bulus a kwal dur k̄inu kwale we Kank̄iriya.

¹⁹Yo n̄ chi a lam Afisa, m̄ Bulus a du Biriskila n̄ ti Akila, n̄ k̄in a le kan murak̄inu k̄itukadu n̄ ti n̄ibu Yafudamu.

²⁰N chi a wana k̄in ko a dat̄i yikai diti, aya n̄ k̄in a ko.

²¹Aya yo yaka du chide a yi ko, “Mang k̄ilate bwa d̄i ch̄ine we ka n̄ Kwama a ke miye.” Yinu a du Afisa, a le kwamb̄ire mwe a yikan t̄in.

²²Yo n k̄in a lam Kaisariya, a sub a si n̄ibu bunt̄ik̄imu yinu a suu a yika Antakiya.

²³A kuteng k̄iku n k̄in a da ditiyu nabwen we Atakiyangu, a kun a yika K̄alatiya n ti t̄im Firichiya k̄ibunt̄i ka nang did̄ile b̄ine, k̄iru n̄ibu bunt̄ik̄imu we keku biyil̄imang chiyangu.

²⁴A kutengu niyang dam̄inangu, wuka naba Yafuda d̄in k̄inu n Afolos a ya Afisa. N k̄in naba Aleksandiriya, ni wu a me kasi fwaku ȳam̄angu, a yim ȳam Kwamamu n̄ibu a mwal yinang yinang.

²⁵N k̄in a ya yungku a w̄are Tewuduwe. N k̄in k̄ifunt̄ibwi we bale fwaku ȳame, k̄imiya kasi biyil̄imu we dur Yesunu. Aya n k̄in a yim ka ȳam batisma Yowana.

²⁶N K̄in a mwe k̄ifwa ȳamu k̄ini dukan yinang we kan murak̄inu. Yo n Biriskila n ti Akila a nwe k̄ine, n chi a yal a k̄iswi yinu a su k̄im̄in furu k̄ini ȳam Kwamamu yinang.

²⁷Yo Afolos k̄ibaddu ka yabu bale t̄im Akayame, n̄ibu bunt̄ik̄imu a maka k̄in. N chi a mwal n̄ibu bunt̄ik̄imu a Akayamu m̄in lwanḡin ko ke a yiu k̄in kaniyi yurau. Yo n k̄in a lam bwako, a kabi k̄ini makaku we b̄ibu a ke biyil̄imu d̄ine l̄ime Kwamamu.

²⁸D̄ine n k̄in a la n̄ibu Yafudamu nabwen we tibe n̄ibe, kiyung chidu a ne kamakuwe, we yinangu tatt̄ik̄idaiyu a fwa ko n Yesu nang Masiyangu.

Nanḡin Fandubim 19

M Bulus a yika Afisa

¹K̄idangu n Afolos a Korintiyangu, m Bulus a kana fantiyu we bwako a fwadu a Afisa, bwanu a ya tekam̄in n ti b̄ikam miyar̄ime.

²N k̄in a b̄iu chi ko, “Tiyiu fik̄umi wauwad̄imu yoko ta ke biyil̄ima?” Yinu n chi a ke k̄im̄in ko, “Nang yimbu, nang nweent̄ibu ȳam Fik̄im Kwamamu we.”

³Yinu m Bulus a b̄iu chi, “Yoye t̄ima b̄ibile k̄idum batisma? N chi a ke ko, ‘Nang dumu n Yowana a mamu.’ ”

⁴M Bulus a yi ko, “Batisma Yowana d̄ine ke n̄ibu a wo k̄it̄im. N k̄in kiyi n̄ibu ko a ke biyil̄imu we nii wu ka bedu a kuteng kange, ka nang chikiye n Yesu.”

⁵Yinangu a nwe b̄ibangu, a ma chim̄in batisma a d̄in Tewuduwe Yesu.

⁶K̄idangu m Bulus a yo falliyangu, Fik̄im Kwamamu a be chim̄ine. N chi a fwa ȳamu k̄ini yikai yiini yinu a mat̄in fak̄uitu.

⁷N̄ibu we fikomu k̄ini kwang, n chi kubu chiri burau.

⁸Yinu m Bulus a le Kan muraku n̄ibu Yafudamu a ma swarti t̄ita kifwa yamu a ne tayi we. N k̄in k̄itukadu n ti chi k̄ifunt̄i bwi ka yo chidu ka swan yam yaa Kwamamu.

⁹Aya b̄ibi kul̄in̄imu a ko a keb̄i biyil̄imu, n chi kifwa yamu a lim̄bil̄imem we n̄ibu kibunt̄i w̄are Tewuduwe mu. D̄ine yiko, m Bulus a yikan n ti n̄ibu bunt̄ik̄imu a du chi. N k̄in a ya a swe a fii miyake Tiranus k̄imiya chim̄inuwe diti k̄id̄ang.

¹⁰N k̄in a chau kakki k̄in we fiko swat̄iti turau, t̄itu a yo n̄ibu Yafudam n ti Yelena a swe a t̄im Asiyamu a nwe yam Tewuduwe mu.

Bwesim Sikam

¹¹N Kwama a ma chi yar̄ yiitu nabwen t̄itu n̄ibu a kuunbuwetu a faḷang Bulusang.

¹²D̄ine kono nang dilukten diyil̄in k̄inu ka luke wu a bwi kiye, n̄ibu k̄i dadu k̄ini n̄ibu a bubuwemu ka a twaiye, bur̄in chitu k̄ibedu k̄if̄ibt̄i yibwilayu k̄ichiru.

¹³B̄ikam n̄ibu Yafudam we kib̄waladu we b̄int̄itu k̄ichaku fik̄im b̄ibwilamu. N chi a funt̄ibwi ka ma nangangu k̄ini d̄in Tewuduwe Yesunu we b̄ibu k̄ini k̄if̄ibt̄i yibwilai. N chi kifwadu ko, “M̄in yanu we d̄in Yesunu, m Bulus k̄imang dim̄war̄inu, chir̄m̄in!”

¹⁴Bwesim Sikam wuduwe fansetiyeyu wu a n̄ibu Yafudiyame chi b̄idibiin k̄imat̄i k̄ichitu wu.

¹⁵Wuka di, k̄if̄ibt̄i yibwilayu a ke chi m̄in ko, “N yim Yesu, n yimt̄i Bulus, aya t̄in n b̄iwure?”

¹⁶Yinu nii wu k̄ini k̄if̄ibt̄i yibwilaye a da chim̄intuwe, a la dukan ch̄ini kwang. A ngau chi a nwe chim̄in burang, a yo n chi a chiri twatwad we lo k̄ini bwiti susur ka k̄itum.

¹⁷Yinangu n̄ibu Yafudamu a swe a Afisa n ti Yelena a nwe yam b̄ibangu, tayi a tau chi k̄ini kwang, d̄in Yesu Tewuduwenu ka ya rikaku.

¹⁸N̄ibu nabwen b̄ibu a ke biyil̄imu a chire kifwa t̄ibwilaitu n chi a no k̄imaditu kw̄arikw̄ari.

¹⁹N̄ibu nabwen b̄ibu a no k̄ima buwamu a chake kul̄ini buwangi chitu a be twi a fiwiine we nuyi n̄ibiyu. Kangu n chi a ki kamb̄ir kul̄ini t̄itangu, a d̄ang ka lam kamb̄ir suren kuuni wan tunu.

²⁰Nang tiyangu yam Tewuduwe a t̄iran a mat̄i dukanu yinangu.

Kulangkulange a kun we Afisa

²¹We kuteng k̄iku t̄ichituwu a fwengu, m Bulus a nwe F̄ik̄imu a twai n̄ir k̄inu a yi ko ka ya Wurchalima ka bunt̄in Akaya n ti Makidoniya yinu ka yika Roma.

- ²²N k̄in a tum n̄ibu nanganmu n chi burau, ka nang chikiye n Timoti n ti Yeratu ko a ya Makidoniya. N k̄in a swe we t̄im Asiyamu.
- ²³We k̄idang kangu, yam b̄iduum a kun we Afisa yinang yinang d̄ine w̄are Tewuduwe n Yesu.
- ²⁴D̄ine wuka nii we d̄in k̄inu n Dimitiriyu, wu k̄imedu k̄imu d̄iyor Artemis k̄ini asurfa. N k̄in n ti n̄ibu nanga komu k̄idii kamb̄ir we nangang k̄iku yinang.
- ²⁵N k̄in a yal n̄ibu k̄ima nangang k̄ik̄imu n ti b̄ibu nangang chiyangu a fi wiinemu a yi chi ko, “Kal m̄in, tiyim kuli ch̄iretu ni yadu a nangang k̄iku.
- ²⁶Yinu t̄ikudu t̄inwet̄idu n ke ka Asiya, we t̄im Afisa t̄int̄in nii wu n̄ibu k̄iyalu ko m Buluse, wu a butu n̄ibu nabwene, a sute n̄itu chitu d̄ine k̄ifwa chim̄inu ko a siidu kwal̄in ch̄inu n̄ibu a mubbi fal̄inu we.
- ²⁷K̄ikumang yare we, n ke nangang chirengu yaka kaiyadu, kono nang se wuduwe wuwiye a Artemis, yaka kau t̄ikusi. K̄isiyang wuwiye wu n̄ibu k̄isii k̄inu we t̄im Asiyamu kwang a lant̄i t̄it̄initu k̄isiide, ka kwala dwiyen kitu.”
- ²⁸Yo muraku chiyangu a nwe yam Dimitiriyus̄ime, a kuni kulangkulang k̄ini kemi ko, “Artemis wu a Afisa wuduwe!”
- ²⁹B̄inu k̄ini kwang a muten, n̄ibu a chir a yawe bwana murake, k̄iwuba Kayus n ti Aristakus n̄ibu Makadoniyamu n chi fat̄ib̄i Bulus.
- ³⁰M Bulus a no ke ka le murak̄i k̄iku, aya n̄ibu bunt̄ik̄imu a ko k̄im̄in.
- ³¹Ko no nang b̄ikamu b̄iduum mat̄im we Asiya b̄ibu k̄ima fat̄in n ti Bulus̄imu a ko k̄im̄in ko a ledu murak̄i k̄iku we.
- ³²Ko no nang b̄ibu a ya murak̄imu a muten, a yimbu chi a yo n chi a murane. B̄ikamu n̄ibu k̄ikukku keru k̄ifwa t̄itu, aya b̄ikamu ka kukku kerre k̄ifwa t̄ikan chi dang.
- ³³B̄ikam n̄ibu Yafudam a yo Aleksanda a kakku, n k̄in a kuku fal̄angu ko n̄ibu a lem̄in ke k̄ifwa chim̄in.
- ³⁴Aya yinangu n chi a swaan ko n k̄in naba n̄ibu Yafudangu, n chi a su keme ko, “Artemis wu a Afisa wuduwe!” N chi a tau k̄ima t̄ichituwu a lam awa yurau.
- ³⁵Yinu naba mwalke b̄ine a yo n̄ibu a lem̄in, n k̄in a yi chi ko. “N̄ibu Afisa, n kawure a yimbu ko b̄in Afisanu nang d̄idu k̄ito se wuduwe wuwiye Artemis, n ti kale wu wauwade a swiye a diye.
- ³⁶Yo yam b̄ibu a ne nii ka kwilade we, a dakan tanodi wudidi, t̄iwartadu chi we.
- ³⁷T̄id̄ang n̄ibu ta be k̄in a fimu, a mabu kutu we se yinu a fwat̄ibu b̄ikam yam b̄ibu a sw̄aba ku we dur d̄iyor wuwiyenu.

³⁸Aya ka n Dimitiriyu n ti fatibu nangang kangimu kini bikam yam n ti wuka niye, kan kabakinu we kini wutil, nibu kabakimu we, a ya mai keme.

³⁹Aya ka tikan chi we titu tbadu ta yindite, kwal nibu kabakinu we ka do tinu.

⁴⁰Kikangu tayi a tau nin, dine n chini ni newe kini kwarille wu niin tiin kakku we chi a yo kusir dide. Kikangu ka biduum Romamu a bju ni ko ni ma kusir didu a wurenine, n chini ni ne dikilin yiin we.”

⁴¹A kuteng kiku a fwa yam bibangu, a yai nibu ko a yikan.

Nangin Fandubim 20

M Bulus a kila Makidoniya n ti Yellas

¹A kuteng kiku kusiru a tiyangu, m Bulus a kum nibu buntikimu min nitu, yinu a du chi a yika Makidoniya.

²Yo n kin a kana bintite, a kum chimin tin nittitu yinu a yika Yellas.

³N kin a ma swarti tita we fiko. A kuteng kiku n kin a no kibaddu ka yika Suriya aya n kin a be swaan ko nibu Yafudamu a do ka chiu kinu we kwambire mwe. N kin a to yiko, a sute tikurantu a bunti Makidoniya.

⁴N Sufata bwe Farus wu a Biriya n ti Aristakus n ti Sakundus, nibu Tasalonika n ti Kayus wu a Darbe, n ti Timoti a lanti Tikiku n ti Tarofimu nibu Asiyamu a ya yo kine.

⁵N chi a chakakku a yan nin a Toruwa.

⁶Yo Yiye Yabake wu a kidanniye a suwe, nin kun we filibi wu a Makidoniya nin le kwambire mwe nin ya yayu diti yuunu yinu nin ya chi a Toruwa. Nin ma ditiyi yidibiin we Toruwa.

M Bulus a swan dsiir kinu a Toruwa

⁷We difikare Yafudawayu, nin muran nin kera kidanniye. Yinu m Bulus a fwa nibu min yamu dine kibaddu ka yikadu kini sin. N kin a fwa yamu a lam kitangtilang kumang.

⁸Fitilatiyu nabwen we kanu nang muramin a diinu.

⁹Wuka bwele we din kinu n Yutiku wu a swe a wunduwe, yo a yak nwe yam Bulus a ribidatime, duum a dau kin we fiko. N kin a yare we wundu we kan didin didu a diinu kini tikwali swaniti titantu, a bwa tin.

¹⁰Yo m Bulus a su time, a sung a dau kin, a yi nibu ko, “Tikaiyu nir we, n we kini tikuritu.”

¹¹Yo m Bulus a kilati kan diinu we, a kera kidanniye nin chau. A chakakku kini yamu a laminti yo timu a kwiyane yinu a yikan.

¹²Kini yiko, n chi a yikani kini bwele limang. Nitu nibitu a ribetuwe.

N chi a kun we Toruwas a yika militus

¹³N nin nin chakakku kini yayu we kwambire mwe nin yika Asus bwanu yana dau mine Buluse. N kin a do yiko dine n kin a ke ka ya yayu kini nang.

¹⁴Yo n kin a be ya nin we Asus we, nin dau kin we kwambire mwe nin yika Mitilene.

¹⁵Yinu fal nin chakakku kini yayu we kwambire mwe. Bafinenangeko, nin lam Kiyos. Wuka di tin nin lam Samon. Wukane tin nin lam Miletus.

¹⁶M Bulus a no kebu ka sikidu we Afisa dine a babu ka kai kiswi we Asiya, n kin kiwartadu kibaddu ka le Wurchalima kuteng yiye fentikose.

M Bulus a fwa Selibu nibu buntikim min yam

¹⁷We Miletus m Bulus a tum chitu we Afisa ko nibu a yal kimine selibu nibu buntiki biduumu.

¹⁸Yo n chi a be, a yi chi ko, "N tinin tifwan tiyim yinangu mang swe n ti chinangu a mwetuwe di mang mwe mang le Asiya.

¹⁹Min si Tewuduwe kini bwanu we riye min nwede. M mu niru we swakaku nibu Yafudamu a tau kima midangu.

²⁰Kini yiko mang yung chin chi ka maka chine, min ma chimin dimwaru n ti miyakiki kwarikwari, min bunti loni loni.

²¹N ngau nibu Yafudamu n ti Yelena min kikure mi a wo kitim a ke biyilimu we Kwama Tewuduwe n Yesuwe."

²²Aya kikangu mang ri kini fikime min yika Wurchalima, we bwako mang yimbu chi ka fweditu.

²³Yinangu min kana bintitangu, Fikim Kwamamu kiyungiyu we niru ko riye n ti leku dibintilang kiyaiyu.

²⁴Aya tikuri mitu n ke chi ka no we mang wul banangu mang ri nangangu n Tewuduwe n Yesu a ni ko ke m ma dimwar yam kimu n ti lime Kwama.

²⁵Dine n tu n yim n tini kwang a ne ta kui tinu kida, dine yiko m bwal we tibe chin min ma chimin dimwar yaa Kwamane.

²⁶Dine yiko, min fwa chiminu min n newe kini kile we dur wuka niin.

²⁷N tu n fwa chimin chi Kwama kibade kwang.

²⁸Tisoo yichiyu, tikur kini kwanti Kwamayu yiyu Fikim Kwamamu a du a fali chi ko titoyu. Tichakakku tinang to nibu buntiki bibu Kwama we kitum kimu a wuwe chi, n kini kifwane.

- ²⁹N yim a kutengu mang yikadangu, yikai bawuti n̄ibu t̄ikwanim ka le tibe ch̄in, ka swe t̄inu we kwanti Kwamayu.
- ³⁰Ko no nang b̄ikam chimu, ka kunnu ka n̄in mwera t̄ikwanitu d̄ine ke chi butu n̄ibu bunt̄ik̄imu a k̄ila bal̄ang chiyang.
- ³¹D̄ine yiko, t̄ima kiyolang, t̄ikur swat̄iti t̄itta mang swe n ti chinitu. Yinangu m̄in to ch̄inu m̄in ngau ch̄in m̄int̄in k̄ikure kum n ti kukongu n ti riye m̄in nwedu d̄ine ch̄ine.
- ³²K̄ik̄angu n du ch̄in a fal̄ang Kwamangu, l̄ime ko a swe n ti ch̄in, nang chi ka mu ch̄inu, ka yodu ta ya kula n ti b̄ibi wauwad̄ime.
- ³³Mang kubebu k̄amb̄ir ka kul̄in niine.
- ³⁴N t̄in n t̄ifwan t̄iyim m ma nangangu k̄ini fal̄i mi ke n ya chi m̄in badditu, m ma b̄ikamu m̄int̄i chi k̄ibadditu.
- ³⁵We t̄iti kwang m̄in yung ch̄inu yinangu ta maka t̄ilusanitu ka t̄ini bobu t̄ima nangange. A dakan ta kur yam Tewuduwe Yesu a fwa ko, “Ni k̄iku a la yik̄iku k̄ini delak̄iku.”
- ³⁶A kutengu a ri yam̄angu, a sung a twab̄a bunitu n ti chi.
- ³⁷N Chi a ma furi k̄ilinu nabwen. N kawure k̄ikwar Bulus k̄isidu ko a ya l̄imang.
- ³⁸Furi k̄ilin ch̄inu d̄ine yamu a fwa chim̄in ko ka ma bwar chi teka t̄inuwemu. N chi a bunt̄i Bulus a yo we kwamb̄ire mwe.

Nangin Fandubim 21

M Bulus a yika Wurchalima

- ¹A kuteng k̄iku nang yo m̄ine Bulusangu, n̄in tau ware, ya n̄in le Kwamb̄ire mwe we nabwe la wu a Kose, baf̄inenangeko n̄in yika Rodiyasa, yinu n̄in kun we fiko n̄in yika Fatara.
- ²Kangu nang ya kwamb̄ire mwe me wu kiyika Finikiya, n̄in le n̄in yika t̄in.
- ³We yayu kangu n̄in yikadangu, yo nang mwata Saiyifuru, n̄in mar b̄inu a kantakwelang n̄in su n̄in yika Suriya. Yinu ya n̄in s̄iku a Taya fi kwamb̄ire mwe ka s̄ikin kul̄in k̄ine.
- ⁴Kangu na ya fi n̄ibu bunt̄ik̄imu wem̄inengu, n̄in ma ditiyi yidibiin we fiko. We fiko F̄ik̄im Kwamamu a twai chi we n̄itu chitu, yinu n chi a yi Bulus ko a yadu Wurchalima we.
- ⁵Aya yo k̄iswi nang yikande a lame, n̄in kun n̄in chakakku k̄ini yayu. N̄ibu bunt̄ik̄imu n ti bwes̄im chimi kwang a yo n̄ine a kuteng b̄inang. Yinu n̄in sung n̄in twab̄a bunitu we k̄it̄iku laangu.

⁶Yo nang riye, n̄n le kw̄amb̄ire mwe n chi a k̄ilat̄i lo.

⁷A kuteng k̄iku nang du Tayangu, n̄n chakakku k̄ini yayu we mwe n̄n yika Tolemayi, ya n̄n sikan n ti kebu n̄bu bunt̄ik̄imu we fiko, n̄n datuwe di wiin.

⁸Baf̄inenange ko n̄n yika Kaisariya ya n̄n le lon Filibu wu k̄ima d̄imware, n k̄in wetuwe b̄ibi b̄idibiimu n̄bu a sutu d̄ine ke a nang kera chabt̄imu.

⁹Nii wu k̄ini fw̄aniti t̄idibiin t̄itu k̄ima f̄akuitu.

¹⁰A kuteng k̄iku nang ma diti we fikongu, wuka naba f̄aku, d̄in k̄inu n Ak̄abu, a be a Yafudiya.

¹¹Yo Ak̄abu a be fi a d̄in̄ine, a yiu chi m Bulus k̄imuun tarre, a mu tar k̄inu n ti nani kiyi k̄in, yinu a yi ko, “Chi F̄ik̄im a fwa nang wu, b̄iduum n̄bu Yafudamu ba Wurchalimamu ka kwau naba kul̄in d̄ide ying, ka d̄adu ka ni kuu Roma.”

¹²Yo nang nwe ȳam b̄ibe, n n̄n b̄ibu n̄n ya yayu n ti k̄in̄imu, n̄n wana k̄in ko a yadu Wurchalima we.

¹³Aya m Bulus a yi chi ko, “T̄ifwa wureni ye? A mayire t̄ichimi bwiye, n tu n do bwiyu, n ke d̄ine kana riye mang nwe du a Wurchalima aya kasi no mang bwadu, ka kwer mang bwadu a d̄in Tewuduwe Yesune a lami chi.”

¹⁴Yinangu nang swan ko m Bulus a ne sute n̄rangu, n̄n ma bwanu n̄n yi ko, “Tewuduwe ma chi mwang ku a letu.”

¹⁵A tibu ke, n̄n wo kul̄inu, n̄n yika Wurchalima.

¹⁶B̄ikamu n̄bu bunt̄ik̄im we Kaisariya a ya, a yo n̄ine. N chi a ya, a yo n̄n a lon Manasone. Nii wu naba Sayifuru. N k̄in wetuwe b̄ikak̄imu a n̄bu bunt̄ik̄im̄imu.

M Bulus a ya Yakubu m̄in siram

¹⁷Yo nang lam Wurchalima, keb̄ibu a yiu n̄n f̄aliyi yurau.

¹⁸Baf̄inenangeko m Bulus a yika bwa d̄iYakubu n ti n̄n. Sel̄ibu n̄bu bunt̄ik̄imi kwang we fiko.

¹⁹A kuteng k̄iku, m Bulus a sikan n ti n̄bangu, n k̄in a fwa chim̄in kanang t̄it̄ile chiye kwang t̄itu n Kwama a ma yikayu kuuti m̄in we nangangu m Bulus a mangu.

²⁰Kangu n chi a nwe ȳam b̄ibangu, a ni Kwama dwiyentu yinu a yi Bulus ko, “Fate, n̄bu kuniri n̄bu Yafudamu a ke b̄iyil̄imu, n chi k̄ini kwang k̄ini n̄ru ka bunt̄i yil̄in Musatu.”

²¹N̄bu bunt̄ik̄imu a fimu a ya ȳamu ko m mun, mun miya n̄bu Yafudamu a swe n ti b̄ibu n ke kuu n̄bu Yafudame m̄inu mwiko a ni yilang Musangu kuteng. N chi ko mun yi n̄bu mwiko a bidu laaru we bwes̄imu, a bunt̄inu yikayu daati Yafudamu we.

- ²²Yoye nang ma b̄ibu ȳami yire, yo n chi a nwe ȳam beku mwange?
- ²³D̄ine yiko, mwang ma chitu nang fwa m̄initu. N̄inni k̄ini n̄ibi baana b̄ibu a bw̄au we n̄ir chin̄imu.
- ²⁴Bungan n ti n̄ibu b̄ibu, t̄ima yiye nurake ware kwang, yinu mwan fe chi a tabbitu ke dutu chitu a ya kwalku. Yinu n̄ibu ka kedu ko a ne b̄iyil̄im we ȳam b̄ibu n̄ibu a fwa a dur mun̄imu. Aya n chi ka kedu ko mwang mabu t̄ikali k̄ini yil̄in Musatu.
- ²⁵Aya n̄ibu yikayu kuuti b̄ibu a ke b̄iyil̄imu, n̄in tu n̄in mwal chim̄in ko, a chadu chabtu diyoritu we, n ti yaritu, a wut̄inu naiyu n̄ibu a bibubiyeyu we, n ti nam wubware.
- ²⁶Yinu m Bulus n ti n̄ibu b̄ibu a ma nurak̄iku, yinu a le Kan Kwamanu a Wurchalimanu yaka fwa di nurak̄i chiyangu ka ride. Di n̄ibu ka ma niku d̄ine kanang t̄it̄ile chiye.

N̄ibu a tau Bulus we Kan Kwaman a Wurchalimanu

- ²⁷Yo ditiyi yidibiin a mwatan ka ride, b̄ikam n̄ibu Yafudam a Asiya a be ku Bulus we Kan Kwamanu N chi a suke k̄ituu n̄ibe ko a tau Bulus.
- ²⁸N chi a bwe kemi ko, “Keb̄im̄im n̄ibu Yisrelamu, t̄ibe makaku! Nii wu k̄i bw̄alu kasi no bw̄ale k̄ifwa ȳamu a limbul̄imem kiyi n̄ibu ko a bunt̄inu yil̄in chiretu we nang wu. K̄ifwa ȳamu we Kan Kwamanu a limbu a bwin n̄ibu Yelena a wo, a le Kan Kwamani k̄in̄imu.”
- ²⁹N chi a fwa ying, d̄ine a no ku m Bulus k̄ibw̄alu we b̄inu n ti Tarofimu naba Afisa. T̄itu nang chi a yo n chi k̄ikamadu ko kano m Bulus a le Kan Kwamanu ware.
- ³⁰B̄inu a kayan, n chi a kunne k̄ini kaiyan n̄ire a be tau Bulus, a chakku we kan Kwamanu a Wurchalimanu, a yinget̄i kanu a kutengu n chi a chiri k̄in̄angu.
- ³¹Kangu n chi we k̄ima k̄ichitu wuwangu, ȳamu a ya wuduwe n̄ibu kun̄ime ko b̄in Wurchalima k̄ima dikulan.
- ³²N k̄in a yal n̄ibu kun̄im k̄imu n ti b̄iduum chimu, a ya we bwana d̄ikulane. Yo n̄ibu k̄ibaska chimu a ku wuduwe n̄ibu kun̄imu n ti n̄ibu k̄ime, n chi a du ngakku Bulusangu.
- ³³Wuduwe a be tau Bulus a yo n̄ibu a kwabi maklan. N k̄in a fwa k̄ituu n̄ibe m̄in dukan k̄inu n ti chi n k̄in a matu.
- ³⁴K̄ituu n̄ibe a k̄ila le tukaku, b̄ibu ko ying b̄ikamu ko ying. Ȳamu a ne da we ni swan b̄iyil̄imu. N k̄in a to yiko, a yi n̄ibu ko a yikan sab̄ir k̄ini Bulus
- ³⁵Yo n chi a lam t̄id̄ingri lo diite, n chi a d̄au Bulus d̄ine kulankulange k̄ilam̄ine fiko.

³⁶Kītuu nībe kī nabu chide we kutengu kīni kemi ko, “Tīchiu.”

M Bulus a fwa yām n ti kītuu nībe

³⁷Yo nību kun̄imu ya kībaddu ka yikadu kīni Buluse, n kīn a yi wuduwe ko, “We mwang kedu mang fwa yāma?” Wuduwe a yi kīn ko, “A mwang me yii nību Yelename.”

³⁸M mun n ke naba Masare wu a yo nību a ma kulangkulange we swātītu a sutu, wu a wo nību a bwaran̄imu kuliti taana a yikan nabwe dīsīlangchanḡina?

³⁹M Bulus a yi kīn ko, “M mīn naba Yafudiya, m be a Tarsus wu a tīm Kīlikiyame, m mīn bwe bīn dīdu a kīsiyanḡine. Mīn wananu, dui n fwa nību bību mīn yām.”

⁴⁰Yo wuduwe a ni kīn da ko a fwa yāme, m Bulus a ti we kīdīngu, a kuku fālanḡu ko nību a le mīn, yo nību a le wudidiye, a fwa chim̄in yāmu kīni yii Yafuda.

Nangin Fandubim 22

¹“Tebim̄im n ti kebim̄im tīnwe yām mīmu ke tiyim tiko n ke kīlemi.”

²Yo n chi a nwe kīfwa chim̄in yāmu kīni yii Yafudame ka nang chikiye yii chiye, n chi a le sīng. Yinu m Bulus a yi chi ko,

³“Mīn naba Yafudiya, nību a bīu mīn a Tarsus a tīm Kīlikiya, aya n dwiyen we bīn dīdu. N Kāmaliyel nang nii wu a miya miye, n kīn a miya mi yil̄in tukebu chīreti kwang, n ke mang sii Kwama yinangu n tīni kwang tībadu ta siidangu.”

⁴N ni nību kībunt̄i wāre wumu riye, n chibetī bīkamu. Mīn taddu kasi no kwarta ka naye mīn dīkīdu a dībintīl.

⁵Tikake Fanseti n ti kwāl tikaketinu a yim chi mīn fwaditu. N yiu lanḡintu a dīchiye tīdu mang yika kebu chīremu nību Yafudam mīni kīn a Dimasku. N ya bwako dīne ke n taba nību kībunt̄i wāre wumu we bwakomu, ke m bem̄ine Wurchalima ke nību a yo a dībintīl a ni riye.

M Bulus a fwa yinangu n kīn a sutenangu

(Nfa 9:1-19; 26:12-18)

⁶Yo m mīn we wāre mang mwata Dimasku, kīni tibe kuko, wuka nabwe ti kīyiye a chirengi wāliwāli a dībīri.

⁷We fiko n yar a tīm, a kuteng kīku n nwe diyal ko, “Chawulu, a mayire mun nim̄in riye?”

⁸N kemi, “M muna wure Tewuduwe?” N kīn a ke ko m mīn nang Yesu wu mun ni riye, m mīna Yesu naba Nasarete.

⁹Aya bību we ware n ti mīnīmu a ku kīyiye fiko wāliwāli aya a nwebu yāmu.

¹⁰Yinu n yi mi, “Mang ma wureni Tewuduwe.” Yinu Tewuduwe a yaɪ ko, “Kun n le Dimasku, we bwako n̄ibu we fwa m̄in chi mwang maditu.”

¹¹Yade kiyiye a kwel mi nuyu mang kubu diye, n̄ibu m m̄in waremu a twāki, n̄in yika Dimasku.

¹²Wuka nii we bwako d̄in k̄inu n Ananiya a be bwana d̄im̄ine, n k̄in naba Kwama wu a mabu t̄ikali k̄ini yil̄in Musante, n k̄in k̄ini k̄isiyang k̄iduwang we n̄ibu Yafudamu a swe we bwako.

¹³A be a timituwe ko, “Kemi Chawulu, wudu nuyu ke n ku t̄imu.” Nuyi miyu a wude t̄in.

¹⁴Yinu n k̄in a yi ko, “N Kwama wu a tukebī ch̄ireme a sut̄in ko ke n yim k̄ike ko, ke n ku naba yile wu wauwade n nwet̄i t̄ikw̄ali yii kitu.

¹⁵D̄ine mwang kau naba d̄im̄ware ko we n̄ibu k̄ini kwang, mwang fwa chim̄in chi mwang kuutu n ti t̄itu mwang nwetu.

¹⁶K̄ik̄angu mun yam wureni? Kun m ma batisma, nura k̄ileti mwiyu we yalkī d̄in k̄inangu.”

M Bulus ka ma yikayu kuuti m̄in d̄im̄war

¹⁷Yo mang k̄ila we Wurchalima, n le m̄in twābā bunitu a Kan Kwaman. We mure m ma dwakam biyil̄im.

¹⁸We dwakam biyil̄imu, n ku Yesu k̄ifwami yāmu ko, “Ma datu, yikan, du Wurchalima, d̄ine n chi a ne ke d̄im̄war munu we dur m̄inu.”

¹⁹Yinu n yi mi “Tewuduwe n chi chifwan a yim ko n le ka nang d̄id̄ile kan Kwamane n kwaba b̄ibu k̄ike biyil̄imu a d̄in mun̄imu, n ngau, n ni riye.”

²⁰Yinu yo n̄ibu a ch̄iu Yistifanu, m m̄in we fiko n ku k̄ini numi. N ke k̄ini chi n̄ibu a maatu, m m̄in nang ni k̄ito kul̄in n̄ibu b̄ibu a chi k̄in̄imu.

²¹Yinu Tewuduwe a yaɪ ko, kun n yikan, mang tum munu kutan we yikayu kuuti.

²²K̄ituu n̄ibe a le wudidi k̄inwe yām k̄imu a lam̄int̄i yo n k̄in a fwa d̄ikw̄al didde, n chi a yiu k̄ini kemi ko, “T̄ichiu! T̄idudu duum n̄ibu b̄ibu we t̄it̄initu, a dakabu ni duddu ka chakakku k̄ini t̄ikuritu.”

²³N chi a ri fiko k̄ini kemiyu k̄ikukku lukei chiyu a dii k̄ini kuri suk.

²⁴Yinu wuduwe naba kunne n̄ibu k̄irangmu a yi n̄ibu k̄imu ko a yikan sab̄ir ch̄ini k̄in. A ni da ko n̄ibu a twal Bulus we sab̄iru ke a fwa chi a yo k̄ituu n̄ibe k̄ima k̄im̄in kus̄ir d̄ide.

²⁵Yo n chi a kwaba k̄in baddu ka twala k̄ine, m Bulus a k̄il̄ yii a b̄iu tikake n̄ibu k̄irang Romamu a ti k̄idwan n k̄ine ko, “A le we yilangu n̄ibu ka twal naba Roma yo n̄ibu a tibu mw̄atak̄im̄ina?”

²⁶Yo nii wu a nwe yam bibe, a kila bwanu a wuduwe nibu kunime, a yi kin ko, “Yamwang ma wureni ye? Nii wu naba Roma sulo.”

²⁷Yinu wuduwe a ya, a biu Bulus ko, “Fwa biyilim, m mun naba Roma?” M Bulus ko, “Yi bas.”

²⁸Wuduwe ko, “M Min tin naba Roma, n kai kambiru nabwen yinu n ya da wu.” M Bulus a yi kin ko, “Nibu a biu min we tim bibu.”

²⁹Nibu bibu a no kibaddu ka ma kimin tibidirimu a kilani kuteng. Tayi a tau wuduwe tin yinanga nwe yam bibangu. Yinu tintine kikuru n kin a tu a kwau naba Roma.

M Bulus a kakku kwal kabakin

³⁰Bafinenangeko wuduwe a no kibaddu ka yim chi a yo nibu Yafudamu kima Bulus mindi ye, a mar kin yinu a yale tikake Fanseti n ti kwal kabakinu, a muran. Yinu a be kini Bulus a yo a ti we kakku chiyangu.

Nangin Fandubim 23

¹M Bulus a dang kwal kabakini ring, yinu a yi chi ko, “Kebu mim, mang kamabu chi, n yim m ma da wu yile we kakku Kwamangu.”

²We bibu, wuduwe fansetiye wu din kinu n Ananiya a yi bibu a ti we fikomu ko tingau kin a yii.

³Yinu m Bulus a yi kin ko, “M Mun nii wu kuse. N Kwama ka ngati munu! N swe mwi mwang kaba midu yinangu yilanga fwangu, aya mun ki yilangu.”

⁴Aya bibu a tiwe fiko mu a yi Bulus ko, “wuduwe fansetiye Kwama nang wu mun tuda?”

⁵Yinu m Bulus a yi chi ko, “Kebu mim mang yimbu mi nang wuduwe fansetiye. Dine a mwalmwale ko, “Tudu tikake nibe we.”

⁶Yinangu m Bulus a swaan ko we fiko, bikamu nibu Sadukiya yinu bikamu nibu Farisiyam, a fwa yamu kini dukan ko, “Kebu, m min naba Farisa tin, bwe Farisiya. Tidang nibu kimwata mi yam dine mang yo niru we kunku kwamiyange.”

⁷Yo n kin a fwa bibe, bingai a le tibe nibu Farisame n ti nibu Sadukiyamu, titu a yo muraku nibangu a keran tinti yurau.

⁸Nibu Sadukiyamu kiyidu ko a ne kunku kwamiyangu we n ti Nibu titumbiri Kwamamu ka kifibtiye, aya nibu Farisamu a ke kini yam bibu ko we.

⁹Kusiru a kau didun. Bikamu nibu yungkim bibu n chi nibu Farisamu a kun a kwila yam bibu kini dukan kiyidu ko, “Nang kubu kile nii we, tiyimi yire ka kifibtiye ka nibu titumbiri Kwamam a fwa kimin yame.”

¹⁰Tukakiku a kabi kini dukan wu a yo wuduwe ni bu kunime a nwe tayi ko kano ni bu ka ngira Bulusi yak. N kin a yi ni bu ki mu ko, a ya, a chakku Bulus we tibe ni be kini dukan a yikan sabir ni bu kunim.

¹¹Kini kum wuko, n Tewuduwe a ti a kwatuwe di Buluse, a yi kin ko, “Mu niri kwing, yinangu mwang ma dimwar minu we Wurchalimangu, mwang matini yiko we Roma.”

Ni bu a do ka chiu Bulus

¹²Yo timu a kwiyane, ni bu Yafudamu a do ka chiu Bulus. N chi a twan chitu ko a ne chi chadu, a ne chi nodu ka chi a chibu Buluse.

¹³Ni bu bi bu a do ka ma mulin didimu n chi wani taana.

¹⁴N chi a ya fi a tikaketi fanseti ti tikake selibiyu a yi chi ko, “Nin tu nin twan chi, a ne nang chadu, a ne nang no tinu ka nang chibu Bulus nii we.

¹⁵Dine yiko n tin n ti kwal kabakinu tiyi wuduwe ni bu kunime tiko a be chimine kin yinangu tibuadu ta talti yamu we kidangu. Nin tu nin do bwiyu nang chiddu.”

¹⁶Yo bwe ke Bulus wuwiye a nwe yam bibe, a yawe sabir ni bu kunimu a ya fwa Bulus min.

¹⁷Yinu m Bulus a yal wuka wuduwe naba kune Roma a yi kin ko, tibuanga bwa wuduwe n ti bwele wu. Yaka fwa kimin bikam yam.

¹⁸Wuko a ke a yikani kini bwele we wuduwe ni bu kunime, yinu wuko a yi ko, “Naba dibintile wu m Bulus a yali ko m bemine kini bwele wu, n kin kini chi ka fwa mine.”

¹⁹Wuduwe wu a tau falang bwelengu, a yal kin a kitiku a biu kin n kikun ko, “Mwang fwa mi wureni?”

²⁰Bwele a yi ko, “Ni bu Yafudamu a kekan we binu ko n yikani kini Bulus a kakku kwal kabakinang finenang, kanodu kibaddu ka talti yamu kida.

²¹Aya keduwe, dine ni bu a la wani taana bi bu a lailaiye mu kibaddu ka chiu kinu, n chi a tu a twan chi ko a ne chi chadu ka chi node a mwintuwe chi chiu kinangu.”

²²Yinu wuduwe a yi kin ko, “Fwadu wuka nii minu we mwi n fwami yam bi bu. Yinu a yo kin a yikan.”

Ni bu a yikani kini Bulus a di Kwabna Felise

²³Yinu wuduwe a yal kwabi ni bu kirang Romami burau a yi chi ko, “Tido bwi dine ta kunnu ta yika Kaisariya yo kiswi kanodu a fi a turkuba wu kume n ti ni bu kirangmu kuuliti turau n ti ni bu kirangmu kini kweretimu wan tidibiin n ti ni bu kunim yartimu kuuliti turau.”

²⁴A yi tin ko, “Tibau kwere wu m Bulus ka file. Yati yo kine limang we di Felise.”

²⁵Yinu wuduwe n̄ibu kun̄ime a mwal lwanḡini ying.

²⁶“M m̄ina Kalaudiya Lisiya, m̄in mwal m̄inu Kwabna Felis. M̄in siinu.

²⁷“N̄ibu Yafudam a tau nii wu, n chi a mwata ȳamu ka ch̄iu k̄inu. Yinu n fumbwi m m̄in n ti n̄ibu k̄irangmu n̄in chaka k̄in a f̄ali bwai d̄ine mang nwe ko n k̄in naba Roma.

²⁸Yo mang kw̄er m̄in baddu mang nwe k̄ile wu n k̄in a mange, n tung k̄in a kw̄al murak̄in chiin.

²⁹N ya chi k̄ituradu a ȳam yilang chiyang, aya k̄ile n chi a yo k̄im̄ine a lambu wu a kwakku niyange ka wu a chikku kange.

³⁰Yinangu mang ya d̄imwaru ko n̄ibu a bw̄au ȳamu yaka ma k̄im̄in mul̄inangu, nang wu mang tum m̄ine. Yinu n yi n̄ibu a Mai keme komu mi a fwa we kakku mwangu k̄ile n chi a ku a ma.”

³¹D̄ine yiko, n̄ibu kun̄imu a d̄au Bulus yinangu n̄ibu a yi chiyangu. N chi a yikan Atifatiri k̄ini kum.

³²Baf̄inenangeko n chi a du n̄ibu k̄irangmu kw̄eretimu ko a chakakku a yikani k̄in, b̄ikamu a k̄ilawe sab̄ir ch̄inu.

³³Kangu b̄ikamu n̄ibu k̄irangmu a lam Kaisariyangu, n chi a ni Kwabna lwanḡinu, a dut̄i Bulus we fiko.

³⁴Yo n Kwabna a ki lwanḡin d̄ide a b̄iu Bulus yaa wu n k̄in a chir m̄ine. Yinangu a nwe ko a chire a K̄ilikiyangu,

³⁵yinu a yi ko, “Mang kaba ȳam mumu, k̄idangu n̄ibu a mar kememu ka bedangu. Yinu n k̄in a yi n̄ibu ko a yingen a s̄angka Yiriduse.”

Nanḡin Fandub̄im 24

N̄ibu a mar keme Buluse

¹A kuteng ditiyi yunuwangu, wuduwe fansetiye n Ananiya a ya n ti b̄ikam tikaketi n̄ibi n ti wukane naba yingku yil̄ine, wu d̄in k̄inu n Taruluse, a ya mar keme Buluse a d̄iKwabna.

²Yo kuu n̄ibe a lewe k̄ini Buluse, n Taruluse a mwe a ya k̄ini keme Bulus we kakku Kwabnange ko: “Kwabna, n̄in nwe t̄am̄ang mat̄in mwitangu, d̄ine mwang kasane, mun ȳant̄ila chitu, mun dodu yinangu ka dadangu.

³Kasi no bw̄ale, kasi no yire n̄in wer̄inu n̄in wananu Felis.

⁴Aya ke n̄in kai m̄inu k̄iswi we, n̄in baddu mwang nwe n̄inu.

- ⁵N we yiko, ni wu a ma kulankulanku, kiyo bingaiyu we nibu Yafudamu n ti kasi no bwale we timu. Tintine n kin nang wuduwe we kwal didu kibunti naba Nasarete.
- ⁶Nin tau kin dine n kin, a no kibaddu ka kai Kan Kwamanu.
- ⁷“Aya Lisiyas wuduwe nibu kunime a be yiti kin we a fali niyu kini dukan.
- ⁸Ka n yantila yam bibu m mun fwane, mwang swaanu we dikine chi nin fwadu a dur kinitu.”
- ⁹Nibu Yafudamu we fiko a ke ko yam bibu we yiko.
- ¹⁰Kidangu Kwabna a ni Bulus da ko a fwa yamangu, m Bulus a kun ko, “Tete Kwabna, n yim m ma swatitu nabwen mun kaba yami kuu nibu Yafudam, titu a ni min dukanu mang kwila yamu a dur minimu.
- ¹¹Ka n talle, mwang swaanu ko n ya Wurchalima a labu ditiyi kub chiri yurabiyu ke n sii kin.
- ¹²Nibu a mar keme mimu a kubu mang mabu dikulan yiin n ti wuka ni, mang sukebu nibu kasi no a bwale we binu.
- ¹³Yamiyu n chi kifwadu a dur miniyu a ne kwal chi we dur minu.
- ¹⁴“Chi mang ketu nang yamu ko min sii Kwama min bunti ware buntike wu a tukebu chireme wu n chi kikodu ko a ne biyilim we. Min n ke biyilimu yam bimwalilimu we yamu Faku Musa a mwal we tattikidai yikarimu.
- ¹⁵Min n yo niru we Kwama yinang chi, mi kunku kwamiyangu n we, dine nibu yilemu n ti bibwilami kwang.
- ¹⁶Min funtibwi diti kidang min do niri sik we kakku Kwamangu n ti nibu.
- ¹⁷“A kutengu swatitu a su bayimangu, m be Wurchalima be mang ma kuu nibu mimu min kilimang dine tilusanitu ke m mati niku we se Kwama.
- ¹⁸Yo mang le min ma tite, n chi a be, a tai we se Kwama. A ya n tu n nura bwiyu n ri, n newe n ti wuka nii, mang matibu kulankulange.
- ¹⁹Aya bikam nibu Yafudam bibu a be a Asiya we fiko, n chi no nang nibu ka bedu kini yam we dur minimu.
- ²⁰Ka bibu we fimu ka fwa kile n chi a ya, min madu we kakku kwal kabakine.
- ²¹Yamu mang yimimu ka bibu mang kun mang ti a kakku chiyang mang fwa mi, ‘Nibu kikaba midu di a yam kunku kwamiyang.’ ”
- ²²N Felis wu a yim chitu a lwe chi we ware buntiku Yesuwange, a ti kini chi we yamu ko, “Ka yam yo n tikake Lisiyas ka bede yinu ka mwata yamu.”

²³N Felis a yi wuduwe n̄ibu tokime ko a yotu Bulus we didiin, a nidu riye we, yinu a du fatibu k̄imu a nang ni chi kibadditu.

M Bulus a kakku Felis n ti Durusila

²⁴A kutengu a da diti bayimangu, n Felis a be n ti nayeko n Durusila wu n k̄in na Yafuda, a ni da n̄ibu a chake Bulus, a si kitele we yam k̄imu a keku biyilimang Yesu Masiyangu.

²⁵Yinu m Bulus a fwa yam yilemu n ti yinangu ni ka tau dur k̄inangu n ti mwatak̄iku kibedangu. We b̄ibu yam, tayi a tau Felis, a yi Bulus ko, “K̄ilatuwe didiin, n we mang yal̄inu yo mang ya k̄iswiye.”

²⁶Yade n k̄in k̄iyo n̄iru ko kanodu m Bulus ka fu k̄im̄in yii k̄ini kamb̄ire, n k̄in a le k̄iyal Bulus k̄idati kwang kifwa yamu ware.

²⁷A kuteng swat̄iti turabangu, n Fokiyu Festu a sute Felis we Kwabnatu. N Felis a du Bulus we dib̄int̄ilu d̄ine ke n̄ibu Yafudamu a wer k̄in.

Nangin Fandubim 25

M Bulus a yikani k̄ini yam k̄imu a d̄i Kaisare

¹Diti yitta a kuteng k̄iku n Festu a be ke k̄ichakakku k̄ini Kwabnatangu, A kun we Kaisariya a yika Wurchalima.

²We bwako, tikaketi fansetiyu n ti tikaketi n̄ibu Yafudam, a mar keme Buluse a d̄ik̄ine. N chi a wana k̄in ko,

³a ma ware m Bulus ka k̄ilan Wurchalima d̄ine chi a do b̄ikam n̄ibu ka mwatu k̄inu we ware ka chidu.

⁴N Festu a yi chi ko, “N̄ibu ka to Bulus a Kaisariya, m m̄in m m̄ifwan mang ya bwako a ne tike.

⁵D̄ine yiko, b̄iduum chimu a be ware n ti m̄in, ka ni wu a ma wuka k̄ile, n chi ka b̄itt̄inu.”

⁶A kuteng k̄iku n Festu a da ditiyi nar̄ibu ka kubengu, a kun a k̄ila Kaisariya. Baf̄inenangeko, a yi n̄ibu ko a chakku k̄im̄ine Bulus, n k̄in a swe a kaba yamu.

⁷Yo m Bulus a lam fiko, n̄ibu Yafudamu a chire we Wurchalima a kun a mu k̄im̄intuwe k̄ini yamiyu we dur k̄inu nabwen yiyu a mab̄i duri.

⁸Yinu m Bulus a kun a yu dur k̄inu ko, “Mang mabu k̄ile we yil̄in n̄ibu Yafudamitu n ti kan d̄idunu a Wurchalimanu ka n Kaisare ko bayim.”

⁹N Festu wu kibaddu n̄ibu Yafudamu ka wer k̄ine, a yi Bulus ko, “We mwang kedu mwang ya Wurchalima ke n̄ibu a kaba m̄in yam b̄ibu we kakku manga?”

¹⁰M Bulus a yi k̄in ko “M m̄in a kakku kan mwataku Kaisar, finu nang kan mwatak̄inu wu a Roma siine, fi nang fi a dakan n̄ibu ka kaba mi ȳam we. Yo kwer mwang yim mang mabu k̄ilewe n̄ibu Yafudame.

¹¹Ka m m̄in mang ma k̄ile wu a lwe mang bwade, a ne mang kodu mi n̄ibu a chiyuwe. Aya ka a ne biyil̄im we keme chiye, a ne nii a lwe ka ni m̄inu a fal̄ang chiyange we. N ke ȳamu ka yika kakku Kaisar.”

¹²A kuteng k̄iku n Festu a twaya ȳamu n ti kw̄al k̄inangu a ke ko, “Ȳam mumu a da, n̄in tung ȳamu a d̄iKaisare yinangu mwang babbangu.”

M Bulus a kakku Ak̄arifa n ti Bani

¹³A kuteng diti bayimangu, m Mai Ak̄arifa n ti Benis a ya Kaisariya yaka siye Festu.

¹⁴Yade n chi yaka ma diti we bwako, n Festu a fwa Mai m̄in ȳam we dur Bulus̄inu. N k̄in a yi Mai ko, wuka ni we wu n Felis a dummi a d̄ib̄int̄ile.

¹⁵Yo mang ya Wurchalima, tikaketi fanseti n ti tikaketi n̄ibu Yafudamu a mar keme niwe a d̄im̄ine ko, mwata k̄im̄in ȳam ch̄ikk̄im.

¹⁶N k̄inta chi mi a dakabu we da wu Roma ni mwata ni m̄in ȳamu niyang ȳant̄ilab̄im. A dakan b̄ibu a mar kememu ka fwa ȳam, n ti wu n chi a mar keme ko yinu naba k̄ile ka d̄au k̄ile ko.

¹⁷Yo n chi a be fi a d̄im̄ine, mang kaibu k̄iswi n yi chi mi a be miye k̄in, n swe n kaba ȳamu.

¹⁸Yo n̄ibu a mar kememu a kun k̄ifwa ȳame, n chi a chirebu k̄ini wuka k̄ile wuduwe wu k̄ikamadu kanodu a mange.

¹⁹Chi mang swaane, n chi a tuka ȳam a w̄are bunt̄ike, n chi a kebu n ti bwa wuka niye wu n chi k̄iyalu ko n Yesuwe, wu m Bulus kiyi n̄ibu ko n we k̄ini t̄ikuriye.

²⁰Yinangu mang ku chitu a ma bwarangu, m b̄iu Bulus mi ka n k̄in ka kedu ka ya Wurchalima ke n̄ibu a kaba k̄im̄in ȳam b̄ibu we bwako.

²¹Aya yo m Bulus a bau ȳam k̄imu ka yika kakku Kaisarange, n yi n̄ibu mi a nang to k̄inu a lam̄int̄i yo mang tung k̄inu a bwa d̄iKaisare.

²²Yinu n Ak̄arifa a yi Festu ko, “N ke mang nwe ȳam ni wumu m m̄ifwan. Wuko ko, ‘Mwang nwe ȳam b̄ibu f̄inenang.’ ”

M Bulus a fwa Ak̄arifa m̄in ȳamu

²³Baf̄inenangeko n Ak̄arifa n ti Benis a lewe k̄ini kul̄in mat̄im̄in, n chi a be n ti tikaketi n̄ibu kun̄imu n ti b̄iduumu a b̄in̄imu. Yinu n Festu a yi n̄ibu ko a be k̄ini Bulus.

²⁴Yinu n Festu a yi ko “Mai Akarifa n ti n̄bu we fimu, nii wu n̄bu Yafudami kwang a mar kemeko a Wurchalima n ti Kaisariya n nang wu. N chi k̄bwaka t̄ni kemi ko ni dudu we k̄ni t̄kuritu.

²⁵Aya m m̄n mang kubu chi a ma, wu a lwe ka bwade. Aya yo n k̄n a yi ko ni ya k̄ni yam k̄imu a nii wuduwe n Kaisare, n ke mi mang tung k̄nu we bwako.

²⁶“Aya a bwin yiko, m m̄n mang yabu k̄kwi tas wu mang mwal Mai Kaiser m̄nu a dur k̄ne. D̄ne yiko m be k̄ni k̄n we kakku changu Akarifa mi ka we mang ya chi mang mwalu a dur k̄n a kutengu ni tal yam k̄imange.

²⁷We d̄im̄ne ka kadu yinang d̄itu ka ni chaku ni wu we d̄ib̄int̄ilu ni tum, niyang yungbu k̄ile wu a mange.”

Nangin Fandubim 26

M Bulus a kwila yikiyu a kakku Akarifa

¹Yinu Akarifa a yi Bulus ko, “N̄n nin k̄iswi, kwila yam a dur mun̄imu.” M Bulus a kuku kangu, a mwe k̄fwa yam.

²“Mai Akarifa, m ma k̄t̄ime yinangu mang kwila yam b̄ibu n̄bu Yafudamu a fwaran we dur m̄n̄imu diwu we kakki mwangu.

³T̄int̄ine, n yim m mun k̄ni yingku we dati n̄bu Yafudamu n ti dokaku n̄bangu a yo yaram a le tibe chiye. D̄ne yiko, m̄n wananu, ma bwanu we nwek̄i yam b̄ibangu.”

⁴Yinangu tikaketi n̄bu Yafudamu a yimangu, a mwetuwe k̄idangu m̄n a bwelenangu, yo m m̄n we kuu b̄in m̄ne a lanta Wurchalima.

⁵N chi a yim m̄n feredi. N chi chifwan ka medu ka fwadu ko m m̄n a kw̄al n̄bu Farisamu. Kw̄al n̄bu Yafudam d̄idu a mabu t̄kali k̄ni bunt̄ik̄imu

⁶K̄ik̄angu n ti we kakku changu t̄imami kabak̄iku d̄ne mang yo n̄ru we riku bw̄aki Kwamangu a ma tukeb̄i ch̄iremu m̄nangu.

⁷Bw̄aki K̄iku nang k̄iku t̄if̄ik̄iri n̄nti kub chiri turabitu a yo n̄ru we k̄iyam riku kangu, a yo n chi k̄ifunbwiyu k̄i sii Kwama kum n ti kuko. Tete Mai, D̄ne mang yo n̄ru we riku bw̄akangu, nang chi a yo n̄bu Yafudamu k̄iku k̄ile miye.

⁸Wureni a yo we dangk̄i changu t̄ikudu n Kwama a ne ka medu ka kuku kw̄amiye?

⁹“M m̄n no m bw̄au we n̄r m̄nu t̄in mi mang funt̄ibwi mang kai chaku kakang d̄in Yesunu naba Nasarete.

¹⁰Nang chi mang ma a Wurchalima, tikake Fansetiyu a ni m̄n da n yo n̄bu nabwen a le d̄ib̄int̄ile we Wurchalima. M m̄n wetuwe b̄ibu a ke k̄ni bwa chimu.

11 Mìn buntì kambì Kwamatu mìn ni nìbu riye, mìn funtìbwi mìn yo chidu kìfwa yàm swāban we dìn Yesunu. Dìne mang kai nìre, mìn buntì chi we bintìtu ka nang bìbìle tìme mìn ni chi riye.”

Yinangu m Bulus a wokìtìm kìmangu

12 Yinangu mang chakakku kìnì nangang kìbwilang kìkangu, wuka di m mìn a wāre Dimasku, dìnè tikaketi fanseti a ni da a nitì takìda wu kìnì dukane.

13 Kìnì tibe kuko Mai, nang daandu we, n ku कांग yiiku kìku a latì wu a kuko a chire a dii, a yingei n ti nìbu nìn bungadu waremu.

14 Nìnni kìnì kwang nìn yaran a tìm, yinu n nwe dìkan ker kìfwami yàm kìnì yii nìbu Yafudame ko, “Chawulu, a mayire mun ni mìn riye? Mun ni dur mun riye we katìn tìtu mun madu n ti mìnitu.”

15 M mìn m bìu mi, muna wure, Tewuduwe? Mìn nang Yesu, wu mun ni riye.

16 Kun, n yungìn dur mìnù dìnè mwang kau wuduwe bwe nangangemi mwan mami nangang, mwang ma dìmwar we chi mwang kuutu a dìmìne n ti chi yamang yungìnu a bwa kake.

17 Mang yunu we nìbu mumu, n ti nìbu bìbu n ke kuu nìbu Yafudamu, bìbu man tum munu we dìchiyemu.

18 Mwang wudu chimìn nuiyu, ka chiredu we kìliye n ti fàlàng Setanangu ka kìla bwa dìKwama. Ka a ma yiko ka ya duku we kìleti chiyu. N chi ka yatì kula ware n ti nìbu bìbì wauwadìmu dìnè keku biyilìmang a dìmìnengu.

M Bulus a fwa nangan kangu

19 Dìnè yiko, Tete Mai Akarifa, mang kobu dwakam biyilìmu mang kuumu.

20 Dìnè yiko, m mwe dìmwaru we Dimasku yinu m mwetuwe Wurchalima n ti balàng Yafudiya kwang n ti yikayu kuuti, mi n chi a duwe chi tìbwilaitu a kìla bwa dìKwama, tìntìne nangìn tìyili chitu ka yungdu n chi a suten.

21 Nang chi a yo bìkamu nìbu Yafudamu a tai we Kan dìdunu a Wurchalimanu kìbaddu ka chiyitu.

22 Aya n Kwama a makai a lanta di, nang chi a yo mìn ma selìbu n ti bwesìmu mìn dìmwaritu. Mang fwabu bìkam yàm aya nang bìbu fākubu n ti Musa a fwa ko ka fwedìmu.

23 Mìn fwa Masiya wu a mwintuwe ka nwe riye, ka kau wukake we kunkì kwāmīyagu. We yiko, nang kìswi nìbu nabwen ka kuun diye, nìbu Yafudam n ti yikayu kuuti.

24 Yo m Bulus we kìkwila yàm nìbìmu a dur kìnìme, n Festu a fwa yàm kìnì dukan ko, “Bulus, dur munu a ribu! Nabwe kiku mwangu a yingle kìkwāme mo!”

25 Aya m Bulus ko, Tete Festu, dur mìnù a ri. Mìn fwa biyilìmu kìnì nìr mìnì sìk.

²⁶Mare m Mai a yim, mìn fwa kìmìn yāmu a ne tayi we. N yim a tabību bīkam we yāmiyu mìn fwadiyu. Dīne a fwebu a bura.

²⁷Tete Mai Akarifa, “N ke biyilimu we fakubu Kwama ma? N yim n ke.”

²⁸M Mai Akarifa ko, “Bulus, mwang yodu mang kau naba buntike we baku swi wu bayīma?”

²⁹M Bulus a yi kìn ko, “Kiswi bayim ka nabwen na, mìn twābābunitu we Kwama n ke dīne kana mune aya n ti bību we fi kīnweyimu, ka kadu yinang mìn aya a bwin kwabaku a maklanangu.”

³⁰M Mai a kun, Kwabna a kun tìn n ti Benis n ti bību ware n ti chimu.

³¹Yo n chi a chir we kan kabakīne, n chi a ti kītwayadu ko ni wu a mabu chi a lwe yīngeke ka bwange.

³²N Akarifa a yi Festu ko, “Ka n ke ni wu a tu a yi ko nību a tung yām kīmu a dīKaisare, a no mwang maiyu.”

Nangin Fandubim 27

M Bulus a le kwāmbīre mwe a kiyika Roma

¹Yo dokaku a ri nang yika Yitaliya, nību a du Bulus n ti bīkam nību tībīntīlīm a kang wuka wuduwe nību kīrangmu, wu dīn kīnu n Yuliyus, n kīn wuka we nību kīrang kwāl Kaisarīnu.

²Nīn kun yayu, nīn buntī kwāmbīre mwe wu a tīm Adiramitiya, wu kībaddu ka buntī betī bīni yiyu a kītīku Asiya. Wuka naba Tasalonika wu a tīm Makadoniya dīn kīnu n Aristakus, n we n ti nīn.

³Bafīnenangeko nīn lam Sidon. N Yuliyus a maka Bulus, a du kīn a ya bwana fatībī kīme ke n chi a maka kīn.

⁴Yo Nang kun kīni kwāmbīre mwe, kīfībe mwe a yingle nīn. Dīne yiko nīn buntī kuteng Saiyifuru bālangu kīfībe a ne dukan wengu.

⁵A kutengu nang yabu nabwe la tīm Kīlikiya wu a wume Famfiliya, nīn yika Mira, wu a wume tīm Likiyame.

⁶We fiko wuduwe nību kīrang Romame a bau wuka kwāmbīre mwe Aleksandiriya wu kiyika tīm Yitaliyame, a yo nīn we.

⁷Nīn ma ditiyu nabwen yayu a ku nīmīnibu, nīn mwata Kinidus yi bawi. Dīne kīfībe mwe a du nīn be, nīn buntī kītīku bale a ne mwe we, ka nang chikiye a kuteng bekune Kirite a kwatīna Salomiye.

⁸Nīn buntīn kītīku laang, nīn su fiko bawi, yinu nīn lam wuka fi wu nību kiyalu ko yo nīre lai ke kīdwan n ti bīn Likīyanu.

⁹Yade nang kai k_iswi we fiko nabwene, yayu a kabbi k_ini riye. We k_idang kangu k_iswi a tu a su nabwen, ka nang chikiye di yiye yafudame wu a d_auku dimwen k_iletiyē a su. Yinu m Bulus a ngau chim_in k_ikure.

¹⁰N k_in a yi chi ko, “N_ibu, n ku yayu wu yaka bwiladu, yaka yo chitu nabwen ka twiyadu, chi ka twiyade n ke kana kw_amb_ire mwe n ti kul_in, t_ikuri ch_iretu n wetuwe.”

¹¹Aya n Yuliyus a kebu k_ini y_am Bulus, n k_in a k_ila a ke y_am ni wu k_isii kw_amb_ire mwe n ti wu kw_amb_ire mwe n wu k_ine.

¹²Yade fi n chi ka f_ikande a lebu we kw_amb_ire mwe ka s_an_ang wenge, duwe chi kwang a ke ko chi chakakku k_ini yayu, ka we chi lam Finikiya ke chi ma s_an_angu a bwako. Finikiya wuka fi wu kw_amb_iri mwei k_i tiindu a Kirite wu k_idang k_itwale n ti tibe k_itwale n ti tw_ar wul_in.

Kifibe mwe laa

¹³Yo k_ifibe a mwe k_ikunedu we tw_ar wul_ini bayim bayime, n_ibu a d_au ko chitu ka swe bunge. N chi a wuwe k_amb_iru k_itau kw_amb_ire mwenu, a bunt_i bekune mwe wu a Kirite, k_idwan n ti k_it_iku laangu.

¹⁴A tibu ke d_ikan d_ibwilan k_ifiben a chire a bale tibe kir kulane n ti tw_ar a fwale suuu we bekune mwe.

¹⁵Yinangu k_ifibe a tung kw_amb_ire mwengu, a newe k_ini dukan ka mwatu k_ifibenu we. N_in du k_ifibe k_i tung n_inu a ne chi nang maditu we.

¹⁶Yinangu nang bunt_i kuteng wukane bekune mwengu, wu n_ibu k_iyalu ko Kauda, k_ifibe a swe bunge we fiko, n_in wuwe be kw_amb_ire mwe bawi k_idwan n ti kw_amb_ire mwe wuduwe.

¹⁷A kuteng k_iku n chi a wuwe kw_amb_ire mwe wut_ire a yo we wuduwengu, n chi a do bwiyu a kwaba d_wat_itu a kana kw_amb_ire mwe wuduwe k_in, ko ke a wuladuwe. D_ine n chi k_iwulu ko kw_amb_ire mwe ke a a ngaudu duru we yane Sirtise, n chi a s_iku s_ikk_ini k_amb_iri a no kukunu ko ke k_ifibe a tung kw_amb_ire mwe a ya yayu n k_ifwane.

¹⁸D_ine mul_in mwenu, k_iyingle n_inu yinang, baf_inenangeko, n chi a mwe k_i wo kul_inu a kw_amb_ire mwenu k_ikuru a mwe.

¹⁹We wutare di, n chi a chaku d_ikanu kul_in k_ini f_ali chi we kw_amb_ire mwe a fwal a f_ilang.

²⁰We yiko, n_in ma ditiyu nabwenabwen nang kubu di n ti k_iswitiyu. D_ibwilan k_ifiben d_idu k_irit_inu a ka d_in_ine. D_ine riye, n_in d_au ko nang twiyadu we mwe laa.

- ²¹Yade a ɗau kiswi n chi a chabu chiye, m Bulus a kun a ti we tibe chi a yi chi ko, niibu, ka no tinwe yam mimu mang yi mi ni kunu we bekune mwe Kirite, a no niyang nwebu riye wu.
- ²²Aya kikangu min ngau chimin kikure timu niri kwing, a ne ni ka kwala tikuri kite we tibe chin aya ni medu ni kwala kwambire mwe.
- ²³Nangkin, we kum wu, wuka naba ditumbire wu m min a falang kange, Kwama wu min ma kimin nangange, a timituwe.
- ²⁴A yi ko, “Nwedu tayi we Bulus, a mwintuwe mwang tidu we kakku Kaisarangu. Aya dine mune, bibu tibungadu waremu ka swidu we a lime Kwama.
- ²⁵Dine yiko, timu niru kwing niibu, dine n ke biyilimu we Kwamami yinangu a fwamiyangu, ka fwedi yiko.
- ²⁶Aya a mwintuwe dibwilan kifibenu ka twaki nidu ka yika min wuka yane bekune mwe.”
- ²⁷We kum wi kub chiri yaana, dibwilan kifibenu kifiki kwambire mwe nabwe laa Meditereniyane, kini kitangtilang kumang, niibu kisii kwambire mwemu a dau ko kano nin mwata kidwan n ti timu.
- ²⁸N chi a swe swan mwenu, aya a lam naniyu kuul kini wan turau. A kutengu nang chau kakki bayimangu, a sweti kida. A ya naniyu wan turkubu.
- ²⁹Dine n chi kiwul tayu ko ke chi tekaduwe n ti wuka bekune mwe, n chi a kwi kambiru kini turenginu n chi yaana a mar we kuteng kwambire mwengu ko ke kwambire mwe a kwantiduwe.
- ³⁰Aya niibu kisii kwambire mwemu a swe talimu ka wulu. N chi a siku wutire kwambire mwe ko kano niibu ka daddu ko chi siku kambir didu kini turen we kwambire mwe wuduwe.
- ³¹Yinu m Bulus a yi wuduwe naba kune Roma n ti niibu kirangmu ko, “Ka niibu bibu a swebu we mure kwambire mwe, a ne da ta swide we.”
- ³²Yo n chi a nwe, niibu kirangmu a mwata tidwatu kwambire mwetu, a du kwambire mwe a ya we mwe.
- ³³Yo timu a kwiyane, m Bulus a wana chi ko a chau chitu. A yi chi ko, “Wudiye kub chiri yaana, a kana kamaku dine kabu yayuwe a ma bwar, ta chabu tikan chi.
- ³⁴Dine yiko, min wana chinu tichau chabtutu dine limang bwiyanu. Dine n yim wuka chin a ne kwala kasi no kiriyang kangi kiin we dur kinu.”
- ³⁵Yo a fwa bibe, a dau kidanne, a twababunitu a wana Kwama, yinu a wulan a nika chi.

³⁶N chi k̄ini kwang a ya kungku n̄irangu, n chi a chatt̄i chabt̄itu.

³⁷N n̄in k̄ini kwang we kw̄amb̄ire mwe, kuuliti turau k̄ini wan t̄idibiin chiri burukuun.

³⁸Yo n chi a chau a lwe, n chi a kaar chaammu a fwala mwe. T̄itu a yo kw̄amb̄ire mwe a ma wayang.

³⁹Yo t̄imu a kwiyanē, n̄ibu k̄isii kw̄amb̄ire mwemu a yimbu bwa chi a ngan dure. Aya n chi a swaan wuka fwit̄ine k̄iswaiye n chi a bunte. Yinu n chi a funt̄ibwi a sii kw̄amb̄ire mwe ko chi yodu a yane ka we fwede.

⁴⁰N chi a mwata dwaṭ̄itu a k̄ambir d̄idu k̄ini turenu, yinu a duwe mwe. We k̄iswi wuko n chi a kwi k̄ilwade we chi k̄i tung kw̄amb̄ire mwe. Yinu n chi a kuku k̄amb̄iru a kakku kw̄amb̄ire mwenu yinangu k̄if̄ibe ka medu ka tungdi kakangu. N chi a yo dur kw̄amb̄ire mwenu a bale mwe.

⁴¹Aya yo nang lam fi mwe k̄ingabande, kw̄amb̄ire mwe a ku yane, a yo dur kw̄amb̄ire mwenu a le yane k̄iring. We bale kutenge, kw̄amb̄ire mwe a mwe k̄ingiradu d̄ine d̄ibwilan labi mwetu.

⁴²We fiko n̄ibu k̄irangmu a kun k̄ibaddu ka ch̄ibe n̄ibu t̄ibint̄ilimu, d̄ine ke wuka a wullu a swiduwe.

⁴³Aya naba kune wuduwe d̄ine a ke ka yu Buluse, a ko t̄ikuran t̄itu. Yinu a ni da ko ka nang wuwule niye wu a me mwe, a chir a yu yikiyu a yika k̄it̄iku laangu.

⁴⁴B̄ikamu a f̄il bwi kw̄amb̄ire mweyu, b̄ikamu a f̄il t̄iwulani kw̄amb̄ire mwetu. Nang tiyangu n chi a chir m̄in we laa l̄imangu.

Nangin Fandubim 28

M Bulus a bekune mwe Malta

¹A kutengu nang swiyangu, be n̄in swaan ko d̄in bekune mwenu Malta.

²N̄ibu b̄in d̄ik̄inu a ma n̄im̄in k̄ilimangu nabwenabwen. N chi a yiu n̄in k̄ini f̄ali yurau, a mwa n̄im̄in k̄irang d̄ine k̄iswiye mwe, t̄imi k̄irim.

³M Bulus a kare tiniyu k̄ik̄ibu k̄irangu. Wuka soo wu kwane a chire we tiniyu d̄ine k̄irangi kwise, a dum Bulus a kwasatuwe f̄alanḡu.

⁴Yinangu n̄ibu b̄in̄imu a ku soo a yabi yangk̄iling we f̄alanḡ Bulusangu, a fwa we yichiyu ko, “Nii wu k̄ich̄ibe dutu, kasi k̄iku n k̄in a swi we mul̄in laanangu, a mwintuwe ka bwadu d̄ine k̄ileti n̄ibiyu we dur k̄inu.”

⁵M Bulus a wasu f̄alanḡ kangu, soo a swituwe k̄irangu. N k̄in a nwebu burang.

⁶N Chi k̄kamadu ko faḷangu ka muddu, m Bulus ka yaru we t̄imu ka bwa t̄inu. Aya yo n chi a daḷu k̄twalang a ku chi a fwebe, n chi swanan ko n k̄in wuka Kwama.

⁷We fiko kuu we, n wu tikake bekune mwe wuko, wu d̄in k̄inu n Fubiliyuse. N k̄in nang wu a yiu n̄in, a ni n̄in fi wu yile wu nang f̄ikan we diti yitta.

⁸N te Fubiliyuse n we fi a dam̄ine d̄ine k̄kwam k̄iswet̄i k̄ituum. M Bulus a le a twaḅa k̄im̄in bunitu, ni wu a be we burangu.

⁹A kuteng t̄itangu, n̄ibu a bubuwemu we bekune mwe a kiyawe k̄it̄ibu k̄ibe bwa a d̄iBuluse k̄iya beku.

¹⁰N chi a m̄ila n̄in nabwen. Yo a lam nang kunu k̄ini kw̄amb̄ire mwe, a bau n̄inm̄ine chitu n̄in badditi kwang.

M Bulus a lam b̄in Romanu

¹¹A kuteng swarti t̄itangu, n̄in kun k̄ini kw̄amb̄ire mwe Aleksandiriya wu a ma saṅangu we fiko, t̄int̄ine n̄ibu a mu k̄im̄in dutu t̄iyobi kwamati turau.

¹²Yo nang lam Sirakuse, n̄in ma diti yitta we fiko.

¹³N̄in kun we fiko n̄in yikan n̄in fwadu a Rikiyum. A kuteng di wiinangu, k̄if̄ibe a chire a kir kulan, aya baf̄inenangeko n̄in fwadu a Futiyoli.

¹⁴We fiko n̄in teka m̄in n ti b̄ikam kebu n̄ibu bunt̄ik̄im̄. A wana n̄in ko n̄in ma ditiyi yidibiin n ti chi. K̄ini yiko, n̄in lam Roma.

¹⁵Yinangu kebu n̄ibu bunt̄ik̄imu a Roma a nwe beki nangu, n chi a chire bek̄iyiu n̄in a kw̄amar Afiyus n ti fi n̄ibu k̄iyalu ko lo f̄ikare wu a taban chi yitta. Yo m Bulus a ku chiye a wana Kwama, a sub a yat̄i dukanu.

M Bulus a lam Roma

¹⁶Yo nang le Roma, n̄ibu a du Bulus n k̄ikun n ti niwu k̄ito k̄ine.

M Bulus a ma d̄imwar a Roma

¹⁷A kuteng ditiyi yittangu, m Bulus a yal b̄iduumu n̄ibu Yafudamu. Yo a murane a yi chi ko, “Kebu m̄im, kasi k̄iku mang mabu k̄ile we n̄ibu chiremangu, ka k̄ile wu a da takebu ch̄ireme, a mwintuwe n̄ibu a tai we Wurchalima, a yi n̄ibu Romamu ko a kwai.

¹⁸Yo n chi a yaṅt̄ila yaṅ m̄ime, a ke ka mariyu, d̄ine n chi a yaibu k̄ini wuka k̄ile wu a lwe n̄ibu ka chiye.

¹⁹Aya kuu n̄ibu Yafudamu a ko, a kammi k̄ing mang su kakku k̄ini yaṅu a d̄i Kaisare kasi k̄iku n ke ko m̄in Mai keme n̄ibu ch̄ireme.”

²⁰Nang chi a yo mang bau mang ku ch̄ine d̄ine ke n twayan n ti ch̄in yo chitu a kau d̄ine n k̄in wu n̄ibu Yisrelamu k̄iyon n̄iru we beki kange n̄ibu a kwai k̄ini mak̄ilan.

21 N chi a yi k̄in ko, “Nang yabu d̄ikan lwanḡin d̄idu a chire a yaa Yafudiya k̄ini d̄in mun̄in, a net̄i wuka ke chire we wu a be fi k̄ini yam̄ mume we, ka k̄ini b̄ikam yam̄ b̄ibu a l̄imb̄ime we dur mune.

22 Aya n̄in baddu nang nwe t̄ikuran mwitu a yiimo, d̄ine chi nang yimitu nang w̄are wufwiye wu n kawure k̄ifwa yam̄u we dur k̄ine.”

23 Yo n chi a do di ka tekandu n ti Buluse, n chi a be ngaban a fi n k̄in a s̄ik̄i m̄ine, n chi nabwenabwen. Kanga mwe m̄ini sinangu, di lit̄iu n k̄in k̄ima chim̄in d̄imwar yaa Kwamanu. K̄ifunt̄ibwi ka wuwe chidu a bwa d̄iYesuwe, we miyaki kangu k̄ibunt̄i yil̄in Musaitu n ti tatt̄ik̄idai fakube.

24 B̄ikamu a ke chitu n k̄in a fwatu aya b̄ikamu a ko a kebu biyil̄imu.

25 B̄ingai a k̄ila le tibe chi. N chi a yara bal̄in ti turau. Yo n chi a tibu yarade, m Bulus a mar chim̄in d̄ikwal̄ yiini diin ko, F̄ik̄im Kwamamu a fwa biyil̄im yo a fwa takebu ch̄iremu m̄in a yii fak̄u Yichaya ko,

26 “Ya fi a n̄ibu b̄ibe n yii mwiko, ta nwe yam̄ m̄imu, aya a ne ta swaanu ko bayim ta n̄in dang chitu aya ne ta swiru.”

27 D̄ine n̄itu n̄ibu b̄ibitu a ma k̄inḡkinḡ. N chi a tal k̄iteli chiyu, a ȳinge nuiyi chiyu. Ko ke chi kuduwe chi nwe t̄inuwe, ka swaangke. Ka lam̄int̄i yo n chi ka k̄ila fi a d̄im̄ine mang be chidu.

28 “D̄ine yiko, a dakan ta swaanu ti n Kwama a tum yam̄ yukumu a lant̄i yikayu kuuti. N chi t̄in ka si k̄itele.”

29 [Yo n k̄in a fwa b̄ibe, yinu n̄ibu Yafudamu a le k̄itukadu k̄ini dukan we tibe chi.]

30 M Bulus a swe we lo f̄ikare wu swat̄iti turau. Kiyiu n̄ibu k̄ibe fi a d̄ik̄inemu kasi no m b̄iwure

31 Yo kwer n̄ibu a dangbu k̄in d̄imware, n k̄in a chakakku k̄ima d̄imwar yaa Kwamanu, k̄imiya n̄ibu m̄in yam̄ Tewuduwe n Yesu Masiyamu a ne tayi we.

Romam

Romam 1

Djisir Bulusjɛn

¹Mina Bulus bwe wu kalille Yesu Masiya. Fandu wu suture wu n Kwama a yal ko a ya fwa yam bilim,

²bibu n Kwama a bwaɔ a yii Fakube feredi we yam bimwalilim kimime.

³Yam bibu a dur Bwe ko n Yeseu Masiya. Wu we da niye, a biu kin a kifiku Mai Daudange.

⁴Kwama a yung n Yesu Masiya Bwe ko we kunku kangu a furangu, dikan a Fikim Tewuduwe.

⁵N Kwama a ni min da wu mang kau fandu Yesu Masiya dine din kine, ke n yal nibu we kuuti a ma kwambir ke a ke biyilimu a buntj kin, ke a ni kin dwiyen.

⁶N tin wetuwe bibu n Kwama a yal ke a kau bibu m biu Yesu Masiyamu.

⁷Min mwal bibu a Romamu minu, bibu n Kwama a milan, a yal chi ke a kau nibu kimimu. Lime n ti limang kika diKwama Te chire n ti Tewuduwe Yesu Masiya a swe n ti chini.

M Bulus a twabɔ buni n ti diwan

⁸N ke mang mwedu kini diwan a diKwama we din Yesu Masiya dine tin kini kwang. Dine titiniti kwang kifwa yam keku biyilimang changu.

⁹N Kwama wu min ma kimin nangange kini nir mini diin we dimwar Yam bilim Bwe kone, nang wu ka fwadu kangi kwadu min kuri kini chin we twabaku buniyangu.

¹⁰We twabaku mangu kidati kwang. Kikangu ka no Kwama ka kemide, a no nii da mang ya chimin disir.

¹¹Chi a yo mang bau mang ya bwana di chine, dine ke tiya rikekiku a Fikim Kwamamu, ke a ni chin dukanu.

¹²Chimin fwaditu nang titu. Ke m min n ti chin ni rike yichireyu kidangu kini kiin we keku biyilimang chirengu a diYesu.

¹³Min baddu ta yindu kebu mim, tiko min kuru kwadu mi mang ya bwa a di chine ke nibu nabwen a wo kitim we dichine yinang kangu a fwe we yikayu kuuti yangu, (aya a maribu ko n ya a lanta kikang).

¹⁴Mini kini kidaddaku dimwar yam bilim we dur minu dine nibu Yelenamu n ti bibu n ke Yelenamu, bibu a swaanimu n ti bibu a swaanbimu.

¹⁵Nang chi a yo mang bau mang fwa chimin yam bilim tintin, n tin nibu Roma.

Dukan mwaku yam bilim

¹⁶M_{in} mang nwebu dibwi we fwaku yam Kwamamu d_{ine} t_{itu} dukan Kwaman, ke a yu ka wuwule niye wu k_{ike} b_{iyilim} a d_iYesuwe: A mwetuwe n_{ibu} Yafudam, ka swan t_{inu} a Yelena.

¹⁷Nangkin, yam b_{ilimu} k_{iyungdu} yinangu Kwama a yo niyang kau n_{ibu} k_{itum} yilem, yile wu k_{ibuntinu} a keku b_{iyilimang} we wu a ti kake ti wu a swane. Yinang ka mwal we Yam Kwamamangu, “N_{ibu} n_{iri} d_{inimu} ka swidu k_{ini} keku b_{iyilimang}.”

Kifwini Kwama we kiletiyu

¹⁸Kifwini Kwama a kwalan we dii, d_{ine} k_{iletiyi} kwang n ti chi t_{ibwilai} t_{ita} n_{ibu} b_{ibu} k_{iyinge} b_{iyilimu} k_{ini} n_{itu} t_{ikwanin} chitimu.

¹⁹N Kwama k_{iwu} chimin k_{itele}, d_{ine} n chi a yim chi a no dakan ka yinde. N Kwama k_{ifwan} a yung chi.

²⁰We tile b_{irke}, da Kwama niyang yimbe n ti dukan k_{inu} k_{idiya} kwad_{inu} n ti fiswe ko wa Kwama, ni swaan yinang, we chitu n k_{in} a yowetu, a ne ni ka ya filliye we.

²¹Aya kasi k_{iku} n chi a yim Kwamangu, a n_{ibu} dwiyen kitu a lam_{intibu} d_{iwan}. T_{ikuran} chitu a kau t_{ikusi}, n_{itu} chitu a ne swaanku we, a ri k_{ini} k_{iliye}.

²²Kasi k_{iku} n chi k_{idadu} ko chi kasanangu, n chi kasi d_{ibu}.

²³N chi k_{isute} dwiyen Kwama siinitu k_{ini} dwiyen nii wu bware n ti ta k_{inibitu} n ti ta naitu n ti kwal_{ichinu} k_{ikwadukwakane},

²⁴D_{ine} yiko, n Kwama a du chi ko a nang burt_{idu} yinang ka n_{ir} ch_{inu} k_{ibadangu}. N chi k_{ibwitidu}, k_{ikai} yichiyu k_{ini} t_{ikulitu}.

²⁵N chi k_{isute} b_{iyilim} Kwamamu k_{ini} t_{ikwani}, n chi k_i sii kwalin chinu n Kwama yonu k_{idu} Kwama we, wu ka yiu delaku k_{idiya} kwade. Amin.

²⁶Nang chi a yo, n Kwama a du chi ko a nang bwita yari chitu. Ko no nang nat_{ibu} chimu, k_{imanadu} yinang kwartabu a du k_{iswi} n Kwama a yon chiye we k_{ima} dati a dakabiyu.

²⁷Nang kangu kwartabu a du da wuyile n ti nat_{ibe}, yinang ka no dakanangu, kwartabu k_{ima} chi dibwitu a bwiti chi. Kwartabu k_{ima} da wumu kiyale t_{iwela} Kwama wu f_{irantuwe} da chiye.

²⁸D_{ine} yiko, yo n chi a ko ka yiu Kwama wu yile, n k_{in} a du chi ko a nang temadu we n_{itu} chitu, n chi k_{ima} chi a no dakabu ka made.

²⁹N chi a ri n_{itu} ch_{itu} k_{ini} bwilai n ti t_{ikwaniti} n ti n_{ir} d_{ikwanin} n ti mul_{in} m_{ikakwiye} n ti kubeku. N chi a ri k_{ini} kat_{in} kifwini n ti kakku dutang n ti t_{ikulani} n ti d_{ibutir} n ti mul_{in}. N chi a ma t_{ifwaran} n ti

³⁰n̄ibu yii rarabim̄ n ti b̄ibu a ko Kwamam̄ n ti n̄ibu mwek̄inim̄ n ti b̄ibu a kubu k̄isiyang niyangim̄ n ti b̄ibu k̄ikukku dutu chitu nabwenim̄. N chi k̄ibabba w̄ari bwilayu we bwa we m̄ine, a mabu kw̄amb̄ir we sel̄ibu.

³¹N chi a ne t̄ikuran we, a ribu bw̄ak̄i changu, a ne k̄ike we, a ne chi k̄ibune we.

³²Kasi k̄iku n chi a yim we kabaku Kwama k̄iyilangu ko n̄ibu b̄ibu k̄ima t̄ichitu wumu a lwe bwangu, n chi a dubu t̄ichitu wu, k̄iru n̄itu we b̄ibu k̄imad̄imu ko da chi a le.

Romam 2

Mwataki Kwamange

¹D̄ine yiko, t̄in fal t̄ine yam̄ we, n t̄in b̄ibu t̄iku k̄ileti b̄ikam̄imu. Kangu t̄iku k̄ile b̄ikamangu, we d̄ich̄ine yare k̄ibedu. D̄ine n t̄in b̄ibu t̄imwata yam̄ a n̄ibumu t̄ima t̄in chitu wu n chi k̄imade.

²K̄ik̄angu, ni yim mwataku Kwamangu a biyilim̄, we b̄ibu k̄ima k̄iletimu.

³Aya m mun! Wu mun fwa yam̄ we k̄ichitu wu mun mat̄ine, mun kamadu mwang swidu we mwataku Kwama Tenga?

⁴Ka mun sw̄aba nabwe l̄ime Kwama n ti muku n̄iran kangu n ti bwanu kongā? Mwang yimbu mwi l̄ime Kwama d̄ine ke n wo k̄it̄ima?

⁵Aya d̄ine n̄ir muni k̄inḡk̄inḡ mwang nwebu diye, mun yal dur munu m̄ine kifwini Kwama wuduwe we di wu n Kwama ka tidi tas d̄ine kabake.

⁶N Kwama ka ni kawure wuko k̄it̄ime, ka wu yile, ka wu bwila.

⁷We n̄ibu b̄ibu a yot̄i n̄iru we kwing k̄ima chi a le, ka ni chi t̄ikuri k̄idiya kwadi.

⁸Aya b̄ibu k̄ibau dutu chiitu m̄in dwiyen̄inu, b̄iba ko biyilimu k̄ibunt̄i bwilamu, n Kwama ka ma kifwini k̄ini chi nabwen.

⁹Kanang wuwule niye wu k̄i tum bwila, ka wuranbwi k̄ini riye n ti d̄ikum̄en: A mwetuwe n̄ibu Yafudam, ka swan t̄inu a Yelena.

¹⁰Aya dukan n ti dwiyentu n ti l̄ime, n wu ka nang wuwule niye wu k̄ima chi a le. A mwetuwe n̄ibu Yafudamu ka swant̄ina Yelena.

¹¹Nanḡk̄in, n Kwama a swabuswabe.

¹²Kanang wuwule niye wu a yar yo a yimbu yil̄in Kwamate, ka ya t̄iwelan we k̄itaku chiyangu. Aya wa yar we yo a yak̄ibunt̄i yil̄ine, ka ya kabaku k̄iku a yil̄inange.

¹³Aya b̄ibu a nwe yilamu a kau chi m̄inbu w̄are swike we kakku Kwamamu aya b̄ibu k̄ibunt̄i yil̄in Kwamat̄imu nang b̄ibu ka ya delaku Kwamamu.

¹⁴We Kuutiya a newe k̄ini yil̄in Kwamat̄imu, ka bunt̄i yil̄intu we n̄itu chitu, a kau chi m̄in yil̄in Kwamatu, kasi k̄iku n chi a newe k̄ini a yil̄in̄imu.

¹⁵Yo kwer n chi a nwe we n̄itu chiitu, yilangu k̄ima nangange, bwi chiyyu a kau d̄imwar, kiyaka chidu we n̄itu chitu k̄itot̄i chidu.

¹⁶Di ka bedu wu n Kwama ka kaba n̄ibu m̄in k̄iletiye, k̄idangu ka kaba n̄ibu m̄in t̄ilairi t̄itu a d̄iMasiya te, yinang ka ȳam b̄il̄im m̄ima fwangu.

N̄ibu Yafudam n ti yil̄in Musatu

¹⁷M Mun wu mun ngau kwiye mwi m mun naba Yafuda, mwi mun bunt̄i yil̄in Kwamaye, mun kuku t̄ini dur mwi m mun n yim Kwama,

¹⁸mwiko n yim chi Kwama k̄ibaddite, d̄ine mwang swaan we yil̄intu chi a da makite,

¹⁹Yinu n yo we n̄ir munu mwi n lwe mwang tw̄aku wu a kubu diye, mwang kau yiiku we n̄ibu a swaanbu chi me.

²⁰N ke mwang miya b̄ibu n ke n̄ibu Yafudam m̄inu, b̄ibu mwang d̄au mwi d̄ibu d̄ine a swaanbu ȳam Kwamame, d̄ine muni k̄ini yil̄in Kwamatu mwang medu mwang miyaditu.

²¹M mun wu mun miya b̄ikamu m̄inde, mwang miyabu dur munu m̄inba? M mun wu mwang kebu n̄ibu ka ma kut̄ite, mwang maba?

²²M mun wu mwang yi mwi n̄ibu a madu t̄ikulitu we, mwang maba? M mun wu mwang babu mwang nwe ȳam d̄iyor̄ime, mwang mabu kut̄itu we senga?

²³N t̄in b̄ibu t̄ikuku duru ti t̄ibunt̄i yil̄in̄imu, ta kaibu Kwama m̄inbu n̄iru we yo ta bunt̄ibu yilanga?

²⁴Yinangu a mwalangu, “Kuuti k̄i sw̄aba d̄in Kwama nu d̄ine ch̄in!”

²⁵Biku laabiyang n̄ibu Yafudamu k̄ini k̄ikwi ka t̄iyadu we yilange, aya ka t̄iki yilange, t̄ik̄ila t̄ikau yinang b̄ibu a no yimbu Kwamam.

²⁶Ka b̄ibu ke n̄ibu Yafudam a bibu laar̄imu a bunt̄i chi yilangu k̄ifwade, n Kwama a ne mar chidu ka kadu yinang b̄ibu a bi laar̄ima?

²⁷B̄ibu a bibu d̄iten laar̄imu, yinu k̄ibunt̄i yil̄int̄imu, ka mar ch̄inu a bwa d̄ine kasi k̄iku ta yim yil̄in t̄itu ta bit̄i labitangu, ta bunt̄ibu yil̄intu.

²⁸Naba Yafuda siine niyang d̄angbu a biku laarangi siine n ke d̄iten bwine.

²⁹Naba n̄ibu Yafudam siine ni kudu a n̄ir k̄in, biku laarang kangu k̄iku a F̄ik̄im a n̄irang, n ke yil̄in t̄imwal̄iri. K̄iduum n̄ibu b̄ibumu, n Kwama nang wu k̄iwer chide, n ke ni.

Romam 3

Nir diyilin Kwaman

¹Yoye nii wu n kin nibu Yafuda a la bikami wureni? Tamang kangu wureni we biku laaringu?

²Kila we wariyu nabwen! Nibu Yafudam nam bibu n Kwama a wudu chimim yam kimimu.

³Aya wureni, ka bikamu a kebu biyilime yam Kwamamu, tikan chiya? Ke kwalan keku biyilimang chiyange a kwel nir diyilin Kwamana?

⁴Yam Kwamamu kini biyilimu, ka n wure naba tikwaniye yam Kwamam a yi ko, "Ke yam mumu a yung yilemo; Ke n chau kila yo nibu ki kaba min yame."

⁵Ka kwalan yile chire kiyilawe yile Kwama a diye, ni fwadu ko wule? Yoye n Kwama a lele we tiwelan kitu kiwiyaadu a dur chirenita? Min fwadu yinang ka nibu kifwadang.

⁶Kikumang a newe yiko. Ka no yiko, n Kwama ka kaba titinitu mindi yire?

⁷Wuka nii a ne kedu, ka dine kileti miyu biyilim Kwamamu a chire filang a dwiyeke, wureni a yo Kwama kiduiyu chiku ko min naba kiletiye?

⁸Ka yiko, a ne ni chakakku kini maku chi tibwilaitu ke a kau nangang kiyileng chirenga? Yinangu bikamu ki swaba nidu we titikiritu ko, "Ni ma tibwilatu ke yile a fwe." Kaiku chiyangu a da.

A ne nii kitum yile we

⁹Ni swan yamu ko wule? N chini nibu Yafudam ni la wure? Ko wiin! A ma tu mang fwa yamu mi nibu Yafudam n ti Yelena a fi wiine we lwadime wa kiletiye.

¹⁰Yinang ka a mwal we yam Kwamam a yi ko. "A ne nii kitum yile we, a ne ni we ko wiin.

¹¹A ne nii we ko wiin, wu kini swangku biyilimange, A ne wu kibau Kwama we.

¹²Nibi kwang a ni Kwama kuteng, N chi a fi wiine a kau bikusim, A ne ni we ko wiin wu kitum biyilime, A newe ko wiin."

¹³"Yami chiyu a ri kini bibu a kichibem; ben chinu a ri kini tikwani." "Chi kichiredu a yiniye, kini nibu riye yinang bun son."

¹⁴"Yini chiyu a ri kini fufuke."

¹⁵"N chi a lim bwiyu we kaiku niyangu n ti chiku kangu;

¹⁶Kasi no finu n chi kifan nange bob kini furi kilin.

¹⁷N chi a yimbu ware lime."

¹⁸"A ne tayi Kwama we a nitu chitu."

¹⁹Kikangu kasi no yilangu a fwa ko wule, a fwa a bibu kiyadu we yilini, ke ni a fwadu tikan chi we aya titinitu ka yindu ko mwataku Kwamangu kiyam kinu.

²⁰Dine yiko, a ne nii wu ka swida kakku Kwamange we ka dine kitum yile; dine yilangu kiyodu mun ku kilemo.

Tiyangu niyan ya yile we diKwamangu

²¹Kikangu wu yile a diKwama, a bwin yilangu, a be wuse ni mine ware yile, wu tattikidai yi kariyu n ti fakubu a fwa.

²²Wauwade n wu Kwama wu, kiyadu we ka nang wuwule niye wu a ke biyilimu we diYesu Masiya a ne lakaku we.

²³Dine nibi kwang a ma kileti, a kitan we dwiyen Kwamatu.

²⁴A mwintuwe kikangu we nabwe lime ko a yo n chini n ke nibu kiletim, a ma titu a diYesuwe, n kin wu a chaku ni we kiletiyu n kin a dabiyu.

²⁵N Kwama a ke bwako a kau wa tuke, a keku biyilimang we kitum kimu. N Kwama a ma ying ko ke kiyung yile ko.

²⁶A yungi ying we kiku kidang ko n kin n kifwan naba yile. Tintine, kiyo wa ke biyilim a diYesuwe kiya yile we kakku Kwamangu.

²⁷Yinu ngauku kwiyengu a bwale? A newe. A wuwule da? A dine ni bunti yilina? A newe yiko. Aya a keku biyilimang.

²⁸Nangkin ni ku fal we keku biyilimangu yile kiyadu we kakku Kwamangu. N ke ko ni ka buntu yilin.

²⁹Kano Kwama wu nibu Yafudam n chi kuna? A newe yiko! Kano yikayu kuuti, Kwama n ke wu chiya? Kikumang! Kwama wu nibi kwang.

³⁰N Kwama ka wu wiine. Ka yo bibu a bibu laarimi wauwadu we kakku Kangu dine n chi a ke biyilime.

³¹Yoye, yam yilini a newe dine yam keku biyilimanga? Ko bayim! Yam yilini n we, dukan yam yilini a susube.

Romam 4

N Yibrayim a chir dine keku biyilimang

¹Ni fwadu ko n Yibrayim tuke chire ferediye a swaan yam bibi yire?

²Kikumang ka no Yibrayim a ya chirku we nangang yile konge, n kin a no ya chi ka ngan kwiye aya a newe a kakku Kwamangu.

³Yam Kwamamu a fwa ko, "N Yibrayim a ke biyilimu we yam Kwamamu, dine keku biyilimang kangu a kakimin yile we kakku Kwamangu."

- ⁴Kikāngu ka nii a ma nangange, sure ko a ne yidi līmang, kiyiu ture ko.
- ⁵Aya nību kiya yile dīne keku biyilīmange n ke nangang kawureng,
- ⁶Tītu nang chi n Dauda kifwaditu, yo a yi ko naba tīmīlane, n kīn wu Kwama a yib a mar kīn a wu kītum yile. A kurabu kasi no tītīle tītu wuko a maatu.
- ⁷Nību tīmīlanīm, n chi bību kīki yilīnīmu dīne ka du chimīn kītaku chiyangu, n chi bību nību a du chimīn kīletīmu.
- ⁸Naba tīmīlane, wu n Tewuduwe a ne ki kīleti kiye!
- ⁹Kano tīmīlan tītu n Dauda a fwaatu n tīu kana bību a bi Larīma ka n ti bību a bibu laarīma? A newe yiko! Bību a bibu laarīmu wetuwe mure. A mang fwa we bīmwalīlīmu yām mi, “N Yibrayim we keku biyilīmang kangu n Kwama a yiu kīn a yile.”
- ¹⁰Tīchitu wu a fwe fere? A kakka ka a kuteng kīku m Yibrayim a bii laaranga? A kakku, n ke a kuteng.
- ¹¹N kīn a yiu a ya dīmwal biku laarangu, yinu biku laarang kangu a kau dīmwal dīdu ka yungdu yile kon dīne keku biyilīmang n Kwama a yiu kīn a yile yo n kīn a no a tibu we. Dīne yiko, m Yibrayim nang te wu a bību a ke biyilīmi kwang we dīKwama yo n chi a tibu bi laarang, ko ke chi ya kiku a yilengu.
- ¹²N kīn nangtī te we bību a bii laarīmu, n ke ka bību a biimu aya n chi a buntī nani Yibrayim we keku biyilīmangu we yayu yile yo no a tibu bi laare.
- Bwaku Kwamangu ni yadu a kekubiyilimang**
- ¹³Yām bwākī ko m Yibrayim ka kau wu ka chau kula n ti kīkuwang kangu a tītīnīmu a chirebu a yilīn Musan aya a chire a yile wu a keku biyilīmange.
- ¹⁴Nangkīn, ka bību kībuntī yilīn Musatīmu a kau bība kulame, keku biyilīmangu a mabu kīkwi, tītīnīne bwākī Kwamangu a kab a newe.
- ¹⁵Dīne yilangu kībedu kīni kifwini Kwama. Yinu fi a ne yilang we, a ne kiku yilīnangu we.
- ¹⁶Dīne yiko, bwākī Kwamangu a ti a keku biyilīmang. Tītu ke a buntī nabwe līme Kwama, yinu ke a ya kiku we bwe bwiye Yibrayimi kwang, Kanang chikiye n ke ka bību yilang a sīngīmu aya n ti bību a tau keku biyilīmang Yibrayim. N kīn nang te chire kwang,
- ¹⁷Nang chi yām Kwamamu kifwade ko, “N yo mun te wu a kuuti nabwen.” Tītu a fwe dīne n Yibrayim a ke biyilīmu a dīKwama wu kīni kwāmīyu tīkuriye n ti yām kīmu kīyo chi a kabītu kīkadu.
- ¹⁸Yo n Kwama a bwāu Yibrayim mīn ko n kīn ka kau te we a kuutiyu nabwene tiyang ka fwa kīmīnangu “Nang tiyangu bwebwiyeti mwiyu ka kannangu.”

¹⁹Aya keku biyilimang Yibrayimangu a kītabu kasi kīku n kīn a yim ko kīmwang kīkarang yinangu ka kau te we kīswi wu swatu kitu kuul yinu naye ko n Saratu kītwane.

²⁰Amwituwe keku biyilimang kangu a kītabu we bwaku Kwamangu, we biyilimu keku biyilimangu a kīla kīsudusube, aya ruku we keku biyilimang kangu yina rikati Kwama.

²¹N kīn a kamabu chi ko bayim we bwakīku n Kwama yo ka ma kīmindangu.

²²Keku biyilimang Yibrayimangu nang chi a yo n Kwama a yo kīn naba yile.

²³Aya tīkwali tītu ko, “A yiu kīn a yiletu.” A mwalbu dīne kana kīn n kīkun.

²⁴Dīne chīni tīntīn, kīyo ni mīnu we nīru n Kwama ka yo chīni nību yilem ka ni ke biyilimu we dīkīne wu a kuku Tewuduwe n Yesu we bību a bwaranīme.

²⁵N Yesu wu a bwa dīne kīleti chireye, a kuku kīn ke n chīni ni kau nību yilem we kakku Kwamangu.

Romam 5

Līmang n ti tīmīlan

¹Kīkangu niyang kau nību yilem dīne keku biyilimang chirengu, ni ya Līmangu n ti Kwama dīne chitu n Yesu Masiya Tewuduwe a ma nimīne.

²Dīne keku biyilimang chirengu, m Masiya a yo ni ya da fi wuduwe ni ti mīn. Ni ma tīmīlan we yo nīre wu a fiswe ware n ti Kwama we dwiyen kitu.

³A bwin yiko, n chīni ni rikadu we nwe riye dīne ni yim riye kīyar ni we dako, kiyodu ni ya ruku.

⁴Yarkīku kīyo Kwama kīnwe tamang kīni da chire, keku Kwamang kībedu kīni yo nīre wu a yaku yukange.

⁵Yo nīre wu a ne ka kau tīkusi we nīr chīrenu dīne ni yim n Kwama a mīla ni, a ni chīni Fīkīm bībi wauwaudīm dīne mīlaku kang.

⁶Tīdang we yo no n chīni niyang tibu ya dukane, m Masiya a bwa dīne bībwilamu a kīswi wu n Kwama sute

⁷Dīne a ma bwar yinang ka n chīni ni ya wu ka bwadu ko ke kī yu nii wu yilengu. Kasi kīku ni medu ni ya wu ka bwadu dīne nii wu yilengu.

⁸Aya n Kwama a yung mīlakī kangu we dīchīniye yo n chini we kīleti suke, n Masiya a bwa dīne chini.

⁹Yo a chaku niye dīne kītuumu a fwalīme, kīkumag n kīn ka yu nidu we kīfwini Kwama.

¹⁰Kangi yangu a no n chini fakwarbu Kwamam aya kikan̄gu ni ya dokaku n ti Kwama d̄ine bwa wu n Yesu a ma. A mwintuwe ni swidu we tiwelan k̄idiya kwaditu d̄ine tikuri kitu.

¹¹N ke ka titu, ni ma tim̄ilan d̄ine chi n Kwama a ma a bweko n Tewuduwe Yesu Masiya, wu a dik̄ine ni ya dokaku.

N Adamu n ti Masiya

¹²Tiyangu k̄iletiyu a lewe tit̄iniyangu a nii wiinangu, yinu bwa d̄ine k̄iletiye, yinu we yiko, bwa a tau n̄ibi kwang, d̄ine n̄ibi kwang a ma k̄ileti.

¹³K̄ikumang, k̄iletiyu n we tit̄initu feredi yo yil̄in Musatu a tibu bede. D̄ine yilangu a newe we, k̄iletiyu a yabu kiku

¹⁴Aya a mwetuwe k̄idang Adamuwangu, a lanta k̄idang Musa, bwa a ma mat̄in ku n̄ibetu k̄ini kwang. A matuwe kasi no nang b̄ibu a mabu k̄ile a w̄are wiin wu n Adamu a ma m̄ine, yo a bunt̄ibu yilang Kwamange. Adamu no k̄iduum we wu a no ka bede.

¹⁵Aya Kil̄imang Kwama a newe yinang k̄ileti Adamu. Nanḡk̄in k̄ile Adamuwe a yal n̄ibu m̄ine bwa. Aya l̄ime Kwama nabwen, a mwinta yo kil̄imangu n k̄ina ma a ni wiinangu, ka nang chikiye n Yesu Masiya a be k̄ini delaku we n̄ibu nabwen.

¹⁶T̄int̄ine kil̄imang Kwamangu n ke d̄ine nangang k̄ile nii wiinnange. Yinu mw̄atak̄iku a nabe k̄ile nii wiine yinu a be k̄ini kayaku. Yinu kil̄imang a nabe nee k̄iletiyu, yinu kil̄imang Kwamangu a be k̄ini kwalan k̄ilen.

¹⁷Biyil̄im, d̄ine k̄ile nii wiine, bwa a ya da wu ka kwaba n̄ibe nabwen. Aya tiw̄annantu nabwe d̄ine n Yesu Masiya n k̄ikun nang wu a kwira lwad̄ime we. Kanang wuwule niye wa yiu l̄ime a ya swiku n ti fi swe yile n ti k̄in kama mat̄in tikuri a diMasiya.

¹⁸A tatuwe yiko, d̄ine k̄ile ni wiine, n̄ibi kwang a kau n̄ibu k̄ilet̄im. A fi wiine naba yile wiin, a chaku n̄ibu m̄ine tikuritu a no twiyaditu.

¹⁹Aya yinangu nii wiin a nwebu diyangu, n̄ibu nabwen a kau n̄ibu k̄ilet̄iyangu, yiko t̄in d̄ine nii wiin wu k̄inwediye n̄ibu nabwen ka kau b̄ibu k̄itum yilem.

²⁰Yilangu a lewe a yo k̄iletiyu nabwen, aya fi k̄iletiyu susube, l̄ime k̄isuddu k̄ilaan yiko we dungkwale wuko.

²¹Yinangu k̄iletiyu k̄ima mat̄intu we bwangu, k̄itau n̄ibu a k̄iletiyu, we yiko kiyo yile k̄ima mat̄intu we tumku yile wu k̄ibedu k̄ini tikuri k̄idiya kwadite a diYesu Masiya Tewuduwe chire.

Romam 6

Dukan K̄iletinu a kiyan

¹Yoye ni fwadu ko wule? Ni chakakku k̄ini k̄iletiyu ke l̄ime Kwama a laan fikonga?

²Kwako! A niyang tu niyang bwa we k̄iletiyu, a mayire ni chakakku we mure chike?

³Yoye ta yimbu ti n ch̄ini b̄ibu n̄iba ma nim̄in batismamu ni kabi wiin a d̄in Yesun Masiya, d̄ine yiko ni bwa t̄in ware.

⁴K̄idangu ni ma batisma, ni bwa, a fur ni ware n ti k̄in, ni kabi wiin n ti k̄in we bwa a fi wiine yinangu a kuku Yesu Masiya we furu k̄ini dwiyen Kwamatangu, n ch̄ini t̄in ni ya yayu wu fwiye.

⁵Nangk̄in yo niyang kabi wiin n ti k̄in we bwako, ni kun t̄inu ware n ti k̄in we kunku kw̄amiyangu.

⁶Ni yim ko da wuk̄are a bwa n ti k̄in we k̄it̄iyang bwangu ke k̄ileti chireyu a yadu dukan we duru k̄idiya kwad. N ch̄ini n ke k̄abi k̄ileti k̄ik̄angu.

⁷Nangk̄in ka ni a bwa n ti Yesuwe, a chir we dukan k̄iletinu.

⁸K̄ik̄angu, ka ni a bwa n ti Yesu Masiya, ni ke biyil̄imu ka kunnu n ti k̄in.

⁹K̄ikumang ni yim n Yesu Masiya a kun we furu, t̄int̄ine a ne k̄iladu ka bwat̄inu we. Kanang chikiye, bwa a ne dukan we dur k̄inu.

¹⁰Bwa wu n k̄in a ma, a bwa da kiin ko ke k̄iki dukan bwanu, aya da wu n k̄in k̄imadu k̄ik̄ange, k̄imadu ko ke n Kwama ya dwiyentu.

¹¹A fi wiine, ta ki yichiyu a b̄ibwar̄im, aya b̄ikur̄im we d̄in Kwama nu a d̄in Yesun.

¹²D̄ine yiko, ke k̄iletiyu a chadu mat̄intu we dutu ch̄intu, t̄ikedu t̄ibut̄inu chi bwiyu k̄ibadde we.

¹³T̄ikedu wuka fi we bwi chiyu a madu k̄ileti we, aya t̄ini yichiyu a d̄iKwama yinang ka a dakanang, t̄ima nangangu k̄ini ka nang wuwule fiye we bwiyu ke a r̄ika d̄in Kwamanu. Nii wu n̄iba chake a F̄ali bwai a ya t̄ikuri ka si Kwama.

¹⁴K̄iletiyu a tadd̄i ch̄in we a f̄alang, yo kwer yilangu a mabu nanga we dur ch̄inangu, kana l̄ime wu a Kwama.

Da wu a bunt̄ik̄i Kwamange

¹⁵A du wule fal? Ni ma k̄iletiyu d̄ine a ne yil̄intu wenga? Ko bayim!

¹⁶Ta yimbu tiko ka n ni dur munu a wuka niye mwang kau k̄im̄in k̄abe, mun k̄abe we ni wuko mun ma k̄im̄in kw̄amb̄ira? Ka ta ma fiswe k̄iletiye wu k̄ibedu k̄ini bwa ka b̄ibu k̄ima Kwama m̄in kw̄amb̄ir̄ime, b̄ibu kiyo yaku yilengu.

¹⁷Aya Kwama a mabe, d̄ine kasi k̄iku n t̄in no k̄abi k̄iletiyangu, k̄ik̄angu t̄ima kw̄amb̄iru k̄ini n̄iri diin we k̄iduum miyak̄im t̄iyad̄imu.

¹⁸Niḅu a chaku chìn we k̄letiyu, t̄kau k̄abi yiya yilei.

¹⁹N fwa yām b̄ibu k̄ini k̄iswi a niye d̄ine k̄itaku changu a niyangu. Feredi a no t̄ike nangin t̄itu a lebitu n ti nangin t̄ibwilatu, aya k̄ikāngu t̄ima nangangi k̄in a yile, wu kayo ni kau niḅu Kwamame.

²⁰K̄idangu n t̄in a no k̄abi k̄letiyangu, a no dwaku yilengu a newe kwir ch̄inu.

²¹A l̄im chim̄in a wureni we k̄idang kangu yo no t̄ima chi k̄ini ch̄in dibwiye? T̄ichitu wu k̄iyale bwa.

²²Aya k̄ikāngu ta chire we k̄letiyu ta kau k̄abi Kwamamu, l̄ime ta ya, nang wu a yikani k̄ini ch̄in ta kau niḅu Kwamam, ta ngau duru a t̄ikuri k̄idiya kwadi.

²³Nangkin, chi k̄inabu kuteng k̄letiyange bwa aya l̄ime Kwama t̄ikuri k̄idiya kwadi a d̄in Tewuduwe Yesu Masiya.

Romam 7

Sweram k̄ini yām k̄inaam

¹N yim kebu m̄im ta swaan yāmu yamang fwad̄imu d̄ine n t̄in t̄iswaan chi ni yalu ko yilangitu. Yilangu k̄ima nangangu we nii wu k̄ini t̄ikurite.

²Ni d̄adi ying, yilangu a tau naye wu a ma k̄ina ka lam̄int̄i yo bwa ka yarka chide. Aya ka kwarta a bwange, yilanga kiyan, k̄ina ko a f̄ir k̄idang kangu.

³Ka a mwintuwe n k̄in a na wuka ni yo kwarta we k̄ini t̄ikurite, n k̄in k̄ima t̄ikuli. Aya ka kwarta a bwange, yilangu a kiyan n k̄ina mabu t̄ikuli, kasi k̄iku a na wuka niyangu.

⁴Kebi m̄im, t̄itu m̄in ma chim̄in k̄iswerang. T̄ibwa we yilangu ke t̄ikau wuko, n k̄in wu a kun we bwa ke n̄in tu t̄ikulan we d̄iKwama.

⁵K̄idangu da bwiye a tikakangu, kubek̄iku k̄ikunedu k̄ini yilang we yichireyu bwiti, k̄iyo nangin ch̄iretu k̄ikau t̄ibwari.

⁶Aya k̄ikāngu ni ya da we yilangu niyang bwa we chi a kwau niye. D̄ine yiko, k̄ikāngu niin si Kwama a w̄are wu fwiye wu a F̄ik̄im k̄ime. K̄abitu niyang ma a yil̄in Musatu a suu.

Yilang Kwamangu a kw̄al k̄ileti chireyu

⁷Yoye ni fwadu ko wule? Yilang Kwamangu k̄ilenga? Kwako, a newe yiko. A no ne da mang yim chi ni yalu ko k̄ile we ka n ke a yilang k̄ike. A no ne mang yindu mi, “Kubek̄iku k̄ile.”

⁸Aya k̄letiyu a ya da d̄ine yil̄intu k̄ibutiyu, k̄iyomi ka nang b̄ib̄ile duum kubeke. Ka ne yilangu wenge bwila a bwa.

⁹Feredi mìn wu kure, no mang yimbu yilange. Aya yo mang yimiye, kiletīyū a kau yi kuri, mìn n kau wubware.

¹⁰Aya yilangi siin a no ka bedu kīni tīkuriyangu, a kīla be kīni bwa.

¹¹Kiletīyū a ya da we a yilangu a butī chi tīn.

¹²Dīne ye, yilangu i wauwadu, yilīntu wauwadu a letīn.

¹³Kanodu yilangu kīfwan nang chi mìn bwaanda? Aram! Chi mìn bwaande nang kīle mi mìn made. Yingku Yilangu nang chi a yo mang yim kīle wu mìn bwaande. N yim yinangu kīle we mīnangu. Kiletīyū a chire fīlang kīni bwila ko dīne Yilangu a yung ni.

Yinangu bwīyū kīmakadu n ti kiletīyangu

¹⁴Ni yim yilangu nang fīkīmu, a ya fīkīmu a newe dīmīne, n kau kabe we kiletīyū.

¹⁵Mang swaanbu chi mìn maditu. Dīne chi mìn baddu mang maditu n ke chi mìn made. Chi a dakabu mang made kīla nang chi mìn maditu.

¹⁶Ka chi mìn baddu mang maditu nang tītū kīla mìn madite, a yung n ke mi yilangu chi a le.

¹⁷Yinangu wemīnangu, m mìn n ke wu mìn ma kīchitūwe aya kīle a swe a bwimiye nang naba kīkwabīre.

¹⁸N yim a ne chi tīyili we nīr mīnu, we da niye. Kasi kīku we nīr mīnu mìn baddu mang ma chi a da turitangu aya dīne a ma bwar we bwīyū.

¹⁹Mang mabu chi tīyili tītū mìn baddu mang maditu. Kīla n ya tītū mìn kodu mi a lebitu nang tītū mìn maditu.

²⁰Yinu ka mìn ma chi mang babu ma madite, a yung ni kīmade n ke mìn. Kiletīyū a bwimiye nang wu kīmade.

²¹N swaanin meme, ka mìn baddu mang ma chi tīyilite, bwila a duibu.

²²We nīr mīnu m mīla, yilang Kwamangu a lemi,

²³Mìn ku kaang yilang kīmakadu n ti chi tīkuran mitu a ke. Tītū a yo dami a swe we wu a kiletīye wu a swe we dīmīne.

²⁴A noi, yinu n fuktani ya. N wure ka yuiyū we wu bwa.

²⁵Kwama a mabe dīne a yu mìn a dīn Yesu Masiya Tewuduwe! Dīne yiko, M mìn m mīfwan mìn buntī yilang Kwamang kīni nīr mīnu. Aya we da niye, n kau kabe kiletīye.

Romam 8

Tīkuri a Fīkīm Kwamam

- ¹Dine yiko, kikan̄gu a ne kaiyakuwe bibu kibunt̄i Yesu Masiya.
- ²Dine we din̄ Yesu Masiyanu, da wu a Fikim̄ kini tikurime a chakii we da kiletiye wu a bwa.
- ³Aya chi yilangu a mebu a mabe dine kitaka a da bwiyan̄gu, nang chitu a mantu. N Kwama tume Bwe ko k̄kun̄ yi wiine kini d̄iten bwi chirenu a kiletiye, ke a be bwa dine k̄leti chireyu, we yiko a yung k̄letiyu ne d̄ikan dukan we nibu.
- ⁴N kin̄ a ma titu ko ke chi yilang kibadditu a ri we d̄ichire, bibu a yabu yayu we da bwiye aya kiya yayu a Fikim̄ Kwamam.
- ⁵Bibu k̄i tum k̄ike bwiye, k̄ima chitu bwi chiyu kibadditu aya bibu a yo nitu a chi Fikim̄ Kwamam kibaddite, k̄ima chi Fikimu kibadde.
- ⁶Yo n̄ire we da bwiye kiyikadu kini ni a ware wa bwake aya yo n̄ire we ware Fikime kini tikuri n ti limang.
- ⁷Kanang wuwule niye wu kiyadu a da bwiye, a kau fakware Kwama dine a yabu yayu we k̄ike Kwama we biyilimu, n kin̄ a ne me yayu we yilang Kwamangu n kin̄ a ne medu ka madu.
- ⁸N Kwama a nwebu tamanḡ kini bibu kibunt̄i da bwiye.
- ⁹Aya n tin̄ ta bunt̄ibu chi bwiye k̄i badditu. Tibunt̄i chi a k̄ike Fikime, ka Fikim̄ Kwamamu kiswedu we d̄i chine, ka nang wuwule niye wu a newe kini Fikim̄ Yesumu, a newe kwal̄ Masiya.
- ¹⁰Ka m Masiya we ware n ti mune, bwi mwiye kibwadu dine bwila aya Fikim̄ mumu a ne bwadu dine n Kwama a yo chin̄ a nibu yilem.
- ¹¹Ka Fikim̄ Kwamamu bibu a kuku Yesu a furumu, nang bibu a bwi chiyime, n kin̄ wa kuku Yesu we fure, ka ni kwami chiyu tikuri kini Fikim̄ k̄imu k̄i swedu ti chin̄imu.
- ¹²Dine yiko kebu mim̄, n chini kini kidadāku. Aya n ke wu yayu wu a da bwiye kibadde.
- ¹³Dine ka ni ya yayu a da bwiye, ni bwadu. Aya ka ta du nangang bwiyan̄gu ta yadu a Fikime, ta swidu.
- ¹⁴Nangkin̄, bibu Fikim̄ Kwama a ti chim̄in kak̄imu, bwesim̄ Kwamam.
- ¹⁵Dine Fikim̄ a bwi chireme, A dakabu ta wul tayu yinang kabii. Fikimu a bwi chin̄imu a yo chin̄ bwesim̄ bisutir̄im we diKwama, tan̄in ma diyalu a diKwama ko, Tete,
- ¹⁶Fikim̄ Kwamamu ti b̄ichiremu kiyungdu ko n chini bwesim̄ Kwamam.

17Yo kwer kíkàngu n ch̀ini b̀i Kwama, ni chau kula wa delaku Kwamange, ni kau fat̀ibu Yesu Masiya we kula Kwama. Yo niyang nwe riye n ti Yesuwe, ni yati dwiyentu ware we kakku Kwamangu.

Dwiyen t̀itu a kakki

18We dangki mangu, riye ni nwe du kíkàngu, a mwatanbu chi n ti dwiyentu yani yaditu.

19Chi n Kwama yoti kwang, a yo niri king chi ku di wu n Kwama ka wudu bwesim kimu min dwiyen kite.

20Nangkin, chi a titiniye a nwe riye n ke dine kike titiniye, aya n Kwama a ke yiko. A ma ying,

21ko ke titinitu a chir we kabi tita fwikitu, a ya dwiyen tita yo nire bwesim Kwamami.

22Ni yim kíkàngu titinitu ki tinadu yinang yo bibe a lam naye mine lanta kíkàng.

23N ke kana ch̀ini bibu Fikim Kwamamu a ri nimu, ni tinadu we niru tin, ni ya min da wu niyang ya, a yo ni bwesim Kwamame, tuku bwi chireyang.

24Nangkin, ni ya yukiku dine yo nire. Aya yo nire ni ku tine, n ke wu yile ko bayim. N wure kiyoy niru we chi n kin, a tu a ya?

25Aya ka ni yo niru a chi niyang tibu yade, ni swedi kiringching, ni yandu.

26Yiko tintin, Fikim Kwamamu kimaka nidu yo dukana newe. N ch̀ini niyang yimbu chi a no dakan niing twaban bunite aya Fikim Kwamamu we ware n ti ch̀ini bobu ki twaba ni minu, kitinadu kini tikwalitu ne ni yim fwaditu.

27N kin wu a yim chi a nir niine, a yim chi a tikuran Fikim me. Dine Fikimu kitwaba nibu Kwamamu min chi a kike Kwama.

28Ni tu ni yim ko, kanang chi kiye n Kwama kima bibu a mila kinimu min tiyili, ka nang chi kiye, bibu a yal a kike komu.

29Nangkin, bibu n Kwama tu a sutu chimu, nang bibu n kin a so chi ka dau dimwal bwin Bwe Kwaman, dine ko ke n kin a kau bwe kake we kebibu nabwen.

30Bibu n kin a sutumu, n kin a yal. Bibu n kin a yalimu, a mar chi nibu yilem. Bibu n kin a chakimu, a ni chi dwiyen.

A ne chi ka yarkani n ti mijaki Yesungu we

31Ni fwadu ko wule we wu nabwe chi yar yii wu ye? Ka n Kwama a dichiniye, n wure a lwe ka katadu n ti chiniye?

32Yo n Kwama a dubu wuko Bwe, a yo bwa bwe ko dine chini kwange, n Kwama wu a tu a ni chini Masiya, ka bwin wureni wu a ne ka ni nide?

³³N wure a lwe ka fwa yam we bibu n Kwama a sutumu? Dine n Kwama n kifwan nang wu a yo chi a kau nibu yilem we kakku kange.

³⁴Yinu n wure ka kai nidu, ko bayim! Dine m Masiya nang wu a bwa dine chiniye, a kun kini tikuri dine chini, a swe a falang kiyilang Kwamangu, kitwaba buni dine chini.

³⁵Kano wureni ka medu ka yarka ni n ti milaku Masiya ma a niminangu? Riyenga, fumaka, chuna, kwalanna ka bwanga?

³⁶Ko no nang yam Kwamamu, a mwal ko, "Ditiyu kidang nin bwadu dine mune n chi kibita ninu yinang kwanti."

³⁷Ko bayim, a kuteng tichitu wuwangi kwang, n chini nibu kilam a din Yesun wu a mila niye.

³⁸Kikumang, n ke biyilimu ka bwa ka tikuriye, ka nibu titumbirime, ka kifibti yi bwilaye, ka da wu kikange ka wu kibede, ka kasi bibile kiduum dukanim matin ne,

³⁹Ka sare ka bwange kasi no titile we chi Kwama yo, a ne yarkayu n ti milaku Kwamangu a mami a diYesu Tewuduwe chirengu. A ne chi ka yarka nide we.

Romam 9

N Kwama a sutu Yisrela a kau nibu kim

¹Min fwa biyilimu dine min wu Masiya, n ke tikwani. Fikim Kwamamu kima matin nweku nir minitangu a yim min fwa biyilim.

²Nir minu a kaiyan nabwen, nir mini kwadu ka tikuran.

³Dine nibu mimu kituum nimu a fi wiinemu, mang kedu Kwama a yomi yii kidiya kwadu n kwala Yesu Masiya ka dine ke n yu kebu mimu.

⁴Nibu bibu nang Yisrela, n chi bibu a sutu chi a kau kidum bwesim Kwamamu. N Kwama a kwal chimin dwiyen kitu. A ma bwaki yam kimu n ti chi a niti chi yilang kangu. N chi a ya da wa siiku kange we Kan Kwamanu, a niti chi, tikantu chi titu a fwa n ti chitu.

⁵Batitukebu m biu chi, nang kikuwang Yesu bwiye wu n kin nang Kwama chiti kwange, delaku n dikin kidiya kwadu. Amin.

⁶Tikuran Kwamatu we nibu kimu a kabu tikusi. Dine n ke ka nang wuwule niye wu tile ko siin naba Yisrela m biu Kwama.

⁷Tintine, n ke ka nang wuwule niye wu a chire a kikuwang Yibrayimange, bwesim Yibrayim. Dine yam Kwamamu fwa ko, "Mwang ya bukebibu mang bwa n ti munimu a diYichaku we. Kasi kiku n Yibrayim kini bikam bwesim tintinangu."

⁸Kanang chikiye, bwesim Kwamamu a chirebu a bibe niye aya bibu kichiredu a riku yam bwakimangu nang kasi bwesimi siinimu.

⁹Nangkin, n Kwama fwa we kidangu a bwa yamu n ti Yibrayimangu ko: “Ka kiswi a lame, mang kiladu, n Saratu ka bju bwe.”

¹⁰Kaang kiswerang we. Bwesim Rebekamu kini te wiin, ka nang chikiye, n tuke chire n Yichaku.

¹¹Aya yo a tibu bju bwesimi burabime, yo a tibu ma chi a le ka leebite, a ya diyal a diKwama (Yam bibu a yungi siin sutuki Kwamangu kibuntinu a doki kang)

¹²A yi naye ko, “Bwe wusele beka si wutire.”

¹³Yinanga a mwal we yam Kwamamu ko, “N mila Yakubu aya n ko Yichuwa.”

¹⁴Yoye ni yidu ko wule? N Kwama kiswaduswaba? “Ko bayim!”

¹⁵N Kwama a yi Musa ko, “Mang nwe kibune wu mang sute tintine, mang yo nir kibunen minu we wu mang sute.”

¹⁶Dine yiko, a buntiba a chi ni a kur a nir kine ka funtiku bwiyang kange a tiya kibune Kwama.

¹⁷We yam Kwamamu, n Kwama a yi Firauna ko, “N sutu mun ke n yung dukan minu a di mune, yinu ke din minu a tiran we titiniti kwang.”

¹⁸Dine yiko, n Kwama kinwe kibune ka wuwule niye wu n kin a ku diye. Ki yo bikamu min niri kingking bibu n kin a ku ka yo chimindimu.

Kifwini Kwama n ti kibune ko

¹⁹Aya we tibe chin wuka ka medu ka yidu ko, “Yinu yo yiko, a mayire n Kwama we kiku kile chire chike? N chi a mabu chi n kin kibaddita?”

²⁰Ko bayim, m mun n wure, mun nii duri kiliye, nang wu mwang bju Kwama we chi kimadita? Ke timubritu a bju chitu ko a mayire mwang mui yaa?”

²¹We swaanku kawurengu, naba muke a newe kini da, ka muddu we diswanini dininu kubi titu ka ma kimin kiduli n ti titu a ka kanin fwalin tuiyenga?”

²²Kanodu ka n Kwama ka yung kifwini ko n ti dukan kine, a dabi kini ne riye wu, kina no do dine nibu bwilame.

²³Yiko tintin, n kin a ke ka kure kuli ki titu a nabwe dwiyen kitu we bibu n kin a do ka nwe kibune chimu. Bibu n kin a do feredi ka ya dwiyen kitimu.

²⁴Kanang chikiye n chini bibu Kwama a yalimu aya a newe kana nibu Yafudam n ti kuuti yikayi kwang.

²⁵Yinanga fwa we Yosiya ko, bibu n ke nibu mimu, mang yidu mi nibu mim. Tintine ku wu mang mlabe, mang yalu mi, “Wu mlare.”

²⁶Tintine, we finu a fwa mini siin ko, “N tin ke nibu mime, we fiko nibu ka yidu ko, ‘Bwesim Kwamamu wukure.’ ”

²⁷We Yam Yisrelamu, faku Yichaya a kuku keru a yi ko, “Kasi kiku nabwe Yisrela yinang yane langu bayim we bibu a kulen we Yisrelamu ka ya yuku.

²⁸Nangkin, n Tewuduwe ka kaba titinitu minu kini kwang. A ne kai kiswi ka mwatadu kwang.”

²⁹Yinangu n Yichaya a fwangu, “A du bikam chiremu tuule, a no ni kadu yinang Sodom n ti Komara.”

Kwalan keku biyilimang Yisrela

³⁰Yoye ni fwadu ko wule? Yiko, yikayu kuuti yiyu a buntibu yile a yati yile wa niku biyilimange.

³¹Aya Yisrela a funtbwi kibau ware yile a buntiku yilinanng a yabu.

³²Wure ni a yo? N chi a babu a ware wa keku biyilimange. A bunti funtiku bwiyang chiyang. We yiko n chi a yar we kale yare.

³³Yinanga mwalmwale ko, Tidang n yo kale a Siyona kale yare, ka yo nibu nabwen ka yaru. Aya wu a ke biyilim a dikine a ne nwe dibwi.

Romam 10

¹Kebimim, chi a nir mine n ti twabaku mangu we diKwama mi dine ke Yisrela a ya swiku.

²N yim mi n chi kibau Kwama yinang aya baku Kwama chiyangu a buntibu a yingki kiyilang.

³Yo n chi a yingbu yile wu kisuwedu a diKwama, kifuntibwi ka ru yi chi. N chi a buntibu yile Kwama.

⁴Nangkin yilangu a kur, a diMasiya. Dine wu a ke biyilime, a ya fiswe wu wauwade we kakku Kwamangu.

Yukiku dine nibi kwang

⁵M Musa a mwal yam bibu ko ni ka chiru we buntiku yilinanng ko, “Kanang wuwule niye wu a bunti yilin tite ka ya tikuri.”

⁶Aya chi bimwalilimu yam Kwama a fwaatu we yinangu ni ka ya yile we keku biyilimang kangu. “Yidu we nir munu mwi n wure ka fil bwadiye?” Kanang chikiye ke a suwe kini Yesu Masiya.

⁷Ka mwang fwadu mwi n wure a ya we nir ditinu. Kanang chikiye ke a kuku Yesu Masiya we Kwamiyu.

- ⁸Kano a fwa ko wule? Dikwāl Kwamanu a kwamintuwe, we a yii mo n ti n̄r munu, ka nang chikiye dikwāl niku biyilimangu nang wu ni made.
- ⁹Ka n fwa k̄ni yii mo mwi n Yesu Tewuduwe chire, n ke biyilimu we n̄ru mwi, n Kwama a kuku k̄n we fure, mwang ya yuku.
- ¹⁰Ni k̄ike biyilimu k̄ni n̄r, yinu Kwama ka ku k̄nu naba yile we kakku kangu. Nii kifwadu k̄ni yi yinu k̄iya yuku.
- ¹¹Yinangu b̄mwalilimu ȳam Kwamamu a fwaangu, ka nang wuwule niye wu a ke biyilime a dik̄ine a ne nwe dibwi.
- ¹²Nangk̄in a ne lakaku we naba n̄bu Yafudam n ti Yelenamu. N Tewuduwe wiin nang Tewuduwe ka wuwule niye. N k̄n nang wu k̄ni k̄ilimangu nabwen we b̄bu k̄iya k̄im̄inu k̄ni wimu.
- ¹³Yinangu b̄i mwalilimu ȳam Kwamam a fwangu, “Kanang wuwule niye wu ka yalu a d̄in Tewuduwe ne ka ya yuku.”
- ¹⁴Yoye n chi ka yal wu a kebu biyilim yire? N chi ka ke biyilimu we wu n chi a nweebuwe yire? N chi ka nwedi yire ka a ne naba d̄imware wenge?
- ¹⁵Yinu ka ma d̄imwari yire, ka n̄ba tumbu chiye? Yinang b̄i mwalilimu ȳam a fwa ko, “N̄bu k̄ima d̄imwarimu a le!”
- ¹⁶Aya n wure k̄ike ȳam b̄ilim yinangu faku Yichaya a fwangu, “Tewuduwe n wure a ni biyilimu we ȳam mume?”
- ¹⁷D̄ine yiko, keku biyilimangu k̄ibeda a nweku ȳam b̄ilim yinu n̄bu k̄inwe d̄imwar ȳam b̄ilimu a dur Masiya.
- ¹⁸Aya m̄in ma d̄ib̄idu, biyilim n chi a nwe ba? Biyilimu n chi a nwe: “Ker ch̄inu a bunt̄i t̄it̄in̄iti kwang, ȳam chimu t̄in a lam ka wule bale we t̄it̄in̄itu.”
- ¹⁹M̄in b̄it̄idu k̄ida. K̄ikumang Yisrela a swaanba? M Musa a mwe a ke ko, n Kwama a yi ko, “Mang yodu ta nwe kifwini n̄bu n ke kuumu. T̄int̄ine, mang yo ch̄inu ta ma kifwini we kuu wu a swaanbu chiye.”
- ²⁰Yinu n Yichaya a mu n̄ru a fwat̄in ko: “B̄ibu a baib̄imu, nang b̄ibu a yayimu. N yung dur m̄inu we b̄ibu a no b̄it̄ibu chi yinangu ka yayangu.”
- ²¹Aya we Yisrela, n Kwama yi ko, kuko kwadu m̄in tar f̄ali miyu we b̄ibu a mabu kw̄amb̄ir a nwet̄ibu diimu.

Romam 11

K̄ibune Kwama we Yisrela

¹M̄in b̄idu, n Kwama a ko n̄bu k̄imu Yisrela? Ko bayim! M̄in m m̄ifwan m̄in naba Yisrela, a k̄ikuwang Yibrayim, a kif̄iku Benyami.

²N Kwama a kobu n̄ibu k̄imu n k̄in a sutu chi feredimu. Ta swaanbu chi yam Kwamamu a fwa dur a Faku Yiliyana. Yinangu n Faku Yiliya a ki a diKwama we Yisrela ko,

³“Tewuduwe, n chi a chibetibeti fakubu mumu. N chi kibadu ka chiti minu.”

⁴Yinu n Kwama a ni k̄in dik̄ilin yiinu ko wule? N yang dur minu min bikam kuniritu tidibiin bibu a siinbu diyor Baal wemu.

⁵Dine yiko, we kiswi wu kikange, bikam we bayim bibu n Kwama sutu chi kini lime komu.

⁶Sutuki kangu a buntina lime, a buntiba nangin n̄ibi titu kimadii. Nangkin, ka newe yiko, lime a kabu.

⁷A ma yire ye? Yisrela a mwintin a yaabu kilimang Kwamangu. Aya bikami bayim bibu a ya sutukimu a ya kilimang Kwamangu, aya bikamu diyal Kwamanu a mabu chi n̄iri tul.

⁸N Kwama a ni chi fikim ba direbim, nuiyu n ke yiyu ka kuun diin kiteliyu n ke yiyu ka nwen diin, a lanta di.

⁹N Faku Dauda a fwaate yam bibu ko: “Yiye a kau chi min lan, chi ka yo chimin yare, yam a yo chimin riye.

¹⁰Nui chiyu a no diltedu ke a kudu di we riye no tal chidu kidiya kwade.”

Yuku a lant̄i kuuti yikaiyi kwang

¹¹A lanta di min bidu mi, yo n̄ibu Yafudam a yare, n chi a yar kidiya a ne kunna? Ko bayim. Dine k̄ileti chiye, yikaiyi kuuti kwang a ya yuku, dine ke n̄ibu Yafudam a nwe kifwini.

¹²Ka k̄ileti chiyu a kau tit̄initu min kuliye yinu yare chi a kau kuli we kuutiyu, kur nabwe kulit̄u kilaku chiyangu ka bedi k̄ine.

¹³Min fwa yamu n ti tin Yikayu kuuti, kangu kwer min fandu chinangu. N yo n̄ir we nangang mangu a la chi.

¹⁴N yo we n̄iru mi mang madi ying ka n̄ibu Yafudam we kubedu ka baddu ko ke chi swiye.

¹⁵Yo kwer tit̄initu a ya ware dine Yisrela a ko Kwama, a kau fat̄intu a no bwaatu ka kau tinuwe ka n Kwama yiu Yisrela.

¹⁶Ka bale yaa wu kake a nwe biku wauwade, yaa kanodi wauwadu, ka kiyinengu yi wauwade, kiyangtiyu kano wauwadu tin.

¹⁷Aya yikayu we kiyange tiyang setunang a chire a di Yibrayime, bikamu n̄ibu Yafudam a t̄iren. N tin yikayu kuuti yiyu no n tin a tini setuniye dikiriyu a ru

chìn a tiyang. Kìkàngu tiyatì dela Kwamangu a bwau n ti Yibrayim n ti bwesim kìm, n chi ware we kuli Kwamatu kì ru chidu kiyilìn tiyang saitunang kangu.

¹⁸Aya n tìn tìmangi daan, tìngadu kwiye we òne a ru chìn ta sute kiyange we tiyangu. Tìtabduwe, n tìn kiyangti n ke tiyinìn.

¹⁹Ta medu ta yidu tiko kiyange ti yikiyu a kiyangti ke a yo mi tiyinìn.

²⁰We yiko, tabìduwe mwi òbu Yafudam a tìren òne kwalan keku biyilimange aya m mun n chakakku mun swedu we fi wuko òne keku biyilimang mwangu. Ngadu kwiye we, nwe taiyi Kwamayu a la rìkakìku.

²¹Ka n Kwama a dubu kiyange ti kiye, yiduwe mwi ka du munu tìn.

²²Dang yinangu n Kwama kima òme kimatì bwar we òbu a yarimangu. Kima òme ka niya chakakku we keku biyilimange, kima bwar ka niya kebu biyilime. Ka a newe yiko, ka switatì munu we a kiyange.

²³Aya ka òbu Yafudam a kílawe, a ke biyilime, n Kwama ka òkìtì chi we òkur lon kìn.

²⁴Ka n Kwama a ke kìbaddu ka yiu chìn n tìn bìbu bìkìn feredimu a no kiyangti we tiyang setunang kìkirangu wu a ru chintuwe tiyang kiyilang kange, chi a no dakabu ka kadi yiko, n kìn ka baddu ka la chi ka rutì òbu Yafudam tiyang kiku no n chi wemìnganu.

N Kwama kìnwe kìbune òbe kwang

²⁵Mang babu ta kau kìdubu we yam biyilimu a wudenimu, òne ke tìkadu bìbu kìrìka ka yichimu we. Yisrela a mu òr chìn tìkìn, a wudu yikayu kuuti mìnbu ware. Ka lamintì yo òbu n ke òbu Yafudamu n Kwama kìbaddu ka ridimu ka be bwa òMasiya.

²⁶Òne yiko, òbu Yafudam kìn kwang ka swidu, yinanga mwal ko, “Naba yuke ka chiredu a Siyona; N kìn ka yo Yisrela ka kìla bwa òYakubu we.

²⁷Bìbu nang yamu mang ma bwakì a òr mìnimu we kìdangu mang du chi mìn kiletiyangu.”

²⁸Òbu Yafudam nabwen a kebu yam bìlìmu òne. Aya tìtu a kau òme we ò chiye. N Kwama a ni chìn yikayu kuuti òme ko. Aya a mwintuwe n Kwama a tu a sutu òbu Yafudam we bwakìku a mawe n ti takebu chimangu.

²⁹Kìkumang òme Kwama n ti diyal kìn a sutenbuwe.

³⁰A lakanbu n ti chìn we kìdangu n tìn no ta nwebu diyangu aya kìkàngu tiya òme Kwama òne òru òbu Yafudam yungìnìnu.

³¹A fiwiine kìkàngu, òbu Yafudam nang òbu mulìnìmu, a yo òme Kwama kìla bwa ò chìn. Aya wuka ò, n chi ka le yaa Kwama ware n ti yikayu kuuti.

³²Nangkin, n Kwama a mar n̄ibu yinang t̄ib̄int̄ili d̄ine n̄itu t̄ib̄wilatu. A ma ying ko ke kiyung kibune ko we d̄ichiye.

Delaku d̄ine Kwama

³³Wo, swan kuli yingkitu n ti swaanku Kwamatu yire mwataku kangu n ti wari kiyu ne ni yin chakkadu.

³⁴N wure kiyim chi a n̄ir Kwamane? Ka n wure a ya ka maka Tewuduwe bikam yame?

³⁵N wure ka ngau kwiye ko kini Kwama t̄ikan chi yinu n Kwama ka k̄ine?

³⁶Aya a d̄ik̄ine yinu a bwa d̄ik̄ine, a d̄ik̄ine, chitu kwang a d̄ik̄ine. Delaku k̄idiya kwadu n ti kin! Amin.

Romam 12

Ni ni yichireyu a d̄iKwama

¹D̄ine yiko m̄in wana chinu kebu, d̄ine kibune Kwama t̄ini bwiti chiyu tiyang niku kini tikuriyang wu wauwadu ka lima n̄ir Kwamane. Wu nang ware nii ka siin Kwama yinang ka dakange.

²T̄ibunt̄inu wariyu n ti dati t̄it̄iniyu we. T̄ikau bisut̄ir̄im we t̄ikuran ch̄intu. Ka t̄ima ye, ta yim chitu n Kwama kibaddu ni maditu n ti yinangu niing ri chi n kin kibade.

³D̄ine mang swaan kilimangu n Kwama mamiyange, m̄in fwa chim̄inu kini kwang, ni a rikadu yikiyu we nabwen. N ti k̄iku ni ka madi yangu, bunge nii a rikadu yikiyu we, a ya yayu yinangi kwadangu kini keku biyilimangu we kakku Kwamangu.

⁴Fantiyu nabwen yiya dal bwi niyu. Aya fanti yiyu kini nanḡintu dangti dangti.

⁵D̄ine yiko, nabwe k̄ikuwang n̄ibu bunt̄ik̄imangu a dal bwiyu wiin we d̄in Masiyanu, ka wuwule we tibe chire bale we yikayu fanti.

⁶N chini kini k̄it̄int̄iyu dangtidangti tiyangu lime Kwama a kera ni m̄inangu. Ka nii k̄it̄imeko fanduiye a ma kini dukan keku biyilimang kangu. Ka bunt̄ike a bunt̄i yinang, ka yungke a yung yinang. Ka ruke a ru yinang, ka makake ma yinang. Ka tikake ma kini funt̄iku bwiyang. Ka yungku kibunenge ma kini furi mwemwen

⁷Ka a ni mun bwaki n̄ibange, bwau n̄ibu yinanga dakanang. Ka miyake, miyan yinanga dakanang.

⁸Ka kilimang k̄iku mwang kum n̄ibu m̄in n̄itange, ni kum n̄ibu m̄in n̄itu. Ka kilimang k̄iku mwang maka n̄ibange, ni madu falangu we kis̄in. Ka tikake, ni ma

nangang tikakengu yinanga dakanang, ka nangang kibunenge, ni ma kini niri mwemwen.

Milaku

⁹Milaku changu a kadu kika tikaliyang we. Timadu chi a lebe we. Titau ware wa lele kiring.

¹⁰Timila yichiyu yinang kebibu a ne wiin nim. N kawure a ni fati kin dwiyen titu a la yikiyitu.

¹¹Bwiyu a fwiduwe, tiyo niru tinang ma nangang Tewuduwe.

¹²Tiri kini timilan dine yo nire chin. Tinang ma bwanu kini chi nwe riyetu, tidudu twabaku kiku we ko bayim.

¹³Tinang maka nibu Kwamamu a ne chiwemu. Tiyiu rungko kani kani yurau.

¹⁴Tiyo nibu kifuma chinimu min delaku. Tiyo chi min delaku, tima chiminu yii we.

¹⁵Lweka wu kima furi mwene. Wu furi kilin a tau kine, kire kimin.

¹⁶Tiswe limangu we yichiyu. Nii a rikadu yikiyu we, tiya yayu yinangu fatibu kiya yayu a ne wu kiswaba wuka wengu. Daduwe mwi n yim chiti kwang.

¹⁷Ka n wure ka ma muline, tiyeduwe tiyangu n kina mangu. Tima chitu yinangu n kawure ka yidu ko yayu a lengu.

¹⁸Tiri funtiku bwiyang changi kwang ka no ka fwede.

¹⁹Tifunti bwi we fiswe limange n ti ka nang wuwule niye. Tidu Tewuduwe ka ma kiyerangu. Dine yam Tewuduwe a mwal ko, "Min nang naba kiyerange, mang ma chimin tinu yinangu n chi a mangu."

²⁰Yam Kwamamu a kila fwatin ko, "Ka fwakaremo a yiko kinwe sune, ni chabtitu; ka kinwe dimwene, ni chi ka node." Ka n ma kimini yiko, n yo kinmin tikobi wuduwe we mulinu n kin a yak ma mindinu.

²¹Kedu bwila a ladu dukan munu we. Aya du chi a leletu a chakakku.

Romam 13

Ni ni selibu dwiyen

¹N ka wure a mwintuwe ka ni yikiyu we biselim kwabnatimu. A ne tikan dwiyen we ta kekitu n Kwama a yonge. Dwiyeentu n Kwama nang nii a rube.

²Dine yiko, ka nang wuwule niye wu a mabu kwambir we kasi no titile matine, a kebu kini chi Kwama a rube. Nibu kimadi yikommu, kiyal dur chinu mine riye.

³Matim̄u a kabu chi tayi we b̄ibu k̄itum yilemu kana b̄ibu k̄itum chi a lebitim̄u. Ka mun baddu ne mwang wul tayi tikake nii wu k̄imat̄ine, ma chi a leetu, n k̄in ka wer̄inu.

⁴N Kwama yo k̄in ka ma m̄in nangang. Aya ka n ma chi a lebe, wul k̄in d̄ine ka welanu we t̄ikitu. N Kwama a ni k̄in dwiyen t̄itu d̄ine ke a nang madi yiko, ka nang chikiye a nang wela b̄ibu k̄ima t̄ita lebitim̄u.

⁵D̄ine yiko, a mwintuwe ni ma matim̄ t̄it̄inimu m̄in kwamb̄ir. Ni madu, n ke kana d̄ine ke k̄ifwini Kwama a yaruwe dur ch̄irenu, aya ke n ch̄ini ni swe k̄ini k̄iwulang ch̄irenu a kunnu we.

⁶Nang chi a yo ta fe sangkale, d̄ine n̄ibu dwiyenim̄u a kamb̄i Kwamai b̄ibu k̄i ni k̄iswi chi kwang d̄ine nangang k̄iku.

⁷Fe d̄is̄inu ka ni k̄ibum̄int̄i d̄is̄ine, ka no mwang febu sangkale, fe k̄ik̄angu, ka kamb̄ir kul̄ine, fe k̄ini kwang. T̄inwe tayi wu a lwe ni nwe tayi kiye. Ni k̄in dwiyentu wu a lwe ka yiu dwiyene.

M̄ilaku a ri chitu Kwama k̄ibadditu kwang

⁸Kedu ni a bum̄int̄inu chi we. Chi a kau m̄in d̄is̄initu nang m̄ilak̄iku. D̄ine ni k̄imila keko a rii yil̄intu.

⁹We tatt̄ik̄idai yik̄ariyu, yil̄intu we yinang t̄itu: “Madu t̄ikuli we, chidu ni we, madu kutu we, kubedu chi we n ti t̄ikantu yil̄in t̄itu wetu, a dalan we d̄ikw̄ali din̄in d̄idu. M̄ila kemo yinang dur mun.”

¹⁰Ka n m̄ila niye, ne mwang nwe k̄im̄in burang. Chi yilangu k̄ibaddi kwange nang m̄ilak̄iku.

¹¹T̄iyim̄ k̄iduum k̄idangim̄u n ch̄ini we muremu. N kawure a do yayu ko a swengi k̄ini doku b̄wiyang, d̄ine k̄iswi n ke wu niin daan dume. K̄idang yukangu a mwatawe, a newe yinang yoko no niyang mwe niyang yiu Kwama.

¹²Kum a tau w̄are, t̄ima a mwatan ka kwiyadu. Ni chaku t̄ibwitan ch̄iretu ni yo bwa, ni ya yayu wu a n̄ibu b̄iba ke biyil̄im̄ a d̄iYesuwe.

¹³Ni ya yayu k̄ini n̄iri s̄ik̄ yinang yo t̄ima kwiyane. Ni burt̄idu we yinangu n̄ibu norim̄u k̄ibwitadangu. Ni kedu yaritu we n ti nwe t̄ame wu kuse wa da wu k̄ariye n ti d̄ikulan n ti kaiku n̄irang k̄ini chi ni kiyade.

¹⁴Bunge mwan kum bwi m̄wiyu a d̄iTewuduwe Yesu Masiya, yinu kedu kuradu tiyangu mwan ni yim̄wiyu we da wu k̄ileti b̄wiye.

Romam 14

Ma kemo m̄jnu chi a lebitu we

- ¹Tiyiu nii wu keku biyilimang kangu a tibu kwire, t̄inidu k̄ile we didin ka t̄ikuran ch̄intu a lakane.
- ²Wuka ni keku biyilimang kangu a yung ka chadu kasi t̄it̄ile, aya we wuka nii wu keku biyilimang kangu a tibu kwire, k̄ichau ka fule.
- ³N k̄in wu k̄ichau ka t̄it̄ile, a sw̄abadu wu a mabi yiko we. N k̄in wu a chabu ka t̄it̄ile t̄int̄in, chiye a kaiyu nii k̄ichade we d̄ine n Kwama a kobu k̄in.
- ⁴M muna wure wu mun mwata wuka ni m̄ine? Kana Tewuduwe ko, nang wu a lwe ka fwa tiik̄i kangu n ti yare ko. A mwintuwe ka tidu d̄ine Kwama ko ka yo k̄inu ka tidu.
- ⁵Wuka nii k̄id̄ang wuka k̄idi a la k̄im̄in chi we yikayu diti. We wuka nii, ditiyu k̄ini kwang a fiwine. Kanang wuwule k̄ibunt̄ina chi n̄ir k̄in a tau kwar̄ile.
- ⁶N k̄in wu a d̄au wuka di a la k̄im̄in chiye, a ni Kwama dwiyentu we chi n k̄in a ma. N k̄in wu k̄iwu name, k̄ini Kwama dwiyentu d̄ine a wana Tewuduwe. N k̄in wu a wube, a ni t̄in Tewuduwe dwiyentu d̄ine a wana Kwama.
- ⁷D̄ine a ne ni we tibe chire wu k̄ima fiswe d̄ine dur k̄ine yinu a net̄i nii wu k̄ibwadu d̄ine dur k̄ine.
- ⁸Ka ni ma fiswe ni swedu d̄ine Tewuduwe, ka ni bwange ni bwadu d̄ine Tewuduwe. D̄ine ka ni ma fiswe ka bwa n chini m̄ b̄iu Tewuduwe.
- ⁹Nang chi a yo n Yesu Masiya a bwa, a kuntuwe ko ke k̄ik̄au Tewuduwe b̄ikur̄ime, n ti b̄ibwar̄im.
- ¹⁰A mayire mun mwata kemo m̄ine? A mayire mun sw̄aba kemo? D̄ine n ch̄ini k̄ini kwang ni tidu we k̄id̄ing kabaku Kwamangu.
- ¹¹A mwal ko, “N Tewuduwe a yi ko biyilim, ka nang wuwule niye ka sungdu we kakku mangu k̄ini t̄idum̄in ka dela Kwama k̄ini yii ko.
- ¹²“D̄ine yiko, ka nang wuwule niye ka fwa chi n k̄in a maatu we kakku Kwamangu.”

Yo wuka m̄inu yare we

- ¹³D̄ine yiko, ni du kabaku n̄ibu m̄inu we. Aya mu n̄iru tiyangu ne mwang lwanda ka mwang yo chi yare we w̄are kemo.
- ¹⁴N yim yinu n ni biyilimu we d̄i Tewuduwe Yesuwe, a ne t̄ikan chabtu t̄itu ka kai nii. Aya ka nii a d̄au t̄ikanchi ko a lebe, a mwituwe yiko we d̄ik̄ine a lebu.
- ¹⁵Ka ke mo ka yaru we kuteng mwangu d̄ine chabtitu mun chadite, a yung m̄ilak̄i mwangu a newe. A dakabu chi mun chaditu, ka kau kemo wu n Yesu Masiya a ni yikiye m̄in bwa.
- ¹⁶Kedu chi mun d̄angdu a letu n̄iba d̄aduwe bwila.

¹⁷Yaa Kwama n ke chakku ti norin, aya yile ti fiswe lima ti furi mwemwen we fikim Kwamamu.

¹⁸Dine ka nang wuwule niye wu kisii Yesu Masiya a ware we, n Kwama kinwe tamang kangu, nibu kiyiu kinu kani yurau.

¹⁹Dine yiko, ni swaan funtiku bwiyang chirengi kwang, ni ma chi ka ru yichireye n ti keku biyilimang kiku a dakanang.

²⁰Tikaiyu nangang Kwamangu we kini yam chabtu titu a lebitu. Chabtiti kwang a ne kile we. Aya a kau kile ka nii kichau tikan chi titu ka yo wuka nii min yare.

²¹A la chi, wudu nam we, nodu yim we kasi no titile titu ka yo ka ke mo min yaritu.

²²Dine yiko, chi mwang ke biyilim a dur kine, tiwe yiko a tibe mo n ti Kwama mo. Naba delake wu a ke we nir kinu kini chi n kin a ke ko chabte.

²³Aya n kin wu nir kinu a ko chi n kin kichade, a kau kimin yare. Dine n kin a chabu kini keku biyilimang. Ka m ma chi mwang kebu biyilim mwi a lete, a kau kile.

Romam 15

Tjima fiswe ka ru bjikame

¹N chini bibu keku biyilimang chirengu a ma dukanimu, a dakan ni kuru kini bibu keku biyilimang chiyangu a mabu dukanimu, dine ke ni maka chi.

²Kanang wuwule chire a yo keko min limbwi ke keku biyilimang kangu a ti kiring we buntiki Tewuduwe.

³Ko no nang Masiya a mabu fiswe wu a nwe tame, yinang ka a mwal we yam Kwamamu ko, "Titurantu nibu kitura chinitu a tu min."

⁴Chi nibu a mwal feredi we yam Kwamame, dine ke a miya nimin we muku nirang n ti kunku nirangu we yam Kwamamu ni yoon nirimu.

⁵Yam Kwama wu kini muku nirangu n ti kunku nirange, a ni chin Fikim bibu a kunkakim we tibe chin we buntiki Yesu Masiyangu.

⁶Dine ke tini kini kwang tidela dwiyen Kwamatu tirika Kwama Tewuduwe Yesu Masiya kini yii wiin a Fikim Kwamam.

⁷Dine yiko, tjiyu ka nang wuwule niye, yinangu m Masiya a yiu chiniyangu; yinu n Kwama ka ya dwiyentu.

⁸Min fwa chiminu, n Yesu Masiya a kau yinang naba nanga nibu Yafudam, a kuteng yam biyilim Kwamamu, ke a yung tin n Kwama kirii chi n kin a fwa we biku laar a sutetibu yam kimu a fwa fakuti min ferediyu.

⁹Ke yikayu kuuti t̄in a dela Kwama d̄ine k̄ibune ko. A tiwe yinanga a mwal ko, “D̄ine yiko, Teweduwe, Mang dela d̄in munu, mang dela d̄in munu k̄ini teni we kuutiya.”

¹⁰A fwatu k̄ida ko, t̄ima t̄im̄ilan wa n̄ibu kuutim̄ n ti n̄ibu Kwamamu.

¹¹A k̄ila fwat̄in ko, “T̄idela Teweduwe, n t̄in yikayu kuuti t̄idela k̄in kutiyu k̄ini kwang yiyu a n̄ibu t̄it̄inime.”

¹²N Yichaya k̄ila fwat̄in ko, “Wuka we lo Dauda bwe Yesse ka chiredu, beka ma mat̄in yikayu kuuti kwang. B̄ibu a yikayu kuutiya ka yot̄i n̄iru we d̄ik̄ine.”

¹³Ke n Kwama wu ni yon n̄ire a ri ch̄in k̄ini furi mwe mwen n ti fiswe l̄ima yo t̄ike biyil̄imu we d̄ik̄ine, ke t̄i ri k̄ini yo n̄ire ti dukan da f̄ik̄im Kwamam.

Chi a yo m Bulus a mwal yame

¹⁴Kebim̄im, m m̄in, m m̄ifwan n ke mi n t̄in̄in t̄ifwan k̄ini n̄ir diyil̄in k̄ini yingku kiyilang. N t̄in t̄ilwe ta miya yichiyu m̄inu.

¹⁵N mwal chim̄in yi kw̄arikw̄ari we t̄ikatu t̄ikw̄ali yii yinu m̄in kur chim̄in t̄inu k̄ida d̄ine l̄ime Kwama a niye.

¹⁶Ko n kau naba nangang Yesu Masiya we kuutiya n k̄ini nangang fansetiyangu we d̄imwar yam Kwamamu.

¹⁷D̄ine yiko, m̄in ngau kwiye k̄ini Yesu Masiya we chi n k̄in a ma d̄ine m̄in sii Kwama.

¹⁸A ne mang fwa b̄ikam yam we d̄imune ka ke chi n Yesu Masiya a ma we d̄im̄ine wu a wuwe n̄ibu kuutimu ka bunt̄i Kwama we chi mang fwa mang mat̄ine.

¹⁹Mang medu mang fwa chi k̄atak̄itu n Yesu Masiya a ma k̄ini dukan F̄ik̄im Kwamamitu. N ma d̄imwar yam bil̄im̄inu n ri chi a dakani we Wurchalima n ti t̄int̄iyu a kananiyu n fwe t̄ina Yilirikum wu a Yit̄iliye.

²⁰Aya ka nang wuwule k̄iswiye m̄in kuru we n̄ir m̄inu mang ma d̄imwar yam bil̄imu we fi n̄ibu a yimbu Masiya.

²¹Ka nang chikiye nang ka mwalangu B̄ibu n̄ibu a fwa chi m̄in b̄imu ka kudu, yinu b̄ibu a no nweb̄imu ka swaanu.

²²T̄itu nang chi a yo k̄idati kwang mang yabu da yaku bwana d̄ich̄ine.

M Bulus a do bwiya ka ya Roma

²³Yo k̄ikangu a ne wuka fi ma man nangang we bale we, yo man tau m̄in badu sw̄atu nabwen mang kunne.

²⁴N do bwiya mang ya bwa d̄ich̄ine k̄idangu mang ya Asbaniyangu. We bwako mang bau k̄iswi mang sii chinedu ke t̄imakai t̄in we yayu mi, yinu mang chakakku k̄ini yayu.

- ²⁵Aya kíkàngu mìn yika Wurchalima yamang maka we nìbu buntìkìma fiko mu.
- ²⁶Tìdàng nìbu buntìkìmu a Makidoniya n ti Akayamu a maka tìlusani nìbu buntìkìm a Wurchalimamu kìnì furi mwen.
- ²⁷N chi a nwe tamàng makìku yinu a kau chimìntì yinang kìdàddàku we dìchiye. Ka nìbu kuutimu a yatì kìtìme we delaku nìbu Yafudam wa fìkìme, a kau chimìn kìdàddàku ka keratì yaku chiyangu n ti nìbu Yafudamu.
- ²⁸Yo mang ri nangang kìke yinu n yintì n chi a ya makake, mang yika Asbaniya yinu mang buntì fiya dìkìne.
- ²⁹N yim ka n ya bwa dìchine, mang yadu kìnì kìlìmang kìduwang kìka Masiya.
- ³⁰Kebu mìm, we a dìn Yesu Masiya n ti mìlaku Fìkìm Kwamamu, mìn baddu ta makayu kìnì twàbàku buni we kwàmbìr mìnù we Tewuduwe.
- ³¹Tìtwàbàn, ke n ya chirku we nìbu bìbu a ko buntìkì Yesu Masiya we yaa Yafudiyamu, dìnè ke kìlìmangu mang madu a Wurchalimangu a kau chi nìbu buntìkìm ka yinde.
- ³²Ka Kwama kenge mang ya bwa dì chìnè kìnì nìri mwen ke ni kunka dutu chìretu.
- ³³N Kwama naba lìmè a swe ware n ti chìnì kwang. Amin.

Romam 16

Dìsiir Bulusìn

- ¹Mìn yung keku mangu we dìkechire n Fibi wu kìma makaku a kan Kwamana Kankìriya.
- ²N fwa chimìn mi tìyiu kìn kani yurau we dìn Tewuduwe yinangu naba buntìke a dakan ka madangu. Tìmaka kìn kìnì chi ka badditu, dìnè n kìn a maka nìbu buntìkìnìmu nabwen, a makatì mìn.
- ³Tìsìmi Biriskila n ti Akila bìbu nang ma nangang ware a dìn Yesunìmu
- ⁴N chi a mwatan ka su tìkuri chiitu dìnè mìnè. Nii kìma dìwane, n ke ka mìn kìnì nìbu buntìkì a yikayu kuuti mu.
- ⁵Tìsìtì nìbu buntìkìmu kìmuradu a lo chimu. Tìsìi tìn kìbwartang mangu n Afinitu, fatìmi wu siine, wu a mwe a wo kìtìmu kìbuntì Masiya we tìm Asiyamu kìnì kwange.
- ⁶Tìsì Maryamu wu a ma nangange yinange dìnè chìnè.
- ⁷Tìsìitì Andaroniku n ti Yuniya kebì mìm bìbu n nìn ware we dìtbìntìlìmu n chi nìbu Yafudam yinang mìn. Nibu kìnì tìchin dwiyentu yinang fandubu. N chi a tu mìn a ke bìyilìmu we dìMasiya.

- ⁸T̄isii Amfiliyatu, fatemi wu yile we bunt̄iku Tewuduwe.
- ⁹T̄isii Wurbanu fate n̄in nang ma nangang ware we d̄in Masiyane n ti fate mi n Sitaki.
- ¹⁰T̄isi Afalis wu a kilabu kutenge we tiku kangu a d̄in Yesunu. T̄isit̄i d̄ikur lon Aristobulu.
- ¹¹T̄isii Yiridiya wu n k̄in naba Yafuda t̄in. T̄isi b̄ibu a d̄ikur lon Narkisusunu b̄ibu kibunt̄i Tewuduwe.
- ¹²T̄isii Tirayifina n ti Tirayifusa. Nat̄in b̄ibu k̄inwe riye a nangang Tewuduwe. T̄isii Farsa fate wu mang m̄ilane wu a nwet̄i riye k̄ima nangang Kwamange.
- ¹³T̄isii Rufu wu swabre Tewuduwe n ti nek̄in wu n k̄in ne we d̄im̄ine.
- ¹⁴T̄isii Asinkiritu n ti Filikona n ti Armi n ti Faturoba n ti Yerme n ti keb̄ibu we ware n ti chimu.
- ¹⁵T̄isii Filoloku n ti Chuliyana n ti Nariyo n ti keko wuwiye n ti Olimfa n ti n̄ibu bunt̄ik̄imi kwang we ware n ti chimu.
- ¹⁶T̄isii yichiyu k̄ini kwarkak̄iki wauwadu k̄ika bunt̄ikang. Kuu n̄ibu bunt̄ikim Masiyamu k̄isi chintedu.

K̄ikure a swan m̄ine

- ¹⁷Kebu m̄im, t̄ima daandaan k̄ini n̄ibu kiyo chim̄in b̄ingaiyimu. B̄ibu kiyo chim̄in yaremu, kiyo kat̄in we chi ta miyanitu. T̄ikwa chim̄in t̄inuwe.
- ¹⁸D̄ine n̄ibu b̄ibu a siibu Tewuduwe Masiya. K̄i sii yichi. Yiini chiyu a ri k̄ini luk̄iri t̄ikwanitu k̄ibutu b̄ibu k̄inwe chimu. B̄ibu k̄inwe chimu k̄ini t̄ikuran chitu yinang bwes̄im.
- ¹⁹Kanang wuwule niye a nwe yinangu ta tau yam b̄ilim Masiyamu. T̄itu a yo m̄in ma t̄im̄ilani k̄ini ch̄in. Aya n ke ta kau n̄ibu kasan̄im. T̄ichaku yichiyu we chi t̄ibwilaitu.
- ²⁰N Tewuduwe naba l̄ime ka faba chim̄in dukan Setan. M̄in tw̄ab̄adu mi l̄ime Kwama a swe ti ch̄in.
- ²¹N Timoti wu n̄in ma nangang ware k̄isi ch̄inu n ti Luchiyo ti Chason n ti Sasifata n ti b̄ibu n chi keb̄i m̄imu.
- ²²M m̄in Tartiyu wu k̄imwal k̄im̄in lwanḡin d̄ide, m̄in sii ch̄inu a d̄in Tewuduwe.
- ²³N Kayu wu a s̄iki a loko, wu k̄is̄iku n̄ibu bunt̄ik̄imu a loko, k̄isii ch̄inu. Yeratu wu k̄itau kamb̄ir b̄inenu, n ti ke chire n Kwartu k̄isii chintedu.
- ²⁴[Yam, l̄ime Yesu Masiya a swe ware n ti ch̄ini kwang. Amin.]

²⁵Kikangu ni ni wu a lwe ka ru chinu we yam bilimū yinu ka ma dimwar Yesu Masiya, ke wuduku chi kwalayi tilairitu a ma ferditu.

²⁶Aya kikangu a ne chi a lailaiye we dine timwalantu Fakubu a mwalanitu. We dukan yam Kwamamu. Tintin, kuuti kwang a swaan. Titu ka yodu n chi ka ke biyilimu a matj kwambir kidiya kwadu.

²⁷Dwiyentu a kila bwa diKwama kidiya, n kin wu nang naba yingku chiyange, n kikun a diYesu Masiya kidiya kwadu! Amin.

1 Koronti

1 Koronti 1

Djisir

¹M m̄n m Bulus wu n Kwama we k̄ikeko a yali, mang kau fandu Masiya Yesuwe n ti ke chire n Sastanis.

²M̄n mwal n̄ibu Kwamamu a Korinti n ti b̄ibu n Kwama a yal a yo ch̄in yinang k̄in ko ke t̄ikau b̄ik̄im b̄ibi wauwad̄im, b̄ibu takau b̄iu Kwamam d̄ine wiine ch̄in n ti Yesu Masiya n ti b̄ibu kasi no fere k̄iyalu we d̄in Yesu Tewuduwe Masiya chire n ti chi kwang.

³L̄ime n ti fiswe l̄imang a d̄iKwama Tewuduwe n ti Yesu Masiya a swe ware n ti ch̄in.

Delaku a d̄iYesuwe

⁴M̄n wana Kwama kwadu d̄ine ch̄in n ti l̄ime a ni ch̄in k̄ik̄ang t̄ibunt̄i Yesu Masiyangu.

⁵Nangk̄in d̄ine Yesu, n Kwama a ni ch̄in chitu t̄ibaditi kwang, a bwinbu yam n ti yingku a ni ch̄in.

⁶T̄itu a yung chi mang fwa chim̄in a dur Masiya Yesunitu b̄iyil̄im.

⁷D̄ine yiko, t̄iya kasi no n nang b̄ib̄ile duum k̄it̄ime F̄ik̄im Kwamam, yo we t̄ikur nuyi chiyu t̄iyam k̄ilaku Tewuduwe Yesu Masiya .

⁸N k̄in ka ru ch̄ini k̄ir̄ing ka lam̄inti di ka k̄ilade, ke n kaddu wu k̄ini d̄ituurwe di n Tewuduwe Yesu Masiya.

⁹N Kwama a ne du ch̄inu ta dwaladu, d̄ine n k̄in a mabu t̄ikali k̄ini yam k̄imu. N k̄in a yal ch̄in ke t̄ikunka ware n ti Bweko n Yesu Tewuduwe m Masiya.

B̄ingai a le tibe n̄ibu bunt̄ik̄ime

¹⁰M̄n wana ch̄inu keb̄im̄im, we dukan Tewuduwe Yesu Masiya, yii ch̄in a kabi wiin. B̄ingaiyu a ledu tibe ch̄in we, t̄ikunka dutu ch̄intu ke t̄ikuran ch̄intu a kabbi wiin.

¹¹B̄ikam kebu we lon Kuluwiye, a fwami ko b̄ingai a le tibe ch̄in.

¹²Chi min fwaditu nang t̄itu. N kawure k̄ifwa b̄ik̄imu yam dang, wu k̄iyidu ko, "M m̄n m̄n bunt̄i Bulus," wu ko, "M m̄n m̄n bunt̄i Afolos," wu ko, "M m̄n m̄n bunt̄i Kefas." Wuka k̄iyidu ko, "M m̄n m̄n bunt̄i Masiya."

¹³Kano m Masiya a kera bwi kiyu kerana? M Bulus nang nii a bwa we k̄it̄iyang bwangu d̄ine ch̄ina? Ka ta ma batisma k̄ini d̄in Bulus̄ina? Kwako, a newe yiko.

¹⁴N Kwama a mabe yinangu mang mabu wuka ch̄in m̄nbu batisma ka n ke Kiribu n ti Kayus.

¹⁵Dine yiko, a ne ni ka yidu ko, kima batisma kini din mine we.

¹⁶We yiko n kur, m ma dikur lon Yistifanuse min batisma, a kuteng kiku, mang kurbu ka mang ma wukane nin tin batisma.

¹⁷M Masiya a tumebu min ko n ya m ma batisma, aya m mwa yam bilim bibu a ne mang ma nangang kini dukan yii minim dine ke yam bwa Yesu a kitayang bwamu a ma dukan.

N Yesu dukan Kwaman n ti yingku Kwamang

¹⁸Kikumang yam bwa Yesumu a mabu kikwi we bibu a tau ware bwamu. Aya n chini bibu niyang ya yukumu, ni swan ko yam bilim dukan Kwama.

¹⁹Yinangu a fwa we yam Kwamamu ko, "Mang kai yingku niyangu, mang yung chidu mi n chi a yimbi chi."

²⁰Dine yiko a bwale nibu bibu kini yingkimu? A bwale nibu yungku yilin Musatimu? A bwale nibu kikudu ko chi me fwaku yamimu? Min yi bibu kikamadu ko chi swaan chiti kwangi mu? N Kwama a marbu yingku chiyangu a nibu titinimu a kau dita?

²¹Nangkın we yingku Kwamangu, nibu titinimu a yimbu Kwama dine yingku chiyang, n ti kiki yikongu, n Kwama a sutu dimwar ditten chinu, a yu bibu a ke biyilimimi kin.

²²Nibu Yafudam a kubu ware Kwama kini kikwi, ka n ke n chi ka ku dimwal ka chiredu a diye. We nibu Yelenamu titu a kau ditu dine n chi a ke kini ka yingku chiyang.

²³Dine yiko, yo ni ma dimwaru ko n Yesu Masiya a bwa a kitayang bwange, nibu Yafudam kikai nitu a kebu biyilimu, aya n chi bibu n ke kuu Yafudamu kikudu nangang kikusang yinangu nii ka bwadu dine nibangu.

²⁴Aya yam nimu nang bibu, m Masiya dukan Kwaman n ti yingku Kwama we bibu a yalimu, ka nibu Yafudam ka naba Yelena.

²⁵Dine chitu ni kudu yinangu kano Kwama a ma dittitu, a la dukan ninu. N ti chitu ni kudu ko kano kitaku Kwamangitu, a lati dukan ninu.

²⁶Kebu mim tikur yinangu no n tin we minangu yo Kwama a no yal chine, we yingki niyangu nibu kini kasanimi bayim we tibe chin. Tintine yi bayim we tibe chin bibu kini dwiyenimu. Yinu bwesim nibu biduumimi bayim tin.

²⁷Aya n Kwama kimwen nekiti kisutu nibu bibu ki kamadu dibu titinimu, kiyo chidu kini nibu bibu kikudu ko chi kasanimu dibwi. N kin a kisutu chi nibu kikudu ko a ne dukan we, kini bibu kini dukanimu dibwi.

²⁸Chitu nibu a kubu kisiyang kangitu, ka chi tikusiye, ka n ke tikan chiye, nang chi n Kwama kima nangangi kin kikaiyin chi nibu kikudu ko tiyiliye.

²⁹N Kwama a ma t̄ichitu wu d̄ine ke n̄ibu t̄it̄inimu a kuk̄idu dutu chitu we kakku kangu.

³⁰N Kwama a yo ni ke biyilimu a diYesu Masiya. N Kwama t̄in a yo Masiya a kau nim̄in yingku. N Kwama a ke k̄ini ch̄ini, a nura ni, a yu ni d̄ine Yesuwe.

³¹D̄ine yiko, yinangu a mwalangu ko, “Kanang wuwule niye wu kir̄ika yikiye, a r̄ikan a d̄in Tewuduwe.”

1 Koronti 2

Ȳamu a dur Yesun wu n̄ibu a kukan k̄in a k̄it̄iyang bwange

¹Kebim̄im, yo mang be ke m ma chim̄in d̄imwaru Kwama a yungi ne, mang fwa chim̄inbu d̄ine mang me ȳame ka d̄ine yingke.

²D̄ine n yo we n̄ir m̄inu mi k̄idangu mang swedu ware n ti ch̄inangu, a ne mang miya chim̄in t̄ikan chi ka n ke ȳam Yesu Masiya wu n̄ibu a kukan a k̄it̄iyang bwange.

³K̄idangu mang mwe mang ya bwa d̄ich̄inengu, mang yabu dukan, bwi miyu ka tayi.

⁴D̄imwar m̄inu a ȳam Kwama m̄inu, mang yungbu yingku ka mang bunt̄i ch̄ini nang w̄am̄ange, aya F̄ikim Kwamamu we tibe ch̄in k̄ini dukan.

⁵Keku biyilimang changu a bunt̄inu we yingku n̄ibang, aya t̄ibunt̄i dukan Kwaman.

Yinḡk̄u a F̄ikim Kwamam

⁶K̄ini yiko, m̄in fwa b̄ibu a dwiyen k̄ini keku biyilimu m̄in ȳamu k̄ini yingku, aya n ke yingku a k̄idang k̄ikang. N ket̄iduum tikaketi n̄ibu k̄ima mat̄in k̄idang k̄ikimu, t̄itu k̄iriduriyetu.

⁷Aya m̄in fwa yingku Kwamang, k̄iku a kw̄al ni m̄inbu feredinu, ka nang chikiye yingku Kwamangu a do feredi d̄ine ch̄iniye yo t̄it̄initu a tibu swede, d̄ine ke n ch̄ini ni ya dwiyenitu.

⁸We tikaketi mat̄imu k̄ima mat̄in k̄ikangimu, a ne ni a swaane we, d̄ine ka n chi a no swane, a no kukabu Tewuduwe Yesu we k̄it̄iyang bwangu.

⁹Nang chi ȳam Kwamamu k̄iyungde yo a fwa ko, “Chi Kwama a do b̄ibu n k̄in a m̄ilan̄imu m̄initu, wuka a kuunbuwe, wuka a nweenbuwe wuka a kurant̄ibu we.”

¹⁰Aya n Kwama a yung ni k̄ichitu wu a F̄ikim, d̄ine F̄ikimu k̄iwuse chiti kwang. Kasi no nang nangin Kwamatu a ma bwariti kwang k̄iwusedu.

¹¹N wure ka medu ka yim t̄ikurantu a n̄ir kekonitu, ka n ke F̄ikim ni wukome? We yiko, a ne nii ka swaan t̄ikuran Kwamate we, ka n ke F̄ikim Kwamame.

¹²N chini niyang yuwebu Fikim titinim, aya Fikim kim bibu a chire a diKwamam, ke ni swaan chitu n Kwama a ni chini kini kikekotu.

¹³Nin fwa chimin bibu a newe kini tikwalyi titu a miyaku yingku nii, aya titu a Fikim ke a yung bibu a Fikimimu chitu a Fikimitu.

¹⁴Nii wu Fikim Kwamam a ti kiminbu kakke, a yibbu chitu a Fikimitu. Dine we dikine yinang dittu, n kin a ne swaantinu, dine swaankiku kibeđu a Fikim Kwamam.

¹⁵Nii wu Fikim Kwamamu a ti kimin kakke, ka medu ka swe ka titile chiye, aya a ne nii ka medu ka swe chidewe.

¹⁶“Wure a yim tikuran Tewuduwe, yinu ka miya kimiti chiye?” Aya n chini, ni bunti chi n Masiya kibadde.

1 Koronti 3

Naba nangang Kwamang

¹Kebu mim, mang mebu mang fwa chiminbu yam yinang bibu Fikim a ti chimin kakim, aya min fwa chiminu yinang nibu titinim, yinang bibu a tibu rudu we din Masiyanim.

²N bunti kini chin yinang bwesimu kihar yarim, a newe yinang bibu kichau chabtim. Dine ta lambi bibu ka chau chabtimu. Lanta kikanğ ta lakabu n ti bwesimu.

³Dine n we chikku ta dubu da bwiye, ka tikube chi a niitu, tima dikulanu n ti yichiye, a yung ta dubu da wu a bwiye. Tintine tichakakku kini da bwiye.

⁴Ka wu a yi ko, “M min mibunti Bulus,” Wuka ko, “M min mibunti Afolos,” Kichitu wu a yungbu yinangu n tin n biu titiniyanga?

⁵Tiyalin wure kini Afolos? M Bulus n wure? N chi n ke kana nibu nangang Kwama ma? N chi n ke nibu a ma chimin ware ta ke biyilim a diKwama ma? N kawure kima nangangu yinangu n Tewuduwe a ke kiminang.

⁶M min wu mang mwe mang ma chimin dimware, yinang wu a fi dume, Afolos a miya chimin yam Kwamamu nabwene yinang nii kigur mwe, aya n Kwama nang wu kiyo nibu kidwiyedu we Fikime.

⁷Dine yiko, wu a fiye, n ti wu a kur mwe, n ke tikan chi, aya kana Kwama wu a yo chitu a dwiyene.

⁸Wu a fiye n ti wu a kur mwe kima nangang sureng. N kawure ka ya kitime sure ko.

⁹N ninni kwang nima nangang Kwamang yinang bibu kisu kalim, n tin yinang kuu Kwama, nangang fali Kwamang n ke nangang niyang.

¹⁰Dine yilīn līme Kwama, m mwe n ru tamme we yām Kwamamu mang fwa chiminīmu. Wuka nii ka chakakku we fi mang ti mīne, ka nang wuwule niye ka yim dum mukkiimu kimadīmu.

¹¹Aya a ne wuka nii wu ka kiladu ka rutī wuka tamme, ka la wu n Yesu Masiya a rubbe we.

¹²Wu ka chakakku kīni mukku we tamme wu ka kīni sīnariya ka asurfa ka kali yiyiliye ka tītīniye, ka swākī ka rudenge ka mwariye.

¹³A ne ti ke, nību ka swākā nangīn tītu kīni kīrang, chi kīrang ka twide a yung a mabu kīkwi, ka nangang mwangu a twiye, a yung n twiyan kīdiya.

¹⁴Ka nangangu nii a mu we tammengu a twibe, n kīn ka ya kītīme.

¹⁵Ka nangīn nītu a twiye, a yung bunitu a tau nii wuko. Kasi kīku n kīn ka swidangu, aya ka kaddu yinang wu a su a kīrange.

¹⁶Yoye ta swaanbu ti n tīn se Kwama, ka nang chikiye fi swe Kwama? Ta yimbu ti Fīkīm kīmu we nītu chinta?

¹⁷Aya ni ka kai se Kwamange, n Kwama ka kaitī kīnu, dīne kan Kwamanu fi wauwade, aya n chīn nang kan Kwamamu.

¹⁸Tībutīdu yichiyu we, Ka wuka nii kīkudu ko kīkasane kīkange, a mar dur kīnu yinang dīr ke a kau wu a kasane.

¹⁹Nangkīn yingku tītīni tītangu kana dītītu we dīKwama. Dīne a mwal ko, “Kītāu nību yingkumu kīni furali chitu.”

²⁰Tītīne a mwal ko, “Tewuduwe a yim ko tīkurantu a nību yingkīmiti kwang ka tīkusi.”

²¹Dīne yiko, ngaddu kwiye we buntīkī wuka niyangu mwiko mwang nabīdu, n tīn kīni kwang tīma buntīkīku.

²²Ka m Bulus, ka n Afolos, ka n Kefase, ka tītīniye ka tīkuriye, ka bwa, ka chi kīkange ka tītu a kakkiye, ka tītīle chiye n tīu chīn.

²³M tīn m bīu Masiya, m Masiya wu Kwama.

1 Koronti 4

M Bulus n ti nību Korintiyamu

¹Dīne yiko, a dakan nību nangang Masiya bību n Kwama a yo ko ke a nang fwa chi nību a yimbu we yām Kwamamitu.

²Nangkīn, nību n Kwama a yo chi wakili mu, a dakan ta tum yile.

- ³Ta medu ta dang yayumi, tiswe we nitu chintu ka dang. M min nemang swe yimiyu.
- ⁴Mang yimbu fi mang kitamine, aya titu a yungbu ko mang mabu kile. Tewuduwe nang ni ka mwata chiti kwange.
- ⁵Dine yiko, timwata wu nii minu we yo kiswi a tibu lande, tiyam yo Tewuduwe ka kilade. N kin nang wu ka kwal chitu a kiliyetu n ti tilairi titu a nirate. Yinu fal n kawure ka ya kitimedelaku kangu we Kwama.
- ⁶Kebimim, m ma nangangu n ti Afolos n ti dur min ke n yung chin chitu mang tau min fwaditu. Ka tiyadu we chi yam Kwamamu kifwaditu a dakabu ni ka dau wuka tikakeko ka la wuka.
- ⁷N la bikamu nibu kini wureni? Muni kini wureni wu n ke chi Kwama a ninne? Yinu ka chiti kwang a be a diKwama, amayire mun ngau kwiye yinang ka mwang ma tikan chi kini falang mwange?
- ⁸Titu tiku yinangu ta ya chitu tbaditu. Tiku tikau kullim. Tikau yinang matim, n nin n ke tikan chi. Ka no ko n chin matime, a no nang ma matintu n ti chin.
- ⁹Kebimim, we dangku mangu n Kwama a Kwarikwari ko fandubibu nang swan kute we ka titile chiye, yinang nibu a ma chimin mwatakil ka bwam, ko ke ni kau chi titiniti kwang, n ti nibu titumbiri Kwamamu n ti nibu ka kur kwalangi ka nin dangde.
- ¹⁰Dine niku duranagu we diMasiya ni kau yinang dibbu. Aya n tin kini yingku we diMasiya! Nin newe kini dukan, aya n tin kini dukan! N tin tiya dwiyentu, aya n nin, nin nwe riye!
- ¹¹Lanta kikang nang yabu chabtu n ti mwe, kono nang kulin didorinu nang yabu. Nibu a ngau nin, nin nwe riye we fali nibiyu. Nang mabu lo wu a dur ninne.
- ¹²Nin fwiye ni mwe we nangangu kini fali ni ke nin ya chi nang chaditu. Nin yo bibu kiyo ninin yimumin delaku. Nin ma bwanu kini bibu kitura ninimu.
- ¹³Bwi nii a bwabu we nibu kifwa yam bikwanim a dur ninimu. Nin kau yinang tibwitan we titinitu, chi a ne ni ka kwatinu we. We yiko lanta kikang.
- ¹⁴Mang mwal chiminbu yam bibu mi ke tinwe dibwi. Aya dine n tin kebinime, min yung chin milaki mangu kini kikure.
- ¹⁵Kasi no n tin kini nibu yungkim yam Kwamamu a lam kuniritu kubu, n tin tinewe kini tebibu nabwen. We din Masiya n kau Te chin, yo min fwa chimin yam bilime.
- ¹⁶Dine yiko, min wana chinu, tibuntidami.

¹⁷N tum chimin Timoti bwe mi wu mang milane, wu a mabu tikali kini yam Tewuduwe me. N kin ka maka chinu ta kuru yinangu mang bunte Kwamangu n ti miyaku mangu kasi no bwale we tibe nibu buntikime.

¹⁸Aya bikam chimu a dau ko kano ne mang be bwa dichine, kiku kitini dur.

¹⁹Aya ka n Tewuduwe a du mine, mang ya bwa dichine a ne tike, mang kute nibu bibu kikukku durumumu ka tekan chi we titu a yami yikusiye.

²⁰Dine yaa Kwama a buntibu a meku yamang, aya dukan Kwaman.

²¹Dine yiko, tiswau chi a la chiye, m be chimine kini kwangtanga ka m be chimine kini milaka?

1 Koronti 5

Tichaku ni a ma yariye we tibe chin

¹N nwe yamu ko yaritu a lala we tibe chin, a lati kuu nibu bibu a yimbu Kwamamu. N nwe ko wuka nii a dau kaye nekine kidadu ware.

²Yo tirikatibwiye, titu chi kaiyan niri a lwebu chi ta chakin nii wu we tibe china?

³Kasi kiku m min n newe n ti chin a bwiyanu, aya m min we n ti chin a Fikim. We din Tewuduwe n Yesu, min fwadu yinangu m min ware n ti chinang, tiwela ni wu a ma nangang kike.

⁴We fi ta murande, m min we n ti chin a Fikim, n ti dukan Tewuduwe n Yesu.

⁵Tichaku nii wu we tibe nibu buntikime, a twaiye kwangtang Setan didiin. Yo ka kilade, tikuri kitu ka swidu kasi kiku bwikiyu ka bwadu we di n Tewuduwe ka kilawede.

⁶Tirikadu chi we, ka ta du nii wu a ma yariye we tibe chine. Ta yimbu tiko ka tidu nii wiin a chakakku kini yarite, a ne ti ke bikamu nabwen ka ledu kanin ma tina?

⁷Tichaki naba yariye wu, we tibe chin, ke a fire chini wauwadu. N Yesu Masiya nang kwan Yiye yabake chirenu, a kur kituumu dine chini.

⁸Dine yiko we Yiye Yabake chire, ni kila tinu kidanne wu kare wu a bwila we, wu a bwila n ti nangin tikusiye we. Aya ni chau kidanne wufwiye wauwadu wuyile.

⁹Yo mang wi mang mwal chimin lwangine, n yi chin mi tikunkaduwe n ti nibu kima yarimu.

¹⁰Aya mang fwabu yamu a dur nibu titinim bibu siiku diyor a kau chimin bwiimu ka bibu mikakwiye a la dukan chinime, ka dabikuume, ka bibu kisii diyorime. A no ka la chi ta du titinitu ke tikunkaduwe n ti duum nibu bibime.

¹¹Chim̄in fwaditu nang t̄itu. T̄ikunkaduwe n ti b̄ibu k̄iyal dutu chitu ko n chi kebu n̄ibu Kwamam aya k̄i sii diyor, ka m̄ikakwiyenge, ka b̄ibu k̄iwile yam̄ime, ka b̄ibu k̄isi diyor̄ime, ka b̄ibu k̄inora chime, t̄ichadu kasi no chi we n ti chi.

¹²Lwangang mangu wule wu mang wela b̄ibu n ke n̄ibu bunt̄ik̄im̄ime? Aya n Kwama nang wu ka ma chim̄in mwatak̄ike.

¹³N Kwama nang wu ka mwata n̄ibu t̄it̄ini m̄inde. T̄ichakku wu bwila nii we tibe ch̄in.

1 Koronti 6

Maru keme kemo we

¹Ka wuka nii we tibe ch̄in k̄ibaddu ka mar keme kekonge, a kabbu chi dibwi yo n̄ibu t̄it̄inimu ka kaba k̄im̄ina? A lab̄i chi n̄ibu bunt̄ik̄im̄i ka kabada?

²Ta yimbu tiko, n̄ibu bunt̄ik̄imu nang b̄ibu ka kaba t̄it̄initu m̄ind̄ima? Ka yikonge, nang wu neta medu ta mwata yam̄ n̄ibu bunt̄ik̄ima?

³Ta yimbu tiko, n ch̄ini ni kaba n̄ibu t̄it̄umb̄iri Kwamamu m̄inda? Yinu t̄itu a t̄it̄initu nang t̄itu ka bwa ch̄ini ta?

⁴Ka n ch̄in k̄ini bet̄i yam̄iyu k̄ibwa chiniye, amayire t̄iyikan n̄ibu a yimbu yam̄ Kwamame, b̄ibu n ke t̄ikan chi we kakku n̄ibu bunt̄ik̄ime?

⁵N fwa chim̄in b̄ibu ke t̄inwe dibwi, yoye t̄iyidu tiko a ne nii kasikasiye we tibe ch̄in wu ka doka n̄iba?

⁶Aya n ti k̄iku yikonngu k̄ila naba bunt̄ike k̄imar keme keko a kakku n̄ibu a yimbu Kwamam.

⁷Yinangu t̄imar keme keb̄i chimangu, k̄iyung k̄itaku changu, a bunge ta dudu n̄ibu a sul ch̄in. Ta ma bwanu kasi no n̄ibu a dang ch̄in chitu a no dakan ta yaditu.

⁸Dang, n t̄in n t̄ifwan t̄isul yichiyu. T̄it̄au chi nii a no dakan ka yade, t̄imadi ying ta bwinb̄i kebu chim.

⁹Yoye ta yimbu tiko n̄ibu a tumbu yilemu a ne le yaa Kwama? Nii a but̄idu ch̄inwe. K̄ikulbu n ti b̄ibu k̄isii diyor n ti b̄ibu k̄ibabba nat̄ibu n̄ib̄imu n ti t̄ibani kwartabitu n ti kwartabu k̄idadu n ti kwartab̄imu,

¹⁰n ti dab̄ikumu n ti n̄ibu k̄idwankimu n ti n̄ibu t̄inoran̄imu n ti b̄ibu k̄itura n̄ib̄imu n ti b̄ibu k̄iful n̄ib̄imi kwang a ne swedu n ti b̄ibu n Kwama ka ma mat̄in chimu.

¹¹Yo ferediye, b̄ikam chimu a no yiko, aya k̄ikangu n chi a ya nurak̄i wauwadu, t̄ile falang Kwamang, t̄ikau b̄ibu a newe k̄ini k̄ileti we kakku Kwamam we d̄in Tewuduwe Yesu Masiya n ti F̄ik̄im Kwamamu.

T̄idela Kwama k̄ini bwiti chiyu

¹²Bikam chimu ka medu ka yidu ko, “Kwama a du ko m ma kanang t̄it̄ile chiye,” Aya n ke kanang chiye a da “A kemi ko m ma kanang t̄it̄ile chiye,” Aya a ne mang kau k̄abe t̄ikan chiye.

¹³Bikam chimu ka medu ka yidu ko, “Chabt̄itu d̄ine fur, yinu furu d̄ine chabte.” K̄ikumang n Kwama ka tab̄idu k̄ini ȳam chabt̄imu n ti furu yo ka ni ch̄ini bwi yifwi chireye. Bwi chireyu n ke d̄ine t̄ikuliye, aya d̄ine delaku Tewuduwe yinu n Tewuduwe k̄ito bwiyu.

¹⁴N Kwama a kuk̄i Tewuduwe n Yesu we kw̄amiyu, we yiko ka kukut̄i ch̄ini k̄ini dukan k̄inu.

¹⁵Yoye ta yimbu tiko bwiyu chiyu fanti we bwi Masiya? Ko bayim! A ne mang d̄au bwi Masiyayu mann̄in mang t̄ibani?

¹⁶Ta yimbu tiko nii wu a kwarka bwikiyu n ti d̄ibane bwi chiyu a kabi wiina? Nanḡk̄in a fwa ko, “N chi burau aya a kau bwiyi wiin k̄ik̄angu.”

¹⁷Aya nii wu a d̄ika yikiyu n ti Tewuduwe, a kabi wiin we F̄ik̄imu.

¹⁸T̄iwul m̄in we t̄ikulitu! Kanang wuwule k̄ile nii k̄imade a twaibu bwiyu, aya nii k̄ima t̄ikuliye k̄ikai bwiki.

¹⁹Ka ta yimbu tiko bwi chiyu se Kwama wu a F̄ik̄im Kwamame, b̄ibu a be a d̄iKwamama? T̄int̄ine n t̄in ta swebu dur ch̄in.

²⁰We bwa Bwe ko, a t̄an ch̄in, d̄ine yiko t̄idela Kwama k̄ini bwiti chiyu.

1 Koronti 7

D̄ib̄idu a ȳam k̄inam

¹K̄ik̄angu we ȳamu ta mwalemu, a le ni a yidu naye we.

²Aya d̄ine ke t̄ikulitu a t̄iradu t̄imu we, n kawure a yiu naye, ka nang wuwule naye a swe k̄ini kwarta.

³Kwarta a ni naye ko chi a dakanitu, naye a ma t̄ini yiko.

⁴D̄ine naye a newe k̄ini yii we bwi kiyu ka n ke kwarta, kwarta yiko t̄in a ne yii we bwi kiyu ka n ke naye.

⁵Wuka we tibe wu a koduwe ka n ke n chi ka kekadu ko ne chi madu d̄ine chi bau wauwade tw̄ab̄aku buniyange. A kuteng k̄iku n chi ka funt̄ibwi ke Setan a yo wukam̄inu d̄walaku we kubeku wukaneng.

⁶M m̄in m m̄ifwan m̄in fwa chim̄in b̄ibu, n ke yilang.

⁷We k̄imangu n ke n̄ibu kanodu yinang m̄in a ne k̄ina we, aya n Kwama a mu ni dang, a yo wu ka medu ka ma k̄ina, wuka a ne ma k̄ina.

⁸Bibu a ne kina wemu n ti bibu kwartabu chimu a bwamu, min kudu a la chi n chi a swe a madu kina we yinang min.

⁹Aya ka n chi a ne yin tau dutu chite, bunge a ma kina. Nangkin bunge kina n ti kiku kirangmu ka la dukan chinangu.

¹⁰Bibu a ma kinamu, min ngau chimin kikure, n ke min aya n Tewuduwe, mi naye a yaraduwe n ti kwartako.

¹¹Ka aya a tu a yarane, a nadu wuka ni we, n kin a kilan a dokan n ti kwarta ko, kwarta tin a marru naye kowe.

¹²We bikamu min fwa chiminu aya n ke chi n Tewuduwe yayiye, ka wuka nii kini naye wu n ke naye buntike, wu a ke ka swedu n ti kine, a marru naye we.

¹³Tintine ka wuka naye kini kwarta, wu n ke naba buntike, wu a ke ko chi swedu ware, a koduwe.

¹⁴N fwa ying dine kwarta wu n ke naba buntike, kiya wauwade we naye ko, we yiko tin n ti naye wu n ke naye buntike, kiya wauwade we kwarta ko, ka a newe yiko, bwesim chimu a ne ya wauwade, a ya ka timaye, ka ya wauwade.

¹⁵Aya wu n ke naba buntike, kibaddu ka yaradu n ti naba buntike, ka medu ka yaradu. Aya we kwarta ka naye wu kima buntike a mwintibuwe ka kadi yiko we dur kinu, dine n Kwama a yale ni a fiswe limange.

¹⁶M mun naye, n yimi yire ka mun nang wu mwang yu kwartamo? M mun kwarta mwang yima ka m mun nang wu mwang yu nayemo?

Duum fiswemu n Kwama kibaddimu

¹⁷Kasi no a wuwule da, n kawure a ya yayu wu Tewuduwe kibaddu n kin ka made n ti wu n Kwama a yal kin wenge. Wu nang kikure min ma nibu buntiki minu kini kwange.

¹⁸Nii wu a yiu Kwama feredi a ya a bi laare, a kedu a kadu we tiyang wu a bibu laare, nii wu n Kwama a yale, wu a no n kin a no bibu laare, a yiduwe ko a mwintuwe ka bi laaru.

¹⁹Biku laarangu n ti kwalan biku laarange, n ke tikan chi. Aya maku nanganu kini yilangu nang chi Kwama kibadditu.

²⁰Kanang wuwule niye a tatuwe fi n kin a no we mine a kutengu a yiu Kwamangu.

²¹Ka m mun a no kabe kidangu mwang yiu Kwamange, chakakku kini kabitu. Aya ka n ya da mwang chire, mwang chirtinu.

²²Kanang wuwule niye wu n kin kabe, wu nibu a yal kin a din Kwamane, n kin a chir we kabitu. N kin n wu Kwama. We yiko, kabe n Tewuduwe a ni kin da a chire, a kau kabe Masiya.

23N Kwama a fe k̄amb̄iru nabwen, t̄ikadu kabi wukani we ko bayim.

24“Kebu m̄im n kawure a tituwe fi n Kwama a yon k̄ine.”

D̄ib̄idu a b̄ibu a mabu k̄inamu n ti nat̄im bun̄imu

25We b̄ibu a mabu k̄inamu, mang yabu yam we dur ch̄inu, aya we dangk̄i mangu, m m̄in wu n̄ibu a ke k̄ine, we l̄ime Tewuduwe.

26M̄in kudu ka la chi n kawure a swe kangu n k̄in wemingu, d̄ine k̄iswi riye a mwatawe.

27Ka mwang ma k̄inange, swe k̄ini k̄inamo, chakk̄iduwe, ka mwang mabu k̄ina didiine, maduwe.

28Aya ka mwang tu mwang ma k̄inange, a kayabu d̄ine n ke k̄ile. T̄int̄ine ka fw̄an a fwa k̄inange, n ke k̄ile, aya m̄in fwadi ying mi ke t̄it̄waiyu kadiye k̄inawe.

29Chim̄in fwaditu kebum̄im, k̄iswi a ma bayim. A mwetuwe k̄ik̄angu, n̄ibu k̄inamu a kau yinang b̄ibu a ne k̄inawem.

30B̄ibu k̄ima furi k̄ilimu a swe yinangu a mabu furi k̄iliyang. B̄ibu k̄ima t̄im̄ilan̄imu a kau yinang b̄ibu a mabu t̄im̄ilan̄im. T̄int̄ine b̄ibu k̄i tana kul̄in̄imu a kau yinang b̄ibu a ne chiwem.

31B̄ibu k̄inwe tam̄ang t̄it̄in̄imu a yo t̄inu n̄ir we, d̄ine t̄it̄ini t̄itu k̄isudusuwe.

32M̄in baddu ta du t̄ikurantu. D̄ine nii wu a ne k̄ina we, kiyo Tewuduwe a kakku k̄ila chi yinangu n Tewuduwe ka nwe tam̄ang k̄ini k̄inangu.

33Wu k̄ini k̄ina t̄ikuran kitu a kul̄in t̄it̄ini, k̄ikuru yinangu n k̄in ka yo naye ko ka nwe tam̄angu.

34Kanang chikiye, t̄ikuran kitu a keran t̄inti yurau. T̄int̄ine naye a ne k̄inawe ka fw̄ane, k̄ikura Tewuduwe a la chi yinangu wauwade wu a n̄ir k̄ine n ti bwi kiyu ka dadu we kakku Tewuduwe. Naye a ma k̄ina k̄ikura kana chi a t̄it̄ini, chi n k̄in ka ma kwartako m̄inu ka nwe tam̄ange.

35N fwa ying ke a maka ch̄in, n ke d̄ine ma ni ch̄in riye. Aya d̄ine ke fiswe ch̄in a le yinang, ke ti ni duru we kana bunt̄ik̄i Tewuduwengu.

36Aya ka ni k̄it̄w̄aku fw̄an didu a lam ka k̄inane, yinu k̄in k̄ima k̄im̄in chi a lebe, k̄ikube k̄inu yinange, ka yiko, bunge n chi a ma k̄ina.

37Aya wu a bw̄au we n̄ir k̄inu ko ne ka ma k̄ina, a ku k̄ina n ke t̄ikan chi we d̄ik̄ine, t̄int̄ine n k̄in a me k̄it̄au dur k̄inu, yinu a me a bw̄au we n̄iru ko ne ka na fw̄ane, a le t̄in a ne k̄ile we.

38D̄ine yiko, ni wu a na fw̄ane a le k̄im̄in, wu a mabu k̄ina a le k̄im̄in t̄in.

39Naye ka swedu we lo k̄ina kwarta ka we k̄ini t̄ikuriye. Aya ka kwarta a bwange, yinu k̄ini da ka ma wuka k̄ina wa bunt̄ike a k̄ike Tewuduwe t̄int̄in.

⁴⁰Aya we timitu tikuran, ka nwe tamang ka la chi ka a swe a mabu kina. We dangku mangu mini kini Fikim Kwama.

1 Koronti 8

Dibidu a chabtu tiyori

¹Kikangu we yam chabtu diyorimu, ni yim yingkiku we nabwen, tintine yingkiku kibedu kini rikaku, aya mlakiku kimu chitu mubbe.

²Kwang nii kikudu ko kiyim chite, a lanta kikang a tibu yin chi a no dakan ka yinditu.

³Aya ka nang wuwule niye wu kimila Kwama, n Kwama yim kin.

⁴We yam chaku chabtu tiyoritimu, ni yim we titiniti kwang, diyoru n ke tikan chi, n kawure a yim ko Kwama wiin, a neti wuka we.

⁵Kasi kiku a kwiyabu chi nibu kiyalu ko "Kwamatiye," we titinitu n ti bwa diye, dine Tewuduwe n ti tebu lomu we nabwen.

⁶Kini yiko nin nin yim Kwama wiin. Kanang chikiye, Te wu chiti kwang a fwe a dikine, wu ni chadu ni nodu dine kine, Tewuduwe wiin. N Yesu Masiya wu chiti Kwang a kab a dikine, n chini kwang ni be a bwa dikine.

⁷Aya n ke ka nang wuwule niye wu a yim tichitu we, yo a lanta di bikamu nibu bibu kisiiki diyoru a kau chimin bwimu, kikamadu ko chabtitu chi chaditu n tiu diyor. Aya ka ma bwar yinangu n chi ka swaan chi tiyilitu n ti titu a lebitangu, tintine ka ni chabe a subi chi.

⁸Chabtitu a ne yonu mwang ya lon Kwama, ka ni a chabe a kitibu chi. Ka ni a chabe a subu chi.

⁹Aya tima daandaan, ke kila da wu ta ya, a kadu ware yarke we bibu a yimbu Kwamamu.

¹⁰Dine ka nibu a kila ku mun wu kini yingke mun chau chabtu diyoritu we se diyore, titu a ne ru chidu ka yodu n chi ka chau chabtitu nibu kisiin diyorita? Dine n chi a rubu we keku biyilimang chiyanga?

¹¹Dine yiko, yingku mwangu a kila kiyo yare we ke wu a tibu rudu we keku biyilimange, wu n Yesu Masiya a bwa dine kine.

¹²Ka tima kebu chimumin kiletuyu, we wu bale tiyo chimin yare, tima Masiya min kile.

¹³Dine yiko, ka chabtitu ka yo kemi kima kile, kasi no nam mang du wuku, ka ka yo kemi min yare.

1 Koronti 9

Nangang fanduwangu n ti chi a no dakanitu

¹M̄in n newe k̄ini da yinang kawurenga? M̄in n ke fanduwa? Mang kubu Yesu Tewuduwa? Nangang mangu n ke chi a yo ch̄in ta yim Tewuduwenga?

²Ka we b̄ikamu m̄in n ke fandu Yesuwe, we d̄i ch̄ine m̄in fandu ko d̄ine n t̄in ta medu ta ma d̄imwaru tiko m̄in naba d̄imware Tewuduwe.

³Wu nang soku durang mangu, we b̄ibu kifwa bwila we du m̄inimu.

⁴Yoye a ne dawe nang chadu, nang nodu we loni chiya?

⁵Yo b̄ikamu fandubu n ti kebu b̄iwuwiye Tewuduwe mu n ti Kefas (Bit̄ir) a yikan k̄ini nat̄ibu chime, a dabu m̄in nang yika t̄ini k̄ina?

⁶Ka a mwintuwe m̄in n ti Barnaba nang bau w̄are nang makan yiniya?

⁷N wure ka ma nangang n̄ibu k̄irangmu yinu ka fe dutu chiye? N wure ka su ku yinabe, a ne chau t̄ikulankite? N wure k̄ini k̄iran tant̄ikaiyin a ne no ȳame?

⁸M̄in fwadu k̄ini kamaku niyanga? Yilangu a fwabi yikonga?

⁹D̄ine a mwal we yilang Musangu ko, “Bwadu tangka nanga m̄inu sumb̄iru we k̄idanguk̄ima nangangu.” N Kwama k̄ito ka tant̄ikaiya?

¹⁰N k̄in a fwabu n ti ch̄ini t̄int̄ina? K̄ikumang n̄ibu a mwal d̄ine ch̄ini. D̄ine a dakan nii k̄isu t̄ime n ti wu k̄ikade, ka chadu we nangang kuwangu.

¹¹Yo kwer nang fwa ȳam b̄il̄imu a le n̄itu chinte, ka kaddu k̄ini k̄ikwi ka n̄in yiu chabt̄itu ka maka n̄inu a bwite.

¹²Ka b̄ikam n̄ibu k̄ini da ka madi ye, n n̄in fal nang labu chi k̄ini da wu nang mandi yikonga? K̄ini yiko, nang mabu nangangu k̄ini wu da ko a mwintuwe ta ni n̄in chi, n̄in mu n̄iru k̄ini ka t̄it̄ile chiye n ti k̄iku nang bedu k̄ini chi ka yo nangang Masiyangu ka kiladi kutenge.

¹³Yoye ta yimbu tiko, n̄ibu k̄ima nangang a kan Kwaman̄imu, nang fi ka chan chabtu chiya? Yinu b̄ibu k̄ima nangang a se Kwamamu, nangt̄i fi n chi k̄iyaan k̄it̄ime,

¹⁴We yiko, n Tewuduwe a ni da ko n̄ibu k̄ima d̄imwar ȳam b̄il̄im̄imu a chau we chi n̄ibu a mur d̄ine nangang Kwamange.

¹⁵Aya mang bunt̄ibu wuka da we dati yiyu, t̄int̄ine mang mwalbu d̄ine ke n̄ibu a mami yiko, bunge bwa, mang babu wuka ni ka yodu ne mang ngau kwiye k̄ini d̄imwar ȳam b̄il̄im̄inu.

¹⁶A ne mang ngau kwiye we t̄itu d̄ine m̄in ma d̄imwar ȳam b̄il̄im̄ine, aya a dakan mang ma nangangu. A noi ka n ko mi ne mang ma nangang Kwamange.

¹⁷Ka no n kur a n̄i m̄in mi mang ma nangang k̄ike, a no a da n̄ibu ka feyu. Aya n Kwama a suti we k̄ike ko a yo m̄in ma nangangu.

¹⁸Yoye k̄it̄ime mi wure ni? K̄it̄ime mi ka mang ma d̄imwar ȳam bil̄im̄ine, m ma l̄imang. Mang mabu nangangu k̄ini dami kwang we nangang d̄imwar ȳam bil̄im̄inu.

¹⁹Kasi k̄iku m m̄in n ke k̄abe wuka niyangu, m mar dur m̄inu k̄abe we n̄ibi kwang. M ma ying ke n wuwe n̄ibu, m be k̄ini chi a d̄iYesuwe.

²⁰Yo m m̄in n ti n̄ibu Yafudam, m̄in mar yimiyu yinang Yafuda ke n wuwe chi nabwen. We b̄ibu k̄iyadu we yil̄in Musat̄imu, m̄in ma t̄ini yiko kasi k̄iku m̄in n newe wume yilangengu aya ke n wuwe chi b̄ibu k̄iyadu we wume yilangemu.

²¹We b̄ibu a yabu we wume yil̄inemu, n kau yinang chi t̄in, ma mat̄ibi yiko. Kasi k̄iku n yim yilang Kwamangu we dur m̄inangu, we m̄in bunt̄i chi m Masiya a fwaatu ke n wuwe b̄ibu a bunt̄ibu yil̄inimu.

²²We b̄ibu keku biyil̄imang chiyangu a k̄itan̄imu, m̄in ma t̄inu yinangu m m̄in we ti chiyang ke wuwe chi. M m̄in yinang k̄id̄ike we t̄ibe kwali t̄ite d̄ine ke n chi a ya yuku ka no we fwede.

²³M̄in ma d̄imwar d̄idi kwang d̄ine ke n̄ibu nabwen a ke biyil̄imu we ȳam Masiyamu. Ke n yat̄i k̄it̄ime delake we di swan kute.

²⁴Yoye ta kubu yo n̄ibu k̄iswaka bananiya? N kawure k̄ifunt̄ibwi ka su keko, nii wiin beka ya k̄it̄ime werke. A le n kawure a nang wulu ke a be, a ya k̄it̄ime werke.

²⁵N̄ibu t̄ikal̄imu k̄imiyadu yinang. N chi k̄imadi ying ko ke chi ya k̄it̄ime werke wu ka kaiyadu kayane, Aya n ch̄ini ni madu ke ni ya k̄it̄ime werke wu a ne kaiyadu kaiyane.

²⁶D̄ine yiko, banang mangu n ke k̄ikusan, d̄ikulan m̄inu n ke d̄ikus̄in.

²⁷Aya m̄in ni bwi miyu riye yinang k̄abe ke a ma chi m̄in badde, d̄ine ke k̄ila n f̄itan a kuteng k̄iku n̄ibu b̄ibu a swi a d̄ine d̄imwar m̄in̄imu.

1 Koronti 10

K̄ikure a siiku t̄iyobiyang

¹D̄ang m̄in baddu mang fwa chim̄inu Kebu m̄im, tukeb̄i ch̄iremu k̄ini kwang a ya yayu we d̄it̄winu, n chi k̄ini kwang a bunt̄i la rude.

²N chi a ma batisma we d̄it̄winu n ti la rude d̄ine n chi k̄ibunt̄i Musa.

³N chi k̄ini kwang a chab chabtu Tewuduwe t̄itu a F̄ik̄imitu.

⁴N chi k̄ini kwang a no mwe wu a F̄ik̄ime. N chi k̄ini kwang a no mwe we kale wu k̄iyikadu k̄ini chiye, ka nang chikiye ni fwa Masiya.

- ⁵Kini yiko, n Kwama a nwebu tamang kini chi nabwen, dine yiko a chibe bikamu we dichilanchangin.
- ⁶Titu kiwu ninin kitele dine ke ni madu chi tibwilatu n chi a maatu we.
- ⁷Tikaddu nibu kisii diyor we yinangu bikam chimu a kabangu. Yinangu a mwal ko, "Nibu a swe, a chau, a no, a swana tini yilang, kima dwadi nibu diyore."
- ⁸Nii kedu da tikuliye we, yinangu bikamu a ma, a yo nibu kuniritu wan turau chiri yitta a bwaran di wiin.
- ⁹Ni swedu Tewuduwe Yesu Masiya we, yinangu bikamu a mangu, a yo sooti a chibe chi.
- ¹⁰Ni madu bingaiyu we, yinangu bikamu a mangu, a yo naba ditumbire chike a chibe chi.
- ¹¹Tichitu wu a fwe n ti chi kini kwange, a kau ni min kikure, n chini bibu di swan kute ka ridu a dichiniyemu.
- ¹²Dine yiko, ka m mun wu mun kamadu mwiko n ti kiringe, ti yinang ke kila m mun n yar.
- ¹³Tabiduwe mwi ka nang kikile sweku kiku a yanange, nibu a bwaranimu a tu a twaitwaiye, n ke chi tifwi. N Kwama a ne ka du chinu ko swekiku a la dukan chinu. N kin ka ma ware wu ta chiru we swakakike.
- ¹⁴Dine n tin bibu mang milanimu, tiko siiku diyor rangu.
- ¹⁵Min fwa yamu n ti chin dine n tin yinang nibu biyilim, tidang chi min fwade n tin tifwan.
- ¹⁶Yo ni no mwe kidanne, wu a dela ke kini sane, mi ka kiyungdu n chini wiin we kituum Masiyame? Kidanne ni wuladu ni kerade n ke wu kiyodu n chini a fi wiine we bwi Masiya ya?
- ¹⁷N chini kwang ni chau a kidanne wiin, titu a yung n chini a bwi wiin.
- ¹⁸Tidang nibu Yisrelamu, bibu kichadu a niku kituumangimu, n chi a newe fi wiine yo kichau kidanne nike we se Kwama?
- ¹⁹Min fwadu mi wureni we fi? Min yidu mi tiyobitu nibu diyorim kisiiditu, Kwamati yiyili yinu tintine niku chidu kini kikwiya?
- ²⁰A newe yiko, a newe ko bayim, min yung chinu we fi mi niku kitumang chiyangu kini kifibt n ke Kwama. Dine yiko, Mang babu ta kau fatibu kifibtim.
- ²¹A dakabu ta no chitu we sane Kwama yinu kila ta no tinu we sane kifibtaye. Tintine a ne dawe ta chadu we kakku Tewuduwe, yinu ta chau tinu we wu a kifibtaye.

22A mayire ni yo Tewuduwe mìn kifwiniye? Tì kamadu ni la Kwama kìnì dukana?

Ma kanang tìtìle chiye tìtu ka ni Kwama dwiyenitu

23A ke nìmìn kanang tìtìle chiye, aya n ke kanang chiye ka ma nangang. A ke nìmìn kanang tìtìle chiye, aya n ke kanang tìtìle chiye ka bedu kìnì mukku.

24Kuru ka dur mun we, nang kurtì kebì mumu.

25Ta medu ta wu ka nang wuwule kìduum namìme we fi nìbu kì miin nam we kwamare, tìbìdu we tìwu nam diyora ka n ke wu a diyora? Ke tìbwau nìru we tìkurantu.

26Yam Kwamamu a fwa ko, “Tìtìnitu n ti kwalìn chìnù a murenu n tìu Tewuduwe.”

27Ka wuka ni wu a mabu buntìke a yalìn ko m be tìchau chabtu, yinu n ke tìn n yange, tìchau kanang tìtìle chiye tìtu a be kìnitu, tìbìdu chi we dìnè tìkurante.

28Aya ka tìya mwarangu ko, “Nam wu n wu butu ka diyore, tìwuduwe, dìnè ni wu a fwamìne, a le mwanng rìka yam kìmù.”

29Mìn fwa tìkuran mitu, n ke tìchintu. Wuka chìn ka medu ka yidu ko amayire tìkuran wuka ni ka mwatiye?

30Chi mang chau mang wanatì Kwama, dìnè wule wuka ni ka swàba mi chi mang chau mang wantì Kwamate?

31Kanang tìtìle chiye tìtu tìmaditu n ti tìtu tìchaditu n tì tìtu tìnoditi kwang, tìma chi ka ni Kwama dwiyene.

32Tiyodu kìle we a nìbu Yafudamu, ka Yelena ka nìbu buntìkì Kwamame.

33Tìma yinangu mìn madangu, mìn funtìbwi mi ke n kawure a nwe tamang mangu, mang mabu dìnè yimi m mìkun aya dìnè nìbu nabwen ke n kawure a ya yuku.

1 Koronti 11

1Tìbuntìn dami yinangu mìn buntì Masiyangu.

Miyaku a yingeku durang we siiku Kwamangu

2Mìn wer chìnù dìnè tìkuriyu we kanang tìtìle chiye, tìtattì miyaku buntìkangu yinangu mang fwa chimìnangu.

3Aya chi mìn baddu ta yinde nang tìtu. N Kwama nang wu kìnì dukan a dur Masiyane, n Masiya nang wu kìnì dukan a dur Kwartane, kwarta nang wu kìnì dukan a dur nayene.

- ⁴Kwarta ka yinge dur k̄inu yo k̄i tw̄ab̄a buni ka ka ma f̄akui we ȳam Kwamame, a nibu Yesu dwiyentu.
- ⁵Aya Naye ka tw̄ab̄a buni ka ka ma f̄akui we ȳam Kwamamu k̄ini dur k̄ini k̄as̄ir a ne chi we, a nibu kwarta ko dwiyentu a no ka la chi ka n k̄in a kw̄al dur k̄inu kwale.
- ⁶Ka naye a yiko neka bw̄au chi we dure, bunge a kw̄al duru, aya yo chitu a kau chi dibwi we naye ka kw̄al dure, bunge a nang yinge duru.
- ⁷Kwarta a dodu chi we duru yo k̄isii Kwama d̄ine kwarta dwiyen Kwamai, k̄iwulang Kwamang aya naye dwiyen kwartai.
- ⁸D̄ine ni wu kake a chirebu a naye, aya naye a chire a kwarta.
- ⁹T̄int̄ine n Kwama a yo naye d̄ine kwarta, n ke ko kwarta d̄ine naye.
- ¹⁰D̄ine yiko, a mwituwe naye ka bw̄au chi we duru, kanang chikiye, k̄iyung d̄imwal dukan̄in d̄ine n̄ibu t̄itumb̄iri Kwamamu.
- ¹¹K̄ini yiko, we d̄in Tewuduwe, naye a newe dang n ti kwarta, kwarta a newe dang n ti naye.
- ¹²Nangk̄in kasi k̄iku naye wu kakke a chire a kwartangu, we yiko, naye a b̄iu kwarta aya kanang t̄it̄ile chiye a f̄alang Kwamang.
- ¹³T̄id̄angi yire? A le naye ka tw̄ab̄a bunitu we tibe n̄ibe k̄ini duru a ȳinge ba?
- ¹⁴We biyil̄imu n ke chi dibwi ka kwarta a du riitu nabwen we dur k̄inu a kwalbukwalenga?
- ¹⁵Aya ka naye k̄ini rii t̄isw̄amite, ka kau k̄im̄in chi rikakkiya? D̄ine n Kwama a ni k̄in ko ke a yinge duru.
- ¹⁶Aya ka wuka ni k̄ibaddu ka kwila ȳam b̄ibe, chi mang fwaditu a ne wuka da wu mang yime we ka n ke wuwe. N̄ibu we kambi Kwamatu a d̄au ȳam b̄ibu a fi wiine.

K̄idanne Tewuduwe

(Mat 26:26-29; Luk 22:14-20)

- ¹⁷We k̄iku yilang, mang wer chinbu, d̄ine murak̄i changu n ke k̄iyilang, k̄iku a chi dibwiyang.
- ¹⁸B̄ibu mang mwend̄imu nang b̄ibu: Ka t̄i ya duum murak̄imu a n̄ibu bunt̄ik̄ime, n nwe ko b̄ingai k̄ile tibe ch̄in, n ke ȳam b̄ibu mi ka fwedu.
- ¹⁹Aya k̄ikumang a dakan b̄ingaiyu ka le tibe ch̄in d̄ine ke n̄ibu k̄itum yilemu a chire kw̄arikw̄ari.
- ²⁰Yo t̄imurade ta bebu tiko beta no mwe k̄idanne n̄ibu bunt̄ik̄ime.

²¹N ya yami ko bikam chimu kichau chabtu chintu a yantibu bikamu ko ke chi kera ware. Dine yiko bikamu kidu fiko kini chun aya bikamu kilamin tinoritu kiyadu.

²²Titu Wureni? Yoye titu biyilima? N tin tine loni we fi ta chammine chabtu ta nomin teda? A no dakan mang fwadu mi wule we bibu yam nibu? Tibadu mang wer china? Kikumang a ne mang wer chinu.

²³Dine bibu nang chi Tewuduwe fwaatu, min fwa chiminu yinangu mang yuwengu, we kum wu a kwalin kine, Tewuduwe n Yesu a dau Kidanne,

²⁴a kutengu a twababuniyangu, a wulan a yi ko, "Titu nang bwi miyu, yiyu mang ni dine chinimu. Tima titu tinang kurin minu."

²⁵A fiwiine, a dau sane mwe kidanne a kutengu n chi a chau chitangu a yi ko, "Sane wu n nang bwaki kifwiyangu wu a tibe Kwama n ti chiniye, kituumu min kuru dine chine. Tinang madu tinang kurin minu ka nang kikile kidangu tinodange."

²⁶Kanang kikile kidangu tichau kidanne, ti noti mwe kidanne we sanenge, tiyung bikamu nibu tiko a bwa Tewuduwe dine chin, ka kiladu.

Chakku chabtu Kwamatu yo ni a kitane

²⁷Dine yiko ka nang wuwule niye wu ka chau kidanne, ka ka no mwe kidanne wu a sane Tewuduwe kini kitaki kange, a ma kile we bwiyu n ti kituum Tewuduwe mu.

²⁸N kawure a yantila yikiyu yinang, yinu a chau kidanne a noti mwe kidanne we sane Tewuduwe.

²⁹Dine ni a chau kidanne yinu a noti mwe kidanne we sane Tewuduwe a kurbu kunkaku nibu buntikimangu a Fikimangu, a yal dur kinu mine riye we chaku n ti noku n kin a mangu.

³⁰Nang chi a yo bikam chimi fusufusu kini burine, bikamu a ne dukan we, yinu bikamu kibwarade.

³¹Aya ka no ni dang yichireyu yinang yinu ni chade, a no a neni le riye.

³²Aya yo Tewuduwe kimwata ni minu kini tiwelan tite, a yung kitele chireyu kichakakku wu ka yodu a ne ka mwata ni minu n ti titinite.

³³Dine yiko, kebu mim ka timuran dine Chabtu Tewuduwe, tiyamma yichiya kwang.

³⁴Ka chun kibu wuka kikumange, a chau, a lo, ke yo ta murade a kadu tiwelan we dutu chintu. We yikayu yami ka m benge, mang fwa chiminu.

1 Koronti 12

Kitinti yiyu a Fikimi

- ¹Kikangu kebu mim, mang mwal chimin kitintiyu Fikim Kwamam kinikadiyu. Mang babu ta kadu kini kwalan swaanke.
- ²Tiyim we kidangu n tin no a yikai kuuti n tin n ke nibu buntikimangu, nibu a butu chin, tile tisii tiyobi titu a ne tikuri we.
- ³Dine yiko min baddu ta swaanu tiko ni wu Fikim Kwamam kibuntine a ne fwadu ko, "N Yesu a bwilan!" Tintine a ne nii wu ka medu ka yidu ko, "N Yesu Tewuduwe we," Ka n ke wu Fikim kiti kimin kake.
- ⁴Kikumang, kitintiyu Fikim Kwamam kinikadiyu we dangtidangti. Aya kini kwang kichiredu a Fikim Kwamam.
- ⁵Wari yiyu a nangayu we dangtidangti, aya Tewuduwe wu ni makiminde wiin.
- ⁶Nangintu we dangtidangti, aya Kwama wiin wu kini kawure da make kini kwang.
- ⁷N Kwama kini kawure dimwal didu kiyung Fikim bibu wauwadimu we bwi kiye, dine ke n kawure a ya makaku.
- ⁸Wuka kiya kitime wu ka miya nibu yingku chiimmide, aya wuka kiya kitime wu a yingke we Fikim Kwamamu.
- ⁹Wuka a ya kitime wu a keku biyilimange we Fikim bibu, wuka a ya kitime wu a beku nibange we ka Fikim bibiinim.
- ¹⁰Wuka a ya kitime wu a maku chi katakiyange, wuka fakui a swaanku duum Fikim tiim, wuka a yingku yamang kini yiini nibi, wuka kimedu kifwa nibu min chi wuka nii a fwa kini wuka yiiye.
- ¹¹Tichitu wu kwang kichiredu a Fikim bibiinim, kikeradu yinangu n kawure kibadangu.

Bwiyu kini fantiyu nabwen

- ¹²Yinangu bwi niyu we kini dimbirimangu, kini fantiyu nabwen, kasi kiku fantiyu nabwenangu, bwiyu kini wiin. Nang tiyangu m Masiya we minangu.
- ¹³Dine n chini kini kwang ni ma batisma a Fikim Kwamam kini wiin, kasi no m mun n wu nibu Yafudam, ka nibu Yelena, ka kabe ka bwe lo kini kwang, ni no kifibe Fikime kini wiin.
- ¹⁴Kikumang bwiyu kini fantiyu dangtidangti, a newe fi wiin.
- ¹⁵Ka nangu a no fwa yam ko, "Yo min n ke falange, m min n ke fi we bwiye," titu a ne yodu n kin a ne kau fi we bwiyu.
- ¹⁶Yiko tin, ka kitele a fwa yam ko, "M min n ke nu, dine yiko m min n ke fi we bwiye," titu a ne yodu n kin a ne kau fi we bwiyu.

- ¹⁷Ka no bwiyu kwang kana nuwe, a no mang nwe chiti wule? Ka no bwiyu kwang Kitelenge, a no mang num chiti wule?
- ¹⁸Dang n Kwama a yo ka nang wuwule fiye we bwiyu yinangu n kin a ku a daang.
- ¹⁹Ka no bwiyu kwang fi wiine, no yikayu bwi a fire?
- ²⁰Aya dang fantiyu we nabwen, aya bwiyu kini wiin.
- ²¹A ne dawe nu ka yi falangu ko, "A ne lwangang mwang we n ti mine we," Ka duru ka yi naniyu ko, "A ne lwangang mwang we n ti mine."
- ²²A bwinti yiko, kila fantiyu ni kudu yinangu a ne dukan weyu nang yiyu a kila a la chi kini nangayu.
- ²³Fantiyu ni kudu yinanga lambu yikaiyu kini kisiyangiyu kiya rikaku kila chi. We yiko tin n ti fantiyu a lebi dangkiyu, kiya doku kiyilang.
- ²⁴Fantiyu a le yinangiyu a babu kaang doku. Aya n Kwama a do bwiyu, a yo fi wukuse a la chi kini nangangu.
- ²⁵Ke kwalan kunkake a ledu bwiyu we, a ya fantiyu a maka yichiyu, duum makakimu kini wiin.
- ²⁶Dine yiko ka wuka fi a nwe burange, fantiyu kwang kinwe burangu ware, ka wuka fi a ya werke, fantiyu kwang ka ma timilantu a fi wiine.
- ²⁷Dine yiko, n tin bwi Masiya, ka nang wuwule chine fi we bwiyu.
- ²⁸We kwal nibu buntikimimu, n Kwama a yo fandubu a fi wu kakke, yinu a ni fakubu bibu fi wu robe, a ni bibu kimiya chimu fi wutare, yinu a buntini kini bibu kima chi katakimu, yinu bibu kibe buramu, yinu bibu kima makakimu, n ti bibu kito nangin nibimu n ti bibu kifwa yami yiini nibimu.
- ²⁹Nibu buntikimi kwang fanduba? Ka fakubu? Ka nibu miya kima? Ka n chi kini kwang kima chi katakiya?
- ³⁰N chi kini kwang kini kitime wu kibe burina? N chi kini kwang kifwa yamu kini yiini nibiya? Ka n chi kini kwang kifwa chi nibu a fwa yii niba?
- ³¹We fi, tiyo niru a kitintiyu a la chi. Mang yung chin ware wu a la chiye.

1 Koronti 13

Milaku

¹Kasi no m me fwaku yamangu kini yiini nibiyu n ti yiini nibu titumbiri Kwamamu, aya ka m min n newe kini milake, n kau yinang sum wu kini ka ker ka kikangang kiku kini ka nabwe dire.

- ²Kasi no m̄in ma f̄akui m̄in swaanti kasi no t̄it̄ile chi t̄ilairi, yinu m m̄in k̄ini yingki kwang, kasi no m̄in k̄ini keku biyilimangu yinang yinang, wu kasi kunni mang yidu mi a chim̄ine, ka a mwintuwe n ne m̄ilaku wenge, m m̄in n ke chi.
- ³Ko no mang ni kasi no t̄it̄ile t̄itu m̄ini k̄initi kwang, kasi no mang ni bwi miyu n̄ibu ka twidu a k̄irang, a ne kaang tamang we ka m̄in n newe k̄ini m̄ilake.
- ⁴M̄ilaku kiyo bwanu n ti kwambir, a ne kifwini we m̄ilakiku. M̄ilakiku a ne kiduli we, a ne kukiku durang we.
- ⁵M̄ilakiku a kebu kulankulange, k̄inwe kibune, a kebu wu kimila ka yikiye, a kebu chi tiyingeri, a kebu takku ni a n̄irangu.
- ⁶M̄ilaku a kebu mulinu, aya a ke ka biyilim.
- ⁷M̄ilakiku ki tau bwanu we yotiyu a limbiyu, kiyo keku biyilimang, kiyo yonire we kasi no t̄it̄ile, kiyo muku n̄irang kasi no yire.
- ⁸M̄ilakiku a riburiye k̄idiya kwadu. Aya f̄akutu ka riduriye, fwaku yiiniyangu be ka sudu, yingki ka ridu.
- ⁹Kikangu yingku chirengu a newe nabwe, f̄akuitu t̄in a newe nabwen.
- ¹⁰Yo di swan kute ka bede, kitinti yi kwang ka twiyadu.
- ¹¹Kidangu m m̄in a no bwesinangu, m̄in fwa yamu, m̄in mati tikurantu yinang bwetire. Aya yo mang dwiyene, n du da bwesime.
- ¹²Chitu n̄in kudu k̄ikangitu yinang k̄iwulang k̄iku n̄in dang kabeko a mwe. We diko be ni kudu kabu n ti kabu. Kikangu yingki mangu a newe dibil. Aya we diko mang swaani siin yinangu n Kwama k̄iswaan m̄inangu.
- ¹³Kikangu kwalin chin didi yittanu a swe. Kanang chikiye, keku biyilimang, yo n̄ire, n ti m̄ilaku, aya m̄ilaku a la chiti kwang.

1 Koronti 14

Kit̄ime yiiniye n ti wu a f̄akuye

- ¹T̄imu n̄iru t̄ibau m̄ilaku, t̄imila bakku kitinti yiyu a f̄akui. Ka no ta mede, t̄ibau f̄akutu.
- ²D̄ine wu kifwa yam k̄ini bene, a fwabu yamu n ti n̄ibu kifwadu n ti Kwama. D̄ine a ne nii k̄iswaan chi kifwadite we, d̄ine kifwa chitu niyan swaanbi k̄ini dukan fikim Kwaman.
- ³Aya wu k̄ima f̄akuiye, kifwa yamu n ti n̄ibu ke ni a ti kwir, a ya, a rub, kikire n̄ibu m̄inu.
- ⁴Nii ka fwa yamu k̄ini yiiniye, k̄ido yiki, aya wu k̄ima f̄akuiye k̄ido n̄ibu buntikim.

- ⁵M̄in baddu n kawure ka fwa ȳamu k̄ini yiini, aya n bau ta ma f̄akuitu a la chi. Wu k̄ima f̄akuite a la wu k̄ifwa ȳamu k̄ini yiiniye ka n ke wuka ni ka fwa n̄ibu m̄in chi n k̄in a fwa ke a mu n̄ibe.
- ⁶Kebu m̄im, ka m be m̄in fwa chim̄in ȳamu k̄ini yiiniyu ta yimbiye, t̄itu ka maka ch̄ini yire? Aya ka n wudu chim̄in chi yaka fwedite, ka n fwa chi yingkiye, ka f̄akuye ka miyake, n nang chi ka maka ch̄ine.
- ⁷A lakanbu n ti chi a ne t̄ikuri we, yinang kw̄al n ti k̄imil̄ink̄ime. Ka ker k̄inu a chirbe, ni ka yindi yire kangu n̄ibu k̄ingadangu n ti kangu k̄ikudangu?
- ⁸Ka n̄ibu a kubu sum wu a kunne yinangu n̄ibu k̄i kudange, n wure ka chire kunnu?
- ⁹We d̄ichine yiko, ka t̄ifwa ȳamu k̄ini wuka yii wu n̄ibu a swaanbe, n̄ibu ka yim chi t̄i fwade yire? A yung ȳam b̄ibu a kau b̄ikusim.
- ¹⁰Fwaku yiiniyangu we dangtidangti we t̄it̄initu, ka nang wuwule k̄ini k̄ikwi.
- ¹¹Yinu ka mang swaanbu yiiye, n kau nabakuu we nii k̄ifwa ȳame, n k̄in wu k̄ifwa ȳame, a kau nabakuu we d̄i m̄ine t̄in.
- ¹²We d̄ichine yiko t̄in, yo kwer t̄im̄iladu ta ya k̄it̄inti yiyu a F̄ik̄imiye, t̄ifunt̄i bwi t̄ini dukanu a yiyu ka maka ch̄inu n t̄in n̄ibu bunt̄ik̄imu.
- ¹³D̄ine yiko, kanang wuwule niye wu k̄ifwa ȳamu k̄ini wuka yiiye, a tw̄ab̄a buni ke n k̄in a ya k̄it̄ime wu ka yung n̄ibu yii wu n k̄in a fwaan ȳame.
- ¹⁴Ka n tw̄ab̄a bunitu k̄ini wuka yiiye, f̄ik̄im m̄imu k̄i tw̄ab̄adu, aya mang swaanbu chi m̄in fwaditu.
- ¹⁵Yoye mang ma wureni? Mang tw̄ab̄a bunitu a f̄ik̄im, aya mang madu k̄ini t̄ikuran mita? Ma kau teni Kwamai we f̄ik̄im m̄imu, aya mang madu k̄ini t̄ikuran mitu.
- ¹⁶Ka a newe yiko, ka n dela Kwama a kana f̄ik̄ime, yinu kanodu n k̄in wu k̄inwene, wu a nweb̄i yii wuwe, we kedu ko “Amin na?” We d̄iwanu mun mad̄inu, ka a yimbu chi mun fwadite, n chi ka bunm̄in t̄ini yire?
- ¹⁷Kasi k̄iku mwang dela Kwama yinangangu, aya ni wu a kunbu k̄ini chi.
- ¹⁸N Kwama a mabe d̄ine n la ch̄in k̄ini fwaku ȳamu k̄ini yiiniyangu.
- ¹⁹K̄ini yiko we muraku n̄ibu bunt̄ik̄imangu, n ke mang fwa t̄ikw̄ali ȳamiti tunu k̄ini t̄ikuran mitu ke m miya b̄ikam m̄in n ti k̄iku mang fwa t̄ikw̄ali ȳiitu kuniri kubu k̄ini wuka yiiyangu.
- ²⁰Kebu m̄im, t̄imadu t̄ikurantuwe yinang bwes̄im, aya we mul̄inu, t̄ikau yinang bwes̄im, aya t̄ikabbi k̄ini t̄ikurantu yinang sel̄ibu.

²¹A mwal we yam Tewuduwe ko, “Mang fwa yamu n ti rungko nibu kifwa yiini dangtidangtimu, ke a fwa nibu mimu min yam. N chi ka fwa chi minu kini yikayu yiini, aya a mwituwe nibu mimu a ne ka nweiyu.”

²²Tidang fwaku yamangu kini yiiniyangu n ke dimwal we nibu buntikimu. Fakutu dine nibu keku biyilimang, n ke dine nibu bibu a kebu biyilimimu.

²³Dine yiko ka nibu buntikimu a muran, yinu n kawure kifwa yamu kini wuka yiiye, yinu bikam bibu a yimbu chitu nibu kimaditimu, ka bibu kisi diyorim a lewe fiko, n chi a ne ka yidu ko, fangimi kima nibu biba?

²⁴Aya ka n kawure kima fakuitu, yinu wuka wu a buntibu Kwama ka wu a yimbu chi nibu kimaditu a lewenge, yam kawure mu a ne twai kinu, ka yo kinu ka wo kitima?

²⁵Chi a nir kine ka chiredu, we yiko n kin ka chungdu ka sii Kwama kini yamu ko, “Biyilim Kwama we ware n ti chin.”

Ni si Kwama yinangu a dakanang

²⁶Yoye ni madi yire kebu mim? Yo ta murane, wu kidela Kwama kini teni, wu kiyung chi nibu a fwa, wu chi a kike Kwama, wu kifwa yamu kini wuka yii, wu kifwa chi naba yiiniye kifwade, tima chitu a da we Fikim Kwamamitu.

²⁷Bibu ka fwa yami wuka yiimu a ladi bita we, tintine wuka a nabu kuteng yo wuka a fwa a riye, wuka a yung nibu chi naba yiiniye a fwaatu.

²⁸Ka a ne ni ka yung nibu chi naba yiiniye a fwaatu wenge, ka n wure wu a no fwa yiiye a fwaduwe tibe nibu buntikime, a fwa yamu a tibeko n ti Kwamako.

²⁹Nibu kima fakumu, a ladi bita we, aya bikam a swe chi n chi a fwaatu.

³⁰Ka Kwama a wudu wuka we bibu a sweswemu yam bibe, wu a mwe fwaku yamange a lemin.

³¹N tini kini kwang tima fakuitu kini tikatitu, a laminti yo n kawure ka miya chi we, yinu n kawure ka kum niru we.

³²Fikim fwakimu a nani fakubu.

³³Dine Kwama chire n ke wu kiyo kulangkulange, aya naba limange we nibu buntikimu.

³⁴Tidudu natibu a yingledu muraku nibu buntikangu we kini didikuninu. A daka chiminbi yiko, n chi a nabu kwartabu, yinangu a fwa we miyaku Musangu.

³⁵Ka n chi kibaddu ka yim tikan chiye, a biu kwartabu chimu a loni. Dine chi dibwi naye ka fwa yamu we tibe nibu buntikime.

³⁶Yam Kwamamu a mwe a di chinenga, ka yam Kwamamu a ya bwa dichine n tini tikuna?

³⁷Ka wuka ni k̄kamadu ko n k̄n f̄aku we, ka k̄kudu n Kwama a ni k̄n wuka k̄t̄ime wu a F̄ik̄ime, a dakan ka swaanu ko, chi m̄n mwal chim̄inde, k̄ni dukan Tewuduwe.

³⁸Aya ka wuka a sw̄aba ȳam b̄ibe, a ne nii ka ket̄i k̄ine we.

³⁹D̄ine yiko kebu m̄m, t̄ikube f̄akuitu, aya t̄ikodu fwaku ȳam̄angu we k̄ni yiiniyu.

⁴⁰Kasi no t̄ima t̄it̄ile chi, t̄ima der yinangu a ne kau burt̄ikangu.

1 Koronti 15

N Yesu a kun we furu

¹K̄k̄angu keb̄im̄im, n ke mang kur chim̄in ȳam b̄il̄imu mang wi mang fwa chim̄in̄imu, b̄ibu ta yiu, tiyadu we muremu.

²Ȳam b̄il̄im b̄ibu, n nang b̄ibu k̄iyu chin̄imu ka t̄iti we keku biyil̄imang change. Aya ka a newe yiko, keku biyil̄imang changu a kau t̄ikusi.

³N fwa chim̄in chi a no la chiti kwange n ti ȳamu n̄ibu a dub a fal̄ang manḡimu. B̄ibu ko, “M Masiya a bwa d̄ine k̄ileti chireyimu, yinangu ȳam Kwamamu a fwangu.”

⁴Yo a fur k̄ine, n k̄n a kun we wutare di, yinangu ȳam Kwamamu a fwangu.

⁵M Bit̄ir ka nang chikiye wu d̄ikanu d̄in k̄inu n Kefase a ku k̄n n ti fandub̄ibu kub chiri burab̄imu

⁶Yinu n k̄n a fwet̄in a b̄ikam kebu kuliti tunu a k̄iswi k̄ini wiin, b̄ikam chimu we k̄ik̄angu, aya b̄ikamu a dunni we t̄it̄initu.

⁷N k̄n a fwe Yakubu m̄intuwe, yinu a fwe fandub̄ibu m̄intuwe t̄in.

⁸A kuteng k̄iku b̄ikamu a kuwangu, m m̄n m be, n ku t̄in, kasi k̄iku m m̄n tiyang bwe wu n̄ibu a b̄iu a lamb̄i k̄iswi kongu.

⁹D̄ine m m̄n nang wu mang swan kuteng we fandub̄ibe, mang lwebu mang kau fandu, d̄ine riye mang ni n̄ibu bunt̄ik̄ime.

¹⁰Aya d̄ine l̄ime Kwama, n kau yinangu ta kuyangu, t̄int̄ine l̄ime a mamiye n ke wukuse. N k̄ilin be, m ma nangangu a lat̄i b̄ikamu fandubu.

¹¹D̄ine yiko, a lakabu ka naba d̄imware m m̄ine ka n chiye. Chi a la chiye n nang t̄itu. T̄ike biyil̄imu we d̄imwaru nang manu.

Kunku kw̄amiyang

¹²Aya yo n̄ibu we k̄ima d̄imwaru ko m Masiya a kun fure, yinu a mayire b̄ikamu we kifwadu ko a ne kunku kw̄amiyang we?

- ¹³Ka a ne kunku kwamiyangu wenge, a yung Masiya a kumbu we bibwarimu.
- ¹⁴Tintine ka m Masiya a kunbu we bibwarime, a yung dimwar ninnu dikusin, yinu keku biyilimang changu kikusang.
- ¹⁵A kau nin ma Kwama min dimwar tikwanin, dine nin ma dimwar yam Kwamaminu ko n Kwama a kukku Masiya we kwamiyu. A yung yam bibu a kunebu ka a ne kunku kwamiyangu wenge.
- ¹⁶Nangkın ka a ne kunku kwamiyangu wenge, a yung m Masiya a tibu kunnu we furu.
- ¹⁷Yinu ka a kukibu Masiya, keku biyilimang changu tikusi, lanta di n tin nibu kiletim.
- ¹⁸Ka yiko, a yung bibu a bwa a din Masiyanimu a twiyana?
- ¹⁹Ka yo nire chire ni yodu dine Masiya a kau wu dine tikuri titiniye, a yung ni kau chi kibunei we nui nibiyu.
- ²⁰We biyilimu m Masiya a kun we bibwarimu, titu a yung nibu ka kukku bibu kida duumimu.
- ²¹Ta kuba, yinangu ni wiin a be kini bwa we titinitangu, yiko tin, kunkiku a furangu a mwe a nii wiin.
- ²²Nangkın, yinangu nibi kwang kibwadu dine Adamuwangu, nibi kwang ka kunnu dine Masiya.
- ²³Aya kunkiku ka kadi tikattu. M Masiya a mwe, yinu nibu buntikimu ka kunnu di n kin ka kilade.
- ²⁴Yinu di swan kute ka bedu, kidangu ka ni Kwama Te matin kitangu, a kutengu n kin a la ka nang wuwule fwakware Kwamangu.
- ²⁵Dine a mwintuwe m Masiya ka chau matintu, n Kwama ka yo fakwarbi kimi kwang a wanana ko.
- ²⁶Fakware nibu ka swanu ka chidde nang bwa.
- ²⁷Nangkın yam Kwamamu a fwa ko, "N Kwama a du chiti kwang a wumeko." Aya yinangu a fwa ko, "N Kwama du chiti kwang a wumekongu," a yungbu ko n Kwama wetuwe fali kiyu.
- ²⁸Yinu yo n Kwama a du katitile a wumeko, bwe ka swedu a wume Kwama wu a du chiti kwang a wume bwe, ke n Kwama a kau wuduwe we katitile chiye ka a fire.
- ²⁹Ka kwamiyu a ne kunne, a dakabi nibu ka nin ma batisma wu a kau kiswerang we kunkı bibwarime, nibu kimadi yiko dine bibwarimu ka kunnu wuka di.

³⁰Ka a ne kunkɪ kwamiyangu wenge, a mayire ni ma riye kɪdati kwange?

³¹Mɪn twan chimɪn chi kebu mɪm, diti kɪdang m mɪn a kakku bwaang. Biyilim bibu a tiwe yinangu mɪn rikadu dɪne kunkaku changu n ti Tewuduwe Yesu Masiyangu.

³²Yo mang le mɪn makadu n ti nɪbu bɪbu yinang nai yibari we Afisa, we yo nɪre niye, limang kangu wureni ka a ne kunku kwamiyangu wenge? “A labu chi ni ka chadu ka nodu, yo bwa kiyang nidu finenanga?”

³³Nii a butidu chin we, “Fiswe n ti nɪbu bɪbwilame kikai da wuyile.”

³⁴Tɪkilawe kɪni tɪkuran tiyili, tɪdu kɪletiyu. N fwa ying ke tinwe dibwi dɪne kono nang bɪkam chimu a yumbu Kwama.

Kunku bwiyang

³⁵Kasi kiku bɪkam chimu ka medu ka bɪu chi ko, “Bɪbwarimu ka kunni yire?” Ka chiredu kɪni yiyile bwi?

³⁶M mun dira? Mwang yumbu ka n fi chite, kɪbwadu yinu kɪ kiyeda?

³⁷Tɪntɪne chitu mwang fitu, n ke kasi chitu ka kiyeditu, aya chi mwang fitu kikwi, ka chame, kasi no bɪbɪle duum bɪbu mwang fiim.

³⁸Yinu n Kwama kɪni tɪchitu wu bwi yifwi yinangu n kɪn a ku diyang, ka nang wuwule kɪnuwe kɪni duum bwikiye.

³⁹Yinangu kɪkutiyu n ti tiniyu a lakanangu, nam bwitiye a lakatin. Ka wu a niye, ka nandikiye ka wu a kɪnɪbe ka wu a chinge.

⁴⁰N kɪn a yo kwalɪn chinu a diinu dang n ti didu a timinu. Aya didu a timinu kɪni dwiyen kitu dang, didu a diinu kɪni tikitu dang tin.

⁴¹Dwiyen kukoti dang, titu a swangitu dang, titu a kiswititu dang, kono nang kiswitiyu yikayu a la yikayu kɪni dwiyentu.

⁴²Nang tiyangu kunkɪ kwamiyu we minangu, chi niyang fitu kifwidufwiye, chi a kunne a ne bwatinuwe.

⁴³Yo ni fide, ni kai yile ko, aya kichiredu kɪni dwiyen, yo niyang fiye a ne dukan we, aya kichiredu kɪni dukan.

⁴⁴Bwi chireyu kɪkang ni fidiyu yibwari, aya yiyu ka kuniyu n ke yibwari. Yinangu bwi yibwariyu wengu, bwi yiyu a ne bwadiyu n wetuwe tin.

⁴⁵We yiko yinangu a mwalangu, “Ni wu kakke n Adamu a kau nii wu kɪni tikuriye.” N Adamu wu a swane, Fikim bibu kɪni tikurim.

⁴⁶Bwi yibwari a mwe a be, yinu yiyu a ne bwadiyu a nabe.

⁴⁷Nii a mwe time a be a kitim, a kur kitin, aya wu robe a be a bwa diye.

⁴⁸Yinangu wu a be a k̄it̄ime we m̄inangu, b̄ibu a kur̄imu yiko t̄int̄in, yinangu wu a diye we d̄im̄inengu, b̄ibu a diimu wetuwe yiko.

⁴⁹Yinangu niyang chirkan n ti wu a kurangu, nang tiyangu ni chirkan t̄inu n ti wu a diyengu.

⁵⁰Chi m̄in fwa chim̄initu Kebu m̄im, bwi chireyu k̄ini luktan n ti k̄it̄uumiyu a ne le bwa diye, chitu k̄ifwiditu a ne le bwanu chitu a fwibitu wem̄ine.

⁵¹T̄inwe mang fwa chim̄in b̄ikam ȳam b̄ilair̄im, ch̄ini k̄ini kwang a ne ni bwadu, aya ch̄ini k̄ini kwang bwiyu ka sutedu.

⁵²Ka fwedu b̄inab̄ina yinang k̄ik̄ilbe nuwe, n̄ibu ka nwe sum wu wuka a ne nabede, kw̄amiyu ka kunnu k̄ini bwi yiyu a ne fwidufwiyei, bwitiyu ka sutedu k̄ini kwang.

⁵³A mwintuwe bwiyu a fwibufwiyeiyu ka sute yiyu k̄ifwidufwiyeiyu, yinu bwi yiyu a bwabiyu ka sute yiyu k̄ibwadubwayu.

⁵⁴Yo ta kudu bwi yifwiriyu a suten a kau yiyu a fwibiye, yinu bwi yibwariyu a kau yiyu a ne bwadiye, nang k̄idangu d̄ikw̄al d̄idu a mwalmwalenu ka ridu ko, "Bwa a twiyan k̄idiya, n̄ibu a chau k̄ila we bwa.

⁵⁵Bwa a bw̄ale dukan munu? Bwa a bw̄ale twiyang mw̄angu?"

⁵⁶Nangk̄in, k̄iletiyu nang twiyen bwangu, yilangu nang chi k̄ini k̄iletiyu dukane.

⁵⁷Ni wana Kwama k̄idiya kwadu n k̄in wu k̄ini k̄ila we d̄in Masiya Tewuduwe n Yesu.

⁵⁸D̄ine yiko, kebu m̄imu m̄in m̄ilad̄im, t̄iti k̄ir̄ing, t̄ik̄iruwe, t̄inang funt̄i bwi kwadu we nangang Kwamangu, d̄ine t̄iyim riye t̄inwedu d̄ine Tewuduwe n ke wukuse.

1 Koronti 16

Makaku d̄ine n̄ibu bunt̄ik̄im

¹Kik̄angu we ȳam makaku n̄ibu bunt̄ik̄imanḡimu t̄ima yinangu mang yii b̄ibu a K̄alatiya mi a mangu.

²Kanang wuwule dif̄ikare, n kawure a nang yo t̄ikan chi, yinangu dukan k̄inu we m̄inangu, t̄iyanduwe ti se mang be.

³Ka n yange, t̄isutu b̄ikam we tibe ch̄in, mang nika chi lwanḡin t̄itu ka maka ch̄intu, yinu n chi ka yika Wurchalima.

⁴Ka a le mang ya t̄ine, yamang yote ch̄inu.

Ȳamu m̄ Bulus a swamm̄in̄imu

⁵Mang ya chimin siram, a kutengu mang kana tim Makidonyamu. Dine n tu m bwau we niru mang ya Makidoniya.

⁶A ne mang swedu nabwen we bwa dichine, ka sanang ka tai tinu we bwako. Ka yatı yoye we bwa mang yade kwang.

⁷Aya mang babu mang sudu, mang kubu chin. Dine no min baddu mang ma yikai diti n ti chin ka Tewuduwe a kemiye.

⁸Aya mang tidu we Afisa ka laminti di Fentikose.

⁹Nangangu a wuden we fi nabwen, nıbu nabwen kibedu kasi kiku mini kini katıbu nabwenangu.

¹⁰Ka Timoti a benge, a swe n ti chin a nwedu tayi we. Dine n kin kima nangang Tewuduwe yinang kangu min madangu.

¹¹Dine yiko, tikedu wuka nii a swabadu kin we, tiyo kin limang a be fi a di mine, dine min dang ware ko n ti kebıbu ware.

¹²Nangkin n ti ke chire n Afolos tin, n wana kin mi a be bwa di chine ware n ti kebıbu, aya a kebu ka bedu kıkangu. Ka bedu we kiswi n kin a dang a dange.

Yamu a swan minim

¹³Tıswengi doku bwiyang, titi kiring we keku biyilimang changu, ti kunka yichiyu, timadu tikali we.

¹⁴Chitu ta maditi kwang, tima kini milaku.

¹⁵Kebu mim, tiyim nıbu a mwe a wo kitim a tim Akayamu nang dikur lon Yistifanuse, n chi a ni yichiyukimaka nıbu buntikimu.

¹⁶Min wana chinu, tima duum nıbu bibimumin kwambir kini nıbu niyang nwe riye waremu.

¹⁷N nwe tamang beku Yistifanusengu n ti Fatunatus, n ti Akakus, wu a kammi yinangu n tin ta benge.

¹⁸Dine n chi a ribe mi niri kirim, yinangu n chi n ti chinangu. Duum nıbu bibimu tini chi dwiyen.

M Bulus a swan disir kinu

¹⁹Nıbu buntikimu a tim Asiyamu kisiite chinu. N Akila n ti Biriskila, n ti nıbu buntikim bıbu kimuradu a lo chimu, kisiite chini kwang we din Tewuduwe.

²⁰Kebıbi kwang kisiite chinu. Tısitı kebu chimu kini kwarkaki wauwadang.

²¹M mina Bulus, min mwal disiru kini falang mang.

²²Kanang wuwule niye wu a milabu Tewuduwe, a kau kımın yo yii. Bengi daatu Tewuduwe.

²³Lime Yesu Tewuduwe a swe ware n ti ch̄in.

²⁴M̄in m̄ila ch̄ini kwang a d̄in Yesu Masiyanu. Amin.

2 Koronti

2 Koronti 1

Djisir Bulusjɛn

¹M mɛn Bulus wu n Kwama a sutu kɛni kɛke ko, fandu Yesu Masiya n ti ke chɛre n Timoti. A tum we kan Kwamanu a koriti n ti bɛsutorɛm ba Akayami kwang.

²Lɛmangu n ti lɛme wu kɛbedu a dɛKwama Te n ti Tewuduwe Yesu Masiya a swe ware n ti chɛn.

M Bulus a ni dɛwan a dɛKwama

³Delaku n tɛu Kwama Te, n kɛn wu Te Tewuduwe Yesu Masiya, Te wu kɛni nabwe kɛbune, Kwama wu kɛkum nɛmɛn nɛre kasi no a bɛbɛle duum kaiyan nɛre.

⁴N Kɛn kɛkum nɛmɛn nɛtu we riye chire kwang, ke n chɛni ni kum bɛkam mɛn tɛn a kasi no bɛbɛle duum riyem, kɛni duum kunku nɛramu niyang ya a dɛKwamamu.

⁵A dakan ni yindu ko yinangu ni nwe ne riye dɛne Masiyangu, we yiko ni yatɛ ne kunkɛ nɛrangu a dɛMasiya.

⁶Kasi no nɛn nwe riye, nɛn nweɗu ke a kau chi ta kum nɛre we, ke tɛ ya yuku we kunku nɛtu chɛntu we buntɛkɛku. Ka nɛn kum nɛtu nɛnte, nɛtu chɛntu tɛn ka ya kunku yinangu ta ya dukanu ta ma bwanu kɛni riye wu nɛn nweɗe wu.

⁷Nang kɛtɛbɛ chi ko bayim dɛne chɛne, nɛn yim ko tiyangu ta nwe riye yinang nɛni yangu, ta yatɛ kumkɛ nɛrangu nɛn yadangu.

⁸Kebu, nang babu ta kau kɛdubu we duum riyemu nang nwe a tɛm Asiyamu, dɛne riye a lala, nang yobu nɛru ko nang ma tɛkuri.

⁹We bɛyilɛmu, a ma yinangu bwa a tu a be nɛmɛneng. Aya tɛtu a fwe yiko, ko ke nɛn ti we dɛKwama wu kɛkukku bɛbwarɛme n ke funtɛku bwiniyang chirengu.

¹⁰N Kwama a chakku ni we wu ne bwa, ka yuni tɛnu, tɛntɛne ni yo nɛru ko ka chakakku kɛni lɛme wu a ne dunidu.

¹¹Yinangu tɛmaka nɛnu kɛni twɛbɛ bunengu. Nang tiyangu nɛbu nabwen ka wanna Kwama dɛne nɛnangu, n Kwama ka yo ni mɛn delaku dɛne n kɛn a yiu twɛbɛku nɛbangu nabwen dɛne nɛnne.

M Bulus a kwiya siramu a do ka yadɛmu

¹²Chi kɛyo nɛmɛn rɛkake, nɛn yim we nɛtu nɛntu ni ma fiswe wu wuyile we tɛtɛntu kɛni nɛri dɛn kangu n Kwama kɛbadangu. Tiyangu ta yim fiswe nang ma n ti chɛne. Mang medu mang yidu mi nɛn ma tɛchitu wu we bɛyilɛm Kwamamu. Nɛn ma tɛtu dɛne lɛme Kwama n ke dɛne yingku tɛtɛni tɛtu.

¹³Lwangɛn miti kwɛrikwɛri, a ne chi a fwa a laiye we, a ne chi neta swaane we. N yo nɛru ta swaan nɛnnu wuka di ka la fi.

¹⁴Kasi no ta swaanbu n̄in yinang we k̄ik̄angu, yo n Tewuduwe Yesu ka k̄ilawede, ta ngau kwiye k̄ini n̄in yinangu n̄in ngau kwiye k̄ini ch̄inangu.

¹⁵D̄ine mang yim swaank̄i changu n ti keku biyilimang change, no n do mang k̄ila bwa a d̄ichine ke t̄iya delaku da yurau t̄in.

¹⁶No n do mang tau bwa d̄i ch̄ine, yo kano m̄in yika Makidoniya, yinu mang tatte fiko we yo mang k̄ilade ke t̄isumi dukanu mang yaan bale Yafudiya.

¹⁷T̄ikamadu n do yayu wu mang yimbu chitu m̄in madita? Ka t̄ikamadu n ma k̄ini da niya? Wu mang k̄iladu mang yidu mi, “ngo,” n ti “Ngangonga”?

¹⁸Yinangu n Kwama k̄ifwa biyilimi kwadangu, we yiko t̄in, n̄in fwa chim̄in yam biyilim, n ke b̄ibu ka fwadu ko, “ngo ka ngango”

¹⁹D̄ine n Yesu Masiya Bwe Kwama wu n̄in mwa ch̄inu, m m̄in n ti Sila n ti Timotiye n ke wu k̄i kama yame ka “Ngo ka ngango.” Yam k̄imu ngo ka biyilim.

²⁰D̄ine n Kwama a rii bw̄ak̄i kangu a mangi kwang a d̄ik̄ine. Nang chi a yo di ni ma “Amin” k̄ini d̄in Yesunitu ke a r̄ika d̄in Kwamanu.

²¹N Kwama nang wu a ni n̄in n ti ch̄in runni wu k̄ir̄inge we d̄in Masiya Yesunu, n k̄in nang wu a suti chiniye ke ni kau n̄ibu k̄im.

²²A yo nim̄in d̄imwalu ka swaan̄idu ko n ch̄ini m b̄ik̄in̄imu ka nang chikiye F̄ik̄im Kwamam, a ni ch̄ini F̄ik̄imi l̄imang we n̄itu ch̄iretu ke ni swaan chitu yaka madu a bwa kakketu.

²³N Kwama ka timit̄inuwe biyilimu m̄in fwa chim̄ind̄imu, chi a yo mang bunt̄ibu Korinti d̄ine ke n wela ch̄inuwe nabwen.

²⁴T̄itu a yungbu ko n̄in baddu nang yung ch̄inu yinangu ta ma nangang k̄ini keku biyilimang changangu, n̄in yim t̄itik̄ir̄ing we a keku biyilimang changu. We yiko, ni ya yayu ware ke t̄ima furi mwe mwen.

2 Koronti 2

¹D̄ine yiko, n ko we n̄ir m̄inu mi ne mang k̄ila bwa d̄i ch̄ine, d̄ine ke n yo chim̄inu wuka kaiyan n̄ire we.

²K̄ikumang ka n yo chim̄in kaiyan n̄irenge, n wure ka l̄ima n̄ir m̄inu? N t̄in b̄ibu mang yo chim̄in kaiyan n̄iremu nangt̄i b̄ibu ta l̄ima n̄ir m̄in̄imu.

³Nang chi a yo mang mwal chim̄ine lwanḡin d̄idu mang swan m̄in̄ine. Mang babu be mang ya ch̄inu n t̄in b̄ibu t̄il̄imai n̄ir̄imu k̄ini k̄iswi wu ka kai mi n̄ire. D̄ine n yim ka m̄in ma t̄im̄ilane ta m̄iladu.

⁴N mwal chimin yinangu ta kiyangu, dine m min m ma furi kilikilin kini nwe riye wuduwe kini timweni. Mang fwabu dine ke n yo chimin kaiyang nire aya ke tiyim tiko m mila chin.

Duku kiletayang we wu a ma kile

⁵Ka ni a ma kile, a kaibu kana min minbi niru, aya nibu buntikimi kwang. Mang fwabi bibu ke n kuka chimin kirang.

⁶Tiwelantu a ya kin dine nibu nabwenitu a wura kimin.

⁷Kikangu, tidu kimin, tikum kimin niru, tidudu kin we yinangu kaiyan nire ka be kiminedu kini yarengu.

⁸Dine yiko, min wanna chinu, tiyo kin a swaan ko timila kini chikku.

⁹M mwal chimin lwangin didu ke n dang tiku changu n ti tiyangu ta ma nangangu kini yam mimangu.

¹⁰Kanang wuwule wu ta du kimin kileti kiye, m min n du kimin tin. Chi a yo mang du kimine, dine a kakku Yesu Masiya.

¹¹Dine ke n Setan a yadu warewe wu ka butu niye, dine ni yim kifilti kiyi kwang.

Naba nangange we bwaki kifwiyangu

¹²Yo mang be Toruwa dine ke n fwa yam bilim Yesu Masiya, n Tewuduwe a ni da wu mang ma min nangange.

¹³Aya nir mini a muten dine mang yabu ke fate nangan mi n Titus we fiko. Dine yiko, n ma sramu we fiko n sutj Makidoniya.

Chakku Kilang a diYesuwe

¹⁴Aya diwan a diKwama, n kin wu kimaka ni kwadu, ni chau kila we din Masiyane, kima nangangu kini chini, ni ma dimwar yingku Masiya nu ka bwale didu nibu kinwedu yinang kinung kiki firfirange.

¹⁵Dine n chini yinang kinung kiki firfirang kiku n Masiya a ni Kwama, kiku a tiran we bibu kiya yukimu n tin bibu a ware twiyakemu.

¹⁶We bibu a ware twiyakemu, firfire wu yinang wu a bwange, wu kivedu kini bwange: Aya we bibu kiya yukimu, firfire wu tikuri, wu kivedu kini tikuriye. A neni a lwe ka dau tureng nangang kike we.

¹⁷N chini bibu a newe yinang bikamu kima dimwaru ke chi ya riketu. Aya yo kwer Kwama a tume niye, nin fwa yamu kini biyilim we kakku kangu, dine n chini nibu nangang Yesu Masiya.

2 Koronti 3

Nibu nanga bibu a bwaki kifwiyam

- ¹Yoye ni mwe na ni wer dutu chireta? Ka ni bau bīkam nībi ka mwal lwangin werkin we dīchniya?
- ²N tīn nang lwanginu n nīnni kīninu, dīdu nību a mwal a nītu nīnnimu, ke n kawure a ku a ki tīn.
- ³N Tīn tīyung dur chīnu tiko n tīn lwangin Masiya we nangin chīntu. Nību a mwalbi chi mwalki aya kīni Fīkīm Kwamam wukure. A mwalbu a wule kwame aya a nītu nībi.
- ⁴Nīn fwa ying dīne nīn yo nīru we Kwama a dīn Yesu Masiya.
- ⁵N ke ko a ne nang medu nang ma chiti wauwadu kīdiya kwaditu n nīn nīfwane. Dukan nīnu n ti chakku kīlangu kībedu a dīKwama.
- ⁶N kīn Nang wu a yo niyang me niyang ti we bwākī kifwiyange. Wu a buntību a yilangu nību a mwalange, aya a buntīn Fīkīm Kwamame, yilang kīmwālīlangu nang chi a be kīni bwa aya Fīkīmu kībedu kīni tīkuri.
- ⁷Nību a mwal Miyaku Musagu a wule kwame, dwiyen Kwamatu a fwe we fiko we yoko a yakī nide, kasi kīku wālīwālīye a kabē Musa a tibu kengu, a yīi yinangu a yo nību Yisrelamu a mebu a dangbu nukongu. Ka yilangu kībedu kīni bwangu a kau kīni dīkwan n ti dwiyene,
- ⁸yinu nabwe dwiyene wu a Fīkīm Kwamame ka kadi yire?
- ⁹Ka chi kīyo bwatu a be kīni rīkakiye, a mwintuwe tītukībedu kīni yile Kwamatu ka su tītū kutan.
- ¹⁰Biyilīm, rīkaku a bwākī kīkarāngu a dwiyen we kīkangu, ka ni swe kīn n ti bwākī kifwiyange.
- ¹¹Yinu ka tītū kīsudusuduwetu kīni dwiyene, ka kadi yire n ti tītū kīdiya kwaditu.
- ¹²Dīne n nīn kīni duum yo nīrem bībe, nang chi a yo nang ya dukane.
- ¹³N Nīn newe yinang Musa, wu a yinge kabu ko kīni kwadu, ko ke nību Yisrelamu a kudu dwiyen tītū ka riduriyetu we.
- ¹⁴Aya nītu nībitu we kīngkīng, dīne lanta di tīkan chi we wu kīdang chi swaanku biyilīmange, yo nību kīki bwākī kīkarāng sīre we lanta kīkang nību a chakību, nību a yimbu chakīdu ka n ke buntīkī Masiyange.
- ¹⁵A lanta dii, ka nību kīki takīda Musa, kīmadu yinangu tīkan chi a yinge kabīni chiyang.
- ¹⁶Aya yo ni a be bwa Tewuduwe, tīdui tītū kīwora tīnu.
- ¹⁷N Tewuduwe kīma nangangu we nītu chīretu kīni dukan Fīkīmīn, fi Fīkīm Tewuduwe wemīne, nang fi da wemīne.

¹⁸N chini bibu kabini chireyu a yingebiyu, kiyiye wu a dwiyen Tewuduwe yinang mwe ni dangin kabe, tintine kisute nidu ni kadu yinang kin. Sutekiku nibu ma ni minangu kirike rikakiku a chire a bwa diTewuduwe, wu n kin Fikime.

2 Koronti 4

Kuli a mure besi

¹Dine yiko, yo Kwama we lime a ni chini nangang kiku ni madangu, a dakabu ni katadu.

²A ne lwangang nang we kini mulinu n ti tilairi chitu n ti tibwitan tikusitu. A ne lwangang nang we kini tikwanitu n ti tikwanitu ni madu kini yam Kwamamitu. Nin fwa biyilimi kwakwari, nang tiyangu kanang wuwule niye ka ma dimwar biyiliminu we kakku Kwamangu we nitu chitu.

³Ka yam bilimu nin mwadimu nibu a swaanbe, kwalan swaanke wu kibedu a bibu a yimbu Kwamamu.

⁴N Setan Mai wu a titiniye, a dingil nitu nibu bibu a kebu biyilimimu. A yo nitu chitu a kubu kiyiye dwiyen yam bilim bibu kiyi chidimu. N chi a swaanbu yam bilimu nin fwadu a dwiyen Masiyamu, wu n kin nang chirkaku Kwamange.

⁵Nin mwa yam Yesu Masiya n ke binim. N kin nang Tewuduwe chire kwang. N nin yinang kabi we diYesuwe,

⁶Dine n Kwama wu a yiko, "Kiyiye a chire we kiliye," a yo kiyiye ko kiyidu we nitu chirete, ke nui nibiyu a wuden we diYesuwe ni ku dwiyen Kwamatu we kabu Yesu Masiya.

⁷N chini kini kuli titu a betisiyu nibu a mubbi swani. Ni kabbi yiko ke a yung n Kwama n kikun kini dukani sininu, n ke chini.

⁸Kasi kiku ni nwe riye we kasi no kikile balangengu, a ya a chabu kila we dichiniye. We yiko kangu kidang kiyo nin kamaku aya yo nire we.

⁹Nibu kini nin riye, aya kini yiko n Kwama a dunibu. Wuka yo nin ni bobu, aya kini yiko a chibu nii.

¹⁰Kanang wuwule diye, n chini a yii bwa, yinangu nibu a ma kini Yesuwangu, ke nibu a ku da Yesuwe we bwi chireyu.

¹¹Diti chireyi kwang we titinitu, ni yadu a fali bwai dine ni bunti Yesuwe, ke nibu a ku da Yesu we bwi chireyu ki bwadu bwayu.

¹²Nang chi a yo nang wulbi bwa, ke n tin tiya tikuritu.

¹³Yam Kwamam bimwalimu a yi ko, "N fwa dine mang ke biyilime." Keku biyilimang chirengu ka kikinang, nin fwa yam Masiyamu dine nang ke biyilime.

¹⁴Dìne nìn yim ko n Kwama wu a kuku Tewuduwe fure, ka kukutì nìnu ware n ti Yesu, yinu ka yika kakku Kwamang kìnì nìn n ti chìn.

¹⁵Tìtu kwang ke a maka chìn, ke lìme Kwama kìlam nìbu nabwene, a yo chimìn nìr dīwanìn yinang nebwi ke n Kwama a ya rìkaku.

Da wu a keku biyilimange

¹⁶Dìne yiko nìn yo nìri chikku, kasi kìku bwiti chireyu kìkaiyadangu, aya Fìkìm chiremu kija fwiri ka nang wuwule diye.

¹⁷Dìne yiko be riye wu ni nwede, a ne dāu kīswi, ka yo nidu a delaku kīduwangu nabwen kīku a su kīnating.

¹⁸Dìne nang mabu nangangu kìnì riye wu nuyu kīkude aya kana chi nuyu a kubitù, dīne chi nuyu kīkudu kīkangitu ka suredu. Aya tìtu niyang kubitù, kīdiya kwadu.

2 Koronti 5

Bwi yifwi ni yadu a bwadiye

¹Aya ni yim ka dīkur chirenu a tītìnìnu a wurene, ka nang chikiye bwi yiyu ni sweendiyu, n Kwama n kīfwan ka do ni mìn lo kīdiya kwade a bwadi. Wu lo n ke wu ni a mubbe, tītīne a ne kaiyadu kayane.

²Kīkangu, ni ma kīfwilti, dīne ni ke a no yadu ni le lo wu.

³Aya ka Kwama a sute bwi chireye, a ne ni kīladu ni kattīnuwe twatwadu.

⁴Aya kīkangu n chìnì we bwi yiyangu, a kau nangang ni kwa kana tu wa riye, aya tìtu kīfwedu n ke dīne ni baddu ni bwadu ke ni kaddu we tītīnitu, aya ni baddu a yinge ni kìnì bwi yifwiyu, ke yikariyu a laimìn.

⁵N Kwama kīfwan a do ka sute bwiyu, yinu ka ni chìnì Fìkìm kīmu ke a yo ni yim chi ka ma ni mīnu we bwa kaketu.

⁶Nang chi a yo ka nang wuwule diye yo nīre we, kasi kīku niyang yim ko ka n chìnì we kìnì bwi tītīniye, fiswe chire a ma kutan n ti lo wu Tewuduwe wemīne.

⁷Nangkìn, nìn ma da wu a yo nīre, n ke chi ni kudi.

⁸Kīkumang nìn yo nīru we lo bwadiye, a la nīmìn chi nang chiru we bwi tītīniyu, nang swedu n ti Tewuduwe.

⁹Nìn baddu a la chi n kìn a nwe tamang chirengu, ka n chìnì we tītīnite ka a bwadiye.

¹⁰A kabi kīng ni ngabadu we kakku Masiyangu, dīne kabakīke. Dīne n kawure ka yiu kītīme nangangu n kìn a ma a tītīniyangu, ka tīyiliye, ka tībwilaye.

Kunkaku nībang n ti Kwama a dīMasiya

¹¹Dine niyang tu niyang yim chi ni yalu ko tayi Tewuduwe, nin funtibwi nin yal nibu a ya bwa diKwama. N Kwama a yim yinangu n chini we minangu, tintine min kamadu tiyim ka n nin n biwure.

¹²N ke dine nin baddu nang rika yiniye, kwako! Aya nin funti bwi nang yung chi turre wu ka yodu ta nwe tamang nange. Tintine ke tiyim tiya dikilin yiinu we bibu ki rika yichiyu we titi dwandwan a nuyi chitu n ti kiku ka bunti chi a niritu.

¹³Kikuuli kima nin na? Yinangu bikamu kifwadangu? Kasi no m ma kikuuliyu nin madu ke nin rika din Kwaman. Aya ka n ke kikuuliye, nin madu dine chine.

¹⁴Chitu nin maditi kwang n ke dine tamang nang, aya milaku Masiyangu a ti nin kakku. Yo nang ke biyilimu ko Masiya a bwa dine nibi kwange, nibi kwang a bwa ware n ti kin tin.

¹⁵N kin a bwa dine nibi kwang, dine ke bibu kini tikuri tifwimu, a madu fiswe wu da bwiye we bwa kakke, aya a ma fiswe dine wu a bwa dine chiye, tintine wu a kun we furu dine chiye.

¹⁶Dine yiko, bwa kakke a ne dangku niyang we kini kiswi nibu kidangin niye we yinang wa titiniye. Dine kasi kiku m Masiya a ya dangki kikangu, kikangu yamu a ri a ne nang wi tinuwe.

¹⁷Dine yiko, ka nii a kau wu Masiya, n kin a kau wu fwiye ni, da bwiye a suu, ka titile chiye a kau tifwi.

¹⁸Chi tifwi titi kwang kibedu a Kwama, wu a do tibe ko n ti chini a diMasiya, n kin a ni chini nangang kiku a doku nibang n ti Kwama.

¹⁹Yamu nang bibu. N Kwama kidoka nibi kwang a diMasiya. A kibu ko wuka a no ma kile. N Kwama a du nin disin didu a dokaku nibangu n ti kinangu.

²⁰Dine yiko, n chini Biyorim Yesu Masiya, a tiwe yinangu n Kwama n kifwan kifwa yamu a dichiniye. Nin wana chinu we din Masiyanu, tido bwi n ti Kwama tikau fatibu kim n ke bibu kikwila chi n ti kinim.

²¹N Masiya a manbi kile we, aya dine chiniye n Kwama a mar kin yinang naba kile. We yiko, ke ni kau nibu yilem we diKwama a diMasiya.

2 Koronti 6

¹We nanga chirengu n ti Kwamangu, nin wana chinu n tin bibu ta ya lime Kwamamu, tiyo a kadu chi tikusi we

²Tinwe chitu n Kwama a fwaatu, "Yo kiswi mang yungin chin lime a lame, n nwe chin. Yo di yuke lame n maka chin." Tinwe! Wu nang kiswi ta yin lime Kwama di wu nang di wu ta yaan yuke.

³Nang babu wuka ni ka ya n̄nu k̄ini k̄ile we nangangu. D̄ine yiko nang yo wuka m̄inbu chi yarki we w̄are.

⁴We yiko, chi n̄n maditi kwang, n̄n madu d̄ine ke n̄n yung ko, n̄n n̄bu nangang Kwamang. N̄n madu yiko k̄ini runni, n̄n ti riye n̄n ti nwe riye nabwen n̄n ti t̄ikumeni.

⁵N̄bu a ngau n̄n, a d̄ik̄i n̄n t̄in a d̄ib̄int̄ile, n̄bu a nwe n̄m̄in burang d̄ine kulankulange a kunne, n̄n ma nangangu a la dukan n̄nangu, nang dabu duum a bwin kwalan chabte.

⁶D̄ine n̄tu n̄ntu w̄al̄ak n̄n ti swaank̄i n̄n ti bwanu n̄n ti k̄il̄imang nangu, n̄n yungdu ko n̄n ma Kwama m̄in nanga k̄iku a F̄ik̄im Kwamam, k̄ini m̄ilaku k̄iyilang.

⁷We d̄imwar diyil̄inu, n̄n ti d̄ikan Kwamanu. Yile n̄n wu a kau yinang kusa n̄n ti kul, nang tau a kan k̄iyilang ka a k̄antakwelange n̄n soon yichireyu.

⁸N̄bu k̄idela n̄nu, k̄iturat̄in n̄n̄nu, k̄ini n̄n dibwi, k̄iwana n̄n̄nu. N̄n kau yinang n̄bu k̄imwe t̄ikwanim, kasi k̄iku n̄n fwa b̄iyil̄imangu.

⁹K̄imadu yinangu n̄bu a yim n̄bang, aya a yin n̄n yinang. Yinangu n̄n a fal̄i bwayang, aya n̄n̄ni k̄ini t̄ikuri. N̄n ya t̄iwelantu, aya n̄bu a ch̄in n̄nbu.

¹⁰We kayan n̄re, aya n̄n ma t̄im̄lan we kwalantu n̄n yo n̄bu nabwen a ya kuli yinangu n̄n ne chi we, aya n̄n k̄ini chiti kwang.

¹¹N̄bu Korontom, n̄n fwa chim̄in b̄iyil̄imu, nang laibu ch̄in chi, t̄int̄ine n̄n yung ch̄in, n̄n m̄ila ch̄inu yinang.

¹²We yiko, n̄n n̄n ke b̄ibu nang ko chin̄imu, n̄n t̄in ta yibu n̄n b̄ibu we n̄tu ch̄intu.

¹³M̄in fwa yam b̄ibu n̄n ti ch̄in yinangu Te k̄ifwa yam n̄n ti bwes̄im k̄imang, n̄n t̄in fal̄ tiyungt̄i n̄n m̄ilak̄i changu.

Se Kwama wu wauwade

¹⁴T̄ichak̄in yichiyu we n̄bu b̄ibu a kebu b̄iyil̄im we Tewuduwe mu. Ke nii wu yile a me a swe l̄imangu n̄n ti ni wu bwila? K̄iliye ka swedu n̄n ti yiik̄iku yire?

¹⁵M̄ Masiya k̄ima fat̄in n̄n ti Setana? Wureni ka kunka naba bunt̄ike n̄n ti naba k̄iliye?

¹⁶Wureni ka yodu se Kwama n̄n ti wu a diyore ka l̄imade? N̄n ch̄ini se Kwama wu kure yinangu n̄n Kwama a fwa ko, “Mang swedu n̄n ti n̄bu m̄imu, mang bw̄alu we tibe chi, Mang kau Kwama chi, n̄n chi ka kau n̄ibi m̄im.”

¹⁷D̄ine yiko, n̄n Tewuduwe a fwa ko, “T̄ichir m̄ine we d̄i chiye, t̄it̄waiyu chitu ka bwita chinitu we. Wu nang k̄iswi mang keendu k̄ini ch̄ine.

¹⁸Mang kau Te ch̄in, n̄n t̄in ta kau bwes̄im m̄im b̄ibar̄im n̄n ti b̄iwut̄im.” N̄n Tewuduwe naba dukane kwang a fwa.

2 Koronti 7

¹Fatibi mim, yo niyang ya bwaḱiku nang kikiye, ni chaku yichireyu we tibwitantu n ti chi kikai nitu ka bwi chireyetu. Ni funtibwi ni bau kasi siiku Kwama, dine n chini ni nwe tayi Kwamaye.

Tijila Bulusin

²Tiyung nin milaki changu. Dine nang mabu wuka nii minbi kile, nang kaitibu wuka nii, nang sul tibu wuka ni.

³Mang yo chiminbi kile yinangu mang fwa yangu, yinangu mang wi mang fwa chiminangu, a ne chi ka yarka chinu n ti milaki nange we, ka a bwange ka tikuriye.

⁴N ke kini chin yinang. Min ngatti kwiye kini chin, tiru minu, min ma furi mwen, kini riye nin nwe kwang.

⁵Kasi no nang kidangu nang be Makidoniya, nang yabi fikaku. Kasi no nin ya bwale ka tikwaman, tikwamantu wetuwe filangu, we mure nire tayu a ri bwiyu.

⁶Aya n Kwama wu kiru nitu bibu a yobu nrimu, a ru nin we beki Titusangu.

⁷Nang mabu furi mwenu dine kana beki kangu, aya yam bibu a fwa ni minimu a yo ke ni ya kunkaku changu. A fwa ninin yinangu tibau numi yinangu, n ti kaiyan nire ta ma dine chi a fwe n ti mine, n ti yinangu ta funtibwi ta ti mituwe kiringu, titu a yo n nwe tamang yinang.

⁸Kasi no lwangin minu a yo chini kaiyan niri, a buibu nir. A no n kai nir yo ferediye dine mang ku lwanginu a kai chimin nire, kasi kiku a baki swi bayim a newe nabwenangu.

⁹We yiko yinangu chitu kiyadangu, nir mini mwe. Kasi kiku mang nwebu tamang yinangu mang kai chimin nirangu, aya kaiyan nire chin a yo suteku nirang dine ta wo kitime. Kaiyan nire chin a letuwe kike Kwama, dine a yo chi wo kitim, nang ma chiminbu kile we chi nang ma chiminitu.

¹⁰Nangkin, kaiyan nire wu a be a dukan Kwamane, ka yo nibu ka wo kitim, ka kila bwa diKwama, we yiko n ka, ka ya yuku. Tintine a ne no ka no n yimme we. Aya kaiyan nire wu ni a ki bedi kine kiyo ni a bwa.

¹¹Tidang chi kaiyan nire wu Kwama yo nitu chintu a be chimine kinitu. A yo tibau nangangu, tiketit kitaku changu. A yo tima kifwini, tinwe tayi. A ni chin yo nire, tifuntit bwi. A yo tiswe kini doku bwiyang, tike ta ku tiwelan titu a dakani. We titu fal, tifuntit bwi we wariyi kwang ta kebu ta ma kile.

¹²Kidangu mang mwale lwangin didangu, m ma dine nii wu a ma kile, ka nii wu nibu a ma kimin kilenge. N ti kiki yikongu n mwal chimin dine ke n fwa chimin mi n Kwama a yim ko tijila nin yinang yinang.

¹³Nang chi a yo n̄itu n̄intu a kummi buke. A bwin n̄itu n̄intu a kummitu, lanta di n̄in ma furi mwen d̄ine furi mwenu n Titus kikund̄inu, d̄ine n t̄ini k̄ini kwang t̄imaka k̄in a ya kunk̄i n̄irang k̄iku.

¹⁴Aya kasi no n fwa k̄im̄in mi m̄in ngau kwiye k̄ini ch̄in, n ke chi dibwi. We yiko yinangu chi nang fwa chim̄ine kwang ka biyil̄imangu, we yiko t̄in ngakku kwiye nangu k̄ini ch̄in a kau biyil̄im we kabu Tituse.

¹⁵Milak̄iku n Titus k̄ima chim̄indangu, k̄ichakakku yinang ka a kur kwamb̄ir ch̄inangu, n ti nabwe dwiyene ta ni k̄in we k̄idangu ta yiu k̄inangu.

¹⁶M̄in ma furi mwenu k̄ik̄angu d̄ine n yo n̄ir we d̄ichine yinang.

2 Koronti 8

A le ni maka t̄ilusanitu

¹Kebu m̄im, k̄ik̄angu n̄in baddu ta yim l̄ime Kwama a ma n̄ibu Makidonyamu m̄ine.

²Nanḡk̄in n chi a nwe riye yinang, we riye n chi a ya dur ch̄inu we, d̄ine furi mwen ch̄inu, n chi a ma l̄ime wu a makak̄i n̄ibange, kasi k̄iku bunitu a la dukan ch̄inangu.

³N ke biyil̄imu mi n chi a ma makak̄iku yinang a sut̄i k̄inat̄in. N chi a ma makak̄iku k̄ini n̄iri diin, a ne nii n̄ibu a yo ko a mawe.

⁴N chi a wana n̄in ko n̄in ni chi da chi kau n̄ibu makak̄im, d̄ine ke n chi a ya da chi letuwe n̄ibu k̄imaka n̄ibu b̄isut̄ir̄im a bale n̄ibu Yafudamu.

⁵Chi n chi a niye, a la chi nang kuranitu. N chi a mwe a ni Tewuduwe dutu chitu, yinu a mat̄in we d̄in̄inne yiko, yinangu Kwama k̄i badangu.

⁶Yo chiti ye, n̄in wana Titus ko a chakakku k̄ini nanga murku kul̄in nik̄inu yo n k̄in nang ni a mwenge.

⁷Nanḡk̄in t̄itu t̄ichakakku we chitu t̄imaditu, ka a keku biyil̄imange, ka a fwaku yam̄ange, ka a yingku biyil̄imange, ka a nangange, n ti yinangu t̄im̄ila n̄inangu. D̄ine yiko t̄ichakakku k̄in l̄ime wu nike we nangan Kwamangu.

⁸Mang yibu mi a mwintuwe ta madu, aya n yung ch̄in ka yungku chitu b̄ikamu a maatu. T̄itu k̄imedu k̄iswe m̄ilaku changu we d̄i n̄inne.

⁹Nanḡk̄in, t̄iyim l̄ime Tewuduwe Yesu Masiya. Kasi k̄iku a ri k̄ini chitangu, n k̄in a kau d̄ilusan d̄ine ch̄ine ke t̄iya kulit̄u we kakku Kwamangu.

¹⁰Mang su chim̄in furi ying: Ka la chi ta swan chi ta mwe a swaru a sunu, n t̄in nang b̄ikak̄imu ta ni mu, yinu t̄ibaddu ta ma t̄in ni k̄iku k̄ida. Aya d̄ine n t̄ini k̄ini t̄ikuran ta made.

¹¹Aya mìn fwa chimìn, tì swan nanga kìku kìnì nìru ta mwe mìnìnu, tìma chi a ne la dukan chìne

¹²Ka n tìn kìnì nìr nikìne, n Kwama ka nwe tamàng niku kìku, ka nang chikiye, ka tìni yinangu dukan chìnù we mìnange, n Kwama a ne kedu ta ma chi a la dukan chìne.

¹³N ke ko mìn baddu mang ni bìkamu chiti bubbuki, yinu bìkamu tìtu kìnì riyeiye.

¹⁴Aya dìnè ke ni keran nangìntu a fiwiine yinang ka dakanang, tìmaka chi kìkàngu yo n tìn kìnì wàre makake. N tìn we kídangu ta newe kìnì chabtangu yinu n chi kìnangu, n chi tìn ka ma makaku. N nang kìswi chitu ka yaandu yinange.

¹⁵Yinangu bimwalìlìmu yàm Kwamamu a fwangu, “Wu a mur nabwene, a swetuwe dukan dìkìnù, wu a muri bayìme, a swetuwe yikiyu tìn.”

N Titus n ti fatìbì kìmù

¹⁶Nìn wana Kwama dìnè n Titus a ke ka maka chìnù yinangu mang kengu.

¹⁷N kìn a ketìbì we ying ko ka ya bwa dìchine yinangu nang wana kìn ko a yangu, aya n kìn ka yadu yinangu a tu a bwàu nìru ko ka yadangu.

¹⁸Dàng, nìn tum chimìne ke chirewu ware n ti kìn, wu dìn kìnù a tìran we nìbu we dìmwar yàm bìlìmìnù we kambi Kwamati kwang.

¹⁹A bwin yiko, nìbu buntìkìmù a sutu kìn ko a kau wu ka nìn bungadu n ti nìn dìnè nangang lìmeng kìku nìn madu ke ni rìka Tewuduwe, dìnè ke nìn yung ko nìnni kìnì nìr makakìn.

²⁰Nìn baddu nang ma chitu a ne ni ka tu niine we kìswi nìn mang kìlìmang kìku kìnì nìri dinange.

²¹Chi a nìr nìnne no nìn baddu nang ma chi a dakani. Aya a newe kakku Tewuduwe n kìkun, n ti kakku nìbangi kwang.

²²Nìn tume ke nìn ware n ti chi, wu kìdati kwang nang swe chimìne, nang yung chìn yinangu a ni nìru we nangangu dangtidangti. Aya kìkàngu a ke kìnì chìnangu, a ke ka maka chìnù yinang.

²³Tìkur tiko, n Titus fate ke nanga, m mìn ti kìn nìn ma nangangu dìnè chìne. Bìkamu fandubu bìbu n chi waremu, nang bìbu nìbu a tume mu. Nangang chiyangu kìbedu kìnì rìkaku we dìMasiya.

²⁴Tiyung nìbu bìbu duum mìlakìmù tiyung chimu. Kìtuu nìbu buntìkìmè a tume chi, ka nwe chi we dìtumbìritu, tìtu ka yung chidu, ka rìka nangang kiyilangu.

2 Koronti 9

Makaku dīne nību buntīkīm a Wurchalimamu

- ¹A Kabi kīng mang mwal chimīn lwangīn we yām makaku nību buntīkīmangīmu a tīm Yafuda.
- ²Dīne n yim tīyo nīr makakīn, nang chi a yo mīn ngau kwiye kīni chīn we nību Makadoniya, mīn yi chidu mi n tīn nību Akayamu tīdo bwi we swāru a sunu. Duum yo nīremu n tīni kīnīmu, a yo n chi a kun a titiye.
- ³Kīkangu, mīn tum kebu bību dīne ke kīla ngaddu kwiye wu kuse we dur chīnu. Aya tīswe kīni doku bwiyang, kangu no mang fa mi ta madangu.
- ⁴Dīne ka n be kīni bīkam nību buntīkīm we Makadoniya, mang kebu be mang yadu ta dobu bwi chiyu. Ka a fwe yiko, ka kau chi dibwi dīne nabwe ngakku kwiye wu mang ma a dur chīnangu, kasi kīku n ke ka mīn n ti chīni kwangangu.
- ⁵Dīne yiko, n ku a la chi, mang wana kebu bību ka bedu ka tu mīnu, ke a mur kulīnitu ta bwau ta niditu, ke a be a ya dīmīlīm. Tītu ka yungdu tīma kīlīmang kīni kīke chīn, nību a yobu chīn yo.
- ⁶Tītabīduwe, nii wu a fi dum chami bayīme, ka kau tīni bayim, ni wu a fi dumu nabwen ne, ka yatī delaku dīkabanu nabwe.
- ⁷Ka wuwule niye, a ni chitu n kīni kīn a nīritu, a newe kīni kaiyan nīre ka ni kwāsu nii wu kwāse. Dīne n Kwama kīmīla nii kīma niku kīni nīri dīne.
- ⁸N Kwama ka medu ka yo delakīku a su kīnatīngang, dīne ke kasi no fere tīkwaladu tīkan chi we. Ka medu ka latī fiko, ke tīma nangang līmengu.
- ⁹Yinangu bīmwalīlīmū yām Kwamam a fwangu, “N Kwama kīfwal tīlusanitu mīnedi kuuu yinangu n kīn a ku diyang. Yile ko a swe kīdiya kwadu a ne ridu riye.”
- ¹⁰N Kwama kīni wu kīfi chiye duum fīkīmu, kīnitī chabtītu. Dīne yiko n Kwama ka ni chīn dumu ke tīfi, n kīn nang wu ka du dumu ka dwiye tīne, nang kīswi niku changu kīku a nīri dinangu ka su chimīn līme delake.
- ¹¹Kasi no fere ka yo chimīn delaku we ka tītīle chiye, dīne ke tīnang ma ni kīku kīni nīri diin ka nang wuwule diye. Nang kīswi nību nabwen ka wana Kwama dīne nabwe kīlīmange yata tun chimīnangu a faḷang nangangu.
- ¹²Dīne nangang kiyilang kīku tīmadangu a titībuwe kana nību buntīkīm, tīntīne kībedu kīni tīkwālī tītu a wanaku Kwamatu nabwen.
- ¹³N Kwama kīya delaku we nabwe niku changu, nību ka dela Kwama dīne tībuntī yām bīlīm Masiyamu, tīntīne dīne nabwe makake tīma nību mīnu n ti kanang wuwule niye.

¹⁴N chi ka twābā chimin buni fal, ka nin kuru kini chin we nittu chintu dine lime wu a su kinatin n Kwama a maatu.

¹⁵Ni wana Kwama dine kilimang kiku a ma ni minangu, kilimang kiku a su kinatingang.

2 Koronti 10

Yinangu m Bulus a so dur kinu we yam nangamangu

¹M mina Bulus m mifwan, min wana chinu min wu nibu kiyidu ko, m mini “bubbuku” yo m min we ware n ti chine, aya “naba runni” yo mang newe n ti chine. Min fwa chimin yamu kini nir kibune n ti lime wu a diMasiya,

²min wana chinu, tikedu m ma chiminu dikulan we ka n yange, dine n yim ka n yange mang wela bibu kiyidu ko chi nin maditu, chi titinimu.

³Kasi kiku ni swedu a titinitangu, kunnu ni ngaddinu n ke didu a titinin.

⁴Nangkin, kulin kunnin ninu n ke didu a titiniin, aya didu a dukan Kwaman, nang kulinu kiwur dukan lan Setanu.

⁵Nin wur yami yikusiyu n ti chi ka yo nibu a ne yim Kwamamu, nin yo tikuran tibwilai chitu a ne dukan we, nin yo nibu kibuntiyilang Masiya.

⁶Kasi kiku ta yung ko tima kwambirangu, nin do bwi nang wela kanang wuwule niye wu a buntibu miyaku mange, wu kifwa yam bikusim we dur mine.

⁷Tidang chitu yinangi kwarikwariyang. Nii ka yidu ko n kin wu Masiya a ma tikan tikuran, ka swaanu ko n nin m bitti Yesu Masiya yinangu n kin weminangu.

⁸Ka kadu yinangu min ngau kwiye nabwen kini dukanu n Tewuduwe a ni nin ko ke nin ru chinu, n ke dine ke a kai chine aya ke a mu chin. A ne fi mang nween dibwiye we.

⁹Mang babu ta dangdu yinangu min yo chimin tayi kini lwangin mitang.

¹⁰We bikamu nibu kifwadu ko, “Lwangin Bulusitu, a ma tureng kini dukan, aya ka n kin we n ti chini n kin n kifwane, n kin n ke naba tiwelane, tintine yam kimu n ke tikan chi.”

¹¹A dakan duum nibu bibimu ka swaanu ko a ne lakakuwe chi nang mwalitu n ti titu nang maditu ka n nin we ware n ti chiye.

¹²N nina biwure! Nang lwebu nang swaka dutu nintu n ti nibu ki ngau kwiye ko chi la ka nang wuwule niyemu. Nibu bibu kiswaka bwiti chiyu n chiyu chifwan, kiyung bineku we dutu chitu, kibaddu ka yindu ka n wure a la chiye. N chi dibu.

¹³Aya a ne nang ngau kwiye ka nang yabu wuka dungkwale, nang titinuwe we fi n Kwama a yo ka firinde, titu a mur chini kwang we mure.

¹⁴Tintine nang ngabbu kwiye dine nangang nangu a twaiti fi n Kwama a no nibu ko nin ma nangang we. Dine yiko nang yabibu wuka dungkwale yinangu nang ya bwa di chine nin ma dimwar yam bilim Masiya.

¹⁵Nin ngau kwiye aya nang yabibu wuka dungkwale, nang twaitibu nangang wuka niyang. Aya nin yo niru ko keku biyilimang changu ka nin sudusube. Nang kiswi nangang nangu we tibe chin ka tirande.

¹⁶Yinu nang mang dimwar yam biliminu we bintitu a kakku n ti chinitu. Nang babu nangangu kwiye kini nangangu wuka nii a tu a ma a bale wukongu

¹⁷Aya yinangu bimwalimu yam Kwamamu a fwangu, “Kanang wuwule niye, wu kibaddu ka ngau kwiye, a ngau kwiye kini Tewuduwe.”

¹⁸Nangkin wu kiwer dur kine, nibu a kebu kini kin, kana nii wu n Tewuduwe a wer kine.

2 Koronti 11

M Bulus n ti fandubu tikwanim

¹N yo niru ta ma bwanu kini min dine wuka yo min fwa yamu yinangu m min dirang. Aya min wana chinu tima bwanu kini min.

²Min mibadi bobu diti kidang we chi kifwedu n ti chinitu, yinangu n Kwama kimibadi bobu we chi kifwedu n ti chinangu. Yinang ni kimibadi bobu we fwanu ko ke a le lo kwarta ko nibu a turbangu, n yo niru mi n tini kwang ta kau nibu Masiya n ke biu wuka niim.

³Aya min nwe tayi ke a kaduwe yinangu soo a butu Awawu kini fural kininu, ke a butidu chin we a bunkiku biyilimangu a diMasiya.

⁴Nangkin ta mwatanbuwe yo nibu ki be bwa dichine. Tike kini chii n chi a miyan a dur Yesunitu, kasi kiku a lakan n ti chii nang ma dimwar kinitangu. Tike kini Fikimu n chi a bwa ko chii ni chinimu. Fikim bibu n ke bibu ta yiu a diKwamamu. Tike tini kini yam bilim chimu, kasi kiku a lakan n ti bibu nang fwa chiminimu.

⁵Min kamadu, bibu tiyalu tiko, “Fandubu biduumimu,” a layibu kini tikan chin.

⁶Ka mang kwala miyaku fwaku yamange, aya mini kini yingkiku. Nin yung chin bibu a wariyu nabwen.

⁷M ma chimin dimwar yam bilim Kwamami limang. Mang nibu dur minu dwiyentu dine ke tiya rikaku. Yoye n lelenga?

⁸N yiu we kambiritu we bikamu nibu buntikim dine nanga mangu a dichinengu. Mang medu mang yidu mi n kwabbe we dicheye dine ke n ma chimin nangang.

⁹Yo no min we ti chine, n kwala kambir, aya mang yibu chin yam. Kebu nibu buntikimu a Makidonyamu nang bibu a be miye kini chi min badditi kwange. Mang yibu mi timakai, tintine, a ne mang yo chimin kidandaku, mang chakaku kini maku yikongu.

¹⁰Dine biyilim Masiyamu a dime mu, nang chitu a yo mang fwa mi, we tim Akayami kwang a ne ni wu ka kodu ko n du kukuku durangu we.

¹¹Yo min fwadi ye a yung mang mila chinba? N Kwama a yim ko min mila chinu.

¹²Mang chakaku kini niru mang bwa mi a ne mang yiu kambir makaki chinu, ke n yung Fandubu tikwanim bibu a ngadu kwiye we ko nangang chiyangu a firamin n ti kinangu.

¹³Duum nibu bibimu n ke fandubu biyilim aya fandubu tikwanim. N chi kima nangin tikwani, kimar dutu chitu yinang fandubu Masiya.

¹⁴N ke chi yar yii, kono nang Setan kiyung dur kinu yinang naba ditumbiri wu a yiike.

¹⁵Dine yiko, a kabu chi yar yii, ka kabi kiyu kiyung dutu chitu yinang nibu nangang kiyilange. Dine we di swan kutenge n chi ka ya kitime a fira min n ti nangin chite.

Riye m Bulus a nwe we nangan Fandubang

¹⁶Min fwa tinu kida, wuka ni a kiladu a kamaduwe ko m min dir. Aya ka ta kamadi yiko, tike kini min yinang dir. ke m min n yat chi bayim wu mang ngan kwiyetu.

¹⁷Ngakku kwiyengu n ke chi Tewuduwe kibadde, aya min madu yinang dir.

¹⁸Aya yo bikamu kingau kwiye kini kasan titinitu, m min mang ma tini yiko.

¹⁹Kila wureni? Mare n tin bibu tikamadu ti tikasan yinangimu, tisi kitele we yam dirimu!

²⁰Nangkini, yo nibu a yo chin a kabiye, mare timu niri chiku, ka a yitu chi we dichine, ka a nwe tamang change, ka a yung chin ko kilwenge, ka a ngau chin a kabbe.

²¹Min nwe dwbwi yinangu mang yidu mi n chini ni kitanang we nangin titangu. Aya ka wuka ni kikukku dur kinu a tikan chiye, m min tin mang mu niru mang madi yiko, we fi min fwa yamu yinang dir.

²²Ka n chi Yafudawa, m mini yiko tin. Ka n chi Yisrela, m mini yiko tin. Ka n chi kifiku Yibrayim, m mini yiko tin.

²³N chi k̄ima Masiyam̄in nanganga? M m̄in m Masiya. (We fi yam̄ m̄imu yinang naba fanḡimiye.) We yiko n la chi k̄ini funt̄iku bwiyan̄gu yinang yinang, n̄ibu a kwai, n̄ibu a ngai nabwen, yotiyu nabwen m̄in ya dur m̄inu a fi a lwe mang bwaangde.

²⁴A k̄iswitiyu dangtidangti K̄ida yuunu, n̄ibu mwatak̄im n̄ibu Yafudamu a twalai k̄ini kwant̄angu wan t̄ita chiri turkubu.

²⁵K̄ida yitta n̄ibu mwatak̄imu a Romamu a twalai. T̄int̄ine n̄ibu a kwelai k̄ini kaliyu k̄ida kiin, kwamb̄ire mwe a wuren k̄ida yitta k̄ini m̄in we mure. Da kiin, n di kuko n ti kum k̄isul sul sul we a mwe yinu n̄ibu a be chaki.

²⁶We t̄ibwalan mitu, n nwe riye nabwen we mweti layu n ti dab̄ikumu k̄iwur n̄ib̄imu. N le riye we F̄ali kuti chireyu n ti yikayu kuuti. N le riye we b̄int̄i t̄iduitu n ti bet̄i b̄int̄iyu, n le riye we lati yiduiyu n ti n̄ibu bunt̄ik̄im b̄ikwanimu.

²⁷N ya t̄ifumantu nabwen, n nwe riye, mang dab̄i duum, a ne chabtu we, dimwen wetuwe. Datiyu nabwen yiyu mang kwala chabtiyu. N da a suyi, a ne luke mang bul̄in bwiye we.

²⁸A bwin t̄itu mang kiyebitu, kanang wuwule diye k̄id̄ad̄ak̄iku n̄ibu bunt̄ik̄imangu n we dur m̄inu.

²⁹Ka wuka ni a k̄itane, k̄imadu yinangu m m̄in mang k̄itanang, ka wuka nii a ma k̄ile, t̄itu kiyodu m̄in ma k̄ifwini.

³⁰Ka a kau mang ngau kwiye, mang ngaddu k̄ini chitu a yung k̄itaku mangitu.

³¹N Kwama a yim mang mwebu t̄ikwani. N Kwama n ti Te chire, Tewuduwe Yesu Masiya, dela k̄iku a swe ware n ti k̄in k̄idiya kwadu.

³²K̄idangu m m̄in a no Dimaskuwangu, kwabna wu a wume Mai Areta a yo n̄ibu ko a to kwatu Dimasku ko ke a tai.

³³Aya fat̄ib̄i m̄imu a yoi a k̄it̄ing, a mariye k̄in a bwang ya kwale b̄ine, nang tiyangu mang swim̄in we f̄ali kiyangu.

2 Koronti 12

Chitu n Yesu a yung Bulus a dwakam biyil̄imitu

¹Kasi k̄iku ngakku kwiyengu k̄ini kwang ka d̄it̄angu, mang chau kakki k̄in. K̄ik̄angu, mang chakakku mang fwa chitu n Tewuduwe Yesu Masiya a wudumi n ti dwakam biyil̄imitu n ti chi yaka fwede.

²N yim wuka naba bunt̄ike wu we swat̄iti kub chiri taana a sutu F̄ik̄im Kwamam a dau k̄in a chun twiye wu kutane, (mang yimbu ka t̄itu a fwe biyil̄ime, ka kana dwakam biyil̄im, kana Kwama a yim).

³N yim nii wu, Fikim Kwamam a dau a yikan twiye wu kutane kwang, ka kini bwi yiye ka a newe yiko, kana Kwama a yim.

⁴We bwa ko, n kin a nwe yikai yami yiyu a ne nii ka fwade we. Duum bibu nii a time a ne medu ka fwa yam we dur kinim.

⁵Mang ngau kwiye kini nii wu, aya ne mang ngau kwiye kini dur minu, ka n ke a chi kiyung kitaku mange.

⁶Chitu mang ngan kwiyetu we nabwen, aya ne mang kadu nang dir ka n ngau kwiye, dine mang fwa biyilim. Aya a ne mang ngau kwiye dine ke nibu a yoya nir we chitu n chi a ku kini nui chiye a nwe tini kini kiteli chiyengtu.

⁷Dine ke n ngaddu kwiye kini chii n Kwama a wudu mang kuutu, kaang burang a be tai kiku a le bwimiyu yinang kiselang kiki yikinang. Titu a kau yinang wuka ni wu n Setan a tume ko ke a be, a ni riyenge, dine ke a dangi ngakku kwiyengu.

⁸M biu Tewuduwe da yitta mi a chakimi burang kiku,

⁹Aya kiyaiyu ko, "Lime mi a lwen, dine we kitaki mwangu, ni ku dukan kinu a duyen nabwen." Dine yiko, mang chakakku kini ngakku kwiyengu, kini timilan, kini kitaku mangu ke dukan Masiya a swe ware n ti min.

¹⁰Dine yiko n ke kini kitaku mangu, n ti kisulile nibu kimamide n ti riye n ti fumakiku n ti kikumetiyu dangtidangti dine Masiya. Dine yo mang kitane, yinu n ya dukwanu.

Tikuran Bulusitu we nibu buntikimu a Korontom

¹¹Bwa dite n ma, aya n tin nang nibu ta yoyimu. N tin nang nibu a no dakan ka weriyimu. Kasi kiku m min n ke tikan chiyangu, a dakabu nibu bibu tyalu ko "Fandubu biduum," chimu bibu ka layu.

¹²N Kwama a ma chi yar yiitu n ti chi katakitu a falang mang we tibe chin, ferediye n ma nangangu kini bwanu. Chi yar yiitu n ti chi katakitu a yung ko n min Fandu wuyile.

¹³A wuwule ware wu mang yung chin mi n tin tinewe yinang bikamu nibu buntikaime? Ka dine mang dang chin mi timakayuwe kini kambira? Tidumi we kitaku mangu.

¹⁴N do bwi, mang ya chimin siram kitarang. A ne mang yo chimin kaang tureng, dine min bau chinu n ke kambir chin. Nangkin a dakabu bwesimu ka dau tureng selibu chimu, bunge selibu a dau tureng bwesimangu.

¹⁵Mang nwe tamang chiku chi mini kine, kasi no mang su dur min we, ke n maka chin. Tikitu milaku tima midanga? Dine min su milaku changu kilan fiko.

¹⁶Ta kedu kini min tiko, mang ma chiminbu tureng. Aya wuka nii ka yidu ko n min kini seta yii, n swaku chin kini tikwani.

¹⁷N sul ch̄in a wuka we b̄ibu mang tume a d̄ichine ma?

¹⁸N wana Titus a ya ware n ti wuka ke chire naba bunt̄ike. Ta yidu tiko n Titus a sul ch̄ina? Yoye m m̄in n ti k̄in nang yabu ka nangang ki kiinanga? Warenu wu a newe wiina?

¹⁹T̄ikamaduwe tiko we k̄iswi wu, n̄in funt̄ika bwi nang so yiniyu we d̄i ch̄ine. N Kwama we, n̄in yim n̄in fwa biyil̄imu a d̄in Masiyanu. T̄int̄ine kasi no n̄in ma t̄it̄ile chi, keb̄im̄im̄ b̄ibu m̄in m̄ilad̄im, n̄in ma ke t̄iya dwiyeku.

²⁰M̄in kat̄adu mi yo mang be bwa d̄ichine, ke n yadu lakak̄iwe d̄ichine we kangu m̄in baddu mang yan ch̄inangu, yinu n t̄in ta ya lakak̄iwe kangu t̄ibaddu we m̄inengu, m̄in wulu mi ka yamang ya d̄ikulang n ti k̄ifwini n ti n̄ir diyann̄in n ti bakku durang n ti t̄ituran n ti t̄ifwaran n ti kuk̄iku durang n ti kulangkulange.

²¹M̄in wulu mi ke n k̄ila t̄ibwana d̄i ch̄ine we, Kwama mi ka yodu mang nwe dibwi we kakku changu. Mi wulu mi ke k̄ila n madu furi k̄ilin we d̄ine n̄ibu nabwen b̄ibu a no k̄ima k̄iletimu. Kanang chikiye, b̄ibu a wobu k̄it̄im we yaritu n ti k̄if̄ib̄tiyu n ti duum dati yiyimi kwang.

2 Koronti 13

K̄ikure m Bulus a swanm̄ine

¹K̄iku ka kau k̄itarang yinangu m̄in ya bwa d̄ich̄inengu, yinangu b̄imwal̄il̄imu yam Kwamam a fwa ko, “Yam̄u a n̄ibi burau ka b̄it̄angemu a tituwemu k̄ini k̄ikwi.”

²We bek̄ik̄irobang mangu, n ngau k̄ikure we b̄ibu a k̄itan̄imu n ti b̄ikamu n̄ibi kwang mi a du k̄ilet̄iyu. K̄ik̄angu mang newe ware n ti ch̄inangu, m̄in ngatti k̄ikure we k̄ida d̄ine ka n yange a ne ni wu ka swidu we t̄iwelantewe.

³Ka t̄ibadu ta yindu tiko m Masiya k̄ifwa chi m̄ine yame a d̄im̄ine, ta yindi ying. M Masiya a k̄it̄abu we tibe ch̄in n ti k̄iki yikongu a yung dukan k̄inu we tibe ch̄in.

⁴Kasi k̄iku n̄ibu a kuka k̄in a kwalan dukanengu, aya k̄ini yiko, k̄ini t̄ikuritu a dukan Kwaman. N n̄in t̄in n̄in newe k̄ini dukan, aya we nanga k̄iku nang madu a tibe ch̄inangu, n n̄inni k̄ini t̄ikuri a dukan Kwaman.

⁵T̄isw̄ak̄a dutu ch̄intu n t̄ini k̄ini kwang ke t̄iyim ka we t̄ibunt̄i Yesu Masiya k̄ini keku biyil̄imang, t̄inang sw̄ak̄a dutu ch̄intu. Yoye ta yimbu tiko m Masiya we n ti ch̄ina? Biyil̄im̄ n we, ka ta k̄it̄abu a wuka bale we sw̄ak̄ake.

⁶M̄in yo n̄iru ta kedu tiko nang k̄it̄abu, yinu n Kwama a ke n̄im̄in t̄in.

⁷We fi nang yungbu ko n̄in tu n̄in chau k̄ila. N̄in tw̄ab̄a bunitu we d̄i Kwama ko a maka ch̄in t̄iledu bwila we, aya t̄ima chitu a dakanitu, kasi k̄iku n̄ibu ka kudu yinangu nang k̄itanang.

⁸Nangkin nang bunt̄i kuteng biyilimang, a ne nang medu nang bunt̄i chi kik̄atadu n ti biyilimitu.

⁹Nin ma tim̄ilan ka nin newe kini dukane, aya n tini kini dukanu. Tintine nin tw̄ab̄a chim̄inu ko Kwama a yo w̄ari chiyu a ya der.

¹⁰Nang chi a yo mang mwal chim̄in lwangin didu yo m min mang newe n ti ch̄ine, d̄ine ka n benge, ke n yo chim̄inu riye we yam̄ maku nangangu kini dukan didu n Tewuduwe a niyinu, dukan mukku nibu bunt̄ikimang n ke didu ka yo nibum̄in yaren.

Yam̄u m Bulus a swamm̄inim

¹¹Mang swan yamm̄imi ying, keb̄im̄im, n Kwama a lanni wuka di limang. Tifunt̄i bwi we fi swe dim̄bilime, ti nwe yam̄ mimu, t̄ike kini yichiyu, tim̄ila yichiyu. Nang kiswi n Kwama a m̄ilan nibe n ti wu a limange we n ti ching.

¹²T̄isii yichiyu kini kwarkak̄iki kiyilang.

¹³Nibu bunt̄ikim̄ Yesu mi kwang kisii ch̄in tedu.

¹⁴Lime Tewuduwe Yesu Masiya, m̄ilaku Kwamangu, n ti kunkaku fikim̄ Kwamam a swe ware n ti ch̄in kwang.

Kalatiyam

Kalatiyam 1

Djisir Bulusin

¹M̄in n fandu Bulus, m m̄in nang wu mang mwal lwangin d̄ide. A ne n̄ibu ka wuka niye a yo m̄in we nangang k̄ikangu. Aya ni a yaliye n Yesu Masiya n ti Kwama Te wu a kukku K̄in we bwange.

²Kebu i kwang b̄ibu a fi ware n ti m̄in̄imu k̄isiite n̄ibu bunt̄ik̄imi n ti b̄ibu a Kalatiyamu.

³L̄ime n ti l̄imang k̄iku k̄ibedu a d̄iKwama Techire n ti Tewuduwe Yesu Masiyangu a swe ware n ti ch̄in.

⁴N Yesu a ni dur k̄inu d̄ine k̄ileti chireye ke a yuni we k̄idang k̄ikwang kiku, d̄ine k̄ike Kwama Techire.

⁵Dwiyentu a d̄iKwama k̄idiya kwadu. Amin.

A ne b̄ikam yam b̄ilim b̄ibu be ka lakadu n ti b̄ibimu we

⁶Chitu kiyari yii, d̄ine a bak̄iswi bayim t̄ibadu ta du Kwama, wu a yale ch̄ini d̄ine l̄ime Masiya, t̄ibunt̄i wuka ware wu a b̄ikam yamme.

⁷A ne b̄ikam yam b̄ilim we dang, aya n fwa ying d̄ine b̄ikam n̄ibu we b̄ibu k̄imute chim̄in n̄itu chint̄imu, n chi k̄ifunt̄ibwi t̄int̄in ka sute yam b̄ilim Masiyamu.

⁸Ko no n̄in n̄in fwan ka wuka naba d̄itumbire Kwama wu a diye a ne kadi yiko, beka fwa chim̄in b̄ikam yam b̄ilimim dang n ti b̄ibu nang fwamu, n Kwama ka kai ni wuko.

⁹Yinangu nang wi nang fwa chim̄in ferediyangu, m̄in fwa chim̄in t̄idu k̄ida kikangu, ka nang wuwule niye wu a ma chim̄in d̄ikan d̄imwar yam b̄ilimu dang n ti d̄idu nang mwa chim̄inine, n Kwama ka kai nii wuko.

¹⁰Ka k̄iswi min fwaan yame k̄ikangu a yung m̄in funt̄i b̄wiyu mi n̄ibu a ke k̄ini m̄ina? A newe yiko. chi m̄in badditu nang t̄itu. N Kwama a ke k̄ini chi m̄in fwaditu. T̄ikamadu m̄in funt̄i b̄wiyu mang l̄ima n̄ibu m̄in n̄ita? A newe yiko, ka no m̄in we min l̄ima n̄ibu m̄in n̄ite, a no mang kabu naba nanga Masiya.

Yinangu m Bulus a kau fanduwangu

¹¹Kebu m̄im, m̄in baddu mang fwa chim̄inu mi yam b̄ilimu m̄in mwa chin̄imu, a chirebu a n̄ibu.

¹²D̄ine mang yuwebu a wuka nii, t̄int̄ine a ne nii a miya miye we. Aya n Yesu Masiya n k̄ifwan a wudumi.

¹³Nangkin a ta nwe duum damu mang ma k̄idangu a ya m̄in bunt̄i wari n̄ibu Yafudamu. Tinwe yinangu mang ni n̄ibu bunt̄ik̄im Kwamamu riyengu yinang yinangangu, yinangu m̄in funt̄i b̄wi mi mang ch̄ibe chidangu.

¹⁴Tintine n la nibu nang kun ware we da buntiku ware nibu Yafudamu, n ti nir buntiku dati tukebu chim bibu a nibu Yafudamu yinang.

¹⁵Aya n Kwama we lime ko, a sutu min yo nibu a tibu biu mine, a yali, a nwe tamang,

¹⁶a wudu nui miyu we bweko n Yesu, ke n mwa yam bilim kimu we yikayu kuuti. Yo titu a fwe, mang buwebi yam wuka ni.

¹⁷Tintine, mang yabuwe bibu a Wurchalimamu n chi bibu a tu min we nangang fandu tangu. Aya n su binabina n yika tim Larabawam yinu m be n kila Dimasku.

¹⁸A kutengu swati tittangu, n yika Wurchalima dine ke n tekamin n ti Kefas. M ma ditiyi kub chiri yunu n ti kin.

¹⁹We kuteng kiku mang kubu wuka we Fandubu ko wiin ka ke Yakubu, ke Tewuduwe.

²⁰Min fwa chiminu a kakku Kwamang, yam bibu mang mwal chiminmu ke tikwani.

²¹A kuteng kiku, n yika tim Suriyam n ti Kilikiyam.

²²Nibu buntikim Masiya a Yafudiya, a swanibu kabu n ti kabu.

²³Aya chi a nwekanweku ko, "Nii wu a no kifuma nide, nang wu a kila kima dimwar keku biyilimu n kin a no kibaddu ka kaiyu ferediye."

²⁴N chi a rika Kwama we chi a ma dine minitu.

Kalatiyam 2

Fandubibu a yiu Bulus

¹A kutengu swatiti kub chiri taanangu, n kila Wurchalima n ti Barnaba. We kiku kidang n tattit Titus we.

²N ya dine n Kwama a wudumi ko n yange. Yo m min we bwako, n ya tikaketi nibu buntikime, yinu n fwa chimin yam bilim mang tau min fwa yikayu kuuti mindimu. M ma yiko dine ke banang mangu mang ma a dimwar yam biliminu a kadu tikusi we.

³N Titus wu kibungadu n ti mine, a bibu laaru, dine n kin naba Yelena. Kasi kiki yikongu, nibu a yibu kin ko a ke a kau naba Yafuda.

⁴Yam biku laarimu a kun dine nibu bibu a lewe kini tikwanimu, n chi a lewe ke a kai da wu n chi kin a diYesuwe. N chi kibaddu ka yo chini yinang kabi.

⁵Aya nang kinta chibu ko bayim, dine nin baddu ta chakaku kini keku biyilimang changu.

⁶Kikumang, tikaketiyu a n̄ibu a ke k̄ini chi we Wurchalimayu, a subu t̄ikan chi we miyaki mangu (We dangku mangu a ne lakaku we, d̄ine n Kwama a yungbu lakaku)

⁷Aya n chi a ku n Kwama a ni m̄in da wu mang fwa yikayu kuuti m̄in yam bil̄imu yinangu n k̄in a ni Bit̄ir da a ma n̄ibu Yafudam m̄in d̄imwarangu we da biku laare.

⁸Nangking Kwama wu a yo Bit̄ir a ma nangang Fandu we n̄ibu Yafudam ka wu wiine, nant̄i wu k̄ima nangang a n̄ir m̄in ke m maka yikayu kuuti a bibu laar̄imu.

⁹Yinangu n Yakubu n ti Kefas n ti Yowana a ku kangu mang ya l̄ime Kwamangu, n chi a ke biyil̄imu. N chi b̄ibu n̄ibu a ke k̄ini chi ko tikaketimu a yiu m̄in n ti Barnaba k̄ini n̄iri diin. N̄in kekan ko n n̄in nang ya bwanu a yikayu kuuti b̄ibu a bibu laar̄imu, yinu n chi ka ya bwa a b̄ibu n chi n̄ibu Yafudame.

¹⁰N chi a kur n̄im̄in ko n̄in tab̄idu babumb̄ibu a bale chimu we, t̄itu nang chi a ya we n̄ir m̄inu m̄in baddu mang maditu.

M Bulus a kwabbu Bit̄ir we Antakiya

¹¹Aya yo n Bit̄ir a be Antakiya, n kwabbu k̄ini kwakwari d̄ine n k̄in a ma k̄ile.

¹²Yo n k̄in a no k̄ichau chabt̄itu n ti n̄ibu bunt̄ik̄imu b̄ibu n ke kuu Yafudamu. Aya yo Yakubu a tum b̄ikam we Antakiya, m Bit̄ir a woong bwi kiyu. N k̄in a ma ying d̄ine k̄inwe tayi b̄ibu kiyidu ko a mwintuwe nii ka bii laare.

¹³B̄ikamu n̄ibu Yafudam a bunt̄i Bit̄ir we d̄itu ch̄itu a k̄ilat̄i kuteng. N chi a but̄i t̄in Barnaba a yo n k̄in a ke t̄in.

¹⁴Yinangu mang ku n chi a bunt̄ibu biyil̄im yam Kwamamu, n yi Bit̄ir we kakku n̄ibangu kwang mi, “M mun naba Yafuda, aya mun bunt̄i dati n̄ibu b̄ibu n ke n̄ibu Yafudamu. Yoye ta yo yikayu kuuti m̄inu tiko a mwintuwe ka bunt̄i daati n̄ibu Yafudama?”

N̄ibu Yafudam n ti yikayu kuuti a ya yuku a ware wiin

¹⁵N̄ibu a b̄iu n̄in n̄ibu Yafudam n ke n̄ibu k̄ilet̄im yinang yikayu kuuti,

¹⁶Aya ni yim n Kwama k̄imar ch̄ini n̄ibu yilem d̄ine keku biyil̄imangu a d̄in Yesu Masiyane n ke bunt̄iku yilang. Ka n ke ni a ni biyil̄imu a d̄iYesu Masiyange. D̄ine yiko n̄in n̄in ni dutu n̄intu we d̄iYesu Masiya. N̄in ma yiko d̄ine ke n̄in kadu n̄ibu k̄ileti we kakku Kwamangu, a kuteng yilang.

¹⁷A kabi yire ka ni yo n̄iru ko ni ya yile d̄ine keku biyil̄imang a d̄in Masiyane, yinu k̄ila ni yadu n ch̄ini n̄ibu k̄ilet̄imi chike? Yoye t̄itu kiyungdu n Yesu a m̄ila k̄iletiya? A newe yiko, ko bayim!

¹⁸Aya ka n kukk̄it̄i yil̄in t̄ikar̄itu a no a twiyanitu wenge, a yung n kau ni wu k̄iki yilange.

¹⁹Nangk̄in, n ke mi mang bwadu we yilangu, d̄ine ke n dwiyen we d̄i Kwama.

²⁰M m̄in m m̄ifwan, n m̄in n ke wukure, aya m Masiya k̄idwiyedu we bwi miyu. Dami we t̄it̄initu m̄in ma wu a yo n̄ire we Bwe Kwama. Wu a m̄ila m̄in a ni t̄ikuri kitu d̄ine m̄ine.

²¹M̄in ne mang ko l̄ime Kwama. Aya ka ni ka medu ka kau wu a ne k̄ilewe kakku Kwamangu d̄ine k̄ibunt̄i yil̄ine, t̄itu a yung bwa Masiya a kau wukuse.

Kalatiyam 3

Ni swidu kana keku biyilimang

¹N t̄in n̄ibu bunt̄ik̄im a Kalatiyam, wule yo t̄imadu yinangu ta kubu diyange? Ta kurbu yinangu mang fwa chim̄ini tas mi n Yesu Masiya a bwa d̄ine ch̄in a k̄it̄iyang bwanga?

²M̄in baddu mang ma chim̄in d̄ib̄id̄idi diin, t̄iyiu F̄ik̄im Kwamamu d̄ine t̄ibunt̄i yil̄ina, ka d̄ine ta nwe ȳam biyil̄imu ta ke k̄ini ma?

³N t̄in d̄ibba? T̄imwet̄i chiti ram k̄ini f̄ik̄im yinangu a dakanang, k̄ila k̄ik̄angu da bwiye a ti kakku, t̄ima nangang bwiyang.

⁴D̄ang nabwe riye ta nwe we nangang ȳam bil̄im̄ime? Yoye ka kau t̄ikusiya?

⁵Yoye n Kwama a ni ch̄in F̄ik̄im k̄imu, a ma nangin chi k̄atak̄itu we tibe ch̄in d̄ine t̄ibunt̄i yil̄ina? Ka d̄ine ta ke biyil̄imu we chi ta nwenga?

⁶A w̄are wiine, n Yibrayim a ke biyil̄imu we d̄iKwama, n Kwama a yiu k̄in a mar k̄in naba yile

⁷D̄ine yiko a dakan ta swaanu tiko, bwes̄im Yibrayim i siin̄imu n nang b̄ibu a bunt̄ik̄in we keku biyil̄imangu a d̄iKwamamu.

⁸Ȳam Kwamam b̄imwal̄il̄imu a fwako, wuka kuu b̄ibu n ke n̄ibu Yafudame ka medu ka ya yile we kakku Kwamangu d̄ine keku biyil̄im chiyangu. N Kwama a fwa Yibrayim m̄in ȳam bil̄im b̄ibu feredi yoko yiko, "Kutiya kwang ka ya delaku a d̄imune."

⁹Yibrayim a ke biyil̄im a d̄iKwama a yat̄i delak̄iku. We yiko, ni wu a ke biyil̄im a d̄iKwama, ka yat̄i delaku yinang Yibrayim.

¹⁰Nangkin, n̄ibu b̄ibu k̄ikuradu ko Kwama ka yiu chidu d̄ine n chi k̄ibunt̄i miyaku yil̄in Musayimu, n chi ka kaiyadu k̄ini yiko. D̄ine ȳam Kwamamu a fwa ko, "Kanang wuwule niye wu a bunt̄ibu chi yilangu a fwange, ka bwila k̄im̄inu."

¹¹Ȳam b̄ibu yi kw̄arikw̄ari, a ne ni ka kau naba yile we kakku Kwamangu d̄ine k̄ibunt̄i yil̄ine, d̄ine ȳam Kwamamu a mwal ko, "N Kwama k̄iyiu n̄ibu yilemu d̄ine keku biyil̄imang chiyangu."

¹²Wu w̄are keku biyilimange a lakan n ti wu a yil̄in Musante. Yinangu ȳam Kwamam bimwalil̄imu a fwangu ko, “Nii ka tum chitu kwang we chi yilangu a fwaate, nang chi ka yut̄i k̄ine.”

¹³Aya n Yesu a tu ni we bwila wu a bunt̄iki yil̄inange. Yo n̄ibu a kuka k̄in a k̄it̄iyang bwange, n k̄in a d̄au bwila a no ya nidu d̄ine k̄ilet̄iye a dur k̄in. D̄ine a mwal ko, “Kanang wuwule niye wu n̄ibu a kukan a k̄it̄iyange, a yung a bwila ni wuko m̄in.”

¹⁴Yo n Yesu a tu niye, delak̄iku a ma Yibrayim m̄inangu a ma b̄ibu n ke kuu n̄ibu Yafudamu m̄in t̄in, ke a yo chi m̄in delaku a d̄in Yesu Masiyan. We yiko t̄int̄in, ni ya F̄ik̄im Kwamam d̄ine keku biyilimang.

Yilangu n ti bw̄ak̄iku

¹⁵Kebu m̄im, mang swe chim̄inu k̄ini chi we da chire kwade. Ka n̄ibu a ma bw̄ak̄i a kekan a d̄ika fal̄iyu we chi yaka made, wuka ni a ne kwiradu, a ne ni ka sute chiye we.

¹⁶N Kwama a bw̄au n ti Yibrayim n ti wuka nii we k̄ikuwang kangu, a dakabu ni d̄adu ko kifwadu n ti n̄ibu, n k̄in kifwadu n ti Nii wiin, Nii wuko n nang Yesu Masiya.

¹⁷Chi m̄in fwaditu nang t̄itu: Bw̄ak̄iku n Kwama a bw̄au n ti Yibrayimangu a ne kwiradu we sw̄at̄itu 430 yo Kwama a ni Musa yil̄inte. T̄itu ka yungdu n Kwama k̄ikwira bw̄ak̄imangu.

¹⁸Nangk̄in ka delaku Kwamangu k̄ibunt̄inu a yilange, a no neka bunt̄ini a bw̄ake. N Kwama a ni Yibrayim delak̄iku d̄ine bw̄ak̄iku n Kwama a mangu.

¹⁹Ka yiko, wureni a yo n Kwama a ni yilange? N Kwama a ma yiko ko ke k̄iyung n̄ibu k̄ilet̄iyu ditiyu k̄id̄ang. T̄ichitu wu a fwe ko ke a lam̄inti k̄id̄angu bukebu k̄ikut̄iribe wu n̄ibu a bw̄au ȳam a dur k̄ine ka bedangu. N Kwama a tume n̄ibu t̄itumb̄iri k̄imu k̄ini yilangu ko a ya ni Musa n k̄in wu a le tibe Kwama n ti n̄ibe.

²⁰Ka n̄ibi burau a kekan a ȳame, a dakan kano fware we. Aya n Kwama wu n k̄ikune, a mabu nanganu k̄ini fware yo a bw̄au n ti Yibrayime.

Yilangu a niibu yile n ti t̄ikuritu

²¹Yoye t̄itu k̄iyungdu yilangu k̄ikatadu n ti bw̄ak̄i Kwamanga? Ko bayim! Ka no kaang yilang ka ni ch̄ini t̄ikuriye, a no n Kwama ka yiu ch̄ini d̄ine bunt̄iki yilang kangu.

²²Aya ȳam Kwamamu a fwa ko, “T̄it̄initu kwang ni kau k̄abi we k̄ilet̄iyu, d̄ine ke bw̄ak̄i Kwamangu a kau d̄ine ka nang wuwule niye, wu k̄ini keku biyilimang a d̄in Yesu Masiyange.”

²³Yo no ȳam keku biyilimu a tibu bede, a no yilangu a tal ni yinang n̄ibu a le d̄ib̄int̄il̄im. A no a ne da niin chire we ka n ke w̄are keku biyilimang a d̄in Yesunu a be chire.

Bwesim Kwamam bibu a keku biyilimang

²⁴We wuka kiswi, yilangu a maka ni a laminti yo n Yesu a be titinite. A to niye a laminti kidangu niyang ya yile dine keku biyilimang a din Yesu Masiya, ni kau nibu yilem we kakku Kwamangu.

²⁵Aya we kikangu keku biyilimangu a ya fiswengu, niyang babu yilangu a no kima makakangu.

²⁶Kikangu dine keku biyilimangu n chini kwang kana bwesim Kwamam.

²⁷Aya yoko ni a ma batisma, a kau tiyangu ni a le Masiyangu, kanang chikiye, yinangu ni a yau luke wufwieng.

²⁸Dine yiko, kikangu a ne tikan chi we ko, naba nibu Yafudame ka naba Yelena, bwe ka kabe, kwarta ka naye, n tini kini kwang tikabbi wiin a diYesu Masiya.

²⁹Ka a kabi ying n tin m biu Masiya, a yung n tin kikuwang Yibrayim, ta chau kula wu n kwama bwabe.

Kalatiyam 4

¹Ka bwe wu ka chau kula we yo n kin we bwe tire, n kin n ti kabe a fi wiine, kasi kiku kulin tewuduwe kwanginu dikinengu.

²N chi kanin bunti tebu birobi chimu n ti wakili a tau chimu ka laminti kiswi te a yi ko n chi a lwe nibe.

³A fiwiine n ti chini, yo n Yesu a no tibu bede, n chini a no yinang bwesim, dati titiniyu a no kwaba chini ni kau yinang kabi.

⁴Aya yo kiswi siine a lame, n Kwama a tume wuko Bwe, fwan a biu yinangu nibu kibiu bwesimangu. N kin a dwiyen we daati nibu Yafudamu a bunti yilin chitu.

⁵N Kwama a tum kine ko ke a bau chinimin da, n chini bibu a no niyang le kabi a yilin nibu Yafudamu, ko ke ni kau kasi bwesim Kwamami biyilim.

⁶Dine n chini bwesim kime, n Kwama a tume Fikim Bwekomu we nitu chiretu, bibu kiyalu ko, "Tete, temi."

⁷Dine yiko, n tin n ke kabi, aya n mun bwe, n Kwama yo m mun bweko, n Kin ka ni chin chi n kin a yo bwesim kim mine.

Yam nibu Kalatiyam a bu Bulus nir

⁸Yo ferediye a no ta yimbu Kwama, a no n tin kabi kwamati yiyu a dakabu ta siidi.

⁹Aya kikangu ta yim Kwamangu, a mayire tbadu ta kila tinu we siiku tiyobitu n ti kifibtiyu a ne ka maka chiniye? Yoye ta kilati kabi titu a dati chiyu wenga?

¹⁰Dang yinangu tífuntìbwi tìma yeni nìbu Yafudamu, ka nang wuwule wandi n ti swang n ti sware ti ke n Kwama a nwe tamang changu.

¹¹Mìn kàtā chi tìmaditu. Kiyungdu nangìn mitu mang ma a díchìnetu a kau tìkusi.

¹²Mìn wana chinu kebu mìm tìchaku yichiyu we yilangu yinangu mang chaku yimiyangu. Ta ma mibu wuka kile.

¹³Kìkumang ta kuru tiko kìdangu mang nwebu tamangangu, nang kìdangu mang ya kìswi ya mang ma chimìne dìmwarangu.

¹⁴Kasi kìku burang mangu, a bu chin nìrangu, ta kobu mìn dìne bura mange, tìtai kani yurabu. Tìyiu mìn yinang naba dītumbìre Kwama a lakabu n ti yinangu ta yiu Yesu Masiyangu.

¹⁵A no tìri kìnì tìmilan kìdang kangu, a bwale tìmilan tìkitu. Mìn fwa biyilim a no ne chi neta madu ke tìmakaye we, kono nui chi no ta chakìdu ta niyu ka ka kadi yiko.

¹⁶Kìkangu n kau chimìn fakware, dìne mang tau mìn fwa chimìn biyilìma?

¹⁷Nìbu yungku tìkwanim bìbu kìbaddu ta kau bìchimìmu, a mabu dìne ke tìya lìmang, n chi kìfuntì bwi ka kera chinu n ti mìn ko ke tìkau bìchiim.

¹⁸Kanang wuwule ni ta buntìde, a no dakan chi we tìtu a yo tìbuntì kìnìtu, tìnanng madi yiko kwadu n ke ka yo m mìn we n ti chìne.

¹⁹N tìn bwesìm mìm, mìn nwedi bud we nìr mìnù yinang yo lur kìbu naye yaka bìdde, burang kìku ka lamìntì yo n Yesu Masiya ka swe matìntu we bwi chiye.

²⁰Ka no ka kadi yiko, no n ke manodu n ti chin, ke n fwa chimìn tìkwali yii mitu yinangu ta swanangu. Dìne mìn kàtā nangìn chìntu.

Baltaku a dur Akar n ti Saratu

²¹Tìnwei n tìn bìbu tìbadu ta buntì yilìnìmu, tìyim chi yilangu kìfwadita?

²²Yam Kwamamu a fwa ko, “M Yibrayim kìnì bwesìmi burau. Wuka n wu kabe naye ko, wuka n wu neloko.”

²³Kabe naye Yibrayime a bìu bwe a ware da bwiye, aya neloko, a bìu a ware wu n Kwama a bwaumìn n ti kìne.

²⁴Natìm bìbu kìnì burako, a kau ware wu a bwa kì Kwamangu a ri mìnè. N Akar kabe naye a ti we Kun Sinayine fi nìbu a mwe a kau kabìye we yilange.

²⁵Kìkangu n Akar a tiwe Kun Sinayine dìdu a tìm Wurchalimamu a Larabawam, n kìn n ti bwesìm kìmù a kau kabì.

²⁶Aya n Saratu neloko a ti we Wurchalima wu a diye, we bwako n kìn nang ne chire.

²⁷Tìtu nang chi fàku Yichaya a fwa ko, “Ma tìmilan m mun naye wu a ne bwe we, kíkangu ta ngau yalte wa tìmilane, m mun wu mwang bìnbuwenge, kíkangu mwang ma tìmilan. Dìne bwesim naye wu kwarta a du kine a ma kìmìn nabwen a la bwesim naye wu kìnì kwartamu.”

²⁸Kíkangu kebu, ni kau yinang bwesim Kwamam we bwaḱiku yinang Yichaku.

²⁹We kídang kiku, n chi bību ni ma nangangu kìnì Fìkìm Kwamamu, ni nwe riye a fali bību kibaddu ni buntì yilìnìmu yinangu n Yichaku bwe nību a bwaḱu yaḱe, a nwe riye we Yismel bwe kàbe naye.

³⁰Aya yaḱ Kwamamu a fwa ko, “Tìchaku kàbe naye n ti bwe ko, dìne bwe kàbe naye a ne chau kula n ti bwe neelo.”

³¹Dìne yiko kebìmì, kwartabu n ti natību, n chìnì n ke bwesim kàbe nayemu aya n chìnì bwesim ne lo, bību n Kwama a yiu dìne keku biyilì mang.

Kalatiyam 5

Da we dīYesuwe

¹Kíkangu m Masiya a chaku ni, n chìnì ni chir ni swe kìnì da. A dakan ni mar da wu, ni kila tìnu we kàbi tìtu a buntìkì yilangitu.

²M mìn m Bulus tìnwe yaḱ mìmù. Ka tìchakakku tiko ta ya yile we kakku Kwamangu dìne biku laarange, a yung buntìkì Yesu Masiyangu a ne kíkwi we dìchine.

³Mìn fwa chimìn tìdu kida, ka tìchakakku tiko ta ya lìme we kakku Kwamangu dìne biku laarange, a mwintuwe ta buntì chi yilìn Musatu a fwa kwang.

⁴Aya ka tìfuntì bwiya ta ya yile kìnì buntìkì yilìnange, a yung tìyaran n ti Masiya! A yung tìkwala lìme Kwama.

⁵Aya n chìnì bību ni ma fiswe Fìkìm Kwamame, ni yo nìru ni yandu ni yiu keku biyilì mang n ti yile n Kwama a bwaḱu ka ni chiniye.

⁶Ka nii we dīYesu Masiya, biku laarangu n ti kwalang biku laarange n ke tìkan chi, keku biyilì mang ni kudu a mìlaku nìbangu nang chitu.

⁷A no tìwulu yinang we mwekìku, yayu chìn a no wu a biyilì me. Wu a be wutì chìn we kìnì kutenge wure?

⁸We biyilì mu n Kwama a ne yii we kílaku changu, dìne n kìn nang wu a yal chìn a ni chìn da wu n tìn kine.

⁹Miyaku tìkwaniyang kiku yinang yis wu kiyubadu we dìdalìn yaanu kìnì kwange.

¹⁰Dine kunkaku chirengu a din Tewuduwe, n yim a ne ta bunti bikam yam ka n ke bibu mang fwa chiminime. Tintine ni wu be kiluku chine, n Kwama ka mwata ni wuko minu kasi no n kin n wure.

¹¹Kebu mim, ka no we mang chakaku kini dimwar minu mi biku laarangu a mwintuwenge, yinangu bikamu kiyidu ko min fwadange, wule a yo nibu Yafudam kifuma mini chikke? Ka no mang chabu kakku min ma dimwaru mi ni ya yukiku a kitayang bwange, a no kabbu chi kaiyan nire.

¹²Ka no baku nang yake, nibu mulinimu bibu kibaddu ka chiu chinu kini yam biki laarimu, a chiu yichi.

¹³Kebimim, nibu a yal chine ko be ni ma fiswe wu a ne ni bunti yiline. Aya tima daan, ke kila da wu ta yange tile timang yari. N ti kiki yikongu, tima nangangu kini da wu ni maka yichireyi kin a ware milake.

¹⁴Nangkin, yilinti kwang a mur a yilangi kiin, "Mila kemo yinang dur mun."

¹⁵Aya ka tikuladu n ti yichiyu tingira yichiyu yinang kadatiye, a dakan ta madi daan, ka a newe yiko tayadu tikai yichiyu.

Delaku Fikim Kwamamu n ti da bwiye

¹⁶Chi mang fwa nang titu. Tidu fikim Kwamamu a ti chimin kakku. Ka tima yiko, ta swidu we chi bwi kibadditu.

¹⁷Dine da bwiye a yabu n ti Fikim Kwamamu, yinu Fikim Kwamamu a kekabu n ti da bwiye. Datiyu kini yurako, kikatadu ware. Nang chi kiyodu ta mebu ta mabu chi nir chinu kibadde.

¹⁸Ka Fikim Kwamamu kiti chimin kake, a yung ta bung tibu yilin titu.

¹⁹Chi da bwiye kiyungde a laibulaiye. Kifibti n ti yari n ti chi danduri.

²⁰N ti siiku diyor, nibu kiko yichiyu kimana kana tikulani, kiko yichiyu. Kiridu kini kifwini, n ti bakku durang, n ti yaram, n ti kulankulange,

²¹n ti katin, n ti noraku yimiyang, n ti sulai yo yimu a la bwiye, n ti datiyu a chirkan n ti yiyu. Min ngau chimin kikure yinangu no mang wi mang fwa chimin ferediyangu, mi nibu kima duum daam bibu a ne le yaa Kwama.

²²Aya datiyu Fikim Kwamamu kiyungditu nang timilantu n ti furi mwemwen, n ti limang, n ti bwanu, n ti nangang kiyilang, n ti kwambir,

²³n ti buntiku, n ti takku durang. A ne lwangang yilang we bibu kiyadu kini nir dinimu.

²⁴N chini bibu ni bunti Masiyamu, ni du buntiki dati yiyu a bwiyu, ni duti maku chi tibwilaitu no niyang mila makitu, dati yiyu a twiyan we kitayang bwangu we bwa Yesuwe.

²⁵Ka ni du Fikim Kwamamu kiti nimin kake, ni bunti Fikimu a ya kini chini we da chire wu a tikuriye kwang.

²⁶Ni kadu nibu kikukku dutimu we, ka bibi kulangkulangime, ka bibu kimila katine.

Kalatiyam 6

Ni dau turen yichireyu

¹Kebimim, ka ni ya nii kima kilege, n tin bibu kini fikim Kwamamu, timarti nii wu we ware. Tima dandan ke kila yo tifunti bwi ti ta kiladu kini nii a ware, dine ke ti yaruwe swekiku.

²Tiyita riye we bwiti chiyu. Ka timadi yiko, tibunti yilang Masiyangu.

³Ka wuka nii kikamadu n kin kila chiye, n kin n ke tikan chi, kima ka tikusi.

⁴N kawure a swe nangang kangu didiin a dang, ka a lenge, yinu n kin ka medu ka wer yikiyu we chi n kin a ma kifwane, a swedu yikiyu we n ti wuka ni.

⁵Nangkin, n kawure kilingta tiki chi.

⁶Kanang wuwule niye wu a ya miyaku yam Kwamame, a maka nibu yungku chimu, a kera kasi no titile chi titu a leletu ware.

⁷Tibutidu yichiyu we, dine a ne ni ka ful Kwama we. Kanang wuwule bwila ni a tume, ka ya kitime bwila ko we di swan kute.

⁸Wu a fi dum bibu a da bwiye, ka yatititime da bwiye. Titu ka yo kinu a bwa. Aya ka ni a tum chitu a Fikim Kwamamite, ka ya tikuri kidiya kwadi.

⁹Dine yiko, ni twidu bwi we nangang kijilangu. Ka niyang twibu bwiye, kiswi kibedu wu ni ya kitime wuyile wu a nangang kike.

¹⁰Dine yiko, nabwe kiswi mwang yange, ni maka nibu, ni ni dukanu a nibu buntiki Masiya a la chi.

Kikure a swan mine n ti disir

¹¹Tidang we duum timwalanimu mang mwal kini falang mangu n ti kikuti yiduiyu mang ma nanga kiniyu.

¹²Nibu bibu kibaddu ta bilaarimu, n chi kibaddu nibu ka kudu ko n chi tikan chi. N chi kimadi ying dine kiwul riye n chi ka nwedu dine yam kitiyang bwang Masiyange.

¹³Kasi no nang bibu a bilaarimu, a tumbu yilangu. Aya n chi kibaddu nibu ka bi chimin laaru ko ke chiyang kukku durang ko tima nangangu kini yam chimu.

¹⁴Aya m min a ne mang kukku duru ko bayim. Ka a mwintuwe mang madi yiko, mang madu dine yam kitiyang bwang Tewuduwe Yesu Masiya. Nangkin, a dine

bwako a k̄it̄iyang bwange, da t̄it̄iniye a bwa we bwimi, n min t̄in n bwatuwe da t̄it̄iniye, m m̄in we da t̄it̄iniye n kau wu a bwa.

¹⁵Biku laarangu n ti kwalan bik̄i laarange n ke t̄ikan chi, chi a la chiye, ni a sute yayu wu da bwiye, a ya yayu wu fwiye.

¹⁶L̄imangu n ti k̄ibune Kwama a swe ware n ti n̄ibu k̄ibunt̄i yilang k̄ifwiyanḡimu, ka nang chikiye, n̄ibu Yisrela b̄ibi siin̄imu.

¹⁷Mang swan ȳami ying. Wuka ni a Kw̄amai t̄inuwe k̄ida, d̄ine kono nang d̄imwal bumbitu a bwiminu, a yung m min naba k̄abe Yesuwe.

¹⁸Yam l̄ime Tewuduwe Yesu Masiya a swe ware n ti ch̄in kebu m̄im. Amin.

Afisam

Afisam 1

Dɔsiir Bulus

¹M Bulus fandu Yesu we kike Kwama, a tum nibu buntikim Kwama a Afisa min lwangin didu, ka nang chikiye nibu bibu kibunti Yesu Masiya kini niri diinimu.

²Lime n ti limangu kbedu a Kwama Te n ti Tewuduwe Yesu Masiyangu a swe ware n ti chin.

Delakiku a fikim we Yesuwe

³Dela Kwama, n kin Te Tewuduwe Yesu Masiya! N Kin a dela ni kini chi tiyilitu nabwen titu a bwa diyetu ke a maka chini, ni dwiyen a Fikim Kwamam. N kin a ma titu yo a kwarka chini n ti Masiya.

⁴N kin a mila chini, a sutu chini we tile birke yo a kwarka chini n ti Masiya, n kin a ma yiko ko ke ni kau nibu yinang kinim bibu a ne der we bwim.

⁵N Kwama a tu a do feredi ka yiu chini ni kau bwesim kim a din Yesu Masiya. N kin a do ka madi yiko dine a lim kimin we niru ka madi yiko.

⁶Dine yiko ni dela Kwama dine nabwe lime wu a dwiyen kiye, n kin a kur nimine n chir bibu niyang ti a balang bwe nire komu.

⁷Dine bwa Yesuwe, n chini ni ya tuku we lan kiletinu. Bwa wu a tur ware wu n Kwama a du nimin kileti chireyu dine kituumu bweko a kurimu.

⁸N kin a yung ni lime ko, a yo n chini ni kabbi kini kasi no bibile duum kasanim n ti yingku.

⁹N Kwama a yo ni yim tilairi nir kinitu n kin a do we yam Masiyamitu, dokiku ka riin furi mwen diyilin kinu.

¹⁰N kin a do we nir kinu ko ka kiswi a lame, ka mur chitu a diitu n ti titu a timiti kwang a wume dukan Masiyane. Kanang chikiye, kwalin chinu kini kwang.

¹¹Dine kwarkaki chirengu n ti Masiya a yo niyang kabi wiinangu, n Kwama a sutu chini we din Masiyanu ni kau nibu ka ya kitime we kula komu, n kin a do yam bibu feredi, yinangu n kin a ke ka madangu.

¹²Dine ke n chini nibu Yafudam bibu niyang mwe yo nire a diMasiyamu, ni dela kin dine dwiyen kitu.

¹³We din Yesunu tikau nibu Kwamam we kidangu ta nwe yam bilim Kwamam bibu a be chimine kini yukumu. We kidangu ta ke biyilimu we diMasiyangu, n Kwama a ni chin Fikim kimu yinangu a bwau ka ni chinangu. Titu a kau yinang dimwar didu kiyungdu n tin m bikinim.

¹⁴Fikim Kwamamu nang chi tiyoritu kini chini dukanu ko n chini ni yiu chi n Kwama a bwau ka ninidite. Ni swaan tin ko n kin a tu chini ni kau bikim nibu. N kin a ma yiko ko ke n chini ni dela kin ni rikati kin.

M Bulus a twababuni

¹⁵Dine yiko, feredi n nwe yinangu keku biyilimang changu a ti kiring we din Tewuduwe Yesunu, n ti yinangu timila nibu Kwamamu kasi no bwalengu.

¹⁶Mang dubu wanaki Kwamangi kwadu min madu dine chin, min yo chinu we twabaku mangi kwadu, min madi yiko mi,

¹⁷ke Kwama Tewuduwe Yesu Masiya, Te wu a lachi kini dwiyene, a nang ni chin Fikim kimu bibu a yingkimu, a wudu chiminti yingku ke tidwiyen we swaan ku Kwamangu.

¹⁸Tintine, min twababunitu mi Kwama a yo tiri kini swaanku we nitu chintu ke ti yim chi tiyilitu n Kwama a yo chiminitu. Min baddu ta swaan tin kulitu n ti dwiyentu ta yaditu, titu n kin a ni nibu kimitu.

¹⁹Min twababunitu mi Kwama a yo tiswaan dwiyen dukan kini titu a su kinanting dine chini bibu niyang ke biyilim a diMasiyatu. Didu dukan nang didiinin n ti didu a bwi chireyinu.

²⁰Dukan didu n nang didu n Kwama a kukkin Masiya kin we furinu, a yo kin a kiding matinang we kang kiyilang Kwamangu we titini bwaditu.

²¹Kikangu n kin a la ka nang wuwule maiye n ti ka titile matine n ti ka didile dukane n ti ka wuwule tikake n ti kasi no titile we titini titu n ti titinitu kibeditu.

²²Tintine, n Kwama a du kanang titile chiye a falang Masiyang. A yo kin a kau tikake wu a chiti kwange, ke nibu buntikimimu a nwe tamang matin kitangu.

²³Nibu buntikimu yinang bwi Masiyai. M Masiya wu a ri kasi no bwale, a riti nibu buntikimi kini dukani yiko.

Afisam 2

Ni Kau bikurim we diMasiya

¹We dichine, n tin a no yinang bibwarim dine ta buntibu Kwama tima kileti.

²A no tibuntidi da bwiye wu a kiletiye, a lakanbu n ti bikamu nibu we titinitu bibu kibuntidi Setan wu n kin nang tikake yo nibu bibwilamu a kilieye we titini titu niyang kubitu. N kin nang kifibti kima nangang a bwiti nibu bibu a buntibu Kwamamu.

³N chini kini kwang a no da chire yiko, ni tau dutu chireti chiku we kiletiyu niyang kunni kiniyu. Diti kidang ni ma kiletiyu a no ni madiyu yinangu nir

chirenu k_i badangu. We kunku chirengu a da bwiyengu n ch_ini yinang ka wure, n Kwama k_ini k_ifwini chire.

⁴Aya d_ine n Kwama a ri bwiye k_ini k_ibune, a m_ilani nabwe nabwen.

⁵Kasi k_iku n ch_ini a no yinang b_ibwarim we k_iletiyu d_ine niyang ko Kwamangu. A ye ni, ni kau b_ikurim d_ine kunku Masiya Yesuwangu we furu. N Kwama a yuni k_ini l_imeke.

⁶N Kwama a kukk_i ni ware n ti Yesu, yinu we t_it_ini bwaditu a yo ni swedu ware n ti k_in a d_in Yesun.

⁷N Kwama a ma yiko ko ke bwa kake k_iyung nabwe l_ime ko a la ka nang t_it_ile chiye. N k_in a yung dwiyen l_ime kotu we k_iswi n k_in a makan ch_ini, a kwarka ni n ti Yesu Masiya.

⁸N ch_ini ni ya yuku d_ine l_ime Kwama we b_ibu a ke biyil_imu, t_itu l_imang Kwamang, n ke d_ine funt_iku bwiyang niyang.

⁹Yuk_iku a bunt_ibu a nangin t_iyili t_itu ni k_imadi, d_ine yiko ni a ngadu kwiye we.

¹⁰N Kwama nang wu a yo niyang kau chi niyang kabite, n Kwama a yo ni kau n_ibu b_ifwim d_ine niyang kwarkan n ti Yesu we keku biyil_imang ch_ireng, t_itu nang chi n k_in a do nimine.

Ni kabi wiin we d_iMasiya

¹¹T_itabid_iuwe tiko yo ferediye a no ta kunkabu n ti n_ibu Yafudam. N chi a no k_iyal ch_inu ko kuu n_ibe b_ibu a bibu laarim, k_ikukku dutu chitu ko n chi, aya n chi k_ibi ka chumb_ir a nurabu mure n_iritu.

¹²We k_idang kangu a no ta kunkabu n ti Masiya. N_ibu a no kit_ibu ch_in we n_ibu Kwamamu ka nang chikiye Yisrela. A no ta yint_ibu y_amu Kwama a ma bw_ak_i n ti chimu. T_ima fi swe ch_in we t_it_ini t_itu a ne chi yo n_iritu we, a ma chim_int_ibu yinangu n t_ini k_ini Kwamang.

¹³Aya n t_in b_ibu a no ta ma kutan n ti Kwamamu, t_ikau n_ibu Yesu Masiya k_ik_angu, k_ituum Masiyamu a k_ibbe ch_in k_idwan n ti k_in.

¹⁴M Masiya nang wu a yo l_imang k_iku niyang kabi wiinangu we tibe yikayu kuuti n ti n_ibu Yafudam. N k_in a be tung ya kwale a no yo yaram we tibe n_ibe.

¹⁵We a bwa ko, a d_au yil_intu n ti y_amiyu a no yo yaram we yikayu kuuti n ti n_ibu Yafudam. N k_in a sute n_ibu we ka nang k_ik_ile b_alange we n_ibu Yafudam n ti yikayu kuuti a yo chi a kau kal d_ifw_in b_ibu k_iyalu a d_in k_in_im.

¹⁶We bwako m Masiya a kwarka kuuti yiyu a kabbi wiin. T_itu a chaku yaramu a no a tibe chire n ti Kwamamu.

¹⁷N t_in b_ibu a no ta ma kutan_imu, n k_in a be chim_ine k_ini y_am bil_im b_ibu a yo l_imang changu n ti n_ibu Yafudam a no ta kwakabu ware.

¹⁸Kikangu n chini kini kwang, nibu Yafudam n ti yikayu kuuti ni medu ni ya bwa diKwama kini Fikim Kwamam bibiinim dine chi n Yesu a ma niminitu.

¹⁹Dine yiko, yikayu kuuti kikangu n ke nibu kuum ka rungko. N tin ka nibu lom n ti nibu niri diinim Kwamam. N tin ka bibu a dikur lon Kwamam.

²⁰Dine yiko, yikayu kuuti n tin n ke nibu kuum n ti rungko, tikau kuu wiin ware n ti bikamu nibu Kwamam bibu tamme chire wiin wu a fandubu n ti Fakube. Aya Yesu Masiya nang kale wuduwe a tau tamme.

²¹N kin a mur chini bibu niyang ke biyilimimu a fi wiine yinangu kale tamme wuduwe kiyu tureng kanangu, ni kau kan Kwaman, ka nang chikiye fi dwiyen Tewuduwe mine.

²²Dine niyang kabi wiin we diMasiya, m Masiya a yo chini a fi wiine n ti bikamu nibu Kwamam kini dukan Fikim Kwamam.

Afisam 3

M Bulus a ma nangangu dine yikayu kuuti

¹Dine yiko, m min m Bulus kasi kiku mang le dibintil dine min ma chimin dimwar yam bilim Masiya Yesunu, min twabba chimin bunitu a diKwama ke a maka chin yikayu kuuti.

²A ne kamaku we, n yim tinwe kangu n Kwama dine lime ko, a yo min tikake ke n maka chin kini dimwar yam biliminu.

³N Kwama a wudumi yam bibu a wudu bikamu minbimu, yinangu mang mwali kwantilangu.

⁴Yinangu tiki chitu mang mwalitangu, ta swaan chitu mang yim a do we dur Masiya nitu.

⁵N Kwama a yungbu tidangritu a sutu, aya kikangu a yung fandubibu n ti Fakubu we Fikim Kwamam.

⁶Aya tilairi kitu nang titu. Yikayu kuuti kini da ka firadu we yaa Kwama we kulitu bwesim Kwamam ka yaditu dine balintu kini turako a ke biyilimu we yam bilim. Balintu kini turako tin a ngaban a bwi wiin, kinwe tamang bwaki delaku Yesu Masiyangu dine n chi bikin.

⁷We lime Kwama n ti dwiyen kitu, n ya da min ma dimwar yam biliminu min madinu.

⁸Kasi kiku m min we bitirim a lambu tikan chi we nibu Kwamamangu, a ni min lime wu kini kisiyange, ko n ya n fwa yikayu kuuti min yam bilim n Yesu Masiya a ni chinimu.

⁹N Kwama wu a yo kanang t̄it̄ile chiye, a ke ko n fwa n̄ibu m̄in chi n k̄in a do feredi aya a kwasu n̄ibu m̄inbu we tile b̄irketu.

¹⁰We t̄ikuran Kwamatu n k̄in a ke n̄ibu bunt̄ik̄imu k̄ibunt̄i Masiya mu ka wudu mat̄imu k̄ima mat̄in ne n ti b̄ibu k̄ini dwiyen we t̄it̄ini dii twiyemu m̄in chi n Kwama a do ferediye a da kasi no wuwule k̄iswiye.

¹¹N Kwama a do ka ma t̄itu feredi k̄idangu a tibu yo t̄it̄initangu, n k̄in a be a ma t̄itu we bwa bweko n m Masiya Yesu Tewuduwe ch̄ire.

¹²D̄ine Yesu Masiya n ti keku biyil̄imang a d̄ik̄inengu, n ch̄ini ni ya kakku Kwamangu a ne tayi we, d̄ine ni yim ka yiu ni kani yurau.

¹³D̄ine yiko, m̄in wana ch̄inu, t̄ik̄iladu kuteng we d̄ine riye ta ku m̄in nwedu d̄ine ch̄in we d̄ib̄inle. Aya riye wu ka kaddu k̄ini makaku we b̄ikamu, d̄ine yiko we d̄ichine a kau rikaku.

K̄ike Masiya

¹⁴D̄ine n Kwama a ma chim̄ini yiko, m̄in sungdu m̄in tw̄ab̄a chim̄in bunitu, m̄in wana k̄inu.

¹⁵N k̄in wu a yo kanang d̄id̄ile d̄ik̄ur lone, we twiye n ti t̄ime.

¹⁶M̄in tw̄ab̄a chim̄inu mi we dwiyen kitu a kwalab̄i chitu, a ni ch̄in F̄ik̄im k̄imu ke a a ru n̄itu ch̄inu.

¹⁷M̄in tw̄ab̄adu mi m Masiya a swe we n̄ir ch̄inu d̄ine ta ke biyil̄imu we d̄ik̄ine. Yam tiku changu a ma k̄ir̄ing yinang nabwe m̄ilak̄i kange.

¹⁸We yiko n Kwama a ni ch̄in dukan swaan k̄inu yinangu a dakan naba bunt̄ike ka swaanangu, ka nang chikiye nabwe m̄ilak̄i kange we wule n ti nabwe swan n ti nabwe kutane n ti suku kangu we d̄ich̄iniye.

¹⁹Kasi k̄iku a ma bwar ni ka yim k̄ike m Masiya ma nim̄inangu, m̄in baddu ta ku dwiyen m̄ilak̄i kangitu. T̄int̄ine m̄in tw̄ab̄a bunitu mi Kwama a yo t̄ikau yinang k̄in we datiyu.

²⁰Ni dela Kwama wu we dukan k̄inu k̄ima nangangu we bwi chireyu a lat̄i chi ni b̄idite. Dang, n k̄in ka ma t̄itu d̄ine k̄ima nangangu k̄ini dukan we d̄ich̄iniye.

²¹Dela k̄in we n̄ibu bunt̄ik̄imu n ti d̄in Yesu Masiya, a lanta ka d̄id̄ile d̄ikalan k̄idiya kwadu. Amin.

Afisam 4

Kunkaku a d̄in Yesun

¹D̄ine yiko, m̄in wu mang le d̄ib̄int̄ilu d̄ine bunt̄ik̄i Tewuduwe, m̄in wana ch̄inu, t̄ima fiswe wu a daka naba bunt̄ike, d̄ine n Kwama a yal ch̄ine.

²Kanang wuwule diye, t̄kau n̄ibu k̄ini n̄iri bubbuk̄im, b̄ibu a kukkub̄i dutu chiit̄imu. N kawure a ma fatem̄in bwanu, kasi no n̄ir fatenu a lebu t̄ikekan d̄ine m̄ilake.

³T̄ifunt̄i bwi t̄ikabbi wiin we kunkak̄iku yo F̄ik̄im Kwamamu a yo ta kabbi wiine, t̄ibw̄au yichiyu a fiwiine t̄inaang ma fiswe l̄imange.

⁴N ch̄ini k̄ini kwang ni kau kw̄ali diin yinang bwi wiin, k̄ini F̄ik̄im b̄ibiin̄im. Yinangu a sutu ch̄ini k̄ini kwangangu, ni yo n̄iru ni chau tam̄ang d̄iyal k̄inu.

⁵Tewuduwe wiin, keku biyil̄imangi kiin, yinu batisma chire wiin t̄in.

⁶T̄int̄ine Kwama wiin, n nang Te k̄ini kwang, wu k̄ima mat̄in ch̄ireti kwange, nang wu k̄ima nangangu we bwi chireyu n ti bwiti chireyi kwang.

⁷Aya n k̄in a ni ka nang wuwule chire wuko yil̄in k̄it̄ime, k̄it̄ime wu n Masiya k̄inidu yinangu n k̄in a ku a daangu.

⁸Nang chi a yo ȳam Kwamamu a fwa ko, “Yo n k̄in a yika kutane, a yikan k̄ini k̄it̄u kab̄iye nabwen, yinu a nika n̄ibu k̄imu k̄it̄inti.”

⁹Ȳam Kwamam b̄ibu a fwa ko, “A fil̄ diim b̄ibu” kiyung wureni? T̄it̄u kiyungdu m Masiya a bete t̄it̄ini t̄it̄u a ne dwiyen wetu.

¹⁰N k̄in wu a suwe t̄it̄ini t̄ite, nang wu wiine wu kutan bwana fil̄e a sutu t̄ikantu t̄it̄ini dii kwange, ko ke kiyung dwiyen kitu we tant̄ilange t̄it̄iniye kwang.

¹¹N k̄in nang wu a nika n̄ibu bunt̄ik̄imu k̄it̄intiye. Kanang chikiye, fandub̄ibu, n ti Fakubu Kwamamu, n ti n̄ibu mwaramu, n ti fansetiyu n ti n̄ibu yungk̄imu.

¹²Nangang kawurengu n nang chi ka do n̄ibu bunt̄ik̄imu ke a ma nangang Kwamangu, ke b̄ibu k̄ibunt̄in Masiya Yesunmu, a dwiyen we f̄ik̄imu.

¹³A mwintuwe kunkak̄i k̄iku ka chakakku we keku biyil̄imang chirengu n ti yingku Bwe Kwamangu yinu ni kau b̄ibu k̄ini k̄ikwim, ni dwiyedu we Tewuduwe. Yinu ni kadu yinang Masiya we yile.

¹⁴N ch̄ini neni k̄iladu ni kaddi bubbuku we f̄ik̄imu yinang bwes̄imu a ruburubem, b̄ibu k̄isute keku biyil̄imang chiyangu yinang yayu k̄if̄ibemu, a ne ni du b̄ibu a me fwaku t̄ikwani yinangu k̄ifwa biyil̄imange ka chakakku.

¹⁵N ti k̄iku ka kaddi yikongu, ni tidu we fwaku biyil̄imangu d̄ine m̄ilaki, niyang funt̄ibwi ni ya suteku kwakwadang, ni kau yinang Masiya wu n k̄in nang duru we n̄ibu bunt̄ik̄ime.

¹⁶N k̄in a ya bwiyu k̄ini kwang a d̄ikatuwe a fiwiine yi medmed. Yo fantiyu k̄iman nanḡintu a daka kawurete, k̄imaka yikayu fanti we bwiyu k̄idwiyedu. T̄it̄u k̄ini bwiyu l̄imang, k̄idwiyedu k̄ilaan fiko, k̄ini m̄ilaku.

Da wu fwi a d̄iMasiya

- 17Dine yiko min wu chimin kiteliyu a din Tewuduwe, aya min fwa chiminu, a dakabi ta chakaku kini da wu a kuuti, wu a ri kini tikuran titu ditiye.
- 18Tikuran chitu a tibebe, dine n chi a mwatanbuwe chi a leetu n ti titu a lebitu, n chi a yabu we yiiku Kwamangu, dine kwalan swaangke a dichiye, n ti nitu chiti kingkingitu.
- 19Kangu a fwerabangu, n chi a ni dutu chitu kiya yayu wu a tikuliye n ti duum dati yikusiyi kwang.
- 20Aya titu n ke chi a no ta miyan a yingku Masiyange.
- 21We biyilimu ti nwe yam Yesumu, tiya miyaku we biyilimu a dikinemu yinangu ni ya yayu wu a dakanengu.
- 22Tidu da bwiye n ti wari yikari chiyu, yiyu a fwi swi a ri kini kana tikwani n ti kubekiyu.
- 23N ti kiki yikongu, tidu fikim Kwamamu a sute tikuran chintu ke tiya yayu wu fwiye.
- 24Tidau nir difwin, didu yinang Kwamanu didu a yile n ti wauwade Kwamanu.
- 25Dine ka nang wuwule niye a du tikwanitu a fwa biyilim n ti keko, dine n chini kwang a bwi wiin.
- 26Timadu kilewe kini kifwini dine kaiyan nire, tidudu di a leduwe n tin we kini kifwini.
- 27Tinidu Setan da we ko bayim kidangu tima kifwiniyangu.
- 28Nii kima kuute a lwaduwe, aya n kawure a funtibwi a ma nangangu kini fali ki, wu ka ya chitu nabwene, a makati bibu a yabimu.
- 29Tifwadu yami yi bwilayu we, titudu ni we, chitu ta fwaditi kwang a sudu bibu ka kadu kini makakimu we, dine ke yam chimu a kau bibu ka maka nibim.
- 30Aya tiyo Fikim Kwamamu minu kaiyan nire we dati chiyu a lebiyu. Titabbidu we, n kin nang wu kiyungdu n tin n biu kine. Kanang chikiye kini da ta ya yuku we di swan kute.
- 31Tichaku mutine nire n ti chi kaiyan nire n ti kifwini n ti swaba ku n ti rabikiyamangu tituran n ti kanang wuwule kiduum bwilame n ti kasi no didile mulin.
- 32N ti kiki yikongu, tinwe kibune yichiye, tidu nibu min kileti chiyu yinangu n Kwama a du nimin a diMasiyangu.

Afisam 5

Yayu a yiike

- ¹T̄ikau yinang Kwama we nangin ch̄intu, d̄ine n t̄in bwesim n̄irim k̄im.
- ²T̄imila yichiyu we fiswe ch̄in, yinangu m Masiya a m̄ila ch̄in we niku t̄ikuri kitu d̄ine ch̄ine, t̄itu a l̄ima n̄ir Kwamanu.
- ³A dakabu yam̄ t̄ikulimu n ti t̄ibwitantu n ti m̄ikakwiye ka fwedu we tibe ch̄in. D̄ine k̄ichitu wu a dakabu we n̄ibu Kwamamu.
- ⁴Yinu n ti yam̄i yiyu a lebiyu n ti yam̄i yi kusiyu n ti t̄ikali t̄itu a lebitu. N ti k̄iki yikongu, t̄inang wana Kwama.
- ⁵A dakan ta swaanu ko a ne naba yariye we, ka naba danduriye, ka naba m̄ikakwiye ka le yaa Masiya n ti Kwama. K̄ikumang naba m̄ikakwiye k̄isi diyor ka nang chikiye, kul̄in t̄it̄in̄in.
- ⁶Wuka a bunt̄idu ch̄in we k̄ini yam̄i yi kusiyu k̄ifwadiyu. A ne ti ke, n Kwama ka mwata n̄ibu b̄ibu m̄inu d̄ine nangin t̄ikusitu n chi k̄imaditu.
- ⁷D̄ine yiko, t̄imadu t̄ibwitant t̄itu we ware.
- ⁸D̄ine n t̄in a no a k̄iliye, aya k̄ikangu n t̄in bwesim Tewuduwe. Tiya yayu bwesim b̄ibu a ya yiik̄ime.
- ⁹Yiik̄iku a swe a bwi chiyangu, k̄ichake chi tiyilitu n ti yile n ti biyil̄imu kiyodu a filang.
- ¹⁰D̄ine yiko, t̄ifunbwi t̄ima chi n Tewuduwe ka nwe tam̄angi k̄ine.
- ¹¹T̄ichir m̄in we datiyu a k̄iliye yiyu a ne makaku weyu. N ti k̄iku ta madi yikongu, t̄iyo n̄ibu a swaan ko t̄ichitu wu a lebu.
- ¹²Biyil̄im t̄itu a lwe chi dibwitu ka n̄ibu ka fwa t̄ilairitu n̄ibu k̄imadu b̄ikamu a kubite.
- ¹³Aya ka kiyiye a yii k̄iliye, nangin t̄ibwilatu k̄ikadi kwar̄ikwar̄i.
- ¹⁴T̄itu nang chi a yo yam̄u we ko, “T̄ikaban, n t̄in b̄ibu duum a la bwimu, t̄i kun we b̄ibwar̄imu, M Masiya ka ni ch̄in yiik̄iku.”
- ¹⁵D̄ine yiko, t̄ima daan k̄ini yayu tiyade, tiya yinang n̄ibu kasan̄im.
- ¹⁶T̄ifunbwi t̄ima nangang kiyilang k̄ini ba k̄iswi ta ya, d̄ine n ch̄ini a diti yibwilai.
- ¹⁷D̄ine yiko, ti kadu d̄ibu n̄ibim we, aya t̄iswaan chi n Tewuduwe k̄ibaddu ta maditu.
- ¹⁸T̄ikedu yimu a ladu dukan ch̄inu we. D̄ine ni k̄i no yime k̄ich̄iu t̄ikuriki. N ti k̄iki yikongu, t̄ini F̄ikim Kwamamu fi a to ch̄in.
- ¹⁹T̄inang kaba teniyu t̄ikunka yichiyi k̄in, t̄ikaba teniyu t̄idela Tewuduwe k̄ini n̄iri diin,

²⁰ka nang wuwule yonge t̄wana Kwama Tewuduwe Masiya, we kasi no t̄t̄ile chi t̄tu a ma chim̄initu.

Fi swe kwartabu n ti nat̄ibe

²¹N kawure a bunt̄i yam fatemu ke t̄ni Masiya dwiyentu.

²²Nat̄ibu, t̄ibunt̄i kwartabu chimu yinangu t̄ibunt̄i Tewuduwe.

²³D̄ine kwarta n nang tikakke naye yinangu m Masiya nang tikakke n̄ibu bunt̄ik̄imangu, Kanang chikiye n̄ibu nang bwiki, n k̄in nang naba yuke.

²⁴D̄ine yiko, yinangu n̄ibu bunt̄ink̄imu, k̄ibunt̄i Masiyangu, a fiwiine nat̄ibu a bunt̄i kwartabu chimu we kasi no a t̄t̄ile chi kwang.

²⁵Kwartabu t̄im̄ila nat̄ibu chimu yinangu m Masiya a m̄ila n̄ibu bunt̄ik̄imangu, a ni yikiyu d̄ine chi.

²⁶D̄ine n k̄in a bwa ko ke k̄inura n̄ibu k̄imu a kau b̄iu Kwamam. N k̄in a nura chi k̄ini mwe n ti yam k̄imu.

²⁷N k̄in k̄ibaddu n̄ibu bunt̄ik̄imu ka kau n̄ibu yilem we nuyi kiyu, n k̄in a babu t̄ibwitantu ka t̄ikan chi yinang mul̄ine. Aya n k̄in a ke n̄ibu k̄imu a kau n̄ibu Kwamam b̄ibu a yilem.

²⁸A fi wiine kwartabu t̄im̄ila nat̄ibu chimu yinangu ta m̄ila bwiti chiyangu, d̄ine nii k̄im̄ila naye ko, k̄im̄ila dur k̄in.

²⁹We b̄iyil̄imu, a ne nii ka ko bwiyi kiye we, aya n kawure k̄ichadu k̄ini bwiyu k̄itot̄i bwi kiyu. Yinangu n Yesu Masiya k̄ikuru k̄ini n̄ibu bunt̄ik̄imangu.

³⁰Nangk̄in, n ch̄ini kwang ka fantiya bwiki.

³¹Yinangu yam Kwamamu a fwangu, nii ka du tek̄in n ti ne k̄in ka kwarkadu n ti naye ko, n chi k̄ini burako, a kau yinang nii wiin.

³²B̄ibu yam k̄ini bwar swaank̄in. Aya m̄in kamadu yam b̄ibu k̄ifwadu a dur Masiya n ti n̄ibu k̄imu.

³³Aya m̄in fwat̄inu k̄ida, ka nang wuwule ch̄ine, a m̄ila naye ko yinang dur k̄in, naye t̄in a bunt̄i kwarta ko yinangu a dakanang.

Afisam 6

Bwes̄imu n ti Tebu chimu

¹Bwes̄imu t̄ibunt̄i sel̄ib̄i chimu d̄ine n t̄in m b̄iu Tewuduwe. T̄itu nang chi a daka makitu.

²We tat̄ik̄idai yik̄ari a mwal ko, “Ni temun n ti ne mun dwiyentu.” K̄iku nang yilangu a mwem̄inangu, k̄iku n Kwama a fwangu k̄ini bwak̄angu.

³Ka m buntì yàm temun n ti yàm nemunìme, a ne chi ka mane we, tìkuri mwitu ka yikadu kutan.

⁴N tìn tebìbu, tìyodu bwesim chimu mìnù furi kìnù we kìnì tìwelan tìtu a mabu kìkwitu. Aya tìbwau chi kìnì tìwelan tìtu a dakani tìngang ngau chimìntì kìkure a tau wàre Tewuduwe.

Kàbiyu n ti tebu lom chimu

⁵N tìn kàbiyu, tìbuntì Tewuduwe chimu a tìtìnìmu, tìni chi dwiyentu, tìma chimìn kwambìr kìnì nìri diin. Tìbuntì chi yinangu tìbuntì Masiyangu.

⁶Tìma nangangu n ke kana yo n chi we kìdàng chìne, tiko ke a wer chìn. Aya tìma nangangu kìnì nìr chìnì diin yinangu n Kwama kìbadangu, dìnè n tìn kàbi Masiya.

⁷Tìma nangang changu kìnì nìri diin, yinangu tìma Tewuduwe mìnù n ke niyang.

⁸Kasi no m mun kàbe ka n ke kàbe, yim mwi n Tewuduwe ka swe kawure mìn kìtìme ko we nangangu n kìn a tu mangu.

⁹A fiwiine, n tìn Tebìlomu, tìtau kàbi chiyu yinanga yo n chi kìma chimìn nangange. Tìyidu we tiko ta ni chi riye. A dakan ta yindu tiko n tìn n ti chi a fàlang Tewuduwe kwange.

Kulìn kunnìn naba Kwamanu

¹⁰Mang swan yàm mimi ying, tìti we dukan Tewuduwe ke tìkabi kìrìng, dìnè dukan kìnù nabwenabwen.

¹¹Tìsa bwi chiyu kìnì kulìn kunnìn Kwaman dìdu a Fìkìmu, ke tìla Setan kìnì furali kitu yo beka swe chìne.

¹²Nangkìn, kun dìdu niyang mabu n ti ni aya n ti kìfìbti yibwilayu n ti bìduum chimu kìma matìn tìtìnì tìtu yinang kumite n ti kìfìbtiyu a tìra twiye kasi bwaleyù.

¹³Dìnè yiko, tìyau kulìn kunìn Kwamanu, ke tìyim tiko wubwila yo a chire kìnì bwila ko, yinu a kuteng kunangu, ta chakakku, tìti kìrìng.

¹⁴Tìti kìrìn kìkumang, bìyilim chimu a kau yinang dìkìrìn, yile chìn a kau yinang rasi.

¹⁵Chau kakku kìnì dìmwar yàm bìlìmìnù. Ka kadu yinangu m muni kìnì kìwami we naniyang. Mwang tidi kìnì kìrìng.

¹⁶Sukìku we fi kìnì kwang, marru Yesu we, keku bìyilimang mwangu ka kau mìn kusa wu ka tone.

¹⁷Yim n Kwama a yunu, t̄itu ka kadu yinangu mwang do d̄isumb̄ir d̄idu ka swe m̄in dur̄in. Tau yam Kwamamu, ka kadu yinang kul d̄idu F̄ikim Kwamamu a n̄inn̄in.

¹⁸Twab̄a bunitu ka nang k̄ik̄ile k̄idange yinangu F̄ikim Kwamamu a yunḡinangu ka nang wuwule k̄iswiye. Swengi sobu, chakakku k̄ini twab̄aku buniyangu d̄ine n̄ibu bunt̄ik̄imu kasi no bw̄ale.

¹⁹T̄int̄ine, twab̄a bunitu d̄ine m̄in, ke Kwama a ni m̄in t̄ikw̄aliyitu mang medu mang fwa yam k̄ini runni we t̄ilairi t̄itu Kwama a do fereditu, kanang chikiye yam bil̄imu b̄ibu d̄ine n̄ibu Yafudam n ti b̄ibu n ke n̄ibu Yafudamu.

²⁰N Yesu a sutum̄in n kau wakili ko, a yo m̄in ma d̄imwar yam Biyil̄im b̄ibu a yo m̄in a d̄ib̄int̄il k̄ik̄anḡimu. D̄ine yiko t̄itwab̄a bunitu a ni dukanu mang fwa yami der̄inu.

Siramu mang swanm̄in̄imu

²¹N Tikiku ke chire wu niyang m̄ilane, wu k̄isi Tewuduwe yinange, ka fwa chim̄in yam m̄imi kwang. Ke t̄iyim yinangu m̄ m̄in wem̄inangu n ti chi m̄in maditu.

²²N tum chim̄in ke a fwa chim̄in chi k̄ifwedu n ti n̄inn̄itu. T̄int̄ine ke a kumt̄i n̄ir ch̄inu.

²³Kebu m̄im, l̄ime a swe ware n ti ch̄in. M̄in twab̄a Kwama Te chire n ti Tewuduwe Yesu a ni n̄ibu bunt̄ik̄imu l̄imangu, a yo t̄ichakakku k̄ini m̄ilaku yichiyangu n ti keku biyil̄imangu we d̄iMasiya.

²⁴Yam l̄ime Kwama a swe ware n ti ch̄in b̄ibu ta m̄ila Tewuduwe Yesu Masiya k̄ini m̄ilak̄iku a ne riku weng.

Filibiyam

Filibiyam 1

Djisir Bulusjn

¹Lwangjn didu a chire a diBulus n ti Timoti, nibu nangam Masiya Yesu, dne nibu buntiki Masiya Yesu a Filibimu, n ti selibu nibu buntikimu n ti bibu kimaka chi nangangimu.

²Lime n ti limang Kwama Te chirengu n ti Tewuduwe Yesu Masiyangu a swe ware n ti chin.

M Bulus a twaba nibu buntikimu a Filibiyam min buni

³Min wana Kwama we ka nang kikile kidangu min kur chinengu.

⁴Ka nang kikile kidangu min twaba chimin bunitange, min twabadi kwadu kini furi mwen,

⁵min ni diwan dne ta makai niwu mang ma dimwar yam bilimunu ware, a mwetuwe di fange lanta kikan.

⁶Biyilim n yim n Kwama wu a mwe nanga Kiyilang kiku we dutu chinte, a ne du chinu, se ka swanu, a di m Masiya Yesu ka kilade.

⁷A dakami kangu min kura chinu yinangu, dne n tin we nir minu. We tikunkayu we lime Kwama we kidangu min a dibintilangu, we kidangu min so yam bilim yinu min yungti kasi biyilim we yam bilimitu.

⁸N Kwama nang wu a timituwe, a yim kangu mang mila chinangu. M mila chin yinangu m Masiya Yesu a mila chinangu.

⁹Min twaba bunitu mi ke tichakaku kini milaku yichiyangu nabwen. Tintine mi ke tijim Kwama tiswaan tini kwang,

¹⁰yinu ta medu ta sutu chi a datu, ke tikau nibi walak bibu a ne dituur wem ka laminti yo Masiya ka kilade.

¹¹Yinu we da chin ti yung da wuyile wu ni yadu a diYesu Masiya, dne ke din Kwamanu a ya dwiyen n ti rikaku.

Sweku dne Masiyan

¹²Kebu mim, min baddu ta yindu tiko chitu a fwe n ti minitu, a yo yam bilim ka chakaku,

¹³kasi no nang nibu kirangmu kito lo maiyemu n ti bikamu nibi kwang a yim ko n le dibintilu dne Masiya.

¹⁴Dne nibu a kwai a dibintile, a kau ware wu n Tewuduwe a yo kebu nibu buntikimu nabwen a ya ruku kima dimwar yam Kwamamu a ne tayi we.

- ¹⁵Biyilim bikamu nibu buntikim kima dimwaru kiyoti mulinu we n ti katın, aya bikamu kima dimwar Masiya kini niri diin.
- ¹⁶Nibu bibu kima dimwarimu, kimadu dine n chi a milaye, a yim ko nibu a kwai we dibintilu dine min so yam bilime.
- ¹⁷Bikamu kima dimwar Masiya kiyoti da bwiye we, a ne biyilim we. N chi kibaddu mang leti wuka riye we dibintilu.
- ¹⁸Aya kasi a no yire, ka tikuran tikwaniye ka tikuran tiyiliye, yamu nang bibu: dimwar Masiya a kwiyabu. Titu a yo min nwe tamang. Kikumang, nwe tame mikj chakakku.
- ¹⁹N yim twaba bune chin dine minangu, yinu tintine Fikim Yesu Masiyamu kimakayu, titu nang chi ka yo chirku mangitu.
- ²⁰M bau kini kike, n yoti niru we mi ne mang ma chi ka yoyu a dibwi we nangang Tewuduwe, aya n fwa yam Masiyamu a ne tayi we, we chitu mang maditi kwang, m Masiya ka ya rikaku we di mine kikanu n ti ka wuwule kiswiye, kasi mini kini tikuri, kasi no a kutengu mang bwadang.
- ²¹We di mine, ka n kau kini tikuriye m min n wu Masiya, ka m bwange ka lami chi.
- ²²Aya ka mang chakakku kini tikuritu mang ma Masiya min nangang kiyilange, n kwala titu mang swaditu.
- ²³Time chi yurabe a le nir minu. Min baddu mang kila bwa di Masiya mang swedu ware. Tikitu a mwan a la chi,
- ²⁴aya we dichine a la chi ka m min we kini tikuriye.
- ²⁵Yo kwer mang swaniye, n yim mang swedu ware n ti chini kwang, ke tichakakku kini furi mwenu we keku biyilimang changu,
- ²⁶ka yiko, ka n kila chi minte disiiru wenge, ta ngau kwiye, we chi Yesu Masiya a ma a diminetu.
- ²⁷We chitu ta maditi kwang, tima fiswe wu ka yung da wa yam bilim Masiyame, dine kasi no m be n ku chin, kasi no mang bebu, mang nwe yamu we dur chinu. Yinu mang yindu mi titi ware kiring, tini bobu, tikuran chintu a fiwiine dine keku biyilimangu we yam bilim.
- ²⁸Tinwedu tayi fakwarbu chimu we ko bayim, titu ka kau chi min dimwal didu n chi ka swaanu ko ya chi twiyadu, aya we di chine, ta ya yuku a falang Kwamang n kifwan.
- ²⁹Dine lime a ma chimine n ke kana dine ta kedu kini Masiya, aya tintin ta nwe riye dine kine,

³⁰yo t̄in t̄i nwe riye yinangu ta ku m̄in nwe dangu, yinu ta nwe t̄in we m̄in nwe riye chiku.

Filibiyam 2

Ni bunt̄i da wu a diMasiya

¹Ka da ch̄in a bunt̄iki Masiya kiyodu tiya ru n̄ire, ka k̄ike ko k̄ikum chim̄in n̄ire, ka kunkaku we F̄ikim Kwamame, ka n̄ir ch̄ini buk k̄ini tim̄ilantu t̄inwet̄i k̄ibune,

²tiyo tim̄ilan mitu a kabi dim̄birim. Tikuran ch̄intu a be a fi wiine, t̄inang m̄ila yichiyu, t̄inang kunkat̄inu ware.

³T̄imadu chitu we k̄ini da bwiye ka kukk̄iku durange, aya t̄is̄ikku dutu ch̄intu, n kawure a ke ko wukani a la k̄in.

⁴T̄ikuru ka chi a dur ch̄ine we, aya t̄inang kurt̄i b̄ikamu t̄int̄in.

⁵Da t̄ichiyu a kau tiyang da wu a diMasiya Yesuwe.

⁶Kasi k̄iku n k̄in Kwamangu, a dabbu f̄irak̄i kangu n ti Kwama ke t̄ikan chi t̄itu n k̄in ka tadi k̄ir̄ingi.

⁷N k̄in a mar dur k̄inu n ke t̄ikan chi; a mar yikiyu yinang k̄abe, A be k̄ini d̄iten bwi niin.

⁸A d̄iten bwi niin, a siiku dur k̄inu a kw̄amb̄ir d̄idu a yo k̄in a bwa, kasi no bwa wu a k̄it̄iyang bwange.

⁹D̄ine yiko n Kwama a ni k̄in dwiyentu a la ka t̄it̄ile chiye kwang. A ni k̄in d̄in d̄idu a la t̄ikantu dim̄bi k̄ini rikaku,

¹⁰d̄ine yiko ka nang wuwule niye, ka diye ka a t̄ime, ka n̄ir d̄it̄ine, ka sungdu kan̄in ni Yesu dwiyentu.

¹¹T̄int̄ine ka nang wuwule yiiye ka mwadu ko, Yesu Masiya nang Tewuduwe, k̄ini Kwama Te dwiyentu.

Ni yiidu yinang k̄iswiti we t̄it̄initu

¹²D̄ine yiko, n t̄in b̄ibu m̄in m̄ilad̄imu, kangu tim̄ami kw̄amb̄iri kwadangu kasi m̄in newe, k̄ik̄angu m̄in mang newe n ti ch̄inangu, t̄isu kw̄amb̄iru. K̄ik̄angu ta ya yukangu, t̄ichakakku k̄ini da wu yile n ti tayi Kwamai.

¹³N Kwama nang wu k̄ima nangang a n̄itu ch̄ine, k̄iyo ch̄inu t̄ikedu yinu ta ma chi ka l̄ima k̄in n̄ire.

¹⁴T̄imadu chiwe k̄ini t̄iluran keb̄i ka t̄ikwilane,

¹⁵d̄ine ke t̄ikau n̄ibu b̄ibu a ne d̄ituur wem, b̄ibi w̄al̄ak, tiyang bwes̄im Kwamam b̄ibu a ne k̄ile wem we d̄ikalan d̄ibwilan d̄ikus̄inu, tan̄in yiidu we tibe chi yinang fit̄it̄ilai we t̄it̄initu,

¹⁶ka tɪfwa chimɪn yam kɪni tɪkurime, ka tɪmange, ka yodu mang rɪka bwi we di kɪlake Masiya, ke a kaduwe m mɪni bobu, n ti riye mi a kadu wu kuse we.

¹⁷Keku biyilimang changu n ti nangang chɪntu wadwadu we kakku Tewuduwe. Kasi no a kur kɪtuum mɪmu we niku kɪtuumang kɪku, mang nwe tamang mang ma tɪmɪlantu n ti chɪni kwang.

¹⁸We yiko, ta ma furi mwemwe, ta ma tɪmɪlantu n ti mɪn.

N Timoti n ti Abafaraditu

¹⁹N yo nɪru ka Tewuduwe Yesu a kenge, mang tum chimɪn Timoti a ne dau kɪswi, dɪne ke a ru nɪr mɪnu ka n nwe yam chime.

²⁰M mɪn n newe kɪni wuka ni yinang kɪn wu a yo tɪkuran chɪntu a kake.

²¹Bɪkamu nɪbu kɪbau kana chi n chi kɪbadde, a bwin tɪtu n tɪ Yesu Masiyangitu.

²²A tayim tiyangu n Timoti we mɪnangu, tiyangu nang ma nangan yam bɪlɪmu ware tiyang bwe n ti tekɪnang.

²³Dɪne yiko, mɪn yo nɪru mang tum chimɪn kɪnu, ka n yim chi ka fwedu n ti mɪne,

²⁴tɪntɪne m mɪni kɪni runi ka Tewuduwe a kenge, m mɪn mang bete bwa dɪchine a ne ti ke.

²⁵N dang a le mang tum chimɪn kemi n Abafaraditu. N kɪn fate wu mɪn ma nanga fandu ware, fate mɪn funtɪbwi ware, wu ta tume kɪmami nangange.

²⁶N kɪn a yo nɪru ka ku chɪnu kɪni kwang, a lɪm kɪmɪnbu yinangu a nwe ko tiyim n kɪn a bubuwengu.

²⁷We yiko a bubuwe, a no mwatan ka bwadu. Aya n Kwama a nwe kɪbune ko, n ke ka kɪn kɪkun, n Kwama a nwetɪ kɪbune mi, ka no newe yiko, furi kɪlinu a no lamidu la.

²⁸Nang chi a yo mang yo nɪru mang tum chimɪntɪ kɪnu we kɪda, ke tɪ nwe tamang tɪkutɪ kɪn we kɪda, kaiyan nɪre mi ka bungdu.

²⁹Tɪyiu kɪn kaniyi yurau dɪne Tewuduwe, tɪni duum bɪbu dwiyentu yinangu a dakanang.

³⁰Dɪne a no mwatan ka bwadu dɪne nangang Masiyangu, a ni tɪkuri kitu ke kɪmami makakɪku n tɪn ne ta medangu.

Filibiyam 3

Yile wu a biyilime

¹We kuteng kɪku, kebimɪm, tɪma tɪmɪlan we dɪTewuduwe. A ne buyi nɪr kasi no m mwal chimɪntɪ tɪtu we. M ma ying ke a maka chɪn we keku biyilimang changu.

²T_ima daan k_ini n_ibu b_ibwilamu b_ibu yinang kadatimu, b_ibu k_iyidu ko biku laarangu a mwintuwe.

³D_ine n n_in nang n_ibu nang bii laari siinmu, n n_in b_ibu n_in sii Kwama a F_ik_im k_ime, b_ibu k_ingau kwiye k_ini Masiya Yesuwe. Nang yot_ibu n_ir we nangin t_itu n_ibu k_imadu a d_iten bwi niintu,

⁴kasi k_iku m m_in, m_in medu m_in yot_i n_ir we nangin t_iti a d_iten bwi niintu. Ka wuka nii we wu k_ikamadu ko, n k_in k_ini chi a yo n k_in k_ini yo n_ire we nangin t_iti a d_iten bwi niinte, m m_in n la k_in.

⁵N_ibu a bii mi laaru yo mang lam diti nar_ibe, m m_in naba Yisrela siin, a k_ikuwang Benyami, bwe Yibraniya siin. We y_am kw_amb_ir_imu m_in bunt_i yil_in n_ibu Yafudamitu, m m_in naba Farisa siin.

⁶We funt_iku bwiyang mangu m_in ni n_ibu bunt_ik_imu riye, we y_am yilemu b_ibu a bunt_iku yil_inte, m m_in a ne k_ile we.

⁷Aya ferediye k_ichitu wu no m_in kudu mi kano mang ya k_it_ime we, k_ikangu a kau mi yare d_ine Masiya.

⁸A ne chi k_ini k_isiyange we yinang yingku Masiya Yesu Tewuduwe mi. M mar ka t_it_ile chiye a kau mi yare, d_ine ke n yim k_in. N yar we chiti kwang d_ine k_ine. M mar kwal_in chiin d_idu kwang n ku a kau chi t_ikusi, d_ine ke n ya Masiya,

⁹t_int_ine n swe t_in a d_ik_ine. T_itu n ke d_ine yile m_in tundu we bunt_iku yil_inte, aya d_ine yile k_ichiredu a keku biyil_imang a d_iMasiya, ka nang chikiye nang yile wu ni yadu a d_iKwama we keku biyil_imange.

¹⁰Chi m_in badditi kwang ke n yim Masiya n ti dukan kunk_i kangu we kw_amiyu. M_in baddu mang lwekadu n ti k_in we riye n ti bwa yinangu n k_in a mangu,

¹¹we yo n_ire ke m m_in n kuntuwe bwa n kab k_ini t_ikuri.

Fum bwi ke n chau k_ila

¹²A yungbu ko n tu n kau tiyangu m_in baddu mang kaddangu ka mang tu mang kabi d_imb_ir_im, aya m m_in we bobu ke n chau k_ila, d_ine m Masiya Yesu a tu a yo m_in n kau wuko.

¹³Kebu m_im, mang yibu mi n tu n ya didin, aya t_ime chi wiin wu m_in made, m_in tab_idu k_ini chita suutu. M_in funt_i bwi a chita kakkitu.

¹⁴M_in funt_i bwi mang chau k_ila ke n ya k_it_ime d_iyale wu n Kwama ka niyu a bwadiye we chitu m Masiya Yesuwe a mantu.

¹⁵D_ine yiko, n ch_ini kwang b_ibu niyang dwiyen a F_ik_ime, ni kau k_ini da wu. Aya ka b_ikam chimu k_ini t_ikan t_ikuran d_ange, n Kwama ka yung ch_in t_itu t_in.

¹⁶Kasi chitu nang t_itu, fi niyang lame, ni chakakku we fiko.

¹⁷Kebu m̄imu, m̄in baddu ta bunt̄i nanimīyu, t̄i miyan we b̄ibu da chi a da yinanḡimu, n ti kangu nang miya chim̄inangu.

¹⁸Tiyangu mang me m̄in fwa chim̄inangu, m̄in fwa chim̄in t̄inu k̄ida k̄ikangu k̄ini t̄imweni mi b̄ikamu n̄ibu da chi wa kat̄ine n ti chi m Masiya a ma a k̄it̄iyang bwange.

¹⁹N̄ibu b̄ibu a tau w̄are wa twiyake, chi bwi chi k̄ibadde nang chi k̄ibu chi n̄ire, k̄i ngau kwiye we chi a no dakan ka nweng dibwiye. T̄ikuran chitu a kana kul̄in t̄it̄in̄in.

²⁰N ch̄ini m b̄iu Yaa diye, yinu n̄in yam Naba Yuke wu ka bedu we bwako, Tewuduwe Yesu Masiya.

²¹N k̄in nang naba dukane, ka yo chiti kwang a yaa ko. N k̄in ka sute bwiti chire yiyu a t̄ibwitaniyu, ka maru yinang yikiyu a dwiyeniyu.

Filibiyam 4

Kikure

¹D̄ine yiko, kebu m̄im, n t̄in b̄ibu m̄in m̄ilad̄imu, t̄ikuran mitu kwad m̄in baddu mang ku nu ch̄in, n t̄in b̄ibu t̄iyo n̄ir m̄inu k̄inwe tam̄ange, b̄ibu m̄in ngau kwiye k̄ini ch̄in̄imu. M̄in wana ch̄inu t̄it̄ii k̄iring we d̄iTewuduwe.

²N wu Yudiya n ti Sint̄iki m̄in k̄itele, mi a do tibe chi a d̄in Tewuduwe.

³M mun fate nangangemi wuyile, m̄in wananu maka nat̄ibu b̄ibu. D̄ine a nwe riye we nangang Kwamangu n ti m̄in n ti Kilemen n ti b̄ikamu fat̄ibu nangam, b̄ibu d̄inbi chitu we tak̄ida t̄ikuriye.

⁴T̄iswe k̄ini furi mwen we kunkaku changu n ti Tewuduwe kwadu. Mang fwa t̄inu k̄ida, t̄iswe k̄ini furi mwen!

⁵T̄ikabbi k̄ini da wu bubbuke n̄ire we ka nang wuwule niye. N Tewuduwe a mwatan ka bedu.

⁶T̄ikuru chiwe, aya we chiti kwang t̄i kabi k̄ini tw̄ab̄aku buni t̄inang b̄iu Kwama chi ta kwalan no ta yaditu k̄ini d̄iwan we n̄itu ch̄intu.

⁷L̄imang Kwamangu a su K̄inat̄in we yinku niyangu, ka yo n̄itu ch̄intu n ti t̄ikuran ch̄intu ka tidu a kana d̄iMasiya Yesuwe.

⁸We kuteng k̄iku, kebu m̄im, t̄inang ma t̄ikurantu we chi a biyil̄ime, n ti chi ka bedu k̄ini niku dwiyene, t̄itu a daatu, t̄iti walaki, chi baki, t̄itu a lele, n ti ka t̄it̄ile chiye kwang t̄itu a leleitu, t̄itu a lwe delaki.

⁹T̄ima nangangu k̄ini chi ta miyanitu, ta yib a d̄im̄initu, ka t̄itu ta nwe we d̄im̄initu ta ku m̄in mat̄initu. N Kwama naba l̄imange ka swedu ware n ti ch̄in.

M Bulus a ni n̄ibu Filibiyamu d̄iwan

¹⁰M ma t̄im̄ilan yinang yinang we d̄iTewuduwe, d̄ine k̄ik̄angu t̄iyungi t̄in k̄ida yinangu t̄ikuru k̄ini m̄inangu. N yim ka nang k̄ik̄ile k̄idange t̄i kuriyu, aya ta yabu da wu ta makaye.

¹¹Mang fwabu t̄itu n ke d̄ine mang kwala t̄ikan chiye, n tu miyang yinangu mang swedu k̄ini n̄iri diin we chi m̄ini k̄initu.

¹²N yim yinangu mang swedu kasi no a t̄it̄ile kwalang ne ka a kuliye. M miyan kangu mang swedu kasi no chitu a kabi yire, ka a rifure ka a chune, ka a nabwene ka bayime.

¹³Mang medu mang ma ka t̄it̄ile chiye a d̄iMasiya wu k̄iruiye.

¹⁴We yiko, a lele kangu ta makai we nwe riye miyangu.

¹⁵N t̄in n̄ibu Filibiyam, a tayim yinang tiko k̄idangu mang mwe m̄in ma d̄imwar yam b̄ilim we yo mang duwe Makidoniyangu, a ne n̄ibu bunt̄ik̄im a kunka dutu chitu n ti m̄in we ni k̄iku n ti ȳikk̄iku kana t̄in t̄ikun.

¹⁶D̄ine kasi no nang k̄idangu m̄in a Tasalonikangu, t̄itum miye makaku k̄ini chitu m̄in badditu a la k̄ida kiine.

¹⁷T̄ikamaduwe tiko m̄in bau k̄ilimang we d̄i ch̄ine. A ne we yiko, m̄in bau chitu ka su chim̄in delaki.

¹⁸N ya chitu ta tumiyetu a lamit̄ila. K̄ik̄angu mang tu mang yiu k̄ilimangu ta tume a faḷang Abafaraditu. T̄itu niku k̄iki firfirang, niku k̄iyilang k̄iku n Kwama ka yidang, ka nwe tamang kange.

¹⁹N Kwamami ka ni ch̄in kasi no t̄it̄ile chi t̄itu t̄ibaditi kwang, ka swe t̄inu we nabwe delaku kangu a d̄iMasiya Yesuwe.

²⁰Dwiyentu n t̄iu Kwama Te chire k̄idiya kwadu. Amin.

D̄isiiru m̄ Bulus a swan m̄in̄in

²¹T̄isii n̄ibu bunt̄ik̄im Kwamamu b̄ibu m̄ b̄iu Masiya Yesumu. Keb̄ibu a fimu k̄isi ch̄in tedu.

²²N̄ibu bunt̄ik̄imi kwang k̄isii chinedu, tiyang kasi b̄ibu a lo Mai Kaisare.

²³L̄ime Tewuduwe Yesu Masiya a swe ware n ti ch̄in. Amin.

Kolosiyam

Kolosiyam 1

Djisir Bulusjɛn

¹M mɛn Bulus wu a mwal lwanɛn dɛde, m mɛn Fandu Masiya dɛne n Kwama a suti ko n kau Fandu. M mɛn ti Timoti ke chire nɛn si chinu,

²min mwal chinminu n tɛn kebu nɛbu buntikim bɛbu kibunti Kwama kini da wuyile a Kolosimu. Lɛme Kwama n ti limang kangu a swe ware n ti chin.

M Bulus a ni Kwama dɛwan

³Kanang kikile kidang nɛn twaba chimɛn buniyange, nɛn wana Kwama Te Tewuduwe Yesu Masiya.

⁴Nangkɛn, nɛn nwe yinangu ta ke biyilimu we dɛYesu Masiyangu, n ti yinangu ta mila nɛbu Kwamangu.

⁵Chi a yo timadi yiko, dɛne yo nɛre chin we chi tiyilitu a yang chimɛn a bwaditu. Bibu nang yam bilimɛ ta nwe feredimu, nang dikwal diyilinu ta tu ta nwenu.

⁶Yam bibiinim bɛbu a be chimɛnemu kitiradu we wule titiniye kwang, kisute datiyu a lebiyu yinangu a sute yichiyu we di ta mwe ta nweeng yame, yinu ta swaan biyilim Kwamamu we lɛme wu a ma nɛbu kiletimu mɛne.

⁷Bibu nang yam n Abafaraditu a miya chimɛnimu, n kɛn ke chire naba nangange, wu n kɛn naba nangan Masiya wu yile, n kɛn kimaka nɛnnu kɛma nangang kiku a sute chin.

⁸N kɛn nang wu a fwa nɛmɛn yinangu Fikim Kwamamu a maka chin ta mila nɛbu buntikimi kwange.

⁹Dɛne yamu nang nwemu, nɛn chakakku kini twabakiku dɛne chine. Nɛn twaba Kwama a yung chin chi n kɛn kibaddu ta made. Nɛn twaba chimɛn tɛn ke Fikimu a ni chin kasan n ti swaanku.

¹⁰We yiko ke dati chiyu a lɛma Kwama bwi, ke tɛchakakku kini nangang kiyilangu, tɛnang maka bikamu we chi tiyiliti kwang. We yiko ta swaanu yinangu a dakan ta yim Kwamangu.

¹¹Nɛn twaba chimɛn tɛnu ke n Kwama a rub chin we ne dukan kinu a ribu riye ke tɛme tɛma bwanu timu nɛru kini timilan we riye tɛnwede.

¹²Tɛnang wana Kwama Te chire, n kɛn wu a yo chintuwe bɛbu ka ya kitime kula a yang nɛbu kimu mɛn a bwadiye.

¹³Dɛne n Kwama a chake ni we dukan Setan a kiliyenu, a be kini chini a matin bwe nɛre ko n kɛn a milane,

¹⁴wu a tu ni kini kituum bwe komu, a dau kileti chireyu.

Lweku Masiyangu

¹⁵N Yesu nang chirkaku Kwaman wu niyang kube, n k̄in nang wu k̄ini dukanu we kanang t̄it̄ile chiye a yonti kwang.

¹⁶N Yesu nang wu n Kwama a yo chitu a twiyetu n ti t̄itu a t̄it̄initi kwang, n ti chi ni kude n ti ch̄i niyang kubitu, mat̄imu, n ti b̄ibu k̄ima mat̄in ne, n ti yaatiyu, b̄ibu k̄imat̄in̄imu, dukan yil̄in̄imu. Chiti kwang a kau a d̄ik̄ine d̄ine n k̄in a ke yiko.

¹⁷Masiya we yo ka t̄it̄ile chiye a mwe. N k̄in nang wu a yo ka nang t̄it̄ile chiye k̄i swedu l̄imange.

¹⁸N Yesu nang Mai we n̄ibu bunt̄ik̄imu. N k̄in nang w̄are t̄ikuriye, we yiko n k̄in nang wu n Kwama a kuku we fure a ne ka bwa t̄inuwe k̄ida, we ka t̄it̄ile chiye kwang n k̄in Mai we chitu k̄ini kwang.

¹⁹N Kwama n kifwan a ke Bweco ka kadu yinang k̄in d̄imb̄ir̄im.

²⁰N Kwama a doka chiti kwang a d̄ik̄ine, chi a twiye n ti t̄itu a t̄it̄initu, a yo l̄imangu a swe d̄ine k̄ituum bwekomu a k̄it̄iyang bwangu.

²¹Feredi a no nḡa we tibe ch̄in n t̄i Kwama, t̄ikau fakwarbu Kwamam we t̄ikuran t̄ikusi ch̄intu d̄ine bwila ta chakaku t̄it̄imaditu.

²²Aya k̄ik̄angu, n k̄in a doka tibeko n ti ch̄in we Masiya wu a kau niye a bwat̄ine, ke a mar ch̄in t̄ikau n̄ibu wauwad̄im, b̄ibi w̄al̄ak a ne der we kakku Kwamangu.

²³Aya a mwituwe ta chakaku k̄ini keku biyil̄imang changu, t̄iti k̄ir̄ing yinang lo a rub a tame wuyile. T̄ikedu chi a b̄inglu ch̄inu we yo n̄ire n Kwama a bw̄au chim̄in we ȳam b̄il̄im b̄ibu. B̄ibu nang ȳam b̄il̄im b̄ibiin̄im ta tu ta nwemu. B̄ibu nang ȳam b̄il̄im b̄ibu n̄ibu nangang Kwama a mwa n̄ibu we t̄it̄initi kwange, m m̄in Bulus, k̄abe Kwama a yo m̄in n kau wuka naba d̄imware ko.

M Bulus a ma n̄ibu bunt̄ik̄imu m̄in nangan

²⁴K̄ik̄angu m ma furi mwemwen we riye m̄in nwedu d̄ine ch̄in n̄ibu bunt̄ik̄im a yikai kuutimu, yinu n ke mang nwe riye we chiti kwang Masiya a bau mang nwedu d̄ine k̄ine. Ke m maka n̄ibu k̄imu b̄ibu yinang bwikiye.

²⁵N Kwama a suti ko ke n kau naba nanga n̄ibu bunt̄ik̄im. A ni nangang k̄iku ko ke m maka ch̄in, m ma kasi d̄imwar Kwamanu yinangu a daka m̄inangu.

²⁶Ȳam b̄ibu m̄in fwa chim̄ind̄imu n Kwama a wudubu n̄ibu feredimu m̄inbu. Aya k̄ik̄angu a wudu n̄ibu k̄i bunk̄im̄in t̄inum̄u m̄in.

²⁷Nangk̄in a l̄ima Kwama n̄ir ka fwa n̄ibu k̄imu m̄in ko kulitu n ti dwiyen Masiyatu n t̄iu yikayu kuuti t̄in. T̄itu nang chitu a no lai n̄ibitu: T̄itu a yung m Masiya we ware n ti ch̄in we n̄itu ch̄intu t̄in yikayu kuti, we yiko tiyim ta swedu ware we k̄id̄ing mat̄ine n ti Kwama.

²⁸Nang chi a yo n̄in fwa ka nang wuwule niye m̄in yam Masiyamu. Nii wu chim̄in k̄itele, ni miya n̄ibu m̄in k̄ini kasantu Kwama a ni chinitu. Ni baddu ka lam kakku Kwamangi dumb̄irim we kunkaku chiyangu n ti Masiya.

²⁹Nang chi a yo m̄ini bobu we nangange. M̄in funt̄ibwi k̄ini nabwe dukan Masiyanu kimakayi k̄in̄imu.

Kolosiyam 2

¹Aya m̄in baddu ta yindu tiko nabwe riye m̄in nweđe d̄ine ke n maka ch̄in n ti n̄ibu bunt̄ik̄imu a Lawudukiya, n ti bikamu n̄ibu bunt̄ik̄im a yimb̄i m̄in kabu n ti kab̄e.

²M̄in madi ying mi ke n ru ch̄in kwang a F̄ik̄im Kwamam, m̄in baddu t̄ini k̄ini kwang t̄i m̄ila yichiyu we yiko t̄ikunkan ware, m̄in baddu ta ya delak̄iku k̄iyar ni yiyangu k̄iku k̄i bunte swaangku yam Kwamamu yo ni yim yinange. Ke n chi a yim chi t̄ilairi Kwamatu, ka nang chikiye m Masiya k̄ifwan.

³We d̄ik̄ine a lai kuli t̄itu a swaanku kasan yingku yam Kwamantu.

⁴M̄in fwa chim̄in b̄ibu, ke wuka nii a but̄idu ch̄in we, wu ka yodu ta kudu yinangu k̄ifwa biyilimange.

⁵Kasi k̄iku mang newe n ti ch̄in kabu n ti kabangu, aya n̄ir m̄inu n we n ti ch̄in we F̄ik̄imu. M̄in ma t̄im̄ilantu yinang kangu m̄in nweđu yinangu ta ti ware k̄iring t̄ifunt̄i bwi we keku biyilimang changu a d̄iMasiya.

Bunt̄ik̄i Masiyangu a be k̄ini da wu fwiye

⁶K̄ik̄angu ta yiu Yesu Masiya a kau Tewuduwe ch̄inangu, a le t̄i chakakku t̄inang bunt̄in da ko.

⁷T̄iti we keku biyilimang changu k̄iring we d̄ik̄ine, t̄ichakakku t̄inang duyedu we yo n̄ire. Tiyangu n̄ibu a miya chim̄inangu. T̄ichakakku t̄inang wana Kwama.

⁸T̄ima dandan, t̄ikedu wuka nii a but̄idu ch̄in we k̄ini miyaku chiyangu, chi n chi k̄imiyade t̄ikusi n ti t̄ikwani a ne biyilim we, n chi k̄imiya yami daati n̄ibi n ti chi a t̄it̄iniye n ke b̄iu Masiya.

⁹D̄ine we d̄iMasiya wu a kau yinang niye, Kwamai kitu we.

¹⁰Aya n t̄in d̄ine kunkaku changu n ti Masiyangu, F̄ik̄im Kwamamu a lwe ch̄in d̄ine n k̄in nang Mai wa mat̄im k̄ima mat̄in ne n ti wu k̄ini dukane.

¹¹D̄ine kunkaku changu n ti Masiya, a kau n t̄in yinang b̄ibu a bi laaram. A yung a chaku da bwiye ch̄in. Mang fwabu biku laarang k̄iku a bwiyang, aya chak̄iku da bwiye n Masiya a ma chim̄ine.

¹²K̄idangu n̄ibu a ma chim̄in b̄atismangu, n k̄in a nura we da bwiye, n k̄in a bwa a fur k̄in yinangu a fur Masiya. A kuku ch̄in n ti k̄in k̄ini da wufwiye tiyangu a

kukku Masiyangu. We keki biyilimang changu we dukan Kwamanu a kiku kin we fure.

¹³Feredi n chin no tima kutan we diKwama dine kileti chiyu, n ti biku laarangu dine kileti chiyu a da wa bwiye. Aya n Kwama a kuku chin a ni chin tikuri tifwi n ti Masiya. A du nimin kileti chireiyu.

¹⁴N Kwama a nuran kiletiyu a no a dur chirenu. N kin a dau kiletiyu a kitayang bwang.

¹⁵N kin a la dukan matin kifibtinu n ti dukan matinimu, n kin a ni chi dibwi yi kwarikwari. N kin a yung kichau kila we kitayang bwangu.

¹⁶Dine yiko tikedu wuka nii a swabadu chin we dine tichau titu, ka ti no tite, dine ta bungabu n ti chi we yikayu yeni ka yilang difikare nibu Yafudam ka kiku a swange.

¹⁷Titi kwang ka kiwulang, kiku kiyung nibu min chitu ka fweditu, a ya n Masiya nang kasi chiti siine.

¹⁸Tikedu ni a swakidu chin we ko a mwituwe tisung tisi nibu titumbiri, wu ka yodu ta kwala kitime chini kine, nibu bibu ko n chi kini kaang yingku we diKwama dine a ku dwakam biyilim. Aya kikukku ka dur kin a ne kikwi we, kima ka tikuran bwiyen.

¹⁹N kin a du keku biyilimangu n ti miyaku kiyilang Masiyangu. Yinangu tikake kini kwal kinangu, m Masiya a ti nibu kimu min kakku kini kwang a kabbi wiin, a kwarkan a fiwiine yinangu mer ki taba chitu a fiwiineng. Kidwiyedu yinangu n Kwama a do ka fwedang.

Bwa n ti tikuri we diMasiya

²⁰Yinangu ta bwa n ti Masiyangu, yilin titinitu a ne dukan we dur chinu. Dine yiko a mayire tinabu yilin titu chiku yinangu n tin we titiniti chikke?

²¹Yilin titu n nang, "Titadu titu we, tichadu titu wenge, titwaiyu titu we."

²²Titu kiyung chi ka ni ma nangangi kine a ne ti ke ni wasu tinu a bwa. Dine titu ka yilang n ti miyaku niyang.

²³Yilin titu kiyungdu yinang kasan tiyili. Nangkin ki miya nibu min kwambir, ke a yung ni kibunti Kwama yinang yinang kini bwanu, kiswabā yichiyu, kini bwi chi riye, aya yilin titu a makabu nibu n chi a dubu tikuran tibwilantu.

Kolosiyam 3

Da wu wufwiye

¹Dine n Kwama a ni chin tikuri tifwi yinangu ta kun n ti Masiyangu, tifunbwi kwadu tinang bau kana chi a bwa diye. We bwa diye n Masiya a swe a kang kiyilang Kwamang.

²Tiyo t̄ikuran ch̄intu a chitu a bwadiyentu, n ke chi t̄ibwilai t̄itu n̄ibu a yimbu Kwama k̄i tunde.

³Yo ta bwa n ti Masiya, yinu t̄ikuri ch̄intu k̄ikangu a lai ware n ti Masiya we kakku Kwama wu niyang kube.

⁴Aya yo n Yesu Masiya wu nang d̄ibw̄ar t̄ikuri ch̄inu ka k̄ilade, n t̄in ta kundu ware we dwiyen kitu.

Da wu k̄are n ti wu fwiye

⁵D̄ine yiko, t̄idu nanḡi t̄ibwila ch̄intu k̄iyadu a fiwiine n ti da bwiye, yinang k̄ikulbu we, n t̄i w̄ari yariye, ka kubeke, t̄ikubedu chi t̄ibwilai we, n ti k̄idwanki, d̄ine k̄idwanki beka kau chim̄in d̄iyor.

⁶D̄ine n̄ibu k̄im̄ila maku t̄ibwitan̄imu, k̄ifwini Kwama k̄ibedu we n̄ibu a ko a bunk̄im̄int̄ib̄imu.

⁷N t̄in t̄ifwan t̄idwala we w̄are yibwilayu yo ferediye yo n t̄in we da wu bwilange.

⁸Aya k̄ik̄angu t̄imat̄inu t̄itu we k̄ida fal. T̄imadu k̄ifwini we n ti n̄ir dukwan̄inu, n ti da wubwila, n ti t̄ituran̄tu, n ti sw̄aba ku.

⁹T̄imwedu yichiyu m̄inu t̄ikwan̄itu we. T̄imadu kw̄al̄in ch̄in d̄idu we kangu ta kwer ta du bwila n ti yayu no t̄i yadengu.

¹⁰Aya k̄ik̄angu ta ke k̄ini Masiya, k̄ik̄angu t̄isuten t̄ikau b̄ikam duum n̄ib̄im. N Kwama a yo chim̄in da wufwiye, n k̄in k̄idosa ch̄inu k̄idati kwang ke t̄i kau yinang k̄in ke n t̄iyim k̄ini siin.

¹¹Yo n Kwama a kwer a mar mun wufwiye niye, ka m mun naba n̄ibu Yafuda ka naba Yelena ka b̄ibiin̄im. Ka wu a bilaare ka wu a bibu laare, kwang a fiwiine. T̄int̄ine ka m mun bwe kuwe ka wu a kasabe, k̄abe ka n ke k̄abe. N Yesu Masiya nang chi a la chiye, n k̄in k̄iswedu n ti ka nang wuwule niye.

¹²D̄ine yiko yo kwer n Kwama a sutu ch̄in t̄i kau n̄ibu k̄im, a m̄ila ch̄in, t̄ikabi k̄ini k̄ibune, k̄ini k̄ilimang, k̄ini s̄ikk̄iku durang, k̄ini bubbuke n̄ire, n ti bwanu.

¹³Aya tama bwanu k̄ini n̄ibi kwang, ka wuka nii a ma chi m̄in k̄ilenge, t̄idu k̄im̄in, a fiwiine tiyang kangu n Tewuduwe a dub chimangu t̄idub chi m̄in t̄in.

¹⁴We chitu k̄ini kwang chi a la chiye t̄im̄ila yichiyu, wu a bw̄au ch̄ini kwang a fiwiine we fiswe l̄imange.

¹⁵T̄idu l̄imang Masiya a maka ch̄in we chitu t̄imaditi kwang, d̄ine l̄imang k̄iku n Kwama a yo t̄ikau bwi wiin, t̄inang wana Kwama kwadu.

¹⁶T̄iyam ȳam Masiya mu a swe we n̄itu ch̄intu yinang yinang t̄inang miya kebu chimu m̄in t̄inu t̄ina wu chi m̄in t̄in k̄itele k̄ini yinku n ti kabaku Sabura n ti teni n ti teni delaki t̄inang wana Kwama we n̄itu ch̄intu.

¹⁷Aya kasi no t̄ima t̄it̄ile chi k̄ini kwang ka chi ta fwade ka chi ta made, t̄ima k̄ini kwang a d̄in Tewuduwe Yesu, t̄inang wana Kwama Te we d̄ik̄ine.

Fiswe k̄ina wuyile

¹⁸N t̄in nat̄ibu k̄inamu t̄ibunt̄i kwartabu chimu yinangu a dakan naye bunt̄ike ka bunt̄i Tewuduwe.

¹⁹N t̄in kwartabu t̄im̄ila nat̄ibu chimu, t̄it̄au chi yinang.

²⁰N t̄in bwes̄imu, t̄ibunt̄i kasi no t̄it̄ile chi t̄itu tebu chimu k̄ibaddu ta maditu. D̄ine nang chi n Kwama k̄ibadde.

²¹N t̄in Teb̄ibu, t̄iyodu bwes̄imu a madu k̄ifwiniwe nabwen, ke bwi chiyu a mwana madu we k̄ir̄im we funt̄iku bwiyanu.

²²N t̄in k̄abiyu t̄ibunt̄i tebilom chimu b̄ibu a t̄it̄inimu we chitu t̄imaditi kwang. T̄il̄ima chim̄in n̄iru kasi no fere. N ke kana yo a f̄ir chim̄int̄i nu we yinangu t̄ima nangange ke n chi a weer ch̄ine. T̄ibun chim̄in t̄in k̄ini n̄iri diin ka nang wuwule yo, d̄ine t̄ibunt̄i Tewuduwe.

²³Kasi no t̄ima t̄it̄ile chiye, t̄ima yinangu a dakan k̄ini nuri diin yinangu t̄ima Kwama min̄u n ke niyang.

²⁴T̄it̄abb̄iduwe ti n Kwama ka ni ch̄in k̄it̄ime wu a kula, d̄ine telo t̄isiide nang Masiya.

²⁵Aya ka t̄in k̄abiyu t̄ima chi a lebe, ta yat̄i k̄it̄ime chi a lebe. D̄ine we kabak̄i Kwamangu a ne sutukuwe.

Kolosiyam 4

¹N t̄in tebilomu t̄it̄au kabi chiyu yinangu a dakanang. D̄ine t̄iyim n t̄ini k̄ini telo t̄int̄in we bwadi.

K̄ikure we tw̄ab̄aku

²T̄ifunt̄i bwi t̄ichakakku k̄ini tw̄ab̄aku k̄iku, yo t̄it̄w̄ab̄a bunit̄e t̄iswe k̄ini k̄iyolangu t̄inang wana Kwama.

³T̄inang tw̄ab̄a n̄im̄in t̄inu yinangu Kwama ka wudu n̄im̄in k̄waru ka ni n̄in da nang mwa d̄im̄war we t̄il̄airi Yesu Masiya wu n chi a no swaanbu ferediye. D̄ine nang yam b̄ibu a yo mang le d̄ib̄int̄il̄imu.

⁴T̄it̄w̄ab̄ami bunitu ke m ma d̄im̄war d̄idi tas yinangu a dakanang a ne taiwe.

⁵T̄iya yayu k̄ini kasan we tibe n̄ibu b̄ibu a bunt̄ibu Yesumu. We ka nang wuwule k̄iswi ta yange t̄ima nangangi k̄in.

⁶We yitaku yamangu, tɪfwa kɪni yii lɪme yinangu ka lɪma kawure bwiyanu, ke tɪyim yinangu ta ni ka nang wuwule niye dɪkɪlɪn yiinangu.

Dɪsiiru m Bulus a swaang mɪnang

⁷N Tikiku ka fwa chimɪn chi a tau kɪfwedu n ti mɪnɪtu. N kɪn kasi ke chire wa buntɪke wu nang mɪlane. N kɪn kɪma nangang Tewuduwe yinangu a dakanang ware n ti mɪn.

⁸Chi a yo mang tum kɪn we dɪchine, mi ke a fwa chimɪn kangu nɪn we mɪnangu, ke tɪyim yinangu nɪn madangu. Tɪntɪne ke a kum chimɪn nɪtɪtu.

⁹N kɪn kɪ bungadu n ti Onisimu, kasi ke chire wu yile wa buntɪke mang mɪlan dɪne kwambɪr kɪne, n kɪn a be a tɪm chim. N Chi kɪni burako ka fwa chimɪn chitu kɪfwedu we fiintu.

¹⁰N Aristakus, fate mi nɪbu a kwau nɪn ware ko n siitɪ chɪn. M Markus wu take chi wiin n ti Barnaba, (N kɪn nang wu mang tu mang fwa yam a dur kɪn mi ka a benge tɪyiu kɪne)

¹¹N Yesu wu n chi kɪyalu ko n Yustuse kɪsiite chɪnu tɪntɪn. Nɪbu bɪbi bɪtamu nang nɪbu Yafudam we bɪbu a bii laar a ni dutu chɪntu kɪma nangang dɪne Yaa Kwama n ti mɪnɪmu. N chi a makai yinang.

¹²N Abafaraditu naba bɪn chɪne, wu n kɪn naba nanga Yesu Masiya kɪsiite chɪnu. Kɪtwabɔ chimɪn buniti kwadu yinang yinang ko ke tɪti kɪrɪng we kɪke Kwama, tɪkau bɪbu a kwalabɪ chim, bɪbu kɪma chi Kwama kɪbadde, a ne kamaku we.

¹³M mɪn mɪfwan mang fwa chi mɪnu mi a Abafaraditu kɪma nangu bobu dɪne chɪne, n ti bɪbu a Lawudukiyamu n ti bɪbu a Yirafolisɪmu.

¹⁴N Luka naba yinenge ni mɪlade, n ti Dimas kɪsii te chɪnu.

¹⁵Tɪsii mi kebu nɪbu buntɪkɪmu a Lawudukiyamu n ti Nimfa n ti nɪbu buntɪkɪmu kɪmuradu a lokomu.

¹⁶A kutengu nɪbu a ki chimɪn lwangɪn dɪde, tɪyo wuka ni a ya kii nɪbu buntɪkɪmu a Lawudukiyamu mɪn, n tɪn tɪn tɪki lwangɪn dɪdu mang tum nɪbu Lawudukiya mɪn tɪne.

¹⁷Tɪfwa Arkibus mɪn tɪn ko a mwintuwe n kɪn ka swan nangangu n Tewuduwe a ni kɪnangu.

¹⁸M mɪn Bulus mɪn fwan, mɪn mwal chimɪn lwangɪn dɪdu kɪni falang mang. Tɪtabbiduwe m mɪn n we dɪbɪntɪlɪnu tɪna twabɔ bunitu dɪne mɪn. Lɪme Kwama a swe ware n ti chɪn.

1 Tassalonika

1 Tassalonika 1

Djisir Bulus

¹M Bulus n ti Sila n ti Timoti a mwal n̄ibu buntik̄imu a Tasalonika m̄in lwangin d̄idu. N chi b̄ibu k̄ibunt̄i Kwama Te, n ti Tewuduwe n Yesu Masiyamu.

Keku biyilimang Tassalonika n ti fiswe chi

²N̄in we twab̄aku d̄ine ch̄ine kwadu, n̄in b̄iu Kwama a yo tim̄ikaduwe tiku changu.

³Yinangu n̄in fwa Kwama m̄in ȳamu we dur ch̄inangu, n̄in kur tinu k̄ini nangin tiyili ch̄intu, nangin m̄ilaku changitu, n ti yinangu t̄ichakakku tiyam beku Tewuduwe n Yesu Masiyangu.

⁴Keb̄i m̄im b̄ibu Kwama k̄im̄ilad̄im, n̄in yim n Kwama a sutu ch̄in ke t̄ikau n̄ibu k̄im.

⁵Nangkin k̄idangu nang be chim̄ine k̄ini ȳam bil̄imangu, nang bebu k̄ini kana t̄ikw̄ali yii t̄ikusi, n̄in bete k̄ini dukan Kwaman n ti F̄ikim Kwamamu n ti kwarille wuyile. A ta yim k̄idangu nang swe n ti ch̄inangu n̄in ma fiswe wu ka kau chim̄inu k̄ini makake.

⁶Tiyiu ȳamu k̄ini tim̄ilan we F̄ikim Kwamamu, kasi k̄iku ta nwe riye nabwenangu. We wu bale, t̄ibunt̄i nani niyu n ti yiyu a Teyu.

⁷We yiko, t̄ikau chi n̄ibu Makidoniyamu n ti b̄ibu a Akayamu ka bunt̄ine.

⁸D̄ine ȳam Kwamamu a yaiyawe a d̄ichine, keku biyilimang changu a yikan kasi no bw̄ale, n ke kana Makidoniya n ti Akaya chi kun. Kasi no nang fwabu n we yiko.

⁹D̄ine n̄ibu n chifwan nang b̄ibu k̄ifwadu yinangu ta yiu n̄inangu, n ti yinangu ta du tiyobitu ta k̄ila bwa d̄iKwama ke t̄i si Kwama siine n ti wu k̄ini t̄ikuriyengu.

¹⁰N chi k̄ifwadu yinangu tiyam k̄ilaku bweko we bwa diyengu. N Kwama a kuku bwe we furu ka nang chikiye n Yesu wu ka chaku nidu we k̄ifwini Kwama k̄ibede.

1 Tassalonika 2

M Bulus a kur nangang kangu we Tassalonikangu

¹Kebu a ta yim ti beki mangu a d̄ich̄inengu a kabu t̄ikusi.

²A ta yim yinangu n̄ibu a ma k̄ini n̄in we Filibi yo yana be fi a d̄ich̄inengu n ti riye nang nwe a bwako. K̄ini yiko n Kwama a ni n̄in runni wu a fwaku ȳam bil̄imi k̄ini dukan, we tibe n̄ibu a kebu ȳam bil̄ime kwang n̄in ma nangang nangu.

³Ka tìdàngi riìnge, nang mabu miyakìku kìnì tìkwani ka mulìne ka tìkuran tìbwilaiye.

⁴Nìn fwa yamu yinangu Kwama kibaddu nang fwadangu, dìne n kìn a ke kìnì nìn a ni yam bilim bìbu nìn mwadìmu. We tìkuran nìntu nìn baddu nang lìma Kwama bwi n ke nìbu, n kìn nang wu kìku chi a nìr nii ne.

⁵N kawure a yim nang mabì nangangu kìnì lìmang yiiyangu niko ke nìn ya dutu chintu, n Kwama a yim nang mwenbu nwekìti we nangìn tìtu niko ke tìni nìn kambìr.

⁶Kangu tìkudi yangu, nang mabu ko ke tìdela nìn ka bìkam nìbu ka dela nìnne.

⁷N ti kìku no nang madi yikongu, nìn buntìni kìnì chìn we nangan fandu Masiya Yesuwe yinangu ne ka buntìnu kìnì bwe kìkar yaràng.

⁸Nìn mìla chìn yinangu a dakanang, dìne chi nìn baddu nang fwa chimìnde n ke kana yam Kwamam aya nìn ke nang funtìbwi nang maka chìnu yinangu nang medangu.

⁹Kebìmìm, ka ta kure nìn ma nangangu ma ram, ko ke tìnwedu riye we kìdangu nang ma chimìn dìmwar yam Kwama mìnangu.

¹⁰N tìn n ti Kwama tìku kìnì nu chìn ta fwa tìnu tiko nìn ma chi a lìma Kwama bwiye we kìdangu n nìn no we ti chìn nìbu buntìkìmangu, a ne fi wuka ka tuun nìne we.

¹¹Tìyim n tau ka nang wuwule chìne yinang Te kìtau bwe ko.

¹²Nìn kum chimìn nìru, nìn lìma chìn bwiyu yinu nìn fwa chimìn ko tìti we wàre ka lìma Kwama nìre, wu a yal chìn ko ke tìkau we bìbu ka chau yaa Kwamamu tìyatì kìtìme dwiyen kiye.

¹³Tìkantu chi tìtu a ne nang wana Kwamatu nang dìne yo ta nwe yam Kwamam bìbu nang mwame, tì yiu tiko yam Kwamam n ke bìbu a nìbìm, ka nang chikiye yam Kwamam biyilim. yam Kwamam bìbu kìma nangangu we bwi chiyu n tìn nìbu buntìkìmu.

¹⁴Kebu mìm, chi a fwe n ti kwàl nìbu buntìkìmu a Yafudiya nang chi a fwe tìn n ti chìne. Nìbu bìn chinìmu a yo chimìn nwe riye yinangu nìbu Yafudamu kìyo nìbu kìbuntì Kwamamu mìnangu.

¹⁵A nìbu Yafudam nang nìbu a chìu Yesu n ti bìkamu Fàkubu mu. Tìntìne a kakatì chìnì, n chi a lìmabì Kwama mìnbi nìru, a ketìbì kìnì bìkam nìbu,

¹⁶kìfuntì bwiyu ka yodu ne nang mwa bìbu n ke kuu nìbu Yafudamu mìn yam bilìmu, ko ke kìla a yiu yam bilìmu a ya swiku. Nìbu Yafudam a chakakku kì butìn yikayu kìleti we yikayu a di ka lamìn kìdangu n Kwama ka wela chiyangu. Bwa ka swanande, n Kwama we kìfwini ko ka mwata chimìnu.

M Bulus a yo we n̄iru ka yat̄i siiramu we Tassalonika

¹⁷Aya kebu, a kuteng k̄iku n̄ibu a yarka niyangu, kasi k̄iku niyang mebu niyang swet̄ibuwe warengu, we n̄in kur ch̄inu. Yo we n̄iru n̄inu no n̄in baddu nang k̄ila t̄inu we bwa di ch̄ine, nang funt̄ibwi nang yadu.

¹⁸A mwintuwe n̄in funt̄ibwi ko nang ya chim̄in siramu, m m̄in, Bulus, aya n Setan a mwat̄i n̄in.

¹⁹A kuteng k̄iku, wureni a yo n̄im̄in yo n̄ire n ti t̄im̄ilante, n ti chi kuk̄iku durang ch̄irenge we kakku Tewuduwe Yesu a di k̄ilake ko, n ke ch̄ina?

²⁰A mwintuwe n t̄in nang t̄im̄ilan n̄intu n ti r̄ikaku nangu.

1 Tassalonika 3

¹A kuteng k̄iku nang ku chitu a ma bwarangu, n̄in sute t̄ikuran n̄intu n̄in swe n n̄ikun a Atina.

²Yinu n̄in tum Timoti ke n̄in ma nangang ware ko a ya chim̄in d̄isiir yam b̄ilim̄im Masiyam. N̄in tung k̄in ke a maka ch̄in a kum chim̄in n̄itu ke t̄ike b̄iyil̄imu k̄ini dukan, t̄ichakakku k̄ini keku b̄iyil̄imangu.

³Ke a maka ch̄in t̄iwulu tayi fumak̄iku t̄iyadangu we. We b̄iyil̄imu a dakan ta yindu tiko duum fumak̄im b̄ibu ka fwe du n ti n̄ibu bunt̄ik̄imu.

⁴Kasi no nang k̄idangu n ti ch̄inangu, n̄in wu chim̄in k̄itele ko fumaku k̄ibedu, a fwe t̄ini yiko yinangu ta kuwangu.

⁵Nang chi a yo yinangu chitu a la dukan m̄inangu, n tum Timoti mi a yant̄ila miye ka keku b̄iyil̄imang changu we k̄ini k̄ir̄inge. M̄in wulu mi ka kano Setan a butu ch̄ine, a yo nangang nangu a kau t̄ikusiyē.

⁶N Timoti a k̄ila k̄ik̄ang ko keku b̄iyil̄imang changu n ti m̄ilaku a ma dukan a lat̄i k̄iki kwadangu. A fwa ko t̄ikur siram n̄imu k̄ini furi mwen yinu ko t̄ibadu we ta ku n̄inu yinangu n n̄in bat̄inu nang ku ch̄inangu.

⁷D̄ine yiko kebu n̄in ya dukanu we n̄itu n̄intu k̄ini chi n̄in made kwang d̄ine keku b̄iyil̄imang changu.

⁸N̄in nwe tam̄ang fiswengu, yo kwer ta ti k̄ir̄ing we Tewuduwe.

⁹Kanodu nang wana Kwama yire d̄ine ch̄ine, d̄ine n n̄inni t̄im̄ilantu nabwen we kakku Kwamangu d̄ine ch̄ine.

¹⁰Kum n ti kuko n̄inni bob n̄in twab̄a chim̄in buni, n̄in b̄iu Kwama ko a yo ni kukatuwe k̄ida ke n̄in do chi a no dubbe we keku b̄iyil̄imang changu.

¹¹Yam Kwama n k̄ifwan, Te chire n ti Tewuduwe Yesu yo a fwe daatu n̄in ya bwana d̄ich̄ine.

¹²N Tewuduwe a yo m̄laku changu a dwiyen we yichiyu, ke n̄ibu a chakakku we duiyek̄iku yinang kangu m̄laki nangu a t̄iran a lanti chinangu.

¹³D̄ine yiko n Masiya ka yo n̄itu ch̄intu ka rudu, a ne der we, t̄int̄ine b̄ibi wauwad̄im Kwamam we diko wu n Tewuduwe Yesu ka bungadu n ti b̄ibu n b̄ikk̄in̄imi kwang.

1 Tassalonika 4

Da wu n Kwama k̄ibadde

¹A kuteng k̄iku kebu m̄im, n̄in wana ch̄inu k̄ini k̄ikure d̄ine Tewuduwe n Yesu, t̄iya yayu wu n Kwama ka nwe t̄an̄ang kange, yinangu nang miya chim̄inangu. Kasi k̄iku n we t̄ifunt̄i b̄wiyangu, t̄isub a la fiko.

²Nangk̄in a ta yim ȳamu nang fwa chim̄in k̄ini dukan we k̄ike Tewuduwe Yesumu.

³N Kwama k̄ibaddu ta kau n̄ibu k̄im. D̄ine yiko t̄idu k̄ileti yariyi kwang.

⁴Ka nang wuwule niye a miyan yinangu ka tau bwi kiyu we yaritangu. N kawure a kau yinang Kwama a ne burt̄iku we.

⁵T̄idu yaritu a tadd̄i ch̄in we a fālang yinang kuu n̄ibu a yimbu Kwamam.

⁶T̄ima kebu chimu m̄inu k̄ileti we, t̄isulu chi we yinangu nang tu nang ngau chim̄in k̄ikurengu d̄ine Kwama ka wela n̄ibu k̄ima chi yikomu.

⁷N Kwama a yalbu ch̄in ko niyang bwita chiti ying, aya k̄ibaddu ni kaddu yinang k̄in.

⁸D̄ine yiko, nii a ko yungku k̄ike, a ko Kwama n ke ni. N k̄in wu k̄ini F̄ik̄im Kwamame.

⁹We ȳam m̄laki kebangu, n ke chi ta nweudu a wuka niye, d̄ine n Kwama a miya chim̄in n t̄ini t̄ifwan

¹⁰We biyil̄imu, t̄im̄ila keb̄ibu we t̄im Makidonyamu k̄ini kwang.

¹¹T̄ifunt̄i bwi t̄ima fiswe wu chikke, t̄it̄war k̄ini chitu a kakku changitu. T̄inang ma nangangu k̄ini fāli chi yinangu nang fwa ko t̄imangu.

¹²Ka t̄imade t̄ikau n̄ibu biyil̄im we kakku b̄ibu n ke n̄ibu bunt̄ik̄imu.

K̄ilaku Tewuduwe

¹³D̄ine yiko keb̄im̄im, t̄imadu fi swe wu a kwalan swaanke we dur b̄ibu a daduum̄imu. D̄ine n chi a bwa ko ke t̄imadu furi k̄ilinu we yinang b̄ikamu n̄ibu a ne chi yo n̄ire wemu.

¹⁴Yo kwer niyang ke biyil̄imu we bwa Yesuwe, ko a kun k̄ini t̄ikuriye, n Kwama ka k̄iladu k̄ini b̄ibu a da duum̄imu ware n ti Yesu.

¹⁵Min fwa chimin bibu mang yuwe a diTewuduwe mu, n chini bibu n we kini tikurimu ni kunnu ni tekadu a di a twiye a ne ni tuti bibu a futumu we di kilake Tewuduwe.

¹⁶N Tewuduwe n kifwan ka fwadedu we di a twiye kini diyal didu a dukanin kini ker tikake wuduwe nibu titumbirim Kwaman, kini sum Kwama kiyalin chiye. Ka mwe tinu we nibu buntikimu a bwamu ka kunnu we futitu.

¹⁷Yinu chini bibu kanodu we kini tikurimu, ka dau nidu ware we ditwinu ke ni tekan n ti Tewuduwe a titini twiyetu. Ni swedu n ti Tewuduwe kidiya kwadu.

¹⁸Dine yiko tinang kum nitu chintu kini yam bibu.

1 Tassalonika 5

Tiswe kini doku bwiyang dine beki Tewuduwe

¹Kebimim, we yamu ka yire ka fere kichitwu ka n ke chi a mwintibuwe mang mwal chiminde.

²Titu tiyim ti di kilake Tewuduwe ka bedu a ne dimwar we, yinang yo daaku a be ka ma kute.

³Yo nibu ka lekadu n kawure ko timu a limi buke, nang kidangu timu ka mulmedu yinang yo burang luran kibu naye a ne bwa ka wulinde we.

⁴Kebu mim, n tin a newe a kilie, wu di a ne beka fuka chinu fukane yinang da kute.

⁵Nangkın, n tin bwesim bibu a yiikim n ti bibu a kukom, n tin n ke bibu a kilie ka kummem.

⁶Dine yiko, ni kabi kini doku bwiyang yinang, ni dadu dum we yinang bibu a kebu biyilimang. N ti kiki yikongu, ni mibani bobu we nangin tiyili chiretu.

⁷Nibu ki da duumi, kum, bibu a norinimu, kila bwi chiyi kum.

⁸Aya yo n chini bibu a yiikimu, ni swe kini swaanki we dutu chirentu, ni so bwi kini keku biyilimangu yinang kulın kunnin n ti milaku, yinu yo nire wu a yuke a kau nimin didun didu a kambirin.

⁹Nangkın, n Kwama a sutubi ni ko ke ni twai kifwini ko, aya n kin a ke ka yu nidu a din Tewuduwe Yesu Masiya,

¹⁰Dine yiko ti kum yichiyu min nititu, n kin a bwa dine chini ko ke ni swe ware n ti kin kidiya kwadu.

¹¹Kebimim, ti kunka dutu chintu, timaka yichiyu tidwiyen a din Yesunu yinangu ta tu timadangu.

Kikure wu a swaan mine

- ¹²Dine yiko kebu mīm, tīni bību kīma nangang Kwamamu dwiyentu, a ma nangangu yinang ka dakan we tibe chīn.
- ¹³Tīni chi dwiyen tītu a dakani tau chi kīni kīsiyang kīduwang, tīmīla chi dīne nangang chiyangu. Tīma fiswe līmange we tibe chīn.
- ¹⁴Nīn wana chīnu kebu mīm, tīma bībi bubbukīmu mīn tīwelan tī kum bību nītu chītu a mabī dukanīmu mīn nītu. Tīmaka bību a ne dukan wemu, tīma bwanu we chīti kwang.
- ¹⁵Tītwar bību. Tīmadu kīyerang we kasi no a dīdīle mulīn. Aya ka nang kīkīle kīdange, n kawure a funtī bwi a ma fate mīn chi a lelei n ti kasi no n wure.
- ¹⁶Tīkabbi kīni tīmīlan diti kīdang.
- ¹⁷Tīdudu twābāku buniyangu we.
- ¹⁸Tīkabi kīni dīwan we kasi no tītīle chi, Nangkīn tītu nang chi Kwama kībaddu a nību Yesu Masiyame.
- ¹⁹Tīchidu Fīkīm Kwamamu we bwi chiyu.
- ²⁰Tīswābādu yām fākumu a wudu wuka mīnīn mu we.
- ²¹Aya tīswākā yaminmiyu tītau chīi a lelentū.
- ²²Tīkedu kasi no bībīle duum mulīnīm we,
- ²³N twābā bunitu we Kwama wu kīni nību kīmu līmange a yo chīn yi wawad, a sute chīn tī kau nību bību kī līma Kwama nīrīm, mīn twābādu mi Fīkīm chimu n ti tīkuri chīntu n ti bwi chiyu a kau a ne der we, a lamīn yo n Yesu Masiya Tewuduwe ka kīlade.
- ²⁴Yo n Kwama nang wu a yal chīne, n yim a ne kwiyadu ka ma chi n kīn a fwatu.
- ²⁵Kebu mīm tītīwābā nīmīn buni.
- ²⁶Tīsīi kebu mīmī kwang kīni dīsīir kwarkakīn a nību buntīkīme.
- ²⁷Kebu mīm, n du chīn ti Tewuduwe, tīki kebību mīn lwangīn dīdu kwang.
- ²⁸Yam līme Yesu Masiya Tewuduwe chire a swe ware n ti chīn.

2 Tassalonika

2 Tassalonika 1

Djsiir

¹M Bulus a mwal n̄ibu bunt̄ikim̄ b̄ibu a Tasalonika m̄in lwanḡin d̄idu yo n̄ k̄in n̄ ti Sila n̄ ti Timoti b̄ibu n̄ chi k̄ibunt̄i Kwama Te chire n̄ ti Yesu Masiyamu.

²Tewuduwe n̄ Kwama a yo chim̄in Lime n̄ ti limamgu a d̄in Yesu Masiya.

M Masiya be ka mwata n̄ibu m̄inu

³Kebu m̄im, n̄in wana Kwama kwadu d̄ine ch̄ine, yinangu a dakanang n̄in m̄inang, we keku biyilim̄ changu k̄ichau kakkangu yinu n̄ t̄in we kuri suk tim̄ila yichiyu yinangu a dakanang.

⁴N̄in fwa b̄ikamu n̄ibu bunt̄iki Kwamamu m̄in runni ch̄in n̄ ti muk̄inirang changu we nwe riye n̄ ti fumaku t̄i yadangu, n̄in ngau kwiye k̄ini ch̄in.

⁵T̄iti kwang a yung kiswi k̄ibedu wu n̄ Kwama ka mwata ka nang wuwule niye m̄inde, chi ka nabu kutengitu, n̄ Kwama ka yungdu n̄ t̄in nang b̄ibu a da ka chau yaa komu.

⁶We mwataki kangu, n̄ k̄in ka wela b̄ibu k̄ini ch̄in riye mu.

⁷N Kwama ka ni ch̄in b̄ibu t̄inwe riyemu n̄ ti n̄inimu fikaku we di n̄ Tewuduwe Yesu ka fwadede we bwadiye. N̄ k̄in ka fwadedu n̄ ti k̄ikati n̄ibu t̄itumb̄iri kimu.

⁸N̄ k̄in ka wela b̄ibu a yimb̄i Kwamamu, ka nang chikiye b̄ibu a bunt̄ibu yam̄ bilim̄ Tewuduwe Yesu.

⁹T̄iwelan chitu t̄ikaiyari k̄idiya kwadu, n̄ chi ka swedu a nen kuu dwiyen Kwamantu a ne ya t̄in kakku Kwamangu.

¹⁰Di kilake ko be ka yiu dwiyentu ka yat̄i rikaku we n̄ibu Kwamamu, n̄ t̄in we b̄ibu kir̄ika k̄inimu diko d̄ine ta ke biyilimu we yamu nang fwa chim̄inimu.

¹¹D̄ine yiko, n̄ n̄ini bobu n̄in tw̄ab̄a chim̄in bunitu ko Kwama a ma chim̄in mwataku k̄iku ka yungdu n̄ t̄in t̄ima chi n̄ k̄in a yal ch̄ine ko be t̄ima. T̄int̄ine n̄in tw̄ab̄a t̄inu ko a ni ch̄in dukanu ta mang chi n̄ k̄in k̄i baddite, t̄ima t̄in chi t̄iyilitu keku biyilim̄ang changu a yung chinitu.

¹²Yinu ka nang wuwule niye ka dela Yesu Tewuduwe d̄ine chi t̄iyilitu a ku a t̄imaditu, n̄ t̄in ta yat̄i rikaku ware. T̄itu a fwe ying d̄ine lime Kwama chire n̄ ti Tewuduwe n̄ Yesu Masiya.

2 Tassalonika 2

Chi ka fwedu ka m Masiya a mwatan ka kilade

¹Kebu mīm nīn baddu nang fwa chimīn yām we chi ka fwedu ka n Tewuduwe Yesu Masiya a mwatan ka kīlade, n ti yinangu ni tekadu n ti kīnangu. Mīn wana chīnu kebī mīm,

²Keku biyilīmang changu a mīkaduwe dīne bīkam yām fākum kifībti ka bību a dītumbīr yiine, ka bīmwalīlīm yām bību nību a fwa ko ni wuduku, ka yāmu ko Tewuduwe a tu a beme.

³Kasi no yire, ni a swakudu chīn we, dīne ka m Masiya a mwatan ka kīlade, nību nabwen ka ko Kwama, we kīdang kangu dīkan dībwilan Niin ka chiredu.

⁴N kīn ka ko Kwama n ti tīyobitu nību kīlirediti kwang. N kīn ka kedu ko nību a ni kīn dīwiyen tītū. Dīne yiko n kīn ka swedu we kan Kwaman dīdunu, ka yi nību ko n kīn nang Kwama.

⁵Ta kurbu tiko, n fwa chimīn yo mīn no n we ware n ti chīna?

⁶Tiyim chi kītīka dībwilan Niin dīdu ka bedangu. N kīn kīyam kīswi ko.

⁷Nangkīn, dukan dībwilan niin dīdu a tu a mwe nangangu we nītū nībitu kasi kīku nību a swaanbangu. Aya wu a kebu nību ka du Kwama a ne ni kīn kifībe ka lamīn yo kīlade.

⁸A kuteng kīlakongu, luke dībwilan niin dīde ka kwāladu, aya yo n Tewuduwe Yesu ka kīlade, ka yo bwako kīni dukan yīi konu, ka chīu kīnu kīni dukan dīwiyen kītīnu.

⁹Dībwilan niin dīdu ka ma chi yār yīitu kīni dukan Setan, ka yung chi yār yīitu, n ti dīmwal, n ti yimani chiyu dangtidangti.

¹⁰N kīn ka ma nangangu kīni wārī dībūtīriyu nabwen kekī maka bību a tu a tau wārē bwa kīdiyamu. N chi ka bwaradu dīne a ko ka yiu yām Masiyamu kīni furi mwene, wu a kau wārē yuke we Kwama.

¹¹Dīne yiko yo kwer n chi a ko, n Kwama ka du chidu ka yiu tīkwani tītū ka kau chimīn yaretu. Ka nang chikiye, n chi ka kedu kīni tīkwanitu dībwilan niin dīdu kīfwa chimīnditu.

¹²Dīne yiko n Kwama ka mwata chimīnu dīne n chi a ko a kebu biyilīmu, a le kīkai kīswi a yām tīkwanime.

Tīti kīrīng we yām Kwamamu

¹³Kebu mīm bību n Tewuduwe Yesu a mīlanīmu, a dakan ni wana Kwama dīne tīni kwadu. N kīn a sutu chīne feredi yo n kīn a ru tītīnite ko ke kīyu chīn we nangang Fīkīm Kwamamu kīyo chīnu yinang Kwamamu. Tītīne we wārē ta ke kasi biyilīmu yām Yesume.

¹⁴Ke chitu a kabbi yiko, n Kwama a yal chine we ware ta nween yam bilimū nang mwa chinimu. N kin a yal chine ko keti ku, tikattuwe bibu ka ya nabwe dwiyene n Kwama a ni Yesu Masiyamu.

¹⁵Dine yiko, kebu mim, titi kiring we biyilimu ta yiu a dur Yesunimu. Tichakakku kini keku biyilimangu we chitu nan miya chiminitu n ti bibu nang fwa chiminimu kidangu no chini warengu n ti chi nang mwal chimine.

¹⁶Yam Tewuduwe Yesu Masiya kifwan n ti Kwama Te chire wu a mila chiniye, wu we lime ko, a ni chini runni wu ni tiindu kidiya kwadu,

¹⁷wu a kum chimin nite, a ru chimin niru ke tichakakku kini fwaku n ti maku chi a daatu.

2 Tassalonika 3

Titwaba nimin buni

¹Mang swan yami ying kebi mim, titwaba nimin buni ke yam Kwamamu a tirani daatu, a yatidwiyentu yinangu a ya we di chinengu.

²Titwaba bunitu tintin ke Kwama a yu nin we nibu mulinimu n ti bibwilanmu, dine n chi a kebu biyilimu kini kwang.

³Aya n Tewuduwe naba yile, ka ru chinu, ka yu chinu we ni wu bwila ka nang chikiye n Setan.

⁴Nin ke ko Tewuduwe we yichiyu kimaka chinu tima chi nang fwa chiminitu. Tintine a ne ta twi bwi ta chakakku.

⁵We yiko, Kwama a yo n Tewuduwe a yung chin yinangu Kwama a mwan a mila chinangu n ti muku nirangu kichiredu a di Masiyangu.

Kikure we da wu a dakane

⁶Aya kikanu kebu, nin ngau chimin kikure a din Tewuduwe Yesu Masiya, tibwalu we n ti sulabibu a babbu nanganmu, wu a buntibu yilintu ta ya a di ninetu.

⁷N tin n tifwan tiyim a dakan ta bunti nani niyu, dine nang yung chimbu sulai ka fwitiye.

⁸Tintine, nang chabu chabti limang a falang wuka niyang, aya nin ma nangangu kini dukan nin dine ke nin yo wuka nii minu kidadaku we.

⁹N ke ko ne nang medu nang biu chabтите, aya nin baddu nang miya chiminu yinangu ta nin yadangu.

¹⁰Kasi no n nang kidangu n nin no we n ti chinangu, nin ngau chimin kikure “Ko ka nang wuwule niye wu a mabu nangange, a ne yadu ka chadu.”

¹¹N_{in} nwe y_{amu} ko b_{ikam} ch_{imu} a mwan a ma fwiti. N chi a mabu nangang k_{ikai} k_{iswi} chi a did_{ikunin} we fantiyu n_{ibu} k_{imang} nang_{iniyu}.

¹²N_{in} fwa duum n_{ibu} b_{ibu} m_{inu} we d_{in} Tewuduwe Yesu Masiya, n_{in} ngau chim_{in} k_{ikure}, a ma nangangu a chabi k_{ini} dur ch_{in}.

¹³Aya n ch_{in} Kebu m_{im} t_{itwidu} bwi we t_{ina} ma nang_{in} t_{yilitu}.

¹⁴Ka wuka ch_{in} a bunt_{ibu} chitu nang mwal we lwang_{in} d_{idite}, n kawure a swaan ni wuko yinang, t_{ibwalu} we ware, ke n k_{in} a nwe dibwi.

¹⁵Aya t_i kedu a kadu kat_{ire} ch_{in} we, aya t_i wuk_{im}in k_{itele} yinangu mwan ma kemo m_{innang}.

Y_{amu} a swan m_{in}imu

¹⁶Y_{amu} n Tewuduwe Yesu wu k_{ini} n_{ibu} k_{imu} l_{imange}, a chakakku a ni ch_{in} l_{imangu} kasi no wuwule k_{iswiye}. Yam n Tewuduwe Yesu a swe ware n ti ch_{ini} kwang.

¹⁷M m_{in} m Bulus m_{in} mwal chim_{in} d_{isiir} d_{idu} m m_{in} m m_{ifwan} k_{ini} f_{alang} mang mi d_{imwal} "Bulus" N nang k_{iswi} m_{in} mwal_{in} ka nang d_{idile} lwang_{ine}.

¹⁸L_{ime} Tewuduwe Yesu Masiya a swe ware n ti ch_{ini} kwang.

1 Timoti

1 Timoti 1

Djsiir Bulus

¹M Bulus fandu Yesu Masiya we a yilang Kwama naba yukengu, n ti Yesu Masiya wu nin yon nire.

²Min mwal min lwangin didu Timoti, dine m mun bwemi siin we keku biyilimangu. N Kwama Te chire n ti Yesu Masiya Tewuduwe chire a yo n rii lime, n ti kibune, n ti limangu.

Kikure a miyaku tikwaniyang

³Min fwa min tinu kida yamu no mang fwa yo mang du Afisa mang yika Makidoniya. Swe we Afisa, ke n wela nibu tikwanim bibu n chi ki miya nibu min yam tikwanimu.

⁴Yi chi mwi a du kisini selibiyu yiyu ka yo nibu ka ledu we warengu, duum bibu selibu chim a no kifwadimu. Ka n chi a miya duum yami bikime, nibu kikai kiswi we yami yikiyu. Titu kiyo nibu a buntibu doku Kwamangu. Naba yung ke kimaka nibu we chi Kwama kibadde, yo a maka nibu a ke biyilimu we dikwama.

⁵Chi a yo min fwa chimin yam bibe, dine ke nibu buntikimi kwang a kabi kini milaki kichiredu a nir diyilin didu a ne dire we, nir didu kiridu kini keku biyilimangi kwadu.

⁶Aya bikamu nibu yungkim a du kikwi siine we. Ki lekadu a chi a ne makakuwe.

⁷N chi kibaddu ka kau bikam we nibu yungku yilin Musatu. Aya n chi a swaanbu kasi kiku n chi kimiya bikamu mindangu. Kasi kiku n chi kimiyadu yinangu a swaan chiyangu, we biyilimu a swaanbu chi.

⁸Ni yim yilin Kwamatu a le, ka ni ma nangangi kin tiyang ka dakanange.

⁹Ni yim yilintu n ke dine bibu kitum yilem aya dine bibi kukkudumu n ti bibu kiyo bingangimu, yinu n ti bibu ki ni Kwama kutengimu, n ti kichakakku kini kiletimu. Bibu a ne we wawadimu a siibu Kwama, bibu kichiu tebu n ti nebu n chi kikau dutu.

¹⁰Nibu bibu kima tikulimu n ti kwartabu kidaradu n ti kwartabimu, bibu kima kuutu nibu kifwara tikwani kinwe chi a fwebe, yinu n chi a yabu we ware Kwama kima chi n chi a ku diye,

¹¹a buntibu miyakiku kibeđu a yilin Yam bilimu n Kwama naba delake a ni minimu.

Djwan Bulus dine kibune Kwama

¹²Min wana Yesu Masiya, yinangu a dang mang da kiminangu n ti yinangu a yo mang kau naba nangangeko.

- ¹³Kasi kiku no mang swaba Yesu Masiyangu, n ni nibu buntikimu riye a wariyu dangtidangti. Aya n Kwama a nwe kibune mi dine m ma tichitu wu a Kwalan swaanke n ti kwalan keku biyilimange.
- ¹⁴Nabwe lime Tewuduwe a kure we dimine burtu, n ti kekubiyilimangu n ti milaku a diMasiya Yesuwe.
- ¹⁵Bibu yam biyilim, a dakan n kawure ka kedu, n Yesu Masiya a be titinitu ke a yu nibu kiletim, we nibu kiletimi kwang m min nang dibwilan naba kilenu kini kwang.
- ¹⁶Aya n Kwama a nwe kibunemi ko ke n Yesu Masiya a ma nangangu kini min ko ke nibu a ku bwanu ko we dimine dibwilan naba kileti, ke bikamu a swaan a ke biyilimu we dikine ke a ya tikuritu kidiya kwaditu.
- ¹⁷Dwiyetu n ti delaku a diKwama kidiya kwadu, n kin nang Mai kidiya kwade, wu a bwabubwa wu niyang kutibe, n kin nang Kwama n kikun. Amin.
- ¹⁸Bwemi Timoti yamu min fwa minimu a tituwe bibu fakubu a fwa we dur munimu ke n chau kila we kun dimwar yam biliminu.
- ¹⁹Mwan tau keku biyilimangu kini niri diin. Bikamu nibi a ko ka bunti chi nitu chin kifwade, dine keku biyilimang chiyangu.
- ²⁰Nang tiyangu Yemeniya n ti Aleksanda weminangu bibu mang ni Setan ke a twai nir Setanu, m ma ying ke n chi a du da wu a swabane.

1 Timoti 2

Kikure we da siiku Kwamange

- ¹Mang mwedu man ngau chi min kikuremi tina twabadu tina matu diwan dine nibi kwang.
- ²Dine matimu n ti bibu kini dwiyenimi kwang a makani, ni fiswe lima kini tai Kwamai n ti wauwade.
- ³Titu a le kilima Kwama wu a yu niye bwi.
- ⁴Wu kibau nibu kwang ka ya yuku ka swaantın yam biyilimu.
- ⁵Nangkin, n Kwama wiin, fware Kwama wiin tin, wu ka kwarka Kwama n ti nibe n kin nang Yesu Masiya.
- ⁶N Kin a ni tikuri kitu dine ke n kawure a ya yuku, bibu nang yamu n Kwama a du nimin ko niyang mwadu we kiswi wumu.
- ⁷Dine yiko n Kwama a suti a yo min naba dimware tin, min fwa biyilim mang mwebu tikwani, n min naba yungke wa keku biyilimang dine bibu n ke kuu nibu Yafudame.

⁸Dine yiko, yo yata twaḅa buniye, tṭwāḅan kṯni nṯr nṯbu Kwaman bṯbu a ne dutu wem. Ka nang chikiye n ke nṯbu kṯ twaḅa buni kṯni kṯfwini wuka niye ka kaiyan nṯre ka kungakungam.

⁹N ke natṯbu a do kulṯnu yinang kangu a dakanangu, dṯne dibwi n ti taku durang ka kulṯn sinariyane ka kali kwaṯṯriye.

¹⁰Nang yung da natṯbu a yiko n chi kṯbuntṯ Kwamamu, a do yile chi kṯni nangṯn tiyili tṯtu a makaku nṯḅangi. Nang chi n Kwama kṯḅau natṯbu kṯḅung kṯmṯntṯdṯmu ka made.

¹¹Yo kwartabu a le miyake, a dakan natṯbu ka si kṯtele chi kwing, a buntṯ miyakṯku, a ma nangangi kṯn.

¹²Mang kebu natṯbu ka ti kwartabu mṯn kakku ka ka miya chimṯnde, n ti kṯki yikongu, n chi miyan a buntṯ chi nṯbu kṯmiyaditu.

¹³Chi a yo ye dṯne n Kwama a mwe a yo Adamu, yinu Awawu.

¹⁴Nii wu n Setana a bute, n Awawu, n ke Adamu tṯtu a yo kṯletiyu a lewe tṯtṯnitu.

¹⁵Aya n Kwama ka yu natṯbu we yotiyu a bṯbeyu n ti fiswe chi wu a keku biyilṯmange, mṯlaku, wauwade Kwama n ti takku durang.

1 Timoti 3

Tikaketi nṯbu buntṯkṯme

¹Bṯbu yaḅ biyilṯm. Ka nang wuwule niye wu kṯḅaddu ka kau tikake nṯbe, kṯḅau nangang kṯyilang.

²Tikake naba buntṯke Kwama siine, nang wu a ne yaḅ kṯlem we dur kṯne. Nii wu a mabu tṯkuliye, wu a mabu chi a kudiye, wu kṯma bwanu kṯni chi a ya kṯne, wu kṯma chi nṯbu kṯfwadu ko a dange, wu a kobu nṯbe, wu kṯmiya yaḅ Kwamamu yinangu a dakanange.

³N ke wu ka ma norṯne, n kṯni buk n ke naba kune, n kṯn n ke dukan yiine, n ke naba mṯkakwiye

⁴Ni wu a me takkṯ longe, wu kṯmiya bwesṯm kṯmu mṯnu yinangu ka ma nangangu kṯni yaḅ chimangu.

⁵We biyilṯmu, ka nii a mebu takkṯ lokonge, ka medu ka tau nṯbu buntṯkṯ Kwamami yire?

⁶Tikake naba buntṯke Kwama siine n ke wu wufwiye we buntṯke. Tṯtu ka yo kṯmṯn rṯkaku kano kṯṯatṯ waṯe n Setan a yaan mwatake.

⁷A dakan bību n ke nību buntīkīmīmu ka fwa chi a līme we dur kīnu. A lebi bību n ke nību buntīkīmu ka swāba kīnu. Ke kīla n chi a ma kīmīn chi a lebi tītu ka yodu nību a ne nwe yām kīmitu. Nang chi n Setan kībadde.

⁸Tīntīne Selību nību buntīke Kwamamu siine ka maka nību, ka nīn ya dwiyentu we nību. A fwa tīnu yāmu we ying, a lekaduwe tīnorantu, a madu mīkakwiye we.

⁹Selību nību buntīkīm Kwamami siimu a dakan nību kīni keku biyilīmang yinang, we yām Kwamame.

¹⁰We ka nang kīkīle sutuku Selību nību buntīkīm Kwama siine, nību a mwe a yāntīlan ka nību bību ka kau Selību nību buntīkīm Kwama siine. Ka a ne tīkan chi we dutu chinte, yinu chi ka ma nangang selībangu.

¹¹A fiwiine, natību chimu a kau nību makakīm, bību kīya dwiyen we nībīm, bību a mabi dībidībīlīm, bību kītau dutu chim, bību nību a ke kīnīm a kaddu nību tīfwarim we, yiko tīn natīm chimu ka kadi da wile, n ke nību kīkem aya bību a tau dur chi yinange kīfumtībwi kītum tīyili.

¹²Sele naba buntīke Kwama siine ka kadu kīni naye wiin, a mwituwe n kīn ka tau bwesīm kīmu n ti loko yinang.

¹³Nību kīma chi Sele naba buntīke Kwama siine a dakan ka made, ka ya dwiyentu we nību. We yiko, n chi kīya suku we keku biyilīmangu a dīYesu Masiyangu.

Nee keku biyilīm chirenge

¹⁴N yo nīru mang ya bwa dīchine daatu, mīn mwal chimīnu dīne,

¹⁵aya ka mang yabu kīswiye, a dakan mwang yindu yinangu a dakan mwang swedu n ti nību Kwamamangu, nību bību kībuntī Kwama wukuremu. N kīn nang dukanu n ti sīkīku a tame wu biyilīmīnu.

¹⁶A ne kamaku we chi yār yiitu n Kwama a yo niyang swaan yām kīmu a dīYesuwe kīni dukanīmu. N Yesu a be kīni dīten bwin yinang ni, Fīkīm Kwamamu a yung ni ko n Yesu nang bwe Kwama. We kunku kangu a furangu, nību tītumbīri Kwamamu a ku kīn. Nību a fwa kunku kangu we kuuti. Nību a ke biyilīmu we dīkīne we tītīnītu. N Kwama a dāu kīn a yikan bwadiye kīni dwiyen.

1 Timoti 4

Nību ka du keku biyilīmang chiyangu

¹Fīkīm Kwamamu a fwa kwārikwāri ko we di swan kute bīkamu nību ka du keku biyilīmang chiyangu ka buntīn yikai yāmi yi kusi yiyu a kīfībti.

²Duum n̄ibu yungkim̄ b̄ibu n̄ibu d̄ibebelin n ti b̄ibu kim̄we t̄ikwanim. N chi kiyungdu yinang n̄ibu bunt̄ikim̄ biyilim̄, aya t̄ikuran chitu a bwa yinang yo makka a bi wure a twiyang.

³N chi kidanḡ k̄ina yinu k̄iyi n̄ibu ko a chadu t̄ikan chabt̄iwe t̄itu n Kwama a yo ko ni yibi k̄ini d̄iwan, n chini b̄ibu ni ke biyilim̄u n ti b̄ibu a ke ka yim biyilime.

⁴Ka nang t̄it̄ile chi t̄itu Kwama a yotu a le, ni kodu t̄ikan chi we, ni yiu k̄ini d̄iwan.

⁵D̄ine n Kwama a yo chitu lele, yam Kwamamu n ti twab̄ak̄i chirengu a yo chabt̄itu a kabi wawadu we kakku Kwamangu.

M Bulus a su Timoti m̄in fur

⁶Ka n miya keb̄ibu m̄in yam b̄ibe Timoty, mwan kau naba nangang wuyile Yesu Masiya, wu a yim biyilim̄u a duyen we keku biyilim̄u n ti miyaku biyilim̄angu mun bunt̄inangu.

⁷Lekaduwe k̄ini yam̄i yi kusi yiyu a ne makaku weyu. Funt̄ibwi ni k̄iswi mo a miyaku chi a da, wu ka yodu mwan ridu k̄ini F̄ikim̄ Kwamame.

⁸A dakan mwang ma nanangu, d̄ine kasi no nang n̄ibu kifwadu ko ni a m̄iki bwiyu d̄ine k̄ima makaku. Aya m̄ik̄iku bwiyanu a F̄ikim̄ Kwamamu a la chi, k̄imaka ni we da t̄it̄iniye n ti wu a diye.

⁹Yam̄ b̄ibu n̄ibu kifwadi kwadim̄u yam̄ biyilim̄, n ke chi ni ka ma d̄ib̄idu we.

¹⁰N̄in funt̄ibwi k̄ini nwe riye we nangangu, niko ke n̄ibu a ke biyilim̄u, d̄ine yo n̄ire n n̄in ni k̄in a d̄iKwama wukure, naba yuke n̄ibe, a la chi we b̄ibu a ke biyilim̄im̄u.

¹¹Miya yam̄ b̄ibu, funt̄ibwi tik̄ir̄ing ke ka nang wuwule niye a swaan.

¹²Kedu wuka ni a swab̄anu we ko m mun bwet̄ire. Ma chi n̄ibu bunt̄ikim̄ ka bunt̄ide we chi mun miyaditu, we dati mwiyu n ti m̄ilak̄i mwangu n ti keku biyilim̄ang mwangu n ti n̄ir diyil̄in munu.

¹³Ka lam̄int̄in yo mang yade, ni dukanu a kiku yam̄ Kwamamu we n̄ibu bunt̄ikim̄u, kum chi m̄in n̄iru, miya chim̄in.

¹⁴Dudu k̄it̄ime wu mwan yiu we yam̄u fakub̄i a fwa a dur munim, yo kw̄al n̄ibu bunt̄ikim̄u a yo m̄in fal̄angu k̄ini twab̄ake ke ma nangangu.

¹⁵Ma nangangu k̄ini yam̄ b̄ibu fum̄ n̄iru madu t̄ikaliwe, n̄ibi kwang ka kudu mun sute dati yinangu Kwama a ke mwang kaddangu.

¹⁶Lekaduwe a t̄ikan chi, yo nangang Kwamangu a kakku. T̄int̄ine miya kana yam̄ Kwamami siin mwan yim̄inu, ke yu yim̄iyu n ti b̄ibu k̄inwenim̄u.

1 Timoti 5

Miyaku a chi naba buntike a dakan ka made

¹Aya Kwabidu sele we kini tikwali titu a dabitu. fwa yamu n ti kin yinangu mun fwadu n ti temunang. Ma bwebilimu yinang kebimum.

²natim biselimu yinang nebumum, yinu natim fwanimu yinang kebumum, kini da wu wulake.

Chi a da we nabune, sele n ti kabe

³Maka natim bunimu kima buntikimu bibu a ne ni ka maka chidu wemu.

⁴Aya ka na bune kini bwesim ka bukebe, n chi ka mwe miyaku siiku Kwama kini dangku nibu lom yinu dine ye kanin fe ba biu chimu n ti tukebu chimu, titu nang chi kiywatu Kwama.

⁵Aya nabune siin wu a yo niru ko Kwama ka maka kine, nang wu nibu Kwamamu ka titinu we kiringe, wu kum n ti kuko kitwaba buni ko Kwama a wudu kimin kwaru we chi kibadde.

⁶Aya na bune wu kima da wa ywataku dur kine, a kau kwame yo kin we kini tikuriye.

⁷Tiyung nibu dawu, tintine dine ke wuka nii a yadu kile we.

⁸Aya ka wuka nii a ko a dabbu nangang kange, yinu a la chi tin ka n kin a mebu a dabbu tureng lokonge, n kin a kwila keku biyilimamang kangu a latin wu a kebu biyilimange kini bwila.

⁹A ne nabune nibu ka dikidu a kwal natim buneme we ka n kin a lambu swatitu wanturukune, yinu n kin a no kima fiswe niri diin n ti kwartako.

¹⁰N kin a dakan naye wu nibu a yim we bibu kifunti bwim dine nangin tiyilitu kimadu a nangan Kwamantu, n kin naye wu kilire bwesim kimu yinange wu kiyiu rungko kini furi mwe, kima chi min chi a dakane, wu kima nibu Kwama min nanga a ware dangtidangti wu kima kima kina burang nurange kima chitu a datu nabwen.

¹¹Aya natim bunim bitirimu, kedu n dikidu chi we kwal natim bunimu. Aya ka rungku bwiti chiyangu a yabu yoku nir chiyangu we diMasiya, n chi ka baddu ka ma kina.

¹²Dine yiko kano kiya tiwelan Kwamai we bwaki kangu a kiyangu.

¹³A bwin yiko, makakiku ka be nabune fwane minedu kini bubbuke, kano kima ka dibwal a loni nibi. A bwin yiko, kano kile tifwaran kiyi nibu ko no madi ying ka ye. Bibu yam no n ke bichim.

¹⁴Dine yiko, min yi natin bunim fwanimu mi a mati kina we. A chakaku kini bibe, a tau kwartabi chimu fali yurau n ti bwesimu n ti chi yo kangetu. We wu bale Fakware a ne ya da we dichiye.

- ¹⁵Kangu mìn fwadi yangu, b̄kamu a tu a twang w̄are kibunt̄i nani Setan.
- ¹⁶Ka wuka na bunt̄ike k̄ini nat̄im bun̄im we loko, a dakan ka maka chidu, a ne ka du ka n̄ibu bunt̄ikim mìn turengu, ke n chi a maka b̄kamu nat̄im bun̄im b̄ibu a mwan a lusanimu.
- ¹⁷N̄ibu bunt̄ikimu a ni sel̄ibu k̄imibadi bobu we nangang Kwamamu dwiyentu a ma chim̄inti kilimang.
- ¹⁸Nangkin, yam Kwamamu a yi ko, “Tiyingedu yii tanka we yo kis̄u t̄ime.” T̄int̄ine, “Nii k̄ima nangange a dakan ka ya k̄it̄ime.”
- ¹⁹Tiyiddu kimw̄arang we a dur wuka selen ka n ke ta nwedu a yiini n̄ibi burau ka b̄itange.
- ²⁰Ka nang wuwule niye wu a ya k̄itake, a dakan n̄ibu ka weladu a tibe kw̄al n̄ibu bunt̄ikime, ke b̄kamu a ya miyaku we.
- ²¹Mìn fwa m̄inu k̄ini dukan we kakku Kwamangu n ti Masiya Yesu, n ti n̄ibu t̄it̄imbirim b̄iswab̄irimu, mìn ngau mìn k̄ikure, ma nangangu k̄ini yam a ne sutuku we.
- ²²Tiwart̄aduwe wart̄ane we yoku faliyangu, t̄isubat̄inu we k̄ileti b̄ikamiyu, t̄itai yichiyu yi walak.
- ²³Nodu ka mwe we, aya nan twai t̄in mwe yinabiye yi bayim d̄ine furmunu n ti bur̄intu k̄ikwamanitu.
- ²⁴K̄ileti b̄ikamu n̄ibu yi kw̄arikw̄ari, yinu k̄ilanti fi a kabake k̄ikut̄i chi; Aya b̄ikamu n̄ibu k̄ileti chiyu ni swaanu yi kuteng.
- ²⁵We yiko, t̄int̄ine nangin tiyilitu yi kw̄arikw̄ari yinu b̄ibu a ne we yikomo a ne laiyu.

1 Timoti 6

- ¹N̄ibu b̄ibu k̄ima kab̄imu a dakan ka ni n̄ibu chi dwiyentu k̄ini kwang, d̄ine ke d̄in Kwamanu n ti miyak̄iku a kaiyu d̄in Kwamanu we.
- ²Ka naba lomo k̄ima bunt̄ike, sw̄ab̄adi k̄in we d̄ine n k̄in ke chire naba bunt̄ike, n ti k̄iki yikongu, n chi a ma nangangi bobu d̄ine t̄imaka naba bunt̄ike. Chi a yo n t̄in kanodi bobo d̄ine teb̄ilom chimu kibunt̄i Kwama. D̄ine yiko, makaku chiyangu a yung k̄imaka b̄ibu n chi a kem. T̄imiya yam b̄ibu t̄iyo n̄ibu a ma nangangi k̄in.

Miyaku t̄ikwaniyang n ti kuli tiyili

- ³Ka wuka nii kiyung w̄are t̄ikwaniye, wu a kekabu ti yungku kiyilang ka a d̄in Yesu Masiya n ti tai Kwamaye.

⁴N k̄in k̄ikukku dur k̄in a swaanbu chi. N k̄in k̄ibau b̄ingai n ti d̄ikulan yiin wu k̄ibedu k̄ini katin, d̄ikulan, yam mulin, t̄ikuran t̄ibwilai wu k̄ibedu k̄ini kayaku we n̄ibu n̄it̄itu a kayankayanemu, b̄ibu a kwalan biyilimimu n ti b̄ibu k̄ikamadu ko taiyu ware yake.

⁵N chi k̄iswanadi d̄ikulan. N̄ibu yungku t̄ikwanim b̄ibu a mebu a swaanbu biyilimu n ti b̄ibu a lebimu. Kasi no nang biyilimu n ti t̄ikwanitu n chi a swaanbu. N chi k̄ima miyaku chiyangu ko ke chi kau kulim.

⁶Aya da wa taiyi Kwamaye k̄ini nabwe yake.

⁷Aya niyan bebu t̄it̄initu k̄ini chi yinu ne ni yikadu k̄ini t̄ikan chin.

⁸Aya ka nii a ya chabt̄itu n ti kul̄in d̄idor̄ine, ni ma bwanu k̄in.

⁹N̄ibu k̄ibadu ka ma kulimu k̄ile k̄isweku n ti lan yinu n ti nabwe d̄ite n ti t̄ikuran t̄ikusi t̄itu k̄imar n̄ibu a riye n ti kayaku.

¹⁰D̄ine m̄ilaku kamb̄irangu nan t̄ile ka b̄ib̄ile duum bwilame. B̄ikamu n̄ibu a yo baku kamb̄irangu a kakku a twang we keku biyilimangu yinu a kure yichiyu k̄ini kayan n̄ire nabwen.

K̄ikure m Bulus a swan m̄ine

¹¹Aya m mun naba Kwama kusuku we t̄iti kwang, yinu betuwe tungku yile, taiyi Kwamayu, keku biyilimangu, m̄ilaku, muku n̄irang n ti da wu buke.

¹²Ma d̄ikulan d̄iyilin d̄idu a keku biyilimange. Kwar t̄ikuritu k̄idiya kwaditu wu mwan ya yalku yo mwan wo k̄it̄im biyilime we kakku n̄ibu nabwenangu.

¹³We kakku Kwamangu, wu k̄ini ka nan t̄it̄ile chi t̄ikuriye n ti Masiya Yesu wu k̄idangu a t̄iya kakku Buntu Bilatu wa fwa biyilimi siine, m̄in yanu k̄ini dukan, siine.

¹⁴Bunt̄i yilang k̄iku yi der ka lam̄int̄i k̄iswi k̄ilaku Tewuduwe chire n Yesu Masiya,

¹⁵wu n Kwama ka k̄iladu k̄in a k̄iswi ko, n Kwama delaku wu n k̄ikun nan tikake n k̄in mai mat̄ime n ti Kwama Tewuduwe tebu b̄iduume.

¹⁶wu k̄ikun a bwabubwa yinu wu a ne sweda yiik̄ik̄iku niyan kwat̄ibuwe, wu wuka nii a kuun bu we, ka ka kude. N t̄iu k̄in dwiyetu n ti dukanu k̄idiya kwadu. Amin.

¹⁷Yi b̄ibu k̄ini kuli we t̄it̄initu k̄ikangu mwi a kukk̄idu duru we ka ka yo n̄iru we kulitu, wu ka yarade, aya a yo n̄iru a d̄iKwama, wu ka ni nii ka nan t̄it̄ile chiye d̄ine nwe tam̄e chire.

¹⁸Ni chi yilang a ma chi a lenge ke a kul we nangin t̄iyil̄itu yinu a kabi butur n ti n̄ir nik̄in.

¹⁹We ye, n chi ka mur dutu chin mìn kulitu yinang tame wu yi kiringe we dītinu kibedīnu ke n chi kwar tikuri tiyili.

²⁰Timoti, so chi a nīn ko nang dangde. Dan yimwiyu we tīfwaran tītu a ne taiyi Kwama wengitu, we chi a newe yiko kiyalu ko yingku.

²¹Wu bīkamu kifwaradu kīn yinu we yiko n chi a twang we keku bijilimangu. Līme a swe ti chin.

2 Timoti

2 Timoti 1

Djisir Bulus

¹M mìn Bulus fandu Yesu Masiya we kike yilang Kwamang, naba yuke chire, n ti Yesu Masiya yo nire chire,

²Mìn mwal Timoti mìn lwanḡin dīdu dīne n kīn yinang bwe fur mīne. Līme n ti kībune n ti fiswe līmange wu a dīKwama n ti Yesu Masiya Tewuduwe chire a talmīntuwe.

Djwan n ti kunku nīrang

³Mìn wana Kwama dīne chi mun maditu. Mìn fwa Kwama wu mìn ma kīmīn nangange kīni nīri diin a ne tīliren we yinangu tukebu mīmu a siiyenge. Mìn kurunu we twābākī buniyang mangu kum n ti kuko.

⁴N ke mang kuuntīnu kīda, dīne n kur tīmweni mwitu we kīdangu yani yaradangu. Mang ma tīmīlan ka ni ngabatuwe kīda.

⁵M kur keku biyilīmang mwangu a tiwe kīku a dī ne mun n Yunis n ti nuke mun n Luwisangu. N yim keku biyilīmangu a dīchiyengu a lakanbu n ti kīmwangu kīni dukanu.

⁶Dīne yiko, mìn kur mīndu mi fu kītīme Kwama wu mwan ya kīni yoku faḡang mange.

⁷Nangkīn n Kwama a nibu chīni Fīkīm tayim. Aya bību a dukanīm n ti mīlaku n ti takkī durang.

⁸Dīne yiko a dakabu mwang nwe dibwi yinangu mwang mwa dīn Tewuduwe nangu. Nwe tīdu dibwi mi we dīne m mìn a dībīntīl dīne Masiyange. Kasi kīku ta nwe riye we dīmwar yām bīlīmīnu n ti mīnangu, n Kwama ka ni chīn dukanu.

⁹N Kwama a yuni, a chake ni ko be ni ya yayu yinang Kwama. Dīyal dīdu a buntību a nangīn tīyili chirei aya nang chi Kwama a tu a do ka madu yo tītīnitu a tibu swede. Aya dīne doku kangu we dīYesuwe, a sutu ni a ma nīmīn kīlīmang.

¹⁰Aya kīkangu a wudunīmīn ni ku līme wu we beku Yesu Masiyangu naba yuke chire. N kīn wu a be la dukan bwane, yinu a yīi nīmīn wāre tīkuri kīdiyae kwade n ti da wu a yariye kīni yām bīlīmu.

¹¹Nangkīn n Kwama a yomīn n kau naba dīmware n ti fandu n ti naba yungke wu a yām bīlīm bībe.

¹²Tītū nang chi a yo mang nwe riye a dībīntīle. Aya a kammibu chi dibwi. Dīne n yim ni mang yo nīre, we yīngkī mangu n Kwama ka medu ka toyu we chi yo nīretu ka lamīnti di kīlake ko.

¹³Ti we duum miyakimu mwang nwe we di_{mi}ne ki_{ri}ng. Ti_{ta}bbidu keku biyilimang changu n ti mi_{la}ku a di_n Yesu Masiyanu we.

¹⁴We makaku Fi_{ki}m Kwamamu ware n ti mu_{ni}mu, madu ti_{ka}li we ki_{ni} miyaku ki_{yi}lang ki_{ku} mwan yangu.

¹⁵A mwan yim mwi ni_{bu} buntiki_{mu} a Asiyamu a sabi_r kuteng a ni_{mi}n. Kasi no nang Faichelus n ti Yemocheni a yika ti_n.

¹⁶N Kwama Tewuduwe a yo di_{ku}r lon Onesiforu mi_n delaku, di_{ne} n ki_n a ya a siiye ki_{ku}mmiti_{ni} ni_{ru}. A nwebu dibwi yinangu a ku ni_{bu} a kwabayi makalanangu.

¹⁷A mwintuwe, yo n ki_n a be Roma, a kaibu ki_{swi} a babba mi_n a laminti_{ni} ki_dangu a ya mi_nangu.

¹⁸Min wana Kwama a yo Onesiforu mi_n delaku we di n Tewuduwe ka ki_{la}de. M mun n yim nabwe makake a ma mi ki_dangu m mi_n no a Afisa.

2 Timoti 2

Naba ki_{ra}nge Masiya wu yile

¹Bwe mi Timoti m Mi_{la}n, ti ki_{ri}ng we li_{me} wu n Kwama a ni_n a di_n Yesu Masiyane.

²N nwe yinangu ya mi_n miya chi ni_{bu} nabwen a ke ki_{ne}. Miya ni_{bu} ka medu ka ma nangang ki_{ni} ya_m bi_{bi}mu_{mi}n ya_m biyilimu.

³Mu ni_{ru} we nwe riye yinangu mang muwangu, yinang naba ki_{ra}nge wuyile wu Yesu Masiya.

⁴We tiku mwangu ki_{ku} a naba ki_{ra}nge wu yile Masiyangu, kedu chi ka da_u ti_{ku}ran mwite we, ka fwe yiko, a ne mwang ma nii wu a ya_{li}ne_{mi}n chi ki_{ba}dde.

⁵Ti_bunti_{ni} yi_{li}n Kwamatu we maku nangang ki_{ka}ngu, yinangu bi_{bu} ki_{swa}ka bananimu a ne chau ki_{la}, a mwituwe ka buntin_{ni} yilintu.

⁶Naba kuwe a ma nangangu yinange, nang ni a no dakan ka mwedu ka chau li_{ma}ng kuwange.

⁷Ma ti_{ku}ran we chi mi_n fwaditu, N Tewuduwe ka ni ch_{in} swaanki_{ku} we ya_{mi}yu ki_{ni} kwang.

⁸Tabb_{id}u Yesu Masiya we wu ni_{bu} a bi_u a di_{ku}r Lon Dauda ne. N Kwama a kukku ki_n we fure. Bi_{bu} nang ya_{mu} mi_n fwadimu.

⁹Aya di_{ne} mi_n fwa ya_m bi_{be}, mi_n nwe riye wu ni_{bu} a kwabai ti_n ki_{ni} makilan yinang ni wubwila. Aya a ne ni ka kwau ya_m Kwamame we.

- ¹⁰Dìne yiko m mìn m mu nìru mang tur kasi wuwule riye wu ka bedu kìnì yuku n ti dwiyen kìdiya kwadi we bìbu Kwama a sutu chimu.
- ¹¹Yam bìbu yam biyilim: Ka ni bwa ware n ti kine, ni swe tìnu ware n ti kìn.
- ¹²Ka ni mu nìru we riye, ni ma matintu n ti kìn ware yinang matim. ka ni yi ko niyang yimbu kine, n kìn ka kotì chini.
- ¹³Ka ni a tumbu biyilime, yile a sutebu we dikine n kìn a ne mwe dur kìnù mìn tìkwanitu.
- ¹⁴Kur ka nang wuwule niye mìn yam bìbu, yi chi we dìn Kwamanu mwi a du tukakikku a tìkwali yii tìkusiyangu. Duum tukakim bìbu bikusim. Ka kai bìbu kìnwedimu.
- ¹⁵Aya funtìbwi lìma Kwama nìr yinangu a dakanang. Ti yinang ni kima nangangu a nwebu dibwi we nangang kange, tìntine nang miya dikwal Kwamanu, sudu chi we.
- ¹⁶Kedu yami yikusiyu n ti yiyu kìmadu yinangu ni n ke naba Kwamayu we. Yami yiyu kìsudu kikai ni yinangu n ke naba Kwama.
- ¹⁷Duum yamim bìbu kìtiradu yinang dintile. N Yimeniya n ti Filetus n wetuwe nìbu bìbu kifwa duum yamim bìmimu.
- ¹⁸Nìbu bìbu a du biyilimu we, kiyi nìbu ko kunku futangu a tu a su. We kìswi wu, n chi a yo bikamu nìbu nabwen a du wàre keku biyilimange.
- ¹⁹Aya nìbu Kwamamu yinang tame wu a ne mìkade. Yam Kwamamu a mwal ko, “N Kwama a yim bikimu,” Tìntine n kìn wu kì ngau kwiye ko n kìn wu Kwama, a du nangin tìbwilaitu.
- ²⁰We lo naba kuliye, yikayu kutai a ma kìnì sìnariya n ti asurfa yinu yikayu a ma kìnì tini n ti swani. Kulìn diyilìnu a yo dìne diti yei ka di mabwiye. Aya kulìn tinìnu n ti dìdu a swanìnu a yo kìn dìne diti yikusi.
- ²¹Ka n du yimwiyu yinang Kwama, mwang kau kulìn dìdu n Kwama ka ma nanga kìnìn. Dìne yiko, wu ka du yikiyu yinang Kwama, ka kau kulìn nangang diyilìn a kìswi a dakane. Dako kanodi wauwad, Tewuduwe ka nwe tamang, dìne n kìn a do bwi ka ma chi a dakane.
- ²²Wulmìn we kasi no tìtìle chi tìtu kiyò duum kubekimu a kal tayonitu. Funtìbwi tau nangang yilengu kìnì dukan, keku biyilimangu n ti mìlaku n ti lìme. Tìma fiswe fatìne n ti bìbu a ke biyilim kìnì nìri diinìmu.
- ²³Kedu buntìnu nìbu kífumbwi a kana tìturan tìkusi tìtu kiyò tìkulanìmu we.
- ²⁴Aya naba nanga Kwama a dakabu kanìn mana tìkulani n ti nìbu. N kìn a nang miya yam Kwamamu yinangu a dakanang, a nang ma bwanu kìnì nìbu a ma bwarìmu.

²⁵Kini bubbuke nire, miya nibu min a swaan yam biyilimu. Ka n Kwama we ni chi kiswi ka wo kitime.

²⁶Yinu yo tikuran chitu ka kilade, n chi ka chiru we lanu n Setan a tan chinu ke a bunti chi n kin kibaddite.

2 Timoti 3

Riye di swan kute

¹A dakan mwanng yim yam bibu Timoti mwi diti swan kuteyu ka kau kiswi wu kini riye.

²Dine nitu nitu ka kila bakku kambirang n ti milaku dutu chiyang. N chi ka nin wer dutu chitu ko chi ma chi tidi, kanin swaba Kwama, ka nin swaba selibu, a ne ma diwan a chi. A ne lwangang chiyang we n ti wauwade Kwama.

³N chi a ne kibune we, kiko dokaku n ti nibu, nibu tifwaranim, nibu nir diyannin, bibu a milabu biyilimu.

⁴N chi ki kwal kebu chimu we fakwarbibu, kima chi a dabitu a kurtibu bwilako, n chi kidangdu bikamu nibu a lambu chi. N chi kimila nwe tame a la milaki Kwamangu.

⁵N chi kiyungdu yinangu n chi nibu Kwamamang, aya n chi a dubu dukan Kwamanu a ma nangangu we bwila chi. Wul min we duum nibu bibimu.

⁶Bikamu we nibu bibu ki butu nibu, ki le loniyu kibutu natibu a rubimu we yam Kwamamu, bibu nitu a ma tureng we kiletimu. Bibu kidoki a yo a kakkimu.

⁷Duum bibi kwadu ki ku yamu a fwiri. Aya a mebu a swirbu biyilimu yam.

⁸Aya nibu yungkim bibu a ko biyilimu yinangu n Yannes n ti Yambire a ko yam Musa mu, nibu yungkim bibu kikir ka chi a muline, a buntibu keku biyilimang chirengu.

⁹Aya n chi a ne kiru kutan kini miyaku chiyangu, Wuka di nibu ka swaan tikwani chitu n ti ditu chitu.

Kikure m Bulus a swan mine

¹⁰Aya m mun Timoti, n yim chitu min miya nibu minditu n ti datimiyu, n ti chi min kuradu mang maditu, n ti keku biyilim mangu, n ti bwanumi, n ti milaku mangu, yinu n ti mu nire mi.

¹¹N yim yinangu nibu kifummayu min nwe riyengu aya mang wulbu tayangu. N yim yinangu mang nwe riye we Antakiya n ti Yikoniya n ti Listirangu. Kini yiko, n Kwama a yu min we riye.

¹²We biyilimu, ka nang wuwule niye wu kibaddu ka yadu yinangu Kwama we din Yesune ka nwe riye.

¹³Aya n̄ibu b̄ibwilamu n ti b̄ibu k̄ikudu ko n chi t̄ikan chimu, ka chakakku kan̄in su bwila sube. N chi ka suddu kan̄in butu n̄ibu, n chi a ne swi t̄inu we d̄iburitu.

¹⁴Aya mun̄in ti k̄ir̄ing we chi m̄wang miyanitu. N tu yim m̄wi b̄iyil̄im. D̄ine n yim m̄wi n̄ibu m̄wang yaan miyak̄imu b̄iyil̄im n̄ib̄im.

¹⁵N ya miyaku ȳam Kwamamu feredi yo no m̄wang tibu lwe niye. K̄ik̄angu ȳam Kwamamu a n̄in kasantu n yim yinangu m̄wang ya yuku d̄ine keku b̄iyil̄imang a d̄iYesuwengu.

¹⁶Ȳam b̄il̄imu k̄ini kwang a be a d̄iKwama, ni ma nangangi k̄in. We miyaku n̄ibangu n ti welaku n̄ibu a ma k̄ilemu n ti Kwab̄iku b̄ibu k̄ile we w̄aremu n ti miyaku ke n̄ibu a ma chi a daatu.

¹⁷D̄ine ke naba nanga Kwama a do b̄wiyu a ma kasi no k̄ik̄ile nanḡin k̄iyilang.

2 Timoti 4

¹M̄in fwa ȳam b̄ibu k̄ini dukan Timoti, we Kakku Kwama n ti Masiya wu ka kaba b̄ikur̄im n ti b̄ibwar̄im m̄inde, t̄int̄ine d̄ine ka k̄iladu beka ma mat̄in t̄it̄iniye.

²Ma d̄imwar ȳam Kwamammu, do b̄wi kasi no da we ko no newe. Do n̄ibu, ti k̄ir̄ing m̄wi a chadu kakku we bwila a nang ma t̄iyili chi. Tau bwanu we chiti kwang nang miya n̄ibu m̄in ȳam Kwamamu.

³Nanḡin k̄isiwi k̄ibedu wu n̄ibu a ne m̄ila nweku ȳam b̄iyil̄imangu n ti miyaku k̄iyilangu. N ti k̄iki yikongu, n chi ka m̄ila chi n̄ir ch̄in k̄ibadde. N chi ka ri dutu chitu k̄ini n̄ibu yunḡk̄im b̄ibu ka fwa chim̄in ȳamu a w̄are ka l̄ima chi b̄wiyu.

⁴N chi ka sw̄aba b̄iyil̄imu, ka bunt̄i miyaku ribang.

⁵Aya so yimwiyu we chiti kwang. Mu n̄iru we riye, chakakku k̄ini d̄imwar ȳam b̄il̄im̄inu. Ma nangangu n Kwama a yo m̄in a f̄al̄angu yinang.

⁶N tu m b̄w̄au kui we wadwadu wa damiye n ti nangang Kwamangu m̄in madangu. D̄ine ne mang dadi yurau mang bwadu.

⁷M ma kun d̄iyil̄in, n ri banangu, mang k̄ilabi kuteng we keku b̄iyil̄imangu.

⁸K̄ik̄angu a dumi ka d̄ik̄ir̄in d̄wiyen̄inu, k̄iyaiyu we bwadi d̄ine Kwama a nwe tam̄ang mange. N Tewuduwe wu k̄imwata n̄ibu m̄inde, ka ni d̄ik̄ir̄in k̄it̄ime m̄inu we di k̄ilake ko kasi k̄iku n ke kana m̄in mang yiu d̄ik̄ir̄inu aya n ti b̄ibu a swe k̄iyam k̄ilaku kangangu.

T̄ik̄w̄ali yii mi

⁹Timoti funt̄ib̄wi be bwa d̄i m̄ine daatu.

¹⁰N Dimas wu a dui d̄ine t̄it̄iniye, a yika Tasalonika. N K̄irsens a yika K̄alatiya yinu n ti Titus a yika Dalmatiya.

¹¹Kana Luka nang wu n we ware n ti m̄ine. Yo kano mun bede, bunga ware n ti Markus d̄ine ka ma mi makaku we nangangu.

¹²N tum Tikiku a Afisa.

¹³Yo mwang bede, d̄amite luke chuye wu mang duwe a f̄alang Karbus a Toruwa, n ti Tatt̄ik̄ida yiyu, tabedu T̄ibal̄in t̄imwalanitu we.

¹⁴N Aleksanda wu k̄itu kube, a yo nangang mangu a chabu kakku. N k̄in we ka ya k̄it̄ime ko we Kwama.

¹⁵D̄ine yiko, mun t̄in ma ni wi daandaan d̄ine a kebu miyaki chirengu.

¹⁶Di mang mwe mang ti a kakku n̄ibu kabak̄im ke n ni d̄ik̄il̄in yiin we ȳam m̄imu n chi a keb̄imu, a ne ni a timituwe we. N chi a yaran a dui we. N tw̄ab̄an mi Kwama a du chim̄in d̄ine n chi a yaran a du m̄in we.

¹⁷Aya n Kwama a timituwe a makai k̄ini runni wu a yo mang me mang ma d̄imwar ȳam b̄il̄im Yesu Masiyami tasitu. Ke b̄ibu n ke kuu n̄ibu Yafudam we fikomu a nwe. N Yesu Tewuduwe a timituwe a yo n chir we f̄ali bwayu.

¹⁸N Tewuduwe ka chakiyu we kasi no a wuwule bwila, ka yodu mang lam loko we bwadi l̄imang. A le ni dela Kwama Tewuduwe k̄idiya kwadu. Amin.

D̄isiiru m Bulus a swan m̄in̄in

¹⁹T̄isimīti Biriskila n ti Akila n ti d̄ik̄ur lon Onesiforu.

²⁰N Yeratu we Korinti lanta di. N duwe Tarofimu a bubuwe we Miletus.

²¹Funt̄ibwi lam fi k̄ini did̄ibe. N Yubulu n ti Fudens, n ti Lainus, n ti Kalaudiya n ti b̄ikamu kebu kwang k̄isi chinedu.

²²N Kwama a swe ware n ti ch̄in. N Kwama a dela ch̄ini k̄ini kwang.

Titus

Titus 1

Djisir

¹Mina Bulus naba nanga Kwama Fandu Yesu Masiyane. A suti a twiye dīne ke n yo keku biyilimang we nību n Kwama sutumu a ru, ke n maka tīchi a swaan biyilimu we buntiki chirengu.

²Keku biyilimangu, n chi a yo nīru we tīkuri kīdiya kwaditu. N Kwama a ne mwe tīkwanitu, tītu n Kwama a bwāu ka ni chi feredi we tile bīrketu.

³Aya yo kīswi ko a lame, n kīn a yung yām bīlīmi kwārikwāri, n nīn fal nīn mwa nību. N Kwama naba yuke chire a yoi mīn dang kīmīn nangang kīku.

⁴M mwal Titus mīn bwe nanga mi wu yile we keku biyilimangu kīku n chīni kīni kwangangu. Līme n ti fiswe līme a dīKwama Te n ti Yesu Masiya naba yuke chire a swe ware ti mun.

Nangang Titusangu we Korinti

⁵Dīne tite n dun we kunna Kirite mi ke n swang nangangu niyang dubbangu, mwang yo selību we ka dīdīle bīne, yinangu mang fwamīnangu

⁶Sele a kaddu wu nību kīfwara yāmi yiyu a lebīlei we dur kīne we, a wu kīni naye wiine, tīntīne sele a kau wu bwesīm kīmu a ke biyilimu n ke bību a ne kwāmbīr we.

⁷Wakili tikake nību buntīkīme, a kedu yām bībwilamu we dur kīnu dīne nangang Kwamangu n kīn kīmadangu, a kaddu wu n kawure kī ku kīle ko we, a kaddu wu kīkukku dur kīne we, ka wu kīma kīfwini date, ka naba norīne, ka naba mulīn ne, ka wu kīni kīdwanki kāmīre.

⁸A kau nii wu kīyiu rungko, wu kīmīla maku chi a leleye, n ke ni wu kulankulange, naba yile, nii wu wauwade, wu kītau dur kīne.

⁹Tikake n kīn nang wu ka tidu we biyilim yām Kwamamu kangu n kīn a ya mīne miyakangu, ke n kīn a ru bīkamu we dīmwaru ti miyaku kīyilangu, yinu n kīn ka medu ka kwāl tīlairi bību a kebu kīni miyakī kangīmu.

¹⁰Aya nību nabwen we bību ka kwila miyakīmu, ka nīn fwara yāmi yi kusi, kībutu bīkamu nību, ka kwāl dīdu kīyidu ko ka ni a bibu laare a ne ya yuku.

¹¹A mwintuwe ni wela chidu ke a yinge yīi chi. N chi kīkai loniyu nabwen kīni miyaku tīkwaniyang chiyangu kiyotī nīr we ko chi yaan dīdībīrangu.

¹²A lantīn wuka fāku wu n kīn naba kīretan a fwa ko, “Nību a Kīretamu kīmwera tīkwani, nai yi kwani yiyu bwitiyi bubbuku kīchau ka chi.”

¹³Yām bību biyilim. Dīne yiko, a ma tīwelantu yinang, ke n chi a tiwe keku biyilimang kīyilangu.

¹⁴Dine ke n chi a lekaduwe yami selibu nibu Yafudamu bibu a ko biyilimu .

¹⁵Kanang titile chiye yi wauwadu we bibu kini wauwade niremu. Aya a ne chi wauwade we bibu a ne biyilim wemu n ti keku biyilimangu, dine tikuran chitu n ti da buntike chi a kaiyan.

¹⁶Nibu bibu kifwadu ko chi yim Kwama, aya we da chi kikwila Kwama. N chi a kau nibu tibwitanim, a ne kwambir we, a mebu a mabu chi tiyili.

Titus 2

Miyaku kijilang

¹Aya m mun, yung chiti turitu a firantuwe biyilimitu.

²Miya kwartabu a kau selibimu min yinangu ka tau dutu chitangu, a funti bwi, a swe wudidi, a tiwe keku biyilimangu, kini milaku n ti bwaki nirang.

³We yiko tin, yung natin selibimu min, n chi a ma da wu yile wu a natim buntikime, n ke bibu kimwera tikwani a dutu bikami, ka bibu tinorantu a kau chimin bwime. N chi a miya chitu a leletu.

⁴Ke n chi a miya natin fwanimu min kangu ka mila kwartabu chimu n ti bwesim chimu ke a kau,

⁵bibu ka tau dutu chiim, bibu kini wauwadu nirem, bibu a me kito dikur lon chimu, bibu kibuntiyi kwartabi chime, ke yam Kwamamu a yadu swaba ku we.

⁶We yiko mwanng wu bwelemu min kitele mwi a tau dutu chitu.

⁷We ka nang titile chiye, a kau tikake wu nibu ka nin kuun yile, wu a lwe chi ni ka dadu ka yodu a nire. Funtibwi we miyaku mwangu, madu tikali we.

⁸Yung chi tiyilitu ke yungku mangu a kadu chi tikwilan we. Ke bibu kikwila nidimu a nwe dibwi, a ne ya chi tibwilai titu ka fadu we dutu chirenutu we.

⁹Yung kabiyu min mwi a ma nibu lom chimu min tiyilitu we kasi nang titile chi. A ma chi naba lo ka nwe tamange. A yitadu yamu we ware,

¹⁰n ke nibu kidika falie, n ti kiki yikongu, bunge n chi ka yung kwambiru n ti tiyilitu. Dine ke miyakiku a din Kwamanu naba yuke chire a ya dukanu kasi no file.

¹¹Nangkın n Kwama a yung lime ko dine yuku nibangi kwang.

¹²Lime wu kiyung ni minu ko ni du dati yi kusiyu a newe ware Kwamayu, n ti kubeku kulın titininu, ni tau dutu chiretu, ni kau nibu yilem, niyang yung duum nır Kwamanu we titinitu.

¹³We fiswe kiyolange n ti yo nire niyang madi yiko ni yan min tin lime wu kibede, ka nang chikiye, kuku dwiyen Kwama tiduitu n ti naba yuke n Yesu Masiya.

¹⁴N Yesu a ni yikiyu dine ke a chaku ni we chi tikwanitu a nura ni, a mar ni kasi bikimi siin, bibu a ni dutu chitu ki tum yilemu.

¹⁵Yung yami yiyu, ru nibu min nititu mwi a nang tum yile, N lwe mwang ma titu. Dine yiko, kedu ni a swabanu we.

Titus 3

Yayu a daka naba buntike

¹Kur nibu mumu min mwiko a na ni biduumu dwiyentu n ti bibu kima matin mu, a bunti yam chimu. A swengi doku bwiyang a nang ma nangin titu a lelei.

²A fwadu yam bibwilam we a dur wuka niin. Tintine a na ma fiswe limange, a kab kini niri bukkin, a yung nir diyilin we ka n wure.

³Nangkin yo no ferediye, n chini no niyang kasabu, n chini ni ko buntikiku, nibu a butu ni. Kubeku dangtidangti n ti kidwankiyu nabwen a la dukan chirenu. Ni ya yayu chire kini mulin n ti mikakwiye, ni tau kebibu a nir. Nibu a ko ni, n chini ni koti chi.

⁴Aya yo kibune n ti milaku Kwama naba yuke a fwenge.

⁵N Kwama a yu ni. N ke dine nangin tiyili chirei, aya dine kibune ko. N kin a nura kileti chireyu a ni chini Fikim bibi wauwadim, n ti bibe wu robe n ti tikuri tifwi.

⁶Fikim Kwamamu a kuri burtu we dutu chiretu we a din Yesu Masiya naba yukenu.

⁷A ma titu dine we limeko ke nin kadu nibu kiletim we kakku Kwamangu, ke ni kau bibu ka chau kula wu a tikuri kidiya kwadi titu niyang yo nir wetu.

⁸Yam bibu biyilim, min baddu mwang ngau kikure we bibu yinang, dine ke bibu a ke biyilim we Kwamamu a tituwe kiring a nang ma nanga kiyilangi kin we chi a leletu yinang, kichitu wi kwang a le, kini makaku.

⁹Aya dikidu duru we yami yikusiyu n ti kiku tukebangu n ti dikulan yiinu we yilin Musantu. Titu ka nangang kikusang n ti kaiku kiswiyang.

¹⁰Aya nii wu kiyo chimin yarame, ka tikwabu kida yurau a nwebu chine, tiyo nii wuko a kitiku tidu kin.

¹¹Chi mwang yinde, kiduum nibu bibimu a kilatuwe da wukare, kileti chiyu kiyung twiyaku chiyangu.

Kikure wu a swanke

¹²M̄in baddu mang tum Artimas ka Tikiku we d̄imune. Funt̄i bwi be yai we a Nikafolis, d̄ine m̄in baddu mang ma san̄angu a bwako.

¹³Ma chi mwan maditu ke funt̄ibwi makan Sena lauya n ti Afolos we a w̄are. Funt̄ibwi kedu a kwaladu chiwe.

¹⁴A dakan n̄ibu ch̄iremu ka miyadu yinangu ka ni dur ch̄inu we maku nangi t̄iyilitangu, ke n chi a ma makaku we kwalantu. A ridu da chi we a t̄ikusi.

¹⁵Ka nang wuwule niye wu we ware n ti m̄ine k̄isinedu. Makai simit̄i n̄ibu bunt̄ikim b̄ibu kim̄ila chin̄imu we keki b̄iyil̄imangu. Yam l̄ime Kwama a swe ware n ti ch̄in k̄ini kwang.

Filimon

Filimon 1

Djisir Bulus

¹M mìn nang Bulus, wu a kange, òne nangangu mìn ma Yesu Masiya m̀ndangu, mìn n ti ke chire n Timoti nìn mwal m̀nu Filimon. Mun fate wu yile we nangang Kwamangu.

²Nìn si Afiya wuwiye chire a wàre buntìke n ti Arkibu wu ni mwa yam Kwamamu ware yinange. Nìn siiti bìkamu nìbu buntìkìmu kisi Kwama a lomomu.

³Kwama Techire n ti Tewuduwe n Yesu Masiya a yo chimìn delaku, a niti chin òme n ti òmangu we nìtu chintu.

M̀laku n ti keku biyilimang Filimonang

⁴Mìn wana Kwama kwadu òne mun we twàbaku mangu,

⁵Nangkin mìn nwe yam keku biyilimang mwangu we òYesuwe n ti m̀laku nìbu Kwamamu.

⁶Twàbaku mangu mi ke kunkaku changu n ti bìkamu a ti yinang yinang ke n swaan chi tiyilitu n chini kin a òYesu Masiya.

⁷M̀laku mwangu kemi a yomi furi mwenu nabwen ti ruku òne ta yo nìtu nìbu buntìkìmitu a twàbi buke.

M Bulus a bau makaku òne Onisimu

⁸Òne yiko, M̀ni kini runni kwing a òn Masiya, mang yanu mi ma tìtu a dakan mwang maditu.

⁹Aya m babban òne mang m̀lane, kasi k̀ku m mìn Bulus mang karanganu, k̀kang m̀na òbintile òne Yesu Masiya.

¹⁰Mìn babbanu òne bwemi n Onisimu we òn Yesunu wu mang kau Te kin yo a kwai a òbintile.

¹¹Feredi n kin nii wukuse we òmune, aya k̀kangu a kau nii wuyile we ò chiniye.

¹²Mìn tungminti kinu we k̀kangu, m m̀la kin yinang.

¹³A no mìn baddu ka swedu ware we fi ke a nang makayu yo mìn we mìn ma òmwaru we kange ke a nang mami nangangu yo mwang newe.

¹⁴Aya mang babu mang ma chi n ke k̀kemo, òne ke òmemo a kau wu a k̀ke nìr mune n ke wu a dukane.

¹⁵Ka kanodu n Kwama a du Onisimu, a yikan we òmune, a bakiswi bayim ko, ke a k̀lawe a swe n ti mun k̀diya kwadu.

¹⁶Kikangu n k̄in n ke k̄abe aya a ke ka k̄abe, d̄ine n k̄in ke, wu a bunt̄ike. M m̄ila k̄in yinang, aya mun mwang m̄ila k̄inu a la fiko.

¹⁷Ka n d̄au m̄in fate nangangemo, yiu k̄in yinang ka mwang yiu m̄inangu.

¹⁸Ka n k̄in a ma m̄in wuka k̄ile, ka mun bunt̄i t̄ikan chiye, yo a dur m̄in.

¹⁹M̄ina Bulus m̄in mwal yam b̄ibu m̄in̄in m̄ifwan, mang fe chi n Onisimu k̄ibum̄in t̄ini tu. Aya tab̄idu we mwi m makan, d̄ine mang yo mwang kau naba bunt̄ike.

²⁰Kemi m̄in wananu makai yiu Onisimu d̄ine Tewuduwe. D̄ine m mun kemi wu a bunt̄ike, Ma chi ka l̄imai n̄ire.

²¹Biyil̄im m yim mwang ma kw̄ambir, tiyangu mang mwal t̄itangu, m yim mwang ma chi a la t̄itu mang b̄ibitu.

²²Chi a dub mang b̄iditu nang t̄itu. Do fi mang s̄ik̄inde, n yo n̄iru mang chiru we d̄ib̄int̄ilu d̄ine tw̄ab̄aku changu, mang k̄ila bwa d̄ichine.

D̄isiiru a swan m̄in̄in

²³Abafaraditu, kelami n̄in ware we d̄ib̄int̄ilu d̄ine d̄in Yesune, k̄isint̄edu.

²⁴Markus n ti Aristakus n ti Dimas n ti Luka fat̄ibu nangang mumu k̄isiint̄edu.

²⁵L̄ime Tewuduwe Yesu Masiya a swe n ti ch̄in.

Yibraniyam

Yibraniyam 1

N Yesu Masiya Bwe Kwama

¹Feredi n Kwama a fwa tukebu chiremu min yamu we yii fakubibi a wariyu dangtidangti n ti kiswitiyu dangtidangti.

²Aya we a diti swan kute yiyu, a fwa nin yamu a dibweko wu n kin nan chakkula chiti kwange. We tile birke, n Kwama a mu titinitu a dikine, yinu kina yo wule titiniye a dikine.

³N kin nang kiyiye wu a dwiyen Kwamaye, n kin a fiwiine n ti Kwama. N kin kiyikadu kini ka nang tile chiye we fi a no dakan ka yade kini dukan dikwal yin kinu. A kuteng kiku, n kin a nura ni we kileti chireyangu, a swe a kang kiyilang Kwamang we bwa diye kito chitu kini kwang we dukang Kwamanu.

N Yesu a la nibu titumbirim Kwamamu

⁴We titu fal a yung n kin a la nibu titumbirimu nabwen, yinangu dinu n Kwama a ni kininu a la dimbi chititi kwangangu.

⁵Nang wuwule naba ditumbire n Kwama a yiko, "M mun Bwemi, diwu n kau Temun." A yiintibu wuka naba ditumbiri ko we ko, "mang kau Temun, mwan kau Bwemi."

⁶Yo yaka tum Bwe wu kake n Yesu we titinite a yi ko, "Yam, nibu titumbiri Kwamamu a sii a delan tin."

⁷We nibu titumbiri Kwamamu a yi ko, "Kwama kiyo nibu titumbirim kimu kikau kifibe, yinu nibu nangang kimu yinang ben kirang."

⁸Aya we Bwe a yi ko, "Fi swe matinmwitu, Kwama, wu kidiya kwade yinu tungku yilengu ka kau kitwalang yaamongu.

⁹Mun bau nangang yilengu, n ko bwila. Nang chi a yo Kwamamo a kukkin kakku ti kalmunu, a kikir min kinung limengu."

¹⁰A kila fwa ko, "Tewuduwe, we tile birke, n ru tame titiniye, bwa diye kwang ka nangang fali mwiyang.

¹¹N chi ka twiyadu, aya m mun we kwadu, aya n chi ka twiyadu yinang kuri.

¹²Mwang dal kinu yinang luke, aya ka twiyadu yinang luke a karane, m mun mwang sutenbu we, swatu mwitu a ne riduriye."

¹³Aya n Kwama a yinbu wuka naba ditumbiri we yinangu a yi bwe kongu ko, "Swe kini dwiyen we kangkiyilang mangu, ka laminti yo mang yo fakwarbi mumu a wana namo."

¹⁴Kanodu n̄ibu t̄itumbir̄imu kwang n ke f̄ikim delaku n Kwama tum ko ke a to chini b̄ibu ka ya yuk̄ima?

Yibraniyam 2

Kikure ke ni ti kir̄ing

¹We yiko a dakan ni tidi kir̄ing we yam biyil̄imu niyang nwemu, ke n ch̄ini ni dādu t̄ikuran ch̄iretu we wāre a dakane.

²Ka yāmu n̄ibu t̄itimbir̄imu a fwamu a kabi yiko, yinu ka kik̄ile kiku ti koku bunt̄iku t̄iwelanta dakanite.

³Kanodu ni swidi yire, ka ni du yuku kiduwang k̄iku wu n Tewuduwe Yesu a mwe k̄ima d̄imware k̄inu, yinu du b̄ibu a nwe d̄ikwāl yiin k̄in̄imu a mwa niye.

⁴Yinu n Kwama a sub a ma d̄ik̄in d̄imwar we d̄idu n̄ibu a manu k̄ini yungku t̄imwalin ti chi yār yii n ti chi kātakitu dangtidangti n ti k̄it̄inti f̄ikim Kwamamu a keran nim̄in a k̄ike komu. N Yesu a chirkan n ti kal k̄in.

N Yesu a chirkam̄i ti kalk̄in

⁵Kidangu k̄ibedu k̄iku ni fwa yām we dur k̄in k̄ikangan mu, n̄ibu n Kwama a yo ka ma mat̄in̄imu n ke n̄ibu t̄itumbir̄i.

⁶Aya we wukane fi n Kwama a fwa yām ko, “Nii wureni, wu m muni bob we kuteng kange, Bwe Nii yinang wure wu mwan̄in kuri k̄ine?”

⁷N yo n̄ibu t̄itumbir̄i Kwamamu a la k̄in a bak̄iswi bayim; n ni k̄in dwiyentu n ti rikaku.

⁸N du k̄in a ma mat̄in ka nang t̄it̄ile chiye kwang.” Yo n Kwama a du ka t̄it̄ile chi a fālang kange, a ne chi n Kwama a duba newe fāli kiye we. Aya niyan tibu ku ka nang t̄it̄ile chiye a fwe we falankangu.

⁹Aya n ch̄ini ni ku Yesu, wu a no yo n̄ibu t̄itumbir̄i Kwamamu a la k̄ine, k̄ikangu a ya d̄ik̄ir̄in mat̄in̄in n ti rikaku d̄ine n k̄in a nwe riye bwa ke we l̄ime Kwama d̄ine ka nang wuwule niye we t̄it̄initu.

¹⁰A kabi yiko n Kwama, wu a yo chiti kwange nang wu k̄ito t̄in chiti kwange. D̄ine yiko, ka n Kwama ka bedu k̄ini bwes̄im k̄imu nabwen ke a ya rikake, a le a ne ka du tikake naba yuke chi. A ma yiko d̄ine riye n Yesu a nwe.

¹¹Aya k̄ikangu n k̄in wu a yo n̄ibi wauwade n ti b̄ibu a yo chi wauwad̄imu, a kau d̄ikur loni diin. N Yesu a nwebu dibwi yinangu ka yal chidu ko ke bangu.

¹²N k̄in a yi Kwama ko, “Mang mwa kebu m̄imu m̄in d̄imwar d̄in mun̄inu. Mang delanu we muraku k̄ituu n̄ibu.”

¹³A k̄ila fwat̄in ko, “N ke mang tidu we d̄iKwama.” A k̄ila fwat̄i k̄ida ko, “M m̄in nang wu n ti bwes̄imu n Kwama a niyimu.”

¹⁴Dine bwesim Kwamamu nibe, a mu bwi chiyu kini kituum n ti name, n Yesu tin nibu a biu kin yinang ni kini nam bwi n ti kituum. A kabi yiko, ke n kin a bwa yinang ni, we yiko nang tiyangu n kin ka kaiyin dukan Setane, n kin wu kini dukan bwane.

¹⁵Yinu n kin a kwi nibu we tikuri chintu a kabi kini tayi bwayu.

¹⁶Ni yimi kwang ko n Yesu a be ke a maka kifiku Yibrayim n ke nibu titumbiri Kwamam.

¹⁷Nang chi a yo nibu a mar kin yinang kebu kime kasi no a wuwule bale, dine a kau tikake Fanse kini yile. Wu kini kibune we nangangu kima Kwama mindangu. Ke a kau niku kituumang we rikaku limang kiletayang nibangu.

¹⁸Yoko n kini kifwan a nwe riye swakaku kangu, a lwe ka maka ka nang wuwule niye wu kiya sweke.

Yibraniyam 3

N Yesu a la Musa

¹Dine yiko Kebu mim nibu kibunti Kwamam, bibu a bwa we nitu chitu ka ya bwadimu, tima tikuran we Yesu wu nang yung chin ko fandu Kwama n ti tikaketi Fanseti.

²N kin a bunti Kwama wu a sutu kine kini niri diin, yinangu m Musa a ma nangangu kini niri diinangu.

³Aya yinangu n Yesu a la Musangu a su kinating, a lakanbu n ti ni wu a mu lo wu yile, a la lo kini yakidelakangu.

⁴Dine ka nang wuwule lo kini naba muke, aya n Kwama nang wu a mu chitu kini kwange.

⁵M Musa a ma nangangu kini niri diin we lo Kwama aya yinang bwe nanga. Yinu n kin a ying tin chitu nibu ka fwadu we bwa kaketu.

⁶Aya n Masiya kini niri diin yinang bwe we nibu Kwamamu. Yinu n chini nang nibu kimu ka ni tau yo nire ni rikanne.

Fukaku we nibu Kwamamu

⁷Nang chi a yo Fikim Kwamamu a yi ko, "Diwu ka tinwe ker Kwamane,

⁸kedu timudu niru we kingking, yinangu ta wi ta ma kulankulange, yinang di wu nibu a swe min a disilanchagine.

⁹We bwa ko takebu chimu a swe min a ku bwanu mi, kasi kiku n chi a ku chitu mang tau min maditu we swatitu wan taanantu.

¹⁰Nang chi a yo mang ma kifwini kini dikalan dikinitu, n fwa mi, 'N chi kikoyi kwadu we nitu chitu. N chi a kebu ka ma chitu mang fwa chiminitu.'

¹¹Dine yiko m ma kifwini we nir minu n twan chi mi, 'n chi a ne ka yaan bwa ma do n chi ka fikande we.' "

¹²Dine yiko kebu mim, a mwintuwe tikedu nitu chintu a ridu we kini bwila n ti kwalan keku biyilimange, chi ka yodu ta du Kwama wu kure.

¹³Aya ti kum yichiyu min nitu diti kidang, tima nangangu kini kiswi ta ya kikange, ke wuka a madu niri kingkinginuwe dine dibutir kileti.

¹⁴Ka ni lam di swan kute kini yile chire kiringe, ni ke biyilimu we Kwama yinangu niyang mwe niyang yiu kinange, yani chau lime ware n ti Masiya.

¹⁵Aya ti tabidu kikure wu we: "Ka ti nwe yam kimu diye, ti mirsidu niru we kingking, yinangu Yisrela a ma Kulangkulangengu."

¹⁶Kano nibu bibu m biwure bibu a ma kulangkulange n ti Kwama, kasi kiku n chi a nwe ker kinimu, n ke nibu Yisrelamu m Musa a chake chi a Masarma?

¹⁷M biwure n Kwama a ma kifwini kini chi swatitu wan taanamu? N chi ke bibu a ma kileti, bibu chi a yaran a bwaran a nabwe disilanchangine ma?

¹⁸M biwure bibu n Kwama a twan chi we dur chinu ko a ne lam bwa n chi ka fikande mu? N chi nang bibu a ko buntikimu kangimu.

¹⁹Dine yiko ni ku a dubu chi ko a le fikakiku dine kwalan keku biyilimang chiyange.

Yibraniyam 4

Fikaku dine nibu Kwamamu

¹Yade bwaki yam fikakimu, n we kikangi chike, ni madi daan ke wuka we tibe chire a kitan we ware a lambu.

²Nangkin ni tu ni nwe yam bilimu bibu a linlimemu yinangu n chi a tu a nwetengu, aya dimwar yam bilimu n chi a nwenu a makabu chi. Dine n chi a yibu kini keku biyilimang.

³We yiko, kana chini bibu niyang ke biyilimimu ni le fikaki kangu. Aya bibu a ko keku biyilimangimu, n Kwama a yi chi ko, "N twan chitu yo m min a kifwini miye, 'N chi a ne len fikakiku we ko bayim.' "

⁴N nangkin a mwal yam di wu yiddibine a wuka fi we yam Kwamam bimwalimu ko, "N Kwama a fikan we nangin kitu a di wu yiddibine."

⁵Aya lanta kikang nibu a kila fwat yam bibu kida ko, "N chi a ne le fikaku mangu ko bayim."

⁶Feredi n̄ibu a ma d̄imwar ȳam b̄ibu a l̄inl̄imem we f̄ikaku kangu, aya n̄ibu a nwe d̄imwar̄imu a lebu d̄ine kwalan keku biyil̄imang chiyange. D̄ine yiko, k̄iswi we d̄ine ke b̄ikamu a le f̄ikaku.

⁷D̄ang, n Kwama a k̄ila do wuka di n k̄in a yal ko, “Diwu” a fwa ȳam we di wu, a yii f̄aku Dauda we swat̄itu a sutu, yinangu n we m̄in we ȳam b̄imwal̄il̄im ȳam Kwamamu a fwa feredimu ko, “Ka t̄inwe ȳam Kwamamu diye, t̄imudu n̄iru we k̄ingking.”

⁸Ka a no n Chosuwa a ni n̄ibu Kwamamu f̄ikak̄ike, no n Kwama a ne fwa wuka di dang we kuteng k̄iku.

⁹T̄itu a yung f̄ikaku we a lanta k̄ikang, duum b̄ibu a di wu yidibiinemu d̄ine n̄ibu Kwamamu.

¹⁰Nangk̄in ka nang wuwule niye wu a ya f̄ikaku Kwamange, k̄if̄ikadu we nangin chitu yinangu n Kwama a f̄ikan we k̄ikangu nangangu.

¹¹D̄ine yiko ni su funtik̄ibwiyang chirengu ke ni ya f̄ikak̄i k̄iku. Wuka ni a kedu a k̄itaduwe d̄ine kwalan keku biyil̄imange wu a duum b̄ibu n chi a ma a kulangkulange.

Dukan ȳam Kwama

¹²Nangk̄in d̄ikwal Kwamanu k̄ini t̄ikuri n ti dukan, k̄ini chammu a la yii kulliti turabe, k̄i mwatu ka t̄it̄ile chiye, wenga finu bwe n ti F̄ik̄im a teka m̄ine, we finu kwantu a ngaba m̄ine, k̄ikaba t̄ikurantu n ti chi makitu n̄ir n̄ini tu.

¹³A ne t̄ikan chi we wu ka laiye we d̄iKwama chitu kwang we mwek̄iku a laibu aya a wuden we kwalangi Kwamayu, n k̄in ka kaba ch̄ini m̄inu kwang.

N Yesu nang Fanse Wuduwe

¹⁴Yo kwer niyang ya tikake Fanseti wu a ya we bwa diye, n k̄in Yesu Bwe Kwama, ni ti k̄iring k̄ini keku biyil̄imang chirengu.

¹⁵Nangk̄in tikake Fansetiyu chire wu, n ke wu ka du nidu we k̄itaku ch̄irenge, ko bayim. N̄ibu a swet̄i k̄in yinangu ka nang wuwule niye k̄iya swekangu, aya n k̄in a mabu k̄ile.

¹⁶D̄ine yiko, ni ya fiswe mat̄in l̄ime Kwama wu a ru n̄ire, ke ni yiu k̄ibune ni ya l̄imeko wu ka makanidu we k̄iswi ni bau chiye.

Yibraniyam 5

¹Ka nang wuwule tikake Fanseti nang ni n̄ibu a sutu ke a ti kakku we nangang Kwamangu d̄ine n̄ibi kwange. N k̄in k̄iyiu k̄il̄imang chiyangu k̄ini Kwama k̄ima chim̄int̄i niku k̄ituumangu d̄ine k̄ileti chiye.

²Yade n k̄in yinang niye, a me k̄ibunt̄inu k̄ini n̄ibu b̄ibu a swaanbu k̄itaku changu n ti b̄ibu a du ware yilemu daan.

- ³Nang chi a yo n k_{in} k_{ima} niku k_{ituumang} d_{ine} k_{ileti} chiyu n ti yikiyu.
- ⁴A ne nii ka d_{au} dwiyen t_{itu} a dur k_{in}, a mwintuwe n Kwama ka yal k_{inu} yinanaga yal Harunangu.
- ⁵We yiko, n Yesu Masiya a kukubu dur k_{inu} ko k_{ibaddu} ka kau tikake Fansetiyu ko bayim. N Kwama a sutu k_{in}, a yi k_{in} ko, “M mun bwemi, M m_{in} n kau temun.”
- ⁶T_{intine} n k_{in} a fwa a d_{ikan} d_{itin} y_{amin} ko, “M mun mwan kau fanse k_{idiya} kwadu, yinangu m Melkisedek a ma fansetingu.”
- ⁷K_{idangu} n Yesu a no we t_{itinitangu}, a tw_{aba} bunitu k_{ini} d_{ibidu} k_{ini} wii wuduwe k_{ini} t_{imweni}. N k_{in} a tw_{aba} bunitu a d_iKwama wu a lwe ka yu k_{inu} we bwa. D_{ine} n k_{in} k_{ibunt_i} Kwama k_{ini} tayi. N Kwama a yiu tw_{aba} bune ko.
- ⁸Kasi k_{iku} n Yesu Bwengu, we riye n k_{in} a nwe a miya maku kw_{ambirangu} nabwen.
- ⁹Yo n k_{in} a lwe ka kau Fanse wuduwe, a kau dur yuk_{in} d_{idu} k_{idiya} kwad_{in} we ni k_i bung k_{im_{in}} t_{ine}.
- ¹⁰We yiko n Kwama a yo k_{in} a kau tikake Fanseti, yinangu m Melkisedek a maminengu.

K_{ikure} d_{ine} ke ni a k_{iladu} kuteng we

- ¹¹Chitu we nabwen t_{itu} a daka fwakitu we b_{ibu} y_{am}, aya a ma bwar yinangu nang yung ch_{inangu} d_{ine} swaanku changu a ma bayim.
- ¹²T_{itau} bunt_{ikiku} a ma ke, a no dakan k_{ikangu} t_{imiya} n_{ibu} m_{inu}. A k_{ila} t_{ibau} ni ka miya chim_{in} t_{itu} a no dakan ta yinditu we y_{am} Kwamamu. N t_{in} yinang bwes_{imu} k_{ikar} ka yar_{im} b_{ibu} a mwebu chaku chabtumu.
- ¹³Aya ni wu yinang bwe k_{ilwiye}, a tibu rudu we y_{am} Kwamam b_{ibu} a tungku yilemu.
- ¹⁴Chabtu t_{itu} a newe k_{ingkitu} n t_{iu} b_{ibu} a rub_{im}. N chi nang b_{ibu} k_{ima} nangangu k_{ini} t_{ikuran} chitu diti k_{idangimu}, b_{ibu} k_{iswaan} chi a leletu n ti t_{itu} a lebitu.

Yibraniyam 6

- ¹D_{ine} yiko, ni chakakku k_{ini} d_{imwar} Kwamanu niyang mwe m_{in} nangangu we a dur Masiya Yesun we tile b_{irkenu}, ke ni kau n_{ibu} a swan chi yinang_{imu}. A dakabu ni wite y_{amu} ko ni chirm_{in} a k_{iletimu} we, b_{ibu} a yung ni ti we keku biyilimang chirengu a Kwamangu.
- ²A dakabu ta chakakku k_{ini} yikku d_{imwar} we y_{am} nura ku batis_{mamu} n ti yoku kangangu n ti y_{am} kunku kw_{amiyangu} n ti y_{am} mwataku k_{idiya} kwad_{imu}.

³Dine yiko ka Kwama a kenge, ni chakakku kini swaankiku.

⁴Nangkın, bibu a kilani kuteng we keku biyilimang chiyamu, ka ma bwar yinangu nibu ka yo chi ka wo kitimangu. Nibu bibu a ku yiiku Kwamangu, yinu a ya yayu we kilimang Kwamangu dangtidangti a yatı limang chiyangu we Fikim Kwamamu.

⁵N chi a twai limang yam Kwamangu n ti dukan kidangu kibedangu.

⁶Ka n chi a kila kutenge, ka ma bwar yinangu n chi ka kiladu ka wo kitimangu, dine n chi kikukatın Bwe Kwama kida, yinu kimi kinu kinitın kin dibwi.

⁷Tımu kı no mwe twiye kiyo swakıku n ti chabtıtu kiledu yinangımu, n Kwama kiyo delaku we tim bikımu.

⁸Aya ka timu kiki kwada n ti swaku kibwilange, tim bikımu a lebu, a yung n Kwama a mwatan ka ma kimın yii, ka a kaiyane, ka le kirang.

⁹Kebu mim, kasi kiku min fwa kiduum yam bibangu, n yim tifuntı bwi we nangın chıntu.

¹⁰N Kwama naba yile, a yim nangın chıntu ta maatu n ti yinangu ta mila kinangu we yo yatımaka nibu buntıkıme, yinangu n we timadu kikanganu.

¹¹Nın baddu ka wure ka yung dum kwambirimu, ka swan tını bil, ke yo nıre mo a ti kirıng.

¹²Bwiti chiyu a fwidu we bubbuku, aya tibuntı nani bibu a ke biyilimımu, a ma bwanu a lamintı kidangu a yiu chi Kwama a bwau ka ni chide.

Bwakı Kwamang.

¹³Kidangu n Kwama a bwau n ti Yibrayim mangu, a bwau kini ditwambır. N kin a ma ditwambıru kini din kin dine a ne dinu a lwe n kin ka twamın chinu we.

¹⁴N kin a twam ko, "Biyilim mang yo min delaku nabwen, tintıne mang yo bwebwiyeti mwiyu ka bwidu yinang kiswitiyu a dii."

¹⁵A kuteng kiku n Yibrayim a ma bwanuwangu, a ya chi nibu a bwau ka ni kınıtu.

¹⁶Ka ni yaka ma ditwambıre, kitwandu kini chi a la kine, ditwambır didu kı kau diyilın.

¹⁷We yiko, n Kwama a kwau dur kinu kini ditwambır ke bibu a yiu lime bwakemu, ka yindu ko biyilim n Kwama a sutebu yam kimu.

¹⁸Tıme chite yurau, wu neka sutedu sutene, wu n Kwama a ne kedu ka ma tikali kine, n kin a bwau ka yo nimın delaku yinu ko ka a newe yiko, a yung n kin naba kile. Dine yiko, n chir bibu niyang yika bwa dikine ke ni ya rukku ni laituwemu, ni tidu we bwakı kangu kini dukan.

¹⁹Yo n̄ire chire wu nang chi k̄ibedu k̄ini bw̄ak̄i n̄irang we tiku ch̄irenagitu. Kiyikadu k̄ini ch̄ini we kw̄ar Kwamanu k̄i ledu k̄ini ch̄ini a mure wu a k̄iding kangi wauwade.

²⁰We b̄ibu, n Yesu a tu a le fiko d̄ine chiniye, n k̄in nang tikake Fanseti k̄idiya kwade yinang Melkisedek.

Yibraniyam 7

Fanse yinang Melkisedek

¹M Melkisedek Mai wu a t̄im Sal̄ime n ti wuduwe Fanseti wu Kwama Tewuduwe. N k̄in a tekan n ti Yibrayim, a yo k̄im̄in delaku yo a yak̄i k̄iladu we k̄ila n k̄in a mawe a b̄ikam mat̄ime.

²N Yibrayim a ni k̄in k̄it̄ime wiin we kube, we chi n k̄in a bek̄in we kunnu a chane. D̄in Melkisedek̄inu a yung n k̄in, “Mai wu k̄i mwata ȳam biyil̄ime. N k̄in t̄in Mai wu a l̄imange d̄ine Sal̄ime kiyung l̄imang.”

³Aya n Melkisedek a newe k̄ini ne, a netuwe k̄ini te ka fi n k̄in a fum̄ine. A ne di b̄ibbe ko we ka di bwange, aya n k̄in yinang Bwe Kwama, n k̄in fanse k̄idiya kwadu.

⁴T̄id̄ang dwiyen Melkisedek̄itu, kono nang Yibrayim, tuke tukebu ch̄ireme a yim dwiyen kitu we yo n k̄in a ni t̄ini wu wiine we kube we kul̄inu n k̄in a yuwe a kun̄inu.

⁵Aya we yilangu, k̄ikuwang lawiyawangu n nang fansetiyu b̄ibu kiyiu wu wiine a di a kube we n̄ibu mu, ka nang chikiye we kebu k̄imu, kasi k̄iku n chi wetuwe k̄ikuwang Yibrayim mangu.

⁶Aya m Melkisedek wu fi a fum̄ine a lakan n ti chiye, a yiu wu wiin a di a kube we d̄iYibrayime. Yinu a yo Yibrayim m̄in delaku n k̄in wu a yiu bw̄ak̄ike.

⁷A ne kamakuwe, wu k̄iyo delake a la wu kiyiu delaku k̄ini dwiyentu.

⁸We ȳam fansetimu a k̄ikuwang lawimu, kasi k̄iku n chi k̄ibwadubwangu, kiyiu wu wiin a di a kube we f̄ali n̄ibiyu, aya m Melkisedek, wu a yiu wu wiin a di a kube we f̄alang Yibrayimanage, n̄ibu a ma d̄imwaru ko wukure.

⁹Ni medu ni fwadu ko n lawi n k̄ifwan wu k̄ikuwang kangu kiyiu wu wiin a di a kube, a ni wuko k̄iswi a f̄alang Yibrayim.

¹⁰Ni medu ni fwadi yiko d̄ine k̄idangu n Yibrayim a tekan n ti Melkisedek, aya n̄ibu a tibu b̄iu Lawi, n we bwi tuke k̄iniyu didiin.

Wuka fanse yinang Melkisedek a chire

¹¹N Kwama a ni n̄ibu k̄imu yilangu we ka k̄iswi wuko a ni t̄in t̄ibokanitu fanseti kan̄in yaditu. Ka no nangang fansengu a k̄ikuwang Lawiyangu ka yo dukku

kiletiyange a no ne chi ka yodu wuka fanse dang ka bede we. Wu ka bedu yinang Melkisedek, a buntebi tibokani Aruna.

¹²Dine ka tibokanitu a sutene, a mwintuwe yilangu ka sute tinu.

¹³N kin wu nibu kifwa yam a dur kine, ka nang chikiye, Tewuduwe chire, a chire a kikang kikuwang dang, a ne niwe ko wiin wu a ma nangan Fanseti we kikuwang kange we.

¹⁴N Yesu a chire a kikuwang Yafudangu, wu m Musa a fwa bu yam we dur chinu yo a yakı fwa yam fansetingu.

¹⁵Yinu chi nan fwange a chire filangi kwarikwari, ka wuka fanse yinang Melisedeke a benge.

¹⁶N kin a kau fanse n ke ko a bunte kaang yilang ka dikan dibokane didu a kikuwangine, aya a bunte dukan tikuri kidiya kwadinu.

¹⁷Nangkin nibu a ma dimwaru we dur kinu ko, "M mun mwan kau wuduwe fanseti kidiya kwade, wu yinang Melkisedeke."

¹⁸Kikumang tibokanitu nibu a no kibuntinu fereditu a kila kitiku dine a ne dukan we ka tikusi.

¹⁹Kikumang yilang Musangu a mebu a dalbu ni yinangu Kwama kibadangu, kikangu wu ware yo nire a be, wu nang ware ni yadu kidwan n ti Kwama.

²⁰N Kwama a tituwe yam bibu kini ditwambir. Yikayu fanseti kile nangang kiku a ne ditwambir we.

²¹Aya Yesu a kau fanse kini ditwambir Kwamangu a fwa ko, "Tewuduwe a twan chi, a ne sute yam kimu. M mun mwan kau wuduwe fanseti kidiya kwade."

²²We bibu yam, n Yesu a yung ko bwaki kifwiyangu a le a la kikarangu.

²³Kikangu duum fansetimu nabwen bibu bwa a dang chi chakku kakkang kini nangangu.

²⁴Kikangu duum fansetimu nabwen bibu bwa a dang chi chakku kakkang kini nangangu.

²⁵Dine yiko n kin a lwe, diti kidang ka yu ka nang wuwule niye wu a kibau Kwama a din kine. N kin wukure kidiya kwadu ki twabadu we kakku Kwamangu dine chini kidiya kwadu.

²⁶N kin nang wuduwe fanse ni baddimu, a ne yam we dur kinu, a ne der we bwikiyu. N kin a newe kikuwang nibu kiletimu. Nibu a ni kin fi wuduwe wa dwiyene we bwa diKwama.

²⁷N kin n ke wu ka nin ma niku kituumang ditiyu kidang yinangu bikamu wuduwe fansetiye yiduyu a no kımadangu. N chi ka a ma dine dutu chitu kida

kiine, yinu k_imadu d_ine n_ibe. Aya n Yesu a ma wuko k_ida kiin we bwa wu n k_in a ma a k_itiyang bwange.

²⁸N_ibu a kau tikake Fanseti we yilang Musamu, a k_itan d_ine ni k_ini k_itaku. Aya a kutengu yilangu a chirengu, n Kwama a yo bwe ko k_ini d_itwambir a k_ike Kwama k_idiya kwade.

Yibraniyam 8

N Yesu nang Fanse Wuduwe

¹D_ikw_al y_am_inu n d_iu. N ch_ini k_ini tikake Fanseti, wu a swe a fi wuduwe wu mat_in a kang k_iyilang Kwamang.

²Fanse wuduwe wu k_ima nangang kangu a kan d_idu a murenu, d_idu a la chi k_ini wauwadenu. A finu Kwama siine we m_ine wu Tewuduwe n k_ifwan a don ke nangang niyange.

³Ka nang wuwule fanse, nangang kangu ka ma niku n ti niku k_ituumang, a mwintuwe tikake Fanseti chire ka ma t_ini yiko.

⁴Ka n k_in a no we t_it_inite, a no ne ka kau fanse, d_ine b_ibu a k_ikuwang fansetimu n we, b_ibu k_ibunt_in t_ibokani yil_in musamu.

⁵Fanseti_yu k_ima nangange kimadi chitu a kan d_idu a kabbi wauwad_in d_ine a kau k_iswerang we kasi swek_iku wu a diye. Nangk_in, yo m Musa yaka ru kan murak_in d_idu a Kwamane, n Kwama a wu k_im_in k_itele ko, “Tab_idu chi we, ma yinangu mwang ku mang yung_in we dii a kunangu.”

⁶Aya k_ik_angu n Yesu Fanse Wuduwe k_ini nangang k_iduwang k_iku a la b_ikamu fanseti_yu a ma nangangu k_ini yil_in Musamu. N k_in nang wu a tibe a ni ch_ini da wu ni ya yayu wa bw_ak_i n ti Kwama ka ni ma chi a dakane.

⁷Ka no bw_ak_i k_ikakkangu a ne der wenge, a no niyang babu kang.

⁸Aya yo n Kwama k_ifwan a ya der we n_ibe, a fwa ko, “K_iswi ki bedu, yo mang chiredu k_ini bw_ak_i k_ifwiyangu n ti n_ibu Yisrelamu n ti b_ibu a Yafudamu.

⁹K_iku bw_ak_i a ne kadu yinang k_iku mang bw_au n ti tukebu chimangu, yo mang ta chi a fa_lange mang chaku chi we t_im Masar, n chi a tibu we bw_ak_i mangu yinanga dakanang. D_ine yiko n sab_ir kuteng n ni chi.

¹⁰“N Tewuduwe a fwa ko, Bw_ak_iku mang madu dikongu, n ti n_ibu Yisrelamu nang kiku: ‘Mang yo chim_in yil_intu we t_ikuran chitu, d_ine ke n chi a swaan. T_it_ine mang mwalu we n_itu chitu ke n chi a nang bunt_inu. Mang kau Kwama chi, n chi ka kau n_ibu m_im.’

¹¹N chi a ne baddu ko chi miya kebu chimu m_inu, ka wuka ka yi keko ko, yim Kwama. Nangk_in n chi kwang ka yim m_inu, ka nang wuwule niye ka yim m_inu, ka mwe t_inu we b_it_ir_imu ka ka swan t_inu we b_iduumu.

¹²Nangkin, mang du chimin kiletiyu a ne mang kur tinu we kidang.’ ”

¹³Yinangu n Kwama kifwa yamu ko bwaki kifwiyangu, a yung kiku a mwe minangu a karang. Chi a karakarānetu, a ri kini ying.

Yibraniyam 9

Yilin tikari titu a siiku

¹We bwaki kikarangu, tibokani titu a siikitu n we. Kini mure wu nibu ki mang siiku a titiye.

²Fanti yirau we dikur didu. We fi wu kake dikwal we kini fitila n ti tebur n ti kidanni yi wauwadi we teburu. N chi kiyal fi ko, ko Fi Wauwade.

³We kuten wule luke wu robeengu, kan dirobın n we didu n chi kiyalu ko kanu wauwadu a lachiin.

⁴We kan dikinu, se wu kitwin kinung kiki firfirange we n ti wuli kwami a bwaki. N chi a wa kwalın chin didu kini sinariya. We akwati wu a bwake, kwano sinariya n we kini manna n ti kitwalang Aruna kiku a twau lwangin n ti beti kaliyi yirau yiyu a bwakiyu.

⁵We dii a akwati cherub we kini labi yiyu kiyung dwiyen Kwamai, yiyu kiyo kiwulang we dii a akwati fi tikake Fanse ki wamin kitumu, ki dau nibu min kiletie. Aya a ne ni chakka yam bibu didin.

⁶A kutengu a do chiti yangu, fanseti ki le mure ditiyu kidang ki sii Kwama we nangin chitu.

⁷Aya kana tikake Fanseti kile bale wu robe, n kin kile fiko kida kiin we swaru. A ne ka ledu ka a ne kituumu ka nidu dine kileti kiyu, n ti kiletiyu nibu a ma n chi a yimbuyu.

⁸Nang kiswi Fikim bibi wauwadimu kiyungin kasi ware wu a leku fi wauwadinu a tibu wudedu we nibinu, yo nibu we ki ma nangu kini dikur dikakkın ne.

⁹Titu kiswerang we didu dikalan, nangkin kilimangu n ti niku kituumangu fanseti kinidangu a nurabu kiletiyu nibu bibu ki sii Kwamame.

¹⁰Nangkin kima nangangu a kana chabtu n ti norin n ti yilin titu kifwadu yinangu ni ka ma ka nura tin bwikitu. Yilin titi kwang ka titu a bwi titu nibu a ma nangangi kin a bakiswi bayim dine da wu fwiye kileminede.

N Yesu nang niku kitim biyilimu

¹¹M Masiya a kau tikake Fanse, a be kini ware wu yile wu ni buntinu kikange, a le kan murakinu a la chinu, a latı chi kini lerantu, wu nibu a mabi faliye, n keti tikan chi we titinitu a yotu.

¹²N k̄in a d̄au k̄ituumu a le fi a la chi k̄ini wauwade k̄ida kiin a ne k̄ilat̄inuwe. Aya n ke k̄ituum sitiim ka b̄ibu a tangkame. A d̄au k̄ituum k̄im, nang k̄ituumu a yu m̄ine ch̄ini k̄idiya kwadinmu.

¹³We da wu k̄are, k̄ituum siimu n ti b̄ibu a tangkamu n ti buken le tangkanu, k̄i nura dutu t̄itu a kai bwitu.

¹⁴D̄ine yiko, ni yim tiyangu m Masiya a riyangu we k̄ituumu n k̄in a kur d̄ine ke a nura n̄itu ch̄iretu ko ke ni yim ni sii Kwama k̄ini n̄itu t̄iyili. We dukan F̄ikim k̄idiya kwad̄imu, m Masiya a ni dur k̄inu a kau niku k̄ituumang k̄idiya kwadu d̄ine k̄ileti chireyu.

¹⁵Nang chi a yo n k̄in a le tibe n̄ibe n ti Kwama k̄ini bw̄ak̄i k̄ifwiyangitu. D̄ine ke ka nang wuwule niye wu a ya d̄iyale, ka chau kula k̄idiya kwade wu n Kwama a bw̄au n̄ibu m̄ine. M Masiya a bwa ke a chaku n̄ibu we k̄iletiyu n chi a mayu we bw̄ak̄i k̄ikar̄angu.

¹⁶Ka ni a ma bw̄ak̄i ȳam we chaku kulakonge, a ne ni ka chade we, ka ni we k̄ini t̄ikuri kite.

¹⁷D̄ine ȳam kulamu k̄ichiredu bw̄ak̄i yo ni a bwa, d̄ine wu ka chau kula a ne dawē ka chadu yo ni we k̄ini t̄ikuriye.

¹⁸Nang chi a yo bw̄ak̄i k̄ikar̄angu a ne dukan we a lam̄int̄i yo n̄ibu a kur k̄ituumē.

¹⁹Yo m Musa a ni n̄ibu yil̄ing Kwamatangu, a d̄au k̄itum bet̄i tant̄ikai n ti ya siiti n ti mwe n ti fukē d̄iwurwuren n ti lwanḡin fuki yinu a wasan we takada d̄idal̄ine n ti n̄ibi kwang.

²⁰A yi chi ko, “B̄ibu nang k̄ituum bw̄ak̄imu b̄ibu n Kwama a yi ch̄in ko t̄ima nanga k̄in̄imu.”

²¹T̄int̄ine n k̄in a wassat̄i k̄ituumu we d̄ikur murak̄inu n ti kul̄inu k̄ini kwang d̄idu n̄ibu k̄imang nangang.

²²K̄ikumang yilangu a mwatan ka yung ka nang t̄it̄ile chiye n̄ibu kiyo k̄im̄in wauwade k̄ituumē m̄im. Ka n ke kurku k̄ituumange, a ne dukku k̄ilet̄iyangu we.

Bwa Masiya a d̄au k̄ilet̄iyu

²³A mwintuwe dati yiyu ka swedi yiko, ke t̄ichitu wu a kabbi wauwadu we t̄it̄initu. Nangk̄in k̄i swe tal̄im chi a bwadiye. Aya chitu a bwaditu k̄ibau niku k̄ituumang k̄iku a la k̄ika mwe m̄inangu.

²⁴N Yesu Masiya a ya kakku Kwamang a bwadi d̄ine chiniye, n k̄in a yabu fantiyu n̄ibu k̄isiin d̄iyor a t̄it̄iniyu, d̄ine t̄itu ka k̄iswerang se Kwama siin a bwadiye.

²⁵N k̄in a lebu bwadi d̄ine niku dur k̄inu diti k̄idang yinangu tikake Fanse k̄i le fi wauwade wuduwe ka nang d̄id̄ile sw̄are k̄ini k̄ituum b̄ibu n ke b̄ik̄im.

²⁶Ka no yiko, a no yadu n Yesu n we k̄inwe riye diti k̄id̄ang. A mwetuwe k̄id̄angu a yo t̄it̄iniyangu. D̄ang a be a ma niku t̄ik̄uri kitu k̄ida kiin we diti swan k̄uteniyu, d̄ine k̄ileti n̄ibiye.

²⁷Yinangu a yo nii ka bwadu k̄ida k̄iinangu, kuteng kangu ka ngabadu ti mwataku Kwamang.

²⁸We niku k̄it̄umangu m Masiya a bwa k̄ida kiin ke a wo k̄ileti n̄ibiyu nabwen, n k̄in ka k̄ila k̄irobang, n ke d̄ine k̄iletiye, aya d̄ine ke a be yu ka nang wuwule niye wu k̄im̄ila k̄ilaku kange.

Yibraniyam 10

N Yesu a ni yikiyu k̄ida kiin

¹Niku we yilangu n ke t̄ikan chi aya kana k̄iswerang we chi t̄iyilitu ka beditu. Yilangu n ke chiti siin. Nang chi a yo a lwebitu, ka yo ka nang wuwule niye wu k̄ibedu k̄id̄wan n ti Kwama yi medmed yinangu n Kwama k̄ibaddu we nii k̄iku chakku kakku sw̄atu n ti sw̄atangu.

²Ka no yilangu k̄ini dukan ka du k̄iletiye, kane n̄ibu a du niku k̄it̄uumangu. D̄ine b̄ibu k̄i sii Kwamamu ka ya nuraku k̄ini kwang, n̄itu chitu a ne chakaku kan̄in yingle chidu we k̄itaku chiyangu.

³Aya niku k̄it̄uumangu wuka w̄are wu k̄iyodu ni kur k̄iletiye, sw̄atu n ti sw̄atu.

⁴Nangk̄in, a ne da k̄ituum tangkam n ti siiti ka d̄au k̄iletiye we.

⁵D̄ine yiko, yo n Yesu yaka lewe t̄it̄iniye a yi Kwama ko, “Niku k̄it̄uumangu n ti niku kul̄inangu mwang babu, aya n domi bwi.

⁶Niku k̄it̄umang k̄it̄wirangu n ti k̄iku k̄inura k̄iletiyangu, mwang nwebu t̄am̄ang kangu.”

⁷Yinu n yi mi, “M m̄in nang wu, Kwama, m be mang tum k̄ikemo, yinangu a mwal we dur m̄inangu we tak̄ida Kwama wu wauwade.”

⁸A mwe a fwa ko, “Niku k̄it̄umang n ti d̄ikanu kwal̄in ch̄inu n ti bet̄inaiyu n ti niku d̄ine woku k̄iletiyangu mwang nwebu t̄am̄ang kangu.” A fwa yiko kasi k̄iku yilang a fwa bunt̄iku ȳami yiyu k̄ini kwangangu.

⁹Yinu a k̄ila fwat̄i k̄ida ko, “M m̄in nang wu n be mang ri k̄ikemo, ma chi mu badditu.” A yo yilang k̄ik̄ar̄angu a kuteng ke k̄irobangu a ti kakku.

¹⁰We k̄ike Kwama n ch̄ini, ni kau n̄ibi wauwad̄im d̄ine niku bwiyanu n Yesu Masiya a ni k̄ida kiin a ne suku wengu.

¹¹Ka nang wuwule diye ka nang wuwule fanseti k̄ima niku k̄it̄uumang, kimatin niku kitumingu ka maku chi a ne dukan we ka wo k̄iletinu.

¹²Aya yo n Yesu a be a ma niku yikiyu kida kiin kidiya kwadu dine kiletiye, n kin a swe a kang kiyilang Kwamang.

¹³We bwako n kin kiyandu ka ku kila fakwarbu kime.

¹⁴We kiyilin ni kiki kiinangu, a yo bibu a no ya nurakimu a kabbi dimbilim kidiya kwadu.

¹⁵Fikim Kwamamu a ma nimin dimwar we titu. A mwe a yi ko,

¹⁶“Tewuduwe, yamu mang ma bwaki n ti chimu nang bibu, mang yo yilin mitu we nitu chitu, mang mwal tinu we tikuran chiitu.”

¹⁷Yinu a kila fwati kida ko, “A ne mang kur Kileti chiyu n ti yilintu ta buntibitu.”

¹⁸Kikangu yo n Kwama a du chinimin kiletiye, a ne chaku kakkangu we kini niku kituumangu.

Ni ya kidwan n ti Kwama

¹⁹Dine yiko, kebu mim, n chini kini da ni le fi a la chi kini wauwadenu a ne tayi we dine kituum Yesumu.

²⁰Wu nang ware wu fwiye wu a tikuriye, n kin a wudunimin sire kini bwiki ke ni le fi wawade.

²¹N chini kini wuduwe Fanseti wu nibu Kwamami kwang a falang kange.

²²Dine yiko, ni ya kidwan n ti Kwama kini nir din, kini keku biyilimang a ne kamaku wengu. Ni ya kidwan kini nir didu a ya nuraku we kiletiyu a ne dibwiwe n ti bwiya a nuran kini mwe wu a lele.

²³Ni tituwe yo nire chire wu, ni ma dimwar kinu kini dukan yinang, dine ni ke kin ni wu a bwa yamu ware n ti chiniye.

²⁴A dakan ni kur kebibu kini kiswi wu ni yo chidu kini nir milakinu n ti nangin tiyilite.

²⁵Ni dudu murakiku we yinangu bikamu a mekimadangu. N ti kiki yikongu, ni funtibwi ni kum yichireyu min nititu dine niyang ku Di mwatake a mwatawe.

²⁶Aya a ne kaang niku kituumang we kiku a lwe ka dau kiletayang, ka ni chakaku ni mweng nekiti kini maku kiletiyangu a kutengu niyang yim biyilimange.

²⁷Dine yiko, mwataku we kiku kini tayang n ti kirang kiku kwisang kiku ka twi bibu a ko Kwamamu.

²⁸Ka nang wuwule niye, wu a kii yilang Musange, nibu ki chidu a ne kibune we, ka nibi burau ka bita a kekan ko biyilim a kii yilange.

²⁹Ni kamadu b̄ib̄ile k̄idum mwatak̄im ka ma n̄ibi b̄ibu m̄ine, wu a sw̄aba Bwe Kwama wu a ko a mabu nangangu k̄ini k̄itum Yesu Masiya b̄ibu a bw̄au bw̄aki Kwama wu a nura chi we k̄iletiye. Wu ki tu F̄ik̄im Kwamame.

³⁰D̄ine ni yim wu a fwa ko, “M m̄in nang naba k̄iyerange, mang ma k̄iyerangu.” Yinu a fwa t̄in ko, “N Tewuduwe ka kaba n̄ibu k̄imu m̄inu.”

³¹Chi tayi ka nii a le f̄al̄ang Kwama wu kurengu we ti welante.

N̄ibu a mu n̄ir̄imu ka ya k̄it̄ime

³²T̄ikur k̄ini diti kutenyu a kutengu ta swan yam Kwamamu, t̄imu n̄iru, t̄imakan n ti riye k̄iya ch̄ine.

³³Wuka yo n̄ibu k̄itu ch̄ini kw̄arikw̄ari, k̄ini ch̄in riye a kakku n̄ibangi kwang, wuka yo t̄ikedu t̄i kunkadu n ti b̄ibu k̄inwe k̄iduum riyem b̄ibu.

³⁴Nangkin t̄i nwe k̄ibune b̄ibu k̄inwe riye a d̄ib̄int̄il̄imu, t̄int̄ine t̄ima t̄im̄ilan yoko n̄ibu a yitu ch̄in kul̄ine, d̄ine t̄iyim tiko n t̄ini k̄ini kuli t̄iyili t̄itu a la chi a ne ridu riye k̄idiya kwadi.

³⁵D̄ine yiko bwiti chiyu a bwaduwe, d̄ine ka yodu ta ya k̄it̄ime wuduwe we d̄iKwama.

³⁶A dakan ta rudu, d̄ine n nang k̄iswi ta mang k̄ike Kwama. A kuteng k̄iku ta ya chi n k̄in a bw̄au ka ni ch̄ine

³⁷Kangu yam Kwamu ma fwangu; “Nangkin a ne ti ke, ni k̄ibede ka bedu a ne t̄ikadu.

³⁸Aya chini newe b̄ibu k̄iwudi kutenḡimu k̄ile bwanḡimu aya we b̄ibu a ke biyil̄imu yinu a ya swik̄imu.”

³⁹N ch̄ini ni newe b̄ibu k̄i k̄ila kuteng k̄i le bwamu. Aya ch̄ini we b̄ibu a ke biyil̄imangu chiyangu, k̄iya swik̄i.

Yibraniyam 11

Keku biyil̄imang

¹Keku biyil̄imangu nang yo n̄ire niyang tituwe k̄ir̄ingching we chitu a mwintuwe a ne kwiyadu ka fweditu. Nangt̄i chitu niyang yo n̄iru we aya niyang kuunbuwetu.

²D̄ine keku biyil̄imang chingu, n Kwama a ke k̄ini sel̄ibu feredimu.

³D̄ine keku biyil̄imange, ni swaan ko n Kwama a yo t̄it̄initu k̄ini d̄ikw̄al̄ yiin k̄in. Chi ni kuditu a chire a chi niyang kube,

⁴D̄ine keku biyil̄imange n Abila a ma niku k̄ituumang k̄iku a la wu Kayinu we. D̄ine yiko n Kwama a yiu niku kangu a mar k̄in a ni wu k̄i tum yile, d̄ine n Kwama

a nwe tamang niki kangu. N Abila a bwa, aya lanta di ni miya chi we keku biyilimang kangu.

⁵N Kwama a dau Yenok kini tikuri dine keku biyilimang kangu. A ne ni a yim fi n kin wemine we. Dine n Kwama a tu a dau kin. Yo a tibu dau kine, dimwaru we ko n kin a le nir Kwamanu.

⁶Ka a ne keku biyilimangu wenge, ka kaddu kini bwar n Kwama ka nwe tamang chirengu, dine a mwintuwe ni ka yadu kidwan n ti Kwama, a ke biyilimu ko Kwama n we, kinika kitinti we bibu bobu kibau kinimu.

⁷Dine keku biyilimange, a kutengu n Kwama a ngau Nufu min kikure we chitu n kin a kubitu didinangu, a bunti yamu a do kwambire mwe ke a yu loko. We keku biyilimang kangu n Nuhu a mwata titinitu mini kini kwang, N Kwama a yiu Nuhu a kau ni wuyile dine keku biyilimang.

⁸Dine keku biyilimange, n Yibrayim a ma kwambir a bunti ware a yika timu a bwa kinin n kin ka chau kula komu. N kin a tau ware a yikan kasi kiku a yimbu bwa n kin kiyadengu.

⁹Dine keku biyilimange, n Yibrayim a swe yinang rungko we timu n Kwama a bwa ka ni kinimu. Ki swedu a tikubi yinang Yichaku n ti Yakubu, bibu n Kwama a bwa ka ni tin chi yinangu a bwa Yibrahim minangu.

¹⁰Aya n kin kidang bindidu kini tamiyu n Kwama nan naba mukke.

¹¹We keku biyilimangu Yibrayim kasi kiku n kin kitwanengu, n Saratu kitwane a karang a bibu chiyangu. N kin a ke biyilimu n Kwama ka ri bwa ki kangu dine n kin nii wu yile.

¹²Aya we nii wu wiine wu a karani kuwe, a chire tikubiritu nabwen tiyang kiswiti ya twiyen ti yane wa laa.

¹³Nibu bibu kini kwang a bwa kini keku biyilimang, a yibbu chi n Kwama a bwa ka niditu, aya n chi a ku tichitu wu a kakku kutang, n chi a nwe tamang yinangu a kuwangu, a ni dimwari kwakwari ko n chi rungko, n ke bibu a titiniim.

¹⁴Nibu bibu kima duum dimwarim bibu kiyundi kwarikwari ko chi bau tim chim.

¹⁵Ka no n chi kifwa tim bibu a chireweme, a no yadu n chi a ya da a kilan.

¹⁶Aya n chi a yo niru kibabba tim biyilim bibu a bwadiye, nang chi a yo a kabbu chi dibwi we di Kwama yanangu n chi ka yalu ko n Kwama chiyangu, we biyilimu n kin a do fi dine chiye.

¹⁷Dine keku biyilimangu, yo n Kwama a swe Yibrayime, n kin a ke ka ma niku kituumang kini bweko n Yichaku. N kin a ke ka ni bwe ko n wiine.

- ¹⁸Kasi k̄iku n Kwama a bw̄au n ti k̄in ko, “N Yichaku nang wu n̄ibu ka chakakku kan̄in yal̄in d̄in muni k̄ine.”
- ¹⁹N Yibrayim a kur ko, “N Kwama ka medu ka kukku kw̄amiyu. Ka ni dang rīinge, n Yibrayim a yiuwe Yichaku a b̄ibwarim̄.”
- ²⁰D̄ine keku biyilimange n Yichaku a yo Yakubu n ti Yichuwa m̄in delaku we a chi ka beditu.
- ²¹D̄ine keku biyilimange n Yakubu yo yaka bwade, a yo bwesim̄ Yusufu buraubimu m̄in delaku. N k̄in a sii Kwama we k̄idangu a wi bwikiyu a k̄itwalang.
- ²²D̄ine keku biyilimangu k̄idangu n Yusufu yaka bwadangu, a fwa yam̄ we chirku Yisrelamu we Masaru. N k̄in a yi chi ko a yikani k̄ini tikuttu kitu ka n chi yak̄i du tim̄ Masarime.
- ²³D̄ine keku biyilimange, n̄ibu a lai Musa swarti t̄ita a kutengu n̄ibu a b̄in k̄inangu. N chi a ma ying d̄ine kiyil̄in duum bweme. N chi a wultimbu tayi yilang mai yangu.
- ²⁴Yo n musa a duyene d̄ine keku biyilimange, a ko n̄ibu ka yi k̄inu ko bwe fwan̄ Mai Firauna.
- ²⁵N k̄in a ke ka nwe riye n ti n̄ibu buntikī Kwamamu n ti k̄iku ka nwe tam̄ang k̄iletiye a ba kiswi bayime.
- ²⁶We d̄ikine a dang a le k̄imin̄ ka nwe riye d̄ine Masiya n ti kiku ka nwe du d̄ine kuli Masar ritungu. Nangk̄in n k̄in a firt̄i nu we lime wu k̄ibedu a kake.
- ²⁷D̄ine keku biyilimange, m Musa a du Masar a nwebu tayi kifwini mai. N k̄in a mu n̄iri k̄irinḡ a firt̄i nu we wu niyang kubu k̄ine.
- ²⁸D̄ine keku biyilimange, m Musa a ru Yiye Yabake. N k̄in a wau k̄ituumu we a kwat̄itu ke naba ditimbre ch̄ike a twaiyu bwesim̄ bikakim̄ Yisrelame we.
- ²⁹D̄ine keku biyilimange, n chi a bunt̄i Laa Rude kiyaduwe yinang tim̄ bikusim̄. Aya yo n̄ibu Masarimu a kun k̄inab̄i chide, mwe a la a wot̄i chi.
- ³⁰D̄ine keku biyilimange, yaa kwale Yeriko a yar yo n̄ibu Yisrelamu a kanang k̄i da yidibine.
- ³¹D̄ine keku biyilimange, n Rahab d̄ibanu a swi we bwa wu a n̄ibu a kebu biyilime, d̄ine n k̄in a yiu n̄ibu Yisrela a ya k̄i dele b̄inimu.
- ³²Mang chakakku mann̄in fwadumi wureni? We dur Kidiyon̄inu n ti Barak n ti Sams̄in n ti Yefta n ti Dauda n ti Samayila n ti fakub̄ibu.
- ³³D̄ine keku biyilimange n̄ibu b̄ibu a chau k̄ila we t̄it̄initu a tum yile, n chi a yiu t̄in chi n Kwama a bw̄abe. N chi a yinge turumtiyu m̄in yii.

³⁴N chi a chīu ben kīrangnu, n chi a swi we yikīne kulle, a yo bubbuke chi a kau chimin dukan. N chi a tii kīring we kunu, a yai nību kunimu a tītinimu.

³⁵Natibu a yiu kwami chiyu nību a kukkutuwe kīni tikuriyu. Nību a ni bikamu riye, n chi a ke riye wu dīne n chi a yo nīru kibau tikuri kīdiya kwadi n ti kiku ka swedu a fura tītiniyangu.

³⁶Nību a fita bikamu, a twallan bikamu, a kwaba bikamu kīni maklan, bikamu a le dibintil.

³⁷Nību a kwela bikamu kīni kali, aya bikamu a mwatani rwarwadu, a chīu bikamu kīni kulli. Bikam bibu a tau Kwama chi kīmu kibwalu kīni tibalin kwanti n ti titu a siiti. N chi a nwe riye kīni faliyu kwako a ne chiwe.

³⁸Titinitu a le chi minbu. Nību Kwama bibu a le tikibitu a fila kunitu ki bwaluwe. N chi kidadu a kunni n ti bwar titu a timi.

³⁹Nību bibu kīni kwang n Kwama a ma dimwar keku biyilimang chiyangu ko a le. Aya kīni yiko, a ne ni a yiu chi n Kwama bwabite we.

⁴⁰N Kwama a do chitu a leletu nabwen dīne chini aya we tikuran kiitu n chi a ne ka ya chitu a bwaubi kwangintu ka n ke ka yadu ware n ti chiniye.

Yibraniyam 12

Ni fwal nuyu a diYesuwe

¹Dīne yiko, yo kituu nībe dimwarimu nabwen a ken chiniye, a dakan ni wasa kwallin chinu kikanidu we funtiku bwiyangitu, n ti kiletiyu kiwu ni kutengiyu, ni wul banangu a kakku chirengu kīni muku nīrang.

²Ni fwal nuiyu a diYesu n kin wu keku biyilimang chirengu a mwe a dikine, wu kiyo keku biyilimang chirengu kikadi dimbilim. Dīne limangu n kin a yim yaka ya kinangu, a mu nīru we kukaku a kitiyang bwangu a kau kiminbu chi dibwi. Kikangu a swe a falang kiyilang we kiding matinang Kwamangu.

³Tikur kīni kin wu a ma bwanu kīni duum kikomu nību kileti a ma kiminimu, dīne ke a twidu chin bwi we, wu ka yodu ta mar yo nire chin a time.

⁴We tukaku changu ti kiletiyangu, ta firbu yinangu ta lam fiya kurku kitum change

⁵Yinu titabu dikwal kunmku nīrang a yo kiyal chinu ko bwesim kim. “Bwemi, madu tikali we kīni tiwelan Tewuduwentu,

⁶dīne n Tewuduwe kido kana nību n kin kimiladim, yinu kiwela bibu a kau bwesim kime.”

⁷Timu nīru we nwe riye tinwedu dīne ti welane, n Tewuduwe kima chi minu yinang bwesim kim. Nang wuwule bwe n te kin a welabe?

⁸Ka ta yabu t̄iwelan t̄itu a bwes̄im Kwamami kwangite, n t̄in bwes̄im b̄ikus̄im, n ke bwes̄im b̄iyil̄im.

⁹Tebu ch̄iremu a b̄iu nimu k̄iwelat̄i nidu, yinu n ch̄ini ni ni chi dwiyentu. Yoye a labu chi ni yiu t̄iwelan t̄itu a Kwama siinetu ke ni swiya?

¹⁰Tebu ch̄iremu a bwimu a ma nim̄in t̄iwelantu a bak̄iswi bayim yinangu n chi a ku a dangu. Aya n Kwama k̄iwela nidu d̄ine ke n ch̄ini ni nwe tam̄ang, ni yiu k̄it̄ime wauwadu yo ni swedu n ti k̄ine.

¹¹Ka nang t̄it̄ile t̄iwelane a l̄imbu we yo wuko ni k̄iȳide, aya we kutengu k̄ibedu k̄ini yile n ti l̄imang we ni wu a ma nangangi k̄ine.

Kikure

¹²D̄ine yiko, t̄ikuku fal̄i chiyu a bwaraniyu, t̄irubi k̄ir̄ing t̄iti yinang.

¹³T̄iya der we w̄ari bunt̄ikiyu ke wu a rubu we yam Kwamame a ledu we w̄are d̄ine yayu ch̄in, n ti k̄iki yikongu, bunge a ya rukku we F̄ik̄imu yinang naba burange k̄iya beke.

¹⁴T̄ifunt̄ibwi t̄ima fiswe l̄imange n ti n̄ibi kwang, t̄ikabbi wauwadu d̄ine a ne ni ka ku Kwama we ka a newe k̄ini wauwade.

¹⁵T̄imaka yichiyu ke wuka a ledu w̄are we, a kwaladu l̄ime Kwama we, t̄it̄war, kang k̄i yinang k̄iku a kwalan keku b̄iyil̄imange a kuneduwe tibe ch̄in, d̄ine ka a kunenge, nabwen ka kaiyadu d̄ine twiyen kange.

¹⁶T̄ima daan, ka nang wuwule niye a kaddu naba yariye we, ka wu a wulb̄i tayi Kwamai yinang Yichuwa wu a mi kula ko wu a bwe wu kakke d̄ine kwele chabte wiine.

¹⁷K̄ini kutengu n k̄in a no ke ka yiu delaku te k̄inangu, aya n̄ibu a ko. N k̄in a ya t̄ibu k̄iswi ka wo k̄it̄ime, kasi k̄iku n k̄in a bau delak̄iku k̄ini t̄imweniyangu.

¹⁸We kakku Kwamangu, ta tibu nang ku chi yinangu Yisrela a ku we kun Sinainangu, wu ni ka medu ka twaiye, fi k̄ir̄ang k̄i chadu yinang yinange, fi k̄iliye t̄ime a d̄iltene, n ti s̄ikk̄in d̄iduun.

¹⁹Ka kuku sumange, ka ker ki fwa yamine, a yo b̄ibu k̄inwed̄imu k̄iyidu ko a du yami yiko.

²⁰Tayu a tau yo n chi a nwe n Kwama a fwa ko, “Kasi no nam a twaiyu kun Siyananu we, n̄ibu ka f̄ibadu kali ka bwadu.”

²¹Chi n chi a kuutu a kau chi tayi yinang, a lant̄i Musa a yi ko, “Bwimiyu k̄im̄ikadu d̄ine taye.”

²²Aya n t̄in t̄ibe kasi k̄i d̄in kun Siyona, n ti b̄in Kwamanu wu k̄ini t̄ikuriye, ka nang chikiye Wurchalima wu a diye, n ti muraku k̄iku a furin mwemwen d̄idu a n̄ibu t̄itumb̄iri Kwamamu kuneritu nabwen.

²³Tibe bwa nibu buntikime, bwesim bikakim bibu dinbi chitu we bwa diyemu. Tibe bwa diKwama wu ka kaba ka nang wuwule niye minde, n ti fi fikim nibu yilem bibu nibu a mar chi we mine.

²⁴Tibe bwadi Yesuwe, wu n kin a do bwaki kifwiyangu we tibe Kwama n ti nibi kime, n ti fi a kituum bibu nibu a wabban nang kitum Yesu bibu a la biu Abilamu.

²⁵Tima daandaan, ti kodu ker wu a fwa chimine yame we. Nangkin ka nibu a Yisrelamu a ko a nwebu Musa, wu n Kwama a tume a titiniye, a ne swidu we tiwelantu, ka ni ko wu kifwa nimine yamu a bwadiye.

²⁶We kidan kangu ker Kwamanu a yingle titinitu. Aya kikangu a bwa ko, "Mang suddu ne mang miku ka titini aya ti bwa diye."

²⁷Yam bibu a fwa ko, "Kida kinimu" A yung ka tung chi n kin a mikit, ka chakku chi n kin a yo we titinitu, ke titu kidiya kwadu a bwaditu a ya sweku.

²⁸Yo kwer yani le yaa wu a tii kiringe, ni wana kwama kini limbwi ni sii kin kini tayi ni ni kin dwiyentu.

²⁹Nang kin Kwama chire kirang kiku kichidang.

Yibraniyam 13

Chitu n Kwama kibadditu

¹Tichakakku timila yichiyu yinang kebu.

²Tiyiu rungko we loni chiyu fali yurau, dine bikam a wi a ma yiko, a kuten kiku n chi a yiu rungko a yimbu ko nibu titumbiri Kwamame.

³Tikuri kini nibu bibu a dibintilimu, we nir chinu yinangu nibu a kwau chin wareng. Tikur tin kini bibu kinwe riyemu, tikire chimin yinangu riye n wu chinang.

⁴Timadu tikali we kini kina, naye n ti kwarta a tau dutu chintu. Dine n Kwama ka mwata nibu kima kikulbu minu n ti bibu kima yarimu.

⁵Tima kutan n ti milaku kambirangu, tima bwanu kini chi chi ta yange. Dine n Kwama a yi ko, "A ne mang dunu kidiya kwadu. A ne mang marinu ko bayim."

⁶Nang chi a yo a ne kamaku we nang fwa ko, "N Kwama we ware n ti min A ne mang nwe tayi, ni ka mami wureni?"

⁷Tikur selibu chimu a fwa chimin yam Kwamamu. Tidang yinangu a ya yayu chiyangu, n ti bwanu n chi a ngan dure. Tiya yayu kini keku biyilimang yinangu n chi a mangu.

⁸N Yesu a Masiya a sutenbuwe, n kin nang wu dare n ti wu diye n ti wu kidiya kwade, we yiko tintin kidiya kwadu.

⁹Tikedu n̄ibu a but̄idu chin we k̄ini duum miyaku ta yim m̄inbu wengu. A le n̄itu chiretu ka ya ruku k̄ini l̄ime ke yāmi chabtu wu a ne maka b̄ibu k̄ichaddimu.

¹⁰Chini k̄ini se wu b̄ibu k̄ima nangangu we d̄ikur̄imu a ne da we ka chade.

¹¹Tikake Fanse n̄ibu Yafudam k̄iyadu k̄ini k̄ituum naiyimu a fi a mure a la chi k̄ini wauwade, ke a ma niku k̄ituumang d̄ine k̄iletiye, aya nam wu a naiyiye k̄itwidu a kuteng b̄inang.

¹²Nang tiyangu n̄ Yesu a nwe riye a bwa a kuteng b̄inangu, ko ke ki nura n̄ibu k̄ilet̄im k̄ini b̄ik̄imu k̄ituum.

¹³D̄ine yiko ni chir ni yika bwa d̄iYesuwe a kuten b̄inangu, ke ni mu n̄iru yinangu n̄ k̄in a mu n̄iru we riye a wuko k̄iswingu.

¹⁴Aya we finu n̄ chini newe k̄ini b̄in k̄idiyan, aya niin dang d̄idu kabed̄inu.

¹⁵D̄ine yiko ni chakakku we d̄in Yesunu niya sii Kwama yinangu a dakanang, ni dela k̄in k̄ini ben ch̄irenu nang k̄ichireng niku, ko n̄ k̄in nang Tewuduwe chire.

¹⁶T̄it̄abduwe t̄ina ma chi a leetu t̄ina maka n̄ibu t̄ina kera chitu a fi wiine, d̄ine nang duum niku n̄ Kwama k̄ibaddimu.

¹⁷T̄ima tikakketi n̄ibu Kwamayu m̄in kwamb̄ir, t̄ibunt̄i chi ki fwaditu. D̄ine n̄ chi k̄ito ch̄inu yinang b̄ibu yaka fwa nanḡin chitu a kakku Kwama. T̄ima chim̄in kwamb̄ir ke nanḡin chitu a kau chim̄in k̄ini furi mwemwen, n̄ ke kaiyan n̄ire, t̄itu we di ch̄ine ka kau chim̄in l̄imangu.

Bak̄i tw̄ab̄aku buniyang

¹⁸T̄it̄w̄ab̄a nim̄in buni, n̄ n̄in, n̄in yim we n̄iru nang mabu wuka ni m̄inbu k̄ile. We t̄ikuran n̄intu n̄in ke nang ma chi a dakan a kakku Kwamangu.

¹⁹M̄in wana ch̄inu t̄it̄w̄ab̄a bunitu d̄ine ke Kwama a yo n̄ k̄ila bwa d̄ichine a tidu ke we.

Swankiyam̄ang

²⁰⁻²¹N Kwama a kuk̄i Tewuduwe Yesu we furu a k̄ituum bw̄ak̄i k̄idiya kwad̄imu. We yiko, n̄ Yesu a kau naba toke wuduwe wu a Kwantiye. M̄in tw̄ab̄a chim̄inu mi Kwama wu k̄ini l̄imange a ri ch̄ini k̄ini ka nang t̄it̄ile chi tiyiliye ke a ma k̄ike ko, ke a nang ma chi k̄ibadditu we d̄ichine a d̄in Yesu Masiyan. Dwiyentu n̄ t̄iu Masiya k̄idiya kwadu. Amin.

²²Kebu m̄im, m̄in wana ch̄inu, t̄ima bwanu k̄ini k̄ikure mi, d̄ine mang mwalbu nabwe ti yāme.

²³M̄in baddu taȳindu tiko n̄ibu a mare ke chire n̄ Timoti we d̄ib̄int̄ilu. Ka a be date, nang bungadu ware n̄ ti k̄in yo be mang ku ch̄ine.

²⁴T̄isii t̄in b̄isel̄im chimu n̄ ti n̄ibu bunt̄ik̄imi kwang. Ba Yitaliyamu k̄isiite chinu.

²⁵Lime Kwama a swe n ti chini kwang.

Yakubu

Yakubu 1

Djisiir Yakubu

¹M min n Yakubu naba nanga Kwama n ti wu Yesu Masiya, min mwal tifikiri nibu buntikim Kwamami kub chiri turabitu a tiran we titiniti kwang min lwangin didu.

Keku biyilimang n ti yinku

²Kebimim, yo swekiku a ya chine, tima ne furi mwen.

³Dine tiyim, yo swakaku changu ka ride ka ta kitaba we keku biyilimang chinge, ka yo muku nirang changu ka duyedu.

⁴Tiduba duyen, ta kau nibi biin bibi dimbirim bibu a kwalabu chiim.

⁵Ka ni wu a kwala kasan we chitu n Kwama kibaddu ni madite, a bju a diKwama ke a miya kimin kasantu, n kin ka nin tinu yi burtu. A ne kwabu wu kima dibide.

⁶Aya yo ti bidde, tiyodu kamakiwe keku biyilim chingu a katadu chi we. Dine wu kikama chiye a tiwe laabi mwetu kifibe mwe kiwiledi bwa kituntini bwaantu.

⁷Duum nibim bibu a yo tinu nir we ko chi ya tikan chin we diTewuduwe.

⁸Niwu tikuran nir kinintu a keran kerane, n kin a tibu fiwiin we chitu n kin kimaditi kwang.

Buni n ti kuli

⁹Kasi kiku nibu a swaban nii kibunti Kwama, ke wuko a nang miladu ko n Kwama a rika kin.

¹⁰Kasi kiku nibu kipuradu ko naba kuli kini kisiiyange, a dakan n kin ka yindu ko n Kwama a swaba kin. N fwa ying dine n kin ti kulikitu ka sudu yinang filintu a ne ni kutinuwe.

¹¹Yo Kuko a sii time, kitwi swakiki kini chuwangu, n ti filin titu ki bwadu kitwakinu, yinu leran kitu kitwiyatinu a fi wiine ti kulimu ka twiyadu kini chi n kin kimuriti kwang.

Swakaku

¹²N Kwama a dela nibu a mu niru we swakakimu, dine yo n chi a chau kila we swekike n chi ka ya kitime kidiya kwadi a diKwama wu a bwa ka ni bibu a mila kinimu.

¹³Ka sweku a be ni mine wu ka yo kinu ka ma kile, ni a yiduwe ko, "N Kwama a swe min." Tintine a ne ni ka swe Kwama kini bwila we, dine n Kwama a swebu ni kini bwila.

¹⁴Aya ka wuwule niye kiya Swakakiku we yo tikuran tibwilai kintu a tau kin a bututi kine.

¹⁵Yinu kubekiku kibwilang kangu a duyene, ka swanadi kile, yo kile a kwasane ki swanadi bwa.

¹⁶Dine yiko, kebu mim bibu min miladimu ti twandu ware we.

¹⁷Ka nang kikile kilimang kiyilangi dimbilim time wuyile ni yadu a di Kwama Te wu a diye wu a yo ka nang kikile yiike wu diye. N kin a sutebu a newe yinang yo kiwulang nibang kisutede yo kiyiye ki kire.

¹⁸We ki ke ko, n kin kifwan a sutu ke a fwa yam biyilim kimu a di chiniye, ke a ni nin da wufwiye bwesim kime yinangu a ni chini dikwal diyilin kininu. N chini we chitu n kin a yoti kwang ni kau bisutirim kim bikakim.

Nwe yam Kwamamu mati nangangi kin

¹⁹Kebu mim titwar yam bibu mang fwadimu, ka nang wuwule niye a sii kitele we yamu nibu kifwadimu, tifadu yamu we daatu, timadu kifwiniwengi daatu.

²⁰Dine kifwini wu a niye a bebu kini da wu yile wu n Kwama kibadde.

²¹Dine yiko ti chakku kasi no wuwule dati yibwilai n ti mulinu n tini kin we nitu chintu. Kini bubbuke nire, tiyu dikwal didu n Kwama a fi a nitumu, didu kini dukwan ka yu tikuri chintinmu.

²²Ka kikile kidange yo dikwal Kwamanu mwan nwenu ma nangangi kin, a mwituwe ta ma chitu a fwatu, ti nweddu dikwalu we ka nweku, ka yiko tibu ka dutu chin.

²³Dine ka wuwule niye wu kinwe dikwal yaminu a buntibe a kau yinang ni a dang kiwulang kabu kongu a mwe.

²⁴A tiwe niwu a dang kabu ko a mwe kutin tiyangu n kin weminangu yo a yikane a tabutin yinangu n kin we minangu.

²⁵Aya ka ni a dang daan we yilang Kwaman kiyilangu kichakku niyange, ka ni a chakaku kigura chi kifwadite, a tabibu chitu a nwetu, aya a na tundu yinu n Kwama ka yo kimin delaku dine a ma yiko.

²⁶Ka wuka ni a dau ko kichi n Kwama ka nwe tamange, aya mwang tabu ben mune, n kin kibutu dur kin ko kifwa tiyili, tikuran kitu ko kima chi ka lima Kwama nire kana tikusi.

²⁷Chitu n Kwama Techire kbadu nibu ka made ke a lima kin nire nang kitu. Makaku bwesim bunimu n ti natim bunimu yo a le riye, yinu n ti woku bwiyang we a titinitu.

Yakubu 2

Tiwelan a yungku lakakang

¹Kebu mīm, we tiku changu a nību buntikīmu we dīTewuduwe Yesu Masiya, wu kīni duyene, tīdāudu wuka ni a ladu wuka ni we.

²Ni dāu ka wuka ni a be muraku changu kīni kulīn diyilīn n ti keni yiyilīn yiu kīni kwatīre, yinu wuka dīlusan niin a lewe kīni kulīn a lebulenge.

³Ka tīni niwu a do kulīn kwatīre dwiyentu yinu a yi kīn ko, “Fiswe wuyile nang wu.” Aya tīyi dīlusan nii wunu, “Ko titiye a bwa.” Ka ta yidu ko, “Swe a tīme.”

⁴Ka tīma yiko ta yimbu tiko tīkera dutu chīntu kerana, yinu ta mabu mwataku kīni tīkuran tībwilaiya?

⁵Tīnwe kebīmīm, n Kwama a sutubu tīlusani nībitu bību a ne kīni kulīn tītīni ke n chi a ke biyilīmu we Tewuduwe Yesu Masiya, dīne n chi nang nību a ya kulīm tītīniya? N chi nang bību ka sweduwe kīdīng matīn Kwama wu n kīn a bwāu dīne bību a mīla kīnīma?

⁶Aya n tīn tīswāba tīlusani. Yoye bību kīni nību riyemu n ke kulīma? N chi n ke bību kīwu chīnu kiyikan kan kabakīn kīni chinīma?

⁷N chi n ke bību kīfwa yām swāba ku we dīn diyilīn Yesunu wu nang Tewuduwe chīna?

⁸Kīkumang ka tībuntīn yilang Mai chīren m Masiyange, wu ni yadu a yām bīmwalīlīm Kwamamu a fwa ko, “Mīla kemo ta da ware kīdwan yinang dur mun.” Ka tībuntīn yilang kīke tīmadi der.

⁹Aya ka tīdāu bīkamu a la bīkamu we kangu tīdāngīn chiyangu, tīma kīle. We yilīn Musatu n tīn tīkau nību bību a ki yilangu.

¹⁰Aya ni wu a buntīn yilīntu kīni kwang yinu a kii wiine, a yung a kii yilīntu kīni kwang.

¹¹N Kwama kawu wiine wu a yi ko, “A ne mwan ma tīkuliye,” Nantī wu a yiko, a ne mwan chīu niye. Dīne yiko, ka mwan mabu tīkulye aya n chīu wuka niye, a yung a fi wiine mun kii yilangu.

¹²Dīne yiko, kasi no mwang fwadu ko wule, ka mwang matīn tītīle chiye, tabīdu we mwi mwang ya kabakīku kīni yilang kīku kīchaku niyangu.

¹³Dīne niwu a nwebu kībune keko n Kwama a ne nwetīn kībune ko tīn, aya ka nii wu kīnwe kībune nībe, a ne ka nwe tayi we mwāntaku Kwamangu.

Keku biyilīm a ne nangang wengu kīkusang

¹⁴Kebu mīm, a le yi bwāle, ka n yi mwiko n muni kīni keku biyilīmangu yinu mwan yungbu we nangite? Keku biyilīmangu n we yu wuka niya?

¹⁵Ka bīkam kebu nību buntikīm kwarta ka wuwiye wu a kwala kulīn ka chabte,

¹⁶Yinu n yi k̄in mwiko. Ya l̄imang, suitu ka chune a n̄inu riye we. Aya mwan nibu niwu t̄ikan chabtu ka kul̄ine, t̄itu a lengi bw̄ale?

¹⁷We fi wiine, keku biyil̄imang a diYesu Masiya n k̄ikun, ka a ne nangangu ka yungdu wenge a tu a bwa.

¹⁸We fi wuka ni ka medu ka kwilayu ka yidu ko, “B̄ikamu n̄ibu k̄ini kana keku biyil̄imang, aya b̄ikamu n̄ibu k̄ini kana nangin̄ tiyili, a kaya t̄ikan chiya?” Aya n ke k̄im̄in mi a bw̄ale keku biyil̄imangu yo a ne nangang kiyileng we? Mang yungin̄ keku biyil̄imangu we a nangin̄ tiyili mitu we diKwama.

¹⁹N ke biyil̄imu mwiko Kwama wiin. A le, ko no nang kif̄ib̄tiye yibwilaiyu a ke t̄ini yiko, yinu k̄im̄ika t̄ini bwi d̄ine taye.

²⁰M mun d̄iru, ka mun baddu k̄ikangu mang fwa m̄inu tiyangu keku biyil̄imangu a ne nangang wengu t̄ikusiya?

²¹Mwan kurbu mwi n tuke chire n Yibrayim a kau naba yile we kakku Kwamangu we chi n k̄in a mantu, yoko n k̄in a tau bweko Yichaku a ni d̄ine nangang niku k̄ituumang?

²²D̄ang! keku biyil̄imangu n ti nangang kiyileng kangu kiyadu a fi wiine. Chi n k̄in a mantu a yo keku biyil̄imang kangu a kabbi dimbir̄im.

²³We fi, a ri b̄imwal̄il̄imu ȳam Kwaman ko, n Yibrayim a ke biyil̄imu we diKwama, n Kwama a kii k̄in a niwu yile d̄ine keku biyil̄imang kangu. We yiko n̄ibu kiyalt̄in̄ k̄inu ko fate Kwama.

²⁴T̄id̄ang, a yung ni kau n̄ibu yile n ti Kwamam d̄ine nangang tiyili ch̄iretu n ke keku biyil̄imangu k̄ikung.

²⁵Ni swe b̄ibu k̄ini Rahab d̄ibanu. N k̄in a kau na yile we kakku Kwamangu d̄ine chi n k̄in a mantu. Yo a lai n̄ibu a ya k̄i dele t̄ime, n k̄in a maka chi a swi a wuka ware daan.

²⁶D̄ine yiko, yinangu bwiyu ka a ne f̄ik̄im wenge a kau wu bware, yiko t̄in, keku biyil̄imangu we diKwama a ne nangang wengu kw̄ame.

Yakubu 3

Naba bunt̄ike n ti ben k̄inu

¹Kebu m̄im n̄ibu bunt̄ik̄im, nabwen we t̄ibe ch̄in a kadu b̄ibu k̄i miya chim we, d̄ine tiyim tiko n ch̄ini b̄ibu ni ma miyak̄imu n Kwama ka sii t̄in n̄ir we mwataku chirengu.

²K̄ikumang n ch̄ini k̄ini kwang ni ledu nabwen. Nanḡin̄ ka wuka ni a tw̄anbu we chitu n k̄in k̄ifwadite, a no ni kau n̄ibu b̄ibi d̄imb̄il̄im, wu ka medu ka tau bwiki kwange.

³Yo n̄in d̄iku kwere m̄in k̄im̄it̄it̄ili we yii ke a bunt̄in chi ni badde, ni mul kwere kiya bwanu ni badde.

⁴T̄int̄in ni swedu k̄ini ne kw̄amb̄iri we ne la wuduwe, kasi k̄iku a dwiyenangu, k̄if̄ibe wuduwe k̄itunḡdu k̄iyikadi k̄in, k̄ini yiko, ni k̄iside, k̄ima nangangu k̄ini k̄itwalang k̄isidu k̄iyika bwa a kudiye.

⁵A fi wiine benu wuka fi bayim we bwi ni, a ya k̄ini kuk̄iku durangu nabwen. T̄id̄ang nabwen d̄ikiru bamb̄ilimb̄ilime aya k̄irangu bayim k̄itwi k̄inu.

⁶Ben n̄inu yinang k̄irangi ngalngalang. A ri k̄ini kana nabwe mul̄in d̄ikwanang. Nang benu we bwi ch̄irenu yinu k̄ikai bwi k̄ini kwang. T̄int̄in k̄iyo bwi chire kwang ka twidu a k̄irang ke a kai t̄ikuri ch̄irentu a mwetuwe di b̄ibe a lanta di bwa, yinu k̄irangu k̄ibedu a d̄iSetane k̄itwi t̄inu.

⁷Ni k̄im̄edu k̄ila dukan naiyinu, wu n k̄in k̄ima mat̄in kitu ferediye kasi no nang nai d̄ikiriyu n ti k̄in̄ib̄tiyu n ti naiyu k̄ikw̄akada t̄ime n ti nai mwei.

⁸Aya a ne nii a me a tau ben k̄ine we. T̄int̄ine chi t̄ikwan̄in a kebu a tabu dur k̄inu, a ri k̄ini yinang k̄ikwanangu nabwen wu k̄iwuwe bwa.

⁹Nang chi ni dela t̄i Kwama wu n k̄in nang Te chire, nangt̄i chi ni turan n̄ibu n Kwama a mub yinang k̄in̄imu.

¹⁰Ni dela Kwama k̄ini yii, ni turat̄i n̄ibu k̄ini yii. Wule kebu, a dakabu a no ka kaddi ying.

¹¹Kanodu mwe wu a l̄imbe n ti wu a l̄ime we chiredu we fi wiina?

¹²Kebu m̄im, tiyang yinab we tu t̄ikulan setunita? Ka tiyang yinabi ka tu t̄ikulan tiyang sinangu ta? A fi wiine, bwiru k̄ini mwe bumenu a ne bwi mwe wu a l̄iml̄ime.

Kasan t̄iyilitu k̄ichiredu a d̄iKwama

¹³Wuka we tibe ch̄in wu k̄ini kasan wu k̄ini t̄ikuran we kangu n Kwama k̄ibadu ni ma fi swenga? Ya yayu wu a lele yinange, ke a yung d̄a wuyile ko we s̄ik̄iku durang kangu yinangu n Kwama k̄ibadu ni ma fi swengu, yinu mwang kau naba kasane.

¹⁴Aya ka we n̄ir munu, n ri k̄ini kubeku k̄ikusang n ti k̄ifwini n ti m̄ilaku dur munange, wureni a yo k̄ikangu mun ngau kwiye mun mwet̄in t̄ikwanitu muko n muni k̄ini kasane?

¹⁵K̄idum kasan̄in b̄ibu n ke b̄ibu k̄isuwedu a d̄iKwamam, t̄itu k̄ichiredu a t̄it̄ini n ke ta f̄ik̄im Kwamame, aya t̄itu n t̄iu k̄if̄ibe wubwila.

¹⁶Nangk̄in, ka nang wuwule fiye wu n̄ibu k̄ini kubeku n ti b̄ibu k̄ibau ka dur chinmu, a ne duum mwek̄in̄imu n ti ka b̄ib̄ile dum da wubwila ne mwang yadu we fikomu we.

¹⁷Aya n̄ibu b̄ibu k̄ini kasan t̄itu k̄ichiredu a d̄iKwamatu, a kabi kwangi w̄al̄ak, t̄int̄ine k̄ibedu k̄ini l̄imang we n̄ibu, k̄ini bubbuke n̄ire, yo k̄ima chite k̄ikurt̄inu ko b̄ikam n̄ibu we, a ri k̄ini k̄ibune n ti nanḡin chitu ka t̄iyili kwang, a yungbu lakaku, a kerabu t̄ikuran chitu t̄inti yurab yinu n chi a but̄ibu n̄ibu.

¹⁸N̄ibu k̄ibau l̄imangu a swedu we n̄ibu yinang naba kuuwe wu a fi duum l̄imang a t̄ime, yinu k̄ikau chi t̄iyili we kakku Kwamangu.

Yakubu 4

Fat̄intu n ti t̄it̄ini

¹Wureni a yo t̄ima tukaku n ti d̄ikulan yiinu we tibe ch̄ine? A ne kamaku we k̄ibedu a kubeku chiyang changu k̄ima kun we d̄ichinangu.

²T̄ibau chitu ta yabu, t̄iswanadi kakku durang, t̄ibau chitu k̄ini dukan, t̄ikwaladu, t̄iswanadi d̄ikulan yiin n ti dukulan. Chi a yo tayabu chite d̄ine ta tw̄ab̄abu buni we.

³T̄int̄ine, k̄idangu t̄ib̄iu Kwamangu ta yabu, d̄ine ta babu a w̄are wu yile, d̄ine yata ma nangangi k̄in a w̄are wu kuse wu ta nweng t̄am̄ang ch̄inge.

⁴N t̄in n̄ibu t̄ikulimu, ta yimbu tiko baku chi t̄it̄initu kat̄in n ti Kwama? D̄ine yiko ka nang wuwule niye wu k̄im̄ila t̄it̄iniye, a Mai dur k̄inu kat̄ire Kwama.

⁵Ka t̄ikamadu tiko a ne biyil̄im we b̄imwal̄il̄im ȳam Kwamu a fwa ko, “N Kwama a rii k̄ini d̄ibwilang k̄iken we f̄ik̄imu a yo we d̄ichinemu.”

⁶Aya n Kwama a su nim̄in l̄imeko nabwen nang chi a yo ȳam b̄imwal̄il̄im k̄imu a yi ko, “N Kwama a babu ni k̄ikuk̄i dur k̄ine ka swedu k̄idwan n ti k̄in, aya k̄ima wu n̄iri bubbuke m̄in l̄ime.”

⁷D̄ine yiko t̄iyiu Kwama nang Tewuduwe mo, t̄iti k̄ir̄ing t̄ikedu n Setan we, ka du ch̄inu.

⁸T̄ibe k̄idwang n ti Kwama, n Kwama ka be tedu k̄idwang n ti ch̄in. T̄idu chi a lebitu n t̄in n̄ibu k̄iletimu, n t̄in t̄ikuran ch̄intu a kera kerane t̄ido n̄itu chiti w̄al̄ak.

⁹T̄ima furi k̄ilin, t̄ikii wii, t̄ifwal t̄imwenitu. T̄ilem̄in t̄inurantu, t̄inang kii wii, t̄idu t̄im̄ilantu, t̄inang ma furi k̄ilin.

¹⁰Ka t̄isw̄aba yi chiyu we kakku Tewuduwe, n Kwama ka r̄ika ch̄inu we kakku kangu.

Yo kemo m̄inu k̄ile we

¹¹Kebu m̄im, t̄ifwadu chi t̄ikusi we tibe ch̄in. D̄ine ni k̄i tu keko naba bunt̄ike, ka mun mwata k̄im̄inne, a yung mun makadu n ti yilang Kwamang, mu yo yilang

Kwamangu mìn kīle. Nangkin ka mun makadu n ti yilang Kwamange, a yung mwang buntibu yilangu. Tintine n yung dur munu naba mwatake.

¹²N Kwama kīkun wu a yo yilange, nang ni ka mwata nimin tine. N kin kīkun kini dukan yukinu, n ti didu a chikkinu. Aya mun kamadu m mun n wure wu mwan lwe mwang mwata kemo minde?

Kikure we nganku kwiyengu

¹³Tinwe n tin bibu ti yidu ko, “Di ka finenange nin yika dikan bin, nang ma swar wenu. Nang ma dibe we bwako nang mur kambir.”

¹⁴Chi tīfwade a lebu, dine ta yimbu chi ka fwedu kini chin finenange. Tikuri chintu yinang ditalluken didu a ne tike, kiyaratinu.

¹⁵Chi a no ta fwaditu nang titu, “Ka n Tewuduwe a ke a du tikurite, nang ma titu n ti titu.”

¹⁶Aya kīkangu tikuku duru, tingau kwiye we chi ta yo a kakitu, aya maki yikongu kana nangang kibwilang.

¹⁷Dine yiko, ka nang wuwule niye wu a no dakan ka ma chi tiyiliye yinu n kin a mabe, a kau kimin kile we kakku Kwamangu.

Yakubu 5

Kikure a naba kuli

¹Kīkangu tinwe n tin kulimu! Tiki wii kini keme dine riye kibe chiminedu a kake.

²Kuli chintu ka fwidu, rwati ka wu kiyilin kulin chinu.

³Sinariya chin n ti Asurfa chin ka ma sangre. N Kwama ka ku Sangre wu, nang chi ka mwata chin min tini kine, wu ka twi chinu yinang kirang. N tin ti mur yichiyu min kulitu we diti yiyu, a kau diti swan kuteye.

⁴Nangkin, sure ta dang nibu nanganmu a kuuni chiyimu dine ke tisul chinu, wii chi a lam kakku Tewuduwe Kwama chire. We yiko tin, tiful bibu kichaku chimin kulin kuunu, ta febu chi. Wii chi a lam kakku Kwama Tewuduwe Kwange.

⁵Tima fiswe nwe tamang titinitangu, yinu tima chi ta kudiye, kīkangu nitu chinti a fwiye ni mwe kini nwe tame titiniye, aya ta yimbu tiko dimwatake a mwatawenge.

⁶Tiyo nibu min mwatakiku ke tichibe nibu Kwamam, aya n chi a katabu n ti chin.

Tima nangangu kini bwanu n ti twabaku

⁷Dine yiko kebu mim, tiswe kini bwanu ka laminti yo n Tewuduwe ka bede. Tidang kidum bwanumu naba kuwe kimadu ki laminti yo chabitu a biye. We nabwe bwanuwe, kiyam mwe wu ka fin chame n ti wu ka talinde.

- ⁸N t̄in t̄in t̄im̄u n̄iru t̄iti k̄ir̄ing, d̄ine di k̄ilake Tewuduwe a mwatawe k̄idwan.
- ⁹T̄idu t̄ilurantu a dutu kebu chimitu, ke Tewuduwe chire a mwata chim̄inu we. D̄ang naba mwatake a mwatawe k̄idwan, a t̄iya kw̄ar.
- ¹⁰Kebu m̄im, t̄ikur f̄akubu Kwama feredimu bu a fwa ȳam k̄ini d̄in Tewuduwe, yinu n chi a nwe riye, aya n chi a mu n̄iru a ti t̄ini k̄ir̄ing. K̄ibunt̄in w̄ari chiyu k̄imiyadu tiyangu ka ru n̄iru we riyengu.
- ¹¹Kangu ta yim n̄ibu t̄iyim t̄i kuradu tiko k̄ini k̄isiyange nang n̄ibu a mu n̄irumu. A ta tu ta yim yinangu we muku n̄iran Ayuba, yinu ta ku yinangu n Tewuduwe a yo kuten kangu a lengu. Biyil̄im n Tewuduwe chire k̄ini n̄ir k̄ibunen nabwen we n̄ibu k̄imu.
- ¹²Kebu m̄im chi a la chiye we t̄itu kwangentu we chitu mang fwa, t̄itwandu chi we ko “Bayim ka t̄ibw̄au ȳame, t̄itwandu chi we k̄ini dii, ka t̄ime, ka a t̄ikan chiye. Ȳam chimu a subu ‘ngo’ ka ‘ngango’ ke t̄iyaruwe mwataki Kwamangu.”
- Dukan tw̄ab̄akinu**
- ¹³Kano wuka nii we tibe ch̄in wu k̄inwe riya? A tw̄ab̄a buni a diKwama ke a maka k̄in. Wukane nii we k̄ini furi mwemwen na? A kaba teni ke k̄idela Kwama.
- ¹⁴Wukane nii we wu a bubuwa? A yale sel̄ibu n̄ibu bunt̄ik̄imu a tw̄ab̄a k̄im̄in buni a wa nii wu a bubuwe m̄in k̄inungu a d̄in Tewuduwe.
- ¹⁵Duum tw̄ab̄ak̄imu k̄ini keku biyil̄imanḡimu ka be naba burange. N Tewuduwe ka bet̄i k̄inu, ka ya k̄ini k̄ilenge n Tewududuwe ka du k̄im̄in t̄in k̄ilet̄iyu.
- ¹⁶D̄ine yiko, t̄inang fwa yichiyu m̄in k̄ileti chiyu, t̄inang tw̄ab̄a dutu ch̄intu m̄inu ke t̄iya bek̄iku. Tw̄ab̄aku naba yilengu k̄ini dukan k̄ima nangangu yinang yinang.
- ¹⁷T̄id̄ang Yiliya ni yinang ch̄ini, a k̄itw̄ab̄a bunitu k̄ini n̄ir k̄ini d̄in ko a swidu mwe we, a mwintuwe a swibu mwe swat̄iti t̄ita k̄ini d̄imwatar.
- ¹⁸A kuteng k̄iku a k̄ila tw̄ab̄a bunitu, mwe twiye a swiye we twiye, chabt̄itu a ki we t̄imu.
- ¹⁹Kebu m̄im, ka wuka ch̄in a chir we w̄are wuyile Kwama, yinu n̄ibu a k̄ilawe k̄ini k̄in a w̄are,
- ²⁰niwu a k̄ila k̄ini k̄in we w̄are a yim ko, niwu a k̄ilangi k̄ini naba k̄ile a yu k̄in we bwa. Yinu a yo n Kwama a d̄ang t̄ibu ne bwila n k̄in a mange.

1 Bitire

1 Bitire 1

Djsir

¹M Bitir, fandu Yesu Masiya, m mwal bisuturim nibu Kwama min lwanjin didu, bibu a tiran kima fiswe wu a nibu kuume we yaatiyu a Fontu, Kalatiya, Kafadokiya n ti Asiya a lanta Bitiniyamu.

²N tin bibu n Kwama Te a yim chin a sutu chin feredimu, Fikim kimu a yo tikau bibi wauwadim, ke tima Yesu Masiya min kwambir tiya nuraku we kitum kimu. Lime n ti limangu a swe n ti chini dibil.

Yo nire wu yile

³Ni dela Kwama n ti Te Tewuduwe chire n Yesu Masiya dine ne kibune a ni chini tikuri tifwin we kunku Yesu Masiya we furangu. Titu a yo n chini kini yo nire wuduwe.

⁴Yinu ni yo niru ke ni ya chi n Kwama a yo nibu kim mine, a yo chin min a bwaditu, finu a ne twiyadu, a ne kayadu, ka ka surede.

⁵We keku biyilimang changu, n tin bibu n Kwama kito chinu kini dukan kinu ka lamintin di yuke wu n kin a do ka yung kinu we di swang kute.

⁶Tima furi mwen we titu, kasi kiku kikangu we kiswi wu bayim tima furi kilikilin dine swekiku tiyadu we mure dangtidangtiyangu.

⁷Titu kifwedu dine ke a yung yinangu keku biyilimang changu a tiyangu. Kasi no sinariya, wu ka kayade, ni swedu a kirang, keku biyilimang changu yiko, wu a la sinariya, a mwintuwe ka ya swekiku, ke a ya ruku. Yinu ta ya delaku n ti dwiyentu nabwen we di n Yesu Masiya ka fwadede.

⁸Timila kin, kasi kiku ta kuunbu kin wengu, tike biyilimu we dikine, kasi kiku ta kubu kin kikangu. Tiri furu kini timilantu nabwen n ti timila titu a dwiyen titu a su kinatingi,

⁹dine ti yiu kitime chin we keku biyilimang changu nang yuku tikuri chintu.

¹⁰We yuku kiku fakui a tal yam bibu dine ke chi swaan, yo n chi a fwa yamu we lime wu n Kwama ka ni chine.

¹¹N chi a bau ka yindu ka titu ka fwedi fere, n ti kangu ka fwendangu. Wu nang kiswi wu Fikim Masiyamu we di chiye a no kiyung chidu, kifwadu kangu m Masiya ka mu niru we nwe riyengu, n kin ka ya dwiyen kite.

¹²N Kwama a kwal chimin ko, nangan chiyangu n ke dine dutu chiye, aya dine chin. Kikangu n chi a fwa yam we titu chi ta tu ta nwe we Faku wu a fwa Yam Bilim we dukan Fikim bibu a tume a bwa diye mu. Titu nang chitu kasi no nibu titumbirimu kibaddu ka swaane.

Da wauwade wu a n̄ibu bunt̄ik̄ime

- ¹³We yiko, t̄ido n̄itu ch̄intu d̄ine nangangu, t̄itau dutu ch̄intu, yinu t̄iyo n̄itu ch̄intu we l̄ime ka ni ch̄inu we di n Yesu Masiya ka fwadede.
- ¹⁴T̄ikabi k̄ini kw̄amb̄ir we bunt̄ik̄iku yinang bwes̄im Kwamam, t̄ikedu chi t̄ibwilatu t̄ibaditu a kwel chim̄inu n̄itu we, yinang yo n t̄in a no a k̄iliye.
- ¹⁵Aya t̄ikau k̄ini wauwade we nanḡin ch̄intu kwang, yinang k̄iku n Kwama wu a yal ch̄ine yi wauwade.
- ¹⁶Ȳam Kwamamu a fwa ko, “T̄ima fiswe wu wauwade, d̄ine n m̄ini wauwadu.”
- ¹⁷T̄i yal k̄inu tiko Te, yo t̄itw̄ab̄a buni we d̄iKwama, n K̄in wu we mwataku n̄ibangu a yungbu lakaku we nanḡin t̄itu n ka wure a mangitu. We yiko, t̄iya yayu k̄ini tayi Kwamai we t̄it̄initu yinangu ch̄in n̄ibu kuum.
- ¹⁸D̄ine ta yim n Kwama a tu ch̄in we dati yikusi yiyu tukebu chimu a du chim̄inyu, a tubu ch̄in k̄ini chitu k̄ikayadu kayane, yinang asurfa ka s̄inariya,
- ¹⁹Aya a tu ch̄in k̄ini k̄itum b̄ibu a ma kw̄at̄ir̄im b̄iu Masiya, wu yinang be kwane niku k̄itumang, d̄idu a ne der we ko bayim̄in.
- ²⁰N k̄in nang wu Kwama a sutu yo a tibu yo t̄it̄iniye, aya we diti swan kuteyu n k̄in ka fwadedu d̄ine ch̄ine.
- ²¹A d̄ik̄ine n t̄in t̄ike biyil̄imu we d̄iKwama, wu a kuku k̄in we fure, a ni k̄in dwiyentu, d̄ine t̄ite keku biyil̄imang changu n ti yo n̄ire a d̄iKwama.
- ²²K̄ik̄angu yo ta kabi w̄al̄ak we kw̄amb̄ir ch̄inu k̄iku a bunt̄iku biyil̄im mangu ke t̄iyung keb̄ibu ne m̄ilaku changu, t̄im̄ila yichiyu yinang we n̄itu ch̄intu.
- ²³D̄ine ta ya b̄ibe wu fwiye, n ke t̄ikuri t̄itu ka ridu riye, aya t̄itu k̄idiya kwadi. A d̄ikw̄al Kwaman d̄idu k̄ini t̄ikuri yinu d̄ikw̄al d̄idu k̄idiya kwade.
- ²⁴Yinangu ȳam Kwamamu a fwa ko, “N̄ibi kwang yinang sw̄aku, leran chitu yinang fil̄in sw̄ak̄in. Sw̄ak̄iku k̄iwurmadu yinu fil̄intu k̄itwakat̄inu,
- ²⁵aya ȳam Tewuduwe mu we k̄idiya kwadu.” Ȳam b̄ibu nang ȳam b̄il̄imu a fwa chim̄in a d̄imwar k̄in̄imu.

1 Bit̄ire 2

N̄ibu Kwamami wauwad̄im

- ¹D̄ine yiko, t̄idu ka t̄it̄ile chi t̄ibwilaiye, n t̄i t̄ikwanitu, n ti d̄ibebelin, n ti kat̄intu, n ti ka t̄it̄ile k̄iduum t̄iturane.
- ²Yinang bwes̄im k̄ilwim b̄ibu k̄ibau k̄arku yaran, n t̄in t̄i bat̄i ȳam Kwamami yiko, ke t̄idwiyen yinu ta yat̄i yuku.
- ³“K̄ik̄angu ta tu ta twai l̄ime Tewuduwe.”

⁴Tibe bwa diMasiya, wu n kin yinang kale tikuriye, wu nibu a ko, aya n Kwama a sutu kin a ni kin dwiyentu.

⁵N tin, tin tikau yinang kali yikuri, yiyu nibu kima nangangi kin ke a mu duum kan Kwaman da Fikimi Wauwadim. Finu tanin ma kimin nangangu yinang kwal fanseti wauwadi. Ta nin ma kimin niku kitumang duum bibu a Fikim n Kwama ki baddimu a diYesu Masiya.

⁶Yinangu yam Kwamamu a fwa ko, "Dang, n sutu kale wu a yile, n yo a kau kale wu a fwitine we Siyona. Wu a ke biyilimu we kale we, a ne nwe dibwi ko bayim."

⁷N tin bibu ta ke kini kinimu, kale wu kini nangange we di chine. Aya bibu a kebu kinimu, yinangu a fwangu, "Nang kale wu nibu mukkimu a ko, a kau kale wu a lachi kini nange."

⁸Yinu n kin, "Kale wu kiyo nibu kingau bewure we, tintine kwam wu ka bedu kini yare." N chi a ngau bewure dine n chi a mabu kwambir we yam Kwamamu. Nang chi n Kwama a do dine chiye.

⁹Aya n tin bisutirim nibu, n tin kwal fanseti biu Mai Wuduwemu. N tin kuu wu yi wawadu, nibu Kwamam, wu a sutu chin ke tima dimwar nangang Kwamang. N kin a yal chin we kilie, ke ti le yiiku kangu ka yar yiyangu.

¹⁰Yo ferediye, n tin a no n ke nibu Kwamam, aya kikangu n tin nibu kim, yo no ferediye n Kwama a nwebu kibune chin, aya kikangu tiya kibuneko.

N tin kabi Kwamai

¹¹Kebu bibu min miladim, min wana chinu, n tin nibu kuum we titinitu, n tin ti newe kini lo we fi, tidu kubekiku a bwiyanu chi kima katn n ti nir chine.

¹²Tikabi kini da wuyile we kuu nibu bibu a yimbu Kwamamu ke yo n chi kimar kimwarang changu ko tima chi tibwilai, dine nangin tiyili chintu n chi kikuditu, n chi ka kiladu kanin dela Kwama we Di kilake ko.

¹³Dine Tewuduwe, tima ka nang titile matine min kwambir wu kini dukan we nibe. Tibunti chi Mai wuduwe kifwade, dine kin nang Mai wuduwe kini dukane,

¹⁴n ti Kwabnatiyu, bibu n kin a sutimu, ke a wela nibu kima kilemu a wertibibu kima chi a datu.

¹⁵Nang kike Kwama ka titum daati yiyiliye, ta yinge yiini nibiyu we yami yikusiyu a no dabu nibu kanin fwaradu a dutu chinte a kwalan swaanke chi.

¹⁶Tima fiswe wu a nibu a ya tukim, tikedu da ta ya a yodu ti tundu bwila we, aya ti ya yayu wu ka yungdu n tin kabi Kwamai.

¹⁷Tini ka wuwule niye dwiyentu, timila bikamu nibu buntikim, tinwe tayi Kwama, tini Mai wuduwe dwiyentu.

¹⁸N t̄in kab̄iyu, t̄ima tebu lo chimu m̄in kw̄amb̄ir t̄ini chi dwiyentu kwang, n ke kana n̄ibu biyilim b̄ibu n̄iri bukkim, aya n ti b̄ibu k̄ima chim̄in mul̄inimu.

¹⁹N Kwama ka dela chinu we t̄itu, ka t̄imu n̄iru we nwe riye yo ta mabu wuka kilenge, d̄ine T̄iti we chi a k̄ike Kwama.

²⁰Aya ka n̄ibu a twalan a wuka k̄ile, kasi no m mu n̄iri yire we t̄itu a ne k̄it̄ime we. Aya ka t̄ima nangang kiyilange, yinu t̄inwe riye we dur k̄ine, t̄ima bwanuwe, a le, n Kwama ka yo chim̄in delaku.

²¹Nang chi n Kwama a yal m̄ine ch̄ine, n Masiya a nwe riye t̄in d̄ine ch̄ine. Nang tiyangu a du chim̄in ko t̄ibunt̄i nani kiyu.

²²“N k̄in a manbu k̄ile we ko bayim, a ne nii a nwe m̄int̄i t̄ikwani a yiko we.”

²³K̄idangu n̄ibu a tu k̄inangu, n k̄in a yeebu. K̄idangu a nwe riyengu, a yibu ko ka yeedu. Aya n k̄in a yo n̄ir k̄inu a ka d̄iKwama, wu k̄ima mwatak̄i kiyilange.

²⁴N k̄in k̄ifwan a d̄au k̄ileti chireyu we bwikiyu yo n̄ibu a kuka k̄in a k̄it̄iyang bwange. A ma yiko ke we bwako ke ni du k̄ileti chireyu ni kau n̄ibu yilem. We bunbi kitu t̄iya beku.

²⁵Feredi a no t̄ile we w̄are yinang kwanti, aya k̄ik̄angu t̄ik̄ilawe bwa Naba Toke, wu k̄ito t̄ikuri ch̄ine.

1 Bitire 3

Kwartabu n ti nat̄ibu

¹A fi wiine, n t̄in nat̄ibu t̄ima kwartabu chimu m̄in kw̄amb̄ir, ke ka b̄ikam we tibe chi a bunt̄ibu yam Kwamame, we daati yiyili chiyu ka yodu n Kwama ka wuwe chidu, kasi no niya ma chim̄inbu d̄ikan d̄imwar,

²d̄ine n chi ka kudu tiyangu n t̄ini walak we n̄itu ch̄intu n ti kw̄amb̄ir chinu.

³Leran ch̄intu a kadu ka t̄itu a bwi we, yinang yikk̄i durang ka doku bukki sinariya, ka kul̄in d̄idu k̄ini kw̄at̄ir̄ine.

⁴N ti k̄iku ta madi yangu, leran ch̄intu a kau t̄itu a mure n̄ir ch̄ine, t̄ikabi buk k̄ini takku durang t̄itu nang daatiyu a kayabu kayane. T̄itu nang chi a la chiye we d̄iKwama.

⁵Nang chi nat̄ibu feredimu b̄ibi wauwad̄imu b̄ibu a yo n̄itu chitu a d̄iKwama yinu a dosa dutu chitu. N chi k̄ima kwartab̄i chimu m̄in kw̄amb̄ir.

⁶Yinang Saratu, wu a ma kwartako, n Yibrayim m̄in kw̄amb̄ire yinu kiyal kwartako ko, “Tete.” N t̄in ta kau fw̄aniki ka nanḡin ch̄intu a lenge yinu ta nwebu taye.

⁷Yiko t̄in, n t̄in kwartabu, t̄iswe n ti nat̄ibu chimu k̄ini swaangu, t̄iyim n chi a ne dukan we yinang ch̄in. T̄ini chi dwiyentu d̄ine n t̄in n ti nat̄ibu chimu t̄iya t̄ikuri ware d̄ine l̄ime Kwama. T̄ima ying ke tw̄ab̄aku ch̄ingu a ledu w̄are we.

Nwe riye d̄ine tunku yile

⁸We kutengi kwang, n t̄ini k̄ini kwang t̄iyo t̄ikuran ch̄intu a fi wiine, t̄inwe k̄ibune yichiyu, t̄im̄ila keb̄ibu, t̄im̄aka yichiyu, ni a kukk̄idu dur k̄inu we.

⁹T̄iyedu bwila we k̄ini bwila, ka d̄itur k̄ini d̄iture. We yiko, t̄iyo chi m̄in delaku. D̄ine yiko n Kwama a yal ch̄ine a bw̄au ta ya delaku.

¹⁰A mwalmwale ko, “Wu k̄ibaddu ka nwe t̄am̄ang t̄ikuri kiye, yinu k̄ibaddu diti kiyu ka lediye, a tau ben k̄inu we chi t̄ibwilaitu, a tatt̄i yii ko we t̄ikwanitu.

¹¹N k̄in ka sab̄ir kuteng we bwila ka ma chi t̄iyili, a bau l̄imangu k̄ini n̄ir k̄ini diin.

¹²D̄ine nui Tewuduwe we a nii k̄itum yile, k̄itelikiyu k̄inwe tw̄ab̄ak̄ibune chitu. Aya n Tewuduwe a sab̄ir kuteng we n̄ibu k̄itum bwilamu.”

¹³N wure ka ma chim̄in mul̄inu ka t̄ifunt̄ibwi t̄ima chi t̄iyiliye?

¹⁴Aya kasi no t̄i nwe riye we chi t̄iyilitu t̄im̄aditu, n Kwama ka yo chim̄in delaku. D̄ine yiko t̄inwedu tayi b̄ibu k̄ima chim̄in mul̄in̄imu we, a buddu ch̄in n̄ir we.

¹⁵Aya we n̄itu ch̄intu t̄ini Masiya dwiyentu, d̄ine k̄in nang Tewuduwe. T̄iswe k̄ini doku bwiyang ka wuwule k̄iswiye ke t̄ini ka wuwule niye d̄ik̄il̄inu wu ka b̄iu ch̄inu we yo n̄ire n t̄ini k̄ine,

¹⁶aya t̄ima k̄ini n̄iri buk̄in n ti niku dwiyenang. T̄ima ka nang t̄it̄ile chiye k̄ini n̄ir d̄iyil̄ini kwadu, ke ka n̄ibu a tu ch̄ine, b̄ibu k̄ifwa bwila we da wuyile ch̄in wu a n̄ibu bunt̄ik̄im Masiyame be ka nwe dibwi.

¹⁷D̄ine a dakan, ta nwe riye we chi t̄iyilitu t̄im̄aditu ka k̄ike Kwama, n ti k̄iku ta nwe riye a tunku bwila.

¹⁸We yiko n Masiya a bwa d̄ine k̄ileti k̄ida kiin a ri, n k̄in naba yile a bwa d̄ine ch̄ini n̄ibu k̄ilet̄im, ke a yo ni we kakku Kwamangu. N chi a ch̄iu k̄in we bale bwiye, aya n k̄in a kuku k̄in wukure k̄ini dukan F̄ik̄im.

¹⁹Yinu we dukan F̄ik̄im̄inu n k̄in a yikan a ma d̄imwaru we f̄ik̄im̄tiyu a lo dib̄int̄ileyu.

²⁰B̄ibu nang f̄ik̄im̄ti b̄ibu chi a ko a bunt̄ibu chi n Kwama fwa ferediye, k̄idangu k̄in a swe k̄ini bwanu we yo n Nufu a yak̄i do kw̄amb̄ire mwe. N̄ibu a swimi bayim we mwe bamb̄ilake, n chi nar̄ibu we kw̄amb̄ire mwe.

²¹Mwe wu a kau d̄imwal batisma d̄idu a yu ch̄in k̄ik̄anḡinu. N ke nuraku dutang we bwiti chiyu, aya nang bakku ta ma Kwama m̄in nangu k̄ini n̄iri diine. Kiyu ch̄inu we kunku Yesu Masiyangu we furu.

²²Kikangu m Masiya a yika dii. A swe a kang kiyilang Kwamang, kima matin nibu titumbiri Kwamamu n ti matimu n ti nibu kini dukanimu a swe a wume ko.

1 Bitire 4

Yayu nibu buntikim Masiyame

¹Yiko tin yinangu m Masiya a nwe riye we a bwiye, n tin fal ti mu niru tibunti da ko we nwe riye, dine ka nang wuwule niye wu a nwe riye a bwiye, ka du maku kiletiyangu.

²We kiswi a du ta swedu we titinite, ne ta kilatinu we da chin wa kubeku bwiyanage, aya ti bunti kike Kwama.

³Tikai kiswi chin feredi tima chi kuu nibu a yimbu Kwama kimaditu. Tilekan we tikulitu, n ti kubeki bwiyanangu dangtidangti, n ti titosantu, n ti kifibti n ti tinoran ta mabwi n ti siiku diyor.

⁴Yinu kikangu fatibu chimu feredimu kiyar yii yo ta kunkabu n ti chi we maku chi tibwilatu yinangu no kwadangu, n chi ki swaba chinu.

⁵Aya n chi ka fwa kileti chiyu we kakku Kwamangu, wu ka mwata bibu kini tikurimu n ti bibwarimu minu.

⁶Nang chi a yo nibu a ma bibwarimu min dimwar yam bilime, kasi kiku nibu a mwata chimin we a bwiyanangu yinangu a fwe ti bikamu nibangu, nibu n chi ka medu ka swedu we Fikimu yinang Kwama.

Da wu a dakan nibu kibunti Masiyame

⁷Titinitu a mwatan kiridu, dine yiko titi kini kiyolang, n ka wure a tau dur kinu, ke tiyim tiwe twabaku buningu.

⁸Chi a la chiye nang titu, ti mila yichiyu kini niri diin, dine milakiku kiyoy duku kiletiyangu nabwen.

⁹Tiyiu kal chinu a chau chitu we loni chiyu a ne kungakunga we.

¹⁰N Kwama a ni ka wure wakili kitime wu ka mang chiye dangti dangti, wu a lime ko, dine ke ni ma nangangi kin ke ni maka kal chirenu.

¹¹Nii wu kitime ko wu a dimware, a mwintuwe ka ma dimwar yam bibu a chire a diKwamam. Bibu kitime chi nangange, a chakaku a nang ma nangangu kini dukan didu n Kwama a ni chinu, ke we chiti kwang n Kwama ka ya delaku we diYesu Masiya, wu dwiyentu n ti dukanu n tikin kidiya kwadu. Amin.

Riye dine buntike

¹²Kebu bibu min miladimu, tiyaru yii we riye tinwedi budde dine sweku change, tidadu we ti tikan chi tifwi kifwedu n ti chin.

¹³N t̄ik̄iki yikongu, t̄iri k̄ini t̄im̄ilan d̄ine t̄inwe riye tiyangu m Masiya nwengu, ke t̄iri k̄ini furi mwe mwen nabwen yo n k̄in ka bedu k̄ini dwiyen kite.

¹⁴N t̄in n̄ibu delak̄im ka n̄ibu k̄itu ch̄inu d̄ine t̄ibunt̄i Masiya, t̄itu kiyung F̄ik̄im Kwamam b̄ibu k̄ini dwiyen̄im we ware ti ch̄in.

¹⁵Nwe riye ch̄in a kaduwe d̄ine t̄ikau dute, ka kute, ka t̄ima chi t̄ibwilaiye, ka t̄i yo dur ch̄inu we chitu a ne lwangang chang we.

¹⁶Aya ka wuka we tibe ch̄in k̄inwe riye d̄ine k̄ibunt̄i Masiya, a nwedu dibwi we, aya a nang wana Kwama d̄ine n̄ibu kiyal k̄inu ko naba bunt̄ike.

¹⁷K̄iswi a lam d̄ine mwatake, ka mwedu we n̄ibu b̄ibu m b̄u Kwamamu. Ka a mwetuwe d̄ich̄iniye, kanodu b̄ibu a kebu yam b̄ilim Kwamamu ka kadi yire?

¹⁸A mwalmwale ko, “ka n̄ibu yilemu ka swidu bawiye, ka kadi yire we b̄ibu a yimbu Kwamamu n ti n̄ibu k̄iletimu?”

¹⁹D̄ine yiko, b̄ibu k̄inwe riye d̄ine k̄ike Kwama, a chakaku a nang ma chi a leetu. A ni dutu chitu a d̄iKwama wu a mu chi kwange, n k̄in wu a kwiyabu bwak̄i kange.

1 Bitire 5

T̄ito k̄iran kwanti Masiyanu

¹M m̄in wu mang kau sele m̄in fwan, m̄in mwa ch̄inu n t̄in sel̄ibu kanbi Kwamamu. M m̄in wetuwe b̄ibu a ku riye Masiyame. M m̄in wetuwe b̄ibu ka ya delaku kangu we di k̄ilake ko. M̄in wana ch̄inu mi,

²t̄i to k̄iran kwanti d̄idu n Kwama a ni chin̄inu. T̄inang dangdu k̄ini k̄i ke ch̄in, n ke yinangu n̄ibu k̄iyo ch̄inu yong. T̄imaduwe d̄ine n̄ibu ka fee ch̄ine, aya t̄ima d̄ine t̄i badu siin ta ma nangang Kwamang.

³Tiyungdu dukan we n̄ibu b̄ibu n Kwama a ni chin̄imu, aya tiyung da wuyile we kwanti n chi ka miyade.

⁴Yinu yo Naba Toke Wuduwe ka fwadede, taya d̄ik̄ir̄in d̄iyil̄in d̄idu dwiyen kitu a ne ridu riye k̄idiya kwadunu.

⁵Bwelemu t̄in, t̄ibunt̄i yam sel̄ibu. N t̄ini k̄ini kwang, t̄ikuk̄idu dutu ch̄intu we, t̄imaka yichiyu we nangangu, d̄ine yam Kwamamu a fwa ko, “N Kwama k̄iko n̄ibu k̄ikuk̄i dut̄imu, aya kiyung n̄ibu b̄ibu a kuk̄ibu dutu chit̄imu m̄in lime.”

⁶D̄ine yiko, t̄ikuk̄idu dutu ch̄intu we kakku Kwama naba dukane, ke we k̄iswi a dakane ka ni ch̄in dwiyentu.

⁷T̄idu t̄ikuran ch̄intu kwang a d̄ik̄ine, d̄ine n k̄in nang naba tore ch̄in.

⁸Tido bwi, t̄iswe k̄ini k̄iyolang! N Setan k̄ibw̄aladu yinang turum wu k̄ikii wii chune, k̄ibau wu ka wude.

⁹T̄inidu k̄in da we, t̄iti k̄iring we keku biyilimang changu, d̄ine ta yim kebu chimu n̄ibu bunt̄ikim ka nang bw̄ale we t̄it̄initu, n chi t̄in k̄inwet̄i riye wu yiko.

¹⁰A kutengu ta nwe riye a baku k̄iswi bayimangu, n Kwama naba l̄ime kwang, wu a yal ch̄ine a d̄i Yesu d̄ine ke t̄iya dwiyenkitu ta k̄idiya kwadi, n k̄in ka yodu ta kadi d̄imb̄irim, ka ni ch̄in dukan yinang, yinu ka ru t̄ichinu.

¹¹Mat̄inti kwang n t̄ikin k̄idiya kwadu! Amin.

D̄isiiru a swan m̄in̄in

¹²M mwal chim̄in lwanḡin d̄idu k̄ini makaku Sila, wu k̄in naba bunt̄ikike mang ke. N ke mang ru ch̄inu, mang fwa chim̄in t̄ini kw̄arikw̄ari biyilim l̄ime Kwama kangu wem̄inangu. T̄iti k̄iring we mure.

¹³N̄ibu bunt̄ikimu a fi a Babilamu, b̄ibu Kwama a sutu t̄in yinang chin̄imu, k̄isii ch̄in tedu, bwemi m Markus k̄isiite ch̄inu t̄in.

¹⁴T̄isiikan k̄ini kwarkaku k̄iyung m̄ilaku n̄ibu bunt̄ikime. L̄imangu a swe ware n ti ch̄ini kwang, n t̄in b̄ibu m b̄iu Masiyamu.

2 Bitire

2 Bitire 1

Djisir

¹M mīna Simun Bitir, bwe nanga n ti fandu Yesu Masiya. Mīn mwal bību a ya keku biyilimang kiyilang yinangu n nīn nang ya tīnangu, we yile Kwama chire n ti naba yuke chire n Yesu Masiya.

²Līme n ti līmangu burtu we dīchine dīne ta yim Kwama n ti Yesu Tewuduwe chire.

Diyal Kwaman n ti sutiku

³N Kwama we a dukan kīnu a ni chīni chi no ni yaditu kwang ke ni ma duum fiswe wu a nību kīnwe tayi kiye. Kīchitu wu kwang ka tīchirei dīne niyang yim Masiya yinange. N kīn a yal niye ke ni ma fiswe lwekake ware n ti kīn we dwiyen kitu n ti da wuyile ko.

⁴Dīne dwiyen kitu n ti da wuyile ko, n kīn a bwau ka ma nīmīn chitu nabwen tītu a lelei. We tītu, ta kadu kīni da Kwama, yinu ta swidu we mulīnu a tītīnitu kībunte kubeku kīkusangu.

⁵Dīne yiko, tīfuntī bwi yinang, tīsu tītu ta mwemīnetu kīnitu, tīsu keku biyilimang changu kīni yile, we yile tīn, tīsubi kīni yingku,

⁶we yingkīku, tīsubi kīni takku durang, we takku durangu, tīsubi kīni muku nīrang, we muku nīrangu, tīsubi kīni da wu a buntīkī Kwamange,

⁷we da wu a buntīkī Kwamange, tīsubi kīni maku chi a lele we ka wuwule niye yinang kebu, we maku chi a leletu, tīsubi kīni mīlaku.

⁸Yiyu nang datiyu a dakan ta kadi kīniyu. Ka n tīni kīni burte, ka yodu ta kadu kīni funtīku bwiyang n ti bību kīni kīkwi we yinku Tewuduwe chire n Yesu Masiya.

⁹Dīne ka nang wuwule niye wu a kwala datiyē, a yung n kīn a kubu di yinang, n kīn kīdu yinu a tabu kīni nurakīku nību a ma kīmīn we kīleti kiyu ferediyē.

¹⁰Dīne yiko kebu mīm, tīsu funtīku bwiyang changu, tīyungī siin kasi diyāl n ti sutukīku n Kwama a ma chimīnangu. Ka tīmāyē, a ne ta yarīnduwe ko bayim.

¹¹Nang kīswi n Kwama ka niin chīn nabwe da wu ta le matīn Tewuduwe chire n ti Naba Yuke Yesu Masiya wu kīdiya kwade.

¹²We yiko, mannīn kur chimīn kīchitu wu kwadu, kasi kīku ta tu ta yim yinu tati kīrīng we yām biyilīmu ta yībīmu.

¹³We dāngkī mangu, a da, mannīn kur chimīn tītu chi ka m mīn we kīni tīkuriye.

¹⁴Dine n yim diti miyu we t̄it̄initu a dubu nabwen, kangu n Tewuduwe chire Yesu Masiya a yungyangu.

¹⁵Dine yiko, mang funtibwi, ke tiswaan kichitu wu, ta tadu we n̄itu ch̄intu kasi no a kutengu mang du t̄it̄initangu.

N̄ibu a ku dwiyen Masiyantu

¹⁶We yam dukan n ti beki Tewuduwe n Yesu Masiya nang fwa chiminangu n ke dibutir ka kisinni kasani nang kaba niri, aya nin ku dwiyen kitu kini nui nin.

¹⁷Dine n kin a yiu rikaku n ti dwiyentu we diKwama Te, yo ker a chir kimine we dwiyen Kwamatu kini dukan kifwadu ko, “Wu nang Bwemi, min milade, wu min nwe tamang n ti kin yinang.”

¹⁸N nin nin fwan nin nwe ker didu a chire a dii, yo nin we ware n ti kin we kun didi wauwadinu.

¹⁹Tichitu wu kwang a yo nin yim ko biyilim chi fakubu bibu feredimu a fwaatu. A dakan ta madi daan daan we yam bibu dine a kau yinang kiyiye wu kiyidu a kilie a laminti yo timu ka kwiyade, yo m Masiya wu n kin nang Diturm̄ine kama yiiku we n̄itu chintangu.

²⁰We titi kwang, a dakan ta swaanu tiko yami fakuyi bibu a mwalang we yam Kwamamu n̄ibu a mwalbu kini swaanku kiku a Fakubang.

²¹We yam fakuyimu, a bebu a kike niye, aya Fikim Kwamamu a le n̄itu nibitu a yo n chi a fwa chi n chi a yiuwe a diKwamatu.

2 Bitire 2

N̄ibu yungku tikwanimu

¹Aya yo no ferediye, fakubu tikwanimu a chire we n̄ibu Kwamamu, yinangu a ne ni kwala n̄ibu yungku tikwanimu we di chiniyemu. N chi ka bedu kini kikan̄ang miyaku tikwani kiku ka yodu n̄ibu ka twandu we keku biyilim chimu, n chi ka ko Tewuduwe wu tu a chiye, dine yiko n chi ka wu dutu chitu mine tiwelan tibwilai.

²N̄ibu nabwen ka bunti chi dibwi titu a yaritu. We chitu n chi kimaditu, bikamu n̄ibu nabwen ka swaba ware wa biyilime.

³We mikakwiye chi n̄ibu miyaku tikwanimu ka funtibwi we fwaku kisini yam tikwanimu ke chi ya kambiru nabwen we dichine. Feredi n Kwama a tu a mwata chi min, kisiwi twiyake chi we kiyang chidu.

⁴Kono nang n̄ibu titumbiri Kwamamu feredimu n Kwama a dubu chi yo n chi a ma kilenge, n kin a mar chi a far kirangin, bwar titu a su a ne yiiku we ka kilie fi n chi kanin yamin di mwatake.

- ⁵Ko nang k̄idangu ferediyangu n Kwama a dubu t̄it̄initu, n K̄in a fir̄ n̄ibu a bunt̄ibu da komu we t̄it̄initu k̄ini mwe bamb̄ilake, a du ka Nufu wu k̄ima d̄imwar yilene, n ti b̄ikam n̄ibu chi b̄idibiin.
- ⁶N Kwama a wur b̄in Sodom n ti Komara k̄ini k̄irang, a du fiko a kau d̄ikun buken a yung nang chi ka fwedu n ti b̄ibu a bunt̄ibu da komu.
- ⁷N k̄in a yu Lotu, naba yile, n k̄in a kai n̄ir k̄ini chi dibwi t̄itu a yari n̄ibu Sodom b̄ibu a bunt̄ibu yil̄in̄imu.
- ⁸Kasi k̄iku ni wu naba yilengu, yo n k̄in k̄iswedu n ti chiye, n k̄in k̄iku bwila chi ka wuwule diye, k̄inwet̄i ȳami yikusi chiyu, t̄itu a yo n̄ir k̄inu a kaiyan yinang d̄ine n chi a bunt̄ibu yil̄intu.
- ⁹Yinu n Tewuduwe a yim kangu ka yu n̄ibu b̄ibu k̄ibunt̄i dakomu we kasi no a k̄ik̄ile sweku chiyangu, yinu ti kangu ka to b̄ibwilamu ka lam̄int̄i di kabake.
- ¹⁰Mwatak̄iku ka la chi a b̄ibu k̄ibunt̄i chi t̄ibwilai t̄itu bwi chi k̄ikubeditu, n ti b̄ibu k̄i sw̄aba mat̄in̄imu. N̄ibu yungku t̄ikwanim b̄ibu a ne dibwi we ko bayim we d̄ichiye, n chi k̄i kuk̄i ka dutu. N chi a nwebu tayi t̄ikanchi, kono n nang b̄ibu k̄ima mat̄in̄ a diimu n chi k̄i tudu.
- ¹¹Aya n chi n̄ibu t̄itumb̄iri Kwamamu chi fwan, kasi k̄iku a la n̄ibu yungk̄im t̄ikwanim b̄ibu k̄ini dukanangu n ti dwiyentangu, n chi a sw̄aba bu b̄ibu k̄ima mat̄in̄ a diimu we kakku Tewuduwengu.
- ¹²Aya n̄ibu b̄ibu k̄ifwa ȳam sw̄aba n̄imu we chi n chi a swaanbe. N chi yinang nai a ne t̄ikuran we, yiyu a yim ka chi bwi chi k̄ibadde. N̄ibu a b̄i chi d̄ine ka taba chidu ka chibedu, yinu n chi ka bwaradu yinang nai d̄ikiri.
- ¹³T̄int̄ine yinangu n chi a ni b̄ikamu n̄ibu riyengu, n̄ibu ka ma chim̄in t̄ini yiko. N chi a d̄ang ko yaritu nang nwe t̄ame chi, n chi k̄imat̄ini tibe kuko. Fiswe chi we tibe ch̄in a kau chi t̄ikwani chi dibwi. N chi k̄i chadu, k̄inodu ware n t̄ich̄in, aya we kuteng k̄iku n chi k̄ima chitu n chi a ku diye.
- ¹⁴T̄ikuran chiti kwadu a kana maku t̄ikuli, maku k̄ilet̄ingu a twibu chi bwi. N chi k̄ibutu b̄ibu a kebu b̄iyil̄imangu a ne dukan wemu. Kubek̄iku a la dukan ch̄inu, k̄ikumang n Kwama ka kai chidu.
- ¹⁵N chi a du w̄are wu dere, k̄ibunt̄i w̄are Balaam bwe Beyore, wu k̄ibaddu kaya k̄amb̄iru we maku chi t̄ibwilatu.
- ¹⁶Aya n̄ibu a wela k̄in we k̄ileti kiyu, kurunge a fwabu ȳame, a fwa k̄im̄in ȳam k̄ini ker yinang nii ke a yo f̄aku wu a du maku funtik̄it̄eliyangu.
- ¹⁷N̄ibu b̄ibu yinang nebwi wu a ne mwe we. N chi yinang d̄ikunu k̄if̄ibe k̄i kar̄in. N Kwama a do chim̄in fiswe wu a mwan a ma k̄iliye.

¹⁸N chi k_i kuku dutu chitu k_ifwat_i y_ami yikusi. We da chi wu a sulaiye n chi k_isi lan k_ibutu b_ibu a no swi we n_ibu k_iletimu a tibukemu, k_i kilate da wu a k_iletiyewe.

¹⁹N chi k_ibw_au chim_inu ko da wuyile we yayu chi, kasi k_iku n chi chifwan k_abi we sulaitangu. D_ine ni k_ikau k_abe we chi a d_au t_ikuran kiye.

²⁰Ka ni swaan ko n Yesu Masiya nang Tewuduwe ti Naba Yuke chire, yinu ke ni swi we nang_in t_itu k_ikwaba n_ibu a t_it_iniye, yinu k_ini kuteng k_iku, chi k_ilatuwe w_ari yi bwilayu, a kau chim_in bwi yinang, k_idum n_ibu b_ibu, da a swan m_ine a la wu a mwe m_ine k_ini bwila yinang.

²¹Ka no k_idum n_ibu b_ibu a yimbu w_are yile we, a no la chim_in chi. Aya a kutengu n chi a yim w_arengu, n chi a k_ilan ni kuteng a bunt_ibu yil_intu n Kwama a ni chitu.

²²A tiwe chi baltak_iku a fwa ko, “Kada a kwi a k_ilatuwe k_ikwiyeko k_ichadu,” yinu “Sulk_im lo n_ibu a ru k_ini mwe, a k_ilat_i k_ibwiriyu k_iburt_it_inu we.”

2 Bitire 3

N Yesu a bw_au ka k_iladu

¹D_idu nang lwang_in d_irob_inu m_in mwal chim_ind_inu n t_in b_ibu mang m_ilan_imu, we lwang_in t_itu m_in kur chim_inu d_ine ke n su ch_in t_ima t_ikuran t_iyili.

²M_in baddu ta kuru ta swaat_i chi fandubu Kwamami wauwad_imu a fwa fereditu n ti chi Tewuduwe n ti Naba Yuke a fwa yii f_akube.

³M_in baddu ta mwe_u ta swaan b_ibu, we diti swan kutengu n_ibu k_ifiyem ka chiredu b_ibu ka nura ch_inu nurane. N chi ka chakakku k_ini kubeku chi t_ibwilatu.

⁴N chi ka n_in fwadi ying, “A n Yesu a bw_au ko k_ik_iladu, a k_ilawenga? Feredi k_idangu takebu ch_iremu a du t_it_initangu, kanang t_it_ile chiye a sutebu yinangu n_ibu a yo m_ine t_it_initangu.”

⁵N chi a mwent_ik_iti a tabu ko feredi n Kwama a yo dii k_ini y_am a fwa yiikom, k_ini mwe n k_in a chake t_imu, a kana t_imu k_ini mwe.

⁶N Kwama a ma nangangu k_ini mwe bamb_ilake a wur t_it_initu we k_idang kangu.

⁷Ka y_am b_ibiin_im, dii n ti t_imu a yang d_ine k_irange. K_iyo chidu d_ine di mwatake, yo n_ibu b_ibu a bunt_ibu Kwamamu ka twiyade.

⁸Aya n t_in keb_i b_ibu m_in m_ilad_imu, t_itab_iduwe tiko di wiine yinang sw_atu kuneng we kakku Kwamangu, t_it_ine sw_atu kunengitu yinang dii wiin we kakku kangu.

⁹N Tewuduwe a t_ikabu we bw_ak_i kangu a yi ko ka bedangu yinangu b_ikamu k_ikuradangu. N k_in k_ima bw_anu d_ine mune, n k_in a babu wuka ni ka twiyadu. N k_in a ni k_iswi nabwen ke n kawure a wo k_it_im.

¹⁰Aya di Tewuduwe ka bedu yinang daaku. Yinu dii ka twiyadu k̄ini nabwe ker, yinu chitu we mureti kwang k̄irang ka twidu, yinu t̄it̄initu n ti chitu we mureti kwang ka twiyadu.

¹¹Kangu t̄itu chi kwang ka twiyadu a w̄are wangu, b̄ib̄ile k̄idum daam a dakan ni madumu? T̄iya yayu wu wauwade, t̄ini dur ch̄inu we d̄iKwama,

¹²t̄ikur kwalangi chiyu a d̄iKwama wu k̄ibede, t̄ifunt̄i bwi t̄iyo diwu a be daatu. Diwu k̄irang ka twi dii, n ti chi a muretu kwang ka yubadu we ben k̄iranḡin.

¹³Aya ni yam twiye wu fwiye n ti t̄im b̄ifwimu n k̄in a bwaumu, bwako n̄ibu kan̄in tum ka yile.

¹⁴D̄ine yiko kebu b̄ibu m̄in m̄ilad̄imu, we yo t̄iyam Di we, t̄ifunt̄i bwi t̄iya yayu wu wauwade wu a ne d̄ituur we, t̄ima fiswe l̄imange.

¹⁵T̄ikur tiko, n Tewuduwe chire k̄ini bwanu d̄ine a ni n̄ibu k̄iswi ko ke n chi a ya a swim̄in. A ti we yinangu ke chire m Bulus a mwal chim̄in k̄ini kasan t̄itu n Kwama a ni k̄initu.

¹⁶N k̄in a fwa yami yiyu we lwanḡin kitu. T̄ikantu chi t̄itu a fwatu k̄ini bwar swaan k̄in. Nang chi b̄ikam b̄ibu k̄ini kwalan swaangke b̄ibu a tibu yinang we keku b̄iyilimange k̄isute chi n k̄in a fwa a muretu. Nang kangu k̄imandu k̄ini t̄ikantu t̄imw̄alan yam Kwamamitangu. K̄iwu dutu chitu m̄ine riye.

Yamu m Bitir a swam̄inim

¹⁷D̄ine yiko kebu b̄ibu m̄im̄ilad̄imu, yo ta tu tayim t̄ite, ke t̄ikabi k̄ini k̄iyolang, ke t̄iyaruwe t̄ikubbi n̄ibu b̄ibwilamu, ke t̄iyaruwe fi ta tim̄ine.

¹⁸Aya t̄ichakakku t̄inang dwiyedu we l̄ime n ti yingku Tewuduwe chire n ti Naba Yuke Yesu Masiya. Dwiyeentu n t̄ik̄in a mwetuwe k̄ik̄angu k̄idiya kwadu. Amin.

1 Yowana

1 Yowana 1

Dikwāl t̄ikurim

¹N̄in mwal chim̄in yām b̄ibu we dur k̄inu, n k̄in wu we ferediye, wu nang nwe yām k̄ime, wu nang ku k̄ine, nang ku k̄in k̄ini nui niyu, n̄in twait̄in k̄in k̄ini f̄ali niyu. N̄in mwal chim̄in lwanḡinu we dikwāl t̄ikurinu.

²A wudu nim̄in t̄ikuri t̄itu, n̄in ku t̄in. N̄in ma d̄imwaru we dur k̄inu n̄in fwa ko n k̄in nang wu k̄ini t̄ikuri k̄idiya kwade. N k̄in we ti Te we tile b̄irke, yinu a wudu nim̄in k̄in.

³N̄in mwa ch̄in chi nang ku nang nwe t̄initu, ke n t̄int̄in t̄ikunkan n ti n̄in. We kunkaku chirengu n ti Te n ti Bweko n Yesu Masiya.

⁴N̄in mwal chim̄in b̄ibu t̄in, ke t̄im̄ilan ch̄iretu a kabi d̄imb̄ir̄im.

Da naba Kwama wu ka yung yiike

⁵Yamu n̄in fwa chim̄inimu nang b̄ibu nang nwe a Bwekomu, n Kwama yiiku, a ne k̄iliye we dur k̄inu ko bayim.

⁶D̄ine yiko, ka nii yi ko ni ya yayu n ti Kwama, yinu n we s̄ik niyang dubu dati ziyu a lebiye, a yung ni mwe t̄ikwani, a ne b̄iyil̄im we n̄ir ch̄irenu.

⁷Aya ka ni ya yayu a yiiku, yinangu n k̄in k̄iyadu a yiikange, a yung ni kunkadu n ti keb̄ibu, yinu k̄ituum Bwekomu t̄in k̄inura nidu we kasi no wuwule k̄ile.

⁸Aya ka ni yi ko n ch̄ini a ne k̄ile wenge, ni butu yichirei, a ne b̄iyil̄im we d̄i chiniye.

⁹Aya ka ni fwa Kwama m̄in k̄ileti chireye, n k̄in k̄iri chitu a bwābitu, n k̄in naba yile. Ka kur k̄ileti chireyu a bwa, ka nura nidu we kwalan yile chire kwang.

¹⁰Ka ni yi ko niyang mabu k̄ile, ni mar Kwama naba t̄ikwaniye. A yung yām Kwamamu a ne we n̄itu ch̄iretu.

1 Yowana 2

Masiya nang naba makare chire

¹Bwes̄im̄im, m̄in mwal chim̄in lwanḡin d̄idu ke t̄im̄adu k̄ile we. Aya kasi no wuka ch̄in a ma k̄ile, n ch̄ini k̄ini naba makare wu k̄idanim̄in k̄it̄imu we kakku Tenge, ka nang chikiye, n Yesu Masiya naba yile.

²N k̄in nang niku k̄itumangu a d̄au k̄ileti chireye, n ke ka ch̄ini aya k̄ini n̄ibu t̄it̄inimi kwang.

³Ka ni bunt̄i chi yil̄in Kwamatu k̄ifwa ni m̄inde, t̄itu k̄iyungdu ni yim k̄in.

⁴Ka nii a yiko, “N yim Kwama.” Yinu a buntibu chi yam Kimu kifwadite, n kin naba tikwaniye, a ne biyilim we dikine.

⁵Aya wu ka bunti yam Kwamame, kimila Kwama kikumang we nir kinu. Nang kiswi ni yiminu ko ni ya yayu ware n ti Kine.

⁶Ka nang wuwule niye wu ka yidu ko kiya yayu ware n ti Kwama, a mwintuwe ka ya yayu yinangu n Yesu Masiya a yangu.

Yilang kifwiyang

⁷Kebimim bibu min miladimu, mang mwal chiminbu lwangin didu ke n ni chin yilang kifwiyang, a ya yilangu nang kiku ta yim feredi we tile birkengu. Yilang ki karangu n nang yamu ta tu ta nwemu.

⁸A bwin yiko, min mwal chimin yilang kifwiyang. N Yesu Masiya a yung ni ko yilang kiku kiyilang. N tin tin, tiyungi yiko. Dine da wu a kilie siine kisudu, yiiku kiyilangi siinangu a tu a mwe yiikiku.

⁹N kin wu a yi ko kiya yayu a yiike, yinu a kebu kini keko, a chirbu we kilie didin.

¹⁰Ka n wure wu a ke keko, kiya yayu a yiike, a yobu wuka nii minbu yare we dako.

¹¹Aya wu a ko ke ko, n kin a kilie, kiya yayu a kilie, a yintibu bwa n kin kiya dine kilie a yo kimin tidi.

¹²Min mwal chiminu n tin kebu mimu, dine ta ya duku kiletiyangu we din Yesune.

¹³Min mwal chiminu n tin selibu, ta yim kin wu n we tile birke. Min mwal chiminu n tin bwelemu, dine tichau kila we fakware.

¹⁴M mwal chimin n tin bwesimu, dine ta yim Te. M mwal chimin n tin selibu dine ta yim Masiya, wu kin we tile birke. M mwal chimin n tin bwelemu, dine dukanu n tini kin we yam Kwamamu ta yo a nitu chinimu, n tin tichau kila we diSetane.

Timiladu titinitu we

¹⁵Timiladu titinitu we, ka chi a titiniye. Ka nii a mila titinite, milaku Tengu a newe dikine.

¹⁶Dine chitu a titiniti kwang, yinang chi bwi kibadde n ti chi nui kikubede n ti ngakku kwiyeng, titu n ke chi kichiredu a Te aya kichiredu a titini.

¹⁷Titinitu n ti chi kubekitu kwang kisudu. Aya n kin wu kibunti kike Kwama ka ya tikuri kidiya kwadi.

Fakware Masiya

¹⁸Bwesimim, n chini a diti swan kutei. Yinangu ta tu ta nwengu, fakware Masiya kibedu. Ko no nang kikanu fakwarbu Masiyamu nabwen a chire. Nang fi ni yiminu ko di swan kute a mwatawe.

¹⁹Fakwarbu Masiyamu a no we ware n ti chini. Aya n chi a du niye, dine feredi n chi n ke bichirem. Dine ka n chi a no bichireme, a no yadu n chini we ware. Aya yo n chi a du ni ye, a yung n chi n ke bichirem.

²⁰Aya n tin, n Masiya a rii chin kini Fikim Kwamamu, dine yiko, n tini kwang tiyim biyilimu.

²¹M mwal chimin n ke dine ta yimbu biyilime, aya dine ta yim biyilime. Tiyim tin tiko biyilimu a bibbu tikwani.

²²N wure naba tikwaniye? Nang fakwarbu Masiyamu. Nii wu a ko a yibbu Te n ti Bwe, nang nii wu a ko Masiya.

²³Ka nang wuwule niye wu a ko Bwe, a koti Te tin. Aya ka nang wuwule niye wu a yiu Bwe, a yiti Te.

²⁴Tichakakku tinang bunti miyakiku ta yiu feredyangu. Ka miyakiku ta yiu feredyangu a swe we nitu chinte, n tin tin ta chakakku tanin kunkadu n ti Bwe n ti Te.

²⁵Tintine kiku nang bwakiku Bwe a ma ni minangu, ka nang chikiye, tikuri kidiya kwadi.

²⁶M mwal chimin yam bibu dine bibu kibaddu ka butu chinimu.

²⁷Aya m Masiya a ni chin Fikim Kwamam bibu n we tichinimu. Dine ye, ta babu wuka naba yungke. Fikim bibu kimiya chimin ka titile chiye kwang. Tintine miyaki kangu kiyilang n ke tikwani. Dine yiko, tichakakku tinang kunkadu n ti Masiya yinangu Fikimu a miya chiminangu.

²⁸Dine yiko bwesim mim, tichakakku tinang kunkadu n ti Masiya, dine ke ni nweddu tayi we di kilake ko, ni nwe tinu dibwi we.

²⁹Ka tayim tiko m Masiya naba yile, tiyim tin tiko ni wu kitum yile n kin n wu Kwama.

1 Yowana 3

Bwesim Kwamam

¹Tidang yinangu n Te a mwan a mila chinyangu, kiyalti chini ko bwesim Kwamam, biyilim n chini bwesim kim. Nibu titinimu a yimbu ko n chini ni kau bwesim Kwamam, dine n chi a yimbu Kwama.

²N t̄in b̄ibu m̄in m̄ilad̄imu, k̄ik̄angu ni kau bwes̄im Kwamam, t̄int̄ine a yungbu chitu ni kaditu we bwa kake. Aya ni yim ka n Yesu a k̄ilawenge, ni kadu yinang k̄in. Ni ku t̄in Yesu yinangu wem̄inangu.

³Ka nang wuwule niye wu k̄ini yo n̄ire we d̄iMasiyange, ka do n̄ir k̄ini s̄ik ke k̄ikau yinang k̄in, d̄ine n k̄ini s̄ik.

⁴Ka nang wuwule niye wu k̄ima k̄ilenge, k̄iki yilang Kwamang. Kiku yilang Kwamangu nang k̄ile.

⁵Aya t̄iyim ko n Yesu a be d̄ine ke d̄au k̄ileti chireyu. T̄int̄ine a ne k̄ile we d̄ik̄ine.

⁶D̄ine yiko, nii wu k̄iswedu a d̄iMasiya a chabu kakku k̄ini k̄ile. Ka nang wuwule niye wu a chakakku k̄ini k̄ilenge, a kuunbu Yesu we, a yim̄int̄ibu k̄in we.

⁷Bwes̄im̄im, wuka nii a but̄idu ch̄in we. Ka nang wuwule niye wu k̄itum biyil̄ime, nang naba yile, yinangu m Masiya naba yilengu.

⁸We tile b̄irke, n Setan naba k̄iletiye. D̄ine yiko, wu ka chakakku k̄ini k̄iletiye, k̄ibunt̄i Setan. Chi a yo Bwe Kwama a be t̄it̄iniye, d̄ine ke k̄ikai nangang Setanangu.

⁹Ka nang wuwule niye wu a kau Bwe Kwama, a chabu kakku k̄ini k̄iletiyu, d̄ine t̄ikuri Kwama t̄ifwi t̄itu a d̄ik̄inetu. N Kwama nang Tech̄i, d̄ine yiko n k̄in a ne chakakku kan̄in ma k̄iletiyu.

¹⁰Ni swaan b̄ibu n b̄iu Kwamamu n ti b̄ibu n b̄iu Setan mi ying. Ka nang wuwule niye wu a tumbu yile, n k̄in n ke wu Kwama. T̄int̄in wu a m̄ilabu keko, n k̄in n ke wu Kwama.

T̄im̄ila yichiyu

¹¹B̄ibu nang ȳamu ta nwe we tile b̄irk̄imu, ni m̄ila yichireyu.

¹²T̄ikadu we yinang Kayinu wu a kau wu Setane, a ch̄iu ke ko. Wureni a yo a ch̄iu keko? A ch̄iu d̄ine nanḡin kitu t̄ibwilai aya t̄ikekontu t̄iyili.

¹³Kebu m̄im, a yar ch̄inu yii we, ka t̄it̄initu k̄iko ch̄ine.

¹⁴D̄ine n ch̄ini b̄ibu niyang m̄ila keb̄ibe, ni tu ni chir we bwa, ni ya t̄ikuri d̄ine m̄ilaku kebu ch̄ireme. Nii wu a m̄ilabu keb̄ibe a tau ware bwa.

¹⁵Ka nang wuwule niye wu a ko ke ko, a kau naba chiku durange. N t̄in t̄iyim a ne ni k̄ich̄ibe dutu ka ya t̄ikuri k̄idiya kwadite we.

¹⁶Ni yim yinangu m̄ilak̄iku we m̄inangi ying, n Yesu a ni t̄ikuri kitu d̄ine ch̄ini. A le n ch̄ini ni ni t̄ikuri ch̄iretu d̄ine kebu ch̄iremu.

¹⁷Ka wuka nii wu k̄ini chiye a ku keko a kwalan, yinu a ko yinangu ka makadange, ke ni ya m̄ilak̄i Kwama we d̄ik̄ina?

¹⁸Bwesimim, tiyungdu milaku changu we kana fwaku yiyang, aya tiyung milaku changu a maku nangang n ti biyilim.

¹⁹Dine milaku yichireyangu ni yim n chini kini biyilim. Tintine ni medu ni tidu we kakku Kwamangu a ne tayu we.

²⁰Ka nir chirenu a yung n chini kini kile, n Kwama a la nir chirenu, n kin a yim ka titile chiye.

²¹N tin bibu min miladimu, ka nir chirenu a yungbu ko chini nibu kilettime, n chini kini runi wu ni medu ni tidu a kakku Kwamange.

²²Chi ni baddu a dikine kwang ni yadu, dine ni bunti yilin kitu. Ni mati chi ka lima kin niritu.

²³Chi n kin a fwa ko ni matu n nang titu: Ni ke biyilimu we Bweko n Yesu Masiya. Ni milati yi chireyu yinangu n Masiya a fwa niminangu.

²⁴Bibu kibunti yilin kitimu nang bibu kikunkadu ware n ti kinimu. N kin we ware n ti chi. Ni yim kin we ware n ti chini dine Fikim kimu we ware n ti chini.

1 Yowana 4

Fikim Kwamamu n ti fikim tikwanimu

¹N tin bibu min miladimu, tikedu ka nang wuwule niye we wu ka yidu ko n kin kini Fikim Kwamame. Aya tiswaka fikimtiyi kwang tidang ka nang fikim bibu a be a diKwamame. Dine fakubu tikwanimu nabwen a tiran we titinitu.

²Ta swaan ni kini fikim Kwamame ying, ka nang wuwule niye wu kima dimwaru ko Yesu Masiya a be kini diten bwi niin, nang nii kini Fikimu a chire a diKwamame,

³aya ka nang wuwule niye wu a ko Yesu ko a bebu kini diten bwine, a yung fikim bibu a dikinemu a bebu a diKwama. Fikim bibu m bu fakwarbu Masiyamu wu ta nwe ko ka bede. Ko no nang kikanu, a tu a lewe titinitu.

⁴Bwesimim, n tin m bu Kwama, tichau kila we fakubu tikwanimu, dine Fikim Kwamamu we nitu chintu, a la fikim bibu a nitu nibu a titinimu.

⁵Fakubu tikwanimu kifwa chi a da bwiye dine n chi m bu titini, titinitu kinwe chidu dine n chi kifwa chi titinitu kibadde.

⁶Aya chini m bu Kwama, bibu a yim Kwamamu kinwe nidu, bibu a yimbu Kwamamu a nwebu ni. Wu nang ware ni swanin nii wu kini Fikim biyilime n ti wu kini fikim tikwanime.

N Kwama milaku

⁷N tin bibu min miladimu, ni mila yichireyu dine milakiku kichiredu a diKwama. Nii wu kima nangangu kini milake n kin Bwe Kwama, a yim Kwama.

- ⁸Nii wu a newe k̄ini m̄lake, a yimbu Kwama ko bayim, d̄ine n Kwama m̄laku.
- ⁹N Kwama a yung ni m̄lak̄iki ying, a tume bweko n k̄ikune we t̄it̄initu ke ni ya t̄ikuritu a d̄ik̄ine.
- ¹⁰M̄lak̄iki ying, ka nang chikiye, n ch̄ini n ke b̄ibu niyang m̄la Kwamamu, n k̄in nang wu a m̄la niye, yo a tume bweko a kau niku k̄itumang d̄ine ke a d̄au k̄ileti chireye.
- ¹¹N t̄in b̄ibu m̄in m̄lad̄imu, yo n Kwama a tu a m̄la niye, a yung a dakan n ch̄ini ni m̄lat̄i yichireyu.
- ¹²A ne ni a kuun Kwamawe ko bayim, aya ka ni m̄la yichireye, a yung n Kwama we ware n ti ch̄ini, m̄lak̄i kangu we d̄ich̄iniye yi d̄imb̄ir̄im.
- ¹³Nang k̄iswi ni yim̄inu n ch̄ini a d̄ik̄ine, yinu n k̄in t̄in we d̄ich̄iniye, d̄ine F̄ik̄im a ni chin̄imu.
- ¹⁴N̄in ku, n̄in mwa t̄inu ko Te a tume bweko, d̄ine ke a yu t̄it̄initu.
- ¹⁵Ka nang wuwule niye wu a wudu yiiko a ke ko Yesu Bwe Kwama n we ti Kwama, yinu Kwama wetuwe n ti K̄in.
- ¹⁶D̄ine yiko, n ch̄ini nifwan ni yim, ni ket̄i biyil̄imu we m̄lak̄iku n Kwama k̄ima nim̄inangu. N Kwama m̄laku, nii k̄im̄la n̄ibe n we ware n ti Kwama, n Kwama we ware n ti k̄in.
- ¹⁷M̄lak̄ikangi d̄imb̄ir̄im we d̄ich̄iniye, ke ni kadu tabu we di n Kwama ka mwata n̄ibu m̄inde, d̄ine we t̄it̄initu n ch̄ini tiyang k̄in.
- ¹⁸Ka ni m̄la Kwama, a ne tayi we, d̄ine m̄lak̄iki d̄imb̄ir̄imangu k̄ikaka tayu. Tayu k̄iyo riye. T̄itu a yung ni wu k̄ini taye, m̄lak̄i kangu a newe d̄imb̄ir̄im.
- ¹⁹Ni ma m̄lak̄iku d̄ine n Kwama a mwe a m̄la ch̄ini.
- ²⁰Aya ka wuka nii a yi ko, a k̄in m̄la Kwama, yinu k̄iko ke ko, nii wu k̄imwe t̄ikwani, d̄ine nii wu a m̄labu ke ko wu k̄ikude, a ne medu kam̄la Kwama wu n k̄in a kuunbuwe.
- ²¹M Masiya a ni ch̄ini yilangu ko, ka nang wuwule niye wu k̄im̄la Kwama, a mwintuwe ka m̄la ke ko t̄int̄in.

1 Yowana 5

W̄are ni chan k̄ila we t̄it̄iniye

- ¹Ka nang wuwule niye wu a ke biyil̄imu ko n Yesu nang Masiya, n k̄in nang Bwe Kwama, yinang nii wu a m̄la te bwe a m̄lat̄i bweko.
- ²Nang tiyangu ni yim̄inu ko ni m̄la bwes̄im Kwamamu d̄ine niya m̄la Kwama yinu ni bunt̄i yil̄in kite.

³T_it_u nang m_il_ak_i chirengu we d_iKwama, ni bunt_i chi n Kwama k_ibadde, t_int_ine yil_in kitu a mabu bwar.

⁴D_ine ka nang wuwule nii wu a kau bwe Kwama k_ini da ka chau k_ila we t_it_init_u. Keku biyil_im chirengu we d_iMasiya nang chi k_ini ch_ini chakku k_ilate.

⁵T_int_ine n wure ka medu ka chau k_ila k_ini t_it_inite? Kana nii wu a ke biyil_imu ko n Yesu Bwe Kwama.

N Yesu n wure

⁶N Yesu Masiya nang wu n Kwama a wudu n_ibu m_in ko wu nang Bweko, we yo n k_in a ma batisma k_ini mwe n ti yo a kur k_ituumu a k_itiyang bwange. A wudu ni m_inbu k_ini kana mwe, aya mwe n ti k_ituum. F_ik_im k_iyung nidu ko y_am b_ibu biyil_im, d_ine f_ik_imu biyil_ime.

⁷T_inti chi yittayu k_ima d_imwaru ko n Yesu Bwe Kwama.

⁸Nang F_ik_im Kwamamu, batisma wa mwe, n ti k_ituum b_ibu a kur d_ine chin_imu, t_inti chiyi yittayu k_ifwa ka chi wiine.

⁹Yo n_ibu a fwa chi n chi a kuwe n_in ke k_in, aya chi n Kwama a fwa a lachi n_ibu a fwa, yinu n k_in nang wu a fwa y_am a dur Bwekone.

¹⁰Wu a ke biyil_imu we Bwe Kwama, a yim we n_ir k_inu d_imwar d_idu d_iyil_in. Aya wu a kebu biyil_imu we d_iKwama, a mar Kwama naba t_ikwaniye, yo n k_in a ko chi n Kwama a fwa we dur Bwekone.

¹¹We chi n Kwama a fwa a dur Bwekotu, n k_in a ni ch_ini t_ikuri k_idiya kwaditu, t_ikuri t_itu a be a Bwekotu.

¹²Ka nang wuwule niye wu k_ini Bwe Kwama k_ini t_ikuri, aya wu a ne Bwe Kwama we, a ne we k_ini t_ikuri.

Yaku t_ikuri k_idiya kwadi

¹³N t_in b_ibu ta ke biyil_im a Bwe Kwamamu, m mwal chim_in y_am b_ibi kwang ke t_iyim tiko n t_in k_ini t_ikuri k_idiya kwaditu.

¹⁴N ch_ini k_ini runi ni tidu we kakku kangu d_ine ni yim k_inwe nide yo ni b_iu k_in chite we k_ikeko.

¹⁵Yo ni yim k_inwe nide kasi no ni b_iu ka t_it_ile chiye, a yung ni yim n ch_ini ni ya ka t_it_ile chiye t_itu niyang b_iu k_inetu.

¹⁶Ka wuka nii a ku ke ko naba bunt_ike k_ima k_ile wu a ne d_au t_ikuri kiye, a tw_ab_ak_i m_in buni, d_ine tw_ab_ab_une nii we n Kwama ka ni k_in t_ikuri. Aya ka a ma k_ile wu ka yo k_inu ka bwadi k_ine, mang yibu mi t_itw_ab_a k_im_in buni.

¹⁷Chi ni a ma a lebiti kwang k_ile, aya yikayu k_ileti n ke yiyu nii ka bwadi k_ini.

¹⁸Ni yim bwe Kwama a chabu kakku k_ini k_iletiyu, d_ine Bwe Kwama k_iso k_inu ko ke n Setan a twaiyu k_inuwe.

¹⁹Ni yim n chini bwesim Kwamam, aya titiniti kwang a falang Setanang.

²⁰Ni yim Bwe Kwama a be titinitu, a wudu chini min kikwame ke ni yim Kwama wu yile. Kikangu n chini we dikine, n kin wu yile, we Bweko n Yesu Masiya. N kin nang Kwama wu yile n kikun. N kin nang wu kini tikuri kidiya kwadite.

²¹Bwesim, min fwa chiminu tiso yichiyu dine ke diyoru a mulchinu we ware Kwama.

2 Yowana

2 Yowana 1

Djisir

¹M mīna Yowana Sele, mīn mwal wusutire Nene mīnu n ti bwesim kīmu, bību mang mīla chi nabwenīmu. N ke ka mīn, selību kwang bību a yim biyilim Kwamamu,

²dīne biyilīmu a swe a dīchīniye tītīne a ne dūnidu kīdiya kwadu.

³Līme n ti kībune n ti līmangu kīchiredu a dīKwama Te n ti Yesu Masiya Bwe Te a swe n ti chīni a yile n ti mīlaku.

Tīti we miyaku Masiyangu

⁴M ma furi mwemwenu nabwen yo mang nwe ko bīkamu bwesim chimu kībuntī biyilīme, yinangu Kwama Techire a fwako ni mangu.

⁵Kīkangu mīn wananu Nene, ni mīla yichireyu. Mang mwal chimīnbu yilang kīfwiyang aya nangku we ferediyangu.

⁶Maku nangangu kīni chi Kwama a fwa nang mīlakīku kiyilangu. A tiwe yinangu ta nwe ferediyangu, ko ni ma da wu a mīlake.

⁷N fwa yiko dīne fakwarbu Masiyamu nabwen a tīran we tītīnitu. N chi a kebu biyilīmu ko n Yesu Masiya a be tītīnitu kīni bwi nii. Nii kiyung tīte, nang naba dībutire n ti wu kīma katīn n ti Masiya.

⁸Dīne yiko, tīma daandaan, dīne ke nangang changu a kadu tīkusi we, aya ke tīya kītīme wu dīmīlīme.

⁹Nii wu a tibuwe ka miyaku yām Masiyame, aya kīsūtīnu kīni tīkanchiye, n Kwama a newe n ti kīn. Wu a tiwe yām Masiyame, n Kwama n ti Bwe we dīkīne.

¹⁰Ka wuka a be a yung chi a lakan n ti kīku yungke, tī yiddu kīn we lo, tī sitīnu kīn we.

¹¹Nii wu ka sii kīduum nii wume, n kīn kīmatīn nangīn bwilatu n ti kīn.

Yāmu a swan mīninmu

¹²Chi mīn baddu mang mwal chimīne nabwen, aya mang kebu mang mwalumwale. N yo nīru mang ya chimīn siram ke ni kukan kabu n ti kabu, ke tīmīlan chīretu a kabi dīmīlīm.

¹³Bwesim wuwiye mumu bību n Kwama a sutīmu, kīsiintedu.

3 Yowana

3 Yowana 1

Djisir

¹M mīna Yowana sele we selību, mīn mwal mīnu Kayus, m mun wu mang mīlan yinange.

²Fatimi, mīn twābā mīn bunitu mi ke n ya līmang we ka tītīle chiye, yinu mwan yatī līmang bwiyanu yinang yinangu mwan ti we fīkīm Kwamangu.

³M ma furi mwemwen yinangu bīkamu kebu a kīlawe a fwami yinangu keku biyilīm mwangu a ti kīrīngangu n ti yinangu mun buntī da wa biyilīme.

⁴A ne chi kīni furi mwemwen a la chiye we, ka n nwe bwesīmīmu kīchakakku we biyilīme.

Nību a wer Kayu

⁵Fatimi, mun ma nangangu yinangu a dakan naba buntīke ka madangu, mun madu dīne kebību n ti bību n chi rungkomu.

⁶Nību bību mwang maka chimu, kīfwa nību buntīkīm bību a fimu mīn kīduum mīlakīmu mwang yung chi mīnangu. N chakakku mun maka kīduum nību bību we yayu chi tiyanu ka līma Kwama ka nwe tāmāngu.

⁷Nību bību kīchiru dīne dīmwar yām Kwamame, a yibu tīkan chi we nību a yimbu Kwamamu.

⁸Dīne yiko, a dakan ni yiu kīduum nību bībumu, ke a yung n chīni fatību nangang wuyile.

Diyotarifu n ti Dīmītriyu

⁹M mwal nību buntīkīmu mīn yām bību aya n Diyotarifu wu tīkuran kitu a kīla baku dwiyenange, a ko a yibu yām bību.

¹⁰Dīne yiko, ka n yange, ma kwāl chi tīlaiyiri kitu, n ti yāmiyu n kīn kīfwaradu a līmīlīme a dutu chīrentu. A tītību we tītī, n kīn a yibu kebu nību buntīkīmu, yinu a ketību ko wuka nii a yiu chi. N kīn kīkaka bību kībaddu kama makakīmu.

¹¹Fatimi, buntīnu da wu a lebe we, nang ma tīyilitu. Nii wu kītum yile n wu Kwama, aya wu kīma chi a lebite a yimbu Kwama.

¹²Ka nang wuwule niye kīfwa yām bību a lelem we dur Dīmītriyu, dako kīfwan kiyungdu n kīn nii wuyile. Nīn nīn fwa tīnu, m mun n yim chi nang fwa biyilīm.

Dīsiiru a swan mīnīn

¹³Yāmu mīn baddu mang fwa mīnīmu nabwen aya ka lachi ni tekadu kabu n ti kabu n ti kīku mang mwalumwalengu.

¹⁴N yo nīru mang ya bwa dīmune ke ni kukan kabu n ti kabu, ni fwa yāmu.

¹⁵Limangu a swe n ti mun. Fatibi mumu a fimu kisiintedu. Sii mitin fatibu chiremu we bwakomu.

Yafuda

Yafuda 1

Djsir

¹Mina Yafuda naba nanga Yesu Masiya, ke Yakubu. Min mwal chi minu, bibu Kwama a yalimu, bibu Kwama Te a milanimu, bibu n Yesu Masiya kitodimu.

²Kibune n ti limang n ti milaku a kau wu chin burituburitu.

Tiwelang a nibu yungku tikwanim

³Kebu mim, a dibilai we nir minu mi mang mwal chiminu yinangu n Kwama a yuni kwange, aya a mwintuwe n ku a kabi king mang mwal chiminu ke n ngau chimin kikure mi titi kiring we keku biyilimangu kida kiin n Kwama a yo nibu buntiki minangu.

⁴Min fwa bibu dine nibu a ne tayi Kwamai we nitu chimu nibu a subatuwe tibe chintu. N chi kikirte yam lime Kwamamu ko ke chi yaa da chi mang tikulitu. N chi a ko Yesu Masiya, nabalo n ti Tewuduwe chire kikune. Yam Kwamamu a fwa feredi ko duum bibu ka mwata chiminu.

⁵Aya kasi kiku ta yimangu, n ke mang kur chiminu tiyangu Tewuduwe a yu nibu kimu we tim Masar mangu, aya a kuteng kiku, a chibe bibu a kebu biyilimangu.

⁶Tikur nibu titumbiri Kwamam bibu a titibu we dwiyentu n chi a yatu, aya a du fantiyu a nonodu n chi we miniyu we. Bibu n Kwama fwal chi a kiliyemu, a kwau chi kini makilani kidiya, ka laminti dimwatake wu a di wuduwe.

⁷A lakanbu yinangu a ma Sodom n ti Komara n ti bintitu a kana chitu minangu, n chi a ni dutu chitu we yaritu n ti kubeku, n chi a ya tiwelan Kwamatu dine n chi a mati chi nibu bibu a ma. Binti titu kwang a nwe riye kini kirang kifibtiyangu ko ke nibu a ku yinangu bibwilamu ka nwe riye we faru a kirang kidiya kwadu.

⁸Aya nibu dwakam tikwanim bibu a bwita yichiyu kini dati bwiyu a buntibu yilintu, kifwa yam swaba ku we dwiyen Kwamatu.

⁹Aya kono nang Archangel wuduwe nibu titumbirim Kwamame, m Makel a yim a ne ka ya dukanu ka fwa yam bibu a swaba ku we kidangu n kin kikula kwame Musa n ti Setanangu. Aya naba ditumbire a yi Setan ko, "N Kwama ka mwata munu!"

¹⁰Aya nibu bibu ki swaba chitu n chi a yimbitu, n chi kima chitu a ne tikuran we yinang nai dikiri yiyu a yimbu chiye. Titu nang chi ka kaiti chide.

¹¹A no chi! N chi bibu kibunti da Kayinu wu a chiu keko. N chi yinang Balaam wu a dwalan a kubeke. N chi ka twiya du we kulangkulange chi yinang Korama.

¹²Yo n̄ibu b̄ibu k̄iswedu we muraku chiyangu k̄iku a mabwiyange n chi yinang chi t̄ibwilai t̄itu a swabu chi m̄intuwe. N chi n̄ibu tor̄im k̄ichau ka funi chi. N chi yinang k̄ifibe twiye wu k̄isudu a swibu mwe. Ni kudu yinang twiye wu yile, aya kana t̄ikwani. N chi yinang tiyang a tubu chi yo k̄iswi a lame. N chi yinang tiniyu k̄ifibe a kub a bwa k̄idiyange.

¹³N chi yinang laabi m̄wetu k̄ikuni wak̄ichang yinang fanḡimi we laatu, chi dibwitu n chi k̄imaditu a ne k̄ikwiwe yinang k̄ifwiyetu. N chi a tibu fii wiin yinang k̄iswiti yiyu k̄if̄ir̄fir̄fir̄ a dii k̄ibwalat̄inu we kwakoyu. N Kwama ka yo chi du we neti k̄iliye k̄idaya kwadu.

¹⁴N Yenok wu n̄ibine we bwebwiyeti yinanga mwe we di Adamuwangu a ma fakui we n̄ibu b̄ibu ko, “T̄idang, n Tewuduwe k̄ibedu n ti n̄ibu wawad̄im k̄imu kuneri kuneri.

¹⁵Be ka mwata kawure m̄inu. Ka yo b̄ibu k̄ima t̄ikali k̄ini Kwamamu ka swan chi a lebitu. Ka kw̄al chi m̄in t̄ibwilaitu n chi a ma a w̄are a yimbu Kwama.”

¹⁶N̄ibu b̄ibu a mwan a ma t̄iluran n ti dukan yiin. N chi k̄ibuntu kubeku chiyangu, n chi a ri k̄ini sw̄aban k̄iwer ka dutu chi. N chi k̄ibutu n̄ibu k̄ini l̄imang yiyang ke chi ya chii chi badde.

K̄ikure n ti yilang

¹⁷Aya n t̄in b̄ibu m̄in m̄ilad̄imu, t̄ikur k̄ini chi fandubu Tewuduwe n Yesu Masiya a fwa ko ka fwede.

¹⁸N chi a fwa ko, “We di swan kute n̄ibu sw̄aban̄im, b̄ibu ka bunt̄i dati bwi chiyimu ka yung yichiyu.

¹⁹N chi nang n̄ibu k̄iyo b̄ingaimu, a ri k̄ini kubeku bwiyang. N chi a newe k̄ini F̄ik̄im Kwamam.”

²⁰Aya n t̄in keb̄i m̄im t̄ichakakku t̄inang yadu we tame keku biyil̄imange n Kwama a ni ch̄ine. T̄ichakakku t̄inang tw̄ab̄a bunitu a F̄ik̄im b̄ibi wauwad̄imu.

²¹T̄iswe we m̄ilaku Kwamangu yo kano tiyam̄in t̄ikuri k̄idiya kwaditu t̄itu n Yesu Masiya we k̄ibune ko ka nikaditu.

²²T̄inwe k̄ibune b̄ibu yayu chi a dab̄imu.

²³T̄ichaku b̄ikamu n̄ibu we far k̄irangu, t̄iyu chi. T̄inwe k̄ibune b̄ikame, aya t̄ima dandan ke t̄ibwitadu yichiyu we bwila chi.

Tw̄ab̄ak̄iku a ka delakang

²⁴Delaku a diKwama wu ka tonu ke yare we, wu ka bedu k̄ini ch̄in we kakku dwiyen kitu, k̄ini furi mwemwen a ne k̄ile we.

25N k̄in Kwama k̄ikun naba yuke chire a d̄iYesu Masiya Tewuduwe chire. Dwiyentu n ti k̄isiyangu n ti mat̄intu n ti dukanu t̄ik̄in kangu a mwe m̄ine we t̄idangiritu ferediyangu n ti k̄ik̄angu k̄idiya kwadu! Amin.

Dwakam

Dwakam 1

Tileyame

¹Takida wu a diYesu Masiya, n Kwama a ni kin tikattu yami tittu ko ke a yung bibu kisi kinimu chi yaka fwedu a ne tikenge. A wuse kabe ko n Yowana min tikattu yami titu kidangu a tum kimine naba ditumbiri,

²wu a fwa chi n kin a ku kwange. Bibu nang yamu n kin a fwa we yam Kwamamu n ti dimwar Biyilimu n Yesu Masiya a yung kine.

³N Kwama a dela nii wu kiki takida we, a dela tin bibu kinwe yam faku Kwamamu dine nibu buntikimu. We yiko, n kin ka delati bibu kinwe yam kimu kima nangi kini chi a fwaate, dine kiswi yami yiyu ka riinde a mwatan.

Disiir dine kambi Kwamati tidibin a tim Asiyamu

⁴N Yowana a mwal nibu we kambi Kwamati tidibin a tim Asiyamu min disii didu. Lime n ti Limangu kichiredu we wu we, n ti wu a dilewe, n ti wu kibede, yinu n ti Fikim Kwamamu n chi bidibiin a kiding matinang kangitu a swe n ti chin.

⁵Yamu a chire a diYesu Masiya, n kin wu kini dimwar diyilinu we kichitu we, n kin wu kakke a mwe a kun we bibwarime, n kin tikake Mai wu a matimu kini kwang we titinite. Dwiyentu kini kwang n tikin, n kin a mila chini, we bwa ko wu a kur kituum bibu a chaku ni we kileti chireye.

⁶N kin a yo ni kau wuka yaa wu fansetiye dine ke ni sii Kwama ko. Dwiyentu a dikine n ti dukanu kidiya kwadu. Amin.

⁷Dang n kin kibedu a titwini! N kawure ka ku kinu. A ne bwin bibu a kur kinimu. Kuuti a titiniyu ka ki wii kini furi kilin dine kine. Kikumang! Ka kadi yiko. Amin.

⁸N Kwama Tewuduwe a fwa ko, "M min nang mwekiku n ti swangkiku, m min nang wu kikange, n ti wu a dilewe, n ti wu ka kilade, naba Dukane Kwang."

Dwakam biyilim Masiya bibu a Kwamamu

⁹M min n Yowana ke chin. We din Yesunu, n chini a fiwiine we nwe riye, we Yaa Kwama n ti bwanu wu a muku nirange we diyal Yesunu. Nibu a yikani kini min a bekune Fatmose dine min ma dimwar yam bilimine n ti dimwar minu a diYesuwenu.

¹⁰We di Kwama, Fikim Kwamamu a be we dimine, n nwe keer didun yinang sum we kuteng mangu,

¹¹didu a fwa ko, "Mwal a takida chi mwang kuutu, tum nibu min we kambi Kwamatu tidibiinitu min. Ka nang chikiye, Afisa n ti Simirina n ti Birkamu n ti Tiyatira n ti Sardis n ti Filadelfiya a swantina Lawudukiya."

- ¹²N sabran mi mang dang nii kifwa mi yame, n ku tikwali sinariyaiti tidibin.
- ¹³We tibe kichitu we, n ku wuka yinang Bwe Nii “Bwe Nii” Din didu n Yesu a yo yiki mini, kini luke wu swame wu a swatuwe time. A mu dikirin sinariyan we kwiye ko.
- ¹⁴Dur kinu n ti rii kitu a fwiye ni mwe yinang fibin n ti talluken. Nui kiyu yinang ben kirang.
- ¹⁵Nani kiyu kiyiladu yinang tagula wukwasire, wu naba kube a swa kwada ko. Ker kinu yinang dir nabwe mwe kisudusuwe.
- ¹⁶A tau kiswiti yidibiin we kang kiyilang kangu. Dikwal Kwamanu a chire we yiiko yinang kul didu kini yiiniyu a machamini yurau. Kabu ko kiyiladu yinang yo di a fi kibisa time.
- ¹⁷Yo mang ku kine, n yar we kakku kangu yinang wu bware. Yinu n kin a yo kang kilang kangu we bwi miyu ko, “Nwedu tayi we, min nang wu kakke, min nang swangkute.
- ¹⁸Min nang wukure! M bwa, aya dang kikanu mini kini tikuri kidiya kwadu. Tintine, mini kini dukan we bwa n ti fi bibwarimu a mura mine.
- ¹⁹Mwal chi mwang kuutu fal, titu a fwetu n ti titu ka fwedu a bwa kakketu.
- ²⁰“Chi kiswitiyi yidibiin mwang ku a kang kiyilang mang kiyungditu, n ti chi tikwali sinariyati tidibiin titu kini kiyiye kiyungditu nang titu. Kiswitiyi yidibiiniyu, a ti we nibu titumbirimi bidibiin bibu a kambi Kwamamu. Tikwali sinariyati tidibiinitu a ti we a kambi laditi tidibiin.”

Dwakam 2

Ditumbiru a yika Afisanu

- ¹Mwal naba titumbiri a Kan Kwama didu a nibu Afisa min mwi:
- ²M yim chi n tin nibu buntikimu a Afisa timaditu. N ku yinangu tikwartadu we nangangu n ti bwanu chin. N yim a ne ta ma bwanu kini wari nibu bibwilamiyu. N swaka bibu kiyidu ko n chi fandubu aya n ke kinimu. N ya chi nibu tikwanim
- ³N yim, m ma bwanu, m mun mu niru n nwe riye dine min, mun wengi chik mwang kilabu kuteng.
- ⁴Aya chi mang fwadu a dur mune nang titu. Mwang milaibu yinangu no a mwan mwengu.
- ⁵Dang! Yaremo a ma nabwen. Wokitim, kilatewe buntiki mwangu ferediyangu ka a newe yiko, mang ya bwa a dichine mang wela chinu, mang chaku fitila chin we fi a no wemine.

⁶Aya a lemi we ðimune nangu mwan ko dati Nikolatiyangu yinangu mang ko tinangu.

⁷Wu k_{ini} k_{teliye} a dakan ka nwe chi F_{ikim} Kwamamu kifwa n_{ibu} a kambi Kwamatu m_{inde}. Nii wu ka chau k_{ila}, mang ni k_{in} ða_a ka chadu we tiyang t_{ikuriyangu}, ka nang chikiye, bwa lon Kwama.

Ditumbir da yika Siminanu

⁸Mwal naba ðitumbiri Kwama wu kan Kwamanu a n_{ibu} S_{imirina} m_{in} mwi: B_{ibu} nang y_{amu} a wu a tiye kakke n ti wu ka swant_{ine}, wu a bwa a kuntuwe.

⁹N yim riye mwang lenge n ti kwalan mwitu. Aya k_{ini} yiko m muni k_{ini} kulit_{itu} a F_{ikim} Kwamamitu! N yim y_{ami} sw_{aba} ku n_{ibu} k_{ifwadu} a dur muniyu, n chi b_{ibu} k_{ikudu} ko n chi Yafuda b_{isuturim} Kwamamu. Aya a newe yiko, n chi a k_{ila} nangin Setan.

¹⁰Nwedu tayi riye wu mun yadu mwang nwede we. D_{ang}! N Setan kiyadu ka ð_{iku} b_{ikam} chimu a ð_{ibintil} ka swe ch_{inu}, ta le riye fumake wu a wanditiye. Aya ka n tii k_{iringe}, kasi no a yii bwange, mang n_{in} ð_{ikirin} t_{ikuri}.

¹¹Wu k_{ini} k_{teliye} a nwe chi F_{ikim} Kwamamu kifwa kambi Kwamatu m_{inde}. N_{ibu} ka ma k_{itimemu}, bwa wu robe a ne twai chidu.

Ditumbir da yika Birikanu

¹²Mwal naba ðitumbiri Kwama wu a kan Kwamanu a n_{ibu} B_{irkamu} m_{in} mwi: B_{ibu} nang y_{am} k_{imu} wu k_{ini} ð_{ikwal} Kwaman yinang kulu bal_{intii} turau k_{ini} cham_{inu}.

¹³N yim fi mwang swe m_{ine}, n swe a b_{inu} Setan k_{imang} mat_{ine}. Aya k_{ini} yiko, mun bumit_{inu} k_{ini} biyil_{im}. T_{intine}, keku biyil_{imangi} wengi kus_{ikus} we fi fakware k_{imang} mat_{ine} kasi no n nang k_{idangu} n Antifas, naba nanganmi wu n_{iri} diine a bwa we b_{inu} fakware k_{imang} mat_{in} kite.

¹⁴Kasi k_{iki} yikongu, m m_{ini} k_{ini} y_{am} we dur muni bayim. N du b_{ikam} we tibe ch_{in}, b_{ibu} k_{ibunt} miyaku Balaam, wu a miya Balak m_{in}, yinu a yo n_{ibu} Yisrela a ma k_{ile}, a chau chabtu t_{itu} n_{ibu} a ma t_{iyobi} m_{in} niku k_{initu}. Yinu a yo n chi a mat_i t_{ikuli}.

¹⁵A lakabu t_{in}, muni k_{ini} b_{ibu} k_{ibunt} miyaku Nikolatiya.

¹⁶Wo k_{itim}! Ka a newe yiko, a ne ti ke mang ya bwa a ðimune mang makadu n ti chi k_{ini} dukan ð_{ikwal} Kwamanu yinang kul ka chiru a yiinu.

¹⁷Wu k_{ini} k_{teliye} a nwe chi F_{ikim} Kwamamu kifwa n_{ibu} a kambi Kwamatu m_{inde}. Kanang wuwule niye wu ka chau k_{ila}, mang ni k_{in} manna n ti kale dukane wu mwemwe k_{ini} ð_{in} ð_{ifwin} we bwikiye, kana wu ka yidde a yim.

Ditumbiru a yika Tiyatiranu

¹⁸Mwal naba dītumbiri Kwama wu a kan Kwamanu a nību Tiyatira mīn mwi: Tītu nang tīkwali yīi Bwe Kwamatu, wu nui kiyu yinang ben kīrangine, naniyu yinang takula wu ni a kwasukwase.

¹⁹N yim nangin mwitu, mīlaku mwangu n ti keku biyilimang mwangu. Nangang Kwama mwangu n ti bwanumo, n yim tīn mun funtībwi a la kīdangu no mwang kunengu.

²⁰Aya a mwintuwe, mang fwa bību we dur munu. N du Yesebel naye wu kiyal dur kīnu ko faku we. Dīne chi n kīn kīmiyade, kībutu nību kīmana tīkuli, kīchatī chabtu tīyobi.

²¹N ni kīn kīswi mi a wo kītīm, aya n kīn a ko kībakka tīkuli.

²²Mang yo burang kīkwanang ka tau kīnu. Bību kīma sulai waremu mang ni chi riye wuduwe ka lamīntī yo n chi ka wo kītīme.

²³Mang chīu bību kībuntī yiikomu, yinu nību buntīkīmu ka yindu ko m mīn nang wu mīn ku nītu nībitu n ti tīkuran chite. Mang ni kawure kītīme yinangu kwāmbir kīn a yungyangu.

²⁴Kīkangu mīn fwa chimīnu n tīn bīkamu a Tiyatīramu, bību a buntību miyaku kīkusangu kīku a naye wangu, ta miyabu chi bību kībuntīnīmu kīyiidu ko “tīlairi Setan tītu a ma swan”. A ne mang yo chimīn kaang tureng.

²⁵Chi mang yi chīne, tītau keku biyilimang changi kīrīng a lamīntī yo mang bede.

²⁶N kīn wu ka chau kīla ka lamīntī yo mang kīladange, Mang ni kīn dukanu ka ma matīn kuuti.

²⁷Ka ma matīntu kīni kītwalang makka. Ka wure chidu yinang kubi swani.

²⁸N chi kanodu kīni duum dukanīmu mang yiuwe a dī Temiyemu. Yinu mang ni līmangu yinang kīswi kīchiredi kunsine.

²⁹Wu kīni kīteliye a nwe chi Fīkīm Kwamamu kīfwa nību a kambi Kwamatu mīnde.

Dwakam 3

Dītumbiru a yika Sardisīnu

¹Mwal naba dītumbiri Kwama wu a kan Kwamanu a nību Sardise mīn mwi: Bību nang yām nii wu kīma matīn Fīkīm Kwamami bīdibiin bību kīma Kwamam mīn nanganmu, wu a tau kīswitiyi yidibiiniye. N yim daamo. Mun yadu yinang wu a tau buntīku yinange aya n yar we buntīkīku!

²Kun we yare! Do tītu a du we nīr a mwatan ka bwaditu. Dīne wāremo a tibebi deer we kakku Kwama miyangu.

³Dine yiko, kuri kini chi mwang mwe mwang nwe, tabbi kiring, wo kitim. Aya ka mwang kunbe, mang bedu binabina a ne mwang yindu, yinang beku daaku.

⁴Aya bikam we n chi bayim we Sardis bibu a kaiyabu we buntikimu. N chi ka bungadu n ti min kini kulini mwe dine n chi kini da ka madi yiko.

⁵N kin wu a chau kila, a ne lakadu n ti chi, ka do kulini mwe. A ne mang chiu din kinu we tikuriye. Aya mang ni Temi din kinu n ti nibu titumbiri kimu we dimwatake.

⁶Wu kini kiteliye a nwe chi Fikim Kwamamu kifwa nibu a kambi Kwamatu minde.

Ditumbiru a yika Filadelfianu

⁷“Mwal naba ditumbiri Kwama wu a kan Kwamanu a nibu Filadelfiya min mwi: “Bibu nang tikwali yii kitu n kin Kwama n ti wu kifwa biyilime, wu a tau mangsoli Faku Dauda. Chi n kin a wude, a ne wu ka yingede we. Chi n kin a yingene a ne wu ka wudude we.

⁸N yim nangin mwiti kwang. N yim mun n ne dukan we. m Bunti tikwali yii mitu, mwang kilabu kuteng. N wudu min kwaru we kakku mwangu didu a ne ni ka yingede wenu.

⁹“Mang ya bibu kibunti kan muraki Setan mu, bibu kimwe tikwanimu, bibu ko n chi nibu Yafudam aya n ke kinimu ka bedu ka sung tinu a nani mwi. N chi kwang ka yindu ko m mila mun.

¹⁰Dine mwang tau kikure mi wu mang yan mi mu niri kwinge. Tintine a ne mang dudu chi ka twaiyinu we kidang kikume wu yaka bedu we titiniti kwange ke a swaka bibu we titinimu.

¹¹A ne tike, mang bedu. Tau chi muni kin a nire ke ni a yitinu dikirin matinin munu we.

¹²Bibu ka chau kilamu, ka kau chi kini we Kan Kwama didun Teminu. Nii wu a ne dumin fiko we. Mang mwal kimin din Kwama minu n ti bin didun Kwama minu, Wurchalima wufwiye, wu ka suwe timu, kibedu a bwa diKwama. Tintine mang mwal kimin din difwin minu.

¹³“Wu kini kiteliye a nwe chi Fikim Kwamamu kifwa nibu a kambi Kwamatu minde.

Ditumbiru a yika Laudukiyanu

¹⁴“Mwal naba ditumbiri Kwama wu a Lawudukiya min mwi: “Bibu nang yamu a chire a wu nibu kiyalu ko Amin ne, n kin wu niri diin kini biyilime, wu kima matin chi kini tikuriye kwange.

¹⁵N yim nangin mwitu, mun n ke nii kima kwambire mwe n keti wu a mabu kwambire mwe, no n ke mwang kadi wiin, ka wukange.

¹⁶“Aya yo mwang yimbu fi mun we mīne, mun n ke nii kīma kwāmbire mwe n keti wu a mabu kwāmbire mwe, mīn yadu mang tībīnu a bwa.

¹⁷Mun rīkadu mwi m mun ya, mwi muni kīni kulīn, a ne chi mun badditu we. Aya mwang yimbu mwi m mun fula wu kuse, chi kībuneī, m mun bune, m mun kīdu, m muni twatwad.

¹⁸“Dīne yiko, mang fwa mīnu, taṅ sīnariya a dīmīne, wu a ya swaku a kīrange, ke n ya kuli tītu a nīritu ke n yatī kulīn dīdi mwe mwang dodu mwang swen dibwi bwi mwiye wu twatwadu. Taṅ yinangu we dīmīne ke n fwal we nuyu n kudi.

¹⁹Mīn kwabīdu, mīn wela bību mang mīlanīmu. Dīne yiko, mwang funtībwi, mwang wo kītīm.

²⁰“Dang! N ti a fi we kwaru mīn yal chi. Ka n nwe diyāl mīnu n wudīmī kware, mang le nīr munu, ni kera chitu ware yinang fatībū.

²¹N kīn wu ka chau kīla, mang ni kīn da ka swedu n ti mīn we kīdīng matīnangu, a ne lakadu yinang mang chau kīla mang swe ware n ti Temi we kīdīng matīnangu.

²²“Wu kīni kīteliye a nwe chi Fīkīm Kwamamu kīfwa nību a kambī Kwamatu mīnde.”

Dwakam 4

Siiku a bwadi

¹A kuteng kīku, n kutī tīkan chi tītu yaka fwedi, n ku kwār a wuden we bwadi. Dīkan ker dīdu kīchiredu yinang sumīn, dīdu mang wi man nwe kīfwamīdu ko, “Fīle fi, mang yungīn chitu yaka fwedu a kuteng kīkitu.”

²Bīnabīna, m mīna Fīkīm Kwamam, n ku we bwa diye kaang kīdīng we kīni wuka nii a swe we.

³Wu a swe we fiko kiyiladu yinang makka wu nību kiyalu ko chasfa n ti karneliya. Kīdīng kangu a kanani kīni kiyang kīku kiyiladu yinang kale nību kiyalu ko sumurdu.

⁴We kīdīng matīnangu, tīkan tīdīngri matīni we wan turau chiri yana, ka nang kīklīle kīdīnge we tīdīngri tītu, selību nangam wan turau chiri baana a swe we kīni kulīniti tweng n kawure kīni dīkīrīn sīnariyan.

⁵We kīdīng matīnang kīku, kiyileti kīchireduwe n ti kiyale, fitīlati yidibiin kītaddu. Bību nang Fīkīm Kwamami bīdibiin bību kīma Kwama mīn nanganmu.

⁶Tīntīne we kakku kīdīng matīnangu bīkurīm we kīni kwalangi kakku n ti kuten, tīkan chi we tītu yinang far dīdun kīlasīn, kiyiladu yinang betī kali yilli.

⁷We b̄ikur̄im mu wukakke a yo b̄wiyu yinang turum, wurobe yinang betanka, wutare ko kabu yinang wu a niye, wunare yinang k̄isung k̄iku k̄iyada diyang.

⁸Kanang wuwule we b̄ikur̄im b̄ibi baanamu, k̄ini l̄abiyi yurukun, b̄wiyu k̄ini kwang ka nuyi a lanta mure labiye. Kum n ti kuko k̄ikau teni delaki ko, “Wu wauwade, wu wauwade, wu wauwade, Kwama Tewuduwe, naba dukane kwang wu a dilewe, wu k̄ik̄ange, nant̄i wu ka bede.”

⁹F̄ik̄im b̄ikur̄im b̄ibi baanamu k̄ikau teni dwiyeni n ti yiyu a r̄ikaki n ti d̄iwan a wu a swe a k̄id̄ing mat̄inange, wu we feredi k̄idiya kwade. A kuteng k̄iku,

¹⁰Sel̄ibu nanganmu wan turau chiri baanamu a sung kukus we kakku wu a swe a k̄id̄ing mat̄inange, a sii k̄in wu k̄ini t̄ikuri k̄idiya kwadite. N chi a fwal t̄ik̄ir̄ini chitu we kakku k̄id̄ing mat̄inagu k̄ikau tee ko,

¹¹“N lwe Tewuduwe n̄in n ti Kwama n̄in! mwang yiu dwiyentu, r̄ikak̄iku n ti dukanu. M mun nang wu mwang yo chiti kwange, yinu a k̄ikemo, n chi kwang mun yo chi.”

Dwakam 5

Takida daalke n ti Be Kwane

¹N ku takida daalke we kang k̄iyilang wu a swe we k̄id̄ing mat̄inange. A ri k̄ini t̄imwalantu kasi no k̄ik̄ile b̄alang, a tal k̄ini dukan kale.

²Yinu n ku nabwe ti naba d̄itumb̄iri Kwama k̄ima d̄imwar k̄ini ker d̄idun ko, “N wure a lwe ka wudu kale dukane n ti takida daalke?”

³Aya a ne nii we t̄it̄initu ka a bwa diye wu a lwe, ka a n̄ir d̄it̄ine, ka wudu takida daalke ka ka yidu ko ka dangde.

⁴N ki wii a tiibwi d̄ine a ne ni a lwe wu a dakan ka wudu takida daalke ka ka dangde we.

⁵Yinu wuka we sel̄ibu a ȳai ko, “Kidu wii we.” Turum wu a chire a kuu Yafuda a k̄if̄iku Dauda a chau k̄ila, n k̄in ka wudu kali dukan yidibiniyu yinu ka wudut̄i takida daalke.

⁶N dang, n ku Kwanu a ti k̄ido n ti fiswe maiye. B̄ikur̄im b̄ibi baanamu a kan k̄in a tibe n ti sel̄ibu. K̄ini k̄isumi yid̄ibin n ti kw̄alangi yid̄ibin, nang f̄ik̄im Kwamami yid̄ibin a tume we t̄it̄inite.

⁷N k̄in a be a d̄au takida daalke we kang k̄iyilang wu a swe a k̄id̄ing mat̄inange.

⁸Yo n k̄in a d̄au takida daalke, b̄ikur̄im b̄ibi baanamu n ti Sel̄ibu wan taana chiri baanamu, a sungeni kukus we kakku Kwanangu. Kanang wuwule k̄ini kw̄al a tabat̄i kutai sinariyai a ri k̄ini k̄inung k̄iki f̄ir̄fir̄ang, ka nang chikiye tw̄ab̄aku n̄ibu Kwamam.

⁹N chi k̄ikau te wu fwiye ko, “N lwe m̄wang d̄au takida daalke n lwe m̄wang wudu kale d̄ikwane d̄ine a no ch̄ine, n t̄an n̄ibu Kwamamu we ka nang k̄ikile k̄ikuwange n ti ka nang wuwule ȳiye, n ti ka nang wuwule kuuti ye n ti ka nang b̄ib̄ile n̄ibe k̄ini k̄ituum mum.

¹⁰M mun̄in yo chi a kau yaa fansetiye a nang sii Kwama n chi ka ma mat̄in t̄it̄initu.”

¹¹Yinu n dang, n k̄ila nwe d̄ikan ker d̄ida nabwe tuule n̄ibu t̄itumb̄iri Kwamam, kuniritu a ne kiku we, n chi a d̄ib̄il k̄id̄ing mat̄inangu n ti b̄ikur̄im b̄ibi baanamu n ti sel̄ibu b̄ibu.

¹²A kau teniyu k̄ini ker d̄idun ko, “Kwang d̄idu n̄ibu a ch̄ib̄inu a lwe, ka yiu dukan Kwaman n ti kulitu n ti kasantu n ti dukanu n ti rik̄ak̄iku n ti dwiyentu n ti delaku!”

¹³Yinu n nwe ka nang wuwule wukure we twiye n ti t̄imu n ti mure n̄ir d̄it̄ine n ti mweti yiduyu n ti kwal̄in chitu we fanti kwang k̄ikau teniyu ko, “Ni k̄in delaku n ti dwiyentu n ti dukanu, n k̄in wu a swe we k̄id̄ing mat̄inange n ti Kwanu k̄idiya kwadu!”

¹⁴B̄ikur̄im b̄ibi baanamu a yi ko, “Amin,” yinu sel̄ibu a sung we t̄imu a sii k̄in.

Dwakam 6

Kali dukani

¹N ku kangu Be Kwanu a wudu wuka kale dukanengu. N nwe wuka we b̄ikur̄im b̄ibi baanamu a fwa keru yinang k̄iyale ko, “Be!”

²N dang, n k̄ila n ku kwere wi mwe we kakku mangu! Wu a swe we k̄ini k̄ikaiye, n̄ibu a ni k̄in d̄ik̄ir̄in. N k̄in a chir yinang wu k̄ichau k̄ila, kek̄i chakakku k̄ini chaku k̄ilangu.

³Yo Be Kwane a wudu wurobe kale dukane, n nwe wurobe wukure a yi ko, “Be!”

⁴Yinu wukane kwere a chire, yi wur, n̄ibu a ni wu a swenga kwere dukanu ka d̄au l̄ime we t̄it̄initu ka yo n̄ibu ka ch̄ibe yichiyu a ne l̄ime we. N̄ibu a ni k̄in Kul d̄idun.

⁵Yo Be Kwane a wudu wutare kale dukane, n wutare wukure ko, “Be!” N dang, n ku wuka kwere k̄ili we kakku mangu, nii wu a f̄ile, k̄ini s̄ikeli ni sween chiye we fal̄ang kangu.

⁶Yinu n nwe t̄ikan chi yinang ker k̄ichiredu we tibe b̄ikur̄im b̄ibi baaname ko, s̄ane chame wu a sure a kubi wiin, yinu s̄ane yitta wu a cham bal̄ime wu a sure a kubi wiin. Aya t̄ikaiyu k̄inung Saitunangu we n ti mwe yinabiye.

⁷Yo Be Kwane a wudu kale dukane wu yana, n nwe ker wukure wu yana a yi ko, “Be!”

⁸N dang dii, n ku, wuka kwere yi bursin we kakku mangu, wu filenge, din kinu bwa, fi bibwarim kisweende kinabu kinu. Nibu a ni chi dukanu we time chi wiin a diya yana we titinitu, ke a chiu kini kul, n ti chuun n ti kikume, yinu n ti nai dikir.

⁹Yinu Be Kwane a wudu kale dukane wu yunuwe. We mure se Kwama n ku tikuri bibu nibu a chiben dine kimwa yam Kwamamu kini niri diine.

¹⁰N chi a kuku keru kini dukan ko, “Wa Tewuduwe naba dukane kwang, wu wauwade n ti wu kifwa biyilime, be mwang mwata nibu titinimu minu fere, kitumu n chi a kur we ninangu?”

¹¹A ni ka nang wuwule we tibe chi luke wu twenge. Yinu a yi tichi ko a fikani bayim ka laminti yo fatibu nangang chimu n ti kebu bibu nibu yaka chidimu yinangu a chiu bikamangu.

¹²Yinu fal n ku Be Kwane a wudu kale dukane wu yurukune, timu a mikan yinangu a fwebuwe. Dii a kila kabi kili yinang luke wu kiliye. Swangu a suten yinang kituum.

¹³Kiswitiyu we dii kifitadu we titinitu, yinang ka tikulan tiyang sinang tita bibi kitwakadu ka kifibe wu wuduwe a mike.

¹⁴Twiye a dalan yinang ka ni dal dibalang. Kanang didile kunne n ti kuni mwetu a chir we fanti chiyu.

¹⁵Yinu matim titinimu n ti matim biwutimu n ti biduum nibu kunnimu n ti kulimu n ti nibu dukanimu n ti bikami kwang kabiyu n ti bibu n ke kabimu, a laiyan tikunni n ti wureni.

¹⁶Kiyal kwantiyu ko, “Yar nimintuwe, tiyinge nin we kabu ni wu a swe a kiding matinange yinu n ti kabu Be Kwane.

¹⁷Ka di kifwini wubwila ko a be, n wure ka medu ka tidu?”

Dwakam 7

Nibu Kwama 144,000 ba ya kale dukane

¹A kuteng kiku, n kila n ku nibu titumbiri Kwamami baana a tiran we fwitineti yana a titiniyu. A tau kifibe titiniye ko ke bwila a ledu titinitu we ka mwetiye ka tiyang.

²Yinu n ku wuka naba ditumbiri Kwama a chire a twar kifil twiye, kini kale dukan Kwaman, a yal nibu titumrim Kwamami baanamu, bibu n Kwama a ni chi dukanu ko a kai titinitu n ti mwetiye n ti tiyang:

³Naba dītumbīre Kwama a yi ko, tīkaiyu tīmu we n ti mwetiyu n ti tiyang, lanta yo nang yo dīmwal kale dukane we kabīni nību nanga Kwamamu.

⁴Yinu n nwe nabwe nībe a ya dīmwal kale dukanīnu, kuniritu kul kīni tīwan taana chiri yana bību we kutiyi kub chiri yurau yiya Yisrela.

⁵We kīfīku Yafudangu, nībi kuniriti kub chiri yurau (12,000). We kīfīku Rubenangu, nībi kuniriti kub chiri yurau (12,000). We kīfīku Kād, nībi kuniriti kub chiri yurau (12,000).

⁶We kīfīku Acher, nībi kuniriti kub chiri yurau (12,000). We kīfīku Nafitaliyangu, nībi kuniriti kub chiri yurau (12,000). We kīfīku Manasengu, nībi kuniriti kub chiri yurau (12,000).

⁷We kīfīku Simiyonangu, nībi kuniriti kub chiri yurau (12,000). We kīfīku Lawi, nībi kuniriti kub chiri yurau (12,000). We kīfīku Yisakar, nībi kuniriti kub chiri yurau (12,000),

⁸We kīfīku Chabulum, nībi kuniriti kub chiri yurau (12,000). We kīfīku Yusufuwangu, nībi kuniriti kub chiri yurau (12,000), We kīfīku Benyami, nībi kuniriti kub chiri yurau (12,000).

Nabwe kītūu nībe wa kuutiye

⁹A kuteng kīku n dang, kīla n ku we kakku mangu, nabwe kītūu nībe wu nii a ne yin kide, bību a chire we ka nang wuwule kuuti ye, n ti kīkuwange, n ti ka kīkīle kīfīke, n ti nību, n ti ka nang wuwule yīye, a ti we kakku kīdīng matīnangu n ti kakku Kwannangu. A dora kulīniti wālāk n kawure kīni lwangīn tīkweni we fāliyu chiyu.

¹⁰N chi a bwe keme ko, “Yuku chirengu kīchiredu a dīKwama, wu a swe a kīdīng matīnange tīntīn n ti Be Kwane!”

¹¹Nību dītumbīri Kwamamu kīni kwang a tiran a bwal kīdīng matīnangi dībīl n ti Selību n ti bīkurīm bībi baanamu. N chi a sungen we kakku kīdīng matīnangu, kī sii Kwama.

¹²Kīfwadu ko, “Amin, delaku n ti rīkaku, n ti kasantu n ti tīwannantu n ti dwiyentu n ti dukan Kwamanu n ti dukan nīnu a da tību we dīKwama, a mwintuwe kīdiya kwadu! Amin!”

¹³Yinu wuka we selību a bīu mīn ko, “N bīwure bību kīni kulīni walakīm bību, n chi a chire a fīre?”

¹⁴N yi kīn mi, “Tete a mwang yimbu.” Yinu n kīn a yi ko, “Bību nang nību a chire we nabwe riye fumake wu a tītīniye. Dīne kītūum Be Kwanimu a nura kīleti chiyu a du chi wālāk.

¹⁵Dine yiko, N chi a tiran we kakku kiding matinangu, kima kimin nangang kum n ti kuko we se ko, N kin wu a swe we kiding matinange, n kin ka bulim chi kini tikni dwiyenyu yinang, ka to tin chidu.

¹⁶N chi a ne nweti chunu we kida, a ne nweti dimwenu we kida, a ne nweti kuko we kida, a neti wuka balbale ka twi tin chide we.

¹⁷Be Kwane wu a tibe kiding matinange n nang naba tore chi. ka yikadu kini chi a netibwi mwei. Yinu n Kwama ka musu chimin timweni nui chintu.”

Dwakam 8

Kale dukane yidibine n ti kwase sinariya

¹Yo Be Kwane a wudu kale dukane yidibine, bwadi a le sing a dau kitwalangu yinang dimwatar awa.

²Yinu n ku nibu titumbiri bibu a kakku Kwamamu, a ni chi sumiyi yidibin.

³Yinu wuka naba ditumbiri Kwama kini kwase sinariya wu kitwing kinung kiki firfirang, a be a ti we se Kwama. Nibu a ni kin kinung kiki firfirangu nabwen ke n kin a ketuwe twabaku nibu yinang Kwamamu, ka nidu we se Kwama sinariya wu a kakku kiding matinange.

⁴Ywanu kitwiing kinung kiki firfirangu n ti twabaku nibu buntikimangu a chir we falang naba ditumbiri, a fil a ya kakku Kwamang.

⁵Yinu naba ditumbiri a dau kwase kitwiing kinung kikii firfirangu, a ri kini kirang a sengu, a kure a titini. Kiyale a ngau n ti kebi tidi, n ti kiyilti, yinu timu a mika tin.

Sumi

⁶Yinu nibu titumbiri Kwamami bidibinimu kini sumimu a do bwiyu ka ku sumiyu.

⁷Yo naba ditumbire wu kake a ku sum ko, tarangkwa n ti kirang, a se kini kitum, a fwale we titinitu. Kirangu a twi time wiin we yitta wa dimbirme titiniye, time wiin wa yitta we tiyang n ti filinu n ti swakiku kini kwang.

⁸Wu robe naba ditumbiri Kwama a be ku wuko sum, tikan chi yinang kun didun, didu kichau kirangin, a mar kin a nabwe ti mwe la. Time wiin wa yitta we kangu balang mwe la a kau kituum.

⁹Time wiin wa yitta we chitu kini tikuri a mwetu a bwaran, yinu time wiin wa yitta we kwambiri mwenyu a fikoyu a twiyan.

¹⁰Yinu naba ditumbiri wu tare a ku wuko sum, wuka nabwe ti kiswi wu kichau kirang yinang kuniye a chire a bwadi, a yartuwe time wiine wa yitta a latie n ti netibwi mweyu.

¹¹Din k̄iswi wunu “Kadi” wiin wa yitta wu a mwetiye a suteni kadi, n̄ibu nabwen a no mwe wumu a bwaran, d̄ine kadiye ko.

¹²Wu nare naba d̄itumb̄iri a ku wu ko sum, a ngau t̄ime wiin wa yitta we kuko a wuren n ti swangu n ti k̄iswitiyu a suteni k̄ili a lam t̄ime wiin wa yitta. T̄ime wiin wa yitta we kuko a ne yiiku we n ti swangu a yibu k̄ini kum.

¹³N dang n k̄ila ku naba d̄itumb̄ire Kwama k̄ibw̄aladu a dii, a bwe keme ko: “A no ch̄in! A no ch̄in! A no ch̄in! K̄ikume a ya n̄ibu t̄it̄inimu, d̄ine sum wu n̄ibu d̄itumb̄irimi b̄ita yaka kuwede!”

Dwakam 9

Sumiya dubiyu

¹Naba d̄itumb̄ire wu nure a ku wu ko sum, n ku wuka naba d̄itumb̄ire yinang k̄iswi a swiye a t̄im we dii. A ni k̄in dukanu ka wudu k̄ibeke wu a bwang k̄iswam̄ange.

²Naba d̄itumb̄ire wu a wudu kw̄aru, d̄ikan yw̄an a chire yinang ka lo nii k̄it̄au k̄irangange. Yw̄an d̄idu a mwint̄in a yinge t̄wiye k̄ili.

³K̄ikwiti a chire we yw̄an d̄idu, a le t̄it̄initu, a ni chi dukanu tek̄inu yinang k̄inai.

⁴A yi ko a twaiyu fil̄inu n ti swak̄iku we n ti tiyang n ti ka t̄it̄ile t̄itu k̄ikiyedu a t̄imite. Ko a ya kana n̄ibu a ne kale dukane Kwama we tikabe chimu.

⁵A yibu chi ko a ch̄iu n̄ibu b̄ibu, aya a ni chi riye wu a swari tunuwe. Burang teku kw̄al k̄ikwitin d̄idu a lakanbu n ti yo k̄ina a teniye.

⁶We sw̄ar t̄iti tunutu, n̄ibu ka kedu ko chi bwadu aya a ne yadu, yinu n̄ibu ka bau bwa kw̄arikw̄ari aya bwa a ne bedu.

⁷K̄ikwitiyu yinang kweret̄i yiyu n̄ibu a do k̄iyaan kunni. K̄ini t̄ikan chi yinang tarati s̄inariya yiyu a matt̄ini we dutu chitu. Kab̄ini chiyu a chirka m̄in n ti n̄ibu.

⁸Rii chitu yinang t̄ita dutu nat̄ibi (ka nang chikiye k̄ini sw̄an), nuum chimu yinang b̄iba a turum̄im.

⁹A yinge kwini chiyu k̄ini t̄ikan chi yinang lukei k̄amb̄iri, labi chiyu k̄ingau diru yinang k̄irang kweret̄i yiyu k̄ini k̄arma d̄ib̄il̄in, a chir k̄iwulu k̄iya kunn̄in.

¹⁰N chi k̄ini yartu kite nii yinang k̄ina, n chi k̄ini dukan ka nwe n̄ibu m̄inu ka lam swarti tunu.

¹¹N chi k̄ini Mai k̄ima mat̄ine. Mai chi nang naba d̄itumb̄iri n̄ibu a ni k̄in dukan bwang k̄iswam̄ange. Din k̄inu k̄ini yii Yafudame “Abadon” K̄ini yii Yelenamu “Afoliyon” ka nang chikiye, “Naba k̄iyaye.”

¹²Riye wu kake a su, a kuteng k̄iku tikanti turabitu k̄ibedu.

¹³Naba dītumbīre wu nukune a ku sum ko, n nwe ker a chire we fwitīneti yanayu we se Kwama sīnariya wu a kakku Kwamange.

¹⁴Keru a yi naba dītumbīre wu nukune ko, “Mare nību dītumbīri fakwaremi baana nību a kwab a nabwe la Yufiritise!”

¹⁵Yinu a mare nību tītumbīri fakwarem bību n chi baanamu, dīne kīswi wu, dīne di wumu, dīne swang kīku dīne swar dīdu dīne ke a chīu wu wiin wa yitta we kuu nībe kwang.

¹⁶Yinu n nwe nību a fwami nabwe nību kunnīme, n chi kuniriti kub kīda kuniriti kub kīda yurau.

¹⁷We dwakam bīyilemu, n ku kwereti n ti nību kīfīlīm, a do lukei kām̄bīri yiyu kīni dīm̄wali wur yinang kīrangī, dīkanu dīm̄wali bungbung, dīkanu yinang fattu. Kanang wuwule kwere kīni duru yinang turum, kīrang n ti yw̄an n ti kīrang kīki balbalang kīchiredu we yiini chiyu.

¹⁸A chīu tīme wiin wa yitta we ku nībe kīni riye, ka nang chikiye, kīrang n ti yw̄an n ti balbale kīrang kīkwanange kīku kīchiredu we yini kwereti yiyangu.

¹⁹Nangkīn dukan kweretinu a yiini chi n ti yar chitu. Yar chitu yinang soti yiyu kīni duti. Kīma nangangi kīn kīnwe nību mīn burang.

²⁰Bīkamu kuu nībe bību a bwabu we riye wumu, bību a wobu kītīm a dubu chitu n chi a ma kīni fālī chitu, ka nang chikiye a dubu siiku kīfībtī yi bwilayu, a dutubu siiku dīyoru, nību a mubbi sīnariya ka asurfa ka takulla ka kale ka tiniye kwalīn chīnu a kubudi, a nwebu a yatību fimu.

²¹N chi a wo tību kītīm we chibeku nībangu n chi kīmadangu ka yimari chiye ka sulaiye ka kute.

Dwakam 10

Naba dītumbīre Kwama kīni be takīda daalke

¹Yinu kīla n kutī wuka nabwe ti naba dītumbīri Kwama kīni dukan kīsūwedu a twiye. A yingen kīni tītwinī yinu kīyang a sal dur kīnu. Kabu ko yinang dīi, yinu nani kiyu yinang kībni kīrangī

²N kīn a tau be takīda daalke wu a wudene we fālangu. N kīn a fīr nang kīyilang kangu a neti la, a fīr kīku a kwatakwelangu a tīm.

³A yal chitu kīni dukan, keru a chir yinang wīi turume. A kutengu n kīn a yalīn chiyangu, kīyalti yidibiin a nabītu keru kīni keme kuuu!

⁴Yo kīyalti yidibiin a ngau kere, n do bwiyu mang mwalu aya n kīla nwe ker a chire a bwadi ko, “Chi kīyaltiyu a fwaatu, mwaluwe, chi tīlairi!”

⁵Yinu naba dītumbiri Kwama mang ku a ti a nabwe la a kuku kang kiyilang kangu a dii,

⁶A twan chitu kini din wukure kidiya kwadinu, wu a yo titinitu n ti chi a murete n ti timu n ti chi we muretu n ti mwetiyu n ti chi we muretu ko, “A ne kaang kaiku kiswiyang we!”

⁷Aya yo naba dītumbiri Kwama wu nibine ka ku sum ko, tilairi Kwamatu ka tidi tas, yinangu a fwa nibu kimu fakubu minangu.”

⁸Yinu fal n nwe keru no mang wi mang nwenu, didu a chire a twiyenu a fwa mi yam ko, “Ya, yang yiu wu a wuden a kang naba dītumbiri Kwama wu a ti a neti la n ti time.”

⁹Yinu n ya bwa naba dītumbiri Kwama n yi mi a niye be takida dalke. Yinu a yayi ko, “Ngang n chau, ka madi kadi we fur munu, aya we yii mo ka madi yilim yinang rwi.”

¹⁰N yiu be takida daalke we falang naba dītumbiri n wu we yii mi a ma yilim yinang rwi. Aya yo mang miye, a ma kadi we fur minu.

¹¹Yinu a yayi tin ko, “A mwintuwe yan ma fakuitu we yam Kwamamu we kuuti nabwen n ti ka nang bibile kidum nibi me n ti yiinyu n ti matim mu.”

Dwakam 11

Nibu mwarimi burau

¹Yinu a ni tikan chi tisweri yinang swe. A yi ko ya n swe se Kwama n ti kiding se Kwamangu, n ki nibu ki sii Kwama a muremu.

²Aya a mwintuwe a ne mwang swe tantilange wu a filang Kan Kwama diduna Wurchalimanu. Dine n ni bwako a bibu a kuuti a kebu biyilim we diminemu. Bibu ka ni bini wauwadimu riye swartu wan taana chiri turau.

³Mang tum nibu mimi burau yaka ma fakui dimwar yam biyilim mimi siinimu. N chi ka do kulin furi kilin ka ma dimwar minu we ditiyu kuneng kini kuuliti turau kini wan turukun.

⁴Nibu dimwarim bibu nang tini setuniye yurabiyu n ti fitilati yurau a tiya a kakku Tewuduwe.

⁵Ka bikam kibaddu ka nwe chiminde, kirang kichiredu we yii kichati bikimu. Nang tiyangu nibu kibaddu ka chiu chinimu ka bwaradangu.

⁶A ni chi dukanu ka yinge twiye ke a swidu mwe we diti yikiyu n chi kima dimwar miniyu. N chi kini dukan we netibwiyu, ka sutedu ka kau kituum. N chi kini da ka yo dikume ka bulma titinitu we kidangu n chi kibadangu.

⁷Ka a ri d̄imwar ch̄ine, wuka nam ka chiredu a bwang k̄iswam̄ange ka kuladu n ti chi. Nam wu ka la chidu ka ch̄ibe t̄in chidu.

⁸Kwami chiyu ka dudu we w̄are ne lo a b̄in d̄idun d̄idu n̄ibu a kukan Yesu Tewuduwe. B̄in d̄idu ni swedi Sodom ka Masare.

⁹N̄ibu n ti kuuti n ti t̄if̄ik̄iritu n ti yiiniyu ka fwal nui chiyu kan̄in d̄ang kwami ziyu ka lam ditiyi yitta k̄ini d̄imwatar ka ko t̄in furku kwamiyangu.

¹⁰N̄ibu t̄it̄inimu ka ma t̄im̄ilan we bwa n̄ibu d̄imwar̄imi burab̄im b̄ibu. Ka ma mabwi, kan̄in nika k̄ilimang d̄ine f̄akub̄ibu burab̄imu a be d̄imwar a t̄it̄initu a ni riyemu.

¹¹Aya we kuteng ditiyi yitta k̄ini d̄imwatariyu, f̄ik̄im chitu a k̄ilatewe bwa d̄iKwama, ka le bwi chiyu, ka kunu ka tidutiye. Tayi yidui ka tau n̄ibu nabwen b̄ibu a ku chimu.

¹²Yinu f̄akub̄ibi burab̄imu a nwe d̄ikan ker k̄ini dukan a chire we bwadi ko, “T̄if̄ile fi!” N chi fal a f̄il we t̄it̄winitu a yika dii, fakwarbu chimu k̄id̄ang t̄ini ying.

¹³B̄inab̄ina n̄ibu a nwe t̄imu a m̄ikan k̄ini dukan, yinu t̄ime wiin wu a Wurchalima a kiyani k̄it̄ibu, n̄ibu kuniyi yidibiin a bwaran. N̄ibu a dubumu a nwe tayi nabwen. N chi a ni Kwama wu a diye dwiyentu yinang yinang.

¹⁴D̄ikumen d̄irob̄inu a su. D̄itar̄inu nang wu k̄ifunte bwi k̄ibedu.

Sumi yidibiin

¹⁵Naba d̄itumbire Kwama wu nibine a ku wuko sum. T̄ikan keb̄i k̄ini dukan a chire we bwadi k̄ifwadu ko, “Dukan mat̄inu a t̄it̄ini k̄ik̄anḡinu n t̄iu Tewuduwe chire n ti Masiya ka ma mat̄intu k̄idiya kwadu!”

¹⁶Yinu sel̄ibu wan turau chiri baana b̄ibu a swe a k̄id̄ing mat̄in̄imu a sung we kakku Kwamangu, a sii k̄in,

¹⁷k̄iyidu ko, “Mwang mabe, Kwama Tewuduwe naba dukane kwang, m mun wu we ferediye n ti k̄ik̄ange! D̄ine mat̄in̄ m̄witu mwan mwe mun maditu t̄idui k̄ini dukan.

¹⁸Kuu n̄ibu a yimbu Kwamamu a ri k̄ini k̄ifwini, Aya k̄ik̄angu, k̄iswi k̄ifwinimo a lam K̄iswi a lam wu mwang kaba b̄ibwar̄imu m̄inde, F̄akubu mumu ka ya sure chi, n ti n̄ibu bunt̄ik̄imu a nwe tayi m̄wiyumu. Sel̄ibu n ti bwes̄im k̄iswi a be wu ka ch̄ibe b̄ibu a ch̄iu t̄it̄inimu!”

¹⁹Yinu a wudu lo Kwama we bwadi, akwati wu a bw̄ak̄i we mure lo Kwama. A kuteng k̄iku, k̄iyile n ti keb̄i n ti ker k̄iyalti n ti m̄ikaku t̄imang n ti nabwe tarankwai.

Dwakam 12

Wuka naye n ti neti Soo wuduwe

- ¹Tikan chi t̄idui n ti chi k̄ataki a chire we t̄wiye. N ku wuka Naye wu a yinge yikiyu k̄ini kuko yinang kul̄in d̄idor̄ine, a fau nani kiyu a swang. We dur K̄inu, n k̄in a mu d̄ik̄ir̄in d̄idu k̄ini k̄iswitiyi kub chiri yurabin.
- ²Naye wu k̄ini lur d̄ibwilan, n k̄in k̄iki wi d̄ine yaka b̄idde, n K̄in k̄ima k̄itine d̄ine yaka b̄iu riye.
- ³Yinu n k̄ila n kut̄i t̄ikan chi t̄idui n ti chi k̄ataki a chire we t̄wiye, n ku neeti soo wuduwe yiwur a chire k̄ini dututi t̄idibin n ti k̄isumiya kub we kanang d̄id̄ile dure, k̄ini tara Mat̄ine we kanang d̄id̄ile dure t̄in.
- ⁴Dukan Yanḡinu a lam t̄wiye a mwate t̄ime wiin wa yitta we k̄iswitiyu a fwale a t̄im. Yinu soo a ti we kakku Nayewu ko ke k̄iwu bwenaye wu ka b̄idde.
- ⁵Naye a mwint̄in a b̄iu bwe wubare wu ka ma mat̄in kuu t̄it̄iniye k̄ini k̄itwalang makka, aya n̄ibu t̄itumb̄irim Kwamamu a d̄au bwe wu a yikan bwana d̄iKwama n ti k̄id̄ing mat̄inang kangu.
- ⁶Naye a wul nabwe d̄ichilanchangine, finu n Kwama a do k̄im̄ine, fi ka yaan toku ka lam̄inti ditiyu kunengi kiin k̄ini kuliti turau k̄ini wan turukune (1,260).
- ⁷Yinu kun a fwe we bwadi. M Makel n ti n̄ibu b̄itumb̄iri k̄imu k̄imakadu n ti neeti soo wuduwe. Soo wu n ti n̄ibu b̄itumb̄irim k̄imu a le kunnu yikul n ti b̄ik̄im b̄itumb̄irim k̄imu.
- ⁸Aya n̄ibu a la neeti soo k̄ini dukanu, yinu a kakat̄i n̄ibu t̄itumb̄irim k̄imu. A kuteng kun d̄idangu n chi a du bwadiye a newe a k̄ike chi.
- ⁹A tunge neeti so wuduwe a t̄it̄ini, kanang chikiye so wu n we ferediye. Wu n̄ibu kiyalu ko wubwilla kiyalt̄inu ko Setane. Wu a butu t̄it̄initi kwange. A tunge k̄in a t̄im n ti n̄ibu t̄itumb̄iri k̄imi kwang.
- ¹⁰Yinu n nwe d̄ikan ker d̄idun we di a t̄wiye ko, K̄ik̄angu yuku Kwamanuwangu n ti dukan k̄inu n ti mat̄in kitu n ti dukan Masiya a lwe. Nangk̄in, a tung ni k̄imai keme kebu n̄ime a t̄im n k̄in wu k̄imai keme kebu n̄ime we d̄iKwama kum n ti kukonge.
- ¹¹N chi a chau k̄ila we d̄ik̄ine K̄ini k̄ituum Be Kwanemu t̄int̄in d̄ine biyilimu n chi a mwamu. Nangk̄in n chi a m̄ilabu t̄ikuri chitu yinang a yo n chi k̄iwul tayi yinangu ka bwadangu.
- ¹²D̄ine yiko t̄ima furi mwen n t̄in b̄ibu a diimu n ti b̄ibu a swe we diimu k̄ini kwang! aya a no ch̄in t̄it̄ini n ti mweti yiduiyu! N Setan a be bwa d̄ich̄ine, k̄ini k̄ifwini d̄ine a yim k̄iswi ko a dubi bayim.
- ¹³Yo neeti so wuduwe a swaan ko n̄ibu a tunge k̄in a t̄ime, a ma nang a bituwe naye wu a b̄iu bwe wubare.

¹⁴Aya a ni naye wu lābiyi yurau yinang yiyu a k̄isung kuduwangi, ko ke a kun a wul nabwe d̄ichilanchangin̄u n̄ibu a do ka toon k̄inu swat̄iti t̄ita k̄ini d̄imwat̄are.

¹⁵Soo wu a toye, a fwale mwe we yiiko yinang wu a laa, ko ke a d̄au naye wu a yikani k̄in,

¹⁶Aya t̄imu a maka naye. T̄imu a wuden a no mwe so a fwale.

¹⁷Yinu so a ma k̄ifwini k̄ini naye yinang yinang, a kune ka ma d̄ikulanu n ti k̄ikuwang nayengu, kanang chikiye b̄ibu k̄ibunt̄i yil̄in Kwamatu, b̄ibu a yo n̄iri diin we yamu n Yesu a fwamu.

¹⁸Yinu soo wu a ti a k̄it̄iku laang.

Dwakam 13

Nai yuru a chire a ne Laa

¹Yinu n ku wuka nam k̄ichiredu a laa. K̄ini k̄isumiyi kubu n ti dut̄iti t̄idibiin, kanang k̄ik̄ile k̄isunge k̄ini d̄ik̄ir̄in mat̄in̄in. Kanang d̄id̄ile dure, k̄ini d̄in sw̄aba n̄in we d̄iKwama.

²Nam mang kuwe yinang mab̄il̄im aya k̄ini naniyu yinang yiyu a kada d̄ikire yinu k̄ini yii yinang turum. Neti soo wuduwe a ni nam wu dukan k̄inu n ti k̄id̄ing mat̄inang kangu n ti mat̄intu.

³D̄ikan dur we dutu nam wu tu, yinangu k̄ini d̄int̄ileng. Aya d̄int̄ile wu a mwint̄in a be. T̄itu a yar̄ t̄it̄initu yii, a yo n̄ibu a bulan k̄ibung k̄im̄in t̄inu.

⁴Kanang wuwule niye k̄i sii neti soo wuduwe d̄ine dukanu n k̄in a ni nam wunu. Yo n chi k̄isii nam wuwe, k̄ifwadu ko, “N wure k̄ini dukan yinang nam wu? N wure ka medu ka ma kunnu ware?”

⁵N̄ibu a du nam wu k̄ir̄ikadu k̄i sw̄aba Kwama. A du k̄in ko a ma chi n k̄in a kudiye we swartu wan taana chiri turabitu.

⁶N k̄in a fwa yamu k̄i sw̄aba d̄in Kwamanu n ti k̄id̄ing mat̄inang kangu n ti b̄ibu k̄iswedu ware we bwadimu.

⁷A du k̄in ko a ma kunnu n ti n̄ibu bunt̄ik̄imu, a chau k̄ila we dur ch̄inu. A ni k̄in dukanu we ka nang k̄ik̄ile k̄if̄ike n ti kanang b̄ib̄ile n̄ibe n ti kanang wuwule yiiye n ti kuuti.

⁸N̄ibu we t̄it̄inimi kwang ka sii nam wu, ka bwin ka b̄ibu d̄inbi chitu we tak̄ida t̄ikuriye, kanang chikiye b̄ibu a bunt̄i Be Kwane wu n̄ibu a bi feredi yo t̄it̄initu a tibu mwede.

⁹Ni k̄ini k̄itele a nwe.

¹⁰Wu a yo ka le dībintīle, ka letī dībintīlu. Wu a yo ka bwadu a kulle, ka bwadu a kul. Tītu kibau bwanu n ti keku biyilimang we bību kibuntī Kwamamu.

Nam wu a chire a tīme

¹¹Yinu n ku wuka nam a chire a tīm kīni kīsumiyi yurau yinang kīsumi kwani, kifwa yamu yinang neti soo.

¹²A ma nangangu kīni dukan nam wu kakke we kakku nam wukangu. A yo tītīnitu n ti nību we tītīnimu ko a sii nam wu kakke, kanang chikiye, wu dīntīle ko a tu a benge.

¹³Nam wu robe a ma chi kākāki tīdui we nui nībiyu. Kīmedu kīyo kīrang kīchiredu we twiye kīyii tītīniti wālīwālī we nui nībiyu.

¹⁴N kīn a butu nību bību a buntību Kwamamu kīni chi yar yīi tītu nību a du kīn ko a ma a nui nam wu kakketu. N kīn a yi nību ko a mu dīkan dīyor namīn dīdun yinang nam wu kakke, wu nību a ngau a dub ka dīfukēn, aya n we kīni tīkurite.

¹⁵A du nam wu robe ko a ni dīyor nam wu kakkenu Fīkīm tīkurim ke a fwa yam, yinu dīyor namīn dīdu a yi ko kanang wuwule niye wu ka kodu a ne sii kīne, ka bwadu.

¹⁶Nam wu robe a yo nību ko a kau kīkwai a fālāng kīyilang ka a ti kabenge, we selību n ti bwesīmu, naba kuli n ti dīlusanu, kābe n ti wu n ke kābe.

¹⁷N kīn a ma tītu ko ke wuka a yadu da a tānu chiwe ka ka feku chiye ka n ke kana nii wu kīni kīkwai nam we.

¹⁸Tītu kibau swaanku. Nii wu kīni swaanke, ka medu ka fwa chi kīkwai nam wu kīyungde, dīne kīkwai wu a dīn wuka nii, kīkwai ko n nang 666.

Dwakam 14

Kwanu n ti nību kīmu 144,000

¹Yinu n dāng, n ku Kwanu a ti a kun Siyona n ti nību kuniyu kuul kīni wan taana chiri yana bību a mwal dīn Be Kwanenu n ti dīn Te kīnīnu we ti kābe chi.

²Yinu n nwe dīkan ker a chire a twiye, kīngau diru yinang mwe kīsudu a la, yinang kīyale wu kīni diir nabwene. Keru mang nwenu yinang yo nību kīngau molotiye.

³N chi a kau te wufwiye we kīdīng matīnangu n ti kakku bīkurīm bībi baanamu n ti selību. A ne nii ka medu ka miya te wuko we ka n ke bību kuniyu kuul kīni wan taana chiri yaname bību a ya yuku we tītīnimu.

⁴N chi nang nību bību n Kwama a so chi a mabu yarimu, bību a ya yinang Kwamamu. N chi nang bību kibuntī Be Kwane kasi no ka yadi bwalemu, bību a

ya yuku we b_ikamu n_ib_imu, n chi nang b_ikak_imu ka le fa_la_la_lng Kwamang n ti Kwan_imu.

⁵N chi a mweenbu t_ikwani we, a net_i chi mwang tuun chide we.

N_ibu t_itub_irimi b_ita

⁶N k_ila, n ku wuka naba d_itumb_iri Kwama k_iyadu we twiye yinang k_ik_ale, k_ini d_imwar ya_m b_il_im k_idiya kwad_im, be ka fwa n_ibu a t_it_inimu n ti k_idum n_ib_imu n ti kuuti, n ti yiiniyu n ti t_intiyu.

⁷A fwa k_ini ker d_idun ko, “T_ini Kwama dwiyentu, dela k_in d_ine k_iswi mwatake a lam. T_isii k_in wu a yo dii n ti t_imu n ti nabwe ti laatiyu n ti net_ibwiye.”

⁸Wuka naba d_itumb_iri Kwama a nabe wukakke ko, “A yar! Babila b_in d_idunu a yar! N k_in a yo kuuti a no mwe yinabi a lwe bwitiyu d_ine nabwe t_ibwitan yari kite!”

⁹A kuteng k_iku wuka naba d_itumb_iri Kwama a bunte b_ikak_imu k_ifwadu ko, “Ka wuka ni a sii nam wu n ti k_iwulang kangu yinu a yiuti d_imwar k_inu we ti k_abe ka fa_la_la_lng,

¹⁰ni wuko ka le riye k_ifwini Kwama, d_ine k_ifwini ko a kaiyan. N Kwama ka ni chi riye k_ini k_if_ibt_i ben k_irangi we kakku n_ibu t_itumb_iri b_ibi wauwad_imu n ti Kwanu.

¹¹Ywa_nu k_ichiredu we fi n chi k_inween riyenu a ne riduriye. Riye a ne swe bunge wuka di we b_ibu a sii nam wu n ti k_iwulang kang_imu n ti b_ikami kwang b_ibu a yiu k_ikwai d_in k_ini_nu.”

¹²T_itu k_iyungdu a mwintuwe, n_ibu Kwamamu, ka mu n_iru we t_ifumantu k_ini bwanu. N chi ka bunt_i yil_intu, ka tidi k_ir_ing we keku b_iyil_imang chiyangu a d_in Yesunangu.

¹³Yinu a nwe ker a chire a dii ko, “Mwal mwi n_ibu delak_im b_ibu a bwamu, b_ibu k_ibwadu a d_in Tewuduwe mu, a tatuwe k_ik_angu a ne firufire!” F_ik_im a fwa ko, “K_ikumang, ka f_ikadu we riye chi, nangin chitu ka bunt_i chi.”

T_it_initu a lam kakku

¹⁴Yinu n ku chi ya_r yii yinang d_itwin mwen, we d_itwinu wuka ni a swe we yinang Bwe Nii, k_ini d_ik_ir_in s_inariya we duru n ti yunge wu k_ini chamme we fa_la_la_lng kangu.

¹⁵Yinu wuka naba d_itumb_iri Kwama a chire furtu we Kan Kwama d_idunu, a yal wu a swe a d_itwine k_ini dukan ko, “Chake yungemo, d_ine k_iswi kakke a lam, t_it_initu a bi a lam kakku yinang cham.”

¹⁶N k_in wu a swe a d_itwine, a swi t_it_initu k_ini yungeko yinang cham, a mur t_it_initu k_ini kwang.

¹⁷Yinu wuka naba d̄itumb̄iri Kwama a chire we Kan Kwama d̄idun d̄idu a diinu. A tatte wuko yunge.

¹⁸Yinu wuka naba d̄itumb̄iri Kwama a chire we se Kwama. N k̄in nang wu k̄ito k̄irangu ka twi t̄it̄iniyangu we se Kwama. A yal wu yunge k̄ini dukan ko, “Chake yungemo k̄ini chame n swi yinabe we t̄it̄initu, d̄ine t̄ikulan kitu a bi, di mwatake a lam.”

¹⁹Naba d̄itumb̄ire a mau yunge ko we t̄it̄initu, a swi yar yinabe we tiyangu, a kur chi a d̄ikulen, finu k̄ifwini Kwama ka yamm̄in chide.

²⁰N̄ibu nanga Kwamamu a faba n̄ibu b̄ibwilamu we d̄ikulenu a kuteng b̄inang. K̄ituumu k̄ichiredu sibsib we d̄ikulen d̄idu, k̄ifwadu a fwa laa wuswame wu swan̄ k̄inu a lam Kilomita kuuliti t̄ita, k̄isule ko ni fadu naniyi yurukun.

Dwakam 15

N̄ibu t̄itumb̄irimi b̄idibiin k̄ini a bwini chiyi yidibiin

¹N ku t̄ikan chi t̄idui, chi yar yii we di a twiye, n̄ibu t̄itumb̄irimi b̄idibiin̄imu a ti k̄ini bwini chiyu ka swan̄ndiyu n chi yidibiin. D̄ine nang fi n̄ibu ka kuun k̄ifwini Kwama wu ka swan̄inde.

²N ku t̄ikan chi yinang far k̄ilas̄in, a se k̄ini k̄irang. Yinu n kuti b̄ibu a ma k̄it̄ime we nam wu n ti k̄iwulang kangu, k̄ini d̄imwal d̄in k̄ine, n chi a ti we k̄it̄iku nabwe laa k̄ilas̄inu, k̄ini sumiyu n Kwama a ni chiyu.

³Kuuti k̄ikaba teniyu m Musa naba nanga Kwama a kaban ferediye. N chi a kabi ying k̄idela Yesu Mai wu yinang Kwane: “Tewuduwe Kwama naba dukane wu a lachiye, Nanḡin mwitu a dwiyen, chi yar yii! Wari mwiyu yiyu a n̄iri diin, yiyu a biyil̄imi Tewuduwe Kwama dilewenge.

⁴N wure a wulbu tayi mwiye, Tewuduwe? N wure a ne n̄in dwiyen mwite! Wu wauwade ka mun. Kuuti kwang be ka sii k̄inu, mwatak̄i mwang k̄iyilangu a chirengi kw̄arikw̄ari.”

⁵A kuteng k̄iku, n ku Kan Kwama d̄idunu a bwadi, kanang chikiye d̄ikur Kwaman, a wuden.

⁶N̄ibu t̄itumb̄iri Kwama b̄ibi b̄idibiin k̄ini bwini chi yidibiin̄imu a chire we Kan Kwama d̄idu, n kawure a do luke f̄ib̄ine mwe, wu wus̄ine, k̄iyila t̄inu yilane, n kawure a mu d̄ik̄ir̄in s̄inariya we kwiye.

⁷Yinu wuka we b̄ikur̄imi baanamu a ni n̄ibu t̄itumb̄iri b̄ibi b̄idibiin̄im̄ b̄ibu k̄ini kutai sinariyayi yidibiin yiyu a ri k̄ini k̄ifwini Kwama wukure k̄idiya kwade.

⁸Kan Kwama d̄idunu a ri k̄ini yw̄an d̄idu k̄iyungdu dwiyen Kwamatu n ti dukan k̄inu we fiko. A ne nii ka medu ka le Kan Kwama d̄idune we, a lam̄inti yo n̄ibu t̄itumb̄iri Kwamami b̄idibiin a ri k̄ini bwini chiyi yidibiiniye.

Dwakam 16

Kifwini Kwama a kutayi ȳid̄ib̄in

¹N nwe d̄ikan ker d̄idun a chire we se Kwama a bwadiye kiyi n̄ibu t̄itumb̄iri Kwamami b̄idibin̄imu ko, “T̄ikur kutai kifwini Kwamayi yidibiniyu a t̄it̄ini.”

²We n̄ibu b̄ibu, wukakke naba d̄itumb̄ire Kwama a ya, a kur kifwini Kwama wu a kwase ko a t̄it̄ini. Bumbi t̄itu k̄ini swale a chire we bwiti n̄ibu b̄ibu a yiu dimwal nam wunu n ti b̄ibu k̄i sii t̄in k̄iwulang kanḡimu.

³Wurobe naba d̄itumb̄ire a kur chi a wuko kwase kifwiniye a la wuduwe. Mwe a suten yinang k̄itum nii wu bwarem. Kwal̄in ch̄inu k̄ini t̄ikurinu we la wuduwenu a bwaran.

⁴Wutare naba d̄itumb̄ire a kur chi a wuko kwase kifwiniye a laa n ti bet̄i lati, n chi a suten a kau k̄ituum.

⁵Yinu n nwe naba d̄itumb̄iri wu dwiyen mwetitu a faḷang kange a fwa ko: “Bale mun mang mwatak̄i mwange a lele, Kwama wu wauwade, wu we feredi a ne sutekuwe.

⁶D̄ine n chi a kur k̄ituum b̄isutur̄im mume n ti faḷabu Kwamame, n ni chi k̄ituumu n chi a chiben n̄ibumu a no, ke a twai n̄ir ch̄inu. T̄itu a wura chim̄in bwi.”

⁷Yinu n nwe ker we se Kwama kifwadu ko, “We yiko, Tewuduwe Kwama naba dukane kwange! Mwataku mwangu a le, a da.”

⁸Wunare naba d̄itumb̄iri a kur chi a wuko kwase a kuko k̄iyii t̄ime, a ni kuko dukanu a twi b̄ibwilamu n̄ibu k̄ini k̄irang kangu.

⁹K̄irang k̄iku ka twi n̄ibu b̄ibwilamu, n chi a fwara yaḃi swaba ku we dur Kwamang wu a tau bwini chiyi kwange. Aya n chi a wobu k̄it̄im, a nit̄ibu Kwama dwiyentu.

¹⁰Wunure naba d̄itumb̄iri a kur chi a wuko kwase, we fi nam wu k̄imam̄in mat̄in kiye. K̄iliye a yinge yaa ko. N̄ibu b̄ibwilamu a k̄irtu nuum chimu d̄ine riye n chi k̄inwede.

¹¹N chi a swaba Kwama d̄ine burangu n chi k̄inwedangu n ti bumbi t̄itu a bwi chitu. Aya n chi a wobu k̄it̄im we chii n chi a matu.

¹²Wunukune naba dītumbiri a kur chi a wuko kwase a nabwe laa wuduwe Yufiritise. Tītu a yo mwe la a ku a do ware wu matim bibu a tinti yiyu a twarimu ka sudu ka yikan kitwale kini nibu kirang chime.

¹³Kila n ku kifibti yiyu a leblei yinang kinatatikuli. Wuka kichiredu a yii soo, wuka a yii nam we, wuka a yii fakubu tikwanimu.

¹⁴Kifibti yibwilayu nang kifibtiyu a ma chi yar yiyu. N chi a tiran we matim titinimu kini kwang, ka mur chiyedu dine kunnu a di kifwini wubwila Kwama naba dukane kwange.

¹⁵“Tidang min bedu yinang daaku. Nibu delakim bibu a swe kima kiyolang beki mangimu. Bibu a yo kulin chinu kidwan ko ke yayu a be kadu wu twatwadu kini dibwiye we.”

¹⁶Kifibti yibwilayu a mur matimu kini kwang n ti nibu kirang chimu a fi nibu Yafudam kiyalu ko Amekidon.

¹⁷Wunibine naba dītumbiri a kur chi a wuko kwase a kifibe tantilange twiye. Nabwe ker didun a chire we se Kwama a bwadiye, a kiding matinang kangimu ko, “A ri yiko!”

¹⁸Dine yiko, kiyile kiyaltiye n ti kebi n ti kiyaleti n ti mikaku timang kiduwang. Kiku mikaku timang a fwenbuwe feredi yinangu a mun min ni, a yo we titinitangu, mikaku timang kiku a bwilan.

¹⁹Dine mikaku Babilangu, timu a keran tinti yitta. Bintu kuuti titu kini kwang a wuren. Tikuran Kwamatu a kila Babila kiwukimin kitele ko ke a twai nir kinu.

²⁰Mikakiku a yo kunni titu a mwetu a twiyan, kunni tidityi kwang a twiya tin.

²¹Nabwe titi tarankwai yinang kali yiyu turengu a lam kilo wan tunuyu, kitwakadu we di a twiye a dutu nibi. N chi a swaba Kwama dine tarankwaitu kini chi riyetu a bwilan.

Dwakam 17

Naye n ti neti Soo wuduwe

¹Wuka we nibu titumbiri Kwamami bidibinimu kini kutai kifwini Kwamayi yidibiniyu a be fi a dimine ko, “M be, mang yunginu yinangu mang madu kini naye wu kima tikuliyengu. Wu kisweda fanti mweti nabweniyu.

²Matim bibu a titinimu a ma yaritu n ti kin. A yo ku titiniye kitosadu kini mwe yinabi wu a yarikiye.”

³Yinu naba ditumbire Kwama a dai a Fikim a yika dichilachangin. We bwako, n ku naye a swe a nam dikire wu wure, wu kini dutiti tidibiin n ti kisumiya kube. A bwal bwikiyu kini dimbiti kwebekwebe titu a swaba ku we dur Kwamanu.

⁴Naye wu a do kulini bungbungin n ti didi wurwurin. Kiyiladu yinang sinariya n ti kali yiyu a lelei n ti chi kilbukilbe. N kin a tau kwase wu a sinariya we falangu, kanang chikiye kiyung yami yibwilai n ti dutu titu a yari kitu.

⁵We tikabe ko a mwal din dilairimwu a ne nii ka kide we, “Babila wuduwe, ne tibaniye kwang, ne wu a chi tibwilaiye we titinitu.”

⁶N ku naye wu a ri fur kinu kini kituum nibu Kwamam, kanang chikiye, kituum nibu Kwamam bibu a mibani bobu kimwa din Yesunimu. Kangu mang ku kinangu a yari yii yinang yinang.

⁷Yinu naba ditumbiri Kwama a bu min ko, “A mayire mun yar yiiye? Mang fwamin yam bilairim naye wu mu n ti bibu a nam dikiremu wu n kin a fil kini dututi tidibiin n ti ksumiyi kube.”

⁸Nam dikire mwang kuwe, a no wukure, aya a newe kini tikuri kikangu. N kin ka chiredu a bwang kiswamang, ka yika bwanu n kin ka twiyande. Aya nibu kibunti da titini titimu, bibu nibu a no a mwalbu dinbi chitu we takida tikuriye a yo no a tibu yo titiniye, ka yar yii yo ka ku nam dikire wu a no bwa a chirtewe.

⁹Titu kibau kasn n ti tikuran tiyili tidi. Dututi tidibinitu, yinang beti kuni yidibin yiyu naye wu kimang matiniyu. Kiyung matim mi bidibiin.

¹⁰Tintine, dutu titi tidibinitu yinang matim bibi bidibiinim, bibi bunu we bibi bidibiinim a bwaranimu, wuka n we kima matintu, wuka a bebu didiin. Ka a benge, a mwintuwe ka ma matin kitu a ne tike.

¹¹Nam dikire wu a no kini tikuriye kikangu a ne tikuri we, nang wu naribe, aya a chire we yi yidibiniyu, tintine a tau ware kiyika bwa ka twiyande.

¹²Kisumiyu mwang ku kubiyu, yinang matim mi kubu, bibu a tibu mwe matinimu. Aya n chi beka yiu matintu ka madu a awa win n ti nam dikire wu.

¹³N chi kini kwang tikuran chitu kanodu a fiwiine, ka kedu ka ni nam dikire wu dukan n ti matin chintu.

¹⁴N chi ka ma kunnu n ti Be Kwane, aya Be Kwane ka chau kila dine n kin Tewuduwe wu a Tewuduwe n ti Mai wu a matime. N kin kanodu n ti biyalilimu n ti bisutirimu n ti bibu kibunti kinu kini niri dinimu.

¹⁵Yinu naba ditumbire a yayi ko, “Mwetiye mwang kuyu, n nang fanti sweri dibaniyu we ka nang bibile nibi n ti muraku nibang n ti kuuti n ti kanang wuwule yiiye.

¹⁶Nam dikire wu n ti ksumiyi kubu mwang kuyu ka ko dibannu. N chi ka wur kinu, ka wo kulinu ka du kini twatwadu. N chi ka wu nam ko, ka twidu a kirang.

¹⁷“Matimi kubumu ka madi ying dine n Kwama a yo chi a kur chi n kin kibaddu n chi ka made. Dine yiko n chi ka kekadu ka ni nam dikire wu dukan matininu.

N chi kanin ma nam dikire wumin kwambir ka laminti yo yam Kwamamu ka ride.

¹⁸Naye mwang kuwe kiyung bin didunu ka ma matin matim titinimu.”

Dwakam 18

Yare nabwe bin Babilane

¹A kuteng kiku n ku wuka naba ditumbiri Kwama kisuwedu we bwa diye kini nabwe dukane, tintine dwiyen kitu a yii titiniti kwangi waliwali.

²A fwa yamu kini dukan ko, “A yar, Babila bin didunu a yar! A kau lo wu a kifbti yibwilaye, n ti kanang bibile kiduum kinibi yibwilai yiyu a lebi dangke.

³N kin a yo kuu titiniye kwang a yar dine dwadi ko wu a lebe. Matim bibu a titinimu a ma yaritu n ti kin. Nibu kifeku kulinimu a kul we chi n kin kichidu dine nwe tame ko.”

⁴Yinu n nwe dikan ker a chire we bwa diye kifwadu ko, tichir mine we dikine nibu mim, ko ke kileti kiyu a bwitadu chin we, ko ke nibu a weladi chin we ware.

⁵Dine swan kileti kinu a bukan a lam twiye, n Kwama a tabibu ka wela kinu.

⁶Tima kimin chi a lebitu yinangu n kin a ma bikamu minangu. Tima kiyerangu kida yurau we chi n kin a maatu. Tiri kimin kwase kini mwe yinabiye wu dukan kinu a la wu n kin a niye nibe kida yurau.

⁷Ni kin riye n ti kaiyan nire yinang nabwe dwiyentu n ti nwe tame n kin a ni dur kine. We nir kinu n kin a kuku duru ko, M min Cheba mai naye, m min n ke nabune A ne mang mang furi kilinu we kidiya kwadu.

⁸Dine yiko, di wiin burang n ti bwa, n ti furi kilin ka lum kinu. kirang be ka twi kinu, Dine n Kwama wu a dang yinangu ka wela kinange n nang Tewuduwe kwang.

⁹Matim titinim bibu a ma yari waremu, bibu a nwe tamang ware n ti kinimu, ka kira wiini kini kemi we dur kinu yo n chi ka ku ywan kiranginu kichiredu we fi kitwin kine.

¹⁰N chi ka tidu kutan dine tayu ko ke chi letinu kirangu we n ti kin kanin yidu ko, A no mun! nabwe bin Babilanu. Wo, Babila, bin dwiyenin! Yaremo a be a awa wiin.

¹¹We yiko, nibu kifeki chimu ka kirati wiini kini furi kilin dine a ne ni ka tan chimin kuline we.

¹²Kulinitu yinang sinariya, asurfa, kali yi kilbikilbi n ti yidoriyu kali, kulin diyilinu, didi bungbunginu, fibin didi wusininu n ti didi wurinu, kulin n ti kanang wuwule kidum katakome n ti kulin num nakamin n ti kulinu a

swaswabe t̄it̄iniye n ti kul̄in kamb̄ir d̄irib̄inu n ti dik̄us̄inu n ti kul̄in kaliyu k̄iyiladu yilaneni kwang.

¹³N ti kul̄in; sinamon n ti kul̄in kwekwen n ti kul̄in k̄iranḡin d̄idi fir̄fir̄in n ti mur n ti luban n ti mwe yinabi n ti k̄inung n ti miim alkamam n ti k̄inuti alkamam n ti tant̄ikai n ti kwanti n ti siti n ti ket̄ikei kwerei n ti kab̄i kanang chikiye t̄ikuri n̄ibi.

¹⁴N̄ibu k̄ifek̄i chimu ka yi k̄inu ko, “Nabwe t̄ikulan tiyilintu mwang yotu n̄ir we ka twiyadu, t̄int̄ine kuli mwitu n ti kul̄in leran mwinu a twiyan. A ne mwang ya t̄inu we k̄ida.”

¹⁵N̄ibu k̄ifek̄i chimu, b̄ibu a ya kuli chitu we kul̄in d̄idu k̄ifeku k̄im̄ind̄inu, ka tidu kutan, d̄ine riye naye wu k̄inwede a yar chi yii.

¹⁶Kan̄in yidu ko, “A no mun! Nabwe b̄in Babila a no k̄ido ka san̄i wu a fib̄in d̄idi wus̄ine n ti luke wu k̄ini d̄imwali wure k̄idos̄a bwi kiyu k̄ini kul̄in s̄inariyan, n ti kali yiyili n ti kali yiyu n̄ibu a swaswabe.”

¹⁷A k̄itwalangi kiin, kuli chiti kwang a twiyan. “K̄ini b̄ibu k̄isi kwamb̄ire mwemu n ti b̄ibi kwadu k̄iya chidu we fikomu, n ti b̄ibu k̄iya chabtu chitu we mwemu lamu, ka tidu kutan.”

¹⁸Yo n chi ka ku ywan̄ k̄iran d̄idu k̄itwi Babilanu k̄ichiri wulakwulake, n chi ka yidu ko, “Nang d̄id̄ile b̄inu a no lam d̄ik̄inu?”

¹⁹N chi a fwal kur k̄it̄in d̄idu a furi k̄ilin we bwi chiyu, k̄ikirat̄i wiini k̄ibw̄akat̄i kemiyu k̄ini furi k̄ilin ko, “A no mun! B̄in d̄idun, Bwa n̄ibu kwamb̄ire mweti kwang k̄imang kuli d̄ine nabwe kul̄in k̄ine. A awa wiin, kul̄in d̄idi kwang a twiyan.”

²⁰T̄ima furi mwen, n t̄in b̄ibu a twiyemu! T̄ima furi mwen, n̄ibu Kwamam n ti fandub̄ibu n ti fakubu. N Kwama a ma k̄im̄in yinangu n k̄in a ma chim̄inangu.

²¹Yinu wuka naba d̄itumb̄iri Kwama a dau nabwe ti kale yinang ner a mar we nabwe ti laa, k̄iyidu ko. “Nang k̄iswi n̄ibu ka mang Babila k̄ini dukanu nabwenabwen, ka twiyadu k̄idiya.”

²²A ne t̄ikan kw̄ar̄in ngaki we, kono b̄ibu k̄ikaba tenim, ka b̄ibu k̄ikura chime, ka b̄ibu k̄iku sumimu we d̄imune. A ne wuka nii we wu ka feku chi a d̄imune. A ne d̄ikan diir d̄idu a kwaku chiyan we.

²³A ne ni ku t̄in wuka fit̄ila wa d̄imune we. A ne d̄ikan ker bwele k̄iyiu naye, ka fwan̄ d̄idu k̄i naden we d̄imune. D̄ine yo ferediye, n̄ibu d̄ibem mumu, nang b̄ibu k̄ima mat̄in we t̄it̄ini kwanḡimu, kuuti kwang a k̄itan d̄ine yimarichi mwiyu.

²⁴K̄ituum fakubu Kwamamu n ti n̄ibu Kwamamu n we b̄in Babilanu. n ti b̄ibu n̄ibu a chiben we t̄it̄inimi kwanḡimu.

Dwakam 19

Delaku Kwamang a bwadi

¹A kuteng kiku n nwe dikan ker didun we dii yinang muraku kiduwang kingau keme kifwadu ko, Dela Kwama! Yuku n ti dwiyentu n ti dukanu a diKwama.

²We biyilimu, Kabaku kangu kiyilang. N kin a wela kikule, wu a kai titinitu kini da yariye ko. N kin a ye nibu Kwamamu min kituuntiyu naye wu a kuriyu.

³N chi a kila ngauti keme kida ko, "Dela Kwama Ywan twiku kanginu kichiru kiyika twiye kidiya kwadu."

⁴Selibu wan tura chiri baanamu n ti bikurim bibi baanamu a sungeni kukus a sii Kwama, wu a swe we kiding matinange. N chi kiyidu ko, "Amin. Dela Kwama!"

⁵Yinu dikan ker a chire we kiding matinangu ko, "Dela Kwama chire, n tin nibu nangang Kwamamu, n tin bibu tinwe tayi kiyimu, bitirimu n ti biduumu."

⁶Yinu n nwe ker dikinu yinang tuule, yinang ker mwe kisudu a laanu yinu yinang yo twiye kimadi kuurkuur yo kima twiye, kifwadu ko, Dela Kwama chire naba dukane! Dine n Kwama Tewuduwe kima matinte.

⁷Ni ma furi mwen ni ma timilan. Ni ni kin dwiyentu! Dine tikali kinatu a be Kwanetu a lame, fwan kinu a tu a do bwi tikali kinayu.

⁸"A ni kin luke lili wu kilbikilbu a ne dutu we." Luke wu kiyung nangin tiyili titu a nibu buntikimitu.

⁹Yinu naba ditumbire Kwama a yimin ko, "Mwal, nibu delakim bibu n Kwama a yal chiye dine tikali kinatu titu a Kwanitu. N kin a sub ko, bibu nang kasi tikwali tiyili titu a chire a diKwamatu."

¹⁰We bibu yam n sung we kakku Kwamangu mi mang si kinu. Aya n kin a yi ko, "Maduwe yiko, dine m min naba nangange yinang mun n ti kebu mumu, bibu a tau dimwar Yesuni kiringimu. Biyilimu n Yesu a kwal ni minimu nang niku dukan mwakinu."

Ni a fil kwere mwemwe

¹¹Yinu n ku dii a wuden, wuka kwere a ti we bwako mwe. Din nii wu a swe wenu n yile n ti biyilim. Ki ma mwatakı kangu kini yile yinu kimati kun didu a yilen.

¹²Nuyi kiyu kiyidu yinang ben kirangin, tikirini matinitu we dur kinu nabwen. A mwalati dinbi we titu kana kin ka medu ka kidii.

¹³N kin a do luke wuswābre a kituume. Din kinu "N dikwal Kwaman."

¹⁴Nibu kunimu we bwadi ki nabi kinu, n chi a do kulın lilin didu a ne dutu we, kulın didu yimwemwen, a swe a kwereti mwemwen.

¹⁵Kul d̄idu k̄ini cham̄in k̄ichiredu we yi ko d̄idu ka chau k̄ila k̄in we kuuti. Ka ma mat̄in chitu k̄ini k̄itwalang makkang. Ka faba t̄ikulan yinabitu a kange Yinabiye wu a k̄ifwini Kwama naba dukane kwange.

¹⁶A mwal d̄in d̄idu we luke ko n ti markune ko: “Mai mat̄ime n ti Tewuduwe, Tewuduwe tiye.”

¹⁷Yinu n ku naba d̄itumb̄iri a ti a kuko, k̄iyale k̄isungt̄ikwasi we twiye ko, “T̄ibe, t̄ichau nabwe chabte Kwama a mar chim̄ine,

¹⁸bet̄i wu nam mat̄ime n ti wu a tikaketi n̄ibu kun̄ime n ti k̄ikati n̄ibu kunn̄imiyu n ti n̄ibu b̄ibu a di a kweretimu n ti b̄ibu k̄isii chim̄ind̄imu n ti n̄ibi kwang n ti n̄ibu b̄in̄imu n ti kab̄iyu, sel̄ibu n ti bwes̄im.”

¹⁹Yinu n ku nam d̄ikire n ti mat̄im t̄it̄inimu n ti n̄ibu kunn̄imu a muran, d̄ine ke chi ma kunnu n ti wu a swe a di a kwere n ti b̄ik̄imu n̄ibu.

²⁰Yinu a tau nam d̄ikire n ti fakubu t̄ikwanimu wu a ma chi yar yii d̄ine wuka nam d̄ikire. We chi yar yiitu a maatu a yo b̄ibu k̄ini d̄imwal nam wumum̄in t̄idui n ti b̄ibu a le bobu k̄i sii k̄iwulang niyange. A tau nam d̄ikire n ti f̄aku t̄ikwaniye a mar chi k̄ini t̄ikuri a far k̄irang d̄idu k̄itwidu k̄ini ben k̄if̄ibt̄i k̄irang k̄ikwanang.

²¹A ch̄ibe n̄ibu kun̄imu k̄ini kulu k̄ichiredu we yii ni wu a swe a kwere wu k̄ini d̄imwali mwenge. K̄in̄ibt̄iyu a wu nam chi yinangu n kawure a kudiyang.

Dwakam 20

Swat̄itu kuneng

¹Yinu k̄ila n ku naba d̄itumb̄iri k̄isuwedu a dii k̄ini masoli wu a bwang k̄iswam̄ange, a tatte neti maklane we fal̄ang kangu.

²N k̄in a tau neti soo wuduwe, kanang chikiye so wu n̄ibu k̄iyalu ko wu bwila k̄iyalt̄inu ko Setane, a kwau k̄in ka ma swat̄itu kuneng.

³A mar k̄in we bwang k̄iswam̄angu a yinge t̄in. N k̄in a ne ya da ka but̄it̄i kuu n̄ibu k̄ida ka lam̄int̄i yo swat̄itu kuneng ka ride. A kuteng k̄iku ka mar k̄inedu a bakswi bayim.

⁴N ku tid̄ingri mat̄ini k̄ini n̄ibu a ya da ka ma mat̄in̄imu a swe we. N k̄ila n ku b̄ibu n̄ibu a ch̄ibe chi d̄ine k̄ima d̄imwar yam Yesum, k̄imwat̄i yam Kwamamu, b̄ibu a siibu nam d̄ikire ka k̄iwulang kangemu, a yiu t̄ibu d̄imwal k̄inu we ti kab̄e chi ka fal̄angemu, n Kwama a yo chi b̄ikur̄im ka ma mat̄intu n ti Masiya swat̄itu kuneng.

⁵(B̄ikamu a bwaran̄imu a kunbu didin ka lam̄inti yo swat̄itu kuneng ka ride.) K̄iku nang kunku kwam̄iyang k̄ikakkangu.

⁶Nìbu delakìim bìbu yinang Kwamamu, n chi wetuwe bìbu ka mwe kunkìmu. Bwa wurobe a ne ya da we dìchiye. Aya n chi kano fanseti Kwamai n ti Masiya n chi ka ma matìntu ware swatìtu kuneng.

A chau kila we dìSetane

⁷Ka swatìti kunengitu a suwe, yinu ka mare Setan we kange ko

⁸N kìn ka chakakku kanìn butu kuuti kiyalu ko Kok n ti Makok we fwitìneti tìtìniyu kìn yanako. N Setan ka mur chidu kìn kwang a fi n chi ka mang kunne, n chi nabwen yinang yane wu a la.

⁹N chi a tìran we tìtìnitù, a kana bìnu n Kwama a mìlanìnu, kanang chikiye fi nìbu Kwamamu wemìne. Aya kìrang a chire a bwa diye a be twi fakwarbì bìbu.

¹⁰N Setan wu a butì chiye, nìbu a kwaban a mar a far kìrang kìkwanang. Nang fi nam dìkire n ti fàkubu tìkwanìmu wemìne. N chi kanìn nwe riye we fiko kum n ti kuko kìdiya kwadu.

Mwatàkìku ka swan mineng

¹¹Yinu n ku nabwe ti kìdìng matìnanng n ti wu a swe we kwangi mwe. Tìmu n ti tuiye a tuiyan, a kwala fi ka sweende.

¹²Yinu n ku bìbwarìmu, selìbu n ti bwesìm a ti we kakku kìdìng kangu, yinu a wudu tatìkìdayu, a wudu tì wuka takìda, kanang chikiye takìda tìkuriye. N kìn a mwata bìbwarìmu mìn, a buntì chi n kawure a ma a tìtìniye.

¹³Laa wuduwe a chake bìbu a bwaran a dìkìnemu, yinu bwa n ti futìtu a chake bìbwarìmu a dìchiyemu. A mwata kanang wuwule niyemìn yinanga dakanangu.

¹⁴A kuteng kìku, a mar bwa n ti futìtu a far kìran. Far kìranu nang bwa wurobe.

¹⁵Nii wu dìn kìn a newe takìda tìkuriye, ka martì kìn we far kìran didu.

Dwakam 21

Dii wu fwiye n ti tìm bìfwim

¹Yinu n ku dii wufwiye n ti tìm bìfwim. Dìne dii wukàre n ti tìm bìkàrìmu a tuiyan. Laati kwang a tuiya tìn.

²N ku Wurchalima wufwiye, bìn Kwamanu a chire we dii kìsuwedu. A dosan yinang na kwiye wu a do yikiyu kekì tekan n ti kwarta ko.

³Yinu n nwe ker dídun a chire we kìdìng matìnanng ko, “Kìkàngu n Kwama ka swedu ware n ti nìbu, n kìn ka swedu n ti chi, n chi ka kau nìbu kìm, yinu n kìn n kìfwan kanodu ware n ti chi, n kìn nang Kwama chi.

⁴N kìn ka musu chimìn tìmwenu we nuiyi chiyi kwang. A ne yam bwamu we n ti wiiniyu n ti furi kìlinu n ti burangu. Kwàlìn chìn dídun feredinu a su.”

⁵N k̄in wu a swe a k̄iḍing mat̄inange a yi ko, “Mang Mai kanang t̄it̄ile chiye t̄ifwi! Yinu a yit̄in ko, mwalmwale, yam b̄ibu biyilim ka fwedu.”

⁶Yinu a yiko, “A ri. M m̄in nang mwek̄iku n ti swangk̄iku. M mwe kanang t̄it̄ile chiye, mang swant̄i kanang t̄it̄ile chiye.

⁷Wu ka chau k̄ila k̄ini fakware ka chau kula wu, mang kau Tek̄in n k̄in ka kau bwemi.

⁸Aya b̄ibu a dum̄in d̄ine tayimu n ti b̄ibu a kebu biyilim̄imu n ti b̄ibu k̄iseta yiimu, n ti b̄ibu k̄ich̄ibe n̄ibumu n ti b̄ibu k̄ima t̄ikulimu n ti rib̄ibu n ti b̄ibu k̄isi d̄iyor n ti b̄ibu k̄imwera t̄ikwanimu n chi kwang ka le k̄irang k̄ikwanangu. Wu nang bwa wurobe.”

Wurchalima wu fwiye

⁹Wuka we n̄ibu t̄itumb̄iri Kwamami b̄idibiin b̄ibu a swan kute k̄ini kutai yiyu a ri k̄ini k̄ifwini Kwamayi yidibiniyu, a yim̄in ko, “Be, n yunḡin na kwiye Be Kwane.”

¹⁰F̄ik̄im Kwamamu a dai, n fwe a d̄ikan kun d̄idun n keb̄i swan, a yungi b̄in Kwamanu, Wurchalima wufwiye wu a chire a bwadi k̄isuwede.

¹¹B̄in Kwama d̄idi kwangi w̄aliw̄ali k̄ini dwiyen Kwamatu. K̄iyiye ko yinang kali yi wulib̄iwulibi n ti k̄iduum karfemu n̄ibu k̄iyalu ko chasfa yiyu yinang madubiyu.

¹²Yakwale b̄ine a su, kwat̄iti kub chiri turau k̄ini n̄ibu t̄itumb̄irimi kub chiri burau we kanang d̄id̄ile kw̄are. A mwal d̄imbi b̄intu a Yisrela we kanang d̄id̄ile kw̄are.

¹³Kanang wuwule fwit̄ine we fwit̄inetiyi yaanangu kanang chikiye, twar n ti twar wul̄in n ti kir kulanu n ti k̄itwale k̄ini kwat̄iti t̄ita.

¹⁴A ru tamme yakwale b̄ine k̄ini kaliyi kub chiri yurau. A mwal we kanang wuwule kale d̄in fandun we fandubu Be Kwanemi kub chiri burab̄imu.

¹⁵Naba d̄itumb̄ire wu a fwa yam n ti m̄ine k̄ini k̄itwalang sinariyang k̄iku ka swe b̄inu n ti kwatu kitu n ti yakwale b̄iniyu.

¹⁶Fwit̄ineti b̄iniyu a f̄iram̄in a fiwiine we swanu k̄ini kwang. N k̄in a swe b̄inu a ya swan b̄in̄inu Kilomita kuniriti turau k̄ini kuliti taana.

¹⁷Naba d̄itumb̄ire a swe yakwale, a ya swan k̄inu kuli diin k̄ini wan taana chiri yaana.

¹⁸A mu yakwale k̄ini karfe n̄ibu k̄iyalu ko, “Chasfa.” Wauwade k̄iyiladu yinang sinariya, yinang madubi.

¹⁹A do tamiyu a b̄in d̄idiyu k̄ini kanang wuwule k̄idum kale wuyileme. A ma tame mwem̄ine k̄ini chasfa, wurobe a ma k̄ini saffaya, wutare a ma k̄ini akat, wunare a ma k̄ini sumurrudu,

²⁰wunure a ma k̄ini onis wunukune a ma k̄ini karneliyan wun̄ibine a ma k̄ini kirisolat, wunaribe a ma k̄ini beril, wuturkube a ma k̄ini tofas, wukube a ma k̄ini daimon, wukub chiri wiine a ma k̄ini chasin yinu wu kub chiri yurabe a ma k̄ini ametis.

²¹Kwaṭ̄itu k̄ini kub chiri turako kana kali yidori, kanang d̄id̄ile kware k̄ini wuko kale. A ma nelo wuduwe we b̄inu k̄ini s̄inariya wu a kwaṭ̄ukwaḅe, yinang madubi.

²²Mang kubu Kan Kwama d̄iduna Wurchalimanu we b̄inu. Nangk̄in n Kwama Tewuduwe naba dukane kwange n ti Be Kwane nang kanu.

²³B̄in d̄idu a mabu nangangu k̄ini kuko ka swange, d̄ine dwiyen Kwamatu a kau kiyyiye. Aya Be Kwane a kau kiye ko.

²⁴Kuuti t̄it̄iniyu ka yadu we yiiku kangu, mat̄im t̄it̄inimu ka be b̄in d̄idu m̄inedu k̄ini kuli chitu.

²⁵A ne di kwaṭ̄u chitu ka yingede we, d̄ine a ne kum we bwako.

²⁶Kuuti yiyu a t̄it̄iniyu be ka ni dwiyentu n ti kuli chitu.

²⁷A ne danduritu ka le fikotu we. N̄ibu k̄ima chi dibwimu n ti n̄ibu t̄ikwanimu a ne le fiko. B̄ibu ka led̄imu kana n̄ibu b̄ibu d̄inbi chitu we tak̄ida Be Kwane wu a t̄ikuri k̄idiya kwade.

Dwakam 22

Laa mwe t̄ikuriye

¹Yinu naba d̄itumb̄ire a yungi laa wu a mwe t̄ikuriye kiyiladu yinang kali yili, k̄ichiredu we k̄id̄ing mat̄inang Kwamangu n ti Be Kwane,

²we tibe wuduwe nelo. We k̄it̄iku kanang wuwule laa, tiyang t̄ikuriyang we k̄iku k̄itu t̄ikulantu k̄ida kub chiri yurau we swar̄angu. Lwanḡin tiyangitu k̄ibe kuuti m̄in bumbi riyetu.

³A ne t̄ikan chi t̄itu n Kwama a ma k̄im̄in yiitu we, k̄id̄ing mat̄inang Kwamangu n ti k̄iku a Be Kwanengu ka swedu we b̄inu, n̄ibu nanga k̄imu kan̄in sii k̄inu.

⁴N chi ka ku kabu ko, yinu d̄in k̄inu kanodu we kab̄ini chiyu.

⁵A net̄i wuka kum we, a ne bakku k̄iyiyen we, ka kuko, d̄ine n Tewuduwe Kwama ka ni chi yiik̄iku. N chi ka chau mat̄intu k̄idiya kwadu.

⁶Yinu naba dītumbiri Kwama a yi mīn ko, “Yām bību ka biyilim, ka fwedū. N Kwama, wu kīma nangang kangu a fīkīm we fākube, a tume naba dītumbire, ke a yung naba nanga ko chi a mwintuwe yaka fwedū a ne tiketū.”

N Yesu ka kīladi datu

⁷“Dang, mīn kīladi daatu! Naba delake ni wu a tau tīkwāli tītū a chi a yaka fwede we takīda.”

⁸M mīn n Yowana, m mīn wu mang nwe, mang ku tīchitu we. Yo mang nwe mang kutīne, n sung kus we nani kiyu mīn si naba dītumbiri a tau kiyungi chite.

⁹Aya n kīn a yi mīn ko, “Maduwe yiko, m mīn naba nangange yinang mun n ti bīkamu kebu mumu fākubu n ti kanang wuwule niye wu a tau tīkwāli yiitu a takīda wutu. Sii kana Kwama!”

¹⁰Yinu a yimīn ko, “Laiyu tīkwāli yiitu a chi yaka fweditu we, dīne kīswi mwatawe.

¹¹N kīn wu kīma chi a lebe, n ti wu kīmwe tīkwaniye, n ti wu kītum biyilīme, a chakakku. N kīn wu kīma fiswe yinang Kwama a chakakku a nang madu.”

¹²“Dang, mīn bedi datu, mang bedu kīni kītīme, be mang nikadu, mang swe kawuremīn tīnu we chi n kīn a maatu.

¹³M mīn nang Alfa n ti Omeka. Kanang chikiye, m mīn nang wukakke n ti wu ka tālle, Mweku n ti Swangku.”

¹⁴Nību delakīm bību kībuntī yilīn Kwamatīmu. Dīne n chi ka ledū we kwātu bīnitu, ka chadu we tīkulan tiyang tīkuriyangitu.

¹⁵Nību bībwilamu kanodu a kuteng bīnang kanang chikiye ribību n ti kīkulbību, bību kīchībe nībīmu n ti bību kīsii dīyor n ti bību a mīlan chakku kakku kīni tīkwanimu.

¹⁶“M mīn n Yesu, n tum naba dītumbiri mi, ko ke a fwa nību mīn yām bību we kambi Kwamatu. M mīn nang buke kīkutīlīme Dauda wu yinang kī yinang.”

¹⁷N Kwama Fīkīm n ti nību kīmu yinang naye na kwiye we dīkīnemu a yi ko, “Be!” Tīntīne n kīn wu kīnwede a fwa tīn ko, “Be!” Kanang wuwule niye wu kībau mwe tīkuriye, a be, tīntīne, n kīn wu a ke kayidde, a yiu mwe tīkuriye līmang.

¹⁸M mīn n Yesu, mīn wu kītele we ni kīnwe tīkwāli yīi chi yaka fwede. Ka wuka ni a su chi we yām bībe, n Kwama ka su kīmīn bwini chi yinangu we takīda wuwangu.

¹⁹Aya ka wuka ni a chaku dīkan dīkwāl yīin we chi yaka fwede, n Kwama ka chaku kītīme ko wu a tiyang tīkuriyange n ti wu a bīn Kwamane, yinangu a swe we takīda wuwangu.

²⁰N k̄in wu a fwa ȳam b̄ibe, a yi ko, “K̄ikumang m̄in bedi daatu!” Naba mwalke a ke ko, Amin. Be Yesu Tewuduwe!

²¹L̄ime Tewuduwe Yesu a swe ware n ti n̄ibu Kwamamu. Amin.

Esclarecimento

Trata-se de iniciativa particular, com os seguintes objetivos: (i) colaborar para divulgação dos diversos textos bíblicos disponíveis, e, (ii) facilitar o acesso a esses textos, inclusive por meio de download.

Todo esforço em tornar a Palavra de Deus acessível a todos, em quaisquer localidades e falantes das mais diversas línguas, precisa ser um objetivo de todos os que são guiados pelo Espírito Santo. Ele inspirou o profeta Jeremias a dizer “não ensinará jamais cada um ao seu próximo, nem cada um ao seu irmão, dizendo: Conhece ao SENHOR, porque todos me conhecerão, desde o menor até ao maior deles, diz o SENHOR” (Jer. 31:34).

Jesus, também, falou assim: “e será pregado este evangelho do reino por todo o mundo, para testemunho a todas as nações” (Mat. 24:14).

Muitas organizações foram constituídas com o propósito de fazer a Bíblia disponível nas diversas línguas. Não é uma tarefa simples. Anos de trabalho, dedicação e entrega são necessários para esta tão extraordinária missão.

O texto deste trabalho está disponível na internet, em páginas eletrônicas de organizações que produzem ou divulgam bíblias, sem acréscimos de notas ou comentários. Assim, reconhecendo e respeitando os direitos que possuem sobre seus trabalhos, incumbe a todos os que amam a Palavra de Deus, o esforço em contribuir para amplificar sua divulgação.

Se possível, faça download do texto, para que sejamos, também, guardiões da Bíblia, e, com isso, preservando-a para as futuras gerações.

Divulga a Palavra de Deus, ela mostra o Caminho e permite a todos, que se conheça Sua vontade, em todos os lugares e épocas.

Marcel da Glória Pereira
2021, Vitória/ES - Brasil